






Early European Book. Copyright © 2013 ProQuest LLC.
Images reproduced by courtesy of The Wellcome Trust, London.
1412/D









Early European Books. Copyright © 2012 ProQuest LLC.
Images reproduced by courtesy of The Wellcome Trust, London.
1412/D


1412/

MSSAEVM

MAICHIARIANVM

VELONENSE

PLS
8/1/99
703



M V S A E V M
CALCEOLARIANVM.
VERONENSE.

M V S A E V M
CALCEDONIANVM
VERONENSE.





SERENISSIMO PRINCIPI
FERDINANDO
GONSAGÆ,
MANTVÆ, ET MONTISFERRATI
DVCI, &c.

Franciscus Calceolarius Felicitatem. P.




GO verò Clarissimorum Virorum
precibus tandem aliquando supera-
tus. FERDINANDE,


— *hominum, Diuiniq; voluptas,*

facere non possum, quin Musæum Calceolarium,
ab eruditissimis hominibus accuratè descriptum, stu-
diosis, & curiosis omnibus exponam: eiquè fau-
torem, & Patronum aduocem, qui illud studio
legere, iudicio probare, auctoritate illustrare,
virtute tueri facile possit. Tu autem, omnis
elegantiae, & eruditionis arbiter, vnus ex omnibus
occurristi, cui hæc omnia cumulatissimè suppetant.

Quòd


Quod si cum parentibus liberos, ac nepotes idem
sentire, & idem velle, congruum est; meritò,
exemplo commotus Aui mei, Fr. Calceolarij, in
Serenissimo Patre tuo VINCENTIO imis semper
sensibus colendo, Tibi, tanti Principis Filio, lite-
ratam Musæi nostri imaginem supplex, venerans
nuncupo, dico, dedico. Quam nè pro derelicta
habeas; sed potiùs perhumanus excipias, foveas,
defendas, si quâ opus, submisse deprecor.
Benè vale.

Veronà Kal. Octob. M. D. C. XXII.


[Faint, mirrored text from the reverse side of the page is visible through the paper.]

OMNIVM OMNIA
QVÆ SVB COELO
IN VTROQ; NEPTVNO
QVÆQ; IN TERRIS EDITA
ET INDE ERVTA
DISPERSA ET DISSIPATA
FR. CALCEOLARIVS
ANGELI F. FRANC. N.
CONGESSIT
MIRO ORDINE ANDR. CHIOCCVS
MED. ET PHILOS. V. C.
IN TANTA RERVM RAPSDIA
OMNE TVLIT PVNCTVM.

*Jo. Iacobus Veschenius de
Joannandreis Iuris
Vtriusq. Doct. Veron.*

In Musæum FRANCISCI CALCEOLARII Veronenfis Pharmacopæi
præstantissimi, ab eodem summo labore, & artificio conditum, atq;
ab ANDREA CHIOCCO Med. Phy. doctissimo in codicem
redactum, & præclarissima explanatione illustratum.

IO. FRANCISCI RAMBALDI EQ. & PHIL. Epigramma.

Plaudat, Iò, mea Musa, suas iam repperit ades,
Antra Caballini, Pieriumq; nemus;
Errabunda diu quesuit, & anxia, demum
Letior in patrijs en sedet illa focus:
Musæum appellant, gratissima limina Musis,
Phocide amœna magis, culta Helicone magis;
Orbem quippè nouum genitum spectabis in Orbe,
Estq; mee fulgens urbis, & Orbis honos;
Hic miranda viget, peperit quæ lucidus æther,
Quæ peperitq; solum, quæ peperitq; salum.
Iam date FRANCISCO laudes, iam dicite cuncti,
FRANCISCI fœlix hoc ope surgit opus;
Quin BENEDICTO omnes benedicite, soluite carmen,
Ardua plana notis reddidit ille suis;
Addito & ANDREÆ præclaro dogmate nostri,
Laudibus innumeris nobilitatur opus.

Sopra il Musæo del Sig. FRANCESCO CALZOLARI.

DEL CAVALIER TODESCHI ACAD. FILARM.

VPIDO peregrin, che monti, e mari
Varchi tal'or à rischio de la morte,
Sol felice stimando la tua sorte,
Se scopri di Natura i parti rari.
A che pro consumando i giorni auari
Del Corriero del Ciel fatto consorte,
Giri per lunghe, ed or per vie distorte,
Dal fosco Ispan, sin'à gl' Eoi più chiari.
Raccogli i passi, e in bel Musæo rimira
Ciò che scherzando, o con oprar profondo
Fè la gran Madre in terra, in aria, in acque.
Unì FRANCESCO, ch' à la gloria aspira,
Tanto tesoro, indi mirar li piacque
Tutto raccolto in cella angusta il Mondo.

IN MUSÆVM HONESTISS. VIRI

FRANCISCI CALCEOLARII VERON.

Eiusdem opera, & studio varijs rerum, & naturæ
miraculis refertum. & ab Excellentiss. Viro

BENEDICTO CERVTO Med. & Phil. Veron.

scriptis eruditissimis elucidatum.

LEONARDI TODESCHII CANONICI VERON.

& Academici Philarmonici

EPIGRAMMA.



QUID QUID habet tellus, quidquid latet aquo-
ris imo,

Eximij athereo quidquid in orbe volat,

Natura sobolem, & raro miracula fœtus

Semine quæ vario prodigiosa parit,

FRANCISCI labor, ars, studium, solertia, sumptus

Conquisita diu composuere simul.

Hæc forulis capit ille suis digesta decentem

In seriem doctis conspicienda viris.

Hæc eadem, ne forte via fastidia quemquam

Impediant, multis situe senecta mora,

Ut pateans cunctis, seu qua non mobilis hæret

Vnda gelu, seu qua Sol cremat igne solum,

CERVTVS, calamo quo non præstantior alter,

Eruit è loculis quævis iacuerè diu;

Et cultis expressa notis dum vulgat in orbem,

Tantum opus, ecce sua, ne cadat, arte cauet.

Hinc licet addubites, cui gratia maior habenda;

Educat iste foris, quod parit ille domi.

CHAMUS



Εἰς τὸ ΦΡΑΝΚΙΣΚΟΝ ΚΑΛΚΕΟΛΑΡΙΟΝ ἀνδρὸς ἐπιστάτου, καὶ ἀρίστου κημείλιου, ἐν ᾧ δὴ
πολλὰ, καὶ πολυτίμητα φάρμακα κείμενα εὐρίσκονται.



ΜΗΚΕΤΙ Φόρκυνος λίμενος πολυύρατον ἄντρον
Εἶπατ' ὀμνρεῖα Καλλιόπῃ σώματι,
Γρον Νυμφάων, αἱ Ναιάδες καλέονται,
Εν δ' ἴσσι λίθου, καὶ ἀμφιφορῆς ἔσαν:
Αὐτὰρ νῦν ἕτερον παιήνορος ἄντρον ἄγαυον
Θρηλήσει, γαῖης θαύματα πολλὰ λαχόν,
Ἐνθα δὲ θησαυρὸν πανακείης, ἔνθα τελείην
Εὖρε πανοπλίην πᾶς ξένος ὄσάπορ' ἔει.
Τεῦξε δὲ ΚΗΡῚΤΟΣ κειμήλιον ἄπνοον, ἔμπρον
Τῇ δὲ βίβλῳ, πινυτὴν τοῖς μερόπεσσι φέρων.

In D. FRANCISCI CALCEOLARII Viri ornatissimi, atq;
optimi Pharmacopæi Musæum, in quo multa præclara,
& pretiosa Medicamenta, & extraria amuleta
reposita comperiuntur.

Idem vtcumque latinè redditum.



AMPLIVS haud celebret Phorcyni littoris Antrum
Mæonia egregium Calliopea Chely,
Sacrum Nympharum, quæ Naiades vocitantur,
Firma intus iuga sunt, labraq; pulchra simul:
Hoc, ubi sunt orbis miracula condita magni,
Antrum Peonis concinat illa novæ;
Hic Panacea suum servat spectanda beatum
Thesaurum: Auxilium hinc indiga turba petit.
Hunc prius elinguem, CERVITI Cura loquacem
Hocce libro effecit; perlege: doctus eris.

And. Chioccus Med.



DE BENEDICTO CERVTO MEDICO PHILOS.
Viro sui aui præstantissimo.



*MUSÆVM populis aperit, miranda recludit
Ecce CERVTVS, ait maxima Castalidum.
Ferte repente tubam, Vatem decorate Sorores,
Et date promerito præmia digna Sopho.
Nam decet æternum Musis celebrarier illum,
MVSÆVM celebrans qui populis aperit.*

Domitij Calderini I.V.D.





IN MVSÆVM
FRANCISCI CALCEOLARII
PHARMACOPOEI VERONENSIS
IOANNIS BALCIANELLI MED. PHYS.
ELOGIVM.



*N*tu, qui varios orbis circumspicis, hospes,
Tractus, effusis opibus, discrimine vita,
Vt diuersarum rerum praestantia mentem
Exsaturare tuam possit, modò parce superbis
Sumptibus, atq; via tantos moderare labores.
Musæum ingredi hoc, tibi quod Pronea parauit
VERONÆ decus Urbis CALCEOLARIA longa
Annorum serie. Hic cernes, quæ gignit Hydaspes,
Et Tagus auriferis deducit diues arenis,
Montibus Æthiopum vel quæ deuoluit in aquor
Ægypti Nilus, vel quæ sub sidere Volga
Producit gelido, vel quæ Peruana sub axe
Alterius Mundi regio ditissima mittit.
Hic pasces auidos oculos; quæ corpora gemma
Exornant, hic inuenies, Hygræ, salubres
Quæ sibi perpetuent annos, hic abdita carpit;
Resq; leges, tuta querulos quæis pellere morbos
Arte queas; demum salubris quod parturit Orbis,
Musæi id nostri mira seruatur in arca.



Al Signor FRANCESCO CALZOLARI.



*Q*UANTO hà di bello il Mar, quanto la Terra,
E quant' hà l'Indo, e'l Mauro
Giace nel tuo Museo, nel tuo Tesauro,
E ne risuona il grido
Infin dal caldo à l'aggiacciato lido;
Mercè di chi ne scrisse
Sì alto, à cui al Mondo ugual non visse.
Vanne lieto; ch'ancora unico, e solo
Spiegò con l'aurea penna al Cielo il volo.

Antonio Calandra.

AL MEDESIMO.

Per il suo nobilissimo, e famosissimo Museo.



*Q*UON voglia audace, e con valor costante
Sin de l'onde, e del suol rischi, & horrori
Altri cercando giò gemme, e tesori,
Legni, pietre, metalli, odori, e piante.
Desio gentile, opra fù bella innante;
Hor non fine al bramar, fine à gli errori
Ponga, FRANCESCO, quì, ch' à gli occhi, e à cori
Porgi quanto hà la terra, e'l mar sonante.
Pregio de gli Aui tuoi, ch'è n mille guise
Spargerò oro, e sudor per fare intero
Corpo di mille cose in sè diuise.
Nè tù manchi già lor; l'arte, e'l pensiero
V'impieghi sì, che le tue glorie incise
Veder ancor sù dotte carte i spero.

Francesco Belli.



DE BENEDICTO CERUTO

Medico, & Philosopho clariss.



*CERVTVS simul, & nouem Sorores
Certant officijs, pares ubique.
Pandit delitias nouem Sororum,
Magnus ingenio, & potens Cerutus,
Pandunt non minus & bona Sorores
Dulces delitias suas Cerutum.
MVSAEVM celebrat bonus Cerutus
Clari Calceolarij, & disertij,
Quò gratum faciat suis Camænis;
MVSAEVM celebrant bona Camæna,
Ornent Calceolarium ut merentem,
Et unà decorent suum Cerutum.
Cerutus vigeat suis Camænis,
Camæna vigeant suo Ceruto;
Namque sorte pares diu micabunt
Certando officijs, pares ubique
CERVTVS simul, & nouem Sorores.*

Francisci Coradini I.V.D.



M V S A E I
HOSPES ET NOSTRAS
DITISSIMO SPECTACVLO
ET MIRISSIMO
MIRIFICE CAPIVNTVR
FRANCISCI CALCEOLARI
MAGNAE INDVSTRIAE VIRI
ET PERITIAE
EXOTICIS CIMELIS
PEREGRINIQUE ORBIS MIRACVLIS
FARCTI
SVpra FIDEM NVMEROSIORIBVS
QVAMQ. AETAS QVAMQ. LABOR
ET SVMTVS FERANT
IN PLVTEOS IN VASA DIGESTIS
AEQVE OPIPARE
A BENEDICTO CERVTO MED. PHYS.
VERONENSI
FOEDERICI POLITIORVM LITTERARVM
AEVO SVO ET POSTVMO
FACILE PRINCIPIS
F.
NOMENCLATORE
EX AMVSSIM
IN OMNIVM VOLVPTATEM
ET VSVM
PORRECTIS



All' Illustre Medico, & Filosofo, l'Eccellentissimo
Sig. BENEDETTO CERVTI,



*E fama ottien, con barbaro costume,
L'accesa Etea d'un forastier imberbe,
Che'l vecchio corso, con sussurri, ed herbe,
Ringiouenir del Socero presume.*

*Qual merto è'l tuo, le maritali piume
Lasciando (alto Scrittor) ne l'hore acerbe,
Per le ricchezze contemplar superbe
De le Nereidi, col pregiato lume?*

*Le scelte gioie di Natura indaghi
Del CALZOLARI, e'l suo valor interno,
Per ogni clima, disuelar t'appaghi.*

*E se Medea non teme State, ò Verno,
Che farai tù, che glorioso vaghi
La terra, e'l mar per nostro gaudio eterno?*

Di Gio. Frattà Dott.

D E
Musæo Calceolario Veronense
AB ANDREA CHIOCCO.
 COLLEGI VERONENSIS PHYSICO
 STVDIOSIS OMNIBVS EXPOSITO,
 VIRGILIO-CENTO.

Ad Laurentium Pignorium V.Cl.

6. an. *Museum ante omnes iamdudum innuadere magnū* 9. ...
 9. an. *Mens agitat mihi, nec placida contenta quiete est.*
 12. an. *O præstans animi, longa cum veste Sacerdos,* 6. an.
 1. an. *Os humerosq; Deo similis; cui, captus amore,* 12. an.
 12. an. *Ipse suas artes, sua munera letus Apollo*
 5. an. *Donat habere Viro; factisq; ad sydera tolli.* 12. an.
 4. an. *Pro re pauca loquar, tu condita mente teneto.* 3. an.
 3. an. *Hic incredibilis rerum fama occupat aures,*
 4. an. *Mille trahens varios diuersis partibus orbis;* 12. an.
 6. an. *Nec vidisse semel satis est, inuat usq; morari.*
 7. an. *Argumentum ingens, series longissima rerum;* 1. an.
 6. an. *Quas qui scire velit, Libyci velit æquoris idem* 2. ge.
 2. ge. *Discere, quàm multa Zephyro turbentur arene.* 2. ge.
 4. an. *Multa Viri virtus, collectis omnibus vnà,* 2. an.
 3. ecl. *Descripsit, veterum voluens monumenta virorū.* 3. an.
 6. an. *Naturæ causas penitus tentare latentes,* 3. an.
 2. an. *Prodere res altas terræ, & caligine mersas,* 6. an.
 2. an. *Incumbit nulli veterum virtute secundus,* 11. an.
 11. an. *Egregiusq; animi; sua terris didita fama.* 8. an.
 2. an. *Haud ignota loquor: si fert ita corde voluntas,* 6. an.
 11. an. *Experiare licet, possit quid viuida virtus.* 11. an.

B. Bruschus.

A M I C E
SIVE ADVENA SIVE INDIGENA
QVISQVIS ES
QVI IN HÆC NATVRÆ ET QVIDEM
SECRETIORIS ADYTA TE CVPIS
PENETRARE
HÆRE PARVMPER HÏC IN LIMINE
ET PRIMVM DEO O. M. SVPPLEX PROCVMBITO
CVI HÆC OMNIA INTERMINÆ SAPIENTIÆ VESTIGIA
QVOD SVNT, QVOD VEGENT, QVOD PLACENT
MVTIS NEC TAMEN ELINGVIBVS PRÆCONIIS
ACCEPTVM FERVNT
TVM FRANC. CALCEOLARIO QVI EXIMIE CONDVS
HARVM OPVM NON INVIDIT TIBI VT PROSPICERES
ATQ; ADEO CONTRECTARES GRATIAS AGITO
DEIN EASDEM ET QVIDEM
MVLTIPLICES HABETO ANDREAE CHIOCCO QVI
VT AVDIT IPSA ETIAM APPLAVDENTE INVIDIA
BIBLIOTHECA VIVENS ET PERAMBVLAN S MVSÆVM
ITA HÆC EXPOSVIT, EXPLICVIT, EXORNAVIT VT IPSI
MAGNA MERITO LAVS TIBI MAIOR INDE VTILITAS
POSTERITATI MAXIMA SVBINDE ADMIRATIO
ABVNDE SINT OBVENTVRA
ITA SPONDEO ITA VOVEO LAVRENT. PIGNORIVS
HANC NYMQVAM REFIGENDAM TABELLAM AFFIGENS
POSTIBVS ADMIRANDI, ET PRÆDICANDI MVSÆI
INGRDERE AMICE
NEC ME SPONSIONIS VOTIQ; FALSVM NEC TE SPEI
OPERÆVE IRRITVM EXPERIERE.



RERVM NATVRALIVM STVDIOSIS.



I ANTALCIDAS, Spartanorum Rex, superuacaneam esse duxit Sophista cuiusdam operam, cum laudationem Herculis, quem magnopere venerabantur omnes, de libro legere appararet. Merito inanem viderer conferre operam, si in re clarissima, cuiusmodi est præstantia, at-

Plut. in apoph. lacon.

que utilitas cognitionis rerum naturalium, quam neminem vel mediocriter eruditum, latere arbitror, disertus esse vellem. Siquidem ex Canonicis sanctionibus, Quod notiorum est, à probationis onere releuatur. Sed ipsemet Aristoteles.

cap. Tuanes de cohab. cler. & mul.

Qui genus humanum ingenio superauit & omnes
Præstrinxit Stellas, exortus vti æthereus Sol,

Lucr. lib. 2.

Communitè concessa; ut potè, naturam esse, fortunâ nonnulla euenire, locum esse immobilem, & huiusmodi quedam,

2. 3. & 5. Phys.

*

qua

P R A E F A T I O.

quæ explorata, & comperta omnibus sunt, nullatenus probare solet. Verum enimvero cum rerum naturalium inuestigatio amœnissima varietate exornata sit; nec minus habeat utilitatis, quàm oblectamenti; in confesso est, Reges præstantissimos, & magnanimos, illustresq; Heroas mirificè olim harum rerum studium excoluisse; ipsosq; cum primis fuisse oblectatos. Salomon quippe, Regum amplissimus, instar omnium erit; qui præter immensas opes, eam adeptus est à Deo Opt. Max. sapientiam, ac rerum cognitionem; ut nullus Regum illi sit comparandus, in rerum naturalium notitia magnopere excelsus, exacteq; versatus legitur; & differuisse non solum de piscibus, alitibus, quadrupedibus: sed de arboribus etiam, & stirpibus, à Cedro Libani, usque ad Hyssopum, qui egreditur à pariete; hoc est à minutissima herba ad procerissimas, celsissimasq; arbores usque, omnia habuisse cognita, & explorata. Duplex porro benè merendi ratio de rebus naturalibus videtur esse: nam & qui aliquid de his ipsis scripsere; & qui, ut alij scriberent, in causa quoquomodo fuerunt, ipsi rebus naturalibus opem tulisse existimantur: Quæ duæ res eiusmodi sunt, ut, qui alterutram commodè faciat, ei scilicet ab omnibus rerum naturalium studiosis gratia sint agenda; qui utramque, ne haberi quidem satis possint. Id quod FRANCISCUS CALCEOLARIUS senior, Vir honesta literarum eruditione clarus, felicissimo prestitit conatu; Quippe qui annis ab hinc quinquaginta libellum elegantem de celeberrimi nostri Baldi Montis itinere edidit, recondita herbarum cognitione suspiciendum; perhonorificumque, & exaggeratissimum Musæum extruxit; cuius causa factum est, ut alacriter provinciam præsentis operis conscribendi subiremus; in hoc quidem Musæo quicquid rarum, & singulare in se habet natura, magnanima impensa

P R A E F A T I O.

impensa ex varijs mundi regionibus coaceruavit; idque
 diuersis loculis eleganter distinctum, inclusit, seruauit què.
 Adeout nullus post hominum memoriã, ante **CALCEO-**
LARIVM, tam multiplici rerum naturalium supelle-
 ctile se iactasse, dicatur. Nec defuerunt ex inueterata
 auctoritatis medicina professoribus, alijsq; Viris præcellen-
 tibus, qui **CALCEOLARII** vestigijs insisterent.
 Si vero

Principibus placuisse viris non vltima laus est;

Horat. lib. 1.
 Epist. 17.

Quanta dignationis **CALCEOLARIVM** nostrum esse
 arbitramur; à quo Primarij Italiae Principes imitatione
 pernobili exemplum, sibi forsam habere voluerunt. Cuius
 generis Specimen, ut sola **FERDINANDI**, Magni quò-
 dam **Hetruriae Ducis** immortale præconium meriti, comme-
 moratione contenti simus (ne id quod adest, aliunde quera-
 mus) concede quaeso, **FERDINANDE GONSAGA**,
 atavis editae Regibus, Mantuana ditione pollens, potens, ut
 à te summam; Et sine me hoc impetrare a modestia tua, ut
 ea, quæ sentio, de te dicam. Certè enim, qui maiori stu-
 dio, sumptibusq; profusoribus in id incubuerit, neminem esse
 constat. Tu quippe Princeps literarum omnium gloria
 præcellens, atque vnicus vera virtutis estimator; qui so-
 lus hodie confirmas vetus sapientissimi hominis dictum;
 Tum demum beatas Ciuitates fore, cum aut Philosophi
 regnarent, aut Reges philosopharentur; tuas omnes cogi-
 tationes eò conuertisse videris, ut cum omnigena specula-
 tiuarum disciplinarum cognitione, naturalium rerum stu-
 dium coniungeres; præsertim ubi ab vrgentissimis nego-
 cijs, Et functionibus publicis respirare, atque aliquid tibi
 laxamenti impetrare licuerit. Id quod ex magnificentis-
 simo Conclauio, quod nullis parcens sumptibus, vel imma-
 nibus;

Plato. Dia-
 logo. v. de
 Republ.

P R A E F A T I O.

In Pedia
Cyti.

nibus ; nulla non adhibita diligentia , ut Mantuani Principis dignitati responderet , rebus omnibus , quas in se habet natura , ad miraculum locupletasti , facile coniici potest . Cum autem natura comparatum sit ; ut , quos admiramur , & magnificimus , eorum omnia cognoscere cupiamus : unde rectè Xenophon , virorum virtute præstantium , non seria modò , sed & ioca digna esse , quæ scriptis consignentur , ab re non videtur fore , si , quæ , prævia tanti Principis benignitate , non sine ingenti admiratione perlustrauimus , quam breuissime fieri potest , memoria commendauerimus . Non indigna studiosis hæc mihi proposita prouincia est . Habebit , quod curiosos titillatione quadam festiua alliciat ; erunt , quæ , cordati , & planè ingeniosi homines summo opere admirentur : non desiderabunt rerum naturalium perscrutatores , quæ peregrina sunt , & rara . Nam caprimulgos , & nasutos Aristarchos , qui aliena facta , dictaque non æquis indicant animis , eaque liuoris asterisco insigniunt ; tantum abest , ut æstimem ; ut ipsorum fauorem vel tribus quoque nebule cyathis , si possem , nolim tamen emere . Mantua

Iul. Caesar.
Scalig.

Clara Viris , felix Ducibus , diuo inclyta Cigno :

quemadmodum antiquitate cum quauis Italarum Urbium certare potest ; ita ædificijs publicis , & priuatis quàm maxime decora apparet , atque venusta . Habet enim magnificas ades sacras , templa , porticus , & palatia sumptuosa . Ceteris verò præcellit insigne Prætorium , magnificentissimè à Mantuanis Regulis excitatum , non in proprios tantum usus , sed in eum etiam finem , ut esset hospitium , quo maximi quique Principes , Mantuam commeantes , dignè , & commode pro maiestate possent excipi .

Huuius

P R A E F A T I O.

Huius spectantur loca regijs opibus, & Asiatico luxu referta; Et inter alia exaggeratissimum Conclauium, sumptu, & artificio mirabili, celebratur; quod quidem peramplum, atque ex opere tectorio, auro undique corruscante, elegantissimè constructum est, colorumq; varietate resplendens, picturas egregias, facetissimasque, ubique spectantium oculis representat; quæ erudita ingenia diuersis coniecturis exercent. Quocumque te verteris, eximium aliquod occurrit, quo intimè reficiaris, & extimè: neque unquam exsatiaris. Sed tunc opima, pleniorq; voluptas ostenditur, cum ad peregrinos terræ, marisq; fœtus aduolatur: quorum numerosa supellex quatuor omnino classibus scite, ingeniosèque distincta, desides homines, & curiosos comiter ad sui admirationem, & contemplationem inuitat.

Prima terrarum est, uniuerso ferè orbe conquistarum: In primis verò Gleba carnei coloris, admodum grandis, terræ celebratissima à Lemno Aegæi maris Insula delata, spectanda; quam P. ANDREAS MATTHIOLVS V. Cl. GVLIELMO inuictissimo Mantuæ Duci munus eximium obtulit. Penes eandem Vasa, ex varijs terrarum generibus plastice elaborata, custodiuntur. Succum in eiusdem terræ visceribus concrecentes subsequuntur, uti sales; præ ceteris autem Gleba prædura adeò substantiæ, ut lapidescere videatur. Nitra, Alumina, quotquot exstant, varia Sulphura, Pyrites varij, & inter hos aureus. Chalchanta, Melanteria, Sory, Misy, Cæruleum, atque his congenera. Multiplices Metallorum fodinæ, Auro, Argento, Cuproque permixtæ. Nec non & Aurum solidum, atque Argentum: ceteris posthabitis, quæ recensere longum esset. Neque Gemmæ, Adamantes videlicet, Rubini, Carbunculi, Saphyri, Amethysti, desiderantur.

P R A E F A T I O.

Quas inter Smaragdus venuste semialbicans, & semirens ostentatur; quo sanè munere VINCENTIVS GONSAGA, Mantuanus Princeps, non maiorum gloria, quàm sua virtute clarior, ex Belgio reuersus, FERDINANDVM fratrem ex animo cumulauit. Hoc loco certè non faciam, ut alias Gemmas ortum trahentes ex succo non ita claro, ut Niccoli, Achates, Turchina, Malachites, Iaspis, & ijs similes, singillatim, & minute referam. Satis superquè fuerit dixisse, in hac Gemmarum classe lapidem praefergere, in quo, natura ipsa ludente, hominis effigies conspicitur; coloribus ita eleganter effigiata, ob succorum, ad eandem exprimendam, confluentium varietatem, ac si excellenti penicillo esset efficta.

Secunda classis è mare emergentia excipit: eiusmodi sunt Corallia ab omni muscosa labe immunia; Rubra, Alba, Nigra, Stellata, Articulata, & Verrucosa; quibus praecellit venustus rubri Corallij ramus, materia alba lapidescente exornatus; ex qua ipsum Corallium album gignitur, undique rubescens. Neque marinae Planta desiderantur; ut Fuci, Corallinae, varijs notata coloribus. Quercus marinae, Escara, Musci, Androsaces, Erica marina, ex Americanis Insulis, ita à ZENOBIO BOCCHIO, solerti huiusmodi rerum indagatore, nuncupata. Abundat & praesens Classis quolibet genere Alcyoniorum, à Dioscoride descriptorum. Quorum vnum nigro Corallio insigne, Regium Diadema lepidè representat: Spongijs quoque, & spumis maritimis. Mirum est, quàm oculi intuentium, capiantur contemplatione Conchyliorum, Concharum, & Turbinatorum, quae à longinquis maribus allata, colorum varietate contendere inter se videntur: His Concha rugata margaritifera adnumerantur; una quarum ob succi adepti

P R A E F A T I O.

adepti copiam, innumeras Margaritas abortiuas in se, tanquam in natali loco, recludit. Lapis denique obiter diiunctus se se offert, cuius medio Conchilium striatum lapideum, natura ita operante, impensè inhaeret.

Ex tertia classe prodeunt fructus Americani, de quorum numero quaterni *Maldinae Cocci*, à *Clusio* recensiti, visu pulcherrimi, & speciosissimi. Bini praterea semicortices fructuum, coloribus ad elegantiam decori, *Indicae*q; *Cantalanticae* speciem praeberentes. Ligna, rami, cortices, è plantis exoticis exempti, minimè absunt. Praecipuè verò fustis cubitalis, ex ipso cinnamomo eleganter elaboratus, auro conspersus, atque rubinis: Truncus ligni *Aloes*, semicubitali diffusus ramo, apprimè spectandus; prater *Lythoxilla*, seu ligna lapidea *Anglica*. Ex quibus pernobilis Crater excisus, omnino mirabilis. ubi enim imperfecta contingit durities, illic cretosus redditur: ubi verò ad perfectam duriciem redactus cernitur, ferro percussus, ad ignem emittendum aptus est; reliquum gemma, *Achatis* praefertim, naturam induit. Codex etiam ex arborum corticibus coagmentatus, & priscis characteribus exaratus, apprimè videndus; postremo *Succina* diuersimodè colorata; ex quibus unum coagulatum lacertam includit. *Bitumina*, *Gummi*, *Lacrymae* ex arboribus stillantes, eximiumq; ex *Beniuino* vas recondita habentur.

Quartam porro classem spectabilem reddunt; insignes animalium partes: ut puta *Dentes*, *Ungues*, *Cauda*, *Crines*, *Pili*, & similia: sed & crus *Elephantis*, mira magnitudine praestat. Ut amplum vas, affabrè detornatum ex *Bale-nae* osse spinalis medullae silentio inuoluam. Minimè verò posthabenda videntur quamplurima animalia exsiccata: unicuique *Armadillus* eminet inter ceteros, qui in Italia extant. Quid de lapide, piscem perbellè concludente? cuius

P R A E F A T I O.

cuius ossa, singulari naturæ miraculo, in Marchesitam omnino transmutata conspiciuntur; quod ex claritate, & splendore facile euinci potest. Verum enimvero præter hæc non absunt oua plurimorum animalium, Struthionq; præcipue, colore vario distincta; nec non & quamplures lapides in visceribus animalium procreati; germanusq; lapis Bezarus insuetæ magnitudinis; ex cuius sanè dimidio, FERDINANDO Duce annuente, crater exculptus, auro insigniter deuinctus, varièq; gemmatus: cuius præsentanea virtus in euidenti rerum discrimine vel maxime enituit.

Hæc autem pauca de multis, & propè innumerabilibus elegimus, quæ literis proderemus. Lectorem monuisse contenti, talem, ac tantam esse apud Mantuanos Principes naturalium rerum sylvam (cuius custodia à FERDINANDO Duce, magno suæ virtutis honestamento, præpositum scias ZENOBIVM BOCCHIUM Florentinum, Franciscanæ Observantiæ addictum, Virum in re Botanica nemini secundum, ingenioq; naturalium rerum cognitione vehementer exculto) ut à nemine tam multa, tam magna dici possint, quin multò plura, & maiora dictis supersint. Quorum planè admiratione, ac stupore exciti, hanc qualem qualem inscriptionem aliàs effudimus.

EFFE

P R A E F A T I O.

EFFERANT. MERITISSIMO. EFFERANT.

MANTVANI. EXTERI.

SERENISSIMI. OMNIVM. PRINCIPIS.

FERDINANDI. GONSAGÆ.

AVGVSTISSIMVM. CONCLAVIVM.

IN. QVO.

QVÆCVMQVE. PEREGRINA. QVÆCVMQVE. RARA.

A. NATVRA.

FINGI. POSSVNT. EXCOGITARI.

IMMENSIS. SVMP TIBVS. PERTINACI. STUDIO.

CONQVISITA. CVSTODITA.

INCOMPARABILI. RERV M. MAGNIFICENTIA.

CVRIOSIS. OMNIBVS.

EXPOSITA. HABENTVR.

ITA.

DICIT. EDICIT.

BENEDICTVS. CERVTVS. MED. PHYS. VERON.

GLORIAE. FELICITATIQVE. PRINCIPIS.

DEVOTISSVMVS.

P R A E F A T I O.

Redeat nunc, unde paullisper aberravit oratio. Cum haud parum CALCEOLARII fama consultum iri videretur, si uberrima selectissimarum rerum seges, quam cultissimus illius ager protulit, scriptis explicaretur; huiusmodi Nomenclatorem constare placuit. Neque verò abstertere me à scribendo debuit; quod videam, eorum multa, quae penes CALCEOLARIVM reperiuntur, ab alijs fuisse comprehensa; Nam quantum eorum unusquisque meam industriam retardat ingenio, tantum inflammat exemplo. Est quippe ingeniorum, sicut terrarum mira varietas; neque omnia possumus omnes. Alij valent ingenij acumine, alij varietate doctrinae, alij disserendi, qua plerique gaudemus, breuitate; alij perspicuitate, & facilitate, nonnulli dicendi ordine, & methodo. Unde fit, ut rerum naturalium studiosus, dum unum in uno, aliud in alio habet, nihil ad earumdem cognitionem desideret. Multa nobis Philosophia, multa Medicina, pleraque naturalis Historia, nonnulla etiam rerum Sacrarum Scriptores suppeditarunt. Selectiora persecuti sumus, quae vel ad ipsarum rerum dilucidationem, vel ad mores componendos visa sunt illustriora. Laboratum quidem à nobis multum est, ut, si quae Auctorum placita ad rem pertinere viderentur, ea omnia fideliter commemoraremus, ipsis fontibus inspectis; ne quid falsi, aut incerti, à nobis infereretur. De stilo nihil aliud dicendum; nisi nos, quantum per facultatem licuit, operam dedisse; ut neque plus nimio barbarus esset, neque ad Ciceronis lychnos exquisitius elucubratus. Licet verò asserere possim, plusquam mediocri labore mihi constare huiusmodi opus: nihilominus, quae est humana infirmitas, & inge-

P R A E F A T I O .

*ingenij mei tenuitas , facile fieri potest , ut viri eruditi
in hoc Nomenclatore quædam inueniant , quæ minus pro-
bent . Quamobrem tum illorum , tum in primis San-
ctæ Matris Ecclesiæ iudicio , atque censuræ libens hæc
scripta subijcio ; benignum deprecans Lectorem , ut labo-
rem nostrum æqui consulat , ac boni .*

P R A E F A T I O

ingenij mei transire, facile fuit potest, ac vix credidit
in hoc Nomenclatore quodam inuenire, ac minus pro-
bat. Quamobrem tunc illi, tunc in prius
Et Mater Ecclesie incho, etiam ecclesie libere hoc
scriptis subiectis; huiusmodi deprecantur, ut talia
vix nostris equis consistat, ac vix.



INDEX SECTIONVM

IN QVAS PRÆSENS OPVS
DISTRIBVITVR.

Seçtio Prima.



N qua Frutices, & Plantæ maximæ,
Alcyoniorum singula genera, Testa-
cea, & Crustacea, necnon Pisces,
Animaliaquè amphibia exsiccata ex-
plicantur.

Seçtio Secunda.

QVæ Terrarum genera, ochras, rubricas, sa-
les, alumina, sulphura, & bitumina patefacit.

Seçtio Tertia.

I N qua Gemmæ, aliorum lapidum multiplices spe-
cies, & qui à natura sunt effigiati, recensentur.

a Seçtio

Sectio Quarta.

Quæ de corporibus metallicis cuiuscunque generis pertractat.

Sectio Quinta.

In qua de Plantis, Radicibus, & Exoticis fructibus, necnon de peregrinis Gummatibus, & Succis pinguibus differitur.

Sectio Sexta.

Quæ de selectioribus volucribus, quadrupedibus, lacertis, amphibijs animalibus, & miscellaneis rebus agit.



INDEX RERVM PRÆCIPVARVM. QVÆ IN HOC VOLVME EXPLICANTVR.

A



- | | |
|---|--------|
| CACIÆ | |
| <i>Ægyptia</i> | |
| <i>planta,</i> | |
| <i>fructus,</i> | |
| <i>et succus</i> | |
| <i>legitimus</i> | |
| <i>pag.</i> | 537 |
| <i>ubi nascatur.</i> | 538 |
| <i>duos in medicina vsus Acacia</i> | |
| <i>enumerant auctores.</i> | 539 |
| <i>Achates vnde dicta.</i> | 247 |
| <i>Achatis varia species.</i> | 248 |
| <i>Achates Pyrrhi Regis celebra-</i> | |
| <i>tissima.</i> | 249 |
| <i>Achatis proprietates.</i> | 251 |
| <i>stim extinguit.</i> | 252 |
| <i>Achatis allegoria.</i> | ibid. |
| <i>Achates Mantuani Ducis.</i> | 251 |
| <i>Aconiti varia genera tradunt</i> | |
| <i>Auctores.</i> | 493 |
| <i>Aconitum omnium venenorum</i> | |
| <i>ocysimum Plinius dixit.</i> | 494 |
| <i>Aconitum cur ita appellatum.</i> | ibid. |
| <i>Acorum exactè describitur.</i> | 557 |
| <i>Easdem vires obtinent cum</i> | |
| <i>Calamo.</i> | ibid. |
| <i>quo tempore legatur.</i> | ibid. |
| <i>Adamantis præstantia.</i> | 202 |
| <i>Adamantis durities.</i> | 203 |
| <i>Adamas vim Magnetis fran-</i> | |
| <i>git.</i> | 204 |
| <i>Adamantis allegoria.</i> | 205.6 |
| <i>Adarces, seu Adarca latinorū.</i> | 24 |
| <i>ubi nascatur.</i> | ibid. |
| <i>Æra fossilia varia.</i> | 443 |
| <i>Æris minera, Kepnica, luacem</i> | |
| <i>burgensis, Annebergia.</i> | 443 |
| <i>Ærarius lapis ex Germania.</i> | ibid. |
| <i>Ærarius lapis color. nigerrimi.</i> | 444 |
| <i>Æris flos multiplex.</i> | ibid. |
| <i>Æris prerogativa vnde per-</i> | |
| <i>cipiatur.</i> | 445 |
| <i>Æs nativum Ilvanum.</i> | 443 |
| <i>Aerugo fossilis.</i> | 444 |
| <i>Ætites lapis cur ab Aquila in-</i> | |
| <i>uidum collocetur.</i> | 319 |
| <i>sonitu dignoscitur.</i> | 320 |
| <i>Ætitarum quatuor genera.</i> | 320 |
| <i>Ætites suas in re medica ha-</i> | |
| <i>bet facultates.</i> | 321.22 |
| <i>Agallochi fragmenta.</i> | 575 |
| <i>eius descriptio, & probatio.</i> | 576 |
| <i>Agaricum metallicum, eiusq;</i> | |
| <i>utilis vsus.</i> | 475 |
| <i>Abomei Theuesi fructus.</i> | 600 |
| <i>Alabandici lapidis forma.</i> | 388 |
| <i>eius varia vis.</i> | 389 |

I N D E X.

- Alabastrites lapis ubi nascat.* 390
cur vasa ex eo lapide effecta
unguentum incorruptum
seruent. *ibid.*
eius lapidis facultates. *ibid.*
Albemolub plantæ semina ma-
gna facultate prædita. 598
Alces, vel magni animalis cor-
nu rara vi pollet. 691
quo tempore auferendum ab
Alce, ut tali sit præditum
facultate. 692
Alchermes, confectio affectio-
nibus melancholicis ex atra
bile conducens. 706
Alcyoniorum varia genera. 20.21
Alectorius lapis ubi inueniatur. 344
eius descriptio, facultatesq. *ibid.*
usus eius reddit hominē inui-
ctum in certaminibus. 346
Alyssum, fructuosa herba des-
cribitur. 507
in montibus, & asperis locis
emicat. *ibid.*
multiplici pollet facultate. *ibid.*
Alysson cur dicatur. *ibid.*
Alumen unde dicatur. 164
quæ eius facultates. 165
ex quibus constet. 164
Aluminum varia genera per-
scrutantur. 167
Aluminis Rochæ minera, qua
ratione conficiatur. 459
eius usus. 460
Amethystus, gemma Mantuani
Principis egregiè describitur,
iconeq; representatur. 189.90
Amethystus lapis ad plura utilis. *ib.*
causa eius nominis. 190
Amethystus Apostolorum sym-
bolum gerit. *ibid.*
Amethystus triplex. 193
Amiantus lapis describitur. 286
cur ita nuncupatus. 287
igni resistit. *ibid.*
Amianti allegoria. 290
Amianti varia nomina. 288.89
Amomi vna quid, controuerti-
tur inter Auctores. 591
Ananas, fructus ex provincia
S. Crucis in Brasilia descri-
bitur. 612
eiusdem facultates, & qua-
litates. *ibid.*
Androsaces Diosc. describitur. 19
quibus profit. *ibid.*
Angelica planta describitur. 530
duplex, domestica, et sylvestris. *ib.*
eius usus. 531
Anguilla lapidosa nativam re-
ferens. 421
Animal Moschiferum descriptum. 661
eiusdem facultas, & proprie-
tas. 662
Animal Moschiferum icone ex-
pressum. 666
Aquilinus lapis qua ratione gi-
gnatur. 319
mirabilis eius facultas in re
Medica. 321
Argenti minera ex valle Ioachi-
mica quid. 458
Argenti

I N D E X.

<i>Argenti minera Annebergica.</i>	<i>ibid.</i>	<i>Auri pigmentum fossile.</i>	472
<i>Argenti minera Suecica,</i>	<i>ibid.</i>	<i>eius facultas.</i>	<i>ibid.</i>
<i>Argenti minera Bobemica.</i>	<i>ibid.</i>		
<i>Argentum fossile Anneburgiū.</i>	439		
<i>Argenti viui minera.</i>	439		
<i>Argenti viui minera Suacēsis.</i>	440		
<i>Argenti viui natura, & facultates.</i>	441		
<i>Armeniacy lapidis minera.</i>	468		
<i>Vim habet in re medica.</i>	469.70		
<i>Arietis caput à natura in petrâ elaboratum.</i>	417.		
<i>Aristolochia nomen unde.</i>	512		
<i>mira illius facultas.</i>	513		
<i>Aselli Merlucij maxilla.</i>	79		
<i>Asij lapidis frustum.</i>	349		
<i>prodest quamplurimis.</i>	350.51		
<i>Astachus græcorum, & latino-rum, maris alumnus.</i>	56		
<i>Astachi marini chela prægrâdis.</i>	97		
<i>Aster Samius descriptus.</i>	115		
<i>multiplex eius virtus.</i>	<i>ibid.</i>		
<i>Aspalathū ad quæ adhibeatur.</i>	572		
<i>variā obtinet facultatem.</i>	<i>ibid.</i>		
<i>Aspalathum Ruellij.</i>	574		
<i>in tractu Rhodio abundè provenit.</i>	574		
<i>Atramentum Indicū duplex.</i>	677		
<i>Auellana Indica describitur.</i>	599		
<i>Aurata lapidea, maris Mediterranei auratam repræsentans.</i>	421		
<i>Auri minera tres.</i>	436		
<i>Auri obrizæ allegoria.</i>	437		
<i>Aurum possit arte cōfici, necne.</i>	438		
<i>Auri puri granula.</i>	<i>ibid.</i>		
		B	
		B	
		<i>ALSAMI Occidentalis, Peruanus fructus effigies.</i>	
		<i>pag.</i>	602
		<i>eo fructu utuntur Indi ad capitis dolores, et defluxiones.</i>	<i>ibid.</i>
		<i>Balsami Orientalis fructus descriptur.</i>	604
		<i>Bammia plantæ descriptio.</i>	520
		<i>eiusdem facultates.</i>	<i>ibid.</i>
		<i>Baobab fructus historia, & virtus.</i>	598
		<i>Baobab lapideus.</i>	414
		<i>Batidis græcorum, & Plinij.</i>	91
		<i>cur ita nuncupetur.</i>	<i>ibid.</i>
		<i>Bdellium legitimum quid.</i>	635
		<i>eius virtus.</i>	636
		<i>Behen album, & rubrū.</i>	580
		<i>valet ad multa.</i>	<i>ibid.</i>
		<i>Beidelsar quid, ubiq; nascat̃.</i>	521
		<i>eiusdem facultates.</i>	<i>ibid.</i>
		<i>Belliculi marini quid.</i>	57
		<i>eorum vsus.</i>	<i>ibid.</i>
		<i>Belloculus, gemma Assyriorum Deo sacra.</i>	379
		<i>eius vsus.</i>	380
		<i>Beretinus fructus descriptus, iconeq; incisus.</i>	601.2
		<i>Berylli descriptio.</i>	220
		<i>Beryllus in sacris literis magna habetur existimatione.</i>	221
		<i>Berylli</i>	

I N D E X.

<i>Berylli facultates, & allego- ria.</i>	pag. 221
<i>Betra ortus, formaq;.</i>	548
<i>differt à Malabatro.</i>	ibid.
<i>multiplex eius vsus.</i>	ibid.
<i>Bezaartici lapidis forma.</i>	336
<i>genus eius multiplex.</i>	337
<i>quomodo gignatur.</i>	340.41
<i>mira virtus eius, atq; vsus.</i>	ibid.
<i>Bezaar animalis pilus.</i>	704
<i>Bibliotheca Calceolaria, & alie quedam.</i>	721.2
<i>Bitumen unde oriatur.</i>	175
<i>Bituminis genera.</i>	ibid.
<i>Bituminis virtus ex Auicena, Galenog;.</i>	177
<i>Bituminis allegoria.</i>	ibid.
<i>Bolorum varia genera.</i>	110.11
<i>Bolus Armena.</i>	
<i>abditæ eius facultates.</i>	470
<i>Bonduch fructus exoticus.</i>	613
<i>eximia viget facultate.</i>	ibid.
<i>Bryon marinum lactuca folijs à Plinio descriptum.</i>	19
<i>Bucardia à Bubulo corde nomi- nata.</i>	418
<i>Buccinum Plinij descriptum.</i>	49
<i>Buccinum paruum Rondele- tij.</i>	ibid.
<i>Buffonitis lapidis historia.</i>	363
<i>varia eius virtus.</i>	365
<i>Buna fructus describitur.</i>	588
<i>vim habet refrigerandi.</i>	ibid.

C



<i>CAAO, fructus multi vsus de- scribitur.</i>	pag. 606
<i>Cadmia, racemaria scilicet græ- corum duplex.</i>	460
<i>cur racemaria dicatur.</i>	461
<i>Cadmia lapidosa varij vsus.</i>	460
<i>Cadmia racemaria oculorū me- dicamentis utilis.</i>	461
<i>Calamita albæ abusus damna- tur.</i>	124
<i>Calami aromatici delectus, & descriptio.</i>	550
<i>dissidium de Calamo aromati- co inter Auctores.</i>	ibid.
<i>Calamus Martinelli, ex Mala- cha Indiæ provincia descri- bitur.</i>	553
<i>Calcei Indici viriles, & mu- liebres.</i>	714
<i>Cancrorum pluuiatilium lapil- lus descriptus.</i>	369
<i>præsentanea eius virtus.</i>	ibid.
<i>Canella albæ Clusij duo genera.</i>	571
<i>quodnam præferendum.</i>	ibi.
<i>Cancrorum varia genera.</i>	95.96
<i>Cancrorum ingenium in insidijs struendis Ostreis.</i>	96
<i>Caious fructus descriptus.</i>	606
<i>valet ad multa.</i>	607
<i>Canicula Plinij descripta.</i>	65
<i>ardet libidine in humanas car- nes.</i>	ibid.
<i>Cancamum,</i>	

INDEX.

<i>Cancamum, Arabici ligni lacry-</i> <i>ma.</i>	pag. 632	<i>allegoria eiusdem.</i>	544
<i>Cancamum graecorum quid.</i>	633	<i>Castaneæ aquina Bisantio de-</i> <i>lata.</i>	583
<i>eius tria genera.</i>	ibid.	<i>cur id nomen sortita.</i>	584
<i>Carana lingua Indica, Resina</i> <i>dicitur. quid.</i>	624	<i>Castanea purgatrix quid.</i>	600
<i>mirifica eius vis.</i>	ibid.	<i>Castor, Fiber latinorum, animal</i> <i>est amphibium.</i>	101
<i>Carbunculorum, qui Granati</i> <i>dicuntur, minera.</i>	442	<i>eius natura describitur.</i>	ibid.
<i>Carbo Bataunorum ex luto ni-</i> <i>gro.</i>	458	<i>Cedrus phœnicia descripta.</i>	581
<i>Carbo fossilis, ex succo bitumi-</i> <i>noso genitus.</i>	ibid.	<i>multis incōmodis auxiliatur.</i>	582
<i>Carcaria canis, Aristot. piscis</i> <i>marini caput.</i>	67	<i>Cedri libani fructus descript.</i>	581
<i>Cardamomi tria genera descri-</i> <i>buntur.</i>	596	<i>Cedria quid.</i>	629
<i>Caryophyllum Plinianum des-</i> <i>criptum.</i>	616	<i>eiusdem facultas.</i>	ibid.
<i>Caryophyllifera arboris gummi</i> <i>descriptum.</i>	628	<i>Cerui lacryma describitur.</i>	701
<i>Carpesium quid.</i>	555	<i>cur salsa sit, & amara.</i>	702
<i>duplex eius genus.</i>	ibid.	<i>Cerui genitale.</i>	703
<i>Varia pollet facultate.</i>	ibid.	<i>Cerui os in corde natum, miris</i> <i>effertur praconijs.</i>	697
<i>Carub, Aegypti planta.</i>	613	<i>Cervi Cornu virtus.</i>	699
<i>Cassia Graecorum nulla diligen-</i> <i>tia sub cælo Septentrionali</i> <i>excoli potest.</i>	561	<i>Cervus volans describitur.</i>	668
<i>ubi nascatur.</i>	ibid.	<i>vim magnam habet.</i>	ibid.
<i>quenam eligenda.</i>	ibid.	<i>Chama nigra describitur.</i>	48
<i>plures obtinet facultates.</i>	563	<i>Chama aspera latinorum.</i>	49
<i>Cassia poetarum quid.</i>	561	<i>Chama levis.</i>	ibid.
<i>pseudoCassiae allegoria.</i>	563	<i>Chamaeleon terrestris describit,</i> <i>iconeq; effigiatur.</i>	658.61
<i>Cassia fistularis quid.</i>	540	<i>Chamaeleon aëreus describitur,</i> <i>& icone representatur.</i>	668
<i>magna cautione exhibenda.</i>	542	<i>Chalcanti varia genera recen-</i> <i>sentur.</i>	474. & seqq.
<i>magnæ sunt eius facultates.</i>	ibid.	<i>Chalcitis purissima descripta.</i>	476
		<i>plura eius genera.</i>	477
		<i>Chamaeleonis albi, & nigri ra-</i> <i>dices describuntur.</i>	502
		<i>multiplex eius usus, & vir-</i> <i>tus.</i>	503.4
		<i>Obute,</i>	

INDEX.

<i>Chate, cucumeris Aegyptij genus describitur.</i>	522	<i>Cochlea diuersi generis.</i>	53.54
<i>mira virtute pollet.</i>	523	<i>Coctus de Maldina descriptus, iconesq; expressus.</i>	620.21
<i>Chelidonium lapillus duplex descriptus.</i>	359	<i>Coccus delli Ande descriptus, iconesq; expressus.</i>	622.23
<i>variae numerantur eius facultates.</i>	360.61	<i>Concha diuersi generis. 29. & seq.</i>	
<i>Chencritis lapis Plinij vnde dicatur.</i>	316	<i>Concharum ortus, nomen, & forma.</i>	32
<i>Chrysocolla duplex, natina, & factitia.</i>	375	<i>Concha Margaritifera allegoria.</i>	32
<i>quibus conferat.</i>	376	<i>Concha Venerea cur ita appellatur.</i>	34
<i>Cinnamomi planta describitur.</i>	568	<i>Concharum Venerearum genera.</i>	35
<i>Cinnamomi vox vetustissima apud Hebraeos.</i>	569	<i>Concha Venerea allegoria.</i>	34
<i>Cinnamomi vires eximia.</i>	570	<i>Concha lapidea naturales ad viuum exprimentes.</i>	419
<i>Cerunius lapis describitur.</i>	305	<i>Conchylium muricatum, quo India populi tubarum loco vtuntur, iconesq; expressum.</i>	55
<i>eius generationis locus, ratio nominis ethymologica.</i>	309	<i>Copal, resina ex noua Hispania describitur.</i>	625
<i>eiusdem facultates, & allegoria.</i>	ibid.	<i>eius vsus.</i>	ibid.
<i>Ceruleum fossile ex Bohemia fodinis.</i>	231	<i>Coralium vnde dicatur.</i>	4
<i>Ceruleum natiuum ex Hispanijs. ibi.</i>		<i>Coralij virtutes, & facultates.</i>	4
<i>Ceruleum Cyprium ex Polonia fodinis.</i>	ibid.	<i>Coralij allegoria.</i>	5
<i>Ceruleum Puteolanum, & Suenicum.</i>	ibid.	<i>Coralia diuersi generis describuntur.</i>	7.8.9
<i>Cerulea diuersa.</i>	232	<i>Coralij venustissima planta icon.</i>	12
<i>Cochlea, Conchula, Chama, & id genus alia maris eiectiona.</i>	430	<i>figura planta Coralij naturam, & imaginem spirantis.</i>	16
<i>Cocblites Gesneri describitur.</i>	396	<i>Coracinites lapides duri describuntur; commodumq; eorum recensetur.</i>	104
<i>Cochlea ex mari rubro transportata.</i>	54	<i>Coriandrorum, & Castolorum semina lapidea.</i>	410
<i>Cochlea turbinata.</i>	ibi.	<i>Cornu saxum Acheloi.</i>	415
		<i>Cornu</i>	

INDEX.

<i>Cornu Ceruinum lapideum.</i>	415	<i>rara viget, virtute.</i>	<i>ibid.</i>
<i>Cornu Anamonis, sacra Æthio-</i>		<i>Daucum Creticum describitur,</i>	
<i>pia gemma.</i>	<i>ibid.</i>	<i>& diuiditur.</i>	516
<i>Corona veteribus fiebant ex</i>		<i>efficax est medicamentum ad</i>	
<i>Cinnamomo.</i>	570	<i>multa.</i>	517
<i>Crystalli origo, præstantiaq;</i>	193	<i>Den, seu Dende Arabum</i>	
<i>Crystallus quid ex Seneca.</i>	154	<i>quid.</i>	588
<i>Crystalli varia genera.</i>	197.8.9	<i>singulari purgandi facultate</i>	
<i>eiusdem virtutes, & facul-</i>		<i>præditum est.</i>	<i>ibid.</i>
<i>tates.</i>	195	<i>Dentale Tubuli marini ubi</i>	
<i>Crystalli allegoria.</i>	201	<i>nascatur.</i>	56
<i>Crystallus sexangula varia vir-</i>		<i>Descriptio physica, & moralis</i>	
<i>tute pollens.</i>	<i>ibid.</i>	<i>rerum huius Musæi.</i>	732
<i>Costi Arabici, Indici, & Syriaci</i>		<i>Diophryges cur ita appelletur.</i>	461
<i>descriptio.</i>	575.79	<i>qua ratione fiat.</i>	<i>ibid.</i>
<i>Costi Arabici prælatio, vires-</i>		<i>triplex reperitur.</i>	462.63
<i>quæ.</i>	579	<i>Draco marinus Æliani descri-</i>	
<i>Crocodillus terrestris describi-</i>		<i>bitur.</i>	64
<i>tur.</i>	655	<i>Drakenæ radix descripta.</i>	576
<i>icone exprimitur.</i>	656	<i>varia eius virtus.</i>	577
<i>Crucis lapillus, formam Crucis</i>			
<i>effingens.</i>	392		
<i>unde exportetur.</i>	<i>ibid.</i>		
<i>Cucuphoræ planta descriptio.</i>	599		
<i>Culter lapideus icone expref-</i>			
<i>sus.</i>	317		

D



<i>ACTILI Idæi</i>	
<i>descriptio.</i>	302
<i>cur Idæus appel-</i>	
<i>letur.</i>	<i>ibid.</i>
<i>multiplex eius genus.</i>	303
<i>Vocatur etiam Belemnites;</i>	
<i>& quare.</i>	304

E



<i>BVR, & Vnicor-</i>	
<i>nu fossile.</i>	473
<i>Echini marini va-</i>	
<i>rii.</i>	84
<i>Echinus marinus describitur.</i>	<i>ibid.</i>
<i>cur id nomen sortitus sit.</i>	<i>ibid.</i>
<i>Echinus marinus ouarius ma-</i>	
<i>gnæ prædicatur virtutis.</i>	<i>ibid.</i>
<i>Echini marini allegoria.</i>	85
<i>Echinometra Aristotelis, &</i>	
<i>Plinij cur ita vocetur.</i>	86
<i>Echinites à Gesnero descriptus</i>	
<i>duplex.</i>	403
<i>b</i>	<i>Echi-</i>

INDEX.

<i>Echinus marinus saxeus.</i>	412	<i>Fagara minor Carpobalsamo.</i>	<i>ibid.</i>
<i>Electarium, seu Confectio ex</i>		<i>Farina arboris Indici farinise-</i>	
<i>Hyacintho, alijsquè gem-</i>		<i>ri.</i>	711
<i>mis.</i>	705	<i>Ferri minera.</i>	459
<i>multiplex etus commodum.</i>	<i>ibid.</i>	<i>Ferri vena ex Bohemia fodi-</i>	
<i>Electarium Matthioli aduersus</i>		<i>nis.</i>	<i>ibid.</i>
<i>venena omnia.</i>	709	<i>Ferri vena Iluana.</i>	<i>ibid.</i>
<i>Electarium pro adimenda E-</i>		<i>Ferri gleba ponderosa.</i>	451
<i>pilepsia, à Vincentio Man-</i>		<i>Ferri necessitas, commodumq;</i>	<i>ibid.</i>
<i>tua Duce Calceolario dona-</i>		<i>Ferrum trahatur ne à magnete,</i>	
<i>tum.</i>	710	<i>an potius per se ipsum ad ma-</i>	
<i>Enhydros lapis Plinij.</i>	324	<i>gnetem moueatur.</i>	452
<i>unde ita vocetur.</i>	325	<i>Fibri testes, oui anserini ma-</i>	
<i>eius natura describitur.</i>	<i>ibid.</i>	<i>gnitudinem non excedentes.</i>	94
<i>Equinus lapis descriptus.</i>	404	<i>Flabella diuersa ex Indijs alla-</i>	
<i>Euostens lapis describitur.</i>	312	<i>ta.</i>	714
<i>Examen, seu Vesparium, pe-</i>		<i>Fœniculi caules lapidosi, icone</i>	
<i>treo scruto efformatum.</i>	412	<i>expressi.</i>	422
<i>Exustio rerum in medicina</i>		<i>Folia arborum lapidosa.</i>	427
<i>quid præstet.</i>	698	<i>Fructus peregrinus, pontica</i>	

F



<i>ABA Indica, cor</i>		<i>Fructus exoticus ignoti nomi-</i>	
<i>Sancti Thomæ</i>		<i>nis.</i>	602
<i>appellata descri-</i>		<i>Fulminei lapides descripti.</i>	305
<i>bitur.</i>	601	<i>qua ratione generentur.</i>	307
<i>Faber piscis, quem Zeum Pli-</i>		<i>diuersimode effigiati sunt.</i>	<i>ibid.</i>
<i>nij nuncupant, cur ita di-</i>		<i>Fulminis allegoria.</i>	309
<i>catur.</i>	67	<i>Fungi Ceruini historia.</i>	700
<i>idem describitur.</i>	<i>ibid.</i>	<i>maximo est usu in medica-</i>	
<i>Romanorum est Citulu, seu</i>		<i>mentis, qui viderem con-</i>	
<i>piscis S. Petri.</i>	68	<i>ciliant.</i>	<i>ibid.</i>
<i>Fagara Auicennæ fructus Aro-</i>		<i>Fungus lapidens icone expref-</i>	
<i>maticus, eiusq; facultas.</i>	582	<i>sus.</i>	417

Gagata

I N D E X.

G



AGATÆ lapis

describitur. 353

unde nomen tra-
hat. 356

virtutes, & facultates eius
recensentur. 357

Galactitis lapidis nomen unde. 277

eiusdem color, & facultates. ibid.

ex quibus generetur. 399

proficuus eius usus. ibid.

memoriam adimit, vel iniu-
riarum. ibid.

Garrulus Bohemicus perbellè
describitur, iconèq; exponi-
tur. 674

Gazela Cayri cornua descri-
buntur. 692

Gemma varij generis, earumq;
facultates. 187. & seq.

Geodes lapis multiplex. 323

optimè describitur. 397

pollet varia facultate. 324. 397

Genus humanum saxum. 412

Gingiberis radicem contortarū
lapideum specimen. 413

Gypsi plura genera. 279

diversa eius facultates. ibid.

Globulus filii lapideus. 414

Glossopetra Gesneri. 417

veneno presente, in mensa à
nonnullis sudare creditur. 418

Glossopetras Plinius humana

lingua similes facit. 309

quo loco nascantur. 310

Glossopetra varia in Museo. 310

Guaiaci arboris fructus ex In-
dia delatus, describitur. 584

Guaiaceni arboris gummi. 630

Gummi, seu resinae genus, ex
nova Hispania. 624

valdè confert in re medica. ibid.

H



Eliotropium gemma
describitur. 219

admirabili præcel-
lit virtute. ibid.

Hematitis species, figura scul-
pta exponitur, & describitur. 273

Hematites unde nomen tra-
hat. 270

plures eius facultates. ibid.

Hematitarum quinque genera
ex Plinio. 272

Hippopotami dentes. 694

ab eo animali flebotomie vsū
medicina hausit. 696

Hippopotami frustum pellit. 703

Hirundinis allegoria. 76

Hirundo Plinij describitur. 75

Hippuri Arist. maxilla descri-
pta. 105

I



**Aspidis varia gene-
ra descripta. 253**


Iaspidis faculta-
tes. 253

b

2

Iaspidis

I N D E X.

- Tassidis allegoria.* 255
Idola Ægyptia icone expressa. 715
*Ignis perdurantis in sepulchro-
rum lucernis causa.* 716
*Imagines varia præclarorum
virorum.* 726
*Indicus fructus sine nomine,
corniculis persimilis, & ico-
ne expressus.* 616
Indici fructus icone expositi. 619
*Insula Chios valde celebris ob
terram in ea nascentem.* 125
*Iunci odorati planta laudatif-
sima.* 527
Varia eius virtutes. 529
*Ixia planta, videlicet, Chamæ-
leon niger describitur, com-
modumq; eius exponitur.* 632
- L
-  *ACCA arbor des-
cribitur, eiusq;
facultates nar-
rantur.* 630
*Lacerta Chalcidica descripta,
& cur ita appellata.* 656.57
Varia eius usus. ibid.
Lampetra quid apud auctores. 427
*Lapides varij, piscium figu-
ra veluti insculpti, effigia-
tique.* 428
*Lapides, lampetrarum, hirun-
dinumque formam referen-
tes.* 426
Lapides variorum Conchiliorū
- figura delineati.* ibi
Lapidosorum lignorum frust. 422
*Lapidescentes res qua ratione
efficiantur.* 405.6.7
*Lapilli rotundi, globi dimidiati
figura.* 96
peculiaris eorum facultas. ibid.
*Lapilli in faucibus Carpionis
reperi, mirabilisq; eorum
virtus.* 97
Lapis Eislebianus Agricole. 429
*Lapis in figuram Simiæ natu-
raliter effectus.* 425
*Lapis in figurā Abrotoni plan-
te.* 419
*Lapis in figuram nemoris, ico-
neq; expositus.* 420
*Lazuli lapidis, seu glebæ mi-
nera.* 467
eiusdem facultates. 468
*Lazuli lapidis natura, & vir-
tus.* 228.29
*Lazuli minera cum Armeniaco
mista, & Armeniaci mine-
racum Lazulo mista.* 471
Lenticula Serapionis marina. 19
Lentis proprietates narratur. 587
Leo marinus delineatur. 95
*Lepus marinus, eiusq; proprie-
tates.* 74
Lydius lapis, & eius natura. 353
eiusdem allegoria. 355
*Lincurius, seu Lyncis lapis, ac
multiplex eius usus.* 377
*Liqui dambar describit; eiusq;
virtus reconfetur.* 626.27
Lucer-

INDEX.

*Lucerna fictiles à terra cocta,
usus q̄s earū apud antiquos.* 716
*Lunaria minor, & eius virtus
recensita.* 518.15

M



*AGNES lapidi-
bus omnibus
nobilior.* 257
*eiusdem praco-
nium.* *ibid.*

Magnetis varia nomina. 259
Magnes à quo dicatur. 260
*unde vis trahendi illi acci-
dat.* *ibid.*
Magnetis variae species. 262.3
*qua ratione ferrum attra-
hat.* 264.65
*mirabilis, & varius Magne-
tis usus.* 266
*suas in re medica facultates
habet.* 267
Magnetis allegoria. 268
*Maia femina ex Cancrorum
marinorum genere.* 97
*Malachites gemma describi-
tur.* 218
unde nomen sortita. *ibid.*
eius facultates recensentur. *ibid.*
Malabatrū describitur. 546
multiplici virtute pollet. 547
Malabatri fructus descriptus. 588
Margarita allegoria. 256
Marum herba describitur. 525
non est viribus inefficax. 526

Melanteria friabilis. 475
*Melhemethene fructus exo-
ticus describitur.* 612
*Melachia, Aegyptiorum plan-
ta descripta.* 522
vires habet ad multa. *ibid.*
Melisites lapis describitur. 277
eius facultas. 275
*Metallorum miscella quaedam
perstricta.* 455
Meum legitimum descriptum. 517
usus eius in re medica. 518
*Milvus latinorum lucerna à
Plinio vocatur.* 76
eius allegoria. 77
Myax Dioscoridis descriptus. 48
Minij minera describitur. 464
varius eius usus. 465
Misy durum descriptum. 476
Myrrha legitima. 634
Mitulus in lapidem conuersus. 420
Mitulus descriptus. 48
*Molle, arbor in Peru nascens,
describitur.* 523
multiplex eius usus. 524
Molibdana duplex describitur. 397
Monocerotu cornu frustum. 687
*Montana Nardus ubi nasca-
tur.* 526
eius descriptio. 527
Morachus lapis qualis. 275
*varia ob effectus, quos prodit,
sortitus est nomina.* *ibid.*
Moschi historia, & virtus. 662
Mumia multiplex descripta. 696
varius eius usus in re medica. 697
Mungo,

I N D E X.

Mungo, semen exoticum describitur.

611

N



NAPPELLI radix,
eiusq; vis de-
scribitur. 495.6

*Nautilus lapi-
deus descriptus,
iconeque expressus.* 415.16

*Nephritici lapidis, Isada ab
Hispanis vocati, descriptio,
historia, atq; facultates.* 333.4

*Nephritici ligni commodum,
atque descriptio.* 575
eius vsus. *ibid.*

*Niccoli facultas, variaque
eius species.* 212

*Nitrum unde sumpsit voca-
bulum.* 159

*Nitri natura, vires, atque in
re medica vsus.* 160

Nitri varia species. 162

*Nux Indica quid.
exactè delineatur.* 609

*ex ea oleum exprimitur ma-
gnæ virtutis.* 611

*Nucis Mystica, vulgò Mosca-
ta, descriptio.* 590

O



OBSIDIANVS lapis
Plinij describit,
eiusq; vsus in-
nuitur. 380.81

Ochra varia recensentur. 137

*Odorum natura exactè discus-
titur.* 650

*Odorum naturam cur Plato Se-
migeniam dixerit.* 649

Oleorum genera diuersa. 642

*Oleum infernalis ficus descri-
bitur, eiusq; commoda na-
rantur.* 641

*Oleum Matthioli, eiusq; vir-
tutes.* *ibid.*

Onyx gēma accuratè descripta. 209
causa nominis. *ibid.*

plures eius effectus. 210
eiusdem allegoria. 211

Onychinæ gemma lapides. *ibid.*

Opallus gemma descriptur. 207
magno in pretio apud priscos. 208

*tot habet virtutes, quot colo-
res.* *ibid.*

*pseudoOpallus Cardani magni
apud Indos precij.* 209

*Ophites lapis Gesneri mira fa-
cultate pollens.* 379

*Opobalsamum præstantissimum,
qua ratione dignoscatur.* 637

*Opobalsamum Peruanum com-
mendatur.* 639

Opocalpalo arbor, eiusq; vsus. 636

Orbis piscis varia species. 98

Orbis piscis icone expressus. 99

Oregiella quid ex Clusio. 617

*Os natum in Cerui corde mirifi-
cis præconijs effertur.* 697

Ostracitis lapidis descriptio. 327
singularis eius virtus. *ibid.*

Panis

INDEX.

P



PAGURI Plinij de-
scriptio. 97
eiusdem moralitas. 98
PAPIRUS Ægyptia. 711
PANIS Miliaceus lapidosus ico-
ne expressus. 411
PANIS ex Secale confectus la-
pidosus. 412
PANIS herbae descriptio, eiusq;
virtus. 505
PASTINACA, piscis latinorum. 92
eius commodum. ibid.
PASTINACÆ allegoria. 93
PECTEN corallo rubro in colore
non dissimilis. 36
PECTUNCULUS icone expressus. ibid.
PERNA Plinij, undeque nomen
sortita sit. 46
PES hominis in lapidem con-
uersus. 417
PETROSELINI Macedonici ortus,
forma, natura, viresq;. 514
PHALLUS planta describitur. 18
eiusdem facultates. 19
PHASEOLUS ruber, Abrus voca-
tus. 585
PHASEOLUS niger, Lablab nun-
cupatus. ibid.
PHASEOLI Brasiliiani, & Nigri-
tarum descriptio. 607
eorundem icone expressio. 608

PHASEOLI varij recensentur. 609
PHASEOLUS Lobelij. 590
PHRYGIJ lapidis descriptio, me-
dicusq; vsus. 385
PIUNA, Bysci Aristot. descri-
ptio; ratioq; nominis. 46
PIPER Æthiopicum unde proue-
niat; eiusq; vsus. 589
CAUDATI Piperis descriptio. ibid.
PYRITIS lapidis forma, natura,
natura, atq; vsus. 382.3
PISA. & Lentes lapideæ. 410
PISCIS cæli Speculator descri-
ptus. 68
CASTRICES huius piscis. ibid.
PISTACHIA lapidea. 416
PLANTA Saccharum gignens. 531
rara eius delineatio, & na-
tura. ibid.
PLUMBI candidi vena. 456
PLUMBI medicus vsus. 457
POLYPI piscis descriptio, natura,
ac vsus. 71
eiusdem allegoria. 72
POMPHOLYX describitur. 461
inuentu rara est, quæ eligen-
da. ibid.
PRASSIJ gemma descriptio, &
virtus. 217
PULMO marinus quid. 86
eius allegoria. ibi.
PURPURA describitur. 41
varia Purpuræ species. 43
PURPURA moralitas. 42

Rais

I N D E X.

R



*Alæ cauda longa
elegantè descri-
pta.* 91
Raie allegoria. ibi.
*Rana genus è mari extractum
describitur.* 80
Ranarum solertia allegoria. 80
*Resina candida, eiusquè vir-
tus.* 625
Rhapontici radix. 524
Rhinocerotis cornu. 687
differt à cornu Monocerotis. 688
*Rhinocerotis pellis natura, &
vis.* 703
Rhombus lapideus. 424
Rubinus gemma delineatur. 235
Carbunculi nomen sortitur. ibid.
*Arist. hanc gemmam gemma-
rum gnomen vocat.* ibid.
insigni pollet facultate. 236
*Rubini, seu Carbunculi allego-
ria.* ibid.
Rubinorum minera. 237

S



*Alapæ radicis
usus, & com-
modum.* 584
*Salamandra aqua-
tilis delineat.* 676
*eiusdem proprietates, & com-
moda.* ibid.
Salis vires, & facultates. 139

Salis varia genera. 145.6.7
Sami lapilli usus, ac vires. 386.7
qui præcellat ex omnibus. ibid.
*Sandaraca nativa, fossilisque
delineantur.* 472.3
earum usus. ibid.
Sanguinalis lapis describitur. 403
*Sapphyri præconia, & descri-
ptio.* 213
sacro nomine decoratur. 224
eximia eius facultates. 225.6.7
Sapphyri mystica significatio. 227
Sardæ gemmæ nomen unde. 238
eiusdem descriptio. ibid.
*Sardæ frequens usus apud an-
tiquos.* 239
Sardæ proprietates, virtutesq;. ibid.
eius variae species. 240.41
*Sardonix describitur, & vir-
tus eius declaratur.* ibid.
Sardonichis allegoria. 243
Satyrii descriptio. 553
eius duæ species. ibid.
Satyrii seminis proprietates. 554
Scamoniæ planta delineata. 20
*Schisti natura, causa nominis,
viresq; indagantur.* 273
*Scorpius Græcorum, & Lati-
norum.* 63
eiusdem allegoria. ibid.
Secacul quid. 549
*eiusdem radicis, usus, &
virtus.* ibid.
*Selenites quid, & ubi nasca-
tur.* 283
eius natura, & facultates. 284
Serra

INDEX.

<i>Serra piscis nomen unde.</i>	82	<i>ra, virtusq; exponitur.</i>	370. I
<i>Serræ vis, ac forma.</i>	ibid.	<i>Stibium fossile Ilvanum.</i>	458
<i>Serpens in lapidem versus,</i>		<i>Stibij natura, ac vires.</i>	400
<i>iconesq; effigiatus.</i>	424	<i>Styracis arboris fructus for-</i>	
<i>Seseli multiplex describitur.</i>	515	<i>ma, & facultas.</i>	583
<i>Seseli seminis facultas.</i>	516	<i>Styrax lacryma cuius forma</i>	
<i>Synodontia, lapides delineat.</i>	104	<i>fit.</i>	627
<i>Synodontis maxilla medicus</i>		<i>rara vi pollet.</i>	628
<i>usus.</i>	105	<i>Strombites ubi nascatur, &</i>	
<i>Syriaci lapidis nomen, figura,</i>		<i>cuius figura.</i>	388
<i>viresq; inuestigantur.</i>	298.9	<i>Strombites varij in spiram</i>	
<i>Smaragdi venusta descriptio.</i>	212	<i>reuoluti.</i>	422
<i>unde nomen acceperit.</i>	213	<i>Succini varia species. 180. & seq.</i>	
<i>eximia eius excellentia.</i>	214	<i>Succini egregia consideratio.</i>	ibid.
<i>Smaragdi natalis locus.</i>	216	<i>Succus Guittaiemon è Sinarū</i>	
<i>Solen mas Plinij describitur.</i>	47	<i>regno ad multa confert.</i>	631
<i>Solen femina.</i>	48	<i>Sulphuris varieg species. 169. et seq.</i>	
<i>Solis piscis forma, ratioq; no-</i>		<i>Sulphuris natura, et facult.</i>	170
<i>minis.</i>	93		
<i>Sory ex fossilium genere lapi-</i>			
<i>dosum.</i>	475		
<i>Specularis lapis delineatur.</i>	281		
<i>ratio nominis, proprietatesq;</i>			
<i>eius exponuntur.</i>	ibid.		
<i>Specularis lapidis natura.</i>	ibid.		
<i>Spongites Plinij delineatur.</i>	105		
<i>multiplex eius virtus.</i>	ibid.		
<i>Spuma lupi lapis describitur.</i>	398		
<i>Spuma argenti qualis.</i>	471		
<i>multa virtute prædita.</i>	472		
<i>Stanni minera icone exposita.</i>	467		
<i>accuratè discutitur.</i>	466		
<i>Stella piscis, eiusq; natura</i>			
<i>describitur.</i>	93		
<i>Stella piscis lapidea.</i>	415		
<i>Stellarie gemma forma, natu-</i>			

T



<i>Abella lapidea, Æ-</i>	
<i>gyptia mysteria</i>	
<i>exprimens, de-</i>	
<i>claratur.</i>	293
<i>Talci minera Tirolensis,</i>	459
<i>Talcus fossilis unde nomen ade-</i>	
<i>ptus est.</i>	458
<i>eius natura, ac forma.</i>	ibid.
<i>Tarantula describitur, eiusq;</i>	
<i>proprietates.</i>	666.7
<i>Taurorum fellis, & renum la-</i>	
<i>pis.</i>	381
<i>Tellinarum Concharum varie</i>	
<i>species.</i>	49
<i>Terra lemmia, eiusq; facultas.</i>	116
<i>c</i>	
<i>Terra</i>	

I N D E X.

Terra Iluana, eiusq; facultates. 122. & seq.
Terra Lilia, eiusq; facultates. 124
Terra Eretria, eiusq; facultates. 124
Terra Chia, eiusq; facultates. 125
Terra Salinaria, eiusq; facultates. 126
Terra varia genera. 127. 8. 9
Testudinum varia species. 87
Tethya Arist. describitur. ibid.
Theriac Calceolaria. 704
Thuris arboris lignum. 575
Tiburonis piscis descriptio. 104
Topatij gemma delineata. 244
Topatij nomen, & ethymologia. ibid.
Topatij allegoria. 245
Tophus Plinij. 703
Torpedinis piscis forma, natura, & proprietates. 69. 70
Torpedinis allegoria. 70
Trochitis lapidis delineatio. 311
unde id nomen sumpserit. ibid.
varia eius species. ibid.
Truncus marinae quercus. 17
Tabera lapidosa. 411
Tubuli, seu Siphunculi marini delineantur. 56
Turbinum varia species recensentur. 51. 52
Turbinum allegoria. 51
Turbo magnus, eiusq; natura, formaq; describitur. 50
Turboti Gallici delineatio. 429

U



ACCÆ sylvestris
Indica cornua. 693
Vasa ex purissima porcellana. 719
Venena cur à Deo creata. 496
Veneta Reip. enchomium. 446
Verrucaria herba, eiusq; virt. 505
Vestis ex pennis Indiae Volucrum. 713
Vetulae effigies operis tessellati. 720
Vincetoxicum describitur, eiusque virtus narratur. 521
Vicia Apbricana, & facultates eius. 586
Vitulus marinus delineatur. 60
Unguis onagri legitimus, eiusq; usus, ac virtus. 678

X

Xylbalsamum, eiusq; usus, & facultates. 559
Xylocinnamomi natura, & vis. 572
Xiphia piscis describitur. 81
eiusdem moralitas. ibid.

Z

Zedoaria, Zerumbet Serapionis. 580
Zoophytum animal brevissime delineatur. 86
eiusdem moralitas. ibid.

F I N I S.

AEQVAE POSTERITATI FAMAE PROPITIAE
MIRACVLVM

PVRIORIS ORIS

T E

ANDREA

CHIOCCHIE

SISTO

MAGNVMQ. MVSARVM POLITIORVM

ANTISTITEM

PARTIARIO CVM CERVTO

HEV QVONDAM

CELEBRIS MVS AEI HVIVS

PRIORI NOMENCLATORE

AGEREM

NISI LONGE FACVNDIOR TIBI SEGES

VENERESQ. PROPITIORES

ET MATHESI SVPERESSES

MERITO CVM ADMIRATIONE

LITTERATORVM PORTENTVM

ET LAVDE

VERIVERBIO GENTIVM VBIQ.

AVDIS

N.

N.

CONSTANTIS AMICITIAE ERGO

F.

Errata complura Typographica, qua in hocce Museum operarum incuria, & supina conuientia irrepperunt, eruditi, & candidi Lectoris iudicio emendanda dimittuntur; ut cum coloris pro caloris; praeficere pro proficere, expressum pro expressam, Astomonum pro Astomorum, Montanum Nardum pro montanam, latinè, & Italicè Scriptorum pro scriptis, squalorum obsitum pro squallore, raistro pro rostro, fragire pro frigore, atq; alia huiusmodi propè innumera comperiet; cum denuò in Germania reccidetur, ut auctius, emaculatus, & limatus prodeat, sedulò dabitur opera. Interim Lector nostro labore beneuolus perfruatur.

SECTIO PRIMA.
IN QVA FRVTICES, ET
PLANTÆ MARINÆ
ALCYONIORVM SINGVLA GENERA
TESTACEA, ET CRVSTACEA,
NEC NON PISCES, ANIMALIAQVE
AMPHIBIA EXSICCATA
EXPLICANTVR.

SECTIO PRIMA.

IN OVA REVOLUTIS ET
PLANTIS MARINIS
ALGAE ET CRUSTACEA
TESTACEA ET CRUSTACEA
PISCES ET ANIMALIAQUE
AMPHIBIA EXSICCATA

EXPLICATA

quod speculum legatur adhibendum non
tubulando colore videtur recte non opo-
ratur. Et ad eas partes multo minus adhibendum

A 2

SECTIO PRIMA.

3



ERVTEX hic marinus, cuius Icon in tabella
Cuprea expressus, lectorum oculis subijci-
tur: CORALIVM est tam Græcorum, *Lib. 5. cap.*
quàm Latinorum: BASSAD Arabum; à *97.*
Dioscoride, Solino, & Plinio, vt alios o- *cap. 7:*
mittam auctores, descriptum: præ ramorum *Lib. 32. cap.*
multiplicitate, instar arboris diuariatum, *2.*
quod speciosum, elegansque admodum conspicitur, nec non
rubicundo colore vndeque maximè nitet, quia expoli-
tum, & ab omni materia muscosa manu artificis expiatum.

A 2 Seu

*Tract. de Gē.
mīs loc. cit.*

Seu vt legere est apud Theophrastum, & eundem Plinium; CVRALIVM, quasi τῷ κερῶ ἀλοτὸν, idest tonsura, & præfectione captum: hâc enim piscandi arte, præuijs ingenij, & corporis humani viribus, est è mari extractum; in cuius profundis cauernis suas habuit sedes, ac proprios lares: primitiâsque generationis à succo rubro lapidescente suscepit, quem planta mollis, & viridis, tactûque propè carnulento, quam diù sub vndis mansit, ratione cuiusdam proprietatis, & affinitatis pro sui incremento attraxit: mollitie postmodum illa relicta, ac proprijs natalibus derogatis, quòd ex profundo maris sit expiscatum, & exemptum, in lapidis soliditatem, aëri expositum, statim abierit; non secus, ac ferrum igne emollitum, aquâ postea mersum illico solidescit; quam proprietatem non minùs candidè, quàm eruditè descripsit Ouidius hisce carminibus, in fabulâ illâ de Andromedâ, & Perseo.

*Metamorph.
lib. 4.*

*Nunc quoque Coralys eadem natura remansit,
Duritiem tacto capiant ut ab aëre, quòdque
Vimen in equore erat, fiat super equora saxum.*

Dactylorhæc. Hoc idem expressit Marbodeus Gallus, Poëta vetustissimus, cuius etiam virtutes elegantissimis hisce versibus decantauit.

*CORALLVS lapis est, dum viuit in equore vimen,
Retibus auulsus, vel casus acumine ferri,
Aëre contacto fit durior, & lapidescit,
Quiquè color viridis fuerat, modo puniceus fit.
Et velut Arbusculi ramusculus esse videtur.
Circa semipedem vix longior inueniendus.
Ex quo finguntur gestamina commoda multis,
Quippe salutaris gestantibus ipse probatur,
Illius ut dixit Zoroastes mira potestas,
Et sicut scribit Metrodorus maximus auctor,
Fulmina, Thyphonas, tempestatésque repellit,
A rate, vel recto, vel agro quocumque geratur,
Aut in vinetis aspersus, & inter oliuas,
Aut à ruricolis cum semine iactus in agros,
Grandinis auertit calamis contraria tela,
Multiplicans fructus ut fertilitate redundant,*

Umbras

P R I M A .

5

Umbras Dæmoniacas, & Thessala monstra repellit,

Introitus præstat faciles, finesq; secundos,

Collo suspensus pellet de ventre dolorem.

Et alibi etiam idemmet Ouidius, quamuis tritum, & vulgatum carmen.

*Metamor.
lib. 15.*

Sic & Corallium, quo primum contigit auras

Tempore, durefcit, mollis fuit herba sub undis.

Vt meritò Gorgonia quoque nominari liceat, etenim Gorgonas Phorci filias, Gorgadas Insulas in Oceano Æthiopico sitas habitantes, in lapides versas fingunt Poëtæ: quâ motus similitudine Plinius conterraneus noster, summus inquam ille rerum naturalium indagator, Gorgonia nihil aliud esse scripsit, quàm Corallium nominis causâ, quia mox vt in aërem profertur, in duritiâ lapidis mutetur. Vti & Lithodendron à Dioscoride nuncupatur, partim ex eo, quòd in lapidem conuertatur, partim quòd Arbuscula sit. hinc & Dendritis eiusdemmet Plinij. Nec desunt Viri doctissimi, qui Vatem nominent: quia si nudam corporis partem tangat, pallefcit, si gestanti quid periculi, aut morbi incumbant, vt nouus inter frutices marinos Chamæleon colorem innatum mutat. & ne fictitia expressisse credatur, causam pariter à dogmate philosophico haud aberrantem, referunt; quod vapor ille, qui nondum molestiam homini afferre potest, substantiam teneriorem lapidis affligat, & patiatur Gemma hæc rubens, quod homini ferendum erat: CORALLIVM è mari emergens, aërique expositum in duritiem lapideam deriuare, vt Nomenclatori huic nostro, quem historiâ, ac moralitate exornatum instituere est in votis, magis audacter per ora Virum spatari detur, non inconcinnè homini illi aptari potest, qui à procellosis tribulationum mundanarum undis hic inde agitatus, succo tamen diuinæ gratiæ imbibitus, præuiâ animi constantiâ, & fortitudine, contumeliosos insultus pro nihilo habet, immotus procellis resistit, ac tandem quibuscumque aduersis successibus deuictis, lætabundus ex turbulentissimo infortuniorum pelago profilit, in hominumque conspectum prodiens, virtutum medio ad gloriæ soliditatem peruenit.

*Lib. 37. cap.
10.*

Loc. cit.

*Loc. cit. cap.
11.*

*Moralizev
quid Coralliū.*

Placuit

Placuit beneuole Lector, initio huius operis, ex ijs, quæ ex locuplete marinæ stirpis segete in perhonorificum domus Calceolaria conclaue, veluti Thesaurum, sunt collecta, ac reposita, à Coralio, vti planta nobilissima, summæque admiranda, exordium sumere, quamuis enim rei herbariæ cultores, vt & alij, apud quos maximus est rerum variarum delectus, plantas illas admirari soleant, quæ ob irrigationem continuam ab humore terreno fluentem, ad incrementum perficiunt; & quæ Solis radijs, Lunæque viribus, veluti inebriatæ, non sine spectantium oblectamento, in amplam, venustamque formam, ac si ab vberissimo sinu erumpant, se se expandunt: nihilominus Coralium ipsum maiorem ad se videtur allicere admirationem; non enim in terra, vt illæ, nascitur, crescit, & germinat, sed vitam fruticis viuendo, in intimis saxi ipsius maris radices emittit, vt ita Genuinus campus huic mare videatur; præ nimijs aquis non obrutâ virtute, ac si non nisi mari coalescere natura queat, incrementum illi nequiquam deficit. Quin potius nunquam à Sole tactum in ramosissimam figuram, arboris instar adolescit. Non illarum herbarum ritu, (quarum frondes, vt notat Plinius, & si virides è mari sint exemptæ, protinus Sole tactæ in salem arefcentem vertuntur,) in materiam falsuginosam mutatur. Sed ex plantâ molli, vt primum contigit auras, ad lapidis soliditatem, Diui Basilij verbis inhærendo, transgellatur. Vnde meritò tum ob nobilitatem à natalibus acquisitam, (genitricem cum habuerit aquam, nunquam maledicto subiectam, vt habetur Gen. 1. cui etiam affinitatis vinculo memorandus ille succus lapidescens se coniunxit) nec non ob insignes facultates, quibus in re modicâ pollet, vnum primum, & illud nobilissimum, summæque aspiciendum, inter plantas maris alumnas, venit censendum; nec abs re sit factum, cum primus locus hoc nostro in onomotologio illi fuerit attributus, quâ fortasse moti admiratione, nedum homines illi à cultu Diuino omnino remoti, sed & Sanctissimi Patres, alijque Viri in Republicâ literariâ clarissimi, Coralium in summo habuerunt honore, & huius præpotentes virtutes scriptis celebrare haud sunt dedignati:

At

*Lib. 13. cap.
35.*

*In Exem.
Hom. 7.*

P R I M A.

7

At quò me ducit Coralij nobilitas? plus certè vagari videor, quàm instituti mei ratio exposculet. Finis huic describendo imponatur, & ad alia Coraliorum genera disquirenda sermo dirigatur; quibus cum non vna sit figura, & forma, nec vnus color, ob succos varios, quos Planta, donec sub aquis viuuit, ad se attrahit, horum varietas illomet ordine explicabitur, quo in Musæo proprias sibi sedes sortita est.

CORALIVM ergo, quod ad latus rubri assistit, cum ex succo candido lapidescente ortum traxerit, album nuncupandum venit. Huius namque crusta ipsa, nec non pars, quæ subiacet, adeò est alba, vt illud lacte suffusum, vel niueo candore albescere credas. Et quamuis non ita compactum, ponderosumue existat, vt Coraliū rubrum, & nigrum sunt, attamen non substantiā, sed colore tantum ab hisce differt. Tertium in ordine est.

CORALII albi alterum genus, ramosum satis, cuius rami Coralio rubro crassiores, à trunculo non paruo, arboris instar efflorescunt. Tota cuius superficies punctis, veluti tuberculis conspersa visitur, cui succedit.

CORALIVM in cinereo albescens, ex mari Hispanico expiscatum, ramis onustum, duritie non multā insignitum, sed quod facillimè admodum frangi, contundique potest: in cuius parte exteriori notæ quædam, veluti paruulæ Stellæ, (naturā sic ludente,) hinc indè impressæ sunt. Coraliū est stellatum Ferantis Imperati, Viri ob virtutis meritum, vbique celebratissimi.

*Lib. 27. sua
Hist. cap. 2.*

CORALIVM & illud album, ramosum satis, & mediocriter durum, è mari illo trasportatum, quo Baleares Insulæ alluuntur, suum habet præfinitum locum. Hoc sanè adeò perbelle in illius ortu est à naturā constructum, vt iuncturas animalium, & veluti ossa illa exprimere videatur, quorum medio dearticulationes in corporibus inuicem connectuntur, vt nō præter rem Coraliū articulatum ab eodem Imperato nominetur: ijs in ordine sunt reliquæ Coraliorum species, quæ describuntur.

Loc. cit.

CORALIVM album, cui tamen color fuscus, ac si corneus esset in totā substantiā annectitur. satis durum, & mediocriter

ter

*Lib. 27. cap.
3.*

ter ramosum, inter vegetalia, substantiâ Coralio proximâ, ab Imperato enumeratum; cui Pori Ceruini nomen fecit, fortassè quia ramulos, (quamuis paruos, & minutos) ad similitudinem Ceruini cornus erectos, sparsosque habere videatur.

CORALIVM in colore suboscuro potius, quàm quod albescat. ramis frequentibus scatens, cuius substantia fungosa est: tota etiam superficies inæqualibus lineis abundat, ut vndique spectanti, canaliculi, seu festucæ appareant, ac si crebris acetabulis insculptum esset: quod si verucosum dices, nomen rei perpulchrè aptabis.

CORALIVM album. duritie rubro, & nigro æquandum, cuius totum corpus breuib. quibusdam Cylindris inæqualibus, tuberosis, ut articulati essent, à naturâ constructum videtur, qui pennæ Anserinæ crassitiem non excedentes, parte internâ, radiolis exilibus, iisque spissis, à centro incipientibus, & in crustam satis asperiusculam desinentibus, pleni sunt.

Lib. de figuris lapidum.

CORALIVM album quorundam (sed perperam) Iuncus potius petreus Plinij illius Germani. Gesneri nimirum: quod huius substantia lapidea sit, & diuersis canaliculis inanibus, ac internodijs quibusdam, ut sunt Iunci lævis stili, seu culmi, virgæuè, distincta, nec non erecta appareant. dentibus est facile friabile: Et quamuis subsalsi quicquam redoleat, (quod extra mare in litus proiectum reperiatur hoc lapidei iunci genus) insipidum potius gustanti sese offert.

NE



NE quid ad exactam CORALIORVM descriptionem de-
siderari possit, incongruum haud fore iudicaui, si post Co-
ralij rubri exemplar, ac eiusdem, vti & alborum naturam,
& mores delineatos, Coralij Illius Icon repræsentetur,
quod ob succum atrum lapidescentem, à plantâ in imo ma-
ris attractum pro sui incremento, adèò nigri est coloris, vt
Ebèno ligno solido, & ponderoso, intus nigro, foris Buxi
aspectu, collatione factâ possit iure meritò æquari. Perle-
gans

B

gans est hic Frutex, non enim inanis, & concavus, scabrosusque existit, sed à cortice derafo insigni læuore perpolitus, in lucem prodit. Et quamuis non ita conspicuus censerì possit, vt Coralij rubri Planta, ramorum multiplicitate insignis; ab huius tamen trunco rami satis ampli, & longi fruticantes, in egregiam formam extolluntur. Coraliu est nigrum Latinorum, Antipathes à Dioscoride nominatur, ac si Gemmam nigram ex Plinio nuncupare velles, quam tamen non translucere addit. Ifidos Plocamon ex Iuba est: de quo idem Plinius sic scribit.

Lib. 5. cap.

97.

Lib. 37. cap.

10.

Lib. 15. cap.

25.

Tradere Iubam, circa Troglodyticarum Insulas, Fruticem in alto reperiri, & vocari Ifidos Plocamon, Coralio similem, sine folijs, ac præcisum mutato colore in nigrum durescere, cum cadit, frangi.

Nec despiciendi veniunt, quinimò maximè attendendi, Coraliorum Frutices illi, quos per Musæum animi recreandi causas, & noua contemplandi, lento gradu spatiantibus, admirari datur; inter quos Coralij truncus adest, ab arbore auulsum dices, ob cutem extimam ademptam, adeò expolitum, vt in nigerrimo colore splendeat; à quo ramuli quidam, ac si essent stili, aristæ triticæ modo hirsuti, & oblongi, non inordinatim pullulant, vt non abs re Coralij hirsuti nomine cohonestari possit.

Vti etiam non filebo Coralij plantam satis speciosam: hæc namque ramulis multis partim rubris, partim albis, alijs nigris cum sit ornata, intuentium animos exhilarare valet: in cuius ramis colorum hæc varietas non aliunde prouenire patet, quàm quòd in illius ortu, (non secus, ac vnus lapis ex diuersorum colorum succis intra terram concreescens, varijs ornatur coloribus,) diuersos cum hæc planta pro sui vegetatione, & incremento in proprium sinum conceperit in colore succos, hinc rami varietate colorum notati, emerferint; vt ex hâc, in Coralij plantâ, varietate, dici liceat, non omnia, quæ verò crescunt augmento, esse vniformia, sed per aliarum qualitatuum intro susceptionem, varios nedum colores, sed & formas referre.

Subiungam Coralij Fruticem parenti saxo immaturè adhærentem; nempè qui sub vndis manens, ac in proprio domicilio exul-

exultans, ad perfectam tamen succi lapidescentis concoctionem deueniri non fuerit datum. Hic meatibus non est immunis, quò hunc eundem succum capere posset; ab huius trunco ramuli, seu virgulæ multiplices tuberosis quibusdam marginibus signatæ, satis oblongæ, & flexibiles, (& si lignosæ) colore veluti herbaceo coopertæ, in amplam, decoramq; formam profiliunt.

Addam etiam Coralij plantam non ita perfectè, & exactè ad satietatem, maturitatēue peruentam, vt potuerit lapidescere, colorēque Minio similem acquirere. Hæc tamen ramulis quibusdam partim ligneis, alijs saxeis, & ijs modicè rubentibus est dotata, quibus Tubuli, seu Siphunculi testacei marini in gyrum, (ò naturæ admirandū opus) sunt innati. Lubens omissem Phucum illum marinum capillaceum, seu fœniculaceum à Theophrasto descriptum, folio capillaceo (vt notat Plinius) fœniculo qui est similis, in officinis sub nomine Coralinae vsurpatum, & à circumforaneis (vt miris laudibus elatum!) in puluerem contritum, ad puerorum vermes tam necandos, quàm è corpore expellendos, passim venditum, ni sui ortus Archetypus, ad illum describendum, quamuis inuoluntarie, cum vulgaris sit planta, me excitasset: emergere namque sine caule hanc herbulam è saxo, à quo etiam Coralij Frutex efflorescit, non sine spectantium delectatione conspicitur, in substantiâ quid osseum referentem, cuius color non cinereus, sed vt magis probatus, rubet.

*Hist. pl. ar.
lib. 4 cap. 7
Lib. 13. cap.
25.*



AD CORALIORVM species iam descriptas, non inconcin-
 nè me facturum existimaui, modò huius venustissimæ Plantæ
 Icon adponatur: qua humanissimus Pompeius Sprecchius
 Venetus, vt & quàm plurimis alijs rebus peregrinis, Musæum
 Calceolarium nuperrime ornauit. Vir inter peritissimos ar-
 tis

tis pharmacopœæ, qui primas Venetijs habet sedes, & cuius hoc nostro in opere, sæpe sæpius perhonorifica, meritò, fiet mentio: nec me invito plantam hanc Coralijs ipsis pro appendice subnexi: non enim desunt Viri in rebus indagandis naturalibus haud spernendi, qui censeant, hanc in aliquam Coralijs speciem esse referendam; quorum opinioni an veniat subscribendum, inferius breuissimè tamen, explicabitur.

Vt ut autem res sit: Planta est elegans admodum, ex mari rubro expiscata: tota substantia tophosa potius (quia facile, nullòque negotio frangitur) quam lapideæ, ac duræ consistentiæ; cuius color foris flavescit, parte internâ, & hæc post superficiem albicat; quam dum diligenter examino, è quadâ materiâ saxeâ, porosâ tamen, uti ad suscipiendum pro sui incremento humorem aptâ, euulsam, extirpatâque esse scias, à cuius trunco satis crasso, minutissimis veluti punctis per totum corpus signato, non secus ac ab arbore ramiferâ, multiplices germinant ramuli, miro ordine à naturâ dispositi, qui in pyramidalem formam desinentes hæmisphœrij quandam imaginem repræsentare videntur, quòsque Abrotani fœminæ, aut Myrriophylli folia æmulari dices. An Chamæcyparissus possit esse à Plinio descriptus (ut apud nonnullos in-
Lib. 24. cap. 15.
uasit opinio) humilis nempe, seu pumila illa Cupressus, cum Abrotano fœminâ magnam, quæ habet similitudinem, in re dubiâ, quamvis hæsitare posset animus, hoc vnum tamen dicam: si substantia illa petrea (quamvis caduca, & frangibilis admodum) perpendatur, quâ tota planta in eius exortu est à naturâ fabrefacta; si porositates illæ attendantur, quibus omni ex parte scatet, ac tandem hoc fateatur, quod vero verius est, ab vnâ, & eâdem massâ, veluti glebâ, & parente, materias petreas emergere, ac pullulare, quæ fruticis instar expansæ diuersos nedum colores ostendant, sed & varias formas exprimunt, ut in tabellâ ad imum plantæ delineatas, cernere est; ineruditè non erit fateri. Plantam hanc inter illa vegetalium esse potius enumerandam, quæ Coraliorum sapiunt naturam, quàm in quoduis aliud fruticis genus; & si foliorum similitudine, quæ marginibus illis sunt notatæ, non autem natalibus, nec tota substantia, Chamæcyparisso Plinij

nij posset comparatione factâ, æquari.

CORALIORVM hæc omnia genera, quæ in tam admirando rerum ferè omnium promptuario, ad propria loca elegantissimo ordine sunt disposita, describere non piguit; quo sciant lectores, post maximos sumptus, summam industriâ, ac indefessos labores in rebus tam multiplicibus, & peregrinis conquirendis, ne dum FRANCISCVM CALCEOLARIVM, senem illum Venerandum, qui ad nonagesimum vsque annum laudatissimâ vitâ est functus, rei medicamentariæ artificem solertissimum, inter peritissimos Botanicos, à clarissimis scriptoribus non semel tantum summâ cum laude commemoratum; & cuius vitam, morumque probitatem, elegantis. elogio Vir. Cl. Franciscus Pola consobrinus meus I. V. D. celeberrimus, & in Academia Patauina Pandectarû publicus, magnâ cum audientium admiratione professor, viuens descripsit; sed & Franciscum Nepotem ex filio, ob meritum à virtute emanans, ad debiti decoris soliditatem, Coralij instar, iâm peruenisse: quod sanè elogium è re nata subiiciendum honoris causâ duxi.



VANTÆ dignationis FRANCISCVM CALCEOLARIVM esse arbitremur, cuius perhonorifica mentione Matthiolus, Marantha, Aldourandus (Dij quales homines) cæterique primores nostri temporis Medici, atq; etiam Historici suos illustrari libros posse putarunt? Quantus scilicet esse debet incomparabilis rei medicamentariæ artifex. Hic ex prisco illo Calceolariorum sanguine priundus, qui annos iâm ferè tercentos Veronæ dira Actiolini sæuitia infelicitè claruerût, nihil potius à teneris vsque habuit, quàm vt Pharmaceuticæ summâ cum dignitate, & amplitudine exerceret. Proinde, cum ingenio fatis liberali valeret, & honestâ litterarum eruditione floreret, atque in facultatibus egregiè locuples esset, nihil reliqui sibi fecit, vt exactissimam simplicium medicamentorum cognitionem adipisceretur, summamque
hoc

hoc nomine gloriam sibi compararet. Atque fanè sui voti præclarè compos factus est. Nullus enim ferè extitit Medicus, Herbariæque studiosus, qui sine CALCEOLARII familiaritate, & peritiâ aliquam in arte famam consequi posset re vera crederet. Ager verò, vnde ille præcipuè tam copiosam meriti decoris segetem fæliciter collegit, angustum fuit domui eius conclaue, in quo omnia, quæcûmq; peregrina, & rara ab eius ordinis hominibus excogitari, desiderariue possunt, pertinaci studio, sumptibûsque maximis, è quacumque remotiore Mundi regione conquisita, ibidémq; varijs loculis eleganter distincta, includit; curiosisque omnibus exposita habet. Adeò, vt propterea doctiorum omniû amicitias, Regularûmq; etiam beneuolentiam promeruerit. Neque iniuriâ; quando nullus post homines natos siue Rex, siue Imperator, tam luculentâ huiuscemodi rerum suppellectile se iactasse dicatur. At verò humanitas incredibilis & stupenda in excipiendis hospitibus benignitas, & magnificentia, suauissimique mores à robustâ, quadratâque corporis formâ spectandi huiusce viri excellentiam vsquèquaque comprobarunt. Præterquàmquod, & libellus quidam de Baldi itinere circumfertur satis elegans, purâque pariter latinitate, & reconditâ herbarû cognitione præclarus; quàmquàm nonnulli extant, qui hanc illi palmam inuident. Verum septuagenarius iam ferè factus, satisq; se gloriæ vixisse ratus, carissimisque duobus filijs orbatus, in amœnissimam quandam suam villam cui Ripulæ nomen, ad Baldi radices, se contulit, vbi reliquum vitæ suæ spatium inuidendâ tranquillitate bearet. Viue senex vel propter hoc vnum fortunatissime, quòd immortalitate tuâ viuus perfrui potuisti.

Franciscus Pola I. C.



AD easdemmet Plantas, quæ Coraliorum naturam, & imaginem spirare videntur, abs re non erit, si & Planta illa subiungatur, quam rerum exoticarum ditissimus Sprecchius, non

non ambitionis, sed liberalitatis effectum exprimens, humanissime ad Calceolarium misit; & cuius exemplar, in tabella incisum, ut quid rarum, & visui periucundum Lectori attendendum, speculandumue exhibetur. Est namque Planta ex Americano Oceano extracta, fruticosa satis, & virgulati modo lignosa, non secus, ac Coraliorum frutices, ut plurimum esse consuevere, cum e mari intempestive, ac immature eximuntur: foris illa eadem materia mucosa, & alba est infecta, quam Coraliorum ramulos e trunco frondescentes, sæpe numero coopertos annotavi; & quos etiam in Musæo nostro adhuc reservamus. Plantæ huius forma, ut videre est, in summitate quasi semicircularis extat, infima vero pars, & si Coralij modo scopulo, aut lapidi innatam esse dices, in acumen obtusum definit; ut perpulchrè illud Trinachidij genus (vulgò Ventaline) imitari videatur, quo nostrates Matronæ æstuante Syrio, pro corpore ventillatione refrigerando, uti solent; facie namque est plana, ad excitandum ventum apta, quæ postmodum in frequentes ramos, eosque etiam planos spargitur, ex quibus, ut firmissima maneat, & aëri comparando magis idonea sit, in longitudinem, & oblique, multi nervi retis instar contexti (ut Clusianis utar verbis) exeunt, adeo firmi, ac si ex cupreo filo essent conflati. Vnde cum Americanæ illæ mulieres (apud quas maximus est huius plantæ proventus) hæc quoque præ manibus arreptæ, ad defugandos æstus, & vim caloris ambientis compescendam, flabelli vice uti sint assuetæ, summam naturæ providentiam attestari quam facillimè poterunt; quæ, arte deficiente, illa omnia humano generi suppeditare soleat, quorum medio, ne quid detrimenti patiatur, præservari possit, & longæva vitâ frui valeat. Planta retiformis à Cl. Carolo Clusio nominatur appositissime, & sapienter deductâ similitudine ab instrumento illo, quod ob raritatem (ut Varioni placet) retis nomen est adeptum, & quo Aves, Piscésue capiuntur.

In Musæo Truncus quidam, & si parvus, custoditur, Amsterdamo aliquot ab hinc mensibus transmissus; quem dum diligenter examino, nullis deficientibus notis, à Quercu marina,

*Exotic. lib. 6
cap. 3.*

3. d. verustica

Hist. plātar.
lib. 4. cap. 7

Lib. 13. cap.
25.

Loc. citi.

Metamor.
lib. 9.

rina, à Theophrasto descriptâ, auulsum credo, ab hoc nāmque rami plani emergunt, qui postmodum in alios minores, tuberculis quibusdam notatos, & Cupressi folijs haud absimiles, diuiduntur: singulorum materia lignosa est, quamuis dura, ac si saxeâ esset: sapor ijs, vt in Mari nati, est falsus; colorem purpureum spirasse ostentant, præ vetustate nāmque aliquâ ex parte hoc denudatos remansisse, clare conspicitur: de quâ etiam Arbore scribit Plinius; in Orientali Oceano Quercus, naturâ ingentes, ac procerrimas, non videri altiores cubitali proceritate, ac tradi, ijs tingi lanas, ob purpureum fortè illum colorem, quo saturas esse notat Theophrastus.

PHALLVS non ille quidem obscœnus: Veretrum nimirum illud coriaceum, & ficulneum hisce scriptis exprimitur, quod Mulieres illæ Bacchi sacrificulæ, quas Græci *Βαχχικαὶ*, Latini Bacchas nuncupant, extra pudoris limites prurifcentes, & in orgijs magno cum vlulatu furentes, nec non tertio quoque anno ad Citheronem montem coaceruatim conuenientes (ò vanissima, & profanissima in mysterijs decantatis gentilitas) circumferre solebant; & de quibus sic cecinit Ouidius,

Utque tuo mota, proles Semelia, Thyrsō

Ismariæ celebrat, repetita triennia Bacchæ.

Sed Planta illa delineatur, prioribus sæculis (vt obseruare libuit) incognita: teres, cute extimâ maculosâ, ex fungorum (crediderim) genere, quæ adhuc illæsa in Musæo, ad naturæ miraculum, Calceolarij compatris carissimi curâ, asseruatur: quamuis ex maritimis arenosis Hollandiæ plagis, multum à regione hâc nostrâ longinquis, quò loci crescit, transportata: cui ob similitudinē cum hominis pudendo suo præputio contexto, quam habet (singulæ eius partes si spectentur) meritò Phalli nomen videtur adscriptum. Et quâuis natura in rebus nouis gignendis semper fœcunda, laxiue admodum in huius plantæ ortu luisse videatur: attamen ad luxuriosorum potius contemptum, & ridiculum, quam ad rei Venereæ Lenocinium, procreata est; ob temperamentum nāmque frigidius, quo pollet, libidinis incentiuum prorsus extin-

extinguere valet, quàm quòd ad Veneris prolubium excitandum expetenda veniat: caueant obsecrò à tali Phallo vti nocuo, Mulieres illæ, quæ numerosam prolem adprime appetunt; quem concupiscere teneantur, natura edocet, monétq;.

BRYON quoque marinum Lactucæ folijs, à Plinio descriptum, Musæum habet: testæ terrâ comprehensæ annatum. Lib. 27. cap. 8.
faciè à Lichene, & Pulmonaria (vt Plinianis insitam verbis) non multum dispar, & Lactucæ crispæ Planta æmula; vtpote quæ folijs rugosis, & contractis est, quæ sine caule cute rubrâ contectâ exeunt, quâ denudatâ totum corpus cribri instar perforatum spectantium oculis subijcitur. Escara marina Rondeletij Monspelliensis Medici suâ tempestate celeberrimi. Muscus intybaceus, crispus marinus Cl. Lobellij Medici Insulani, & rei herbariæ acerrimi perscrutatoris: Lactuca marina Herbariorum. An Fuci marini prima species Dioscoridis. lib. 4. cap. 95

Quis non mirabitur **ANDROSACEM** Dioscor. & Plinij? à solertissimo Calceolari in tantâ rerum maritimarum scelestissimâ copiâ, vt plantam marinam pusillam sanè, sed elegantem repositam? quæ, vt in Mari nata, è saxo in cinereo albicante, & humi inuoluto, d quàm perbellè efflorescit, exiles spargens pediculos, cirrôsue glabros, nitidos, crebros, & rectos; singuli singulos clypeolos medio centro sustinentes, circinnatum Umbilicum vrachis appensis qui referunt: vnde Umbilicus marinus à Monspelliensium scholâ nominatur: tota albescit hæc Planta, quod vndis eiecta, sub quibus ex squallido, cinereoque virebat, littore sit excepta. Indrosaces est quorundam, ab vrina nimirum, & Hidropicorum aquis educendis. Fungus marinus exiguus à Gesnero dicitur; ob similitudinem fortasse, quam huius plantæ folliculi in summitate adhærentes, cum fungis nostratibus, formâ ipsâ habere videntur. Musci marini genus Melchioris Guilandini Borussi, Medici, & Botanici præstantissimi. Lib. de figur. lapid. cap. 7

LENTICVLA similiter marina Serapionis, Tyrreni Maris, Cap. 235: & Adriatici indigena: habetur, *Folys angustis, Osyridis, Scoparia dictæ* (vt Lobellium loquentem referam) *in flexilibus loricatis spetiolis sesquipalmaribus refertis, & onustis, copiosis bac-* Cap. 235: simpl. Lib. de stirp. obs. cap. propr.

cis rubentibus, vacuis, membranaceis, teretibus, lenticulis, similibus, & paribus, unde ei nomen.

Advers. 277

*lib. 4. c. 145.
simpl. c. 303.*

PLANTA, quæ in gratiam munifici Sprechij delineatur; Scamonia est Monspelliensis, à Lobellio sub hoc nomine divulgata: ratio nominis, quia Scamonix legitimæ Dioscoridis, & Serapionis folia imitetur, & eius modo lacteum succum fundat. Est etenim Planta Adriatici nostri Maris, & Mediterranei alumna, radicem quæ habet candidam, succosam, policis crassitudine, subtus terram hinc inde serpentem, cui caules sunt multi bipedales, furculosi, & recti, folijs leuibus, mollibus, & pallidis Hederae quodammodo similibus onustis; florem, quæ producit, album: tota vero planta succo lacteo manat.

*Cap. 330.
simpl.*

Nonnullas alias plantas è varijs regionibus maritimis ad Calceolarium demãdatis, cernere est in hoc pelagico Quæstore, vt Iuncum marinum Gramineum Lobellij, & eiusdem Leucoion Latifolium in suis de stirpium obseruationibus notatos. Erucam marinam, sic nominatam, quia Erucam hortensem sapore æmuletur. Tripolium Dodonæi, seu Turbith Serapionis, multum tamen à Turbith Mesues, & Auicenaë distantem, & quamplurimas alias, quas singulas recensere longum nimis esset.

Lib. 5. c. 94.

Per maritima digrediendo, quò studiosorum animi recreari possint, Alcyoniorum quæq; genera ad mentem Dioscoridis succintissimo penicello historico delineabo; quibus nobilissimæ illæ Aues marinæ, quas Græci *Αλκυονες*, Latini Alcedones nuncupant, nomen fecerunt, non quod (vt plerique credidère) ex earum nidis Alcionia fiant, & mari innatent; sed quia (& probabilius) super hæc per mare tranquillum, & paccatum fluctuantia, tempore potissimum hiberno, & brumali, quo summa est in mari tranquillitas, Alcyones nidos sibi ad fœturam fiant, & struant; vel quòd, & fortasse rectius, ex eadem materiâ, quâ & Alcyonia in mare fabrefiunt, nidum hæc Aues ferè sphaericum, vt notat *Ælianus*, vnico, & exiguo foramine contextum, efforment, quò (ò admirandum in Auibushisce sagacissimum ingenium) vnâ cum prole, vndis neq; in nidum vlla parte pene-

lib. 9. cap. 17

penetrantibus, nŕlque veritatē maritimas tempeſtates, tutā ab hoſtium inſidijs, & fortunæ euentu eſſe poſſint; nec non in promptu pabulum habeant, piſciculos nimirum quibus aluntur, circa nidum, veluti ad eſcam annatantes; quam ſagacitatem expreſſit Ariſtoteles, deſcripſit Ælianus, nec non Iſidorus: hoc idem affirmat Plinius. Sed vnum vt memoriā dignum, ex Æliano, non ſilebo, cui etiam ſubſcribit Diuus Baſilius: (quodque in illud genus hominum dictum intelligatur, quibus rerum quarumlibet tranquillitas eſt) ſcilicet pariente Alcyone mare ſuſſistere, miraque pacari ſerenitate, pacem, & amicitiam inter ſe habere ventos; parere has auiculas; non multo maiores Paſſere Aue, vt notat Ariſtoteles, media hyeme, & tamen Cœli temperationē ijs largiri, nec non eo tempore dies eſſe tranquillos, vt foetibus hiſce educandis obſequium ipſa rerum natura præbere videatur, quod ſimiliter hiſce carminibus perbellè admodum expreſſit Ouidius.

Perq̃s dies placidos hyberno tempore ſeptem

Incubat Alcyone, pendentibus aquore nidis:

Tum via tuta maris, ventos cuſtodit, & arcet

Æolus egreſſu, præſtatq̃ nepotibus aquor.

Hinc & Alcyonios dies illos traducere eſt in prouerbio, quibus datur vita non procelloſa, & grumnoſa frui, ac eiſdem infortunia conticeſcunt.

ALCYONIVM primum Dioſcoridis, ex falſo liquore, qui maris eſt proprius (vt & cætera Alcyonia) cum ſpumâ, tenuiſſimis ſordibus, vel quâdam lanugine permixtâ; in ſubſtantiam denſam, & ſatis ponderoſam, ſpongiæ in ſpecie haud abſimilem, concretum: cui ſapor eſt acerbus, & tetro, prauoque odore, putidos olet piſces: tenui quâdam cute albicante eſt obtectum: interiore autem in parte, quæ ſubſtantiam veluti ſpongioſam ſpirat, color ad rufum, & fuſcum declinat.

ALCYONIVM ſub primo hoc genere reponendum, non ſine ſpectantium admiratione, in Muſæo reconditum habetur; extuberantibus namque tubulis, nec non concauitatibus, ac ſi continuo vndarum fluxu, & refluxu eſſet compactum

Hiſtor. anim.

lib. 5. cap. 8.

Hiſtor. anim.

lib. 12. c. 7.

Ibidem

lib. 10. c. 12.

lib. pr. cap. 7.

In Exem.

Hom. 8.

Moraliter

quid Alcyon

Auis?

Hiſtor. anim.

lib. 9. c. 14.

Metamorph.

lib. 11.

Loc. cit.

ctum, vndique plenum est, quod verò maiorem allicit admirationem, in adeo egregiam formam seipsum patefacit, vt naturam in efformando amplo, & prægrandi capitis, Diadema illud referente, quo veluti fasciâ quâdam, caput regium olim circumligabatur, artem elusisse dixeris.

Loc. cit. **ALCYONIVM** secundum Dioscoridis, cuius figura est longiuscula, primoque oblongior: concreti in oculo vnguis (vt Marcellus) & vt alij penicilli ocularis, aut spongiæ faciem habens: leue est, & sine pondere, quia rarum, & foraminibus plenum: tactui quod cedit, ac odorem panè Algæ, Fuci marini spirat.

Loc. cit. **ALCYONIVM** tertium Diosc. Vermiculorum speciem ostendens, & ad Purpuræ colorem accedens; cuius consistentia mollis est. Alcyonium Milesium Quorumdâ. Alcyonium Vermiculare, seu Vermichiara marina Imperati, inuolucro prælungorum filorum non dissimilis.

*Histor. nat.
lib. 27. c. 8.*

Loc. cit. **ALCYONIVM** quartum Dioscor. lanas pinguitudine sordidas repræsentans, foraminibus plenum, vt secundum, similiter leue, & rarum.

Loc. cit. **ALCYONIVM** quintum Dioscor. Fungi figurâ; in quo nullus præsentitur odor; extima cuius cutis est leuis, intus vero pumicem lapidem asperitate imitatur: omnium sanè Alcyoniorum calidissimum, adeo namque insigni caliditate flagrat, vt & pilos vrendo absumat, cutemque corrodat, ac in eius profundum penetrans, vlcera molliatur.

Lib. 27. c. 3. **ALCYONIVM** Milesium nonnullorum (sed perperam) Tubulara potius purpurea ab Imperato descripta: in eius namque meatibus, quibus tota scatet, Tubulos, vermes marinos, vt in proprijs domunculis procreari, & viuere creditur; puniceique coloris Coralijs rubris similis, sit. Hoc non vermiculorum speciem demonstrat, vt Milesium Alcyonium à Dioscoride traditum: sed potius consistentia quædam marina existit, substantiæ lapideæ sanè, sed quæ facillimè in partes scindi potest, tota fistulosa, paralellis etenim rectis, seu canaliculis inanibus, internodijs quibusdam distinctis, miro naturæ artificio constructa visitur: qui inter se dum coalescunt, superficies aliquot, per interualla constituunt, ac si crustis

crustis adiuncta essent.

ALCYONIVM peregrinum in colore cinereum, ob formam non despiciendum: ab huius námque parte infernâ, globosâ, & densâ, rami aliquot satis oblongi, sed crassitie varij, ordine indistincto exiliunt, cornua cuiusdam animalis referentes; quod si quis Alcyonium ramosum nominabit, rectè fecisse iudicabitur: vti etiam ob saporem valdè salsum, & acre, quo gustantium lingua mordicatur: sub classe Alcyonij quinti Dioscoridis collocari potest; à solertissimo Sprechio, Calceolario Iuniori dono transmissum, quod Alexandriâ Ægypti acceptum dicebat.

Loc. cit.

ALCYONII, & aliud genus non vulgaris famæ, aliquot ab hinc annis in Musæo custoditur: cuius singularem formam si spectes, cum vnâ parte veluti sphæricum sit, alterò verò turbinatum, Fici arboris fructum, aut Pyri faciem æmulari dices; sapor illi cum sit acerbus, tetro odore nares feriat, cute extimâ albicet, satisq; densum, ac ponderosum sit, ad primum Alcyonij genus Dioscoridis reduci non inconcinne potest.

Loc. cit.

ALCYONIVM sub rotundum Georgij Agricolæ, & Quorundam Recentiorum, qui non desunt, primum Alcyonij genus facere, quàm benè non audit Gesnerus: asserens figuram ipsam, quamvis rotundam, non satis esse ad conuincendum, rem eandem esse cum Alcyonijs; vt potius Pila, Ballæue marina ob figuram rotundam, nuncupandum veniat: quod cum Brasauolo idem Gesnerus inter spongas reponit; & si Zoophiton non sit, idest planta animal: hoc autem intelligendum crediderim, ratione facultatis exsiccantis, quâ pollet, & eundem ferè vsum præstandi, vt spongiæ: Globus sphoericâ figurâ est, mari innatans, mollis, laxis, rarus, inodorus, ac ferè insipidus; exilibus pilorum instar, & breuib; cuiusdam herbæ minutissimæ festucis, colore fuscis, mutuò supra littus ex fluctu collidente, immistâ spumâ intricatis, confartus: De quâ Ballâ meminit etiam Galenus, referens quæ Crito ad conseruandos, augendos, nec non à defluuio præseruandos capillos scripsit, quam *αἰσπῶν* appellat.

Lib. 4. d. nat. fess.

Lib. 4. de Alcyonib. cap. de Alcyone.

Loc. cit. & 4. de aquat. lib.

Lib. de comp. medic.

loc. cit. cap. 2.

ALCY-

ALCYONIIS ad latus disposita iacet Adarces, seu Adar-
ca Latinorum, vt ijs cognata: est námq; veluti Alcyonium
palustre, & tamquám concreta falsilago, quasi crustacea,
fragilis admodum, ob tunicas subtilissimas, quibus multis
est compacta, in palustribus, & humidis locis, ex spumâ
aquæ dulcis, & marinæ, vbi se admiscunt, per siccitatem
circa arundines, & cremia tenuis emergens. Huius memi-
nit Dioscorides, nec non Galenus, quam inter medicamen-
ta calida reposuerunt. Calamochnes est Græcorum ex De-
lacampio, idest τὸν καλαμὸν ἄχων. calamorum scilicet, arun-
dinumue spuma: quamuis in Plinij vulgatis exemplaribus,
corrupto fortassè nomine, Calamochnus legatur. An sit
illa, de quâ idem Plinius sic scribit. *Sinapis naturam, ef-
fectusque eisdem habere traditur Adarca, inter Sylvas tactâ cor-
tice calamorum sub ipsâ comâ nascens*: quamuis suspicari lice-
at, rem eandem non esse; cum hæc non inter aquatilia è
spumâ aquæ dulcis, & marinæ, vbi se miscunt reponatur,
sed inter Sylvas nasci dicatur; quâ ratione à nonnullis in-
ter species sinapis, vt herba, est numerata: attamen alter
locus Plinianus si consideretur, vbi hæc habet. *In Italiâ na-
sci Adarcam nomine, palustrem, in cortice calamorum tantum, &
sub ipsâ comâ nascentem* (sic námque ex eodem Delacampio
corrigendus videtur hic locus) *utilissimam dentibus, quoniam
vis eadem est, quæ Sinapi*: illammet esse cum Calamachne
Græcorum, & Calamochno Plinij: statuendum videtur.
Ne autem ab instituto ordine ingenium aberret: si quis Con-
charum, Cochlearum, Conchyliorum, & Turbinatorum,
non minus elegantem, quàm vberriam seriem inuisere cu-
pit, Musæum ingrediatur Calceolarium: ibi etenim quæ Ma-
re nostrum Mediterraneum, quæ ab orbe hoc nostro remo-
tissima Maria, huius generis eiectiones producant, admi-
tari poterit: quibus singulis ob magnam ludentis naturæ va-
rietatem, ob tot colorum differentias, & denique ob tot fi-
guras, cum perdifficile admodum sit propria nomina aptare,
conabor tamen in legentium gratiam, quorum congruam
Nomenclaturam ponere dabitur, id lubentissimè exequi:
quæ verò nedum à veteribus, sed nec à recentioribus nomine
insignita

lib. 5. cap. 94
Lib. 11. de
med. facult.

Hist. plant.
lib. 9. cap. 11

lib. 20. c. 22.

lib. 16. c. 36.

Loc. cit.

insignita neutiquam sunt, illa eadem proprijs characteribus, aut qualitatibus delineare nullius erit laboris. Et à re fortasse fabulosâ, falsiq; suspectâ, à vero tamen non alienâ, vt naturæ miraculum, exordiri placet: à Conchis nimirum illis (quarum imago ad viuum delineata subijcitur) quæ Anatifera à scriptoribus nuncupantur: quòd ex ijs, quæ pars est exclusa, & emissa, in maréque proiecta, Aues excludantur, & in Anseris siluestris minoris speciem, aut in Anatem siluestrem, huicue congenerem Auem adulescant, quæ verò humi, & sicco manet emoriatur, quoniam in aquâ est eius nutrimentum, & vita. Hasce Conchas ex putridis nauium lignis, aut ex Arborum stipitibus, surculisve in litus projectis, & Maris alluionibus perpetuò irrigatis procreari perhibent, nonnulli rerum Septentrionalium Historiam, qui scriptis mandarunt: hoc idem affirmat Lobellius in sua de Stirpium Historia: quas se ad Tamesim amnem, quâ Londinum præterfluit è Navis annosæ carinâ auulsas habere testatur. Et si apud Conradum Munsterum aliter habeatur: *In Scotia, scribens, nec non in Insulâ Pomeniâ, quæ haud procul abest à Scotia versus Aquilonem, inueniri arbores, quæ producunt fructum folijs conglomeratum: Et is cum opportuno tempore decidit in subiectam aquam, reuiuiscit, conuertiturq; in Auem viuam, quam vocant Anserem arboreum: quod ne figmentum à nouis scriptoribus excogitatum credatur, Veteres quoq; Cosmographos, præsertim Saxonem Grāmaticum huius arboris mentionem fecisse notat.* Hoc idem ex relatu cuiusdam Auctoris Scoti, rerum occultarū solertissimi perscrutatoris, affirmat Olaus Magnus: dicens: *In Orchadibus ex quodam fructu Arboris cadente in Mare, generari Anates, qui paullulum susceptis alis euolant ad domestica, vel syluestria:* ita vt ex horum Auctorum scriptis innotescere potest, Aues has veluti fructus esse quarundam Arborum, quæ illis in regionibus super riuos maris sunt: nec non in eorumdem corticibus potius, & stipitibus pendere, quàm in ramorum summitatibus; quas genitas crediderim non per coitum, concubitumve, sed ex humore, succove crasso proprietate innatâ, veluti semine, ab arbore ex se emisso, ex quo condensato primitias generationis suscipiant paruæ hæ Anatium species, & pro tempore ab arboris humore incrementum

*Cosmograph.
lib. 2. cap. 11
de Scotia.*

Lib. 19. c. 6.

tum acquirant (quod si etiam addas; ex infuso rore cœlesti huic foetationi augmentum impertiri, nec id præter rationem erit) quæ postmodum maturitatis tēpore superueniente, instar fructuum ad maturitatem peruentorum, ex arboribus in subiectam aquam decidunt: & proprio pabulo nutritæ, per incrementum carne, & plumis decoratæ, ad prænaratam magnitudinem proficiant. Fabius Columna Neapolitanus Vir sanè doctissimus in suo de Plantarum historia libro Balani marinæ speciem à Rondeletio descriptam esse affirmat: hæsitabat sanè animus in harum Auium historiâ, idque eò magis cum videam ab Auctoribus diuersimode hanc commemorari: ni fabulosam non esse, sed veram oculatâ fide nuperrimè mihi significasset Cl. Vir. D. Pancratius Mazzanghius Barghaus, in Pisano Gymnasio Simplicium Medicinæ summâ cum laude Professor publicus, & horto medicinali præfectus deputatus, qui dum præterito mense Augusti Veronæ esset, vt mandato Serenissimi, & Inuictissimi Magni Hetruriæ Ducis, collectas ex celeberrimo nostro Baldi Monte stirpes, quibus vndequaue opulentissimus visitur, in nobilissimum Viridarium Pisanum ad vsum medicinam facientium erectû, transmittendas curaret: Musæum Calceolarium, pariter & nostrum, inuisere non est dedignatus, varia, & illa quidem iucundissima, inter nos fuere colloquia philosophica, & medica: incidit tandem sermo in hæc Aues: vnde attestabatur in florentissimo Musæo illo, Regio sanè, quod Pisis auspicijs eiusdem Serenissimi Magni Ducis summa cum veneratione custoditur: inter alia naturæ miracula, ramos quosdam satis grandes ex regionibus Septentrionalibus transportatos, asseruari, auulsos ab Arbore fatebatur: in quorû corticibus pendent, ac si sint Conchæ circinnatæ ferè rotunditatis, foris albidæ, lucidæ, & læues, tenuitatem testæ Mytuli modo præferentes, & nuci amygdalinæ compressæ pares: ex quibus in mare lapsis Aues prænaratas excludi referebat. Hanc eandem Auem crediderim exprimere voluisse Scaligerum, & si diuersi generationis modo: cū dixerit: *In Oceano Britannico ignotam Auem Anatis facie rostro pendere de reliquijs putridis naufragiorum, quoad absoluatur, atque abeat quæsitum sibi pisces, unde alatur: quam se vidisse testatur:*

& à

Exerc. 59.
cont. Card.
disput. 2.

& à Britonibus Bernachiam appellari tradit: recepto etiam in prouerbum vocabulo, cum ignauiam cuiuspiam exprobare volunt, hoc nomine insigniunt, quasi neque caro sit, neque piscis. Quo etiam loci de aquarum miraculis agens, ut quid admirabili memoriâ dignum, de Iuuernæ Insulæ non procul ab Ibernîâ quodam fluuio, hæc habet: *In eum* (inquit) *quæ arboris vnus imminentis collapsæ frondes fuerint, piscium formam induunt: Pisces viuunt deinceps: Quamquam subtilius consideranti, non tam esse videtur hæc fluuij vis, quam arboris ipsius: nam quæ frondes in terram cadunt, animalia uolueria effecta euolant. Quid mirum? nempe, ut in terra mutantur plantæ, alie in alias, ita supra terrâ gignunt è seipsis animalia, idq; non è putrefactione, sed quædam quasi semina fouente ad generationē:* Hæc doctissimus Scaliger: in cuius etiam disputationis fine, ut singularis miraculi Historiam subtexuit: allatam Francisco Regi, tradens, Concham non admodum magnam, cum auicula intus penè perfectæ, alarum fastigijs, rostro, pedibus hærente extremis oris Ostraci: ut & Viri docti mutatum in auiculam Ostreum existimarunt: hæc scripsisse volui, quòd scias naturam semper in rebus nouis progignendis fœcundâ esse, & si in eisdem contemplantis intellectus humanus sæpe numero cœspitare videatur; sed ad Conchas Anatiferas rursus: ut aliquid etiam moralitatis ex ijs exfugere liceat: Concha hæc homo ipse est, qui & si ne superbiat, dictante S. Bernardo, in membro illo generationis principia suscipere admoneatur, quod sub se rectum intestinum deijciendis ab electione, consiliòq; fœcibus à naturâ destinatum, supra autem, vesicæ collum continet, cuius proprium munus est (ut Gale-^{3. de simp. caus. cap. 2.}no placet) susceptam vrinam statuto tempore continere, ac inde excernere. Nihilominus medio potentiæ illius, quæ ei dat esse, ex arbore vitæ Concha lucidissima fit, ex quâ summū, præpotensq; bonū excluditur: per mare nâque tribulationum mundanarū expansis facultatū animalium alis Iobice volitans, computationibus, & crapulis clauso ore, cōcupiscibili, irascibiliq; deposita, ac spreta, fortitudinis pedibus innixus, ac tādē diuinę gratiæ plumis indutus, Auis Deo vno, & trino gratissima, euadit, cœlestiq; illo cibo consolatur, quo Beatorū animæ in Cœlis gaudent.



NE verò quæ in Musæo sunt recondita, in occulto iaceant, quinimo cuius pro palam fiant, opus hoc iam per me inceptum proxima Concharum fætura lubens narrare non desistam: & quæ primâ facie se se offert, illa est, quam Plinius distinctione testæ imbricatim vndatam esse notat, & quæ à *Lib. 9. c. 33.* Rondeletio imbricatâ vocatur, nec abs re. Hæc namque satis magna, & lata ambitu inferiore est, superiore verò parte, veluti in angulum obtusum definit, intus testâ est ei lævis, & candida, foris dura, & ad vndarum se se attollentium similitudinem distincta, nec non tegularum illarum curvarum modo, quæ tectis ad arcendas pluuias apponuntur, quæq; imbrices vocantur, constructa visitur, vnde ei nomen.

CONCHA Echinata, siue aculeata Plinij: in qua vniones reperiri scribit; huius testæ sunt asperæ, concauæ, striatæ, & in ambitu incisæ: in strijs, seu exochis aculei frequentes, instar Echini marini, eminent, sed incurui, & certis intervallis à se se distincti. *Lib. 9. c. 35.*

CONCHA, quæ Venetorum est Muscolo, à Rondeletio Musculus striatus dicitur, quia huius testâ musculis marinis, haud absimilis sit, quamvis firmior, ac spissior, parvisque strijs, alijs rectis, alijs obliquis sit delineata: quæ etiam cum formam Rhomboidem tota repræsentet, vñâ namq; parte prominet, aliâ verò recta est. Conchæ Rhomboidis nomen ab eodē tribuitur: Bellonius à formâ Quercinæ Glandis, *Βαλανδὶν* *Lib. de aquat.* apud Græcos, & Glandem apud Latinos dici tradit: sicut & Spondylum nonnullorum esse affirmat.

CONCHA Longa Plinij: quia nulla alia hac sit longior, ac strictior: testâ huic est aspera, in cinereo albicans, lineis multis, ac diuersis distincta, quâ vero parte replicatur, foramina multa habet, ordine separata. Donax, seu Dactylus Mas Bellonij. *Loc. cit.*

CONCHA Longa Rondeletij, quam duæ formant testæ magnæ, longæ, spissæ, & rugatæ, colore vario in ambitu rubescente, cuius medium albescit, intus cum læuitate candidæ apparent.

CONCHA figuræ Spondylorum, aut minimorum Ostreorum *Histor. anim.* non dissimilis, quam Aristoteles, pictoribus olim in usu *lib. 5. cap. 15.* fuisse

fuisse tradit, non ad deluendos, aut asseruandos colores; sed quia huius testæ, quæ sunt spissæ, intus læues, foris inæquales, & asperæ, & cinnabaris in colore æmulæ, raderentur, ac proinde ad conficiendos colores essent vtilis.

CONCHA, quæ ad proprium locum distributa visitur, cum Minij colore sit imbuta, vt Corallium rubrum planè imitetur, meritò Coralina nomine venit decoranda. Hæc externâ testarum parte Pectinem Concham refert, non tamen est striata, sed lineis tantum aspera, & tuberculis rubris inæqualis, intus verò læuissima est candidi marmoris colore.

CONCHA striata Rondeletij; non Vniualua, sed quæ testis duabus constat, pectinum modo in ambitu ferratis, multum cauis, & in dorsum multum elatis: intus læuibus, foris striatis, formâ ad sphæricam figuram, quæ proprius accedunt.

CONCHA striata, fasciata, & rufa Eiusdem, superiori similis, sed per transversum virgas latas, sicuti fascias, in colore rufescentes, vice striarum, ductas habens.

CONCHA striata Eiusdem: superioribus longior, testis multum cauis canaliculis profundis, aliquot lineis per transversum ductis constans.

CON.



CONCHA hæc, quæ ob pulchritudinem intuentium animos ad sui contemplationem meritò allicit, **RVGATA** à Rondeletio nominatur, & **RVGOSA** est Gesneri, caussa nominis, quod testæ, quæ animali pro domicilio inseruiunt, fatis magnæ, & valdè spissæ cum sint, foris lineis multis, elatisque, nec non per transuersum ductis, contracta superficie, veluti cute in plicas, rugatæ conspiciantur: intus verò sunt leues, & coloris argentei: in quâ Vniones præ puritate nitidi roris in conceptu accepti, veluti in proprio vtero non sine spectantium admiratione scintillare, & niueo candore splendere cernere est: fœtus origine memorandi, pulchritudine adèdè eximij, vt ob nitoris, & præstantiæ dignitatem (ne quæ ab Auicenna, Serapione, Alberto magno, & Solino, præ cæteris, de illis sunt scripta, commemorem) in Sacris quoque literis sub parabolâ, & metaphorâ, pro Deitate accipiantur. *Simile, inquit Matthæus, est Regnum Cælorum homini negotiatori, quærenti bonas margaritas: inuentâ autem*

*I. can. cap. de
viribus cord.*

Cap. 197.

Cap. 11.

Cap. 40.

Cap. 13.

vnâ

Apocal. 21.

Lib. 9. c. 35.

Lib. x. c. 14.

Marbodeus
cap. 60.Moraliter
quid Concha
margaritifera

vnâ preciosâ margaritâ abijt, & vendidit omnia, quæ habuit, & emit eam. Et apud Ioannem, vt innumera alia Sacræ Scripturæ loca omittam, de portis Sanctæ Hierosolymæ legitur, quæ singulæ singulis constabant margaritis: De quarum natalibus, nomine, & formâ perlegas obsecrô elegantissimum hoc carmen, ex dictis à Plinio, & Aliano decerptum crediderim.

*Tollitur è Conchis species memoranda marinis
Vnio, dictus ob hoc, quod ab vnâ nascitur vnus,
Nec duo, vel plures vnquam simul inueniuntur.
Cuius ad hornatum laudatur candida forma,
Vt deceat vestes, deceat nihilominus aurum.
Conchæ temporibus certis referuntur biantes
In Cælum patula rores haurire supernos,
Ex quibus orbiculi candentes conspiciuntur,
De matutino fit clarior vnio rore,
Ros vespertinus fœtus solet edere fuscus,
Et iuuenes Conchæ dant baccas candidiores,
Obscurat fœtus Concharum grandior ætas:
Quanto rorantis fuerit plus æris haustum,
Tanto maiorem gignit roratio baccam.
Ultra seminucem sed crescere nulla putatur:
Quod si celsa micent tonitru conuexa corusco,
Conchæ diffugiunt subita formidine clausæ,
Sic intercepto conceptio deperit hausto,
Et fit abortiuum, quod cæperat inde creari.
Insignes baccas prædam maris India gignit,
Gignit & insignes antiqua Britannia baccas.*

Carmina hæc adeo animum excitarunt meum, vt malè actum crediderim, ni, quid ex ijs pro Diuinâ gratiâ acquirendâ, elici possit, proponerem. Beatus homo, qui commissi peccati aduentante horâ pœnitentiæ, & saluberrimi conceptus instante tempore: expansis cordis ramulis spiritu tumentibus, Iesum Christum Saluatorem nostrum humilissimè deprecabitur, vt diuino cœlesti rore illius anima impleatur, quæ à canibus marinis, infidijs nimirum mundanis, per mare hoc turbulentum hinc inde agitur: & quod mentis tenebræ innu-

innumeris erroribus obscurata, discuti possint; inter ceteros
 ab æterno Sole Deo illuminetur, & perficiatur: sic enim di-
 uinâ gratiâ præuia, lucidior reddita anima, ac in bonitate
 perfecta magis, rore illarum virtutum fecunda, quæ homi-
 nem beare solent: ut candida margarita, & præ puritate suc-
 ci adepti à quacumque labe aliena, è Conchâ miseriarum,
 veluti ex Probaticâ piscinâ, quo loci infirma iacebat, extra-
 cta, cœlesti conceptu purissimo, nitidissimôq; oppleta, Deo
 trino, & vno in candore bonitatis se se offerens, inter feli-
 ces illas, beatâsque sedes numerabitur; ubi Sancti sicut stel-
 læ in perpetuas æternitates fulgebunt: Est & aliud non
 subticendum, quo unusquisque discat, quanti valeat pro
 deuincendis tribulationibus, vitæ integritate cum Christo
 Redemptore esse coniunctum. *Concha* (inquit Plinius, de Loc. cit.
*Margaritifera loquês) cum manum videt comprimit sese, operitq;
 opes suas, gnara propter illas se peti: manumq; si præueniat, acie
 suâ abscondit, nulla iustiore pœnâ, & alijs munita supplicijs.*
 Hoc etenim homini illi pio perbelle aptari potest, qui ubi
 primum imminentem tentationum Diabolicarum manum Moraliter
quid eadem
Concha.
 præuiderit, conscius, nihil aliud ab immanissimâ, & rapa-
 cissimâ Belluâ machinari, espiscariue, quàm animæ raptum:
 ut diuinum hoc Thesaurum, ob quod ad sui similitudinem,
 & imaginem Deus omnipotens creauit hominem, illæsum
 custodiat, ac conferuet: statim in propriâ Cellulâ, veluti in
 Conchâ, spiritu, & oratione sese comprimit; Christo, à quo
 omnis humana salus dependit, contrito corde signo Crucis
 submissè seipsum vouit. Vnde ex infirmo fortior factus, il-
 lusiones quasumque Diabolicas præueniens, acie orationis,
 & ieiunij cæsâ monstruosissimâ manu, præ animæ fortitudi-
 ne coram Deo exultat: nullâque aliâ iustiore pœnâ ob deme-
 rita multatur Diabolus, quàm quod deuictus, deridendusq;
 defugatur, & ad proprias tartareas sedes, ut auidissimus,
 nefandusq; animarum prædo, sine vllâ mercede demandatur.
CONCHA, & alia margaritifera, ab Athæneo notata in hac
 supellectile marinâ reseruatur: pulcherrima sanè, tum ob
 magnitudinem, & formam (est namque magna, & spissa,
 modicæq; caua, & vnâ parte aurem habet, alterâ rotunda est)

E

tùm

tum etiam ob splendorem, quo, tota laevis cum sit, vnionum modo nitet, maxime internâ parte, cum externè non nihil flauescat.

Lib. 4. c. 15.

& lib. 9. cap.

25.

CONCHAS illa commemoratione dignas non subtricebo, à

Rondelerio Venereas nuncupatas: fortasse quia habitâ il-

larum Concharum delineatione, quæ à Plinio ex Mutiano

referuntur, nullæ aliæ sint censendæ, quàm illæ, quæ apud

Cnidiorum Venerem in cultu habebâtur; quoniam huiusce-

modi Conchæ, illâ nimirum parte, quâ per planum sunt

extensæ, & denticulatæ, Naui Cnidum missæ portanti nun-

tios à Periandro, vt castrarentur Nobiles pueri Cnidij; &

eius clauo affixæ, illam ventis plenâ firmarint, donec Prin-

cipem sceleris pœnituiisset, ac alia, quæ decretum abroga-

rent mandata peruenissent: vndè cum parte illâ quâ com-

pressæ sunt, & quâ etiam saxi adhærent, illâ eâdem nauigando,

nauib; affixæ, illarum cursus remorari putetur: à

Loc. cit.

Loc. cit.

Mutiano ex Plinio Remorę dicuntur: quod autem nauigent

hæ Conchæ: audias Plinium; *Nauigant Concha Venerea. præ-*

bentes quæ ventis concavam sui partem, vt velificationi aptiorem,

& diuersam auræ oppositas, per summa aquorum velificant.

Bellonius Conchas læuigatorias vocat; quia & harum testa

læuissima sit, & hisce mulieres ornamenta linea læuigando

poliant, adeout splendeant, quæ similiter & chartis expoli-

Lib. 13. c. 13

Lib. 4. de

aquatilib.

Moraliter

quid Concha

Veneria.

endis sunt in vsu: ex quo Plinius: Chartarum scabriciam læ-

uigari dente, Conchæve scribit, sed literas caducas fieri:

Porcellanæ à Gesnero vocantur: Ne vero & hæ Conchæ si-

ne aliquâ moralitate relinquuntur; crediderim, sub harum

delineatâ naturâ, animam nostram rationalem à rerum om-

nium conditore Deo per vniuersum cerebri corpus fusam, &

distributam, quò bonum, & malum prospiciendo, homini

bonitatem amplectendi influat, ac eidem quæ nocitura videt

euitandi normam demonstret, sub metaphorâ, nec insipien-

ter exprimi posse: cui cum munus hoc regium sit demanda-

tum, vbi capit, Nauem humani corporis eius imperio dicatâ,

ventis concupiscentiæ, irascibilis, superbiæ, & vindictæ ple-

nam esse: ne plus iusto in altum efferatur, nè ob sensuum

turgentiam, ac eorundem igneam ebullitionem aliquod pro-

cello-

cellosum infortunium patiatur; medio illarum potentiarum, quæ illi inferuiunt, nobiliorem, splendidiorēque magis reddunt, sensuum surrectū feruorem compescit, ad proprias sedes relegat, ibique illos permanere imperat, vsquequò facti pœniteat, & alia perueniant mandata, Prudentiâ, & Temperantiâ sic annuntiantibus, quæ primum decretum, in perniciem humani corporis, & animæ à sensibus paratum, abrogent. Quod etiam sub hoc eodem metaphorico stilo à Virgilio hisce carminibus expressum, putarim.

Tanta ne vos Generis tenuit fiducia vestri?

Quos ego; sed motos præstat componere fluctus.

Singulæ modò species describantur. Quarum Prima magna est, & formâ ouatâ. Purpurâ maior, & latior, in cuius extremis partibus duo foramina veluti muricata natura erexit, vnum cibi capescendi gratiâ, alterum ad excrementa eijcienda destinatum (vnde Murex à Mutiano ex Plinio dicitur *lib. 9. cap. 25*) parte compressâ denticulata est, aliâ vero, ac si ouata esset, ob colores est insignis.

CONCHÆ Venereæ secunda species; multo minor primâ, longiuscula tamen est, & in ventre, partē nimirum simâ, rufum habet colorem, in huius labris denticulatis strigæ rufæ sunt, dorsum in summo est varium, albis, pallidis, & glaucis maculis ornatum.

CONCHÆ Venereæ tertia species, superioribus sanè similis, sed parte, quâ plana est, compressa magis, & maculis rotundis notata.

CONCHÆ Venereæ quarta species; parua semper manens, vt aliæ rimas habet, parte vnâ plana est, alterâ verò in tumorem eleuatur: hæc tamen non superiorum modo varijs est à natura depicta coloribus, sed vndeque candida visitur. Calculus Vteri est Quorundam, figurâ etenim Vterum muliebrem exprimere quodammodo videtur.

CONCHA, quæ *κτεῖς* est Græcorum, in hunc gregem collo-
eanda venit. Pecten à Gaza dicitur. Bivaluis, & Clusilis
Concha est ex Aristotele, duabus námque testis constat,
vnâ planâ, alterâ concavâ, ac veluti in dorsum eleuata, à
cuius strictiore parte, quâ aurita est, striaturæ incipientes,

*Hist. anim.
lib. 4. cap. 4.*


lib. de aquat.

ad imum marginem, & veluti in orbem amplificatum deductæ sunt: vt striæ magis, quàm canaliculi promineant.

Pecten auritus à Bellonio nuncupatur, quod binis vt plurimum veluti auriculis sit hæc Concha ornata.

PECTEN alter in colore Coralio rubro non dissimilis, succedit; cui latiores, & ampliores superiore natura largita est aures: corporis formâ oblongior, & strictior extat strias, & exochas simplices habet, ternis, & quaternis lineis à summo ad imum ornatas: Pectunculus est Latinorum, & Romia Italarum; quoniam Romiæ, seu Heremitæ è Compostellâ Hispaniæ regione redeuntes, quò loci voti, & venerationis gratiâ corpus Sanctissimum Diui Iacobi visitant, ac adorant, hosce Pectines pileis affixos gestent; quâ ratione & Conchilium Diui Iacobi de Compostellâ à nonnullis dicitur.

PECTUNCULI, & alij auriti visuntur, varijs coloribus notati, vt potè cinereis, candidis, & nigris. Pectinibus certè figurâ, & delineatione similes, sed magnitudine multò minores. Nec omittam alios Pectunculos in colore nigricantes, formâ, & figurâ superioribus oblongiores, vnâ tamen tantum partem auriti qui sunt.



CON-

CONCHA hæc non minus rara, quàm pulcherrima, ad legentium libitum, quam est videre: *Ναυπλῖς* à Græcis dicitur, & Nautilus est Latinorum, ac Bellonij: à Rondeletio autem sub Polypi testacei nomine ex Aristotele describitur. Quæ *Histor. anim. lib. 4. cap. 1. Lib. 9. c. 30.* iuxta Plinij delineationem Acatij modo carinata est, & omninò Pupe Inflexa, Prorâque rostrata, Nauis rotundæ formam refert: cuius testa lactei coloris, lucida, politâque, sed admodum fragilis est, ac magnitudine membranam pergamenam non excedit: strias in longum ductas, nec non in formam rotundam abeuntes habet. Foramen per quod Nautilus Polypus Aristotelis, & Plinij alitur, nec non veluti è proprio domicilio exit, amplum, magnûmque est. Piscis hanc Concham habitans, ac regens actione morabilis, peritissimus nedum natator, sed & in regendâ Naui solertissimus Nauta est: ita namque instituyente naturâ, placato mari, & vndis tranquillis, in summâ æquorum de imo gurgite elatus peruenit, sic paulatim subrigens se, vt emissâ omni per fistulam aquâ, veluti sentinâ exoneratus, inani Scaphâ facilius nauiget: postea duo prima brachia retorquens, vt notat Plinius, & Ælianus, membranam inter illa interiacentem mirâ tenuitatis, sed robustam extendit, quâ (aurâ inspirante) velificat, & liburnicarum imagine gaudens, cæteris *Lib. 9. c. 29. De animal. lib. 9. c. 34. c. lib. 36. c. 33.* subremigans brachijs, mediâ caudâ vt gubernaculo, se & domum regens, per summum mare cum voluptate vadit, nauigâtque, vt cum Alberto Magno dici possit, se ipsum vnum Nauis, Veli, gubernaculi, & remigiorum officium præstare: *Anim. li. 24. in Nautilio.* & cum Poëta,

*Per fræta dum cautus deducor imagine Nauis,
Æsonides didicit pandere vela ratis.*

Vbi vero quid pauoris superuenerit, quasi lumen intellectus excersens, ne fallatur, néque fallat, caute agens, tunc simul cum Conchâ marino humore oppleta, protinus se demergit, ac ad proprias sedes reuertit. Hæc Ælianus, Vir, *Lib. 9. c. 33. Moraliter quid Polypus testaceus.* qui in rebus tam publicis, quàm priuatis tractandis perhonorifice se gerat: solertia huius animalis non inconcinne exprimi potest: ille namque in hominum conspectum prodians, & ad omnia paratum se commonstrans, exoneratâ animâ à qualibet

libet in Deum offensa, nec non ab affectionibus illis expurgatus, quæ mentem perturbare solent, cum videat benè rebus suis esse consultum, adeò peregregiè in illis tractandis se gubernat, vt prudentiæ, & probitatis velis expansis, aurâ diuinæ gratiæ fauente, secundis ventis per mare hoc mundanum tam cautè, actioneq; mirabili spaciatur, vt cuius gratus sit, & ab omnibus expetitus, illiq; felicia omnia, ac prospera succedant. Quod si quid infortunij immineat, animo humore fortitudinis oppleto, intra Concham intellectus se ipsum subrigens, summâ cum prudentiâ imminens periculum speculatur: quid rimedij, ne decipiatur, nève fallat, applicari possit, attendit, & tandem, quæ nocitura videt euitando, pristina animi tranquillitate fruitur.

Nec minorem ad se videtur allicere admirationem, Cochlea hæc peregrina, ex mari Indico trasportata: cuius ad viuum delineata imago, præmissa prius Etymologia inferius apponetur. Est namq; forma ampla, & carinata, in colore, & substantia Conchis margaritiferis simillima, vt ob hæc qualitatis Concha etiam margaritifera à nonnullis nominetur: non quia in ea vniones reperiantur, sed quòd harum sit colore, & splendore. Externa etenim parte ex fusco albedine, nitoreq; misto veluti rufescere còspicitur. Intus verò ita nitet, vt vndequaq; splendeat, nec non cum præciosissimis margaritis de coloris amœnitate certare videatur: mira quòq; colorum varietate parte illa intus intorta efflorescit, qua si totam Concham spectes, dices vasculum, poculumve, elegantissima, pulcherrimâq; forma, à natura fuisse nedum excogitatum, sed & formatum.

COCHLEÆ




SAXVM cinerei coloris, vt ex mari expiscatum, ac postmodum in segete hâc marinâ Calceolariâ repositum, Laconico stilo describitur; quod sanè adèd durum est, vt non nisi ferro instrumento, aut malleo, in partes scindi possit: nullis rimis, sed foraminibus quibusdam est signatum: in quo Conchæ illæ, quas Athæneus Pholades vocat, duabus testis longis constantes, non in latum extensis, Mytuli modo, sed rotundis, ex aquæ appulsu intus procreatæ, ita latent, vt à tali saxo vndique contegantur: per foramina illa paruissima, & sensui vix patentia, duntaxat aqueum haurientes pabulum: quibus Pholadis nomen est elargitum, à verbo Græco *Φολεύειν* quod latere significat.

*Histor. anim.
lib. 3. cap. 5
Loc. cit.*

COCHLEÆ illud genus superioribus astat, quod Auctor libri de aquatilibus, Bellonius inquam, Tertiam Nautili speciem ab Aristotile proditam, autumat: & Nautilum Murrhinum dici posse affirmat (cuius opinioni Rondeletius non consentit) rugas per transfuersum ductas habet hæc Cochlea, vt in apposita imaguncula inferius videre licet, ita elatas, vt striata dici possit, colore intus albicat, foris verò flauescit: in hâc turbinis clauiculæ in acumen non desinunt, sed veluti vmbilicum tortuosè exprimunt: pars superiori longius procurrit, & foramen valdè apertum, longumque habet: vt cum Rondeletio Concha rugosa, & vmbilicata nominari possit.

PVRPURA



PURPURA, quam Aristoteles è turbinatorum genere esse di- *Hist. anim.*
 cit, vt non spernendi nominis Concha, ob præciosissimum *lib. 5. cap. 15.*
 præsertim eius liquorem subitariũve illum sanguinem, sa-
 xo vno ictu ab infectore purpurario illa interemptã ema-
 nantem, tingendis vestibis, vt optimum, olim expetitur:
 & ob Antiquis Ostrum vocatum: inter alias Conchas ad-
 primè asseruatur: cuius testa est rugata, aspera, & cinerea,
 ac in anfractus contorta, aculeisque veluti clavis ordine
 dispositis munita. Rostrum habet oblongum, tubuli modo
 excavatum; per quod linguam exerere creditur: tantã ta-
 men duritiæ præditum, vt non desint, qui scribant hoc (&
 vt alij) medio etiam linguæ, quæ acutissima, & validissima
 illi est, Conchulas, & quascumque sui generis testas perfo-
 F rari.

*Histor. anim.
lib. 7. cap. 38
Lib. 11. c. 37*

*Moraliter
quid Purpu-
ra lingua.*

*Cap. 18.
lib. 1. de offic.*

In Orest.

*Socrates in
Paranesi.*

*Epist. quadā
ad Lucidium*

Lib. 1. de offi.

rari. Hoc vnum etiam silentio non prætereundum de Purpuræ edacitate subiiciam: linguâ sibi vitam pabulando parere illa auidissime attrahendo, quæ pro illius alimento inferuire valent, & hâc eâdem (vt notat Ælianus, & Plinius) liguritione irretitam, ob piscationis modum quo decipitur, perniciem, ac mortem sibi struere, & afferre. Quod hominibus illis peregregiè assimilari potest, qui nullâ habitâ loci opportunitate, nec temporis, & personarum ratione; sed edacitate linguæ in alienâ famâ potissimum detrahendâ irretiti, in maledictis debacchantes, vt importuni, fraudolentique locutores, & si nullo rerum pondere innixi, verbisq; potius humidis, & lapsantibus, infestis tamen, abutentes, bonum, & vitam dum comparare sibi hâc viâ persuadent, malum, & perniciem eiusdem linguæ ictu sibi ipsis incautè struunt: aliòsque capere credentes, vt malitiæ suæ auctores captantur, & fraus in auctorem recidit: parum fortassè, aut nihil memores dicti illius sapientissimi Salomonis *In manibus linguæ vitam, & mortem consistere*: & ex D. Ambrosio: *Ingrede mortem per ostium illius, qui falsum loquitur, si turpiter, si procaciter, si ubi non oportet loquatur*: Quò ergò ob linguam petulantem, morbum certè turpissimum, vt est apud Euripidem, perniciem nassa euitari tibi concedatur, deque malo alieno os tuum non inquinetur, nève fermone vitium aliquod tuis moribus inesse indicetur; sed sapiens, & optimus habearis, plurimùmq; gratiæ apud homines mereri possis: effice, vt, mente orationis moderatrice præuiâ, in quàm benè erit consultum intinctam prius protulisse orationem, antequam aliquid dicturus sis: lingua tibi non Purpuræ modo longa, sed parca sit: quæ bonitatem, non prauitatem, nec in contumelijs inferendis edacitatem proferat: rectè, & in loco loqui, & ordinate, ac in loco tacere, tibi sit curæ: Nihil enim (inquit Seneca) *æque prodest ad quietem commodam retinendam, quàm quiescere, & minimum cum alijs loqui, & plurimum secum*: Sic Ambrosius Sanctus. *Alliga* (inquit) *sermonem tuum ne luxuriet, ne laxiuiat, ne multiloquio sibi peccata colligat, si restrictior sit, & ripis coërceatur, citò lutum colligit amnis, & undas*: *Iugum sit verbis tuis statera, & mensura*.

sura, ut sit gravis in sensu, in sermone pondus, in verbis modus.

& S. Hieronymus. *Diu considera* (inquit) *quid loquendum sit, In Epistolis.*

Et adhuc tacens providè, ne quid dixisse pœniteat: neque alijs detrahas, nisi teipsum bene respicias: pro cuius rei veritate hoc etiã addã, quòd Bias Prienæus ab Amaside Ægyptio olim iussus, ut optimam, atque deterrimam partem è victimã ad se mitteret, linguam elegit, innuere intendens, linguæ vsum esse præcipuum, siue prodesse, siue obesse cupias, sic Poëta ille,

Nobile lingua bonum, quæ fari in tempore nescit,

Nobile lingua malum, quæ fari in tempore nescit.

PVRPURA à loco fortasse, & succi varietate, ac paruitate minor superiore; formã tamen ab illã neutiquam differens.

PVRPURA minima, quia paruula admodum, eisdem tamen inscripta notis, quibus & præcedentes.

PVRPURA Bellonij; cuius testa est gravis, densa, & solida; aculeis multis muricatis, veluti in orbem dispositis horrens. Murex, turbinatus, & marmoreus Rondeletij: quòd aculeos longos, & firmos habeat hæc Concha, nec non albedine marmoris candidi sit æmula.

PVRPURA Echinata Imperati: tota enim cum multis aculeis, cæteris Purpuris longioribus, Echini animalis terrestribus ritu sit conspersa, inde nomen traxit. Testa huic est albicã, alijs Purpuris scabrosior, & eminentior. Tubulus est canaliculatus, cæteris tamen longior, & aculeis multis præditus.

PVRPURA Muricata ex mari nostro Adriatico: Testã cæteris Purpuris non dissimilis: cui tamen Tubulus non est oblongus, & canaliculatus, sed brevis, & muricatus.

PVRPURA Fauago Aristotelis, & Plinij: coloris candidi, Fabæ maioris magnitudine, putaminum Cicerum alborum inter se cohærentium, veluti congeries quædam, & strues composita, ac exsiccata. Apum fauo similis: quam ex lentore saluari, seu humore muscoso, dum gregatim consuescētes, verno potissimum tempore, mutuo attritu communiter conficiunt. Spuma Maris quarundam Officinarum, vti & Alcyonium sed insipienter.

PVRPURA, & Buccinorum Opercula, siue integumenta à Græcis πώματα nuncupata, quod ijs carne hærentibus, ut

Nat. Hist.
lib. 28.

Histor. anim.
lib. 5. cap. 25
Lib. 11. c. 36

*Hist. anim.
Lib. 4. c. 4.*

Lib. 2. c. 8.

*Cap. 151. c.
442.
2. can. cap.
propr.*

*Hist. anim.
lib. 8. cap. 1
Lib. 3. c. 28.
Lib. 11. c. 42*

*De Concharum
sobo. es.*

Zoc. cit.

*De Piscium
solertia.*

vnguibus nostræ carni, testarum foramina, non secus ac vasa operculo suo, statim ab ortu ipso, vt notat Aristoteles claudantur. Horum substantia, vt quid ex filis, seu fibris coagmentatum, & induratum esse videtur: ijs non nihil pinguitudinis inest, & accensa ingratum spirant odorem, aliquatulum Castoreum olens: quâ ratione ad vterinos cruciatus compescendos, illorum suffitus plurimum valent: singulis color est fuscus, sed non vnâmet forma: alia namque sunt figurâ rotunda: alia Auium carniuorarum vnguibus non dissimilia: vnde & Onyches vocat Dioscorides, ob similitudinem, quâ cum vnguibus humanis habere videntur. Blattarum Byssinarum nomen in officinis inualuit; fortasse à voce Græca *Βλάτος*, quæ Purpuram significat: & Byssantio ad vsum Medicum deferantur: quæ certè, ni mea me fallit opinio, ab vngue odorato non veniunt segregandæ; extant enim præ cæteris Serapionis, & Auicennæ auctoritates, quæ nihil aliud Blattam Byssantiam esse designant, quam vnguem odoratum, & Conchylij cuiusdam coopertorium ex mari rubro.

In hac Concharum classe, & Pinna ipsa Aristotelis enumeranda venit; quam & si ambigat, an animal, an vero Planta sit, illam tamen, vt & Ælianus, ac Plinius inter Conchas reponit, forsan quia (& rectè) ex duabus testis composita sit: quæ autem primario describitur, cum satis grandibus sit testis, Pinnae magnæ nomen meretur: foris hæ sunt asperæ, & colore fusco, intus læues, nitidæ, & argentei coloris: ab inferiore, & hac strictione, acutâque parte in amplam latitudinem extenduntur, ex quarum medio ventre Byssus, veluti capillamentum quoddam nervosæ substantiæ alligatum, foras expanditur: lubens memorabo (vt etiam mortalitatis quicquam exsugatur) quæ de Pinnae, & Pinnophilæ societate, & hospitalitate ab Æliano, & Plinio referuntur: quamuis apud nonnullos, vt quid fabulosum, existimetur. Pinna comitem ab ortu habet animal exiguum, ad cancrorum formam accedens, Pinnotherrem vocatum; cui ab hac obseruandâ, vt tradit Plutharcus, nomen est factum: illa fame oppressa, quieta, & erecta in locis siue arenosis, siue cœnosis manens, testarum hiatu se se pandens, pisciculos

los aduentantes expectat, qui non ita primum in Concham
 ubeunt, vt ab astante custode carnem Pinnæ mordente, de
 capturâ admonetur; quo morfu excitata, statim Conchis
 compressis, & præda intra suam munitionem receptâ, cum
 dapis affectatore vescitur: quo exemplo monemur, nihil in
 nobis ipsis tam firmum, permanensque reperiri, quin in hoc
 vitæ cursu, & aliorum auxilia sæpe sapius imploranda non
 sint: potissimum verò, vt sapienti illâ Darij Regis Persarum
 voce utar: ad prudentis, & beneuoli amici omnibus The-
 sauris prætiosioris opem veniat confugiendum: *Nihil*
namque (vt notat Cicero) est tam naturæ aptum, tam con-
ueniens: ad secundas & aduersas res, quam amicitia: quocum-
que enim te verteris, præsto est: nullo loco excluditur, num-
quam intempestiua, numquam molesta est: & paulo inferius,
Itaq; non aquâ, non igne locis pluribus indigemus, quam amicitia,
nam hæc, & secundas res splendidiores facit, & aduersas par-
uens, communicansque leuiore. Vt quid detestabilius, quam
 hominum illorum auxilia implorare, eorundem consorcio
 delectari, in quorum cordibus, stupra, adulteria, conspira-
 tiones, hærefes, & huiusmodi scelera delitescunt; cum ex ijs
 veluti ex antro latebroso impudiciâ, & impuritate vnde-
 quaque scatente, non nisi exitiales exhalent spiritus, qui
 humano corpori necem inferunt, & animam coinquinant:
 audias Beatissimum Ioannem Apostolum, quid ex ore Dei
 de hominibus hisce impuris loquatur: discas namque quo-
 modo per summam Dei gratiam tibi cautum esse poterit, in
 hos pestiferos specus non incidere: vnde veniant expeten-
 da auxilia comparabis: quantique valeat integerrimorum
 hominum consuetudine frui percipies: *Beati (inquit) qui*
lauant stolas suas in sanguine Agni, vt sit potestas eorum in ligno
vite, & per portas intrent Ciuitatem: Foris autem canes, & ve-
nesici, & impudici, & homicidæ, Idolis seruientes, & omnis qui
amat, & facit mendacium: quò ergò instar Pinnæ res tuæ e-
rectæ, & permanentes sint, quietæq; succedant, felicitatis
 & infortunij affectatorem eligito, qui vitæ probitate Deum
 metuat, is namque rectâ vtetur amicitia, & qui in tuis dif-
 ficultatibus fideliter maneat: talem enim vbi primum possi-
 debis

Moraliter
quid Pinna.

Ad Histiañ,
apud Hero-
dotum.

In Lelio.

Apocaly. 22.

debis, beatus eris.

PINNA non magnitudine fanè superiori æquanda, cum sit parua, ob figuram tamen, & Byssum, inter has reponenda: quamuis in hoc differat, quod antequàm ex acutâ, & strictâ parte in amplitudinem diffundatur, excauata est.

lib. 32. c. 11.

PERNA Plinij ex Concharum stirpe, cuius numerosum circa Pontias Insulas esse prouentum dicit: tam prioris, quàm posterioris coxæ Porcinæ salitæ, quæ Perna vocatur, imaginem exprimens: vnde ei nomen: huic sunt dentes in circuitu marginum spissati: fortasse ex illarum Concharum specie erit, in quibus scribit Athenæus ex Theophrasto, margaritas reperiri, sed paruas: has tamen non esse laudatas notat Plinius.

Lib. 3.

Lib. de lapid.

Lib. 11. c. 35

Histor. anim.

lib. 5. cap. 15

lib. 3. cap. 28

PINNÆ Byssus Aristotelis *σαρκίος* Æliani: colorem qui seruat luteum, & pellucidum: lana est mollissima, & delicatissima, à Syriacâ lanâ dignitatem obtinens. Byssi nomîne decorata, ob similitudinem, quam cum Byssu Græco, vel Iudaico, ex quo preciosissimi diuitum panni conficiebantur, habet: vnde Byssum opus apud I. C. dicitur, de quo mentionem facit tex. in l. Interdum, §. Diui quoque, ff. de Publicanis, & Alciatus interpretatur, deductum esse à Byssu: Pinnæ Vilus, & capillamentum Quorundam; est etenim veluti Pinnæ vinculum, quo possit hæc Concha proximis corporibus alligari, vt firmius fixa in arenâ, aut coeno semper maneat: & si alij diuersimodè scribant; dicentes: Pinnam ad similitudinem retis piscatorij, hanc suam lanam, vt alimentum attrahat, expandere, in quam vbi pisciculos, & minuta Conchylia, vel alia maris purgamenta traxerit illis cibari.

*Lib. 1. prater
missorum.*

Histor. anim.

lib. 4. cap. 4.

Inter hæc Conchas adest quòq; *λεπὰς ἀγρία* Aristotelis, ac si dicas Concha Lepadum more faxis adhærens, aut sic vocata, quòd sit petrarum in mari *λεπίδης*, idest squama quædam, quâ abstractâ, petreæ veluti squamatae videantur: hæc namque arcè adeò carnosa parte saxo adhærescit, vt ne Milonis quidem digitis illis robustissimis auelli possit; & non nisi (quâcumque aliâ re frustrâ tentatâ) ferro abrasâ à saxo abscindatur, abstrahaturve. Concha est vniualuia ex testaceorum genere: cuius testa, parte cauâ est argentea, vel vnio-

num

num colore, & splendore: foris gibba, lineisque multis à naturâ depicta, necnon quinque foraminibus pro admittendâ, & recipiendâ aquâ dotata, quo animal intus, vt in propriâ domunculâ existens, nutrirî possit: *Ταλάττιος* est Athenæi, idest auris marina, ob magnam cum Aure humana similitudinem; non tamen Auris illa Veneris, quam scribit idem Athenæus *ἀφροδίτης* ab Æolibus fuisse vocatam. Patella maior Bellonij, quam & Aphoraidem esse Aristotelis autumat; quod non benè audit Rondeletius.

Lib. 3.

Loc. cit.

Loc. cit.

Ἀστὴρ Græcorum. Patella Quorundam. Concha & hæc vnica testa intacta, saxis vt superior adhærens; ex multis laminibus, quæ est compacta; cuius testa nucleis Pinearum nucum similis videtur. Lepas parua Diphili ex Rondeletio, quia semper parua manet.

Ἀστὴρ alia Græcorum. Vniualuia & hæc: testam habet non exquisitè rotundam, sed inæqualem, intus concavam, & læuem, foris parum asperam, & gibbam; in ambitu liuescit, cinerea est, & striata. Patella à latinis nominatur, vt potè quæ ad similitudinem illius vasis esculenti, quo dapes elixæ, & exculentæ in mensam feruntur, quasi pateat. Oculi Hirci est Gallorum, in summitate namque testæ exterioris, veluti oculus hircinus à naturâ effigatus visitur.

CONCHAM nec omitam, referatilibus testis, sed admodum tenuibus constantem: cui ob similitudinem, quam cum ore Muris animalis quadrupedis, habet, illa nimirum parte, qua turbinata est, Musculi nomen attribuere licet; quam etiam si Musculum hirsutum nomines benè erit, cognominatione desumptâ à Musco quo obducta est, vt veluti hirsuta, & tota pilosa conspiciatur.

SOLENI Mas Plinij, ex Concharum longarum genere, duplici constat testâ, & hæc ex albo ad cœruleum vergente, asperâ, lineisque multis, & diuersis distinctâ, quâ parte repliatur foramina multa habet ordine disposita; cui Solenis nomen est ex Plinio, à canalibus, siue Tubuli similitudine; vnde & Aulos vocatur, quoniam Tubæ modo sit excavata; Donax est Athenæi, à figurâ Arundinis illius crassæ, & concavæ, apud amnes nascentis, quæ à Græcis *Δοναξ*, & à Latinis Arundo

Lib. 32. cap.
9. & 11.

Loc. cit.

Lib. 3.

Loc. cit.

Arundo Cypria dicitur. Daetylus eiusdem Plinij, à colore, nomine desumpto, quo humanas ungues imitari videtur.

Loc. cit.

SOLEN fœmina. Concha unicolor, tota alba, glabra, & fragilis: cui nulla est pars, quæ prona, aut supina dici possit: anteriore parte os amplum habet, posteriore aliquid pudendo muliebri simile gerit; Onyx est eiusdem Plinij, idest unguis, ob extremâ, tenuitate, & figurâ, vnguibus nostris similia, vel à testæ colore, & substantiâ vnguibus ipsis non dissimili.

Lib. 2. cap. 7.
Lib. 32. c. 11.

MYAX Dioscoridis. Mytulus Plinij: Midia vulgò Græcorum, ex mari nostro Adriatico: Conchula clusilis reſeratas, quæ habet testas, intus, & foris leues, labra cui sunt tenuia, corpus est oblongum, vnâ parte latum, alterâ verò turbinatum; color in superficie testæ nigricat, intus est veluti glaucus.

Lib. 31. c. 1.

MYTVLVVS, qui hoc loci describitur, non est sanè illi Mytolorum generi æquandus, quos tradit Plinius; *Ex Iuba voluminibus, quæ ad C. Casarem Augusti filium scripsit. in Arabia tantæ magnitudinis reperiri, ut ternas heminas capiant.* Sed Concha, ut ex Mari Indico transportata delineatur, ob magnitudinem, & latitudinem conspicua; duabus namque testis multum longis, & valde latis, intus concavis, & in dorsum summè elatis constat, quæ & si in colore, superiori non sit dissimilis, in magnitudine autem illam longè excedit.

Ne verò quicquam desiderari possit, quò Concharum numerus absolutus non videatur. Chamarum singulæ species hoc in Musæo detinentur: quarum prima est Chama illa Piperata Bellonij, cui nomen Auctor fecit, quòd ob Piperis saporem, quem redolet, sitim excitet. Testâ est admodum leui, fragili, ac compressâ, & adeò tenui, ut transpareat, non orbicularis, ut aliæ Conchæ.

Histor. anim.
lib. 15. c. 12.

CHAMA Nigra eiusdem Bellonij ex Æliano; intus namq; & foris in testa, quam duram habet, nigricat: quo loci narrat. *Hæc Conchas, naturâ sic dictante, Eurinos, & Austrinos ventos, ut nocuos, euitare, ac Fanonij mollibus auris gaudere, quibus flantibus ad summam Maris aquam natant, & explicatis testis, alteram Concham subſternentes, alteram erigentes, simul & alterâ pro*

pro velo, altera pro naui, ad nauigandum vtuntur: quod si aliquid ad se accedere sentiant, metu percussa contractis testis frequentes delabuntur, & occultantur.

καμὴ πηλοῦς Græcorum, & Latinorum: titulo hoc donata, cum semper in luto maneat, ac commoretur: πηλός enim lutum est: huius testa grandis, & turbinata est.

καμὴ τραχὺᾶ Græcorum; Chama aspera Latinorum: quod testa eius sit aspera, lineis transuersis, obliquis, cauis, & asperis onusta.

CHAMA læuis; intus, & foris candidissima, cui testæ læuitas nomen fecit, digitorum namque compressu, quam facillimè confringitur καμυλῆ Græcorum.

TELLINARVM Concharum variæ species contemplandæ spectantium oculis offeruntur, quibus non vnus est color, nec vna duntaxat magnitudo, tam ex mari Mediterraneo, quam ex Oceano Germanico, alijsq; maribus extractæ.

Vt etiam ne quid in Conchis marinis annotandis expeti detur, Buccina quoque ipsa, & Turbines describuntur: inter quos ob insignem formam principatum tenet κίρκια Aristot. Buccinum Plinij, seu Buccinum magnum Rondeletij: Concha ex Turbinatorum genere, edendis sonis accommodata, necnon antiquis tibicinibus idonea, quâ intonante, & sollicitudo ad bella denunciabatur, & signum in hostem dabatur. Hinc Persius.

Buccina iam priscos cogebat ad arma Quirites.

Et Virgilius.

Qua Buccina signum dira dedit.

Buccini nomine decorata, vt notat Plinius, ob rotunditatem oris in margine incisam: huius namq; testa longior est, in medium latior, inde in turbinem longum terminat, alterâ parte, margine scilicet, in longum procurrit, atque illic rotunditate oris incisa est: vel ex Isidoro Buccina dicta à voce quasi vocina, nam pagani, agrestesque ad omnem vsum Buccina ad compita vocabantur, ita vt propriè hisce esset signum. Concha hæc intus læuis, candida, & concaua conspicitur, foris tuberculis multis, atq; exochis est aspera.

BVCCINVM paruum Rondeletij, lineis frequentibus asperius-

H. flor. anim.
lib. 4. cap. 4.
Lib. 9. c. 36

Loc. cit.

Originum
lib. 18. cap. 4

Loc. cit.

riusculum, quod notat hic Auctor, fortasse illud esse, de quo scribit Plinius.

BVCCINVM aliud paruum, sed striatum eiusdem Rondel. cui maxima est, cum Buccino paruo superiore affinitas, in hoc tantummodo differens, quod illud lineas habet prominentiores, & transuersas, vt striatum meritò dici possit; nec non testâ est spissiore, ac duriore.

TVRBO Magnus, & longus, cui Strombi nomen dat Bello-nius. Concha ex testaceorum numero, testâ unicâ compactâ, tota continua, atque in anfractus contorta, dempto capite, quod semper operculo tegitur: nomen à figurâ fuscipiens, ob testam intortam, lineis, tuberculisque multis scabram, & asperam, quæ ob multa volumina, veluti è tortâ clauiculâ in acutum desinentiâ, similis videtur turbini illi puerili lusorio, planâ, latâque primum basi, cono sensim in angustû abeunte, cuius apex clauo armatur ferreo. & quem Maro dilucidissimè pinxit, vbi correptam furijs amatam Reginam hisce carminibus ostendit,

Ceu quondam torto volitans sub verbere turbo,

Quem pueri magno in gyro vacua atria circum

Intenti ludo exercent, &c.

Et Tibullus amatorio furore dum exagitatus, nullo poterat permanere loco; ratione sedare, de se ipso dixit,

Namque agor, ut per plana citus Solo verbere turbo,

Quem celer assuetâ versat ab arte puer.

Hist. anim.
lib. 7. cap. 26

Audias obsecrò, quid de turbinibus apud Ælianû habeatur. Hos Regem suæ speciei habere affirmat, non modo magnitudine præstantem, sed longè etiam, & multum pulchritudine cæteris omnibus antecellentem: cui (ne ab Ælianis verbis discedam) se faciles ad obtemperandum præbent: si commodum ei videatur demergi, hoc quidem ipsum primus facit, sin emergere, idem incipitur: hoc idem de Conchis affirmat Plinius, tradens sicuti Apibus, ita Concharum examinibus, singulas, magnitudine, & venustate præcipuas, esse veluti Duces: ò admirandam naturam, quæ & in Brutis ipsis, caput vnum, veluti Coriphœum sæpe sæpius constituere solet, cuius mutui eiusdem

Lib. 9. c. 34.

P R I M A.

51

*Moraliter
quid Turbinum
Reges.*

dem ordinis indiuidua inferuiunt. Utinam qui à lege Christi recedunt, quique vitam animali, & tenebrosam in antro perinatiam, odij, & indignationis manentes, sub specie tamen pietatis, malitiosas subtilitates speculantur, conspirationes Diabolicas moliuntur, quomodo simplicium animas rapere, & peruertere possint, Turbinum exemplo excitati, & medio inspirationis sanctae libero arbitrio cooperante, compunctionis, & poenitentiae alis expansis ad sanctam fidem Catholicam conuerterentur. Deum in pulchritudine, & bonitate unum, & Trinum, pro Rege sibi eligerent, eundem humiliter colerent: ac adorarent: eiusque Sanctissimis praeceptis non ad ostentationem, sed absque fuce, & fallacia obsequentes se praestarent, quomodo diuina spiraret Auram, cogitationes suas dirigerent: sic enim illorum cordibus, quae ob incredulitatis peccatum, ut carbones extincti, nigra erant, per abundantiam lacrymarum ex dolore, & compunctione peccati emollitis, omniue illam de peccatorum tenebris effusam caligine dissolutam, prae diuinam gratiam igniti, nec non candidi, & rubicundi facti, dilecti Deo euadent, & illorum luctus multiplicatum gaudium pariet. Sed ad alios Turbines sermo impendatur.

TURBO magnus, & longus multis voluminibus implicitus, quae veluti Pyramidalem formam constituunt: cuius testa non aspera, & scabra, sed laeuissima, politaque admodum, & splendidissima est, ob colorum varietatem tota conspicua, & si pro basi carneum colorem habeat: ex Mari Indico.

TURBO non magnus, nec longus. Buccinis satis similis, cuius testae volumina coloris marmorei, ita à se discreta habet, ut in medio angulos efficiat: pars inferior in turbinem, superior vero in satis longum, & acutum rostrum definit.

TURBO alter, qui muricatus dici potest; constat namque tuberculis multis breuibus, & obtusis, rostrum non longum, & acutum, sed Muricum modo obtusum illi est: pars superior tumescit: testa intus purpurei visitur coloris, foris tota albicat.

TURBO in longum qui protrahitur, in cuius testa volumina scabra, & veluti striata sunt à natura depicta, & cui cum quin-

que sint annexæ appendices longæ, & acutæ humanarum vnguium formam quodammodo exprimentes. Penta Dactylus nuncupari potest, à voce Græca πέντε, quæ quinque significat, & δάκτυλοι qua digiti denotantur.

TVRBO formâ, & figurâ superiori non dissimilis; cui tamen quattuor solummodo cum sint appendices, nomen Tesserae Dactyli indi potest à voce Græca τεσσαρά qua quartus numerus exprimitur.

TVRBINES magnitudine parui: illi instrumento ligneo, quo lufitant nostrates Pueri (& cuius vsus in puerilibus ludis antiquissimus etiam fuit) non multum dissimiles, ex superiore etenim parte, & hâc latâ, statim in breue acumen deficiunt, in quorum testæ superficie varias lineas, veluti exochas, non sine naturæ artificio, cernere est; pars exterior cum aliquo nitore albicat, quæ vero subiacet, splendidior est: ex Oceano Hispanico.

TVRBINES varij; alij, albis, quidam nigris, pleriq; alij varijs coloribus distincti, qui tamen omnes pollicis magnitudinem non excedentes, in mucronem acutum terminant, & tuberculis multis, diuersisque virgulis sunt signati.

TVRBINES parui: multiplices species, & formas referentes, quibus non vnus est color, nec vna delineatio: ijs inter spongas viuere datur.

TVRBINES parui quidem, sed ob venustatem, ac splendorem à diuersitate colorum emanantem, maxime admirandi, quos non Mare Mediterraneum, non Oceanus Germanicus, aut Hispanicus, sed Mare rubrum genuit.

2. de Diuinatione.

Histor. anim.
Lib. 4. c. 4.
Histor. anim.
lib. 14. c. 27.

Non est, vt silentio inuoluam Cochlearum nomenclaturam, quas Hesiodus *ορεοεικές* appellauit, & Cicero Domiportas, quod ita sint domi suæ applicitæ, vt eam secum assidue portent: quæ sicuti olim illatæ mensibus Romanas delicias auxerunt, ita tunc temporis in Musæo repositæ, delicias Calceolarias auctant, & amplificant: inter has ob formæ pulchritudinem, Neritæ Cochleæ, quamuis magnitudine exiguæ, principatum habere videntur; siue illas spectes, quas Aristoteles descripsit, & *Νηρίτας* vocauit, siue quas Ælianus: eo mari; vbi fordium vaecitas est, & tranquillitas viget, nasci affir-

affirmat: seu etiam Neritas illas habere cupis, de quibus Bellonius. Hasce (vt aliquid etiam (& si fabulosum) narretur, quo legentium animi recreari possint) à Nereo Deo illo marino, qui ex Doride Oceani filias quinquagintas habuit filias, & inter tot vnicum tantum filium, Neritem appellatum, Deorum, hominûmque formosissimum: sic dictas scribunt Historici quidam, quoniam tali Cochleâ, vti elegantissimâ, Buccinæ loco, vti fingeretur. Natices vocat Gaza ex Aristotele, à natando, vt opinor; nomine desumpto à *νῆα*, quod est nato, & *Νηπός*, quod concauum significat; ac si dicas, Cochleas concauas, & natationi aptas; *Ναυγαντ* namque Neritæ (ex Plinio) præbentesque concauam sui partem, & alteram aura exponentes, per summa æquorum velificant. *Loc. cit. Lib. 9. c. 33*

COCHLEA in hac marinâ collectione habetur, ob formam rotundam, & testam intortam, ac valdè magnam, nec non ob colorem niueum, valdè nitidum, vnionûmque æmulum, haud contemnenda: cui cum fundus cauus, & ad retinendum capax sit, illam esse dices, quam Plinius Antiquis in *lib. 32. c. 11.* vsu oleario inseruisse scribit; siue ad oleum decapulandum, seu in vsus quotidianos ad illud hauriendum.

COCHLEA quoque illa suo loco est disposita, quæ ad Turbinum speciem accedit, cum parte vnâ sit turbinata, & satis longa: alterâ verò, quæ est rotunda, cum vmbilicum planè referat. Vmbilicus, aut Faba marina à Bellonio ex Aristotele nuncupatur: cui etiam ob cælaturas inæquales, quibus in superficie scabra tota scatet, Cochleæ cœlatæ nomen est à Rondeletio tributum: intus læuis est, & colore argenteo splendet. Huius operculum, quod Cochleæ foramen claudendo, ab iniurijs externis illam tutam reddit: spissum, & rotundum est: superiore parte in quâ voluta est expressa, non asperum, interiore vero, quâ scilicet Cochleæ carnem attingit, tuberosum, inæquale, ac rubri coloris. Vmbilicus marinus à Recentioribus dicitur, quod ab vno latere cum sit planum, ab altero quo eleuatur, quasi Vmbilicum Puellæ formosæ pro parte referat. Faba marina est Quorundam, ob Fabæ nostratis formam similem, quam latere eleuato exprimit. Cretensium est oculus marinus, quem ad

*Lib. 4. de
aquatilib.*

Loc. cit.

Lib. 9. c. 33

in lib. 32. c. 11.

*Histor. anim.
lib. 4. cap. 4*

*Vmbilicus
marinus*

ad imagines suspendunt, dicentes oculis succurrere.

COCHLEA pollicis crassitudinem non excedens, punctis varijs in superficie, quæ est signata, & cum Pyri modo turbinata, Pyramidalem formam referat, Cylindróque proxima videatur, à Rondeletio Cylindroides nominatur; à Belonio verò sub Cochleâ alterâ marinâ reponitur.

COCHLEA Buccinis parvis similis, quam Rondeletius ob asperitatem Echinopheram nominat: tota námque eius testâ tuberculis, siue aculeis, ut extat Echini marini tegumentum, est conspersa,

COCHLEA Turbinata quidem, sed depressa, maculis diversis, sed potissimum carnei, & candidi coloris omni ex parte ornata: cuius pars una est plana, altera veluti voluminibus, quæ in gyrum, & turbinem acutum desinunt: à naturâ constructa apparet.

COCHLEA Turbinata in colore albicans, ex Murium genere, cuius turbo obtusus, & veluti Echinatus est.

COCHLEA depressa. Operculum Cochleæ cælata quodammodo exprimens: est enim unâ parte plana, alterâ vero excavata in voluminibus, quæ initio parva cum sint, paulatim crescunt ad formam usque.

COCHLEA satis grandis, turbinata, & in medio umbilicata, quæ proximè accedit ad formam illarum Cochlearum terrestrium, quæ conglomeratæ crassioribus fœniculi caulibus adhærent.

CONCHLEÆ ex Mari rubro transportatæ, Umbilicum figurata referentes, quarum pars plana latior est, mox in turbinem brevem desinunt: tota harum testâ mirâ varietate, tuberculis, & punctis nigris, rubris, & candidis adeo eleganti ordine est constructa, distinctaq; ut artem, naturam superasse dices.

COCHLEÆ Turbinatæ, & in medio umbilicatæ, varias, quæ non sine intuitum admiratione, repræsentant formas, diversis quæ sunt exornatæ coloribus, nigris, candidis, rubris, glaucis, & carneis. ex Oceano Indico.

COCHLEÆ pellucidæ admodum, multiplices figuras, & species (sic est natura, & in Cochleis fœcunda) referentes, varijs pulcherrimis coloribus, & notis delineatæ: ex eodem Mari.

CON-

P R I M A.

CONCHYLÆ lucidissimo splendore nitentes, diuersas species, & sui generis imagines, quæ exprimunt, amœnissimis coloribus, & signis omni ex parte compressæ.

55



CONCHYLIVM habeas muricatum, fatis prægrande, substantiâ ipsâ, & colore, candido, marmori æquandum; edendis sonis, vt Buccina ipsa, aptum; quo Indiæ Gentes tubarum

rum vice, tam in Bello ad signum militibus dandum, quam in venationibus ad excitandum ad prædam canes vtuntur: cuius testa in medio est eleuata, vt ventricosa videatur, & tuberculis quibusdam miro ordine ornata, nec non lineis, veluti exochis tota plena; in cuius margine, & appendice, quâ parte aurita est aculei satis longi, aliqui breues, duri tamen omnes, ac si faxei essent, sparsi sunt; altera pars depressa est; vt non ineptè Aphoraidis nomen ex Aristotele, & Coryphæi ex Plinio illi assignari possit.

*Hist. an. n.
lib. 4. cap. 4
Lib. 32. c. 7*

CONCHYLIOIVM genus minimum, & si vulgatum, ob varietatem tamen suas habet sedes: formâ non admodum est dissimile Conchis Venereis, & omni ex parte cum luciditate albicat. Porcelletæ sunt officinarum, quasi Umbilici marini; quorum tenuissimo puluere cum adipe Gallinæ liquato, mulieres ad clarificandum faciem vti solent.

TVBVLI, seu Siphunculi marini, vt quid testaceum, pœnes Cochleas repositi sunt: haud absimiles fistulæ illi, ex quâ aqua ex fonte exilit; sunt namque rotundi, & teretes, foris asperi, & candidi, intus læuissimi, & concaui: alij recti visuntur, alij contorti, quidam replicati: in ijs Vermes colore, & substantiâ Scolopendræ rubræ similes procreantur, & viuunt.

In hac Testaceorum serie Antales quoq; collocati reperiuntur; quorum ortus in profundo maris, in cauernis quibusdam est, fistulæ modo sunt longi, sed inflexi instar dentis canini, & pertusi ad modum cannæ, digitum: secundum longitudinem non excedunt: ijs superficies non est leuis, sed striata, virgularatave; in substantiâ prædura toti albicant.

DENTALE: non illud lignum describitur, cui Vomer arandi causâ inducitur, & de quo Virgilius.

2. Georg.

Duplici aptantur Dentalia dorso.

Sed Tubuli marini, parui, ossæ substantiæ, Antalibus multò minores, explicantur; qui dentes caninos formâ referunt, his tamen longiores; intus sunt perforati, & inanes, foris dentatam rimam habent: nascuntur more Antalium in cauernis lapidum profundis maris: & si non desint indocti homines, qui Dentes illius Piscis, cui vulgò Dentalis nomen est attributum, esse autumant.

BELLI-

BELLICVLOS, seu Belliricos marinos inuifere tibi datur: qui circa maris litora inueniuntur: lapilli sunt exigui, & depressi, formæ rotundæ: quorum pars altera leuiter excauata instar acetabuli est, ac in candore maculis flauis conspersa humani umbilici speciem imitatur: alia veró flaua, & minus nitentes sunt, nigricantibus lineis ad imaginem Cochleæ circumductis: sint ne illi, de quibus Cicero meminit, Socrum suum Lelium, & Scipionem, cum ruri degerent, Conchas, & Umbilicos ad Caietam, & Lucrinum legere consueuisse: valde ambigo: cum potius crediderim Cochleas illas fuisse, quæ à figurâ umbilicatæ vocantur: quarum vsus piscium vice pauperibus primum fuit acceptus, postmodum adaucto in cibarijs luxu, illarum esus in delicias Romanas pertransiuit.

Lib. 2. de O-
ratore.

Ut autem finis Testaceorum nomenclationi imponatur, Tres Solum Ostreodermorum species, ut præcipuas, nec spernendas in hoc horreolo reconditas, subiiciam Ostreacea alia ut notissima, & vulgaria ommittens; quarum prima Spondylus est Antiquorum; à Plinio etiam descriptus, nec non ab Athenæo *Τρανυλος* dictus, in eo tantum mari, quod numquam recipitur, saxi, & cautibus annascens, quibus ita hæret, ut non nisi malleo, aut fractâ saxi parte capiatur. Duplici testâ constat hæc Ostrea, intus caua, & læui, foris scabra: ad ungulæ Asini formam est rotundata, cum quâ magnâ quod habeat similitudinem, à Græcorum vulgò Gaideropada vocatur, quasi pedem Asini dices. Gaideros enim lingua illa Asinum significat.

Lib. 32. c. ult.
Lib. 3.

Aliud Ostreæ genus in Musæo detinetur: cui sanè (cum perdifficile admodum sit rebus singulis, quæ natura parens producit, propria nomina aptare) quid nominis possit applicari, non ita patet: id vnum sciat Lector: ex mari Indico fuisse extractam hanc Ostream, ob formam non despiciendam; testâ cum sit illi pellucida satis, varijs coloribus, flauescentibus præcipuè, & purpuraceis depicta; foris instar Bryi marini à Plinio descripti, crispa, & crinita est, intus splendida, læuissima, & candidissima.

Lib. 27. c. 8.

Illud etiam Ostreæ genus prægrande spectatur, quod notat Bellonius, *In Toro Arabiæ Ciuitate ad oras Maris rubri sitas*, à

Lib. de aquat.

H

Gra-

Græcorum vulgè Aganon vocari, & à Caloieris, ac Cænobitis, quicquid loci plurimi degunt, Tricdanam nominari; quam sanè, illam esse crediderim, à Rondeletio sub nomine Conchæ imbricatæ descriptam.

Instituti ordinis structura iam expostulat, vt delineatis plantis marinis, Alcionijs, & testaceis singulis ad Pisces exsiccatos sermo dirigatur, quò primæ huic sectioni finem imponere detur: in illis autem describendis, ne præpostere rem tractare videar, ille met ordo seruabitur, quo in Musæo ad propria loca sunt solerti arte dispositi. Qui autem primus, vt Ponti, sic & Musæi Princeps contemplandus, ac describendus venit, est Delphinus ipse, non immeritò pro aquâ, Marique passim in nummis antiquis excussus. Piscis ex cæteorum stirpe, corio læui, & sine squamis, pilisque, sed duro contextus, non pinguiissimus, quia exsiccatus, ac innatâ pinguedine destitutus, rostrum cui est oblongum, & oris scissurâ maximâ: cuius præclarissimæ dotes, non sine commemoratione relinquendæ videntur: Ommitto Animal hoc, regium sanè (vt sermone, & literis multorum est promulgatum) fragrantissimo Musicæ amore detineri, admirabilique ad vocis cantum studio concitari, adeout, & cantu mulceatur, & capiatur attonitus sonu: quod ne fabulosum, & figmentum Poëticum videatur, legas obsecrò Ælianum, Plinium nostrum, & inter recentiores Olaum Magnum Archiepiscopum Vspalensem. Sed vt res præ cæteris admiranda, hoc non inuitus referam. Marinum hunc Piscem, ad eò ab humanâ naturâ, loco, & rebus, commerciòque alienum, aquam qui semper, vt aëris expers innatat, in terrâ, vbi primum hanc attigerit, vitam finire, non educatione morum, vt Canes, & Equi, non vllâ aliâ necessitate ductum, veluti Elephanti, Pantheræ, & Leones ab hominibus liberati, sed genuino quodam affectu, tantâ corripit erga humanum genus beneuolentiâ, ac familiaritate, vt ad hominum, prætorum maximè (vt simplicioris ætatis amasius) consuetudinem mansuescat; appellatus, nomine potissimum Simonis inuocato (vt potè quo plurimum gaudere soleat) quasi vocem intelligens, accersitus veniat, cicur, & docilis fiat, grati ani-

*Histor. anim.
lib. 2. c. 6. et
lib. 11. c. 12
Lib. 9. c. 8. &
lib. 11. c. 37.
Histor. Sept.
lib. 20. c. 12*

ti animi signa obsequio patefaciens, ac homini, quamuis nullius mentis animal, beneuolentiã quamdam ostendens: quod vnum quamuis aquatile sit animal, & ob id frigidioris temperationis, tamentribuendum videtur maximo naturæ vigori, quo pollet, ideóque feruentius amare. Non dubito cures quoque alios inueniri Pisces, qui humanam amicitiam ambire videntur, & ad hominum consuetudinem, præter Delphinum, mansuescunt, cum appellantur, intelligunt; vt de Cæsaris piscinis illis legere est apud Plinium, in quibus genera piscium ad nomina veniebant, quidam etiam singuli: Et de Murenâ illâ Crassi Romani celebratissimâ, apud Alianum legitur (vt Vitulum marinum, & innumeros alios pisces dociles omittam) quæ Crassi appellantis vocem agnoscebat, atque ad eum adnatabat, cum ei quidpiam porrigebat, gaudio exiliens promptè, ac parato animo accipiebat: quam ob mutux beneuolentiæ seruata fidem, vbi primum expirauit, temerè fecisset, nisi amare, vberiusque fleuisset, atq; honore sepulturæ affecisset: sed in quibus tanta reperiatur erga homines, vt in Delphino beneuolentia, ex auctorum scriptis non ita facile arguitur; de cuius amoribus, ac firmissimâ erga homines amicitia, vt amoris simulacro, extant auctoritates Aristotelis, Auli Gellij, Plinij Iunioris Epistolâ ad Caninium, & Alberti Magni, vt Plinium secundum, & quàm plurimos alios, ne diuagari videar, silentio præteream.

Vt etiam in tot nummis Antiquis, Delphinum videre est, ab alato Cupidine frænatum. Quod verò maiorem inducit admirationem, est, reperiri in hoc animali tantam pietatem, vt homini nullâ consuetudine assueto, in extremo vitæ periculo laboranti auxilium afferat, & defuncto officiũ præbeat. Sancto Martiniano (vt Arionem, Palæmonem, Phalantem, Taram, Telemachum, & alios Delphini beneficio seruatos, vt in nummis antiquis habetur, sub ticeam) muliebrem illecebram qui euitare summè optabat, sponte in mare sese dimisso, mox duo Delphini adfuere, qui illum veluti Cymbâ impositum, extra mare in aliud litus detulerunt. Calistratus martyr, Diocletiano regnante sacco in-

Lib. 10. c. 30

Hist. anim.
lib. 8. cap. 4Hist. anim.
lib. 9. c. 48. et
lib. 2. c. 6. &
lib. 6. cap. 14
Noë. Act.
lib. 7. cap. 8
Lib. 8.
Anim. lib. 24
Lib. 9. cap. 8.Metaphrast.
apud Lipom.
Tom. 6.Metaphrast.
Loc. cit.

*Zoc. cit.**Moraliter
quid Delphi
nus?*

futus, in mare fuit abiectus, disrupto sacco, annuente sic diuinâ gratiâ, Delphini duo adnatantes, ac si admoniti fuissent, Sanctum tergo exceperunt; & ad litus accedentes sensim, ac cautè deposuerunt. Referre nec piget, quid Luciano martyri, vt in eius vita legitur, acciderit: Innocentissimus hic martyr Maximiliano Imperatore in Christianos atrocissimè sæuiente, lapide ad dexteram alligato, in mare fuit deiectus: quintodecimo tamen post die, à Delphino vastæ proceritatis, supra eius corpus gloriosissimus martyr mortuus per æquora ducebatur, quem tandè terræ non ita primum commisit, quo & Delphinus ipse, hanc eandem, vt sibi exitialissimam, lubens amplexando, statim expirauit: Delphinum (vt aliquid etiam exprimatur, quod moralitatem sapiat) procul à terra adedò violentum animal, vt loco stare nequeat, nefàsque arbitretur motu vacare; tantæ agilitatis, vt summâ cum velocitate intra aquas eiacular (quâ fortasse moti ratione Antiqui huius significatu velocitatis indicium denotabant) vbi terram attigerit, vix in arenam exceptum, confestim mori, in illud genus hominum non sine sale expressum, intelligant illi, qui philaphtiâ tumidi, vt noui tîphi ab aquarum ambitione inflati, laxi habenis, proprijs laribus relictis, plus sapere existimantes, quàm illorum conditio expostulet, cum literatis hominibus, extra suæ mercis limites prurifcentes, ac iactabundi, altercari tentant, Delphinumque nare docere conantur. Hi namque non secus, ac noui, & inexpertes Delphini è propriâ sede surrecti, alienam cum fastu inuadentes, in barathrum ignorantia summo cum dedecore labuntur, in hominum ludibrium, ac contemptum cadunt, ac tandem *μύουσι* *φουλαττῖνοι* in propriâ iactantiâ non sine cachinnatione, desipiunt.

VITVLVM quoque marinum in hoc nobilissimo rerum exoticarum apparatu seruat Calceolarius: *φωκί* est Græcorum, ducto nomine à voce Græca *βάλη* ob boatum quem edit, potissimum dormiendo, quo tempore tam altè stertit, vt rugitum edere videatur: & hoc, ob pituitosum humorem in asperâ arteriâ detentum, qui inspirando, & expirando agitur:

tur: vnde, & Bos marinus à quibusdam dicitur: Animal est Cataceum, quadrupes, Vitulo terrestri exceptis auribus valde simile, quibus natura solers hunc priuauit, ne multum humorem fusciperet, natationemq; sibi in aquâ prohiberet: Corio intectum est duro: gemina illi est natura, vt notat Aristoteles, aquam, terramque incolendi: ita vt partim in aquis, litoralibus potius, quàm pelagijs, partim in terris vitam depascendo, ac deprædando ducat: pinnis, quibus in mari pro natatione vtitur, humi quoque vice pedum serpit: sursum, deorsumque claudicantium more se mouens: Bellua (vt habet Ælianus) exemplo ex Eudemo, quæ Delphinarum more, hominum amore flagrare solet: quæ præter piscium consuetudinem, vt scribit Aristoteles, est docilis, vocæque, incondito nempè fremitu, ac visu populum salutat: nomine vocata etiam respondit: Somniculosa est, & adeò grauiissimo somno, ac diuturnâ veterositate opprimi solita, vt ne turbatum quidem mare dormiendo sentiat: (vnde Antiquitus per huius simulacrum, somniculosus homo significabatur:) Et Albertus Magnus tantâ humiditate scatere hoc animal tradit, vt si dextera eius Pinna, quâ ad natandum vtitur, temporibus hominis vigiliarum excessu detenti supponatur, somnum inducat: hoc idem affirmat Plinius. Adjiciam, quod ab eodem Plinio, & Plutarcho: de hoc animali scribitur: Ex omnibus marinis, hoc vnum fulminibus non tangi: quinimo audito tonitru, visoque fulmine, ac coruscatione, animositatis sedem in corde habens, exultans planos monticulos ascendere; gaudere, ranarum instar, pluiarum accessu, nedum expauesci: quod sanè & si fabulosum videri possit, hinc tamen, vt vero verius symbolum illud Ægyptiorum deductum est, qui significare volentes hominem contra omnia pericula tutum se præmunientem, Vituli marini pelle indutum, vt infortunij magni, tutelâ, pingebant. Et Augustum Imperatorem hoc corio contra fulminis ictum vsum fuisse tradit Suetonius in eius vitâ; vti etiam apud eundem legitur, Seuerum Imperatorem hâc eâdem superstitione imbibitum, lecticam suam, qua vehabatur, tali corio tegi mandasse. Nec filebo Tiberij coronam hâc pelle fabre-

Histor. anim.
Lib. 4. c. 56

Histor. anim.
Lib. 2. c. 7.

Histor. anim.
lib. 2. c. 17.

Morali. quid
Vitulus mar.

Anim. lib. 24

Lib. 9 c. 13
lib. 2. cap. 55

& alibi.
Lib. de anim.
solertia

Morali. quid
Vitulus mar.

*Histor. Sept.
lib. 20. cap. 3*

fabrefactam : recitat similiter Olaus Magnus, pauidos fulminum, tutissima reputare tabernacula, è huiusmodi pelli-
bus confecta; eò quòd, vt Aquila inter Aues à fulminis ictu
immunis commemoratur, ita inter Aquatilia Vitulus quoq;
de quâ etiam Belluâ, hoc aliud scribit hic Auctor, quod ta-
men ad perplexitatem quarundam gentium Septentrionalium
facit, quæ tempore ieiunij carnes huius animalis comedunt:
*Asferens nonnullos scropulosè se torquere, ne his, qui scilicet circa
interiores partes sunt, tempore quadragesimali vescantur: Quod
quamuis res hæc rectoribus Ecclesiæ commissa, non definiri concor-
diter potuerit, nihilominus simplicioris ingenij viros dicere, & pro-
bare, ex Vitulo marino hanc sumendam fore demonstrationem, vt
cum partum fecerit in littore hæc bellua, si ad sylvas à venatore
compulsa fugerit, ab eius esu tempore prohibito abstinendum esse,
si verò ad aquas, securissime tam illis carnibus, quàm larido ve-
sci posse: & ita seruatur, vt numerosissimi homines loco olei hæc
pinguedine utantur in obsonijs, atque ob hanc eandem causam
carnes, non secus ac latera porcorum in maxima quantitate ad vsum
in vasa recludantur.* Hæc Olaus Magnus.

Lib. 9. c. 43.

Ἀλώπηξ Græcorum, & Vulpes Plinij visitur quoque. Piscis
Cetaceus ex Galeorum genere; cuius corpus rotundum, spif-
sumque est, pinnis longioribus, & breuioribus munitum, os
habet paruum, non multum infra rostrum, caudæ pinna,
quæ sursum abit longissima est, & cum falcis, aut ensis for-
mam referre videatur, hac ratione à quibusdam vulgari ti-
tulo, Pesce spada nominatur. Piscis, vt notat Aristot. &
Ælianus, non secus ac Vulpes animal terrenum, fraudolen-
tam seruans naturam; quâlibet actione, qui cautus se præ-
stat, præsertim vero ad declinandas insidias illi in piscatione
paratas summa est attributa solertia: *Principio enim (vt Æ-
liani verbis utar) aut ad hamum non accedit, aut simul vt hunc
deuorauerit, statim tamquam vestem inuertens, & interiora sua
euomit, & ad hunc modum ferrum expellit.* Quod etiam de
Scolopendris apud Plinium legere est, quæ hamo deuorato,
omnia interiora euomunt, donec hamum egerant, deinde
hæc eadem resorbent.

*Histor. anim.
lib. 4. c. 37. et
lib. 9. c. 11*

Loc. cit.

Loc. cit.

Nec

Nec non *καρχήριος* Græcorum, & Athenæi spectantium oculis *Lib. 8.*
 se se offert: *κόπος* seu Porcus Strabonis, vti & quarumdam *Geogr. lib. 17*
 aliarum notionum. Piscis marinus ex squamosis, corporis
 formâ quasi rotundâ, sed compressâ, squamis ita firmiter
 cohærentibus, tamque asperis vndequaque munitus, vt ve-
 luti durissimo, ac ferè impenetrabili tegumento, & pelle op-
 periat: cui quamuis os paruum natura dederit (Muris a-
 nimalis figuram exprimens, quâ ratione fortasse *μῦς* ab Op- *lib. 1. αλγεῖν.*
 piano nominatur (dentibus tamen acutissimis, & robustissi-
 mis illud armanit, vt alios pisces, quamuis magnos, intrep-
 de aggredi audeat: de quo audias Oppianum canentem. *Loc. cit.*

Est quoque præ reliquis sauum Muris genus, audeat

Bella inferre viris Gens tantula, tergo duro

Fidens, & densis armato dentibus ore.

Vti & SCORPIVS Græcorum, & Latinorum, qui à Plinio *Lib. 32. c. 10*
 Rufus dicitur, quòd maiore ex parte sit colore rubescente,
 siue Rufo; Piscis Pelagius, squamis contextus, quæ potius
 serpentum corticem, quàm squamas referre videntur: cui
 nomen est, non à Scorpij terrestris formæ similitudine, sed
 quia venenatis aculeis, quibus multis caput maximum quod
 habet, est præmunitum, pungat, feriat, venenûmque Scor-
 pij terrestris ritu effundat; atq; à totâ substantiâ, quam ali-
 qui virtutem specificam vocant, vt hic, minimo ictu, atque
 insensibili materiæ quantitate, mortem afferre soleat; vnde
 Ovidius; *Et capitis duro nociturus Scorpius ictu.*

Et apud Ciceronē; *Scorpius infecta præportans flebile acumen;*
 sicuti etiam & spinâ venenatâ, quam in dorso gerit, feriendo
 venenum vibret. Hinc illud Adagium celebratissimum:

Piscator ictus sapit, ab euentu natum, putarim: cum Pisca-
 tor quispiam (vt notat Gesnerus) piscibus, quos intra rete *Lib. 4. aquar.*
 tenebat, manum admoisset, atque à Scorpio pisce ferire- *c. p. de Scorp.*
 tur, ictus inquit, sapiam: quo exemplo monemur: in actio- *Moraliter*
 nibus obeundis valde oculatos nos semper esse debere, ne *quid Scorpius*
 optima captare credentes, in pessima, & nocitura cum per- *marinus?*
 nicie incidamus, stultè namque est dicere non putaram, &
 ferò sapiunt Phryges, vt est in prouerbio, cum quis suo ma-
 lo in posterum non caueat; & cum Claudiano.

Nil

Nil inuat errores mersâ iam puppe fateri.

Serò enim gemimus (vt est apud Euripidem, ex Electrâ Clytemnestram redarguente) quâ spes haud reliqua est remedij. DRACO & Marinus Æliani inter Musæi parietes conspicitur. Piscis formâ satis oblongâ, pugionis modo compressus, & squamis exilioribus certè, sed duris contextus, qui tamen Draconi terreno, capite, maxillis, & oculorum magnitudine similis videtur. Inter pestifera animalia marina à Plinio sub nomine Aranei descriptus: nec absque ratione, sicuti enim Aranea animal insectum suo pestifero morfu vehementissimos circa plagam dolores, & cruciatus, mortemque sæpe numero inferre solet, ita & hic piscis si viuus contractetur, & manu tollatur, venenatis aculeis, tenuibus, nigris, peracutis, & tenui membranâ nigrâ connexis, quibus est in capite armatus, vulnus tangentibus infligens, febrem, ac delirium protinus excitat, nec non totum brachium cum mortis periculo inflamat: quem aduersus sui ipsius ictum statim impositum, vti & Mulum piscem valere scribit Galenus, & Dioscorides.

Lib. 9. c. 48.

*Simpl. medic.
lib. 11.
Lib. 6. c. 44*

Affinem hi pisces habent *Κάβραρον* Græcorum: Scarabæum Quorundam: à colore nigricante, seu ex nigro rubescente, quo Scarabæum terrestrem insecti genus refert, sic nominatum: Piscis inter litorales ab Aristot. & Plinio enumeratus, squamis paruis intectus, corporis formâ, branchijs, pinnis, & aculeis, Auratæ haud absimilis: qui tametsi in luto, & sordibus libenter versetur, nihilominus, referente Æliano, salacissimus est, ac pugnam instituit de fœminis, non secus, ac viri de pulchris mulieribus, Hirci contra Hircos, & Tauri contra Tauros: turgétque amore adedè fragrantissimo in suæ speciei fœminas, vt cum procis, Zelotypiâ ductus, acerrimas pugnas edat; certamen non instituens de multis, Sargorum Piscium more (qui non modo in suam speciem libidinoso corripiuntur amore, sed & Capras ipsas animalia terrestria vehementissimè amant, & tantâ amoris insaniâ in eas existunt, vt à Piscatore caprinâ pelle oblecto, & ab illis sensu caprini odoris percepto, dolo capiantur) sed pro vnâ tantum, non secus ac Menelaus cum Paride pugnet, ac decertet:

*Histor. anim.
lib. 8. cap. 13
Lib. 32. c. 11*

*Histor. anim.
lib. 1. cap. 27*

certet: quâ si semel fuerit potitus, nullam aliam (promiscuâ Veneris odium abhorrens) concupiscat, ac attingat, vnicâ castitate contentus; quod à Cl. Poëta Oppiano hisce versibus elegantissime est descriptum.

Lib. 1. ἀλλ' ἐὺν

Uxores Sargi multas, & Merulus ardens

Ducunt: ast alij contenti coniuge solâ,

Cantharus Ætneus contemnens agmina lecti.

Res sanè notatu digna, velint, ac nolint, homines illi, non sine maximo cum dedecore, vt fateantur est necesse, se à Brutis castitate superari; qui legem à Deo Opt. Max. pro mutuâ, & reciproâ, in matrimonij vinculo, seruandâ fide, neutiquam seruantes, nec malæ tractationis pœnam verentes, non turpibus Hymæneis detestatis, nec vnicæ vxoris consortio contenti, Lenonum, & Strygarum medio alienas sedes propagnationi destinatas, violare, & ingredi tentant, ac vt noui Cuculi in Corruçâ nido fœtificare die, noctûque student. Quo ergo in fide matrimoniali non hæsites, nec hinc inde à fluctibus tentationum, qui à ventis concupiscentiæ, & luxuriæ agitantur, rapiaris, Canthari Piscis exemplo, quam Deus tibi præscripsit vxorem, illâ vnicâ sis contentus, alienam ne concupiscas; illam diligito, sicut Christus dilexit Ecclesiam, & semetipsum tradidit pro eâ; vitæ & negotiationis huius mundanæ sociam summâ cum tranquillitate domi contineas: sic enim seruato hoc naturæ vinculo, legibus, ac benedictione obstricto, gratus Deo, & hominibus euades.

Moraliter
quid Cantharus?

Ephes. 5.

CANICVLÆ, similiter Plinij patet aditus, quam Canem Galeum Latini vocitant, quod ex Piscium Galeorum stirpe fit, corporis enim formâ longâ, est ijs similis, dentesq; habet ad latera recuruos: non tamen est illa, quæ ab Aristot. nominatur: sed cui, vt notat Plinius, nubes quædam inest, quæ oculos occupat, & quam in nullo alio Galeo, præterquam in hac, & Galeo Galauco, reperiri scribit Rondeletius. Piscis naturæ instinctu adeo pruriginosâ libidine in corporis humani carnes, nudas præcipuè, & candidas ardere solitus, vt aliquando has depascendi causâ in terram exiliat: vnde hac ratione, & ob duros aculeos (vt habetur

Lib. 9. c. 36

Histor. anim.
lib. 6. cap. 10
Loc. cit.

Cap. de Galeo
canc.

*Histor. anim.
lib. 1. c. 56.*

Loc. cit.

*Moral. quid
Canicula.*

Loc. cit.

Lib. 3.

*3. de alim. fa-
cul. cap. 31.*

*Loc. cit. & 3.
de loc. aff. c. 7.*

Loc. cit.

Loc. cit.

betur apud Ælium) venenum quoddam iaculantes, tunc temporis & Piscatoribus, ac maris incolis valdè formidabilis fit. Piscis tantâ gulositate, ac voracitate insignitus; (ne discedam ab Æliani verbis) *Cum vnus captus est hamo omnes hoc aspicientes accurrant ad captiuum, quem sequuntur, & que ad nauem emulatione quâdam, existimantes captum escam sibi prædatum fuisse: ut eorum nonnulli in nauem aliquando insiliant, & volentes capiantur: mortem præ gulositate sibi arripientes.*

Sic qui carniū voratione, & vini potatione disrumpitur, nec non hamo crapulæ, & ebrietatis seipsum exponit, interceptâ, ac submersâ ratione, veluti à nube densâ, à copioso fore cibi, & potus euaporatione, distracto à proprijs operibus corde, inualefcente luxu, & amœntiâ, præceptus nauim Syluam nimirum libidinum ingreditur, voluntarius peccatus euadit captiuus, & ita Diaboli in animi perniciem fit præda.

Σκυλλος ἢ Νεῦπλος Aristotelis, ac si dicas Hinnulus, quem Caniculam inrerprætatur; & ab Athæneo *σκύμνος* vocatur, idest Catulus. Est namque Piscis ex Galeorum genere minimus, cuius cutis in colore rufescit, & maculis nigris et aspersa, quam si à caudâ ad caput manibus contrectes, asperam admodum esse dices, sin autem à capite ad caudam mollis, & blanda persentitur; brachia, pinnas, & caudam eisdem maculis notatas habet, nec minus edax, heluone hic piscis, quam cætera alia Canicularum genera.

Hoc genus Piscium, quod in Cataceorum stirpe ponit Galeus, ingrati saporis, & mucosi esse, duramque habere carnem, ægre confici, & parere succos crassos, & salfos, effereque sanguinem melancholicum notat hic auctor: quibus etiam in partes sectis, ac salitis, vulgares homines cum sinapi ex Oxelæo, atq; id genus acribus medicamentis vt sci scribit.

CANICVLÆ Aristotelis Vterus, seu Vulua bifida, in cuius medio Oua colore, & perspicuitate cornu similia, figuræ peluinar, quo dormientium capita suffulciuntur, referentur ad spinam adherere solent: ex cuius angulis dependent meatus longi, & tenues (modo tamè hoc nomè mereatur, & quos Aristoteles meatus capillares vocat) cum potius videantur esse ligamēta quædam

quædam, & appendices Capreolorum vitis modo conuolutæ, naturæ inferuientes, ad retinendum, & firmandum in vtero ouum, vt neque fursum, neque deorsum moueatur, quo ad statuto tempore in lucem prodeat: non secus, ac in vtero muliebri quorundam ligamentorum medio fœtum sustentari ex Anatome conspicitur.

CARCARIÆ Canis Aristotelis: Piscis marini, ferocissimi admodum ex Canicularum genere, Caput prægrande, rictum canis habens, oris scissura cui est maxima, in cuius maxillis dentes consistunt acutissimi, & durissimi, triangulari figurâ vtrinque serrati, nec non in sex ordines dispositi, quorum aliqui extra os prominent, alij recti, alij in os recurui sunt: ob quos maximus, validissimusque inter canes marinos, est habitus; nec desunt, qui Piscem hunc carniuorum, voracissimum, & antropophagum nominant: legitur namque cadauera mortuorum etiam integra vorare: & apud Theophrastum habetur, Mare rubrum Belluis refertum esse, plurimasque caniculas (carcharias) habere, in tantum numerum, vt mare tutum non sit: & in Plinio hæc extant verba, *In Mari rubro Sylua viuunt, Laurus maximè, & Oliua ferens baccas, & cum pluit, Fungi, qui Sole tacti mutantur in pumicem. Fruticum ipsorum magnitudo ternorum est cubitorum, Caniculis referta, vt vix prospicere è naui tutum sit, remos plerumque ipsos inuadentibus.*

*Hist. anim.
lib. 5. c. 5.*

*Hist. lib. 4
cap. 8.*

lib. 13. c. 25.

FABRVM, seu Zeum Plinij, quis numquam viderit, inter hos Pisces reconditum sciat: hinc fortasse dictum à fuliginis colore, quo est infectus, non secus ac Fabri ferrarij, qui fuliginosi semper visuntur: quod etiam ab Oppiano hoc versiculo exprimitur.

*lib. 9. c. 24. et
lib. 32. c. 18.*

Lib. 1;

Et Faber, & nigro cui nomina dicta colore.

Aut quia, vt apud nonnullos inuasit opinio, in hoc pisce singula illa instrumenta reperiantur, quæ ad artem fabrilem spectant. Καλλύς est Athenæi. Gallus marinus quorundam, à dorsi spinis surrectis, veluti Gallorum Gallinaceorum cristis, quibus se munitum demonstrat. Piscis inter planos potius, & cartilaginosos, quàm squamosos enumerandus; est namque corpore plano, vel certè admodum compresso

presso, dorsi acies aculeata est, caput extensum habet, & Os latissimum. Romanorum est Citula, seu Piscis Sancti Petri; ille sanè, de quo Matthæus: quando scilicet in Vrbe Capharnaum Dominus iussit Petro, vt misso in mari hamo, piscem expiscaretur, e cuius ore pecuniam inuentam publicanis persolueret.

PISCIS ille notatu dignus, nec in infimas Musæi sedes collocandus, describitur, qui Græcorum est *ερανόσκοπος*, ac si dicas Cœli speculator, ob oculos supra eius caput magnum, offeum, & asperum, Ranæ piscatrici haud absimile fitos, & rectâ in Cœlum semper erectos, quos habet. ille inquam qui Solis aspectu gaudere solet: *καλλιστομος*, idest pulchri nominis Piscis est eorundem, non quod pulcher sit aspectu, cum potius ob fuscum colorem, ob capitis, totiûsque corporis speciem, fœdus appareat; sed ob Vranoscopi appellationem, quæ pulcherrima est, homine potius, quàm pisce digna. Hasce voces sequutus est etiam Plinius noster, cum veteri latino nomine careat, *εμερόκοιτος* est Oppiani; nomine desumpto à furibus illis, qui interdiu dormiunt, & noctu vigilant, alienâ deprædandi causâ: quique à Suidâ in eius Geographiâ *εμερόκοιτοι* appellantur. Sole namque hæmiphœrum hoc nostrum illuminante in arenâ dormit hic Piscis litoralis, & sine squamis, noctu verò vigilat, prædam quærendi causâ, vnde & *Νυκτερίς* est vocatus, fur nempè nocturnus. Mirum audias, quod scribitur de solerti ingenio in venatione huius Piscis. Est enim ita vaser, vt luto primum se immergat, postmodum caput paululum exerens, membranam quandam ex ore dimittit, ad quam vti adescam Pisciculi adnatantes concurrunt, cuius præ morfu admonitus, statim illam retrahit, ac ita cum eâ Pisciculum pro sui alimento.

Vt autem innotescat Callyonimi partem sui corporis aliquam in medicinâ faciendâ, proficuum esse, scias, Galenum de medicamentis illis dum agit, quæ ex felle animalium ad oculorum acutiem componuntur, tradere, huius Piscis fel, vt & Hyenæ, & Scorpij marini, tùm Galli, & Perdicis, acie exacuere oculorum, & suffusionum initia digerere: Necnon cum

Lib. 32. c. 7.
 & 11.
 Lib. 4.

Lib. x. simpl.
 medic. & 4
 comp. medic
 s. l. cap. 4.

cum senectâ anguium aceto tritâ mistum, & in aures instil-
latum, ad auditus grauitatem, ex Apollonio conferre.

3. de comp.
med. l. loc.

Superiotti est affinis Lyra Græcorum, & Latinorum, nec non
Aristotelis. Piscis marinus ex Cuculorum genere, more

Hist. anim.
Lib. 4. c. 9

Suum per Vndas grunnians: cuius cutis fusca, rubedinis est
particeps, latas qui habet ad latera pinnas cæruleo colore

3. animalib. 2

imbutas. Ab Alberto Magno pro lepore marino acceptus,
quàm benè legas Aristotelem, cui Lyrae nomen videtur tri-

Loc. cit.

butum, quòd summo rostro bifurco Lyrae antiquæ formam
quodammodo referat. Organum est Ligurum, & Cuculus

Illiricorum, ob sonum, quem per æquora vagando edit, si-

gnificatu desumpto à Cuculo Aue notissimâ, quæ in cantan-

do magnam vocem (& si hanc non mutet) edit: Hunc piscem

carnem habere duram, quæ ægre concoqui à calore possit,
& quæ succos crassos, & salsos in corpus distribuat, vt Dra-

3. de alim. fa-
cult. cap. 31

cones, Mustelli, Scorpij, Paguri, & id genus alij, ex Philoti-

mi verbis notat Galenus.

Propè Lyram Torpedo Latinorum *Νάπυς* Græcorum est dispo-

sita: Piscis litoralis, & cœnosus in cartilagineorum, & pla-

norum numero censendus: est námque cute mucosâ, & gla-

brâ, eaque molli, ac frigidâ: primo aspectu, qui Ranam Pi-

scatricem, aut Pastinacam marinam refert: Torpedinis no-

men adeptus, quod innatâ vi, veluti Magicâ, torporem in-

fundendi, ac vehementi illo virore, vt notat Plato, insupe-

rabili frigore prædito, non modo hominum membra ipsa

proprio robore veluti destituta à stupefactore subito rigi-

da, & immota remaneant (quod ne supersticiosum, ridicu-

culúmve videatur, legas præ cæteris Ælianum, qui rem

memorabilem narrat: Plinium, & Albertum magnum) sed

& in eius piscatione, quam limo mersam, se se occultando,

summo cum astu exorditur: contactu pisces supernatantes

torpentes faciat (quos postmodum veluti acutissimo somno

oppressos capit, & deuorat: cuius Piscis calliditatem, & in

piscando solertiam descripsit Aristoteles, Athenæus, & Pli-

nus; quod etiam à Claudiano capite de Torpedine: hisce

carminibus est elegantissime descriptum.

Quis

Hist. anim.
Lib. 9. c. 37.
Lib. 7.
Lib. 9. c. 32.
Lib. de Gigan-
tonomatia

S E C T I O

Quis non indomitam dira torpedinis artem
 Audit, & emerito signatas nomine vires?
 Illa quidem mollis: segniq;ue obnoxia tactu
 Reptat: & attritis vix languida serpit arenis,
 Sed latus armauit gelido natura veneno.
 Et frigus quo cuncta rigent armata medullis
 Miscuit, & proprias hyemes per viscera duxit.
 Naturam inuat ipsa dolis: & conscia sortis
 Vitur ingenio: longèq;ue extenta per algas
 Qui tetigere iacent: successu latè resurgit,
 Et viuos impunè suos depascitur artus, &c.

Sed audias etiam Oppianum: non modo de toto hoc ani-
 mali torpescendi qualitate prædito, sed & de quadam il-
 lius parte, sic canentem,

At duo se tollunt distenta per ilia rami,
 Qui fraudem prorobore habent, piscemq; tuentur.
 Quos si quis tractat, perdit per membra vigorem,
 Sanguine concreto, rigidos nec commouet artus.
 Soluuntur subito contractu in corpore vires.

Et Galenus quoque de symptomatum causis in sensu tactus,
 ac cur seorsum, vel sensus, vel motus deperdatur, agens,
 torporem in toto corpore tam ex parte motus, quam sensus
 prouenire, nec non Torpedinis contactu hisce verbis de-
 monstrat. Torpor vero, qui ex tam motus, quam sensus diffi-
 cultate est compositus, in toto corpore, & maximè in artubus,
 manifestè videtur à frigore, & compressione nervosorum corporum
 incidere: ad hæc etiam à Torpedinis marina contactu: Et alibi
 contra illos agens, quibus nequaquam persuaderi potest,
 exiguum succum in vnâ parte contentum tantorum acci-
 dentium, quæ vniuerso corpori eueniunt, esse causam.
 Hæc habet. Sunt qui putant res quasdam solo tactu per quali-
 tatis vim, ea, quæ eis vicina sunt, alterare posse: idque planè
 videri in marinâ torpedine, ut potè cui tam vehemens sit poten-
 tia, ut per piscatoris tridentem transmissa ad manum alteratione,
 de repente totam reddat torpidam: Quo exemplo excitatum
 velim Lectorem, ab improbis, pestilentibusque hominibus
 sibi

lib. I. de aest.

Lib. I. de sym-
 pt. caus. c. 5.

Lib. 6. de loc.
 aff. cap. 5.

Moraliter
 quid Torpedo

sibi cauendum esse: Quemadmodum enim grassante pesti-
lentiâ prouidendum omnino est, ne corruptis iam corpori-
bus assideamus, quia periculum traheremus, afflatûque ip-
so in proximo laboraremus, ita quoque inquinatos hosce
homines assumere neutiquam expedit, cum rerum quacum-
que consuetudine contacti morum venenum afflent, & non
secus ac Aconitum contactu necat, ita horum conuictus ve- *Plinius libr.*
luti spumâ exitialissima à Cerbero cane extractâ, protinus *27. cap. 2.*
mores nostros corrumpendo, nosmetipsos interficere potest,
etiam si vel tantillum cum illis inceptamus commercij.

TORPEDINIS, & aliud genus in collectione hâc marinâ re-
peritur: cuius totum corpus ad rubricæ fabrilis colorem
quodammodo accedere videtur: in tergore natura ipsa ita
perbellè, & exactè maculas aliquot Pentagoni figurâ dispo-
sitâs, oculos circulis albo, & nigro præferentes, fabrefe-
cit, vt vix Apelleâ industriâ, quamuis insignis, æquari hæ
possent: quod si Torpedinem maculosam, oculatâmve no-
minaueris, nomen formæ, & signis congrue aptabis.

POLYPVM pelagium inter suas species maximum, ad deter-
minatum locum Calceolariûs in Musæo reconditum deti-
net, non tamen tantæ amplitudinis, vt illum, de quo *Lib. 9. c. 30.*
Lib. 13. c. 6
nius, & Ælianus scriptis mandarunt, in tantam molem cre-
uisse, vt Cæto æquari posset, & Cætacei munus obtineret:
Piscis ex mollium genere est, hoc idem dictante Galeno, *3. de alim. fa-*
cult. cap. 38
quod neque squamas, neque asperam cutim, aut testaceam
habeat, sed mollem, instar humanæ cutis; cui pedum nume-
rus (ostionis namque est præditus) nomen fecit: caput in-
ter pedes, & ventrem habet. Qui inter animalia illa in a-
quis degentia ab eodem Galeno est repositus, quæ & si cor *Lib. de utilit.*
respir.
non habeant viuunt tamen, quod eorum calor vitalis, quam-
uis modicus, nutriatur ab exteriori aëre influente, & per
poros branchiarum loco pulmonû inferuentium, intra cor-
pus penetrante: ex succo falso, & glutinoso constare hunc
Pisces, vt Loligines, Sepiæ, & Cætacei Pisces ex eiusdem
Galenî verbis colligitur: & agens de illis edulijs, quæ se- *Lib. de suc. bo-*
nit. & vit. c. 4
men procreant, inter hæc Polypodes recenset: argumentû.
non ita spernendo redundare succo illorum carnes, quin &
quid

*s. simpl. med.
facult. c. 23.*

*Hist. anim.
lib. 8. cap. 2
lib. 9. c. 29.
lib. 1. c. 27.*

*Moraliter
quid Polypus
in cibarijs cō-
parandis.*

*Moral. quid
Polypi attri-
butionem.*

quid maximum in propagatione humanâ afferre possint: Porro prouocant (dicit Galenus de semine loquens) quaecumque calida sunt, & flatuosa, absque desiccatione: etenim cum seminis substantiâ ex bonâ superfluitate generationem sortiatur, sitque etiam efflatuosa, benè nutriant, & flatuosa sint necesse est, quaecumque semen aut procreare, aut prouocare possunt: Itaque Bulbi, Cicer, Fabæ, Polypodes, Conus, edulia dicuntur multi seminis, & sunt. Anima! hoc adeò edacissimum est, ut prodigè admodum multa deuoret, nec sibi ipsi ex Aristotele, Plinio, & Aliano parcat: famis etenim est adeò impatiens, ut deficiente prædâ in venatione frustra tentatâ, nec alijs ingeratur cibus, quem deuoret: proprijs brachijs, seu cirris, quibus veluti spiris, ac vinculis deprædando uti solet, vestitur, hoc, tamquàm promptum prandium ad famem restinguendam, comparante ipsi naturâ. Admirari tamen licet, quomodo in hoc pisce adeò immoderatæ edacitatis, Animal Bruto, in quo nec umbra quidem rationis residet, tanta reperiatur in rebus, aut pro sui alimento, vel pro sui tutelâ obeundis industriâ, ut varia, & quasi indicibilia molliatur, ac in quacumque re eius vsui inseruiente sic astutè, & indistinctè se ipsum gerat. Modò enim, non secus, ac indefessus rei domesticæ administrator operatur, qui innatum ingenium exercens rem familiarem ex quibuscumque rebus vtilibus, & inutilibus nullo habito delectu congregare, augerèque studet: sic & ille pro cibarijs sibi struendis, ac acquirendis mirâ utitur calliditate, ne dicam prudentiâ, dum omnia, quæ sibi appropinquantur, brachijs, & denticulatis forcipibus colligit, conuenatùrque: ac in cauernis, ubi commoratur, aggregat, & recondit: scelectione postmodum factâ vtilium, atque eisdem consumptis, inutilia, ut testas Conchyliorum, quorum carnes summè appetit. Cancrorum crustas, & spinas piscium abijcit: Aliquando etiam sic urgente necessitate. Hominis litterati, & eloquentis summam imitari videtur prudentiam. Hic etenim cum videat ab indoctis, & contumeliosis homunculis, qui ventrem obtrectationibus prætumidum habent, linguâ succos virulentos in se ipsum euomi, dolùmque; & perniciem sibi struere, quò

quò eius cum virtute præclare gesta naufragio obliuionis tradantur: attramento suæ eruditionis per mare doctissimorum Scriptorum misso, & diuulgato, non Samnitum more, sed in pugnâ, hastam doctrinæ vibrat; illorum paruitatem intellectus, proprijs iniurijs detegit, ac tandem à virtutis gloriâ circumfusus ab omni dolo sitate, vafriçieque immunis euadit: similiter & Polypus miro naturæ instituto, non vt fallat, sed ne fallatur, suæ consulens indemnitati, vbi attendit quid periculi imminere, attramentum, quod illi pro sanguine inest, mittit, & per aquas diffundit, quo circumfusus, ab oculis aut piscantium, vel alicuius piscis instantis remoueatur, ac ita perniciem sibi paratam euitat: Vti quoque dolo malo, ac si voluntariè agat, cum fame excitatur, & humorem, quem in se continet, per aquam spargit, & sui coloris mutatione pisces pro alimento venatur: Modò etiam de industriâ in colorem illis saxi similem se conuertit, quibus subsistit, & appropinquatur, vnde pisces ad illa, tâquàm ad prædonem annatantes, incautè ab eius brachijs, veluti retibus compræhenduntur, & deuorantur: ob quos sagacitatis modos, Polypo, vt est in adagio, mentem inesse dici potest: quod etiam Teognides sub personâ hominis illius, qui varijs hominum moribus se nouit accommodare, fitque omnium horarum, nec non senæ inseruit, utique foro sapit: hocce disticho eleganter expressit.

*Moral. quid
Polypi mu-
tatio in colo-
re.*

Mentem habes vafri Polypi, qui protinus ille

Se quibus admoriet, saxa colore refert.

& Pindarus.

Agè age colore Polypi

Mentem apparatus optimè

In Vrbe quâ vellis mane.

Hos tamen homines ad Hyppocritas comparat Matthæus, similesque facit sepulcris dealbatis, quæ foris quidem apparent speciosa, intus vero plena sunt ossibus mortuorum, omnique spurcitia: illi namque foris apparent hominibus iusti, intus autem pleni sunt fictione, & iniquitate, ac sub ouina pelle lupi rapaces. Basilii quoque Sanctus in re

Hex. hom. 7

K

Nec

*Moral. quid
Polypus, ex
S. Basilio.*

*Histor. anim.
lib. 2. c. 1.
lib. 8. c. 2. et
lib. 9. cap. 27
lib. 7. c. 31. et
lib. 10. c. 39.
Cap. 32.
lib. 9. c. 30.
et 39.
lib. 24.*

*lib. 2. c. 18.
Histor. anim.
lib. 2. c. 45.*

Ex h. hom. 7.

lib. 20. c. 19

*lib. 9. c. 48. et
lib. 32. c. 1*

*Nec silentio præterierim Polypi dolos, ac furacitatem: Is cuium-
que saxo adhærescit, colorem subit illius, atque adeo, ut piscium
complures ad ipsum improviso natantes, tamquam ad saxum ap-
pellant, paratamque sese offerunt illi versuto, malitiosoque prædam.
Talibus eos moribus præditos esse constat, qui perpetuos potentia-
tus subeunt, & ad usus, necessitatesque occurrentes sese accom-
modant, nec in eadem voluntate semper persistunt, sed alij, diuer-
si que facili fiunt, sobrietatem cum sobrijs laudant, intemperantes
sunt cum intemperantibus, atque ad id, quod cuique placet suam
sententiam vertunt. Hæc Basilius. Quis plura de Polypi
astu, legat Aristotelem, Ælianum, Solinum, Plinium, &
Albertum Magnum: quæ singula breuitatis causâ lubens
prætermitto: instituti namque huius operis idea hoc vnum
solummodo respicit, non ut quarumcumque rerum proprie-
tates, & significata ad vnguem exprimantur, sed earumdem
tantum nomenclatura aliquâ historiâ, & mortalitate ornata
Laconico stilo explicetur.*

*Pœnes Polypum Lepus Marinus Latinorum situs est: cui co-
lor Lepori terrestri non dissimilis nomen imposuit, quam-
uis huic totâ substantiâ, & qualitatibus omnimodè contra-
rius. Lepus namque terrestris nobis est in delicijs, marinus
verò, & visu, & tactu est exitialis: Est namque Piscis ex
mollium genere in mari, atque in stagnis, potissimum cœ-
nosis, nascens, aspectu fædo, odore tetro, & substantiâ lo-
ligini similis ex Dioscoride: aut Cochleæ exenteratæ, po-
tissimum corporis parte posteriore ex Æliano: siue felle ran-
tum, siue totâ substantiâ venenatus, & maximè læthalis, ut
nedum potatus, sed & odore, ac continuo intuitu lædere
valeat. Vnde Sanctus Basilius, animal hoc præsentissimum
venenum homini edenti esse affirmat. Et Olaus Magnus
tradit, Leporem piscem solo visu reliquos pisces fugare.
Legitur etiam apud Plinium, qui nomen Offæ informis
huic tribuit. Mulieres vtero gerentes, si illum nupetrinè
præsertim è mari extractum, diutius inspexerint, nausea-
bundas euadere, ac deinde abortum facere: cuius piscis
perniciosa in veneno fundendo energiam hisce carmini-
bus descripsit Nicander.*

Disce

P R I M A.

75

*Disce venenatos leporis cognoscere potus
Pestiferi, medijs peperit quem fluctibus æquor.
Virofi squamas, & purgamenta marini
Piscis olet, &c.*

Hoc idem apud Galenum legitur, asserens leporem marinum erodendo interimere, vt præ cæteris legere est lib. de sim-
pl. medicam. facultatibus: quo loci hæc verba habentur.

*Lib. 10. c. de
Sero lactis.*

*Sic mihi videntur etiam Medici ad venena, quæ erosione interi-
munt, lac dari suadere, velut sunt lepus marinus, & Cantharis.*

*& alibi, Non nulla deprehendi ait, quibus proprium est, partem
aliquam corporis solum offendere, quemadmodum lepus marinus pul-
monem, Cantharides vesicam exulcerant.*

*Lib. de Tber.
ad Pisonem
cap. 4*

Nec desunt in hac maritimâ Cellâ Pisces volatiles inclusi, o-
perâ Calceolariâ, à quacunque maculâ, & carie immunes:

*Lib. 9. c. 26.
lib. 3. c. 11*

inter quos est Hirundo Plinij: *Κελιδων* Græcorum: Piscis, qui
præter aquas, aëre, cœloque oblectatur, & certis notis, vo-
latu præcipuè illustris, celebrisque fit: sublimis namque,
ex Aristotele, more Auium gregatim haudquaquam mare
attingens, volat, humiliore tamen (referente Aliano) nec
ita sublimi volatu, vt loligo, quæ coadiuuantibus pinnis
longissimè transilies, in sublime se se attollit: Stridet quo-
que volando marina Hirundo: cuius stridoris causa est
branchiarum scissura parua, & stricta; aër enim affatim per
angustum locum emissus sonum, stridoremque edit: Cumq;
pinnas, & caudam expandit (sic scribente eodem Plinio)
Hirundi volucris persimilis est, vnde ei nomen: vti etiam re-
ipsâ huic simillima. Quemadmodum enim Auis hæc inter-
nuntij munus obiens, pulcherrimi temporis ostendit aduen-
tum, flores, & germina fœcunda Zephiri aurâ viuificari e-
nunciat: quo tempore non docilitate mota, sed quod im-
memor locorum non sit, vbi aut pullos reliquerit, aut aliâs
fœliciter, & absque vllâ offensâ vitam transfegerit, eadem
repetit: sic, & illa vbi primum è mari exiliens, expansis pin-
nis, veluti alis, volatu se dederit, maritimæ illius regionis
incolis Ver iam propè esse indicat, & Fauonio spirante fo-
ueri, quæ nascuntur, significat. Hoc vnum etiam pro sui
tutellâ, volatu ipso peculiare habet hic Piscis: vt cum illi à

*H. stor. anim.
lib. 4. c. 9.*

*H. stor. anim.
lib. 9. cap. 52*

Loc. cit.

lib. 2. 21. 1897.

Moral. quid
Hirudo pisc.Paulus ad Fi-
lip. 3.

Lib. 3.

Lib. 1.

Lib. 9. c. 27.

Piscibus maioribus, teste Oppiano, tendantur insidiæ; quò
sic naturâ dictante, instantes sibi in mari hostes effugiat, il-
lorumque præda non succedat, suis innixus viribus, è mari
erumpit, ac per aëra euolat, ibique seipsum incolumen fer-
uat: cuius mores si ad vnguem speculari volueris, delineatam,
benigne Lector, hominis illius naturam habere poteris, qui
cuicumque virtuti deditus, & spiritu erectus, ne tabe aliquâ
âcius anima maculetur, inficiaturve, nec non incursiones
hostiles huius pelagi mundani euitare valeat. Vere præsentiente
diuinæ gratiæ, ex falsugine tentationum exilit: & totaliter
mundum derelinquens, vi contemplationis sursum adeò effertur:
vt diuinæ gratiæ ope, in naturam supra humanam totus quasi
transcendat: vnde Apostolus ille, qui vsque ad tertium Cælum
raptus fuit, dicere solebat: *Nostra conuersatio in Cælis est.*

Hirundini Pesci, ne ex volatiliū stirpe esset sola, ordinatim in
Musæo succedit Miluus Latinorum: ob notas quasdam, &
hic celebris; illi volatu, & pinnis, quibus alarum vice utitur,
equandus. fortè répaξ Græcorum, & ἰππξ Oppiani: quod
tamen probatissimi quidam Auctores sub prælo contentio-
nis exhibent: Piscis est litoralis, qui & ipse, non tamen ictum
imminentem effugiens, sed vbi ab aliquo pisce in mare per-
cutitur, ita in altum effertur, vt alatus videatur: Vnde
Oppianus.

*At radunt summam Milui lati æquoris undam,
Cumq; timeant magnum venientem è marmore piscem,
Profiliunt Ponto, scindentes aëra pinnis.
Hos nanti similes dicas, similesque volanti.*

Lucerna à Plinio ex argumento vocatur, quia & cornua ex
ipso mari attollat, linguam & habeat igneam, pariter & os
lumine circumfufum: vnde illâ per os exertâ (sic narrat hic
Auctor) noctibus tranquillis, & placato mari adeò reluceat
Piscis hic, vt ex eius ore ignis, flammaque eiaculari credi
possit: & si à quibusdam in hoc erroris arguatur Plinius,
quòd linguâ per os exertâ noctu relucere dicat: cum tamen
eius palato, vt est natura ferè omnium piscium, affixa, hæ-
rensque sit, non autem soluta, & libera. Vt vt autem res sit,
non

non in foio hoc pisce lucendi vis in mari enitet: sunt enim, (Auctore eodem Plinio) è Concharum genere Dactyli, ab humanarum vnguium similitudine appellati, quibus naturâ ob succum innatum, est datum, in tenebris remoto lumine clarere: & Olaus Magnus recitat; in Nouergico mari, Pisces ob ingentem magnitudinem monstruosos reperiri, quorum oculi instar Lucernæ, esse ardentis ignes, noctu à Piscatoribus crediti sunt: Sed ad Lucernam Piscem rursus, è cuius naturâ, & moribus, quomodo moraliter & bonum, & malum elici possit, attendas rogo: Tales videntur esse, Scioli quidam Aduocati, qui per mare vel Ciuitatis, vel Mundi erectis cornibus præsumptionis, & elationis incendunt; & in nocte controuersæ alicuius, vel diffensionis, vulgari quadam loquacitate splendentes, cum nihil aliud quàm linguam habeant lucidam, eam nedum exerunt ad Clientulorum causas tractandas, sed etiam eò magis ad eorundem substantias cõburendas: Lucernæ pariter Pesci possunt concinnè assimilari Verbi Dei Prædicatores, qui in maximâ peccatorum obscuritate, dum tanta est tranquillitas, quod silent vniuersi: ore lucido, & linguâ ignitâ, Empirei gloriosam lucem memorantes, Inferni sulphureum ignem minantes, corda Christianorum inflammant, & in viam salutis dirigere student. Sic de celeberrimo illo Concionatore apud Ecclesiasticem scriptum est. Helias quasi ignis, & verbum eius ardebat vt Iacula: & hinc fortasse Apostolis, qui per totum orbem Christi Euangelium prædicare debebant, apparuerunt dispartitæ linguæ, tamquam ignis.

Postquam autem in duos hos pisces, ob volatum celebres, incidit sermo, obiter, vt quid memoriâ dignum, referam, quæ ab ijs, qui orbem lustrarunt, traduntur. Scribunt namq; circa Africæ litora, non longè à Guineâ, gregatim, tantaq; copia simul Pisces euolare, vt procul conspicientibus Insula quæpiam spectari videatur: addunt & aliud non minoris admirationis. Iuxta Megalanicum fretum. Colondrinos Pisces vlnæ mensurâ longos, apprimè volandi facultate valere, ijsque acerrimos hostes esse auratas, reliquos quoque Pisces; cum quibus in concursu frequens intra aquas

Lib. 10. c. 61

Lib. 21. c. 5.

Moral. quid
Lucerna pisc.Moraliter
rursus quid
Lucerna pisc.

Cap. 74.

Loc. cit.
Anim. lib. 4
cap. 4.

Lib. 20. c. 3

2. de legib.

7. dilionono.

Lib. 9. c. 17

3. de alim. fa-
cult. cap. 30

Lib. 4. de lin-
gua latina

Loc. cit.

7. meth. c. 8

aquas est pugna. Colandrini imperium hostium vitantes, è mari exiliunt, volatu sibi ab hoste cauentes: hostes, quibus nulla volandi est vis, intra aquas volantium umbras persequuntur celerrimo cursu, illo sensu instructi, ut cum volare illi desierint (non enim diu volare possunt) in mare recidentes, fiant ipsorum præda: nec desunt alij Pisces, qui cum timent, exiliunt è mari, & volant, inter quos ut nuperrimè ex Æliano dicebam, est Loligo, & ut prodit Aristoteles, Pectines similiter Avium more volant, iactant enim se ex aquâ, iaculanturque sagittæ modo; ut Sulmonem Piscem omittam, qui saltu magis, quam volatu apprehensâ sibi mordicus caudâ, dulces aquas avidè expetitas, casui fluminum occurrens, ingredi tentat, quò iisdem reficiatur, ut notat Olaus Magnus, idque compertum sibi in Botanico mari scribit.

Posses, ò tu qui legis, fortasse admirari, posses, & obstupescere, quod dicam in nobilissimo hoc delubro Genio, & Musis dicato, Afellum detineri? sed quid mirum? non ne ex Platone, quò pares cum paribus facilius congregentur, & similitudo magis innotescat, Canem Cani, Bouem Boui, & Asinum Asino assimilari licet? & ex Theocrito.

Formica grata est Formica, Cicada Cicada?

Animal sanè illud gerulum, plagarum, & penuriæ tolerantissimum, quod hominum operibus sit destinatum, Asini nomen est adeptum, ut tanto loco indignum, tibi ante oculos non ponitur: Sed Afellus ille, inter pisces pelagios non infimi nominis, à Plinio enumeratus: describitur *ἄσινος*, qui est Græcorum: & *ἀσινος* Galeni; idest Asinus; cui non forma, nec mores Asini terrestris nomē fecerunt: sed quia dorso regione, quæ colore cinericio tegitur, huius pelli sit assimilis; à colore sic dictus videtur; teste Varrone: Afellus est Merlucius Rondeletij, & Bellonij: quasi dicas Maris Lucius, ob oris scissuram, & caudam Lucio fluuiatili valde similes, & gulositate hoc non inferior. Qui & si gulosissimus sit piscis, nihilominus à Galeno, dummodo probo utatur alimento, & mari puro, præ carnis bonitate, saxatilibus æquiparatur; & inter cibos enumeratur, qui boni succi, & conco-

concoctu faciles, minimeq; glutinosi sint; quinimò ob mollem illius carnem, & concoctu facilem, nec pravi succi, ex iure albo febricitantibus opponendam esse scribit: Recitat *8. meth. c. 2*
Histor. anim.
lib. 6. cap. 20
 Alianus, fortasse ex Aristotele, & Athenæo. Asellum marinum solum ex omnibus animantibus, cor in ventre habere. Quod si verum: Homines illi Helluones iure meritò, ne dum huic pisci, sed & canibus, ac suibus assimilandi veniunt, qui abiectis virtutibus, inflatis ambabus maxillis, & elatis vasis, qui sunt in facie, se totos crapulæ immergunt: omne studium, & diligentiam adhibent, vt ventri satisficiant, ac si cor in illo resideat, eorumque Deus sit: Quò ergo mens tua ad virtutum lumen magis sit disposita, & semina sibi innata, atque insita pura edat; caueas ne in ventre corpulentior ciborum affluentia resideat: multa namque huius repletio, & mentis obscuritatem generat, nec non eiusdem insitum lumen obscurat: Et non secus ac Luna in proprio lumine quadam nigredinis maculâ inficitur, cum in situ locali magis vicina est terræ; à quâ substantiam quamdam grassam, & corpulentam fuscipere videtur, & propter hanc lumen Solis non profundè, vt aliæ stellæ, sed tantum in superficie recipit: sic mens nostra ob impuros vapores, à multiplicitate ciborum in ventre congestorum, eleuatos, tenebricosa fit, & ad virtutes comparandas minus idonea, conspicuave redditur.

Moral. quid
Asellus pisc.

A S E L L I Merlucij Maxillæ satis grandes (quod hic Piscis magnâ sit oris scissurâ) harum pars illa, quæ locum inferiorem habet, superiore paulò longior, & latior est: vtraque tamen pars dentibus tenuibus in multos ordines dispositis est munita.

R A N A R V M illarum Genus, quamuis aquatile, hoc loci non exprimitur, nec etiam in Musæo habetur, cuius medio Dei vindicta aliquando in Ægypto aduersus gentem incredulam ob Pharaonis pertinaciam est subsequuta; cum Deus Moyfi dixit; *Exod. cap. 8*
Dic ad Aron: extende manum tuam in virgâ tuâ super fluuios, ac riuos, ac paludes, & educ ranas super terram Ægypti,
& extendit Aron manum super aquas Ægypti, & ascenderunt ranæ, operueruntque terram Ægypti; quam gentem, fœdissi-
 mo

*Anim. lib. 9
cap. 37.
Ibid. cap. 24.
Lib. 9. c. 42*

Loc. cit.

Loc. cit.

*Moral. quid
ex Ranarum
solertia.*

mo hoc animalculo exagitare maluit, ut luto lutum oppo-
neret; ita enim inanem gloriam diuina prouidentia depri-
mit: sed Ranae genus non è fluuijs, riujsve, aut paludibus
expiscatum, at è mari extractum describitur: quod si quis
intueri cupit, Musæum adeat, humanissimus namq; illi pa-
tebit aditus. Qui verò huius delineatam formam, ac pro-
prietates scire appetit: perlegat, quæ ex probatissimis Au-
ctoribus decerpta, annotantur: Piscis, ut notat Rondele-
tius, est cartilagineus, planus, non multum oblongus, fus-
cus, siue fuliginis colore: caput cui est maximum, rotun-
dum, & compressum, os qui habet vastissimum. Capiti cau-
da tantum sine corpore affixa videtur, ut nihil ferè præter
caput, caudamque in hoc pisce videas; cui ut habetur ex
Aristotele, Æliano, & Plinio; natura pro vitæ commodita-
te adeo solers ingenium attribuit, ut fraudolenti callidita-
te in cœno absconditus, cornicula illa gemina, non secus,
ac fila longula, sub oculis eminentia, veluti pisciculorum
illecebras, ibidem silentio delitescens exerendo, & creber-
rimè mouendo, instar hami, & escæ pisces helluatione, &
liguritione allectos ad se allicit, & tandem gradatim fila
illa, seu appendices subducens, in latas maxillas suas, de-
ceptos ingerit, ac deuorat: ob quam in venatione sagacita-
tem ab Aristotele *βάτραχος ἄλιος* dicitur; & à Plinio Rana
piscatrix: Diabolus marinus est nonnullorum; ob deformi-
tatem, & fœdum, atque horridum corporis, oris præcipuè
aspectum: Cum autem in ranas inciderit sermo, quod de
mirâ vafricie Ranarum Ægyptiarum ab Æliano scribitur,
hoc loci subijciam. Si quæ fortè, ait, in Hydram anguem
incidunt, statim arundinis frustum arripiunt, ac ore appre-
hensum non remittunt, ut ab Hydri rapacitate, & gulosi-
tate se tutas seruent, cum non possit illas simul cum festu-
cis deglutire. Hæc obiter notare volui, quo scias, ab ani-
mantibus quoque, rationis lumine destitutis, vitæ tamen
commodioris gratiâ, per multa non sine solerti ingenio ef-
fici: quæ omnia tibi exemplo esse poterunt, non ignauia,
sed labore, & solertiâ quæcumque ad vitæ vsum necessaria,
esse acquirenda. Dij namque, ut est in prouerbio, non
cessan-

cessantes, sed facientes adiuuant; sumpto pariter exemplo à Formicâ, quæ vt & aliquæ etiam bestia, teste Aristotele *Lib. 6. Ethic. cap. 6.* prudentiæ lumine splendere videntur, hæc enim hyemem præuidens, sub terrâ, quæ sibi pro totius temporis nutritione necessaria sunt collocat; vnde Horatius.

Paruula magni Formica laboris:

Ore trahit quodcumq; potest, atq; addit aceruo:

Satyra prim.

Quem struit, haud ignara, ac non incauta futuri.

Quoniam verò ex ijs, quæ huc vsque in hæc ex piscibus collectione sunt annotata, cuius innotescere potest, mare pisces alere, qui non modo ad Quadrupedum multorum, sed & ad Auium formam propius accedunt: quo etiam appareat, reperiri quoque & alios in mari, in quibus arte confectarum similitudines conspiciuntur: sciat Lector, Calceolarium nostrum, & ijs, Serris præ cæteris, & Gladijs Musæum exornatum habere: ibi Xiphiam videbis; qui & Galeotis à Strabone, & à Plinio Gladius dicitur; de cuius naturâ, & moribus hæc sint. Piscis est cetaceus insigni corporis robore dotatus, præcipuè verò rostro illo satis oblongo, & mucronato (quod piscis huius nasum esse notat Albertus Magnus) *Lib. 1. Geog. Lib. 3. c. 2.* à naturâ enim in illâ capitis parte vbi os est, & nasus non longè multum formatur, in formam Gladij, & vsum est fabricatus, vt nasutus videatur hic piscis: tantam huic rostro inesse duriciem, & in acumine vim refert Plinius, vt ab illo Naues perfossæ mergantur in Oceano ad locum Mauritania, qui Cotta vocatur, non procul à Lixio flumine: fortasse quia in mari illo, vt & in alijs Orbis noui pelagis, adtalem, & tantam amplitudinem, & magnitudinem concreseat hic piscis, vt & rostrum ipsum in mucronem rectum, prægrande & durum procedens, ad tale naufragium perparandum, aptum, idoneumque sit. Commemorat quoque *Histor. anim. lib. 14. c. 22.* Ælianus, nonmodò cum cibi inopiâ vrgetur hic piscis mucronati rostri incurfu Pisces interficere, ac vorare; verum etiam non quidem armis ex ferro confectis, sed naturâ comparatis maximâ Cete vlcisci: Nihilominus tamen, vt vnusquisque, cui ratio ipsa ad effrenandos sensus pro aurigâ inferuire debet, optimè caleat, nihil tam firmum in hoc vitæ *Moral. quid Xiphia, & Asilus marinus*

L

curfu

2. ἀλιεύς
Lib. 7.

Lib. 9. c. 15.

Exotic.
lib. 6. c. 19.

Originum
lib. 19. c. 9.
in lignarijs.

lib. 9. c. 3. et 4
et lib. 36. c. 5
Anim. li. 24.
in Serra
lib. 11. c. 10.

curfu reperiri: quin & periculum fit etiam ab inualido, & paruum hostem non temerè esse contemnendum, cum principio neglectus vires sumendo nonnumquam plurimum damni inferre consueuerit; attendat obsecrò, quod, vt mirum ab Oppiano, & Athenæo de hoc Pisce scribitur: qui & si maximis etiam Pelagi Bestijs, se formidabilem præstet; attamen ab Oestro, siue Asilo marino, insecto admodum paruulo, Scorpionis effigie, & vix Aranei magnitudine, superatur, conficiturque. Dum, prædominante stellâ illâ in capite, seu vt alij in ore Canis signi cœlestis collocatâ, & ob cuius in Cœli centro cum Sole coniunctione, æstus huius duplicatur, ac ignem exerendo mortalium corpora præ nimio caloris excessu languida reddit: hæc Bestiola sub Pinnâ laterali Xiphie, vti parti molliusculæ, pingui, & sanguine plenæ se insinuando, ita tenaciter adhæret, vt ob vehementes cruciatus à pusillo hoc hoste infectos. Gladius rabie ductus (vt etiam ex Plinio habetur) magno cum impetu è mari, aut in siccum exiliat, illicque vitam finire plerumque cogatur, vel tanto dolore exagitatus, in naues se penumero se ipsum iaculando, impetum faciat.

SERRÆ, Piscis Cetacei, vel ex Clusio, ex Galeorum, Canicularumve stirpe, Oceani Occidui Alumni, Rostrum summo huius capiti annatum attendere poteris, & illud satis grande, firmum admodum, ac durum, longum, & angustum, per medium latum, quod postmodum in mucronem desinere videtur, vtrisque multis dentibus, siue offeis aculeis firmis, & rectis munitum: cuius formam si diligenter considerabis, Serræ illi instrumento; haud absimilem dices, de quo legitur apud Isidorum: Perdicem adolescentem summo ingenij acumine præditum, dum materiæ diuidendæ compendium quæreret, arreptâ ex piscium spinis occasione, illud excogitasse: & quo etiam tunc temporis Fabri lignarij pro suis operibus obeundis vtuntur: vnde Piscis Serræ nomen est adeptus, qui & Pistris non mutato antiquorum vocabulo, à Plinio vocatur ἀπὸ τῆς πρῆνς idest à secando: tanta enim in rostro hoc continetur vis, ac validum, firmumque robur, vt hoc ipso, sic dictante Alberto Magno, & Olao Magno, subeat

subeat hic piscis nauigia, secetque ex industriâ, id vnum suo opere expectans, vt naufragio sibi escam consequatur: Sed omiſſis monſtruoſis hiſce animantibus, reliqua proſequamur, quæ ſupelleſtilem hanc marinâ, non minus, ſplendidam, quam fœcundam faciunt, vt Hippocampos, Echinos, Pulmones, Manus marinas, Tethyas, Teſtudines, & alia: quibus ſingulis Nomenclatoris incœptum munus libentiſſimè exercens, propria nomina aptare conabor.

Ἱπποκάμπος tam Græcorum, quàm Latinorum, monſtrum eſt ſanè exiguum, ſed aſpectu pulcherrimū, & iucundiſſimū, maximiq; nominis ob elegantiam apud Antiquos, vt non dedignarentur, manu peritiſſimorum artificum marmoribus inſculptum in delubris ſeruare: extat Plinij auctoritas de nobilitate operum, & artificum in marmore agens, quo loci præcæteris habetur. *Scopæ opera cum maximâ dignatione. Cn. Domitij delubro in circo Flaminio Hippocampos eſſe ſedentes.* Capite, & Iubâ ita affabrè Equum terreſtrem æmulatur hic piſculus, digito non craſſior, nec longitudine ſenos excedens digitos, vt certè in illo alludendo, quicpiam deſiderari poſſit, & hinc nomen ſuſceperit à voce Græca ἵππος quæ Equum ſignificat, & κάμπτω qua flexura denotatur: eſt namque animalculum flexuoſum poſterioribus præcipuè partibus, vt notat Varro, cuius totum corpus corneâ ferè cute eſt connectum, quibuſdam tamen locis nigrius, alijs candidius, quod tamen incifuris diſtinguitur. Piſcis, qui ratione ventris veneficâ qualitate præditi, vt notat Aelianus, ſæuiſſima, ac exitiaſſima ſolet inferre ſimptomata, quibus in vino decoctus exhibetur: quò loci etiam remedia edocet: ſumpto exemplo de illo veterano Piſcatore Cretenſi, cuius filij arabidâ caniculâ erant demorſi, qui ſolis Hippocampis exenteratis, & viſtis, ad comedendum exhibitis, nec non alijs aceto, & melle contritis, illiſque catapſalmatum more vlcera rabie infecta obliniendo (excitato nimirum in iſtis aquæ deſiderio) rabiem deuicit, eoſque ad incolumitatem reſtituit. Qui ergo à cane rabido demorſi *ὑδροφοβία* aquæ nimirum timore detinentur, rectè (modo quæ ſcribit Aelianus vera cenſeantur) Hippocamporum exenteratorum cibo,

qui ὁ ποσειδάων aquæ nimirum desiderium inducit, curari poterunt.

Quemadmodum Terra mater Echinum animal aculeis vallatum, vt Hystrix, producit, ita & Mare hunc eundem spinoso Castaneæ tegumento assimilem gignit, & alit. Musæum vero Calceolarium non vnâ dumtaxat, sed varias Echinorum marinorum species habet; qui autem primus hîc describitur, est ille, vt Principum mensis neutiquam ingratus, quem Hermolaus Ouarium, & esculentum nominat, quod multa, & magna, ac esui idonea oua contineat. De cuius in cibis vsu meminit Galenus, dicens, alui subducendæ gratiâ, ex mulso edi, & liquore illo salso, ex piscium intestinis, quæ abijcienda essent sale maceratis (sic referente Plinio) antiquitus confecto, quem liquorem Galenus Cæron appellat; quo etiam loci parandos notat in patinis, & uis, pipere, & melle iniectis, vt esui sint grati: illos autem imbecilli esse alimenti, ac medijs inter ea, quæ humores extenuant, & densant.

3. de alim. facult. cap. 38.

Lib. 31. c. 7.

¶ 8.

Loc. cit.

Histor. anim.

lib. 4. c. 12.

Lib. 9. c. 12.

Animal est ex testaceorum genere (vt notat Aristoteles, seu Plinius ex crustaceis): cuius forma, vt ferè est omnium Echinorum, quamuis ad rotunditatem vergere videatur, leptotricularum potius imaginem exprimit: crustâ tenui, & velut cochleari constat, scabritie variâ, & crebris lineamentis reticulineis designatâ. Aculea, quibus est armatus, & ob quod per Antiphrasim Echini nomen illi est attributum, quod scilicet ob illa teneri non possit; pro pedibus illi inferuiunt. Animal non secus, ac Erinaceus terrestris summè prouidum. Et hoc naturæ munificentîâ, quæ in animalibus excogitata est, vt contra læsionem semper habeant aliquid munimentum paratum, Ceruos ad sui defensam cornibus dotauit, Apes aculeis, Leones, & Pantheras unguibus, Lupos dentibus, & quæ animalia se defendere non possunt, illis agilitatem ad fugiendum est impertita, vt Leporibus, Cuniculis, & similibus. Sicut terrestris dum aliquid sentit, se in globum conuertit, ac intra suum corium spinis asperis vndique circumseptum rostro, pedibusq; intrinsecus testudinis more contractis seipsum includit, & ferienti spinas opponenda ab

ab inuadente protegitur, nec non varietatem temporum, præfagiens, quò eisdem resistat, referente Aristotele, foramen vnum contra ventos Septentrionales facit, ad quod confugit in calore, & aliud contra ventos Australes ad quod confugit, dum frigus sentit; pariter & marinus (annuente Aliano, Plinio, & Sancto Basilio, qui Nautarum doctorem, & seuitiæ maris præfagum appellant) vi naturæ ingruentem tempestatem præfagiens, cum mare inhorrescere sentit, ne ab æstuatione fluctuum, ventorumque acerbitate hinc inde euertatur, & ad litus detrudatur, innatis in tegumento aculeis, lapillis ad gestandum facilibus in tergum coniectis, se operit, aut arenâ saturrat, quò libramentû, ac firmamentum habeat ad euertendum opportunè periculum, à quò sibi timet: cuius exëplo, vt sapiēs, prudensq; habearis, futurû perendiè ventû noscere tibi expedit: & vt notat Eccles. in die bonorû ne immemor sis malorû, in die malorum ne immemor sis bonorum: Vti etiam ne intractabilis, insuauibusque moribus apud homines censearis, & nullâ vnquam ratione consuetudinem tecum iniri posse credatur, animum tuum, asperitatis, & renitentiae aculeis, non secus ac Echini tegumentum, horridum, expolia: suauissimis, blandissimisque colloquijs, morumque probitate ad hominum gratiam comparandam te ipsum, animumq; tuum accinge: nec tibi agrestis, & inconcinne tractationis vlla appareant vestigia, sic Deo gratus, & ab hominibus exoptatus euades.

*Histor. anim.
lib. 2.*

*Lib. 7. c. 27.
lib. 18. c. 35.
lib. 9. cap. 31
Exë hom. 7.*

*Moraliter
quid Echinus*

Eccles. 1.

ECHINVS gigni in alto gurgite solitus, qui ab Aristotele minutus dicitur: cæteris Echinis quia sit minimus: non enim huius testa maior est iuglande, & si spinarum longitudine, quæ præduræ admodum sunt, alios Echinos superet. Oua non fert vt superior, sed sanguinem quoddam nigrum, saniei simile, quo manus cruentat, atq; inficit. Vndè cum perpetuò nigrescat, & sordescat, vt est pessima, & spurcissima Hebræorum prosapia, Vn Iudæo de Mar à multis appellatur.

*lib. 4. de par.
anim. cap. 6.*

Est & aliud non spernendum Echinatorum genus pelagium, & inuentu rarum, ab Aristotele sub nomine Spathagi, & Brissi descriptum, quod & Ouario minus est rotundum, & à cordis

*Histor. anim.
lib. 4. c. 5.*

dis figurâ non valdè recedit (vt in illius delineatione a Rondeletio propositâ infistam) tegumentum non aculeis spissis, vt Ouarius, sed paruis, & raris septum habet; parsq; illa vbi os est, Ouario est magis plana.

*Loc. cit.
lib. 9. cap. 11*

ECHINOMETRA quoque Aristotelis, & Plinij, ac si Echinoxorum Mater, seu Matrix sit, ad latus superioribus asistit: Matrem dixi, non quod in hoc genere mas à feminâ distinguatur, cum nec ex semine, nec ex ouo Echini generentur, sed sponte in mari nascantur, vt ostracodermata: hoc tamen nomine, vt quibusdam placet, decorari potest, quia ceteros Echinos corpore, & calycis magnitudine superet: testam namque Rapi modo in vastitatem extuberantem habet, cuius pars supina est, prona vero plana: aut secundum alios, quoniam aculeorum proceritate alijs Echinis præstat.

*Histor. anim.
lib. 5. c. 15.*

Animal illud Zoophytum breuissimè delineatur, quod sponte sine sensu ferè prouenit, & in saxorum rimis delitescens, ac inter Algas, non adhærens, sed absolutum Fruticis vitam viuut: ab Aristotele, & Plinio Pulmo marinus nuncupatus, vel à Pulmonum nostrorum figurâ, vel ab eorumdem substantiâ laxâ, molli, & foraminibus plenâ: huius etenim corpus, quod pilæ marinæ modo rotundum est, virescit, foris substantiâ feltro simile est, intus totum fistulosum, veluti spongia Aplysia: in mari aquâ plenum cum sit, graue est, extra mare in se concidit, ac flaccescit. Animal tegumentum hoc habitans, tardi admodum, & Saturnini est motus, quàm fortasse animalium naturæ conueniat, vt prouerbij loco de hominibus illis pigritantibus, & cessatoribus dici possit, qui hoscitanter, segniterque aliquid faciunt. Vnde Plautus loquens de seruo illo lento, & pigro, dixit.

*Moral. quid
Pulmo mari.*

In Epidico.

Lib. 18. c. 35

Plin. lib. 32.

Cap. 10.

Ibidem.

*Histor. anim.
lib. 13. c. 27.*

Pulmo prius venisset, quàm tu aduenisti mihi:

Notat Plinius. Pulmonem marinum si per mare feratur tempestatis signum esse, & plurium dierum hyemem portendere: quò etiam lignum confricatum ita ardet, vt suâ luce faculam quoque vincat: nec non huius cinis alligatus egregiè mentes promouet, & Ælianus tam pulmonis marini, quàm Torpedinis carnes in aceto putrefactas, & mento asperfas

perfas fugam pilorum facere dicit.

In hunc gregem reconditur & illud Zoophiton in mari nascens, quod mediam inter plantas, & animalia habet naturam, ita ut nec stirps, nec animal dici possit, sed medium quoddam inter utrumque, non secus, ac spongia, esse videtur: quod sanè cum formâ manum humanam quodammodo repræsentet, Manus marinæ nomine à Gesnero honestatur; & ab Ennio matricula, uti à Theophrasto Mazina Piscis.

Lib. 4. de a-
quatilib.
lib. de Piscib.
Lib. 4. de par-
tib. anim.

TETHYAM Aristotelis in hoc maritimo promptuario cerne-
re datur, non certè illam Neptuni coniugem, & fluuiorum
Nympharumq; matrem, de quâ fabulantur Poëtæ.

Duxerat Oceanus quondam tyrannida Thetyn.

Ouid. lib. 3.
Fast.

Sed quam ex testatorum genere esse tradit idem Aristotel.
naturâ snâ parum à Plantis differentem, spongijs tamen
viuaciorem notans, ut potè quæ propius ad animalia acce-
dat: nec non saxis adhærere scribit. Plinius Tetheam fœ-
minino genere fungorum potius genus, quàm Piscium fa-
cit, & folijs marinis (sed rectius scopulis) adhærere dicit,
nec non torminibus, & inflationibus occurrere refert: Ouum
Callinaceum figurâ, & magnitudine æquat exangue hoc,
cuius testa veluti corium, callosa quæ materia in læui mem-
branâ compacta est (unde calus à Niphio dicitur) in super-
ficie fusca apparet, inæqualis, & rigida est, extra aquam
enim diu constitit, & rugas iam contraxit, intus argentea,
& læuis est. Tuber à Theodoro vocatur, quòd Tubera
terrestria, formâ ipsâ repræsentet, nullisque fibris & capil-
lamenti nixa notetur. Spongia Venetorum vulgò est, quia
manibus violentius compressa, spongiæ modo, humorem,
quem ex foraminibus admodum exiguis accepit, ex eisdem
quam longissimè Syringæ instar eiaculet.

Loc. cit:

Lib. 32. c. 9

Ne quid autem in messe hâc pelagiâ collectum, haud descri-
ptum dicatur. Testudines quoque ipsas, ob varias formas,
& amplitudinem commemoratione dignas, recensere placet:
id quæ eò magis, cum in hoc irrationali animante virtus non
spemenda sit insita, cuius medio commemorationis gratiam
apud homines est promeritum: tradit namque S. Basilus.

Ex. Hom. 9

Animal hoc sui naturâ stupidissimum, ignauissimumque,

in

*Anim. li. 24.
in Testudine.
Cap. 24.*

*Lib. 6. c. 22.
c. 24. c.
Lib. 9. c. 10.
lib. 16. c. 17.*

in re tamen medicâ sibi esse sapientissimum; nam si veneno sit ictum, herbam nouit, Prunellam, siue Brunellam, consolidamve minorem nomine, à quibusdam Bugulam vocatam, quâ sibi medendo veneni vim extinguit; vnde edocti homines aduersus serpentium morsiones medicinam. hanc sibi pararunt: Musæum Calceolarium Testudinis marinæ Indicæ caput prægrande admodum, & eiusdem Animalis tegumentum, seu testam admirandæ magnitudinis habet, nec mirum, tanta etenim in hisce animantibus amplitudo comperitur, vt, referente Alberto Magno, Concha qua teguntur, sit in Cymbæ vsum hominibus conuersa: & Solinus iuxta Trapobanem Insulam Testudines tantâ magnitudine esse testatur, vt earum testæ domum efficiant, & numerosam familiam non arctè recipiant: quod & Plinius habet: hoc idem affirmat Aelianus: & qui nouum orbem peragrarunt, nec non res Indicas admirandas literis mandarunt: referunt, illis in maribus amplissimas esse Testudines, & tantâ frequentiâ maris superficiem aberrare, vt præ concursu nauigia progredi impediatur.

Altera quoque reseruatür Testudo ex Mari Britanico expiscata, quam si corticatam nuncupes, nomen propriè aptabis. Hæc namque duro, & crustoso, asperoq; in tegumento, veluti cortice est cooperta: quæ & si terrestribus, ac lutarijs testâ, & capite haud dissimilis videatur, magis tamen grande habet caput: quod numquam in testâ recondit, sed semper exertum habet, & ceruicem tantum pro arbitrio modò extendit, modò contrahit: cui natura tribuit partim pedes, partim pinnas, & has duris aculeis munitas, quibus veluti remigando per æquora vagari possit.


Non illud instrumenti Musici genus Chelyn nimirum hoc loci describere est in votis, quò Mercurium fuisse delectatum tradunt Poëtæ: sed Testudinis Nili Alumnæ tegumentum, quod vt visu pulcherrimum, si spectes, non absimile illi instrumento esse dices: parte namq; supinâ planum est, & latum, pronâ verò conuexum, & ex sex assulis contextum, angulos acutos efficientibus: huius totus ambitus rotundior est, præterquàm in caudâ, quæ in longum, & acutum definit.

Cernere

Cernere quoque est *χελώνιον* Testudinis marinæ: à Gesnero sub hoc nomine descriptæ, quo tegitur animal terrestri testudini simile, præter magnitudinem, & pedes, quos vt Vitulus marinus habet: instar scuti, & Galeæ formatum videtur hoc tegumentum, in substantiâ durum, & firmum, in colore nigrum, quod varijs marginibus, & coloribus ita affabrè est ornatum, vt naturam artem superasse dixeris; parte anteriori, quâ potissimum caput animal exerit, armati militis cum suo scuto, quasi formâ exprimit: vndè apud antiquos Miles vocabatur. Attendat obsecrò voluptuarius, rei quæ Venereæ omninò deditus, quæ de Testudinis marinæ naturâ ab auctoribus traduntur. Hæc Sole estuante, quo acrior est in eius radijs vis, in summitate maris se exponit, sui quæ oblita ita exsiccat, vt se amplius in gurgitem immergere nequeat; quo fit vt Piscatoribus præda reddatur. Hoc exemplo motus discat, à caliginosâ voluptatis libidine, eiusque perniciosissimis hamis se totum abdicare, paratam sibi perniciem non expectans, ne consumptis diuitijs, corpore exusto, & animæ incolumnitate deperditâ, cum non possit aquis sanctissimis diuinæ gratiæ amplius se immergere, Diaboli animas Christianas expiscantij esca, præda quæ euehat: & cum veræ laudis gustum non sentiat ob luxuriæ morbum, quo mens & sensus stupefunt, viuens cunctorum sit ludibrium.

*Lib. 4. de aquatilibus
et lib. de Oviparis.*

*Moral. quid
Testudo marina.*



Monstruosum hoc animal, quod spectandum exhibetur, formam illius virulentissimi Basilisci imitari dices: caput namque (non secus ac hoc delineatur) veluti Diademate, ac coronâ regiâ exornatum habet; non absimilem coronæ illi, quâ antiquitus latronû Reges coronari consueverunt, quod latrocinandi arte præfulgerent: corpore est paufillo, in colore fusco, à cuius vtrâque parte inferiore Pinnæ, perindè ac alæ in altum eminent, vt fatereris alatum esse Draconem, & ad volandum agilem; ni mare ipsum hoc aleret: scias namque, ne quid mendacij hoc nostro in Nomenclatore
repe-

reperiatur, Basiliscum non esse, non esse Draconem, sed esse Piscem, maris alumnum, Raia nimirum laeuem, in hanc formam manu artificis fabrefactam.

BATIDIS Græcorum, & Plinij: sic nuncupati, quod caudam quibusdam aculeis armatam habeat, ad similitudinem Rubi-
Sentis, mora agrestia producentis, quæ Græcè *Βάτος* dicitur. Raia latinorum Piscis leuis, plani, & cartilaginei, vterus numerosissimè foeticans, muliebri non dissimilis, testaceâ substantiâ formatus; seu (vt alij) Testa Oua concludens, quadratam, quæ exprimit figuram, demptis angulorum appendicibus, quæ vno latere longiores sunt similes folijs Gladioli herbæ, altero verò breuiiores, latiores, & replicatæ: ob quam formam illi supellectili haud dissimilem, quo dormientium capita suffulciuntur, Puluinar à quibusdam vocatur.

Lib. 32. c. 7
et 11.

RAIÆ cauda longa, sed flexibilis, color cui est corneus, tota aspera, nec non vndique frequentissimis, & asperis aculeis, incuruis, & triplici ordine dispositis confersa: illud instrumenti genus, quæ imitari videtur, quo Fullones pannos curant, & poliunt, & quod totum aculeis ferreis confertum est: vnde Raia illi spicei, cui cauda hæc est annata, preleganter facit Rondeletius, cum Fullonicæ nomen, indiderit.

Postquam autem quid ad Raia vterum, & eiusdem caudam spectat, iam est dictum, quid etiam moralitatis à pisce hoc insigni pietate dotato, ellici detur, succintè habeas: Commemorat Olaus Magnus. Hominem naufragum in mari natantem, à canibus piscibus tanto cum numero, & impetu, huc, & illuc impelli, vt ne dum crebris morsionibus, sed & pondere in profundum eum demergant, & deuorent: Vbi vero Raia Caniculis superuenerit, vt iniuriarum vindex, & pietatis amans, pro viribus grassatores abigit, hominemque vt enatet, adiuuare omni conatu tentat. Quod si detur spiritu vitali destitui: non patitur hominis cadauer à monstruosis pelagi bestiis deuorari, quinimo illud semper tueretur, vsquequò Mare seipsum purgante, sursum feratur: cernique hoc miserabile spectaculum testatur hic Auctor in

Moral. quid
Rain piscis.

Lib. 21. c. 22

*Moraliter
quid Reia
pietas.*

Solom. c. 17.

*Lib. 9. c. 40.
lib. 3. c. 11.*

*Ex. Hom. 7
Anim. li. 24.
Lib. 2. c. 36.*

Lib. 8. c. 25.

Nouergicis oris. Ad quam animantis bruti pietatem (cum nihil homini proprium magis esse debeat, quam aliorum, aduersam fortunam miserescere, vnde Seneca iniquum esse dicit, collapsis manum non porrigere) excitari vnusquisque debet, ad opem afflictis semper ferendam: eosque tutandos contra improborum morsiones, ac iniurias: & quod pij nomen mereri possimus, Thesaurumque in Cœlis nobis parari detur, homini paupertatis naufragio immerso, & in miserie, infœlicitatisque lectulo iam demortuo succurrere, potissimum expedit: quod enim vni ex minimis meis fecistis, mihi fecistis, admonet salutis humane Redemptor Christus. Et qui despicit pauperem, exprobat factori eius: Qui verò homini pauperi dat terram, Cœlum accipiet, qui numum, accipiet Regnum, & qui micam, accipiet totum, & quicquid pauperi dabimus, nobis ipsis dabimus.

PASTINACÆ Latinorum piscis marini plani, & cartilaginei, quem *Τρυγόννυ* Græci nominant, Aculeus ille, seu Gladius, ad caudæ longæ radicem, fundumve decumbens, & eminens, quo vt tradit Plinius, nullum vsquam execrabilius, nihil vsquā venenatius: arbores infixas radices necans, arma, vt telum, perforans vi ferri, & veneni malo: cui asensitur & S. Basilius, nec non Albertus Magnus: Ælianus quoque scribit, *Ex omnibus animantibus infestissimo, ac periculosissimo aculeo Pastinacam præditam esse, vt & celeriter non modo homines, sed & animalia ipsa perdere queat, si eum ad maximam arborem, & vegetam, summeque virentem admoueas, & defigas, haud ita multo post, folia omnia decidant, arborque veluti magni Solis ardoribus exsiccata prorsus exarescit: & alibi. Pastinaca (inquit) marina cum natandi cupiditate est affecta, nare potest, cum rursus volandi studio tenetur sursum versus sublimis volat, Aculeum mortiferum habet, &c.* Vnde mirum videri non debet, si piscatoribus ob execrabilem illam virulentiam aculeus iste adeo formidabilis sit; ab omni namque medicinâ ita inuictus existit, vt icæ ad paucas horas occumbant, nisi certissimis remedijs, exhibendo nimirum coagulum leporis, vel hædi, aut Agni in vino ad dragmā pon-

pondus, eisdem succurratur. Hoc Telegonum Vlyssis filium
 à Matre Circe veneficâ donatum fuisse scribit Oppianus, 2. d. l. e. u. t
 atque illo hastili suo infixo, Patrem ad tumultum excitum,
 vt suis opem ferret, sed inscien-ter, interfecisse: Radium est
 Latinorum, quod instar Radij hic piscis, dum capitur, mi-
 ro astu, & nocendi libidine erigat hoc veluti aculeatum
 telum substantiâ durissimum.: Discas ex hoc assentatoris
 mellita verba, & illecebras euitare, hic enim (vt altera Moral. quid
Pastinacæ
gladius.
 Pastinaca, quod pro arbitrio suas edit operationes) omnia
 ad voluntatem semper loquitur, & ad ea quæ placent solum
 respiciens, ex illius ore verba expanduntur, quæ sanè dul-
 cia, ac blanda apparent, attamen veluti tela pestifera in-
 corruptionem, & perniciem animi prolata, aures nostras
 perforant.

SOLE, & Stellis Mare quoque ipsum, vt & Cœlum, exorna-
 tum esse patet; si quis reperiatur incredulus, Musæum adeat
 Calceolarium, ibi namque Solem Piscem inuisere dabitur,
 cui nomen crediderim impositum à similitudine formæ, quâ
 ad Solem hoc nostrum Hemisphœrum illuminantem, vt à
 pictoribus delineatur, habere videtur: instar Stellæ marinæ
 ac si radij Solares essent, suos quoque radios expandit hic
 Piscis, qui tamen breues, & minimè asperi, sed veluti ex
 squamis compositi è rotundi corporis circumferentiâ, enas-
 cuntur: aculeis paruis sunt muniti, necnon in angulum acu-
 tum desinunt: in huius corporis medio Rosæ pictæ figura
 expressa cernitur.

Post Solem conspiciuntur & Stellæ Pisces magnitudine variâ
 videbis namq; Stellas magnas, cuius radij circa rotundum
 corpus dispositi, initio satis lati, angulum obtusum, qui in
 fine constituunt, alias contemplari datur mediæ magnitu-
 dinis, nec nonnullas minimæ figuræ; quod si hasce cū Stel-
 lis illis, quæ in firmamento, Cœlum ab excellentiâ vocato
 continentur compares, Stellas, tam primæ, & aliarum ma-
 gnitudinum in mari, vt in Cœlo reperiri dices. De Pisce
 hoc scribit Aristot. inquiens. *Stella Piscis adeo naturâ calidus* Anim. lib. 5.
cap. 15.
est, vt omnia contacta protinus decoquat; detrimento etiam sum-
mo Echini Euripi & Pirrheni eundem esse confirmat. Forma
eius

lib. 9. cap. 60

Lib. 9. c. 22.

lib. 9. cap. 22

Moral. quid
Stella piscis.

eius *Stellis*, quæ pinguntur, similis est: quem locum mutuat^{us} est Plinius noster: cum dicit, *Claros sapientiæ auctores video mirari Stellam in mari. Ea figurâ est parua admodum, caro intus duriore callo: huic igneum feruorem esse tradunt, ut omnia in mari contacta adurat, omnem cibum statim peragat: & alibi. Stellæ maxima crusta intertæ ostreis tam crudeliter inimica sunt, ut hæc ipsæ exedant, ac conficiant:* hoc idem affirmat *Alia-* nus, quo loci rationem insidiarum, quas *Stellæ Ostreis* molliuntur, describit: monearis ex hoc, *Meretricum captiosos astus, ac earum illicita commercia euitare: caue ne pedes intra testas tuæ domus infigant, hæc namque suo contactu cum probè caleant, homines dissolui, ac colliquari, corpus suum promiscuè cuicumque appropinquari sinunt, quò diuitiæ absumantur, corpus exuratur, ac anima tandem arbitrio Luciferi subiiciatur: monstra ergo hæc aspera rumpe, ac fugias, sicq; Marcellus eris, & lilijs diuinæ gratiæ anima cumulabitur tua.*

Crustacea quoque, & *testacea* in serie hac maritimâ suum habent locum. Est *Nympha Speusippi*, ob pulchritudinem crediderim, & pelluciditatem sic nuncupata, quibus dotibus non secus ac *Nymphæ Deæ* à Poëtis finguntur, conspicua apparet. Sub *squillarum* specie iurè venit censenda, corpore namque (quod crustis tenuibus, albis, & splendentibus compactum est, quamuis alijs *squillis* longius, & ampliori formâ) aculeis, corniculis, & caudâ ijs est adeò similis, ut *Squillam* omnimodè repræsentet. *Mantis marinus* à *Rondeletio* nominatur: forsam quod corpore longo, gracili, & circa caudam latiore *Bestiolæ* illi ex *Locustarum* genere, quod *Mantis*, & præcans Deum cōmuni vocabulo dicitur respondent: *Cicadam marinam* vult esse *Bellonius*, an rectè legas *Rondeletium*.

Reperitur quoque *Cancellus* ex *crustaceorum* genere, locustis, vel *Astacis* similis, corpore longo, & ex rubro flavescente in *Buccino Concha*, quam sibi pro domicilio, dum vitâ frui datur, elegerat, emortuus adhuc residens: cogitur namque hic *Concharum* hospes, cum nudus nascatur, ne ita facilè à causâ externâ lædi possit, ob corporis partem

tem posteriorem, & hanc mollem, in tegumentoque externo
egentem, hanc abscondens diuersari. vnde Bernardus He- *Exc. cōn. Car*
remita vulgò dicitur: & Scaliger vacuarum testarum inqui- *danum 242:*
linum nuncupat, quòd Conchas, quas ad litus inuenit, pro *de sp. 2.*
sui conseruatione, & habitaculo ingrediatur: cuius miran- *Anim. lib. 5.*
dum inditum ingenium explicauit Aristoteles, & Ælianus: *cap. 15.*
O dura, & infelix illorum Aulicorum vita, qui vt noui *Lib. 7. c. 26.*
Cancelli alienis seipsos protegere vestibus, ac domibus, diù, *Moral. quid*
noctuque sudant, *Cancellus.*

SCYLLARVM & videbis ex Cancrorum paruorum stirpe, in
Neritâ Conchâ inclusum, quo loci viuens, eodemmet motus
ingenio, ac solertiâ, quâ & Cancellus, suas sibi parauerat se-
des, vt scilicet iniuriæ ob paruitatem opportunus, hanc eui-
tare posset; de hoc scribit Plinius.

lib. 9. cap. 31

LEONEM Mare alere certum est, hunc eundem in Musæo
exsiccatum custodiri, certo certius apparet: non sanè mon-
strum illud villosâ cute, magnitudine, & figurâ Leonem.
animal terrestre horrendum, ferarum dominum, referens,
quod sedente Martino Quarto Pontifice Maximo Romam
delatum ex Vrbe veteri perhibetur; sed verus Leo delineat-
ur ex crustatorum genere, vt aspectu dignissimus, ob id mi-
nimè contemnendus, à colore flauo, vt notat Rondeletius,
quò coloratus est, dum viuit, & è mari captus educitur,
Leoninam pellem referente, & quod etiam hirsutus sit, no-
men adeptus. Astaco corporis specie, qui est affinis, sed
Brachia longiora habet, forcipes cuius sunt teneræ, ac la-
tiusculæ, & horum scissura maior, quàm in vlllo alio crusta-
torum genere, pro corporis ratione; hunc Plinius inter *lib. 9. c. 31.*
Cancrorum genera collocauit, nominans Carabos, Astacos, *lib. 32. c. 11.*
Meas, Puguros, Heracleoticos, & Leones; & alibi notam.
addit, quâ à similibus fecerni possit; inquiens. *Sunt lacer-*
torum genera, Loligo volitans, Locusta, Lucerna; Liparis, La-
myrus, Lepus, Leones, quorum brachia Canceris similia sunt, re-
liqua pars Locusta.

CANCROVM & alium speculari datur, formâ paruum cu-
ius testa media humani cordis figuram exprimit, chelas a-
culeatas in extremo nigrescentes habet, quæ vt pedes, om-
nes

nes hirsutæ sunt.

CANCER, & alter asseruatur, dices Paguro similem, cum tamen non sit; coloris est fusci, aculeos in fronte habet, nec non in lateribus, cuius testæ pars prona aculeis est aspera, & hirta; pedes Paguro aliquantulum longiores ei sunt.

Exë. hom. 7.

Recolere Inbet, quæ de Cancrorum solerti ingenio in infidijs struendis Ostreis ipsis, pro harum carne exedendâ, quâ viuunt à S. Basilio traduntur. *Cancer (inquit) Ostrei, & Conchæ carnem appetit, sed difficilis captu est illi hac præda propter testæ munimentum: infracto enim septe teneram carnem, natura munivit, quapropter etiam testæ intectum hoc animal appellatur. Et quia duæ cavitates exactæ inter se adaptatæ ipsum Ostreum ambiunt, ac complicant, necessario inefficaces sunt Tincarum Cancri forcipes. Quid igitur facit? Cum viderit in tranquillâ locis Concham voluptuose apricantem, & ad radios Solis plicas suas expandentem, tunc sanè, clanculum calculo immisso, prohibet complicationem, atque ita inuenitur id, quod viribus deest, versutia obtinere, ac supplere. Hæc Basilius Sanctus: Quæ eadem ab Isidoro, & Alberto Magno commemorantur. Sed ut finis tandem crustaceis ipsis imponatur: reliqua prosequamur, crustâ intectâ.*

*Lib. 12. c. 6.
Anim. li. 24
in Cancro*

ASTACVS Græcorum, & Latinorum, non fluuiorum, sed maris alumnus, Astaco tamen fluuiatili corporis habitu simillimus, & si in illo corporis structura, Chelæ, & alia multo maiora sint, quam in hoc: à cuius formâ Gammarum Gaza vocat: & Aristoteles ex Locustarum, non Squillarum genere esse vult: quem inter crustata animalia in aquis marinis degentia enumerandum scribit: purpureum, & saturatum colorem in hoc non videbis, quo dum vixit erat intectus, sed quia coctus, & elixus in rubrum est mutuatus. Elephantus fortè est Plinij: Locustarum generis, pedibus quaternis: bisulcis: præterea brachia duo, binis articulis, singulis forficulis denticulatis, ut Plinium scribentem rectem: Ut autem scias, recordationem quamdam suorum conuictorum in Astaco inesse, referam quid Ælianus scribat. *Si quem Astacum (inquit) comprehendisti, cum longissimè exportes, relicto ibi signo, unde ipsum cepisti, eodem eum ipsum unde compre-*

*Hist. anim.
lib. 4. c. 7.*

lib. 32. c. 11.

*Hist. anim.
lib. 8. c. 23.*

comprehensus fuerat irrepsisse reperies, si inquam modò ita ex mari exportaueris, ut deinde sic propè deposueris, ut in mari adrepere queat.

ASTACI marini adedò pregrandem Chelam in Musæo seruat Calceolarius: quam si dices puerile brachium æquare, ridiculum non erit.

MAIA fœmina ex Cancrorum marinorum genere, à Gazâ ob magnitudinem fortasse sic nuncupata, quod ceteris Cancris, quamuis maioribus sit grandior: etymologiâ desumptâ à Maia Græcorum, quæ Amitam significat, & quæ maior dicebatur Aui, & Auiæ Amita, aut quia cum omnium Cancrorum sit maxima, quasi obsterix dici possit, si cum Pagurorum paruitate, tãquam cum infantibus comparetur. Araneus est marinus Gallorum ob similitudinem, quam cum Araneo habet. Genuensium, & Venetorum Granceola, & Speculum est, à speculis in huius testis eleganter inclusis. Cancer est Pelagius, non ut Paguri inter saxa, & in sicco vitam degens: cuius tota cuppa aspera est: cuspidatâ fronte horridâ, prælongis cruribus, exilibus, & propterea imbecillis, bene vnguibus muniti cui sunt pedes.

MÆA & alter Cancer, in latitudine, & longitudine maximus, cui testa est levis, laterum ambitus in semicirculû definunt, pedes octo (ut delineationi à Rondeletio ex Arist. exhibitâ *Lib. 4. de part. anim. cap. 8*) & breues habet pro corporis magnitudine, Chelâs duas, dextram maiorem sinistra. Chelarum extremæ nigrescunt; cornua quatuor ante oculos protenduntur: quem Cancrum omnium maximum esse tradit Aristot. à Venetis *Loc. cit.* Granciporrone vocatur ad differentiam fortasse illorû Cancrorum, qui ob paruitatem Granciporri dicuntur; quamuis superioribus haud multum formâ dissimiles.

PAGVRVS Plinij: altera Cancri species, post Mæiam maximus, qui & si ab Oppiano imprudens dicatur; quod non modo in mari, sed & in sicco eiectus, vel captus pugnam cum lacescentibus audacter suscipere tentet: attamen sapientiæ nomen huic attributum videtur, & ut prudentiæ, consilijq; symbolum è collo Dianæ Ephesie olim fuit suspensus: ille enim (referente Æliano) more Serpentum, qui exuium suū *Lib. 9. c. 31. lib. 1. pag. 107* *Histor. anim. lib. 9. c. 43.*

*Moral. quid
Pagurus*

*Histor. anim.
lib. 6. c. 30.*

*Moraliter
rursus quid
Pagurus*


Lib. 32. c. 2

mutant, ineunte Vere testâ veteri exutus, aculeis armisque spoliatum se sentiens, inter saxa latet; & sibi ipsi diffidens neminem aggreditur: ibiq; degit, usquequod alia testa renascatur, & duriuscula euadat, vt possit contra lacescentes arma, forcipes nimirum suscipere: cui non inconcinnè homo ille assimilari poterit, qui mutatis moribus, & vitiorum exuuiis spoliatus, se totum ad comparandas virtutes dedicat: Est & aliud ex eodemmet Æliano in Paguris admirandum: muscæ nimirum Lenocinijs à piscatoribus capi. *Hi etenim* (ne ab Auctoris verbis discedam) *in latibula abditi, primum vt ad instrumentum quoddam muscum piscatores suauiter canere ingressos audierint, statim tãquam amatorio quodam ad exeundum non modo inducuntur è latebris; verum etiã voluptate allecti extra mare egrediuntur; hi quidem retro ad tibiam canentes cedunt, illi autem sequentes in arido comprehenduntur.* O miserrimum, ne dicam detestabile genus illorum hominum, qui Pagurorum more in latibulis carnalitatis, & concupiscentiæ vitæ cursum agunt, à meretricum cantus suauitate, ac si sint nouæ Sirenes, & mollibus illecebris, veluti quãdam magicâ ratione illecti, eò tandem paulatim ducuntur, vt ad mortem corporis, & animæ perniciem incaute ferantur.

Inter pisces marinos, Orbem piscem, quem durissimum esse piscium genus tradit Plinius, describere minimè placuit, ne aquarum generali collectori, mari inquam, fluuia comparasse, dici posset: non enim hic piscis Maris, sed Nili Ægypti fluuij foetus est: corpus informe habere videtur, totus namq; è capite constat, nullo alio apparente membro: qui ob rotundam, sphæricamq; figuram, quam repræsentat, Orbis appellatur. Os habet paruum, vnicum illi vtrinque est foramen, quo & cibum assumit, & excrementa eiecat; Cutis est dura, quã aculei parui, quibus est tota conspersa, asperam efficiunt: Piscis, qui dum viuit, omninò ventos flantes abhorrere, & subterfugere dicitur: quã enim parte flant, ac si esset ira percitus, oculos ita distortos dirigit, vt Strabonem esse dices: exsiccatu verò, & cubilibus affixus, caudâ, veluti signo, spirantis venti partem demonstrat.

Alteram quoque cernere est Orbis speciem, quem si scutarum nun-

nuncupes abs re non erit : caussam nominis os illud dabit,
 scuti forma, quod in eâ parte, vbi in terrenis animantibus pe-
 ctus est, vice sterni habet : Capite magis exerto à naturâ est
 dotatus, quàm sit superior . Oris scissura est maior : à capite
 vsque ad caudam, quæ lata est, ossa oui figurâ sunt disposita,
 inter quorum intervalla aculei interiacent .



Piscis hic, quem imaguncula hæc refert, ob raritatem speculan-
 dus exhibetur, præ formâ sphericâ, quam elegantissime re-
 fert, inter orbis genera enumerandus meritò venit : in quo
 autem à superioribus differat, breues illi, sed firmi aculei,
 quibus hinc indè vniuersum corpus fusco colore notatum,
 ita riget, vt non nisi manuum lésione tractari possit, hoc no-
 bis manifestè indicant : quem si spinosum, aut Echinatum
 nuncupaueris ; nomé rei perpulchrè aptabitur : scias autem
 non Nili, sed maris Indici occidenti esse alumnum, & vt quid
 rarum à solertissimo Sprecchio Calceolario transmissum .

Lib. 8. c. 35.

SCINCVS animal quadrupes Nile peculiare ex Plinio: satis longus, & ventrosus, squamis paruis, & frequentibus tectus, quibusdam lineis per dorsum alternis fasciculis, & ijs punctis albis notatis distinctus, ad Veneris stimulos excitandos summè optatus; quod & apud Magiæ scriptores leges, & huiusmodi quædam apud Dioscoridem, & Plinium reperies: Crocodilus minor quorundam: quia eandem naturam cum hoc habere credatur.

Lib. 12. c. 60.

lib. 28. c. 8.

SCINCVS alter ex Scythiâ: ventrosus sanè, sed minutulus admodum, ac multo minor superiore, cuius pellicula, quæ vniuersum corpus tegit, squamosa est, nullæ tamen lineæ, nec fasciculi in illa conspiciuntur.

SCINCVS & alius, sed minutissimus: qui digitum indicem longitudine haud excedit, non multum ventrosus, & totus nigricans: ex quodam flumine districtus Vicentini. Quorû omnium carnes præmansæ, sed à peritissimo pharmacopœo lege artis preparatæ, lasciuix cupiditates plurimum accendere valent; vt dici non immerito possit.

*Si genus hoc piscium nunc scanderet æquora pinnis
Retibus officium sæmina quæque daret.*

Cum Musæum ingrederis, caue tibi à Crocodilis magnæ, & parux magnitudinis, ad illius parietes appensis, ne præ monstruositate compauescas, cû mortem moribus assuetis inferre neutiquam possint; quia exsiccati, & immanitate illâ innatâ erga homines sunt destituti: eò namque loci animalia hæc contemplari dabitur, oris hiatu amplo ad voracitatem summè apto; dentibus longissimis, & validissimis quibus conterunt: vnguibus acutissimis neci dicatis: cute sunt intactâ corticeâ durâ, & contra omnem ictum inuietâ: vt certè inspicientibus terrorem incutere dices; vt inde apud Ægyptios, sub Crocodili formâ symbola pernicipis, salacitatis, furoris, latrocinij, helluationis sint expressa ex Pierio Valeriano. Animal est quadrupes, Niloticum, naturâ timidum, improbum, & malitiosum, cui ex Plinio nostro hoc vnum inter alias proprietates est peculiare, vt quamdiù viuit crescat, viuit autem longissimo tempore, vt ob id ex paruâ origine in maxi-

Lib. 29. in

Crocodilo

lib. 8. c. 25.

maximā molē crescat, & immensā proceritatis cernere liceat. Bellua terribilis contra fugaces, & fugax contra insequentes quæ ambulando in terris vsum, & natandi in aquis potissimum Niloticis officium habet: vnde noctibus in aquis, die verò in humo quiescere scribit Herodotus; & vtrumque hoc ratione teporis.

Supereſt adhuc vt Caſtor inter animalia ambigui victus reponatur: à dictione græca *γαστήρ* sic nuncupatus, quæ ventrem significat; eſt namq; animal ventroſum: Fiber eſt latinorum, à fibris, id eſt amnium ripis, quas incolit: Animal eſt amphibium, in vtrâq; ſede viuens, nam (vt *Æliano* placet) die in fluuijs abditus atatem agit, nocte in terrâ vagatur; morſu eſt præmunitū horrendo, vt arbores iuxta flumina veluti ferro cędat; quibus, ò admirandam huius animalis induſtriam, latibula, ſeu cauernas vice domumcularum miro ordine in ripis amnium ſibi extruit: Cum enim animal ſit natura prouidum, quo ſe tutum præſeruare poſſit à fluminum, aut imbrium illuuiionibus, coadiuuantibus alijs ſuæ ſtirpis, qui omnes gregatim ad excidēdos dentibus arborum ramos eunt, transportatis pro conſtruenda domo lignis, prioribus pedibus foueam ſibi cauat, eamque lignis à ſe cæſis ita aſfabrè ſtruit, vt vel decreſcente, vel increſcente aquâ partem anteriorem in ſicco, caudam vero, ne quid de propriâ naturâ ſibi deroget; in aquâ habere poſſit: modo etiam in proprijs cauernis ſolaria bina, & terna mira ſolertia pro ſui tutella conſtituit, vt imminente periculo, ſuperiora inhabitet, inferiora ſint ad aquarum incurſiones tantummodo excipiēda: cute ſpiſſa, & villoſa tegitur hoc animal; pedes priores Simiæ pedibus, quibus Sciurorum, vel Simiarum ritu tamquam manibus cibum ori admouet, poſteriores Anferinis ſimiles habet, quibus vt & cauda, quæ prægrandis, lataque eſt, & ſquamis piſcium ſquamoſorum more obteſta, veluti gubernaculo vtens, per flumina vagatur: Sed antequam è Caſtoreano ſignificatu egrediar, placet renarrando repetere, quæ de inſtituto quarumdam gentium in edēdis carnibus huius animalis à *Valeriano* in Hieroglyphicis

lib. 6. cap. 33

Lib. 3. c. de
Fibris

phicis annotantur: scribit hic Auctor, ne ab illius verbis discedam, Populos plerosque, qui nostra pietatis ritu vivunt in Ponto, & Septentrione in Pannoniam usque porrectos, anterioribus Fibri membris pro carne vesci, posterioribus piscis loco: eandem vero eius animalis, quæ præpinguis est, salitam plurimum conditamque pro tarico, hoc est salsamento pisculento habere, eamque iuniorum tempore, quo nobis ex constitutione Pontificia, carnibus interdictum est, mensis inferre: ea vero illi ratione se tenentur, quod posteriores Fibri partes, aquis semper innatantes præferant, & esse arbitrentur. Hæc ex Valeriano: quibus hoc etiam addi potest: tantæ fortasse frigiditatis illorum crurium carnem esse ob diuturnam harum partium in aquis permanentiam, ut quemadmodum caro testudinis terrestri lege Pontificia non est ieiunantibus interdicta, ita & hæc admitti possit; Olaus quoque Magnus scribit, Caudam & pedes posteriores huius animalis, quod in aquis quietant apud gentes Septentrionales pro piscibus in escis haberi.

Lib. 18. c. 4.

Fibri testes: an potius tumores illi in inguinibus animalis innati, & naturali membranâ conclusi, non adulterati, sed legitimi, qui Ovi Anserini magnitudinem non excedunt: ipsorum odor est gravis, & virus redolens, gustu sunt acri, amari & mordente, ut sternutamenta olfactu moveant, qui tamen in re medicâ maximas præstant virtutes, & parandæ Theriacæ sunt accommodati: Tradit Plinius: quod Castor a venatoribus insectatus abiicit testiculos suos, à se dentibus spontè abscissos, noscens se eorum causâ peti, cum ipsi multa medicamina sint necessarij, hoc idem affirmat Solinus, & Ælianus: attamen Albertus Magnus veritatis maximus perscrutator id falsum esse asserit: notans, dici Castoreum à castrando, non quod se ipsum castrat, ut habet Ysidorus: quod etiam hisce carminibus expressit Iuvenalis in Satyris referens ad amicum Coruinum tempestatem illam procellosam Catulli, in qua hic vitæ suæ plurimum timebat, quasi cum ventis paciscens, suppellectilem suam in mare proijcere cœpit, quod leuior facta navis, tempestatem tant-

lib. 8. cap. 30

Cap. 18.
Loc. cit.
lib. 22. anim.
in Castore

Originum.
lib. 12. cap. 2
in Castore

tantam aut sustinere, aut superare posset.

Imitatus Castora, qui se

Eunuchum ipse facit, cupiens euadere damno

Testiculorum: adeo medicatum intelligit inguem.

Sed quod ob castrationem maximè quærat, hinc Castorei nomen esse hoc animal adeptum: *Falsum est enim*, scribit ille Magnus Albertus; quod agitur à venatore, nequè ullà alià ratione periculum posse declinare cum videat, castret seipsum dentibus, & projiciat Castora morsu auulsa: & quod si alia vice castratus exagitur, erigendo se, palàm faciat venatori se illis canere: hoc idem in Plinio Sextius diligentissimus medicinæ negat: quinimo paruos esse, substrictosq; & adherentes spinæ, nec adimi sine vitâ animalis posse affirmat.

Loc. cit.

lib. 32. c. 3.

Decreueram hosce lapillos, qui describendi se se offerunt, sectioni lapidum includere, sed quia maris, fluuiorum, & lacuum sunt partus, ne aquatilia terrestribus miscere videar, fatius fore duxi marinæ huic sectioni pro appendice illos adiungere.

SPONGITES Plinij Spongiæ nomen representans, quia lapis in spongijs natiuus, ac in earûdem latebris, ex falso succo, qui maris est proprius, concretus, in lapideamque substantiam, & si non omnimodè duram, quia friabilis, condensatus: Cochleæ instar est perforatus, & quidem vtrimque color huic inest in cinereo albicans, per quam feltro similis: Techolithos à nonnullis vocatur, quia cum vino potus renum calculos frangat: Lapis Cappadox aliorum, ut potè qui ex Cappadociâ conuehitur, laudatissimus, & probatissimus sit ad hoc munus obeundum. Huius lapidis mentionem facit Galenus, cui vim frangendi attribuit, non tamen ita validam, ut lapides in vessicâ comminuat, improbens quosdam qui id scriptum reliquerunt: verum qui in renibus consistunt, rumpere: veluti sunt lapides illi, qui ex Cappadociâ conuehantur, quos in Argalo nasci aiunt: soluuntur autem hi in succum colore lacteum, ex quo liquet, quod extenuandi vim obtinent, absque ut insigniter calefaciant: unde in Nephriticis compositionibus ex mente Asclepeadis ponendos esse scribit.

*Lib. 36. c. 19
& lib. 37. c.*

*9. simp. med.
cap. de lapid.*

*Lib. 10. de
comp. med. 5
loc. cap. 2.*

TIBV-

*simpl. medic.
Hist. cap. 32*

TIBVRONIS piscis maximi, & truci aspectu, vitam qui in Mari Indico ducit, aded insigni corporis robore, vt hominem icu dentis secet medium, & deuoret: lapis ex eius capite extractus, satis magnus, in colore albicans, in pondere grauis, & ex parte concauus; quem si gustaueris, insipidum dices; cuius puluis, vt ex Nicolao Monarde habetur, vtilissimus fertur Nephriticis, & aduersus Vrinae difficultates.

CORACINITES: lapides duri, osseæ veluti substantiæ, in colore candidi varias qui exprimunt formas: sic nuncupati, quia in Coracine Pisce ex squamosorum genere (Venetorum Pisce Coruo, à nigredine fortasse quâ tegitur) capitis parte posteriore generentur: Dolori illi proficui, qui Colicæ intestinum infestare solet: horum puluis aliquâ diureticâ aquâ mixtus, & ebibitus nedum generationem lapidum in renibus prohibet, sed & genitos dissoluit: vti etiam, non secus ac de lapide illo Nephritico habetur, ita & hi brachiorum pulsibus alligati, quâ parte dolor exagitat, Nephriticum dolorem compescunt; & vrinæ remorantes mouent. Vice annulorum digitis manuum gestati hæmorrhoidas tumentes exsiccant, & cruciatus in illis existentes mitigant.

lib. 37. c. 10. **SYNODONTITÆ**: lapides à Plinio Gemmæ dicti; quia in candore splendere quoquomodo videantur; formam habent oblongam, alterâ tamen parte gibbam: causâ nominis, quod in cerebri ventriculis illorum Piscium marinarum inueniantur, qui Synodontes vocantur, & apud Colymellam Dentrices sunt.

LAPILLI rotundi, globi dimidiati figurâ instar oculorum, coloris vt plurimum albicantis: qui in Cancris fluuiatilibus foemellis potissimum reperiuntur; quo tempore à tegumento testaceo denudantur, & nouam induere inchoant testam in quibus insignis est facultas ad coagulati sanguinis dissolutionem, & expulsionem: vti etiâ in confringendo calculorum intus exhibiti, plurimum valent.

CARPIONIS Piscis Benaci Lacus Ditionis nostræ Veronensis peculiaris alumni, ob eius carnis bonitatem, suauitatem, & sub-

P R I M A .

97

& substantiam inter lautiores diuitum mensas celebratissimi. Lapilli: in illius faucibus reperiri soliti, quorum figura triangularis est: exterius colorem habent candidum, intus subflauum: calculosis & ij subuenientes. Hoc tamen, peculiare habent vt intus assumpti, bilis flauæ ebullitioni aduersando, illam compescant: triti, & in puluerem redacti, si cum lanugine, quæ in malis Cidonijs hæret, miscantur; & in nares insusulentur, hæmorargiam sistere dicitur.

Nec sunt sub silentio prætereunda Synodontis maxillæ: quæ & si pro vsu medico nihil veniant æstimandæ, attamen vt habeas, Calceolarios rerum varietatibus semper fuisse delectatos, & hæ exhibentur: fului sunt coloris, quaternos habent dentes caninis similes, inter alios paruos denticulos, quibus reliquum maxillarum est ferratum, eminentes.

Non filebo etiam Hippuri Aristotelis, Piscis illius maxillas, dentibus exiguis, sed acutis vndique munitas: qui in Hispanico Mari frequentissimus visitur.

*Hist. animal.
lib. 5. c. 10.*

Dum singula hæc omnia, horis quidem illis, quæ à re, & studijs medicis omnino sunt remotissimæ, beneuolentiâ incitatus, quæ ob laudatissimos mores, FRANCISCVM CALCEOLARIVM Compatrem, summè amandum prosequor, ex animo dicarem, dubius an aliquid sit omissum, quod ad aquatilia spectet: per Musæum non inuitus spaciando, Græcorum ad manus venit: cui à firmandis, sistendisque non retinendo, sed adhærendo nauibus, à Suidâ *Ναυλάτης*, & à Latinis Remoræ nomen est attributum:

Ruant namque venti, (vt legitur apud Plinium) & seniant procellæ, imperat hic piscis furori, viresque tantas compescit,

Lib. 32. c. 7.

& cogit stare nauigia: quod non vincula illa, non Anchoræ pondere irreuocabili iactæ, &c. ob id cum pisce hoc pelagio, paruo quidem, sed ob vim admirandam, quæ pollet, maximi nominis, (& si Fracastorius noster fabulosum hoc credit) manus scriptioni, quæ erat dicata, firmabitur; & finis ijs erit, quæ è mari in celeberrimum hoc rerum ferè omnium naturalium Theatrum sunt recondita: hoc vno contentus,

N

tus,

tus, me, quicquid in hisce maritimis declarandis annotaui, illud omne non sine vigilijs, & aliquo studio à sceleatissimis Auctoribus collegisse, atq; in vnum hoc corpus summâ fide conglobasse: faxit Deus, vt res, quæ subsequenti-
bus Sectionibus inferuire debent, ita pleniore calamo possint delineari: vt summè optarem, ni in ambiguo versaretur animus, ne in aliquâ ex hisce sectionibus ob Soli sterilitatem, messis diminuta pullulet: id vnum tamen sciat Lector, me omne studium, & operam nauaturum, vt res illæ vberiore quo fieri poterit apparatu redundant. Interim singula omnia non distortis oculis, nec animo scabie infecto, sed candido, & hilari fronte suscipito.



SECTIO SECVNDA.
QVÆ TERRARVM GENERA,
OCHRAS, RVBRICAS, SALES,
ALVMINA, SVLPHVRA,
ET BITVMINA
PATEFACIT.

SECTIO SECVNDA. 109



TERRARVM naturam, quas non lethiferi, sed salutare succi imbiberint, ac earundem præpotentes facultates, qui exactè cognouisse sapit, suimetipsius tutissimum propugnaculum aduersus morborum incurSIONES hostiles dici meritò poterit: mente namque percipere illi dabitur, quanti valeant ad corporis humani sanitatem custodiendam, quibus viribus polleant contra morbos, corpora nostra infestantes, optimè calebit, ac denique ex illarum reiterato vsu, (qui tamen indebitâ, & congruâ quantitate esse debet,) sui corporis incolumitati peregre consulet, quâ præsentè, Amphionè Sicyonio Poëta exclamante, amœnum gratijs Ver floret, sine illâ, nemo beatus: Veneranda Terra mater, propter eximia merita, in humanam naturam collocata, ac si sensu esset prædita, maternâ hac veneratione digna, ex cuius sinu, veluti fœcundissimo vtero, tales quibuscumq; gemmis præciosiores fructus pullulant. Humanissima, blandissimaque nutrix, in cuius gremio tam carè, & benignè, tenerrimâque dilectione nobilissimi hi fœtus fouentur, ac aluntur: Beatus, fœlixque ille Vir, cui pro sanitate conseruandâ, vitâque producendâ, succos adeò salutiferos, à fructibus hisce emanantes, delibare datur; qui quidem cum non tam corpori, quàm animo prodesse possint, & vtriusque mala expurgare valeant, dicere ille audebit, mentem sibi esse sanam in corpore sano: Quò ergo extra iactantiam, beneuolentiæ aliquid, (absit à gloriolâ verbum,) apud homines mereri, & captare videar, singula illa terrarum genera, ac earundem vires naturales, (quàm breuissimè

P

mè

mè tamen,) describere studebo, quæ in quotidianum vsum medicum apud CALCEOLARIUM asseruantur: vt Terras Samiam, Lemniam, Armeniam, Pnigitem Galeni, Ampelitem Dioscoridis, Eretriam, Chiam, Selinusiam, Iluanam, Mondeuicam, Liliam, & Melitensem, quibus addere non displicebit Alanam, Rusnam, Cimoliam, Saponariam, & Puteolanam: quæ tamen omnes pro corporum diuersi generis commistione, ex quibus fiunt, varios ne dum colores suscipiunt, & in lucem prodeunt, sed & in ijs multiplices, & variæ redundant facultates, diuersis infirmitatibus, vsuique non vno accommodatæ: In hac pariter Classe ad proprias sedes in Musæo, Bolos ipsos contemplari datur, sunt enim & hi terrarum species artificum ministerio, vt magis ac magis illarum vires eluceant ab omni impuritate, & quacumque materiâ fœciali expurgati, ac in varias formas effigiati: Vt Bolum Luteum Galeni ritè lotum, & exactè elaboratum, qui tunc temporis ex Armeniâ ad nos transportatur, Ochra fossili in colore haud absimilem, qui tamen digitis attritus, ob duram eius consistentiam, & lapidi æquandam, manus nequiquam inquinat, quinimo se totum splendidum reddit, qui etiam & si igni iniectus, non secus, ac Ochra, in purpureum mutetur colorem, ob substantiam tamen argilosam, quam ab ortu habet, in duritiem maiorem transit, quod in Ochra, ob eius consistentiam laxam, non apparet, ab igne etenim friabilis fit, & redditur. Bolum luteum alterum, sub nomine Theophrasti inuentoris, qui promulgatur, Boli lutei Galeni colorem, sed obscuriorem referentem. Bolum Slesianum tactu lubricum, & saponi similem, qui in aquâ citissimè soluitur, qui quæ Bolum luteum Theophrasti in colore imitari videtur, & si non ita fuscus sit, sed veluti in fusco candicans appareat, & ne fraudem concepisse credi possit, proprijs signis, triplici nimirum montium connexu iusculptus, cernitur, quod ex Monte Acuto in Slesianâ Prouinciâ terra hæc effoditur, ac postmodum expurgata, in globos orbiculares formetur. Bolum Sabaudicum, in colore Rubricæ æmulum, quem

*Bolum luteum
Galeni.*

*Bolum luteum
Theophrasti.*

Bolum Slesianum.

Bolum Sabaudicum.

SECUNDA.

III

quem Colles Beatæ Virginis Montis Vessuli dant. Bolum
 Toccalium carnei coloris. Bolos ex Mateolo, Apuliæ di-
 stricu, in colore varios, qui tamen omnes, non secus ac
 calx, acrimoniæ non sunt immunes, tùm quia terra hæc a-
 crem succum aliquem biberit, tùm quòd etiam ab exhala-
 tione acrimoniam hanc acquirat, aliquid igneæ qualitat-
 is retinendo: quamvis inter hos maior, & minor gustanti ap-
 pareat acrimonia, prout magis, ac minus à calore, in terræ
 visceribus existente; illorum materia concoquitur, & ad
 strictiorem vstionem reducitur, magisque, aut minùs de
 exhalatione participant, & vstionem sunt passi; sic enim,
 generari sapor, vt & colores tradit Aristoteles, ex exustâ
 materia, quæ secundum magis & minùs, omnimodas acci-
 pit formas saporum, & colorum. Bolum Getulum Ochreæ
 colore. Bolum Tellinum, cuius color est fuscus, quasi sub
 nigro ferro similis. Bolum Agricola, iecinoris colorem,
 præferentem, quem ex Boëmiæ fodinis siue argenteis, seu
 alterius materiæ metallicæ, ferreæ potissimum opiparis ex-
 tractum crediderim, ex metallorum enim venis hæc terræ eo-
 rum naturam præferunt, vt Rubrica ferri, Ampelitis Bi-
 tuminis, Melia aluminis, Chia Nitri, & sic de alijs. &
 denique Bolum illum, qui communiter Bolus Orientalis
 dicitur, cui vulgus hominum Boli Armeni nomen attri-
 buit, quod præteritis annis Bolus ille luteus, qui tunc
 temporis ex Armeniâ asportatur, nondum notus in Italia,
 esset: an vero Bolus hic vera terra Lemnia sit, vt doctissimi
 quidam Viri affirmare videntur, non ita liberè asserere au-
 sim; & si enim qui ad nos defertur, sanguineâ totus rubeat
 substantiâ, & Lemnium sigillum imitari in colore videat-
 ur, potest tamen & hic ab impostoribus adulterari, (vt
 valdè suspicor) non tamen Gleba hæc illas condiciones
 omnimode participare videtur, quæ terræ Lemniæ à Gale-
 no ascribuntur. non enim Minio in colore proximam di-
 ces, si manibus tractetur, has inficit, si linguæ applicetur,
 aliquantulum qualitat-
 singula à terrâ lemniâ omnino absunt. & quod maiorem
 mihi suspicionem adauget, est, Boli illius adeò copiosissi-
 mam

*Bolus Tocca-
lius.*

*2. Meteor.
cap. 3.*

*Bolus Getu-
lus.*

*Bolus Tellu-
nus.*

mam messem ad nos ex Orientalibus transportari. non enim crediderim ex Lemno Insulâ, terræ illius ita numerosum expiscari prouentum, rara namque est, nec ita publice venditur, ut ex Viris fide dignis, qui Insulas illas peragrarunt, mihi est relatum; quinimò nec cuius suum portorium ex eadem extrahi licet. sed ubi primum pingue illud lutum in parua lacunâ, conturbatâ aquâ, fuerit collectum, quod aestuante Caniculâ fieri solet, à Viris huic muneri obeundo, mandato Regio, destinatis, sigillo imprimitur, deinde Turcarum Imperatori traditur, qui postea Magnatis, ut vnicum contra venena præsidium, munificentissimè distribuitur. quibus rationibus motus, Bolum illum quiduis aliud, quam veram terram Lemniam spirare crediderim; non negarim tamen, ex Lemno Insulâ, sub nomine Boli Orientalis, ad nos peruenire Glebam quamdam, non autem in tantâ copiam, ut communis Bolus Orientalis; quæ modò vitata non sit, Rubricæ Lemniæ in colore, & viribus est par, quam seruare CALCEOLARIUM, paulò inferius explicabitur. Singuli hi Boli ob præstantes virtutes, quibus naturaliter pollent, & venenis resistunt, nec non Antidotis illis commisceri solent, quæ venenis contra sunt, ut etiam aduersus febres malignas, pestilencialesq; plurimum valent. Sed ad terras ipsas, quarum & si apud recentiores medicos non sit frequens ille usus, ut antiquitus esse solebat, fortasse quia, præuijs Clarissimorum hominum ingenio, & operâ, aliæ sint repertæ terrarum species, vi, & qualitate innatâ superioribus æquandæ, aliæ sint excogitatæ alexipharmacæ compositiones, quæ bonitate, & præstantiâ cum illis decertent, nihilominus, ut cuius innotescere possit, CALCEOLARIUM, Aui perhonorificè acta imitationem, nullo vnquam sumptui, nulloque labori parcere, quominus pro medicorum arbitrio singula illa omnia in promptu habeat, quæ ad rem medicam faciunt, ob id terris hæc illi est in votis, Musæum semper exornatum habere. sic & mihi in illius, & Legentium gratiam, earundem ortum, & vires, ex scelestissimorum Auctorum fonte collectas, & quo-

Quotidianâ experienciâ comprobata, describere, nil tēdij
erit: Placet autem à terrâ illâ, vti nobilissimâ, & maxima-
rum virtutum initium summere, quæ cum ex Samo Insulâ
Maris Ionij, effodiatur, & cui Patria nomen fecit, comme-
moratione dignum habet solum: in illâ namque Iunonem
ortum traxisse, educatam, & Ioui nuptam fuisse, restantur,
qui fabulosas Gentilium Deorum historias scriptis manda-
runt, vnde & Iuno Samia fuit vocata, & à Samijs, vt Dea
Insulæ tutrix, colebatur. Ciuem habuit Pythagoram, ex
Demaratho, vel vt alij, ex Mnesarcho in illâ natum, sum-
mum inquam illum, celeberrimumque Philosophum, in quo
admirando quorumcumque gentium applausu, scientiarum
omnium exactissima cognitio mirificè enituit, cuius etiam
probitas, & vitæ abstinencia in qualibet re, quæ & animum
deturpare, & corpus inficere valeret, cunctis venerabilem
fecerunt, vt ob id non minus vera, Pythio Apolline Lo-
quutum esse; legere sit, vnde Ouidium de hoc ipso talia di-
ctare non piguit.

Metam. 15.

Mente Deos adiit, & quæ natura negauit

Viribus humanis, oculis ex pectore hausit.

In hac pariter Insulâ, decimâ sextâ Olympiadē, tempore
Nummę Pompilij, illam ex Sibyllis natam esse, ex Eusebio
habetur, quæ exinde Samia est dicta, & quæ postmodum
vaticino spiritu, ne dicam quasi prophetico, afflata, regnan-
te Iosâ Rege Israel, Deum vnum prædicauit, & de Christo
Redemptore hæc prædixisse, legitur. *Tu enim, stulta Ju-
dea, Deum tuum non cognouisti, ludentem mortalium mentibus,
sed & spinis coronasti, horridumque fel miscuisti.* Vndè mi-
rum videri non debet, cur in hac nostrâ terrarum enume-
ratione, quæ ob vim naturalem alexiteriam, pharmacodes,
seu medicamentosa, meritò nuncupandæ veniunt, terrę Sa-
miæ, quid primum attribuere placuerit: cuius in re medicâ
usus præ cæteris à Dioscoride, & Galeno traditur, qui ge-
nus Cretæ naturalis leuissimum, candidissimum, mollè, &
fragile, solaria oblonga habens, & linguæ applicatum, ve-
hementer adherere dicit, nec non ob insitam facultatem,
quæ

*In Tempore
Thesaur.*

*Lib. 5. c. 129
Lib. de simpl.
medic. cap.
proprio.*

11. de simpl.
medic. facult.

4. meth. c. 17

Zoc. cit.

Zoc. cit.

quæ huic attribuitur, refrigerandi, & astringendi, ad ea
facere, quæ instantius stringere volumus, notat, vt. Coelia-
cis, & id genus alijs fluoribus, & alibi de hâc eâdem agens
(& si Samium Astera præferre videatur) ad sanguinis, ex-
punctiones, vndequaquæ natas, perscribit, exulcerationibus
dysentericis, antequam putrescentia euadant vlcera, pro-
desse docet, Vteri cruenta profluvia iuuare tradit, aduer-
sus phlegmonas calidas, vt mamillarum, & testium, & Bu-
bones incipientes, nec non fluxiones podagricas, & denti-
que vbi refrigerare statutum est mediocriter cum mitiga-
tione, & lenitione conuenire ait, quo loci etiam vtendi mo-
dum edocet, nec non ablutione minimè egere admonet,
quod sponte morfu careat, & eius naturam retineat. ad
vlcera interna consolidanda optimum esse remedium affir-
mat; sudores quoq; immodicos cohibere, & ex aquâ bibitâ
ad serpentium morsus venenatos, ac omnia venena valere;
quotidianâ experienciâ comprobatur: Et quamuis in hu-
ius terræ cognitione nonnulli, & si non infimæ classis Viri,
titubare videantur, suspicantes, legitimam ad nos tunc tem-
poris non transportari, nihilominus hoc vnum certò certius
sit, quæ inter Musæi CALCEOLARIJ parietes reconditur, vt
& Aster, lapisque Samius, non spuriam, & vitiatam, sed
genuinam esse, eisdem namque constat notis, quæ à Dios-
coride, & Galeno legitimæ attribuuntur. est etenim can-
didissima, mollis, rara, levis, pinguis, & friabilis, gustanti
saporem in pingui dulcem spirat, ideo boni succi, & quia
pinguis glutinosa, linguæ namque admota, illi vehementer
adhæret, quia rara levis, in totâ enim eius temperie,
quam in commistione qualitatum inuicem sibi parauit, ca-
pere potuit multum aëreæ substantiæ, quæ leuitatis est causâ
sa, vnde dicebat Galenus, terræ huius essentiam magis aë-
ream esse, collatam ad terram Lemniam, cuius argumentum
est leuitas ipsa: est præterea friabilis, quia mollis, & sicca,
quæ sanè non secus ac aliæ terræ, quæ cuiusuis puritatis ex-
pertes, simplices non sunt (modò tamen puritatis hic ter-
minus terræ simplici concedi possit, quin aliquid aliud sem-
per

per mistum habeat) huiusmodi saporem, colorem, & cetera consequentia ex alteratione, & mitione qualitatum inuicem est adepta: Syropicon à nonnullis, ex Dioscoride, appellatur, Latini verò Collyrium dicunt, quia oculorum medicamenti misceri solet, quæ Collyria nuncupantur.

ASTER Samius, inter alterum huius terræ genus à Dioscoride repositus. Terra & hic est candida, sed prænotata, glebrior: quia pinguis glutinosa, & linguæ adhærens, vt ex Galeno habetur, quam tenacem, & viscosam nominat, spissa est præterea, ob id grauis, & si cū terrâ Lemniâ comparatur, leuior sit eâ, crustosa est, densaque lapidis modo, cui stellæ nomen videtur attributum, quod stellæ imago, sicut in terrâ Lemniâ, Capræ sigillum in illa imprimeretur, & hoc verisimilius videtur, quàm, vt alij autument, quia in eâ micæ, instar stellarum internitentes, conspicerentur, id namque neminem habere auctorem, vsque adhuc annotare est datum. Terra hæc, ex Galeno, præter astrictiorem, & frigiditatem, glutinosum quoddam cum habeat, summè, vt & terra Lemnia, sanguinis reiectionibus opitulatur: hæc etiam vti præstantiore illâ, quæ Collyrion ab aliquibus vocatur, semper vsum esse, legitur, fortasse quia, (eodem teste) hæc magis tenuium sit partium, & maioris in deobstruendo, ac penetrando efficaciam, ob id ad morbos extirpandos, ac prauæ eorumdem qualitati reluctando, idonea magis; quamuis huic altera Samiæ terræ species, ex Dioscoride præferatur. Aster quoque Samius, vt Tragachanta, Gummi, & Amylum inter leuissima medicamenta à Galeno reponitur, quæ in arteriæ inflammationem principijs adhiberi debent.

Samius lapis à Dioscoride & hic annotatus, qui in terrâ Samiâ, vt in proprio vtero inclusus, instar Aëtitis lapidis, reperiri solet, & quia probatissimus, ideo prænaratis candidior, & durior magis, eisdem pollens viribus, quibus & terra Samia, facultatum etenim illarum meritò particeps esse debet, quas hæc ob alterationem, & mitionem succorū est naturaliter adepta, cum illius sit fœtus, vnde vim astricto-

Lib. 5. c. 129

9. de simpl.
medic. facult.

1. de simpl.
medic. facult.
cap. 2. &
7. de comp.
medic. s. loc.
cap. 4.

4. de comp.
med. s. l. c. 1.

Loc. cit.

7. de comp.
med. s. l. c. 1.

Lib. 5. c. 130

Loc. cit.

Lib. 36. c. 21

Lib. 37. c. 10

Lib. 5. c. 33
9. de simpl.
med. facult.Lib. 2. tract.
2. cap. 42.

Loc. cit.

Loc. cit.
Loc. cit.

ctoriâ, & refrigerantem ei inesse, scribit Dioscorides: in-
potu exhibitum stomachicis prodesse notat, & ad fluxiones
oculorum, nec non ad vlcera cum lacte, efficacem esse di-
cit: partus accelerare, & conceptus custodire, vt Aëtites,
creditur: Hoc lapide, ex Plinio, antiqui illi, auri labo-
randi artifices, pro nitore, Auro, & Argento comparando,
vti erant assueti, tunc temporis autem apud nostrates Au-
rifices Terra illa Alana, quam Tripulim vocant, in vsum
venit: Exhebenum est Zoroastris, quod ex candido, quia
leuis, & speciosus factus sit Gemma, sic referente Plinio con-
terraneo nostro.

Terræ & illud genus in Musæo repositum cernere est, quæ à
Patriâ nomen sumpsisse videtur, estque terra illa ex Lemno
Insulâ Maris Ægei, hodie Stalamine vocatâ, quæ sub nomi-
ne terræ Lemniæ à Dioscoride, & Galeno adeo celebratur,
vt vim illius antidoti habere prædicent, quod contrâ perni-
ciosa venena, & morsus illorum animalium, quæ virus eia-
culantur, valere dicant; & Auicennas Lutum diuinum hanc
nominat, quoniam prima, quæ ipsam accepit, fuit mulier
Diuina, nomine Bartamise, quæ sic referente hoc Arabum
Principe; *Tale lutum ex lacunâ quadam, in monte rubeo exi-
stente, accipiebat, & ad ciuitatem deferebat, & ponebat in aquâ,
& fiebat sicut puls, & dimittebat ipsam post motionem fortem
quiescere, donec residebat, & effundebat ab ea illam aquam, ac-
cipiebatque rem grossam, & proiebat eam, & utebatur quod
ex eâ pingue erat, & viscosum, & faciebat ex eo lutum, sicut
cera.* Hæc Auicennas, cuius verba immutare non placuit,
ne quid ex ijs detrudere, aut addere existimari posset:

Galenus terræ huius tres videtur constituere differentias.
Vnam, quam nulli alio, præter Sacerdotem, qui Dianæ sa-
cra faciebat, attingere licebat, & Dianæ sigillo, quod ca-
pra est, vbi primum larga aquæ effusione, & emaceratione,
ac tandem exsiccatione depurata, & à quauis materiâ lapi-
dosâ, seu arenosâ expurgata imprimebatur, nullo tamen
admixto sanguine, vt censet Dioscorides, quem Galenus
reprehendere videtur; sponte namque rubra est: vnde hic

Auctor

Auctor Milthon Lemnium, idest Rubricam Lemniam vocat, quod eundem colorem Rubrum, quem, & Rubrica, obtineat, & si inuicem differant, hæc enim colore rubro, quod est infecta, tangentium manus contaminat, illa verò neutiquam; & hæc erit fortasse illa terra, quæ in Glebæ modum formata, sub nomine Boli Orientalis, in Italiam transportatur (modò tamen vitiata non sit.) Secundam huius terræ differentiam Rubricam esse fabrilem, citatò loco, ponit Galenus, quæ manus tangentium inficit. Tertiam, ob facultatem abstergentem, quam ab ortu habet, mundandis vestibus, vt Creta Fullonica, in vsu esse notat: In delicijs CALCEOLARIIS, & Capræ signo notata extat, nec non è proprio loco effossa, expurgata tamen, visitur, quæ rutilum colorem adeò viuacissimè imitatur, vt Rubricam Synopicam esse dices; quam cum Plinius Minio proximam fecerit, non male est actum: Hanc Conradus Gesnerus, pro verâ Lemniâ à FRANCISCO CALCEOLARIO Seniore, Viro summè industrio, accepisse fatetur: Hæc similiter vt probatissima, & quæ illas habet conditiones à Dioscoride, & Galeno, vt scelestissimæ, & non adulteratæ attributas, in compositione Andromacæ Theriacæ, & Mithridaticæ confectio- nis, quæ præstantissima Antidota summâ cum laude non- semel tantum CALCEOLARIUS noster publicè Veronæ est elaboratus, à Cl. Medicorum Veronensium COLLEGIO, (in quo Viri, ob virtutis meritum omni laude dignissimi, elucent) cum ab vnguibus dignoscatur Leo, singulis annu- entibus admittitur: munda namque, & ideò laudatissima, visitur hæc terra, aliquantulum tenacitatis, & lubricitatis ob pinguitudinem spirat, ita vt & linguæ adhæreat, gustu non mordaci est dotata, quod si aquâ resoluitur, similis fit molli ceræ. Vndè non immeritò ob admirandas virtutes, quibus in re medicâ valet, apud Medicos celeberrima, & inter nobilissima alexipharmaca est connumerata. San- guinis ex vtero profluuiâ, & fluxum muliebrem compesce- re, vlceribus prauis auxiliari, ac ad eadem contumaciâ, nec non ad venena valere, rabientisque canis morsum cu- rare

Lib. 35. c. 6

Lib. de finia
lapid. cap. 6

Loc. cit.

Q

rare

9. de simpl.
med. facult.
¶ 1. de comp.
med. s. l. c. 8.

Exerc. 33.
contra Cardan.
disput. 2.

Lib. I. c. 24.

rare notat Galenus. Hoc etiam vnum de huius terræ præstantiâ, & nobilitate ex Scaligero non silebo. *Certâ videretur cundarum qualitatum, quæ videntur conferre tamquam insistentia Idea suæ, terram hanc in venenum agere, etenim adfectione sua videtur se se inter venenum, & cor interponere, præterquam quod duas illas profert facultates, altera est, quæ petit cor, altera quæ tuctur certo, non fortuito auxilio.* Hæc docuimus Scaliger: vnde & febribus pestilentialibus, ob eundem facultatem alexiteriam, præsto esse patet: an verò, ut apud nonnullos huius sæculi Medicos inualuit vsus, in omnibus ferè febribus, etiam non pestilentibus, possit absque noxâ adhiberi, licet cum ratione suspicari, ob eius namque crassam substantiam, frigidum, & siccum temperamentum, cum partibus intimis possit adherere, nocumentum potius, quam iuuamentum asferre valebit, augendo nimirum obstructionem, & pûtre dinem: Præter Rubricam illam Lemniam (quod etiam à Petro Bellonio in suis observationibus de Lemno Insulâ est scriptis traditum) varietatibus terrarum genera eò loci eruuntur, nec mirum si in tot sæculis in parua illa spelunca diminutus, ne dicam penè assumptus, Rubricæ Lemniæ sit prouentus, aliud verò terre genus in colore, huic dissimile, subsit; in Italiam namque terre ex hac Insulâ transferuntur, quæ & rudes, nec non elaboratæ cinereum seruant, & pariter carneum spirant colorem, quæ singulæ diuersis characteribus Turcicis notatæ, (fortasse quia, cum ei rei diuersi Magnates pro tempore præesse soleant, diuersis ideo signis imprimantur) sub nomine Terre sigillatæ, aut Bysantine, diuenduntur; præstantissima & hæc contra venena antidota, quorum omnium apud CALCEOLARIUM non parca est messis: singulis hisce terris, & id genus alijs quàm plurimus Illustrissimus NICOLAUS BARBADICO, Patritius Venetus, ob insignem beneuolentiam, quâ FRANCISCUM CALCEOLARIUM Seniore prosequeretur, illum humanissimè cohonestare non est dedignatus, quas acceptas, ut quid rarum, & eximium, referebat à quodam magni nominis Bafsà Turcio, dum mandato

dato Augustissimæ, & Inuictissimæ Reipublicæ Venetæ, cui felicia omnia, & prospera succedant, vt auguror; & Deo fauente, ac Beatissimo MARCO Tutano spero, oratoris munus apud Turcarum Imperatorem summa cum dignitate, & laude obiret.

Nec filebo, Vasa illa, numero multiplicia, quæ ex terris hisce arte plasticæ ita peregre regie sunt elaborata, ac si Dybutadis, aut Rhoeci, Theodorivæ peritissimis manibus essent constructa, singula enim hæc omnia quòquò te veritas, & per Musæum oculos diriges, de colorum amœnitate, & formæ præstantiâ inuicem decertare dices, quod vnû Calceolaria solertiæ, ac in rebus peregrinis comparandis indefessæ diligentia attributum venit.

Et si dum Bolos in terrarum classe recenserem, Boli Lutei Galeni sit facta mentio, adeò vt superfluum videri posset, quipiam rursus de illo in medium afferre, attamen cum huius vires non fuerint explicatæ, placet denuò, diffusiore calamo rem hanc tractare. Et quamuis apud nonnullos doctissimos etiam Viros, inuaserit opinio; Terram illam, quam Galenus, durante illâ immani, & graui peste, cuius facies eadem fuit, vt eius, quæ Thucididis memoriâ grassabatur, ex Armenia eâ parte, quæ Cappadociæ contermina est, sibi delatam scribit, & quæ ab eodem magnopere commendatur, aut ignotam, aut certè ambiguam esse, & ideo illius vsum suspectum haberi: nec fortasse id præter rationem., cum sæculo hoc nostro (à quâ regione transportatus, nondum compertum habeo) per manus hominum diuulgari cœperit Bolus quidam pallidus, substantiæ prædensæ, eisdemmet conditionibus refertus, quæ Bolo Armenio à Galeno attribuuntur: nihilominus scias volo, terram hanc, ex proprio Armenio sinu delatam, apud CALCEOLARIUM reperiri (vt & Bolum illum diuulgatum pariter habet.)

Gleba est enim, quæ iuxta Galeni mentem, colorem habet pallidum, (miror tamen, quomodo Auicennas terram hanc lutum rubeum, ad cinereum declinans dixerit, nisi fortè quid aliquid intelligere voluerit) densior præterea

Q 2 est,

9. de simpl.
medic. facul.

Loc. cit.
Lib. 2. trac. 2
cap. 413.

est, & grauior Asteri Samio, ob id minus hoc aërea, promptissime Calcis modo in leuiorem soluitur, nec in hac, quia mollissima, arenosum quippiam cum asperitate apparet. Facultatem huic inesse tradit summè desiccantem, & consolidantem, quæ & si innatâ qualitate in illâ eluceat, vim etiam refrigerandi, quod terræ simplicioris est proprium, illi inesse dicendum est, vt in terrâ Samiâ, & Lemniâ; quæ omnes frigidaë sunt, vt superius est annotatum, siccant valdè, & à quacumque asperitate arenosâ sunt liberaë, sed facillimè in tenuem succum soluuntur, vt non immeritò cum latè diffundi possint, & solidas partes adhærendo, easdem à quacumque malitiâ tueri, prauasque humiditates illarum viscositate (linguæ namque appositæ hærent) absorbere, aduersus venena, & morbos à venenatâ qualitate emanantes, præstantissimæ prædicentur. Idcirco Galenus de ter-

Loc. cit.

râ hac Armeniâ agens, ad Dysenterias, & Ventris profluvia, ad sanguinis exuptiones, & Catharros, putridisque oris vlceribus in primis illam conferre, notat, ad pulmonum vlcera, & sedis fistulas contrahendas, vt quid singulare extollit: in peste illâ, quæ Romæ grassabatur, cum vino albo consistentiâ tenui, aut admodum aqueo pro ratione vrgentiæ febris, bibita, vnicum fuisse remedium testatur, cum dixerit, quotquot medicamentum hoc bibere, celeriter curatos esse, at quibus non profuit, omnes interire, scilicet cum nec alio quouis iuuarentur; ex quo colligi potest, ijs duntaxat non fuisse auxilio, qui planè erant incurabiles, & qui curari possunt, omnes hoc medicamento liberentur. Gleba Armeniaca à Paulo Ægineta, & Aëtio nominatur, & rectius quàm lapis Armenus, vt alij, quos deridè videtur Galenus, & si enim, ob consistentiam, lapidis potius, quàm Glebæ faciem præferre videatur, attamen terra potius est, quàm lapis, quia facillimè soluitur, & ex eodem Galeno, humidis rigari, patitur.

Loc. cit.

Sed vt aliquid etiam de lapide Armenio dicatur, cum & ipse ex Armeniâ asportatus, in hoc terrarum horreolo afferretur. Scias, rem vnam, & eandem non esse cum terrâ illâ Arme-

Armeniâ, de quâ superius, & si lapis & illa à quibusdam dicatur. Hæc enim ex Galeni mente, pallidi est coloris: *Lib. 5. c. 65*
 illi verò, ex Dioscoride, & Auicenna, color cœruleus tri- *Lib. 2. tract. 2. cap. 410.*
 buit: Mesues meliorem esse scribit, qui habet colorem medium, inter viridem, & obscurum terreum, & Indum, & qui habet macularum distinctiones virides, & nigras, & qui non est lapidosus, sed facilis dissolutionis in puluerem, quive est tactu levis, asperitate carens. Plinius noster Chry- *Lib. 35. c. 6*
 focollæ modo infectum facit, optimumque esse dicit, qui maxime viret, communicato colore cum cœruleo. Glæbe Armeniacæ facultatem valdè deficcantem dat Galenus, mol- *Loc. cit.*
 lissimamque statuit absque vllâ asperitate arenosâ. Lapi- *9. simpl. med.*
 di Armeniaco facultatem inesse scribit resolutiuam, & abstergentem, dicens, extergere cum paucâ acredine, & minimâ Stypsi, & ideo ocularibus misceri facultatibus, & per se ad pollinis læuorem redacto, vtitur sicco ad pilorum in palpebris incrementum. Vndè, & ratione coloris, & ob insitam potentiam, alius à terrâ Armeniâ est censendus: Coeterum vt aliquid etiam de hâc colorum controuersia dicatur, quæ huic lapidi diuersimodè tribui videtur, ratione cuius à multis est dubitatum, an legitimus habeatur, crediderim, hosce Auctores in eundem scopum suas intentiones direxisse. Et si enim Dioscorides illum præferat, qui *Loc. cit.*
 coloris est cœrulei; videtur tamen quoquomodo innuere, viridem esse, cum eundem coniungat cum Chrysocollâ, etiam viribus, & si in efficacioribus: Et color ille Indus, quem Mesues illi tradit, Cœruleum significare, apertè nobis demonstrat Plinius, cum dicat: Indicum inter pigmen- *Loc. cit.*
 ta esse, quod diluendo misturam purpuræ, cœruleique mirabilem reddit. Cum ergò ex prænarratis, hic lapis ex Chrysocollâ, & cœruleo constet, quibus vis purgandi inest, quâuis Chrysocolla periculosior sit, cum ex Ære ortum ducat, & ad æruginem, accedat: nil mirum, si præter facultates, à Galeno illi attributas; Ex Alexandro Tralliano, virtus *Lib. 1. cap. de melancholia,*
 huic impendatur, dummodo tamen, iuxta eius doctrinam, bene sit ablutus, & in catapotia eius modo reformatus, solutione

Lib. 2. c. 47

Libello de cō-
posit. medic.

Lac. cit.

tione educendi coleram nigram, & veratro albo præferat. Aëtius quoque purgare atram bilem, & quicquid crassum, & tenax commixtum sanguini est, dicit: & Actuarius inter recentiores Græcos huius vires deiectorias optimè novit. extant & apud Mesuem pillulæ de lapide Armenio.

Cernere quoque est & in Musæo lapillos quosdam, ex Argenti fodinis compluribus in Germaniæ locis erutos, superiori congeneres dices: quorum alij colorem habent viridem ad cœruleum inclinantem; in quibusdam maculæ apparent in viridi nigricantes: in alijs vincit cœruleum, quales præferre videtur Dioscorides: quidam alij sunt maximè virides, & ex ijs (vt pictoribus magis expetiti) pigmentum illud Armenium paratur: quod vulgò vocat *Verde Azurro*, ac si diceret, viride cœruleum. Omnes tamen hi lapilli colorem Chrysocollæ referunt, sed duricie præcellunt: quibus illam eandem vim deiectoriam inesse crediderim (modo tamen congruâ ablutione sint præparati) quam Trallianus miris laudibus ad debellandas omnes passionés ab humore nigro, & melancholico ortas, Armeniaco lapidi elargitur.

Hiscæ terris, ingratus sciem, ni illud genus Terræ connecterem, quâ, ex Iluâ Insulâ maris Tyrrheni in glebas formatâ, sub nomine Terræ Iluanæ, aut Boli candidi, & sigillo Magni Ducis Hetruriæ notata, nedum Italia, sed Germania, & Gallia gaudet, cum superioribus, nedum ijsdem notis, sed & ipsismet viribus æquanda veniat: Terra est namque candidissima, mollissima, & leuissima, tangentium manus nequaquam inficiens: tactu linguæ, & hæc vehementer adhæret: dentibus confricata, succosam admodum seplanè facit: vt terram Samiam esse, meritò fateri possit: Testor Deum, me felicissimo euentu hâc terrâ in dies vti: præstantissimumque esse remedium aduersus febres illas, quæ ex venenatâ qualitate in humoribus existente, ortum trahunt, quotidianâ experienciâ comprobo. Quid dicam de mirabili huius vi, cum succo limonis mista, in veribus

bus puerorum destruendis, ac compescendis cruciatibus, & angoribus illis, quibus hi ob talia animalcula, adeò vehementer affligi solent, vt sæpè sæpius cum maximis parentum eiulatibus, misceruli infantes ad mortem perducuntur? nec omitam, terram hanc adprimè obuiam fieri motibus illis conuulsis, quibus non rarò pueri tentantur, ob lapsum alicuius materiæ, malâ quadam qualitate imbibitæ, ad partes neruofas: vt etiam ob facultatem adstringentem, refrigerantem, & exsiccantem ei à naturâ elargitam, sanguinem, à quacumque parte fluentem mirifiè compescit.

Sicuti verò ex Lemno Insulâ terræ ad nos transportantur varijs coloribus insignitæ, quæ tamen non diuersâ specificâ qualitate, sed vniformi, in corpora nostra agunt: pariter & Ilua Insula varia in colore terrarum genera dat, ad vsum, tamen medicum accommodata, vt præter prænarratam, seruatur & coloris in pallido flauescens, maculis quibusdam rubris, sed paruulis conspersa, fortasse quia hoc genus terræ in metallis ferri, quo loci & Rubrica suas habet sedes, reperiatur: eodemmet signo Magni Ducis insculpta.

Terra & alia Iluana visitur, quam ob saturum colorem rubrû, Iecori similem, Rubricam Lemniam esse dices, in glebas, & hæc formata: cumq; vehementer linguæ adhæreat, pinguitudinem illi magnam inesse exprimit.

Adest præterea, & aliud terræ genus ex hâc Insulâ effossum, cuius color albus ad cinericiū vergit: puluerulenta, & raritatis particeps est hæc terra, nec non mollissima, & ita lubrica, vt tangentium manus veluti perungat: Hæc, ob absterfuiam facultatem, Insulani Saponis loco vtuntur. & quæ etiam terræ Chia vices subire potest.

Scias autem in Musæo lapidem quemdam reperiri, eodem loco erutum (sed fortasse rectius) consistentiam quamdam lapideam Samio lapidi, colore, & duritiâ haud absimilem, quæ non secus ac hic, ob tenacitatem, ab innatâ pinguitudine emanantem, linguæ oblata adhæret: Hanc sub quintâ illâ calamitæ candidæ specie si reponas, de quâ Plinius Lib. 36. c. 16 in

in Magnesiâ Asiæ candidam, sed deterrimam, cum neque ferrum attrahat, reperiri scribit, præter rem non crediderim: Habeas (quod tamen iocosè, & ridiculè dictum intelligo) quæ nam apud nonnullos de hâc consistentiâ Iluanâ, quam & calamitam albam vocant, non sine Dei offensâ, inualuerit opinio: putant hi, sic à veneficis persuasi, & superstitiosissimæ huius credulitatis vitio, pro expillandâ solummodo pecuniâ, obumbrati (ac si sint lumine intellectus destituti) in re amatoriâ huius contactu carnes exoptatas ad se ipsos allicere posse, existimantes, illi eamdemmet in hâc luxuriæ obscœnitate inesse vim, quam in Magnete lapide admiramur, in ferro ad sui contactum attrahendo: O vanissima infania: ò deridendum hominum genus; caueant ab irâ Dei: & quò illorum anima, fauente Diuinâ aurâ, per pelagum hoc mundanum tutò nauigare valeat, hanc dimittant vanitatem: nè credentes, magicâ, & pestiferâ arte in luxu venereo sui voti compotes fieri, à Serpente antiquo, peccati veneno occisi (est enim Diabolus vera illarum animarum calamita, in quibus malitia peccati pertinaciter regnat) in Barathrum trahantur: & suæ calamitæ, vel calamitati iuncti; & colligati, iuxta illud Iobi. In profundissimum infernum descendant.

Cap. 17.

Terra Lilia: ex Lilio Insulâ, quæ non longè ab Iluâ distat, benignitate Serenissimi Magni Ducis ad nos transferri solita: cui etiam ob probitatis, & præstantiæ testimonium, quæque nullam fraudem admistam habeat, illudmet signum est impressum, quod & superiores terræ insculptum habent: huius color magis dilutus, quàm in Synope conspicitur, qui tamen ad luteum tendit: validissimum & hæc aduersus venena, & febres pestilenciales alexipharmacum.

Terra Eretria: cuius prouentus ab Oppido Eretria dicto, Insulæ Euboeæ in Mari Ægeo habetur, & si non ita copiosus, ut apud Antiquos, esse consuevit: quamuis autem reperiantur Viri, qui scriptis mandarint, eius vsum iam desisse. Vtrâque tamen gaudet CALCEOLARIVS, albâ nimirum, & cinericeâ; & hæc quæ est modicè pinguis, mollissima, & super

super es attrita, colorem illum violaceum reddit, ob quem, *Lib. 35. c. 16*
 ut bonitatis signum, à Plinio, & Medicorum scholâ can-
 dide præfertur: cum hæc ex eodemmet Auctore pictoribus *Lib. 35. c. 6*
 magis, quàm Medicis sit in vfu. Addens, Nicomachum,
 & Parafium, qui pingendi arte pollebant, illâ esse vfos.
 (forte huius naturam participare videtur Cerusa, quæ &
 Pictorum vsui inferuit.) Miror autem, quomodo Diosco- *Lib. 5. c. 28*
 rides, huius terræ differentias recensens, in vehementer al-
 bam, & cinericiam diuidat: Galenus verò dicat, Terram *Lib. de simpl. medic.*
 Eretriam esse rubicundam: eaque optima, quæ sine sabu- *9. de simpl. med. facult.*
 lo est, & sine lapillis: cui vires valdè adstringentes, & ter-
 râ Samiâ efficaciores, attribuit; alibi autem hanc eandem
 terram (non valdè) sed simpliciter astringentem habere
 virtutem, scribit. vndè suspectus mihi videtur locus ille,
 ad Paternianum, qui cum Galeno sit attributus, mendum
 esse in textu crediderim: nec verba illa ex ore Galenico
 prolata, dixerim: sibi namque euidentissimè contradiceret.
 nec non Dioscoridi, & alijs auctoribus, qui terræ huius co-
 lores, & naturam descripsere, aduersaretur. Eius ergò vis
 erit adstringendi, emolliendi, & molliter refrigerandi, cum
 exsiccatione quappiam: Vnde, ex Dioscoride, vlcera pra- *Loc. cit.*
 ua replere valet, & recentia vulnera glutinat: Galenus quo- *4. de compon. med. per gen. cap. 1.*
 que inter medicamenta illa enumerat, quæ vlcera exsiccare
 valent: vndè efficaciorẽ Lemniâ asserit in exsiccando sine
 morfu, & si lauetur, mitiorem reddi.

Celeberrima, & vbique illustris fuit olim Insula illa, Maris
 Aegi: Chios nomine; tùm ob eximiam Chiorum castita-
 tem: legitur namque in Græcorum monumentis (referente *Leff. antiq. lib. 13. cap. 7*
 Rhodigino) maximum temperantię muliebris argumentum
 prodijisse ex Chio, quoniam neque adulterium, neque ille-
 gitimum concubitum ibi ferè vnquam accidisse memoriæ
 proditum est: tùm ob vuarum, & vinorum memorandam
 excellentiam, Aruisia dicta; Imperatorum, & primorum
 Virorum mensis admodum expetita: de quibus Plinius: nec *Lib. 14. 7.*
 non ob splendidissima illa marmora versicoloribus maculis
 vbique clara: & ob elegans illud, excelsumque templum,

R Apol-

Memorab.
Mundi c. 19

Loc. cit.

Lib. 5. c. 81

Lib. de simpl.
medic.

9. de simpl.
medic. facult.

Lib. 5. c. 132
9. simpl. med.
& lib. de sim-
pl. medicin.

Apollini dicatum: vt omittam Insulam hanc, referente Solino, Homeri tumulo ceteris antecellere. Sed vigent etiam nunc hâc in Insulâ illa nobilitatis, & splendoris vestigia: abundat namque pretiosissimis vinis, quæ de bonitate, & gustanti fragrantia cum Homericis illis, à Plinio inter generosissima enumeratis, meritò equari possunt. ibi quæcumque vitæ humanæ necessaria fecundissimo telluris successu copiosissimè reperiuntur. Fructuum cuiusvis generis laudatissimus est proventus: formosissimo gloriatur foemineo sexu: sed quod magis illam splendidiorē reddit, est & Resina illa lentiscina, sub mastice nomine per omnes Orbis partes, vt scelestissima, & prestantissima venalis transportata: Nec non terra illa, cui Patriæ Chiæ nomen fecit: quam vt laudatissimam, inter alias terras medicamentosas, seruat CALCEOLARIUS: Candida est, ad cinereum vergens, vt illa, quam Dioscorides pro optimâ eligi debere scribit, & Samiæ similem facit: ac vim illi eandem esse, quæ & in Samiâ, affirmat: addens, faciem extendere, & erugare, eamque splendidam reddere, colorem in facie, corpore toto commendare, & in balneis pro nitro detergere: ex quibus colligitur, nitrosam quamdam habere, qualitatem: cui subscribit Galenus, dicens, Terram Chiam esse albam, & latam, non valdè candidam: efficaciter stringere, sed cutem purgare, & extenuare, splendidamque facere: Et alibi: Terra Chia absterforiam facultatem moderatam obtinet: quamobrem mulieres quædam ad faciem hâc vtuntur: plurimum ad ambusta vlcera valere notat, leuiter enim abstergendo, producendæ vlcereum carni est idonea: exposcunt enim hæc ex-tergentia medicamina absque insigni aut calefactione, aut refrigeratione. Hæc ex Galeno.

Quoniam verò Terra illa, quæ ex Selinunte Oppido Ciciliæ, Selinusiæ nomen inuenit, eisdem præstare viribus, quibus & Chia, à Dioscoride, & Galeno est traditum: ob id ne eundem lapidem reuoluere videar, admonitum Lectorem, volo, siquid de huius terræ facultatibus scire appetit, ad prænarrata de terrâ Chiâ animum vt dirigat: hoc vno contentus:

tentus: Terram hanc, quia optima, esse candidam, maxime splendēre, friabilem esse, & quæ celerrimè admodum mutatur in succum, si quando humorem combiberit. Ea, cœruleo infecta, teste Vitruuio, Indici imitatur colorem, qui cœruleo, ex Plinio, proximus est: Eadem, vt hic Auctor scribit, tectoriorum albaria interpollantur; non secus, ac hisce temporibus ad maiorem spectantium gratiam, & decorem, purissimâ, & candidissimâ calce dilutâ, ad parietum dealbationes Cementarij vtuntur: & si Galenus: ex Archigenis sententiâ, Eretriam ad denigrandos capillos valere dicat.

Lib. 53. c. 6.
Cap. 16.

1. de comp.
med. s. l. c. 1.

Cimolia Terra à Cimolo Insulâ Maris Ægei, sic nuncupata, quò loci optima aduehitur; vnde Ouidius,

l. b. 7. metam.

Hinc humilem Myconem, cretosaq; rura Cimoli.

Modicè est pinguis, rara, & mollis, in candido ad purpureum inclinans, cui nihil arenosum subest: huius vsus, quamuis etiam ad vestes accommodandas inferuiat, adeò vt (referente Plinio) veros, & pretiosos colores emolliat hæc terra, & quodam nitore exhilaret contristatos sulphure,

Lib. 35. c. 17.

nihilominus & in re medicâ suas habet vires, de quibus eundem Plinium legas: & Galenus quoque facultatem, astringentem; & modicè acrem huic attribuit: dicit namque, eam partim refrigerare, partim, quæ coierunt, leuiter digerere; & hoc vtrâque facultate agere, non secus ac plurima medicamenta, quæ digerunt, & reprimunt; est autem paulo efficacior, vt idem notat; quàm vel Chia, vel Selnusia: non tamen mordet: sed quia magis, quàm illa abstergit ideò Fullonibus etiam congrua: illinitâ ad ignem sacrum, & ambustâ, siue refrigerantibus, & repercutientibus, seu digerentibus misceatur, conferre scribit. pustulas enim fieri prohibet: Ad deffluos capillos, cum aliarum rerum miscellâ in pastillos formata, ex Cheopatrâ in libro

Loc. cit.
9. simpl. medic. facult.

Loc. cit.

Loc. cit.
lib. de simpl. medic.

de ornatu, conuenire scribit: capitis quoque vlcera illa, quæ Achores dicuntur, dissipare notat: cuius etiam terræ mentionem facit hic Auctor; dum Symptomatum causas recenset, quæ ventriculo eueniunt, de Picæ, seu Malaciæ

1. de comp.
med. s. l. c. 2.
Loc. cit. c. 8.

1. de simpl. caus. cap. 7.

R 2 morbo

morbo agit, quæ ex corruptis, vitiatisq; humoribus ostium ventriculi occupantibus (in quo, omnium medicorum consensu appetitionis sensus est) originem habet: asserens, grauidis etiam hoc morbi genus incidere, appetentes modo acida, maximeque acerba, aliquando verò acria, sicut nonnunquã vel terram Cimoliam, vel testas, vel carbones, &c. Et ego nuperrimè Nobilem quamdam mulierem curavi, quæ vtero gerens, & cõmunem ciborum vsum omnimodè abhorrens, in inordinatum, deprauatumq; hunc appetitũ adedò impensè decedit, vt nisi per aliquot dies picis liquidæ portio (& si pauca) primo cibo exhiberetur, nullo alio cibi genere nutrirì poterat: vbi verò illam assumpsisset, alebatur etiam aliquo alio cibo, & si in paucâ quantitate; sed hæc obiter.

Terram illam in Musæo custodiri, non ausim proponere, quam Pnignitem Galenus vocat: quod ex Pnigeo vico Libiæ Mareotidis nomen duxerit; non enim (vt ingenuè fatear) ex eò loco est asportata, huic tamen in colore, sapore, & qualitatibus parem ante oculos tibi subiicio; quam olim ex quibusdam Abrutij montibus effossam, FRANCISCVS CALCEOLARIVS Iunior acceptam habuit à quodam Reu. Monacho Ordinis Diui FRANCISCI de Paula: est enim in colore nigro Ampeliti similis; & si Dioscorides, quam Pnignitem vocat, & Plinius Eretriadi, cineream intelligentes, simillimam faciant: est pinguis; vnde Galenus non minùs glutinosam esse asserit, quam Samia, imò nunquam glutinosiorem facit; linguæ adedò tenaciter, & fixa adhæret, vt illi appensa maneat; spissa est, & tangentium manus refrigerare videtur; mollis præterea ob pinguitudinem apparet; pro quibus notis eadem dixerim cum Pnignite, de qua Diosc. & Galenus; qui totâ facultate Cimoliæ assimilem constituunt, in refrigerando scilicet, & partim digerendo.

Lib. 5. c. 134
Lib. 31. c. 16

Zoc. cit.

9 simpl. med.
facult.

Terra illa similiter describenda succedit, quam Galenus, quod aquâ irrigata, facillè in lutum soluat, Terram appellari dicit: Ampelitis verò nomen sibi adeptum testatur, non quod

quod vitem in eâ ferere præster, sed quia ætate nedum suâ, verum & apud Antiquos illiniendis vitibus frequens huius esset vsus, pro enecandis vermibus illis oculos vitium in primâ germinatione erodentibus, quos vinatores illi Senipias cognominabant; & Hermolaus Voluces, & conuolululos appellari tradit: fortassè illud Verucarum genus, vitibus infestissimum, quod ex flosculorum vitium circumrosione, & succisione bacchicam segetem afficiunt, ac eandem infestissimè tractans, diminutam reddit; nostratesque rustici vulgato idiomate *Zurlas* vocant: qui quidem vsu Antiquorum seruantes, vitium gemmas non hâc terrâ, sed aut calce, aut visco illiniunt. Quia verò vt & veluti alijs medicamentis hâc utebantur Medici, & præ cæteris terris efficacem habeat vim medendi (& si nomen hoc medicatis omnibus terris commune sit) Pharmacitem, idest, medicaminosam vocari tradit: nisi dicere etiam vellis, hoc nomine posse honestari; quod cum inter terras bituminosas meritò veniat enumeranda, præ qualitate succi adepti: odorem spiret medicatum: Vndè Plinius Bitumini simillimam facit: experimentum eius, si ceræ modo accepto oleo liquefcat; vt natura est omnium bituminum; quia pinguis, & in totâ illorum temperatione inest aër, & ignis, nedum facile accenduntur, sed facile etiam igni liquefunt. Terra hæc (vt optima à Dioscoride, & Galeno laudata.) nigerrima est, piceæ longos carbones referens. ex quo Theophrastus Carbones (non certè illos fossiles, vt aliqui autumant) appellat, quod ei color sit, qui carbonibus, quod æquè ac illi ignescat, atque ardeat, & quod vsu præbeat eundem: modicè est assulosa, & æqualiter splendet. Vim huic inesse siccandi, & digerendi ex Galeni verbis habetur; cum dicat, *Terra ampelitis siccatur, & digerit, nihil manifestò acre continens, propterea malignis vlceribus idonea est, & si sola per se trita imponatur: quod si etiam illi vim discutiendi, & refrigerandi attribues incongruum non erit: transportata, vt melior, ex Umbriâ regione Italiæ inter Appenninum, & mare Adriaticum, venditur tunc temporis*

*Corollario in
Dioscor. cap.
1016.*

*Lib. 5. c. 138
2. de antidot.
cap. 15.
2. de comp.
med. per genera
cap. 4.
& lib. sim-
pl. medic.
5. de comp. med.
per genera. c. 2.
& 4. eiusdem
cap. 1.*

poris sub nomine Terræ nigræ, & in vsu apud pictores habetur.

Lib. 5. c. 137

Terra ex Melitâ Insulâ effossa; ex specu nimirum illo, quo loci Diuum PAVLUM CHRISTO adiunctum, vitam purissimam, austerissimam, & sanctissimam traduxisse, dicitur: quæ cum tactu sit aspero (quia rudis, & non elaborata) color albus, ad cinereum vergens in illâ vigeat, ad Meliam terram, à Dioscoride notatam, quam Melinum Plinius vocat, reduci posse videtur: seruat & CALCEOLARIUS elaboratam, lotionem nimirum parte tenuissimâ, vt perfectâ magis, à terrestri, & crassiore, vt impurâ, labeque infectâ, separatâ, atque hâc collectâ in pastillas redactâ: quæ candidissima est, non tactu aspero, sed molli, & leui, nec non quolibet morsu caret; vt ob eius tenuissimas partes, magis sit apta in pœnitiores corporis humani partes penetrare, idè non secus ac aliæ terræ medicatæ, præcipuè verò Terra Samia, Lemnia, Bolus Armenius, & inter tunc temporis vsitatas, Terra Iluana: pro sistendâ putredine in venis, ne ita facillimè Cor ipsum inuadat, inficiatque, in febribus pestilentialibus singularissimum, præstantissimumque erit remedium: vti etiam quia facultate frigidâ cum siccitate, & quapiam glutinositate, mista (linguæ namque, & hæc admota, adhæret) sit insignita, ad sanguinis eiectiones summè confert. Serpentium morsionibus virulentis, nec non cane rabido demorsis, infantibus quoque vermicatione oppressis mirabiliter succurrit: præ quâ potentiâ, Diuo Paulo Insulæ Tutano honos, & gloria attribuenda est, qui terræ huic, tantam vim impetrauit: vndè & Gratia Diui Pauli vocatur.

*9. de simpl.
med. facult.*

Nec videtur subticenda commemoratio Terræ illius, in colore Glebæ Armeniacæ à Galeno descriptæ, vti & viribus quoque haud absimilis, quam Cl. vir Petrus Antonius Ronchatus Ciuis Veronensis, Eques, & Serenissimi, ac Reuerendissimi CAROLI Archiducis Austriae, &c. Magni Prussiae Administratoris, & Episcopi Pixinensis, & Vvratislaviensis, &c. Consiliarius, & Medicus cubicularius, vt terra ob

ob insignes facultates, quibus in re medicâ pollet; præsertim aduersus morbos venenatos: per vniuersam Germaniam maximi nominis, & in summo cultu habitam, nuperrimè ad nos humanissimè misit. Hæc est illa terra è regione Slesianâ, quæ effoditur ex quodam monte, cuius color, dum Bolos enumerarem, est expressus, facultates autem, quas sibi à naturâ est acquisita Samiæ, Lemniæ, & Armeniæ terris non inferiores faciunt, qui in auxilijs medicis præstandis, illâ in dies vtuntur. Labet autem commemorare, quæ per literas conterraneus hic noster mihi significauit. flumen, vndique hâc terrâ in eius fundo plenum per Striconium, Ciuitatem præterlabi, vndè ei nomen Terræ Sigillatæ Striconiæ videtur impositum: ob quam vti etiam ob singularem, salutaremque illam Ceruissiam, gustui gratissimam, & in colore, vino fuluo æquandam, quæ ex hâc aquâ paratur, celebris vbique locorum est hæc Vrbs, dices namque hoc potationis genus bonitate, & præstantiâ cum terrâ illâ medicatâ decertare: ægrotantibus fœlicissimo euentu, præcipuè verò Tertianâ febre correptis, nec inuitis Medicis ad libitum exhibetur.

Terra, seu Gleba Alana, à regione illâ Alanâ, quæ nunc Valachia dicitur, nomen adepta, quòd huius terræ maximus sit eò loci prouentus: subdura est, intus nitens, extrinsecus in colore cinereo, & pallido aspera. Hanc Paulus Ægineta viribus in validissime exsiccando assimilem facit Terræ Armeniæ, & si eius notam minimè tradat: quoniam verò hodie artifices terrâ hac, quam Tripulim vocant, pro auro, & argento polliendo vti solent, ceticam illam terram esse crediderim, aut certè illi parem, quam Galenus quodam modo assimilem facit, Chiæ, Samiæ, & Selenusiæ terris, & cui inesse dicit vim extergendi, vt hac homines vasis argenteis sordidis splendorem recuperent.

Non est autem in terris hisce contemplandis sistendus gradus, sed vterius gressus sunt mouendi; extant namque in Musæo & alia terrarum genera, in rem medicam, & alios vsus accommodata: Terram videbis fossilem ex Collibus Beatæ Virg.

9. de simpl.
med. facult.

Terra Mo-
deuca.

Terra Iuliacensis.

Terra Rusina

Terra Saponaria Ripensis

Terra Saponaria Schiava

Terra Puteolana.

Virginis Montis Vessuli, non longè à Vici ditione, erutam. dices Rhabarbarum in colore æmulari. in hac enim vti in vnum corpus, violaceum, flauum, & album colores in mixtione conspirasse clarè dignoscitur, quæ cum venenis, & febribus ab humorum prauâ qualitate ortis proprietate innatâ aduersetur, Bezahar ille fossilis Antiquorum nominari non incongruè poterit: Est & alia terra eodem loco effossa, mollis, & friabilis, linguæ adhærens, & in colore candicans: Vt & alia coloris albi, quæ tamen maculis purpureis vndique conspersa cernitur, consistentiæ raræ, siccam, & friabilem se commostrans, ita vt digitis tractata, quàm facillimè in puluerem reducitur, linguæ, & hæc adhæret. Seruatur & Iuliacensis terra pinguis mollis, & coloris subfusci, nec non hæc eadem in Bolos formata, ex luteo colore ad quamdam albedinem accedens: bezaharicâ & hæc insignita virtute: attendere etiam datur Terram quamdam non ita cuius notam (rara namque est) in colore candidam, cui tamen quicquam cinerei coloris admixtum est: ex Galatiâ Regione citerioris Hispaniæ in opiparum hoc Musæum demandatam: Rusinam vocant Incolæ; quâ in puluerem redacta, & aquâ perfusâ pro Spilothro vtuntur mulieres illius Regionis ad detergenda vitia cutis in facie existentia, vt caro glabra, leuis, nitidaue reddatur. extergendi namque vim habere, cum adstrictione quadam, gustanti patet. Terra seruatur Saponaria pinguis, coloris cinerei, tangentium manus veluti vinctuositate quadam inficiens, ex quodam Monte effossa, non longè à Ripa, oppido districtus Tridentini, quâ Incolæ Saponis loco pro expurgandis pannis vtuntur: Vt & alia terra candida Saponaria ad eluendas vestimentorum maculas apta: ex qua etiam vasa Fauentinis pulchritudine, & bonitate equanda, fiunt, ex Agro Vicentino, propè Schium oppidū. Terra Puteolana lutei coloris, ex quâ Sulphur scatet, & cui Auripigmentum innatum cernitur. Terra pariter Puteolana, cinereo colore Tutiam officinarum emulans, quæ tamen veluti guttulis eminentibus, & inæqualibus conspersa temporis tractu

tractu in lapideam duriciem est compacta. Terra crusto-
sa, non Chalchanti expers, in quâ etiam Alumen in mistio-
ne concreuit ex Agro Puteolano. Terra & alia crustosa
in quâ Alumen colore candido, & Mysi aureo colore ef-
flescere conspicitur ex Leucogheis Collibus in agro Cam-
pano, inter Neapolim, & Puteolos.

*Terra Len-
coghoa.*

Prænarratis terris; ordinis ratio exposulare videtur, vt &
terra illa fossilis subiungatur, quæ ob concoctum à calore
subterraneo humorem, rubentem, & sanguineo proximum
cum habeat colorem, *Μίλτος* est Græcorum, & Rubrica
à Latinis nominatur. quæ & si anteaâis sæculis, in Cap-
padocia, Lemno, Africâ, & Balearibus Insulis optima ef-
foderetur. nihilominus Sinopis à Dioscoride singulis ijs *Lib. 5. c. 71*
præfertur: hoc nomine dotata, quia primùm in quibusdam
Cappadociæ speluncis collecta, mox purgata, in Sinopem,
Ponti Urbem, aduecta, eò loci venalis fieret, vnde Celsus
Minium Sinopicum vocat: hoc idem affirmare videtur Stra-
bo, inquit, In Cappadociâ nasci eam, quæ Sinopica. *Geograph.
lib. 12.*
Rubrica dicitur, omnium optima, quæ cum Iberiâ decer-
rat: idcirco Sinopica appellatur, quod eam mercatores eò
deferebant, priusquàm Ephesiorum Emporium tam celebre
esset: Galenus verò Sinopim optimam esse dicit, quæ in *Lib. de simpl.
medic.*
Lemno Insulâ inuenitur, subiungens: adhuc optimam di-
ci, cuiuscumque loci erit, si benè fuerit cocta, quæ etiam
notæ Sinopica, vt maximè probatæ à Dioscoride attribu-
untur, quæ sit rubicundissima, spissa, & grauis, sibi tota
concolor (quia in concretione non ex pluribus similibus
partibus, sed ex singulis constet, ita vt vnaquæque pars
Rubricæ sit Rubrica) sine lapillis sit, & cum diluitur, & si
ex vnâ tantum micâ paretur, plurimum humoris in simili-
tudinem sanguinis diffundat: Plinius Sinopica tres vide-
tur constituere differentias. Rubram, minus rubentem,
& inter has mediam, quæ præfertur omnibus, quia minus
adulteraretur, & ob id *δυσάρεστη* eam vocari, Theophrastus
prodidit, quasi dicas suâ bonitate contentam, nec cum
quappiam aliâ re mistam: quam vero seruat *CALCEOLARIUS*
S non

non ad officia materialia obeunda, sed præcipuè ad auxilia medica præstanda, ex Ponticâ Regione transmissam, non crediderim, cum illius vsum iam defecisse constet (& si non desint Viri, qui scriptis attestentur, legitimam Rubricam Sinopicam apud illos exstare, (quibus, vt in suo abundent sensu, lubens acquiesco) hoc vnum dicam, Terram hanc, non ex Germaniæ fodinis esse, nec minus ex Illiâ, Liliôve Insulis, è quibus locis probatissima, atque aduersus venena, & febres pestilenciales laudatissima effoditur, & quâ etiam Musæum CALCEOLARIUM abundat; sed ex quo loci Climatis Orientalis sit aduecta, nihil illâ adulterinum, confictumve spirare, quinimò easdemmet conditiones habere, quæ à Dioscoride, & Galeno optimæ Rubricæ impenduntur. vt non immeritò & hæc, per excellentiam, Rubrica Sinopica, vel Lemnia nuncupari possit. Vis ex Dioscoride huic inest exsiccandi, obstruendi, & astringendi, idè Emplastris vulnerarijs, & pustulis, exsiccantibus, & astrictorijs adhiberi notat. aluum sistere, aut in ouo sumptam, clisteribusve infusam, dicit: & iocinoris vitio laborantibus dari consulit, illis nempè, quos, ob huius visceris imbecillitatem, morbus infestat, etiam si nullâ adfuerit phlegmone, & in proprijs actionibus debilitatur iecur, ita vt excrementa deiiciantur, qualia sunt alui sedimina, loturæ carnis recens macratæ similia: in hunc finem; vt viscus debilitatum præ cæteris hâc terrâ roboretur, & excrementa hæc fluida sistantur. cuius etiam facultatem exsiccantem, & astrictoriam optimè nouit Galenus, qui recolens ab Andromacho ad sanguinis reiectionem præscripta, Sinopicam pro Lemniâ accipi posse scribit.

3. de comp.
medic. s. loc.

Rubrica fabrilis, causâ nominis patet, quia hæc, vti etiam subsequenti, Fabri Materarij in aquâ soluta, ac fillo illâ imbuto pro lineis designandis vtuntur, cuius vsus est etiam apud pictores: Hæc Legum Tituli notabantur, vnde Persius.

Satyra 5.

Excepto quod Mansuri Rubrica notauit.

Et

Et Columella dicit, omnes arbusculas, prius quàm transferantur, Rubricâ notare, conuenire, vt cum ferentur; easdem Cœli partes aspiciant, quas etiam in seminario conspexerant, alioquin frigore, vel calore laborabunt ab ijs partibus, quas præter consuetudinem sub alio tractu expofitas habuerant. Hæc mollis est, & friabilis, nec non bolo Iecoris colore officinarum rubicundior, ad omnia tamen Sinopide inferior. quod genus, illi Rubricæ par esse poterit, quam Galenus, vt superius quoque est annotatum, in Lemno Insulâ effodi memoriæ tradidit, plurimum tamen à Lemniâ Sphragide differre, scribens; non enim hæc, vt illa, ob deciduam materiam tangentium manus fordescent: huius generis terræ varijs è locis tunc temporis ad nos transportantur. vt quæ & molles, friabilesque sunt, & duræ, hæc Saxum à Georgio Agricola (ob duritiem fortasse) nuncupata, cui color non ita intensè rubet, & quæ non nisi aquis madefacta, manus inquinat: dices, illam esse, quam Plinius minùs rubentem vocat: Ager quoque noster Veronensis Rubricam fabrillem, & pictoribus aptam, habet in macritudine, & duritie saxo sanè æquandam, quæ tamen, & si aquâ non diluatur, manus suo colore inficit.

*Lib. de arbor.
cap. 17.*

*Lib. de natu-
ra foss.*

Loc. cit.

Rubrica non certis locis procreatâ, & indè fossa, sed arte elaborata, ex Ochrâ nimirum vsta in Rubricam degenerante, cui color quasi dilutus cernitur. hæc tamen & Fabris lignarijs, Pictoribus quoque usu inseruit.

Terra illa fossilis, quam Græci *σχην* dicunt, quòd ex humoris concoctione, & tinctura siccitatis medio luteum, croceumve colorem in propriâ venâ acquisuerit, à Plinio, dum pigmenta recenset, Sil vocatur. Latini aptissimè luteam vertere, appellareque potuissent, ni utroque nomine, Græco scilicet, & Pliniano illam cohonestare maluissent: Atticam sanè non habet CALCEOLARIUS (id namque fatetri mendacium spiraret) cum illius vsus tempore, quo Vitruuius vitâ frui dabatur, sic hoc Auctore dictante, iam exoluerit: nec aliam inter præstantissimas, & probatissi-

Lib. 35.6

Lib. 7. cap. 7.

mas seruare est in votis, quàm illam, quæ ex Agro nostro Veronensi è propriâ fodinâ, non procul à Cœnobio Sancti Leonardi extra Urbis mœnia, quò loci Canonici Regulares Lateranenses summâ cum religione, & gentium applausu, vitam Deo gratissimam agunt, copiosissimè effoditur: hoc autem factum sciat Lector, vt cuius innotescere possit, Veronense nostrum Solum, ob Celi clementiam, res bonitate, & præstantiâ cæteris alijs æquandas, procreare, nec non innumeris rebus, & ijs scelestissimis abundare, quas non ita facîle quamplurimis alijs in locis reperiri datur: Huius terræ duo visuntur genera, Alterum quod ex crustis compactum videtur, & cuius crusta, vt ferri lapidibus annata, ferrugineum æmulatur colorem: Aliud vero, quod & si crustaceum, croceo vndequaque vegetat colore: Vtrumque tamen friabile est, quamuis non nisi difficillimè teri possit (fortè ob lentorem illum à Plumbo, vnde nasci videtur, acquisitum) non lapidosum, & læue est, modiceque astringit: Pictoribus hæc terra non modo est in vsu, vice etenim Auripigmenti, cum nihil in colore ab hoc differat, eâ vtuntur. Sed & in re medicâ suas expandit vires: cum etenim acrimoniâ quadam sit prædita, ita vt guttum commouere soleat, vt plerumque aliæ terræ, quas multus calor subterraneus adedò exsiccauit, vt adustæ postmodum videantur: de substantiâ pariter metallica ignea, plumbeâ præsertim participet (reperitur namque ferè semper in plumbi fodinis, ita vt ex plumbi fumo, qui luteus est, ortum trahere videatur:) ob id Dioscorides facultatem huic inesse scribit astringendi, exedendi, dissipandi collectiones, & tubercula, reprimendi excrescentia in carne, caua explendi cum cerato, & articulorum tophos comminuendi: & hæc omnia extrinsecus tantum adhibita: Galenus pariter Ochram ipsam inter illa medicamenta, quæ & vrinam prouocare, & quæ callosas, siue tophosas constitentias incidere sunt idonea, enumerat, illam incidere, sed minimum caloris possidere, asserens.

Ochra

Lib. 5. c. 68

5. de simpl.
med. facult.
cap. 13.

Ochra natiua crocei coloris, quæ pro parente, & genitore lapidem ex ferreâ materiâ sibi elegit. ex Syluâ Cutianâ districtus Veronensis: Villulâ amœnissimâ Illustrium, ac Nobilium Dominorum ex familiâ Allegriâ, generis nobilitate antiquissima, clarissimaque.

Ochra lapidi plumbario annata, ex Boëmiæ fodinis.

Ochra facticia in purpureum demigrata colorem, quoddam candens, aceto sit extincta, ac tandem vsta reddita, talem fuerit adepta colorem.

Ochra facticia plumbaria, pictoribus in usu: ex plumbo nigro in ampulam vitream oblongam coniecto: postmodum in fornace chymistarum imposito, vique ignis tandiù cocto, donec in Ochreæ colorem transferit.

Antequam autem hic subsistam, placet, vt quid maximum. & pio Christiano dignum breuiter recensere: Archetypus in Musæo nostro summo cum honore, & cultu custoditur, Sanctissimi Sepulchri, ex lapide candidissimo è Monte Gioneruto, mirabilique artificio elaboratus, ex cuius inspectione, pro vt tunc temporis summè suspicienda Sacratissima, hæc arca, Saluatoris CHRISTI receptaculum, iaceat, quiuis attendere potest. Hanc ob magnam testificationem amoris erga me sui, nuperrimè mihi donauit Reu. admodum P. GAUDENTIVS, ex Nobili familiâ Saibantâ, Veronâ: Religionis Franciscanæ de Obseruantia Guardianus, & Commissarius Apostolicus Sacri Montis Sion, à Mauris & Turcis Rais communiter dictus. cui à Beatissimo PAVLO Quinto commissâ fuit cura rerum omnium Terræ Sanctæ, quæ ad Rempubicam Catholicam spectarent; quæ singula (& si non sine euidentissimo mortis periculo, ob supplicia, ac patibula sæpè sapiùs à Turcis palàm facta, pro expillandis pecunijs) pijlimè, intrepidè, vt tanto, & singularis vitæ Sacerdoti par erat, in impiorum contemptum, trium annorum spacio summâ cum laude in DEI gloriam, perfecit.

Terra

Terra an potius Argilla Betelemnica p̄enes me est, ex specu illo effossa, quo loci Gloriosissima VIRGO cum IESU vni- co filio abscondita pr̄ timore mansit, vt Herodis immi- nentem persequutionem euitaret. Hæc in colore candi- do ad Roseum parum vergit, modicè est arenosa, quia- aquæ ablutione non est purgata, gustanti glutinosa non- apparet, nec minùs aspera. Extant quoque apud me ex hâc eadem argillâ, rotulares glebæ, in quibus effigies Cru- cifixi CHRISTI, & resurgentis sunt impressæ, nihil are- nosum habent. multis namque aquis, vt retulit Reueren- dus ille Pater, ablui solet hæc argilla, quæ pars est petro- fa, abiicitur, subtilior, vt lac alba, seruatur, ex quâ post- modum simul cum quibusuis alijs eius Regionis sanctissimis petris, in puluerem subtilissimum redactis mixta, hosce- sanctuarios parant: Et hæc de terris ipsis maiori qua po- tui breuitate dicta sufficiant,



VI succi concreti è Terræ matris visceribus ef- florescentes, humore tamen ob rarefactionem, & attenuationem solubiles, non insipidi, sed qui ex exustâ terrâ à calido, & sicco cum sint passi, saporum formas euidentis habent, industria-

CALCEOLARIA in hoc scelectissimarum rerum naturalium Enchiridio non indistincto ordine ad proprias Classes sint repositi; post terrarum tractationem pennicillo medico de- lineandi meritò veniunt, vt Sales, Nitra, Alumina, Sul- phura, & Bitumina: qui autem succi ijs sunt cognati, vt Vitriolum, Sandaraca, Auripigmentum, Chrysocolle, & similes, cum magis prænaratis naturæ sint metallicæ, & certè plus de eâ participant, dùm in propriâ sectione cor- porum metallicorum fiet mentio, lubentissimè explicabun- tur: Placet autem, vt condimenti aliquid ad mensam hu- ius secundæ Sectionis apponatur, quò legentium animi magis,

magis, ac magis legendi auiditate, appetituque excitentur, nec non ab Aristarcheis animis, in alienis scriptis iudicandis, putridâ labe infectis, Nomēclator hic noster vindicari possit, à Salibus tam à natura generetis, quàm arte spagyricâ elaboratis exordiri: Quod sanè succi genus (simplex præferim, & crudum, rei que cibariæ accommodatum) ut aliquid etiam (laconico tamen stillo) de huius viribus, & emolumentis dicatur, & si ab Ægyptijs Sacerdotibus (referente *Hieroglyph. lib. 31.* Valeriano nostro) ob puritatem, & vitæ abstinētiā, quas res in primis adamabant, ut cuiusvis nequitiei irritamentum, summo studio reijceretur, & aduersaretur, ita ut pane quoque insulso vescerentur; cum ob illius innatam caliditatem, acrimoniam, & mordacitatem, irritare libidinem, seminalemque vim expergefacerē feratur. (vnde Venerem è Mari elemento falso ortam fingunt Poētæ, ut sub hoc inuolucro salis vim genitabilem proponerent) & appetitum cum nutrimenti concinnitate prouocando, magis bibuli, & voraciores reddi possent, ac ob id ad ea exequenda præter voluntatem magis proni, quæ vitæ puritatem sibi præscriptam, & castitati destinatam inficere valerent: nihilominus (modo tamen immodicè non summatur, esset namque venenum, ut tradit Sanctus Augustinus) ut Balsamum naturæ radicale summè expetendum veniat: & hinc benè sapientissimeque à celeberrimis Auctoribus literis promulgatam auream illam fuisse sententiam crediderim: totis nempè corporibus nihil esse vtilius Sale, & Sole: in ijsque contineri omnia, non quæ ab illo excrementitio, sed à viuifico Balsamo naturæ vniuersali pendent, cum ut notat ex Arabum stirpe Geber, in cœlesti hoc corpore, quod veluti Rex lumine, magnitudine, & pulchritudine quoscumque alios Planetas præcellit, ac in eorundem meditullio, tamquàm in trono sedens, omnes illuminat, virtutemque illis ad inferiora quæcumque disponenda distribuit, omnes naturæ vires, quasi in proprijs laribus, & fonte perenni reconditæ videantur: præ enim huius regia potentia in subiecta corpora elargita, germinant, & crescunt Plan-

*De moribus
Manich. lib.
2. cap. 8.*

ta

ræ, lapides, & mineralia ipsa suam suscipiunt generationis
 formam, & ad incrementum perficiuntur, nihilque sub hoc
 cœlesti globo videatur procreatum, quod Solis medio ad
 eius naturalem incrementi formam non reducat: vnde
 malè à veteribus illis actum non est, qui proprio Elogio
 Solem ipsum Cor Cœli nuncuparunt: Quemadmodum enim
 in corpore humano Cor facultatis vitalis est Domicilium,
 vitæ principium, fons caloris, & viuifici Nectaris, arteria-
 rum scaturigo, pulsus & respirationis primus auctor, quo
 vigente vigent omnia, & singulis membris, diffiantibus
 spiritibus vitalibus, motus, & vigor impertitur, nec non
 illo languente, quæcumque languescunt, intereunte inte-
 reunt. Solis pariter vires si contemplabimur, Cor Cœli
 nuncupandum esse non immeritò dici poterit, cum tamquàm
 omnium virtutum elementarium Dominus, in medio Pla-
 netarum Regiam sedem habens, per vniuersam naturam
 suos spargat, & infundat micantes radios: quod etiam de
 Sale ipso rectè exprimi potest: quis enim tam stolidæ erit
 mentis, crassæq; Mineruæ, qui proprietates, qualitatesque,
 vt ita dicam, virtuales ipsius Salis speculando, hoc vnum
 non attestabitur? Lege sit illi hac sancitum, Lucretium
 Clarum, sublimem inquam illum Poëtam, à remediorum
 multitudine Panaceam nuncupasse, nec ineruditè: sicuti
 namque Panaceæ nomen, & si multis plantis commune,
 quod neque facie inter se se, neque viribus similes sunt,
 magnæ tamen ad morbos commendationis existant, & vt
 Plinius, omnium morborum remedium promittant, à rās;
 & ānos: deducta etymologia, idest ab omni medella, seu
 remedio nuncupata, pariter Sali ipsi, quod multis polleat
 viribus, pro præseruatione, & tutelâ corporum animan-
 tium, non immeritò Panaceæ nomen videtur attributum:
 ommittam breuitatis causâ, ne rem hanc Theologicè tra-
 ctare videar, quanti in Sacris literis, Salis nomen expen-
 datur, & quid sub huius symbolo denotetur. Extant, præ
 cæteris in Leuitico (vt innumera alia loca Sacræ Scripturæ
 subtriceam) vbi de oblatione Sacrificiorum sermo fit, hæc
 verba.

Lib. 25. c. 4.

Cap. 2.

verba. *Quicquid obtuleris Sacrificij, Sale condies, nec auferes Sal fœderis Dei tui de sacrificio tuo; in omni oblatione offeres Sal;* habeat præterea ineruditum, Bœoticumque hoc genus hominum, Salis usu ne dum corpora humana, sed & bruta animalia, vt Boues, Pecudes, & alia ad cibum appetendum maximè prouocari, colliquefcit namque Sal assumptus, ac in ventriculo ipsiusque ore imbibitur, & impingitur, postmodum partem hanc sensilem admodum, vt puta multis neruis refertam, eius acrimoniâ alterando, ad suctionis illud munus obeundum irritat, ac prolestat, cuius medio indigentia tempore pro animalis nutritione, & conseruatione cibus, & potus exoptatur, omne stomacho insuaue, infuetumque, suaue, & nutritioni aptum faciens: innatâ etenim vi, tamquàm anima superueniente, obsonijs gratiam, & voluptatem conciliat, vt indè à plerisque *χαρίτην*, idest gratia nuncupetur, quod pluribus interfitus, vt omnium condimentorum condimentum iucundissimum, gustui sapida reddat, & grata, necessitatem cibi in suauitatem conuertens. ex quo dicendum, nec præter rem, videtur, sapores ipsos, vt sensum adficient, ita Sale opus habere, vt colores lumine: Hoc corpora præseruantur, & conseruantur, dissoluendi namque, & abstergendi virtutem cum habeat, impuritates illas morbias, siue à cibus, & compotationibus, seu à quauis aliâ causâ prouenientes, quæ vt sanitati nociuæ, humanam familiam non sine molestiâ deturpare, ac perturbare sunt aptæ, auferre, & purificare valet, quod in dies de aquâ salinatiuâ pro tumoribus, & inflationibus etiam hydropicis absumentis comprobatur. humiditatem naturalem, vt naturæ humanæ maximè conducibilis, coadiuuando, ac in propriâ simmetriâ seruando; quicquid enim ex Galeno in corporibus humidi excrementitij inest, id quodammodo abstergendo, & desiccando absumit, & quod reliquum est solidæ substantiæ adstrictione contrahit, adeò vt corpora ipsa cogat in sese, ac condenset, illa eadem à putredine incorrupta seruando, & tuendo: proinde qui humores putridi, ac corrupti in corpore existunt

*Lib. 3. de aliâ
ment. facult.
cap. 4. 1. &
11. de simpl.
medic. facult.*

T

stunt

*Lib. de aere,
aquis, et locis*

*Lib. 5. sympo-
siorum qu. x.*

*In Mattheo
cap. 4.*

stunt huius vsu consummuntur, & siccantur, substantiam naturalem partium, quibus erant impacti, depurando, ac in proprio statu conseruando: non tamen dixerim in febris putridis conuenire, tùm quia calidus, (præcipua namque harum indicatio, ad hoc vt contraria contrarijs curantur, refrigeratio ipsa ratione febris, & exsiccatio ratione putredinis esse debet, quæ tamen siccitatis moderatum gradum non transcendat) tùm quod etiam exsiccando indurat viscera, ac ita prohibet euentatione, transpiratione, caloris illius diuini, & cœlestis, quem Prometheus à Cœlo furatum fingunt, vt hominem vita donaret, magis ac magis in visceribus intenditur putredo ipsa, calori febrili, vt foci patella, fomitem putredinalem continuò subministras: Quod autem Sal ipse exsiccando induret viscera, Senex ille venerandus, inter Coos admirandæ gloriæ, experimento sumpto ab ijs, qui aquas salvas bibunt, & quorum corpora quàm facillimè hac ratione indurantur, hoc nobis scriptum reliquit. Tantæ præterea virtutis est in abstergendo, abluendo, siccando, & putrefactione remouendâ, vt nedum in corporibus viuentibus carnes putridas corrodat, purum ab impuro ob facultatē innatam depurando, quantum enim dissoluit, tantum consumit, ac ita putredinem generatam calore, & siccitate annihilat, præcipuè verò quando est exustus, tunc enim maximè resistit putrefactioni, maiorque, & efficacior vis illi inest in desiccando, & in mundando, ac ad interiora penetrando: quinimo & conditurâ suâ, corpora & ipsa defuncta putredinis secura, à putrescendi labe ligat, & adeò conseruat, vt durabilia adseruans aliquantulo tempore interitui resistat, neque patiatur id quod mortuum est, penitus aboleri; Et vt Cheronensis Plutarchi verbis utar; *Quemadmodum anima, nostrarum rerum diuissima, defluere non sinit molem animalis, sed eam continet; ita Salis natura imitatur animæ opus, dum cadauera arripiens, id quod ad interitum vergebat, constringit, atque cohibet, partibus quandam inter se concinnitatem, amicitiam atque indens.* Hoc idem perbellè fatis à Beato Hilario Pictauiense est expressum, Sal
(in-

inquiens) est in se vno continens aqua, & ignis elementum & hoc ex duobus est unum; hic igitur in omnem usum humani generis effectus, incorruptionem corporibus, quibus fuerit aspersus impertit. Salis natura eadem semper est, nec immutari unquam potest: Vnde mos apud Aegyptios esse consuevit, mortuos quò longissimo tempore durare possent, Sale condire. O diuinum Homericum Balsamum, tanta dignatione meritò decorandum. Sed quid? non nè tam intus assumptus, vt & ad exteriores corporis partes applicitus Sal ipse corporibus praesidium impendens, ventositates viscera animantiū infestantes extenuat, & diuendit? maximè si puluerizatus, & coactus, calidusq; supra orificiū vetriculi sacculi modò apponatur; ne ab ijs partes tentatae, ad discrasia, intemperamētūve aliquod reducantur? ac ita dolorosæ, morbosæq; euadant? certè quidem. Vt & ventrem emollit, corporisq; superfluitates, eius acrimoniā facultatem expultricem irritando educit, vt videre præ cæteris est de aquis illis Thermalibus, quas succus falsus naturaliter imbiberit: quod etiā expresse nobis significauit Galenus, qui falsum saporem lauare, *Lib. de oculis* & mundare scripsit, qua occasione aluum quoque deijcere notauit: & alibi, *Quæ saporem quemdam nitrosum, aut sal-* *Lib. de attenuante viâ. nat. cap. 3. lib. 3. d. med. facul. cap. 15* *sum habent, & incidere, & quoque eorum plurimum aluum deijcere* dixit, qua motus ratione, Conchularum Maris, coetorumque Ostreorum succum planè tùm falsum esse, tùm ventrem soluendi vim obtinere, & si earum caro ventrem reprimat, nobis demonstraui. Venenoso pariter resistit humori, vnde ex Auicenna cum melle, & vuis passis, aut *Lib. 2. trac. 2. cap. 616.* dipe suillo mistus, sanat Antracem, ad puncturam Scorpionum, cum semine lini in modum emplastri compactus valet, vti etiam ex melle, & Hysopo emplastrum formatum, ad morsum Cornutæ prodest, & ad quamplurima alia, vt legere quoque est apud Dioscoridem: Galenus similiter *Lib. 5. c. 85. Lib. 2. ad Glauicum cap. 9.* modum edocens curandi Gangrenas, affectiones nimirum illas, quæ magnis inflammationibus superuenire solent, ob quas corrupto calore partis affectæ, mortificatio eiusdem partis sequitur, ita tamen vt hæc emoriatur, nondum autē

Lib. 1. de tu-
enda. fan. c. 7

Primaprimi

Ex cōment.
in Ezechielē
cap. 16.

fit emortua, (esset namque sphacellus) si fortiora medica-
mina, præter eò loci annotata, applicare volumus, Sal, vt
quid efficacioris virtutis, adijcere consulit. Lubens in hu-
ius Balsami naturalis præexcellentissimis operationibus e-
numerandis acquiescam, modò prius, (vt quid non sine
commemoratione prætereundum) mos ille abluendi infan-
tes Sale, vbi primum in lucem prodierint, legentium ocu-
lis subijciatur. Galenus agens de ratione tuendæ valetu-
dinis infantis, & cur Sale sit hic inspergendus, hæc habet:
*Ergò recens hic natus infantulus, cuius corporis constitutio omni
notâ vacat, primum quidem fascijs deligetur, sed corpori prius to-
ti Sale modicè insperso, quo cutis eius densior, solidiorq; ijs, que
intus sunt partibus reddatur; in utero enim æquè cum reliquis
mollis erat, cum nec durius vllum externum corpus inibi contige-
rit, aër nec vsquam illi frigidus inciderit, &c.* Auicennas quoq;
Festinandum (inquit) vt infantum corpuscula perluantur aqua,
in qua colliquatus sit Sal, vt occalescat umbilicus, atque item
cutis, ita tamen vt non contingantur nares, aut os: cur verò sic
faciendum asseruamus, ratio est, quoniam mox editum infantem ob
nimiam teneritudinem omnia infestant, quo nomine semel, bisq;
Sale abluere persalubre est, præsertim si extuberet sordibus, &
nimio plus se se promat humectatio: cuius rei, & Sanctus Hie-
ronymus immemor non videtur, cum dicat, *Corpora dum
adhuc uteri calorem tenent, & primo vagitu laboriosa vita te-
stantur exordia, solere ab obstetricibus Sale contingi, vt sicciora
sint, & restringantur:* Hæc breuiter de Salis emolumentis
perstringere placuit; quis plura, probatissimos perlegat au-
ctores, qui diffusiore calamo rem hanc disertè admodum
tractarunt. Cæterum quis succus, salis qualitatibus partici-
pans concretus tamen, primo intuitu describendus venit,
non certè est ex aquâ maris, vel è fontibus, aut è cineribus
compactus, sed Sal ille est fossilis, quadratæ figuræ, adèò
pellucens, & CrySTALLI instar transparentis, vt à Daciæ po-
pulis, qui nunc Valachi dicuntur, (quo loci huius maxi-
mus est prouentus,) Gemma, ob perspicuitatem ab aqueo
humore emanantem, vocetur, (& si hoc genus Salis alijs
quo-

quoque ex regionibus ad nos transportari soleat) in substantiam hanc falsam concretus, quod aqua terram illam, quæ à calido, & sicco est admodum passa, ac ob id ignis vestigium in se retinuerit, per eiusdem terræ sinus lambens, reddita sit falsa, ex cuius exhalatione, & vaporacione, refrigerata, terræque illi aglutinata, corpus hoc fossitium, falsum, densum tamen, & veluti in lapidis substantiam sit generatum: non secus ac mare ipsum reddi falsum tradit summus ille Peripateticorum Coryphæus, quia Sol tenuiores aquæ partes extrahens, & in vapores effundens, crassiores veluti torret, atque adurit, quæ vnà cum crudioribus ipsius aquæ partibus permixta falsedinem efficiunt; pro cuius probatione, aquæ per cineres colatæ exemplum affert: uti etiam videre datur in animantium corporibus, potabili humore ingesto ad nutriendum, falsam reddi, quæ in vesicam corruauerit superfluitas, nec non sudores, qui ad cutem deriuant, falsuginosos apparere, cum ambo hæc excrementa aliud non sint, quàm ciborum superfluitates falsæ; quoniam in eas vrens calor agit, qui si fuerit excellens, plusculumque illæ sint excalefactæ, etiam amaræ euadunt. Sal hic, præterquàmquod & difficilior soluitur, ob substantiam magis compactam marinis, & lacustribus salibus, qui facilius liquantur, quòd rarioris, & tenerioris sint substantiæ: quia etiam cæteris adeò vehementius concretus est, ut latens humor in se totus compressus, iam quasi lapis indurauerit, igneæ actiuitati resistit, ita quod igni iniectus, nec crepitum mouet, nec diffilit, sed sua conspissatione, & duritie pertinax, ut ferrum ignescit, qualis apparet etiam Salis Agrigentini, & Tragufæi illa species, de qua Solinus, Plinius, & Isidorus; quod mirabile est, & contra naturam ferè omnium Salium, qui ex eo præsertim, quod ab igne exiliunt, à saliendo nomen sortiti sunt, quamuis enim igneæ naturæ sint, ex igne tamen refugiunt, & resultant, quod eâ de causâ fieri censuit Philosophus, quia paucitas humoris contenti ab actiuitate caloris mox in spiritum conuertitur, vnde impetu quodam violento exiliens Salem dirumpit,

lib. 1. Meteo.
cap. 3.

Cap. x.
Lib. 37. c. 7.
L. 14. c. 6. &
Lib. 16. c. 2.

Proble. sect.
11. probl. 26

pit, & frangit, omne autem id, quod resistantiam aliquam habet, & celerrimè rumpitur, in schidias dissolui, & crepitum mouere solet: quod præsertim de Salibus illis intelligendum crediderim, qui digitis compressi, vt sunt marini, & id genus alij, quam facillimè frangi, & quasi in puluerem cogi possunt, nec in ijs duricies vlla densa, ac quasi lapidea redundat.

Sal & alter in glebas à naturâ constructus, ex Pannoniæ fodinis huius locupletibus admodum effossus: qui præstantiâ solidâ, temporis aliquo progressu, sic naturâ dictante, adeò compactus ex humore condensato cernitur, vt lapidescere dicatur, nec non ob insignem luciditatem, quæ se veluti transparentem vndequeque demonstrat, non infimos, quinimo pares cum superiori gradus meritò habet: vnde Sal Gemma ob perspicuitatem, & hic est officinarum: Qui sanè ob facultates innatas, vt natura est omnium Sallium, diuersis rebus pro animantium corporibus præseruandis accommodata, haud paucas uedicamentorum compositiones, non tamquam horum idea, & basis, sed vt quid coadiuuans, ingreditur, quæ pro varijs profligandis morbis corpora humana infestantibus, lege artis in dies à Seplasarijs fabrefiunt: pituitam namque vitream, & humores illos, qui ob eorundem tenacitatem, visciditatemque non nisi difficillimè è corpore educi possunt, absque vllâ noxâ euacuat: cum agarico mixtus, confert vertigini; Pectus, & ventriculum ab excrementis immunem reddit, vt omittam, doloribus ipsis leuandis esse aptum, qui etiam, mordicando intestina, mirabiliter cooperatur, indurata resoluendo, & superflua expellendo. Extat in nostro, manu propria, non sine labore, & industriâ, conscripto rerum singularium Antidotario, in dies longo usu, & experienciâ ad varias ægritudines comprobatarum, compositio quædam efficax admodum ad dissipandam luem Gallicam, potissimum verò ad dolores illos remouendos, qui ob seuissimum hoc inquinamentum, miseros languentes die, noctuque atrocissimè infestant: in qua præter quædam alia ingredientia, maior pars

pars dosis, & vis huius medicamenti, in sale hoc consistit. Ne verò, antequam ulterius progrediar, vllus relinquatur admirationi locus, quod dixerim, Salem ipsum natura solubilem, in duriciem lapideam, ac si à genere decidat, terminare: attendat obsecrò beneuolus Lector, quæ ex probatissimis auctoribus in re propositâ, non sine animi oblectamento, perlegi: extat Plinij auctoritas in sinu Capeo Arabiae maris Oppidum Gierra turres habere ex salis quadratis mollibus. Nec non Carrhis Arabiae Oppido muros, domosque, ex massis salis fieri aqua ferruminantes, alibi tradit: Isidorus etiam admirabilem hanc salis naturam hisce verbis descripsit: (inquiens) *Salis montes natui sunt, in quibus ferro caditur, ut lapis renascens in agris, tantæ alicubi duritiei, ut muros, domosque massis Salis faciant, sicut in Arabia.* Et Solinus: *Amantes (dicit) gens Aphrica Salibus domos extruunt, quas, in modum cautium è montibus excitatas, ad usum ædium camentitijs neccunt struibus, tantaque ibi huiusce venæ copia est, ut tecta faciant ex Salinis.* Sed veterum auctoritates, probatissimas tamen, omittamus, nec sit præter rem, quò magis veritas eluceat, & recentiorum testimoniationes proponere: scribit Olaus Magnus, & hoc oculata fide attestatur, in Polonia montes profundissimos Salis, præsertim in Vielisca, & Bothna esse, in quorum specubus subterraneis altè, latèque excauatis, à laboratoribus nudis ob calorem, ferreis instrumentis opulentissimum Thesaurum Salis eruitur, veluti aurum, & argentum ex mineris inexhaustis: quæ res Martini Cromerij auctoritate comprobatur, qui in descriptione Poloniae. In minori Polonia (dicit) *Salem, instar ingentium saxorum, adeò duritiæ lapidea solidum ferro excindi, ut ne dum mola terratur ad hominum usum, sed & ex illo domos, templa, & oppida edificari.* at quò hæc nostra oratio præter institutum diffunditur? his ommissis ad reliquas Salium species describendas sermo hic noster vertatur.

SAL fossilis ita pellucidus, ut Crystallum in nitore, & colore imitetur, ex Salis fodinis illis, quæ in Calabria exant, eru-

Lib. 6. c. 28.

Lib. 31. c. 7.

Lib. 17. c. 2.

Cap. 30. morab.

Lib. 33. c. 5.

Lib. 1.

erutus, quo loci Sal Gemma, vt superius annotati Sales, nuncupatur: adeò præcellentis dicitur hic Sal in re medicâ esse virtutis, vt audiam, medicos, qui artem summâ cum laude in regione illâ exercent, pro Sale Ammoniaco in huius defectu, vti.

SAL fossilis ex alpihus Oeniponticis: in cuius corporis compagine albedo lucens intuentium oculis se se offerens & si prædominari videatur, succum tamen inebriatum, ac si Amethystinam gemmam, in colore refert, naturaliter in eius concretionem cognationem quadam sibi adiunxit.

SAL fossilis figurâ, & formâ, colore quinetiam flauo quo est infectus, frustum mali Cotonei, in partes diuisi, repræsentans, quod tamen saccharo sit conditum: Lucidus non admodum videtur hic Sal, cum quid opacitatis in concretionem acquisierit. Carthagine, non sanè ex Vrbe totius Africæ celeberrimâ, à Didone Carchedonis Tirij filiâ, vt habetur in Eufobiano Chronico post Troianum bellum conditâ, postmodum tertio bello Punico à Scipione Amilianio penitus euerfa transmissus: Sed ex Vrbe illa, quam Asdrubal in Betica Hispaniæ regione condidit, & Carthago noua perpetuo epitheto dicitur; nec non à frutice illi Iunci aculeati modo aceruatim sponte suâ in eius agro prouenientis, qui Spartum ad differentiam Græcorum, & Latinorum quorundam, vt Hermolai, Cornarij, Dodonæi, & aliorum Spartij, Spartaria nuncupata.

SALIS fossilis flos, in fodinis Salis efflorescens, in colore candidissimus ad similitudinem lanuginis canescentis, qui cum tenuium sit partium, ideò tenuissimus, & leuissimus.

SAL ille hoc loci sit descriptus, qui & si præ viribus Ammoniacy nomen mereri posset, non tamen ex Cirenaica regione transportatum dixerim; quo loci sub arenis cum Luna noctibus in laminas concrefcere, colligiq; affirmatur, iam enim ad nos transferri desijt. nec minus illum delineare, est in votis, (vt quid vulgatissimum) qui sub Armoniacy nomine in Seplasiariorum officinis venalis est: quique arte elaboratus hoc sæculo ex Siriacâ regione, nec non ex Germaniâ

maniâ candidus saporis acerrimi, & in glebas penè translucens formatus nigredine tamen quadam obductus ad nos transmittitur. Chymistis ad sublimationem argenti vihi, & solutiones metallorum inseruiens. Sed hæc illa erit Salis species, quæ ex Sulphuratis Puteolani districtus habetur, quò loci, vbi ignes subterranei flammæ euomere solent, in illorum hiatusum faucibus, veluti per sublimationem quamdam, materiâ minus terrestri euaporante, hoc genus Salis reperiri solet. Cuius sanè compactum corpus, & qualitates ex sapore se ipsas manifestantes modò exactè contemplantur, non imparem concretionis formâ, & facultatibus, Sali naturali Ammoniaco dices. videtur namque, quo ad colorem, simili alumini, quod Schiston vocatur, (& si reperiatur etiam sulphureâ tincturâ in superficie, quandoque imbibitus,) fissilis secundum longitudinem instar lapidis specularis ille est, vt veluti in crustas, siue laminas compactus videatur, quòd humor, vaporosus præsertim, à minerâ sulphureâ eò loci eleuatus, depositis quoquomodo partibus terrestrioribus, qui in corpore hoc naturali struendo, in longum, & latum distributus, sit ita densatus, vt crustæ, seu laminæ emerferint, super quas alius atque alius humor, ex frequentatis exhalationibus cum sit fusus, in crustaceam formam corpus hoc concreuerit. non secus hac in dies annotatur, oculisque ipsis intuetur, in vesica humanâ ob reiteratum decubitus alicuius materiæ excrementitiæ in partem illam à toto corpore deriuantis, lapides multis tunicis constructos, Cœparum instar sæpe sæpius generari: Vnde cum gustanti leui acrimoniâ, & paucâ astrictione, nec non extergendi vi se insignitum esse significet, ad illa conferre iudicio meo poterit, quæ Sali Ammoniaco à Galeno attribuuntur. Cuius facultates vt aliquid etiam in gratiam pharmaca conficientium ex eodem met auctore dicatur, hæc sint annotatæ. Clarissimus hic Medicus de virtutibus illorum pharmacorum agens, quæ oculorum morbos sanant, Salem hunc apostemata oculorum.

Lib. de oculis
cap. 5.

V

mor-

mundificare, & dissoluere, notat: Et capite sexto eiusdem libri agens de potentijs medicinarum ad oculorum morbos spectantium, & suis effectibus, mundificatiuarum, & colatiuarum mentionem faciens. *Inter hæc quedam mundificant, & colant modicum, (dicit) & valere contra paruas pustulas, sicut cadmia, thus, cornu ceruinum, & caprinum, quedam verò nimium mundificant, quæ valent ad ungulas, scabies palpebrarum, pruritus, & crassas pustulas, ut Ærugo, Tragacanthum, & Sal Ammoniacus, quæ omnia pungunt, sed cum lauantur, eorum punctio minoratur: Et alibi, Ob vim extergentem cum leuicula acrimoniâ, & leuissimâ adstrictione, quam habet, ocularibus misceri facultatibus dicit: Ad pilorum in palpebris incrementum, ad pollinis lauorem redactum uti sicco affirmat, ubi præ humorum acrimoniâ partim excidunt; partim verò nec crescant, nec aluntur, depastis namque his acrimonijs in bonum naturæ habitum pars reducitur: describens præterea emplastrum, illud à Critone Anacetum, idest, inuictum nuncupatum, quod ex acris pluribus medicamentis compositum sit, inter acria illa Salem Ammoniacum enumerat: quem similiter extrahere, & digerere inquit, dum ex Andromacho emplastrum viride Passionis proponens, notat, hoc medicamentum, quia Salem Ammoniacum prius assumpsit, magis quam superiora extrahere, magisque abstergere.*

SAL, qui delineandus exhibetur, nostroq; hoc sæculo sub nomine Salis Indi diuulgari solet, non certè ille dijudicandus est, quia à Paulo, & post ipsum ab Auicennâ Zuccharum Alhuzar nuncupatur, mannam esse, scribens, cadentem supra rem, quam vocant Alhosor, similem Sali, (à qua fortè similitudine saccharum ab eo Sal Indus nominatur,) & quem summis laudibus extollit ad linguæ scabriciem, ariditatemque in febribus acutissimis: Scribens, *In ore tenendum Salem illum esse, qui ab Indiâ deportatur, colore Salis, & dulcedine mellis: (Saccharum enim dulcedine innatâ naturæ humanæ proficuum: inter Salis species non dulcore, sed acrimoniâ quadam linguam vellicantis, reponere,*

*Lib. 9. de sim
pl. med. fac.*

*Lib. 3. de cō-
pos. med. per
gen. cap. 12.*

*Lib. 2. de cō-
pos. med. per
gen. cap. 2.*

*Lib. 4. cap. de
asperitate lin-
guæ.*

Cerutum Medicum à mente defistere dici posset,) Sed Sal ille describitur, qui à quadratâ basi incipiens in figuram pyramidalem non multum grandem, sed paruulam potius, & obtusam definit, nec non colore ipso, & substantiâ Sali cõmuni nostro albo, cuius ad condiendos cibos quotidianus est vsus similis videtur: An verò cum Sale illo Indo à Mesue descripto, reipsâ conueniat, non crediderim; hunc enim melancholiam, & pituitam purgare, corpus à putredine conseruare, nec non ad curandam lepram proficuum esse, notat hic auctor, fortè Salem Ammoniacum inter Salium species, præpotentem admodum, exprimere intendens. Illum verò mitissimum esse, nec alios Sales qualitate insitâ præcellere, gustanti dignoscitur, quòd calor subterraneus non multum in illius concoctione sit elaboratus. Aliàs anceps eram, an Sal hic sub fossilibus collocandus foret, an vero arte esset in talem figuram constructus: nec id præter rem, cum in huius glebulæ basi, veluti sigillum quoddam, arte impressum, conspici detur, ac si characteres artificis signum exprimentes essent insculpti. Nihilominus exactiori diligentia hoc Sale perscrutato, cum veluti ex laminibus, siue crustis, ex exhalationibus subterraneis in vnum hoc corpus pro sui nutrimento, & incremento gradatim à minerâ salis euaporantibus sit compactus, quâ vnâ demissâ, alterâ remouenda mira structura se se offerat, & sic de singulis vsq; in totum figuræ acumen, hoc artis opus non esse, sed nature dispendium iudicaui, ac ob id inter sales fossiles reponendum fore, in animum induxi meum.

SAL Sadomenus, non fossilis, sed vt ex Salium lacustrium genere ex Lacu Asphaltite Iudæa transportatus, in quo Galeni, & Plinij testimonio nihil præter bitumen gignitur, nullum corpus animalium recipit, neque plantam inesse conspicitur, vnde & mare mortuum dicitur (se hæc fufius dum bitumen Iudaicum considerabo.) Sal hic Napheticus dici etiam potest, desumptâ etymologiâ à Naptâ, quæ est bitumini species, cuius odorem retinet: in colore ex nigro rufescit, & gustanti maximâ palatum inficit ama-

V 2 ritu

L. 4. §. simpl.
medic. fucul.
cap. 20.
Lib. 5. c. 17.

Loc. cit.

ritudine, (ex bitumine namque admodum affato concret.) Quod si huius exactiorem desideras anatomem, audias Galenum loquentem, dum saporem amarum corporibus temperie ficcis inesse dicit, & quo maior in his redundat caliditas, eò maiorem percipi amaritudinem, deducendo exemplo à bituminoso stagno, cuius Salis vim non modo plusquam cuiusvis alterius Salis exsiccatariam esse scribit, sed & extenuare natam, quia scilicet plusquam alius exsiccatus est. *Omni enim Sali (subiungens) obscura quædam adstringendi vis inest, quæ eas quæ conduntur carnes, constringit, densatq; potissimum ubi durus, & minimè fragilis extiterit. Talis est exactissimus quidem fossilis ferè omnis. Minus autem illo, marinus: Tum, qui multis in locis aquis leuiter salsis ascensibus provenit, tertium locum obtinet, abstergere, magisque adstringere, contrahereque potens: Proximas his vires habet Sedomiticæ, æque atque marinus durus: ceterum ob admixtam amaritudinem, facultatem valentius abstergentem, ac digerentem, quam marinus possidet.*

SALIVM *ὀνομαστου*, qui industriâ Calceolariâ elaborati, ad Medicorum vsum in Musæo asseruantur.

In hoc Salium genere, ne à Philosophicis dogmatibus recedere videar, lubens exordiar à Sale illo, vti ob admirandos effectus, quos præstat, ab Antiquis decantatos, nobiliori, qui ex carnibus Viperarum ignis medio affatis, paratur, & Sal Theriacalis nuncupatur, hoc nomine insignitus, non quòd Andromaceam Theriacam ingrediatur, Antidotum nimirum illud præstantissimum, quod Senex ille suspiciendus, ac omni laude dignissimus Andromachus Claudio Neroni Cæsari dicatum voluit: sed quia, vt altera Theriacæ Viperinas carnes admixtas habeat, & moribus serpentum succurrere possit, & si ex Galeni mente hoc modicè faciatis nec nisi longo post tempore remedium appareat, ex frequentato vfu sensim auxilium afferens: quòd loci illos redarguere videtur, qui hoc Sale medicati, cum inter initia cele-

Lib. de Ther.
ad Pisonem
cap. 18.

celerem remedij sensum non habuissent, nec prorsus quidem ipsum conferre arbitrabantur, praesertim redactum in cinerem, vim medicam incendio amisisse censes. Hoc pro corollario, vt Antidoto parem facultatem non habere, affirmat, sic omnem ipsius vim aboleri penitus negat: non desunt tamen homines nostris temporibus, qui Salibus hisce innixi contra omnis generis venena, eorundemque noxas, nil horum maliciam, ac nocendi vim veriti, vitam, absque vlllo mortis periculo exposcunt, hac spe confissi, Sales hosce à venenis grauissimis, morbis etiam malignis, ac contagiosis corpora nedum praeseruare, sed & liberare valere: quorum etiam vsum Antiquis illis ante Galeni tempus, qui tamen crasso potius modo illos praeparasse legitur, familiarem admodum ad innumeros profligandos morbos, cutaneos potissimum extitisse ex eorum scriptis habetur. horum tamen praeparandorum ratio multò perpolitior, & à Galeno ipso, quàm antiquitus esse consueuerit, etate *ibid. cap. 19.* sua fuit excogitata, nec non nostro hoc saeculo à Cl. Viris, & in arte medicâ consumatissimis Athletis (inter quos multiplici nomine Iosepho Quercetano palma meritò videtur attribuenda) est inuentata. is enim in suâ Pharmacopœâ dogmaticorum restitutâ, quæ ad Sales hos praeparandos lege artis exequenda veniant, ingeniosissimè, & disertissimè admodum, dogmaticisque innixus rationibus describere conatur: quo loci etiam tres Viperarum confectiones Theriacales in corporis humani emolumentum doctissimè exponit, quarum primam confectionem Viperinam aromaticam, secundam confectionem Viperinam Saccharinam, tertiam confectionem Viperinam Iuniperinam nuncupat. Qui verò, distincto magis ordine, laudatissimi, salubresque effectus ex horum Salium vfu redundent, non piget ex Aëtij, & Galeni scriptis referre, vt recentiores, & inter hos Quercetanum breuitatis causâ, omittam. Aëtius hæc notat: *Tetrab. 4. serm. 1. cap. 97.* *Proprie autem in affectionibus cutis curandis Sales, (de Theriacalibus loquens) commendantur, cuius generis sunt Leuce, Lepra, impetigo agrestis, elephantiasis, scabies agrestis, & raritas,*

ac defluam capillorum, huiusmodi enim cutis vitia confestim delent, & acria recrementa subter cutem redundantia optimè discutunt. Plerisque enim ex eorum esu sudor prolicitur, atque ita per exudationem corrupta substantia euacuatur, adeo ut quidam in principio pediculos excluderint intra quattuordecim ad summum dies, post hos enim nullus in corpore pediculus apparet.

Quidam verò pro pediculis sputa pituitosa reieciunt, à Salum reiectione initium facientes, deinde paulò post etiam sputu repurgata sistuntur: quæ singula ex Galeno, cuius plurimè esse illius scripta attestantur, translata dices. hæc enim libro de Theriaca ad Pisonem de Salibus hisce memoriæ mandauit. *Cap. 18.* Præcipuum verò Sal iste habet, quod morbos cutim infestantes curat, albam dico vitiliginem, lepram, impetiginem, quam seram vocant, & demum omnia sub cute posita excrementa resoluit. Quamobrem magna pars eorum, qui Salem hunc comedunt, plusquam consueuerunt, sudantes putridam materiam eijciunt, & cum eâ pediculos etiam appellatos quosdam emittunt, qui ex putrida materia ortum ducentes nomen sibi quæpius apud Græcos acquisierunt. Dentes præterea Sal hic optimè purgat, & ipsos à putredine seruat, nec eos erodi permittit, membra laxa densat, illucque descendentem fluorem suppressit. Hæc Galenus in fine capituli.

Præceptiones Medicæ ex Aëtij mente Salibus Theriacis attributæ.

- I. Licet tùm in prandio, tùm in cœna eis uti, cum quibuscumque edulijs eos assumere velis, neque vltra ad eorû acceptionem prouocare oportet tanta enim ipsius infusa suauitas est, vt magis voluptatis gratia eos confectos quis dicere possit.
- II. Licet vsque ad tria cochlearia per diem ex eis sumere, maximè si cibus in ventre sit probè concoctus, qui enim eos accipiunt, melius concoquunt, & cibi appetiores fiunt, floridius etiam corpus habent, & sensus omnes vegetiores.
- III. Suffusiones oculorum incipientes, & nondum congelatas, egregiè dissolunt, neq; planè suffusionem incurret, qui eos quotidie accipiet.

IV.

- IV. Purgationes Lunares propter obturationem aliquam, aut sanguinis coactionem suppressas cient. Largum, & impetuosum earumdem defluxum sistunt.
- V. Præsumpti omnes venenorum, & virus iaculantium bestiarum insidias euincunt. infectis ex horum usu periculum euitare datur.
- VI. Præstat & pestilenti constitutione instante ad auxiliare hoc, & mali depulorium pharmacum confugere. præsertim si ei Myricæ herbam admiscueris.
- VII. Morborum omnium Medici Sales existunt, maxime tamen eorum, qui in renibus consistunt, lapides enim in eis atterunt, & planè marcidos renes restituunt.
- VIII. Vertigini, & dolori capitis inueterato, morboque comiciali nullâ aliâ confimilis medellâ exhiberi potest, si quis eos per integrum annum ex ordine largè sumat.
- IX. Morbo Regio correptis, Colicis, Spleneticis, Hydropicis, ac caninâ fame laborantibus subueniunt, nec non contra ambientis frigidi molestias humana corpora instantes, comesti faciunt.
- X. Rigores circuitu repetentes, diurnos cohibent, & tussis humectas ressicant.
- XI. Tabidos ad bonam corporis habitudinem mirabiliter reducunt, paulatim edulij adpersi.
- XII. Exolutos à languore perfectè reuiuiscere faciunt, scionamque, (addit Aëtius) plurimos membris resolutos per ipsos sanatos.
- XIII. Ad Podagram maximè incipientem, & omninò ad omnes articulari morbo affectos, vnicum hoc edulium constructum scias.
- XIV. Quartanis diuturnis, & atrabilarijs affectibus omnibus conducunt: enecant omne lumbricorum genus. Hæ sunt virtutes ex Aëtij mente salibus Viperinis meritissimò attributæ, quas (ne verbo quidem Auctoris commutato) sub præceptionibus hisce medicis constituere placuit, ut Viri illi, qui medicam artem exercent, tot tantorumque mira-

mirabilium effectuum desiderio accensi, illorum vsum, qui iam quasi ex hominum memoriâ euauisse videtur, propalam cuius faciant, ac ad praxim reducant. benè, benè enim illis erit, qui aliquo morbo correpti quantumuis deploratissimo, salibus hisce vtentur.

SAL Coraliorum rubeorum Chemicâ industriâ eximiè preparatus, quo si quis tempore pestis vti voluerit, non nisi successus foelicissimos videbit: eaque est in hoc Sale vis, & natura, vt sanguinem in vniuerso corpore mundificando, & renouando; quicumque morbi, & affectiones à sanguine corrupto ortum ducentes huius vfu remoueantur, & corpori sanitatis vigor restituatur. ad quasumque muliebres fluxiones immodicas, & ventris fluxus sistendos mirabiliter iuuat. Sanguinem reiectantibus cum aquâ portulacæ exhibitus summû, & peculiare est remedium. putredines sistit, cor, & spiritus vitales roborat: vt non inconcinnè ex hoc dici possit, sicuti Coralij Frutex in imo maris generationis primordia habet, mirabiliter crescit, ita etiam mirabilia ex hoc frutice prouenire arcana, & mysteria.

SAL ex craneo humano per calcinationem in cinerem prius redactò, postmodum aquâ Peoniæ lege artis imbibito, tandem in falsuginosam materiam extractus. Epilepsiæ præsentaneum remedium, cui pariter summa inest facultas plures alios morbos defugandi, vt vertiginem, scotomiam, & similes, qui præcipuè caput ipsum infestare solent.

SAL ex radice Ononidis paratus, remedium efficax ad vrinas remorantes mouendas, qui etiam cum aliquo liquore diuretico exhibitus calculos, renum potissimum peregreiè mouere, dissipare, & absumere valet.

SAL ex Abscintij comâ artè extractus, ad præseruandam sanitatem admodum accommodatus, vt potè qui materias excrementitias in corpore redundantes dissipare, ac absumere valeat, membris omnibus, naturalibus potissimum innatum calorem seruando, ac eundem fouendo. Febribus omnibus putridis præcipuè auxilio est: Pestis vnicum remedium esse cum aliquâ aquâ cordiali bibitus, vfu, & experientia est comprobatum.

SAL

SAL ex succino albo, & odorato non sine chymica industria, & labore confectus, efficacissimum diureticum, tum ad vrinās suppressas ciendas, tum etiam ad materias illas tophosās minuendas, & expellendas, quæ ob decubitum succi crassi, ac glutinosi in renibus, præ horum ignea caliditate, tenuioribus humoris partibus dissolutis, & crassioribus relictis, sæpe sæpius concrefcere solent. Addam hoc vnum, etiam, salem hunc cum aqua e lambico vitreo Balneo Mariae extracta ex floribus Arantiorum, aut Mali citri, intus assumptum roborandæ facultati vitali, & quæ pariter esset quasi deperdita, mirificè prodesse.

SAL innata qualitate, & si in minima quantitate exhibitus, sine vlla molestia aluum subducens. Hoc foelicissimè in dies vtor, præceteris autem vnicum esse remedium, & ad emolliendum absque vlla noxa puerorum ventrem, nec non ad compescendam eorundem pertinaciam, quoduis medicamenti genus respuentium, cum ori sit gratissimus, quotidianà à me comprobatur experientia. Qui sanè & si vt quid mirum, & singulare in secretis apud me extaret, nihilominus CALCEOLARIO compatri carissimo, pro salute publica tutanda, conferre placuit.

SAL ex quinta essentia aromatica Cl. Matthioli elaboratus: easdemmet qui in re medica præstat facultates, quibus, & liquor ille aromaticus ab Auctore insignitur: adeo vt amissam loquellam sub lingua detentus restituere valeat, intus assumptus morbo comitiali correptis mirificè conferat, nec non humores superfluos in corpore extuberantes eius vsu absumere potens sit. Quis plura desiderat, legat eiusdem auctoris commentaria in Dioscoridem.

Lib. 5. cap. 7

SAL ex Baccis Iuniperi, efficax remedium, vt ille ex succino paratus, pro comminuendo nimirum calculo, & ducendis vrinis remorantibus, quo etiam statim ante Decocti ex ligno, & salsa, ex lege artis præparati, singulo mane ex libationem pro prouocando sudore in pestifera illa hac lue Gallica infectis, non sine euidenti beneficio vti solet.

SALEM, Alkali vocatum, consistentiæ præduræ, coloris cinerei,

X

rei,

Excerc. 104
disp. 18.

Com. in lib. 2
Diosc. c. 112

Enarr. 150.
in lib. 3.
Dioscor.

rei, aliqua nigredine obducti, in factitiorum salium classe
CALCEOLARIO reponere placuit; utpote qui, & si eius ope
non sit elaboratus, ex planta tamen illa fructitante, & sal-
fuginosa cremata paretur; quam Mauritanii Kalim, & Al-
kalim vocant; unde Salkali ab iisdem est dictus: vel ut alij,
ex illa fusa, aut ex eiusdem decocto confici soleat: Chymi-
stis, pro suis explorandis amentijs, aptus. Hyalurgis in-
usu, pro vitro conflando: nec non & nostris, propter suas,
quas agit in re medica, partes; ob vires desiccantes, & ab-
ster suas potissimum, quibus polet; Notat ingenij excessu
admirandus ille Scaliger, Cardani opinionem de hoc Sale
redarguens; *In maritimis Gallia Narbonensis fruticem reperiri,
quem Arabes Kali, nos sodam dicimus, (Et hæc erit illa planta,
quam Serapio Vsnem vocat) quo trito, Et presso, maritima il-
lius regionis incolæ id efficiunt, quod Salicornum dicunt, alij so-
dam, nonnulli Alumen Catini, à Peluis facie in quam distillat
succus. Quemadmodum nominant Alumen Zuccarinum à meta
Zuccarina, fastigiata forma, in quam solidatur materia ex Alumi-
ne Rocche, qui albumine, Et aqua rosacea.* Cl. Matthiolus rei
Herbariæ solertissimus perscrutator, ex hac planta duo pa-
rari innuere videtur, cineres nimirum fabris vitriarijs, ad
vitrum conficiendum inseruiantes; nec non ex eiusdem de-
cocto Salem, Alkali à Mauritanis vocatum. Amatus Lusit-
anus inter medicos sui temporis maximi nominis, ambigit,
Salem hunc ex Kali planta Arabum parari hoc sæculo.
Ex eius namque scriptis colligere licet, omnem cinerem,
qui ex Syria aduehitur, ad conficiendum saponem, & vi-
trum, ex herba Anthyllide combusta fieri; hodieq; multos
ignorare cinerem istum Alkali esse: omnes istas herbas ab-
stergendi vires habere, ac stigmata, & maculas faciei dele-
re, quod ex istis, dum vruntur, liquatur, & tanquam plum-
bum fluit, cum refrigeratum est, concrevit, & ad instar ci-
neris conglobati videtur; quem etiam Alumen Catinum,
vocant, ex quo vitra conficiuntur. Hos si quis, an veri
sint, experiri voluerit, in ignem conijciat, quod si eliquan-
tur, ac ebulliant, verum Kali esse dicet, sin minus è contra.

Ex

Ex horum cinerum lixiuio Sal Alkali conficitur, & ex vitri materia fluit, & quæ cogitur, axungia vitri hodie nuncupatur; hæc præstantissimus Medicus Amatus. Ex quorum Auctorum dictis quàm facillimè elici potest, non secus ac aurum lapide Lydio experitur, ita Kali plantæ legitimos natales igne dijudicari. Habeas, benigne Lector, Salium varias species hoc loci delineatas, quas & natura dat, & ingenia humana non sine industria excogitarunt; ac eorundem facultates; quæ, & si pauca; modò tamen candida, mente, vt spero, perlegantur, non nisi periucundi aliquid condimenti animo, & corpori afferre poterunt: quod si quis Sales alios, modò tamen in ijs præparandis ars ipsa suo valeat fungi munere, præ manibus habere exoptat, CALCEOLARIUM non diminutum, & parcum, sed in illis elaborandis semper expeditum, re ipsa dignoscet. Interim differenda non videtur consideratio Nitri, & huius species rimandæ veniunt, quæ diuersis loculis in Musæo propè Sales seruantur. Hoc etenim succi genus, vt Sali sanè cognatum, non multum ab huius natura distat: illud namque si ad gustus sensorium transire permittas, non nisi intensione inter se differre iudicabis. Quod nobis expressè significauit Galenus, inquires. *Saporem salsum, aut nitroso esse imbecillio- rem, aut adstrictionis quoque assumere aliquid, amarumque* Lib. 1. de med. facult. cap. 36. *ex nitroso prouenire intensione; ambigit enim sapor iste inter salsum, & amarum, estque amaro remissior, & salso intensior.* Hoc idem ex Platone habetur, dum liquorum, & inter hos Salium, & nitri generationem, ac eorundem naturam perscrutatur: nec non ex Isidori verbis colligitur: dicentis, Nitrum à loco sumpsit vocabulum. Nascitur enim in Oppido, Lib. 16. c. 2. vel regione Ægypti Nitria, ex quo & medicina fiunt, & fordes corporum ubicumque lauantur. Huius natura non multum à Sale distat, habet enim virtutem Salis, & similiter oritur cæmentibus littoribus siccitate, cuius spuma Aphronitrum nuncupatur. Colligitur autem in Asia, in speluncis distillans, dehinc Solis ardore siccatur. optimum putatur, si minimè sit ponderosum, & maxime friabile, colore pene purpureo. Qui verò exactum.

Lib. 5. c. 89.

magis Nitri naturam, eius vires, & quantum in re medica possit, scire appetit: ex Dioscoride habeat: virtutem huic inesse dissolutiuam, attractiuam, abstersiuam, & humoris superflui consumptiuam; ac proinde pinguedinem extenuare, si ore sit acceptum: saniem ventriculi, & intestinorum, ex apostemate procedentem, mundificare: illitum pediculos capitis, & saniem detergere: aurium vermes interficere, nec non eorum saniem peregregiè extergere: intestinorum tormina sedare, si tritum cum Cymino in hydromelite; vel aliquo ex his, quæ inflationes possunt discutere, bibatur: quod nos etiam felicissimo euentu colico dolore correptis, cum Iulepe violaceo, & aqua stillatitia ex floribus Anthemidis, seu Chamæmeli græcorum, multoties exhibentes sumus experti: Nitrum pariter in puluerem redactum, & cum melle linimenti modò compactum faciem clarificare, & decolorare, mulieres illæ amplè testari possunt, quæ pro allicendis hominibus ad gratiam, vt venustiores appareant, nil aliud in animis habent, quam comesticis auxilijs faciem extergendo illam splendidam magis, & pictam habere: vitia cutis, & oculorum cicatrices, vlcera illa albidum oculi circulum infestantia, quæ Græci Argemata dicunt, abolere; venenum morificare, & excludere, ac ad multa alia mala dissipanda conferre, quæ humana corpora infestare solent, ex eodem Anazarbeo, Auicenna, & Plinio nostro, (vt quamplurimos alios ex Arabum, & Græcorum stirpe non enumerem Auctores) cuius legenti patebit: non videtur tamen silentio prætereunda, quæ à Galeno de hoc ipso scriptis sunt tradita. Qui & si varijs in locis facultatem habere exsiccandi, aperiendi, digerendi, & detergendi meminerit, specialiter tamen hæc habet: Nitrum dictum est supra in medio esse Aphronitri, & Salis virium: ceterumustum propius ad Aphronitrum accedit, utpote ex ustione tenuius redditum: desiccatur itaque, ac digerit, & si intra corpus sumatur, secatur, & extenuat crassos, lentosque succos, potentius multò, quàm Sal: Aphronitrum verò, nisi grauis vrgeat necessitas, deuorandum non est, nimirum inimicum Stomacho; quandoquidem plus etiam nitro incidit.

Loc. cit.

Lib. 2. tract.

2. cap. 84.

Lib. 31. c. 10

Lib. 9. de
simpl. medic.
facult.

incidit. Sanè ad fungos suffocantes Rusticus quidam vti eo as-
solet, & semper profuisse probatum est: ceterum Nitro vsto simul,
& non vsto, & multo magis eius spuma in talibus vti consuevi-
mus: hætenus Galenus. Quibus verbis adductus, non pos-
sum, (pace tanti Viri dixerim) non nisi diminutæ memo-
riæ auctorem illum summè suspiciendum redarguere (quem
etiam obseruantia ergo nominare non debeo) hic etenim,
in doctissimis suis scriptis de Nitro agens, ex Isidori men-
te hæc profert. Nitrum ipsum, quod haud dubiè ad Salem spe-
ctat, venenum est; adeò enim obstruendorum meatuum vim ha-
bet, vt plurimum ladat viscera, quin in Leonum, Vrsorumvè ora
sparsum tantam vim habet, vt obstructis vitalibus motibus,
mordere nequeant; Hæc auctor ille, diligentissimus rerum,
naturalium perscrutator. Quæ Isidori verba si exactius sub
examinis prælo exposuisset, certè Hispalensem Episcopum
non Nitri, sed Chalcanthi naturam, & eiusdem mores ex-
primere voluisse fateretur, toto namque illo capite ne ver-
bum quidem de Nitro proferens, Calcanthi Etymon, &
vires tractans, adeò constrictæ virtutis esse dicit, vt in Leo-
num, & Vrsorum ora sparsum tantam vim habeat ad strin-
gendum, vt non valeant mordere: & hoc ex Isidori verbis
absque fucò, & fraude elicited: quod etiam gustus senso-
rio quàm facillimè dignosci licet: Nitrum namque ama-
rum est leuicula acrimonia præditum: Chalcanthum verò
austum; ratione cuius innatæ qualitatis in illo vim valen-
ter astringendi esse gustanti apparet, & ex Galeno liquet.
Asclepiadei enim Metrodori opinionem redarguens, quod
non omnia adstringentia refrigerent, Chalcanthum, vt Chal-
citim, & Misym inter valenter astringentia reponit, quæ
tantam affecuta sunt caliditatem, vt nos etiam exurant.
Et alibi: Chalcanthum, vt Chalcitim, Misym, Sorim, Aëris
squam cum simul astringant, & mordicent, secundum vtrasq;
qualitates in quoduis admotorum corporum affectionem exerere notat.
Auicennas similiter, exsiccatiuum, induratiuum, inspissati-
uumquè corporis esse, & in eo constrictionem, adustio-
nemquè existere, scribit: hoc idem experientia ipsa in dies
com-

Lib. Originū
 16. cap. 12

Lib. 1. de firm
 pl. medi. fac.
 cap. 33.

Lib. 4. de firm
 pl. med. fac.
 cap. 7.

Lib. 2. tract.
 2. cap. 166

*Lib. 13. Meth.
th. cap. 20.*

comprobatur: si intus namque plus iusto assumatur, viscera ita constringit, & exurit, ut quidquid humidi radicalis in ijs extat, illud omne exurendo, absumat; illa eadem proprio innato calore destituendo, & viuifici nectaris consumptium imprimendo. Si verò debita quantitate intra corpus exhibeatur, immodicas sanguinis fluxiones à quavis corporis parte, uti à riuulo quodam deriuantes, mirifice cohibet: acerbo sapore, quo est præditum, linguæ admotum, manifestè hæc contrahitur; eandemque siccari, asperarique contingit; plus certè, quàm si fructus præ immaturitate austeros degustaueris: dentes exasperat, & astringit: Sed, quid? non ne Methodicorum Princeps Galenus de illis medicamentis ad curationem vsurpandis agens, quæ noxiam qualitatem cum ea, quæ conuenit, admixtam non habent, Chalcantum inter præcipua medicamenta adstringentia, & quæ, deuorata, noxia sunt, sicut Misym, Sory, Chalcitis, Diphryges, Æs vstum, & Squama Æris, & Flos, reponit? ut ex ijs clarè patere possit, Chalcantum obstruendis vitalibus meatibus multò magis posse, Nitro ipso: ac ob id rectè auctor ille fecisset, si Nitri loco, Chalcantum, cum Isidoro, dixisset, insigni illa vi adstrictoria esse dotatum. Interim Nitri singulas species recenseamus.

Nitrum natium aliorum fossilium modo in terra repertum, durum, & spissum, ut lapidi non abs re assimilari possit. Tincar est Arabum, ex quo Chrysocolia Græcorum, Borax eorumdem Arabum, Venetijs conficitur.

Nitrum è terra efflorescens, quod tamen in ignem non exilit, sed bullas attollit, ut Alumen, molle est, & laxum, ac in colore candidum, & in substantia spumæ simillimum videtur.

Nitrum satis densum, ac durum adstringentis facultatis non immune, ut meritò aluminoso succo infectum dices. ex Puteolis, non longè à lacu Agnano.

Lib. 5. c. 89

Nitrum, cui color est roseus, cæteris Nitri speciebus, Dioscoride sic acclamante, præferendum, ex Alexandria Ægypti; vnde Nitrum Alexandrinum, ex quo pillulæ illæ conficiuntur.

conficiuntur, quæ sub nomine Alexandri, de Nitro diuulgantur, & pro morbo Gallico effrenando, nec non ad antiquatum capitis dolorem, vt & ad quamplurima alia mala dissipanda sunt in vsu.

Nitrum & aliud colore roseo totum refertum, quod ager Neapolitanus profert.

Nitrum in colore flauescens, vt auripigmentum imitari dices, cuius prouentus in agro Puteolano habetur.

Nitrum satis lucidum. *Antro* quodam districtus Veronensis, non longè Villula, Calauena vocata, instar striarum collectum; quod eò loci pendens, temporis tractu in talem formam fit concretum, & densatum.

Nitrum candidissimum, & perspicuum, vt diaphanum videatur: non leui artificio ex terra, succi falsi, & nitrosi grauida, extractum. Salnitrum nunc temporis, vocatur; ac si dicas arte concretum ex sale, & nitro, ex hoc cum Sulphuris, & carbonis portione puluis ille mirabilis conficitur, quo ad tormenta bellica vtuntur: vtinam incognitus, non enim tot, tantæquè hominum funestæ strages, hodierna luce sequerentur. An verò hoc Salis nitri genus, & si diuersum ab Antiquorum nitro (garriant alij quicquid velint) fuerit sub hoc nomine antiquis cognitum, locus ille Platonis in Timæo, non nihil suspicionis in animo facere videtur: cum dicat, *Ex terra fusili lapidem fieri, colore nigrum,*

& similiter ex commixtione quadam, & humoris priuatione, de tenuioribus terræ partibus fieri nitrum, & Salem. pariter Plin. Lib. 31. c. 10

nus noster capite proprio de nitro, ad finem, de Sale nitro mentionem facit, dicens, *Salem Nitrum Sulphuri concoctum in lapidem verti.* Tu, benigne Lector, loca hæc exactè considera; quod si quæ remanet dubitandi ansa, cum non omnia possimus omnes, & plus possit, & plurium industria, vt est in adagio apud Homerum, considerata enucleabis. *Iliados. ac.*
Interim Alumina, ac eorundem multiplices species, quæ in CALCEOLARIJ aluminoso horreolo pereleganter seruantur, perscrutemur, hoc enim succi natiui genus, à succis illis concretis, qui tamen humore soluuntur, non venit se-

gre-

Lib. 3. Etich.
c. 10.
6. Epid. p. 1.
com. 29.

Lib. 6. d. cōp.
med. per gen.
cap. 3. & l. 9
de simpl. me-
dic. facult.

Lib. 1. de ali.
fac. cap. 1.
Lib. 1. de sim-
pl. med. fac.
cap. 37.

2. cau. tra. I.
cap. 3.

lib. 4. de sim-
pl. med. fac.
cap. 8.

gregandum quinimmo inter illos enumerandum: cuius sub-
stantiam, & proprium temperamentum, (generaliter tamen
loquendo) modo scire appetas, gustu ipso, cuius munus
est, ex Aristotele, sapores dijudicare; & ex Galeno, vt fe-
bres tactu, ita sapores gustu sentiuntur: palàm fiet, acidum
namque, & vehementer adstringens, experitare lingua, vt
instrumento saporis, qui cum sit rei proprietas, solo gustu,
vt eius obiecto, perceptibilis, quam facillimè tibi gustan-
ti, sensu discernere dabitur. Vnde Galenus alumen ^{αἰὲρ} hoc est ab astringendo ^{συσπνίξ} à Græcorum schola
nuncupatum tradit. Quam sanè qualitatem adstringentem
communem esse tam acido, siue acerbo, quam austero, suc-
cis, ex eodem Galeno liquet, quod etiam ab eodemmet au-
ctore confirmatur dicente. *At quod nos adstringens vocita-*
mus haud temere à Theophrasto dictum reperiās. Videtur autem
idem significare, quod austerrum; aut certè commune est genu-
tum huius, tum etiam acerbi. Acidam verò illam facultatem,
quæ huius succi concreti peculiaris, & præcipua est, à suc-
co acerbo, quem Auicennas, & reliqui Arabes Ponticum
nominant, per terræ sinus lambente, vt à primo principio
& veluti genitore, suscipit. (acidum namque ex acerbita-
te per humiditatis acquisitionem generari, clarè nos docuit
Galenus, dùm per acerbi saporis exolutionem, nasci au-
sterum saporem, acidum, dulcem, & pinguem, asserit.)
Quod etiam exemplo ex fructibus desumpto, absque vlla
controuersia comprobari potest. Etenim, detractis prius
ab arbore floribus, vt primitijs, fructus formam gradatim
acquirentes, initio cum sint lignosi, sicci quoque sunt, si-
mulquè acerbi; verum non ita primum humoris copia af-
fluit, vt indè aciditas in illis percipitur, quam postmodum
lento gradu amittunt, vsquequò ad perfectam maturita-
tem deuenierint. Alumen præterea hoc peculiare habet, vt
non ex dissimilibus, sed ex eiusdem generis partibus con-
stet, adeò vt vnaquæque pars aluminis sit alumen. Non
secus ac vnaquæque pars Rubricæ est Rubrica, vt in super-
rioribus, dum terras ipsas tractaremus, est demonstratum.
Et

Et vnaquæque auri pars est aurum, quod similiter de succis alijs concretis, de terræ speciebus, de metallis pariter, ac quibusdam lapidibus (non omnibus) videre est, dantur namque plurimi lapides, qui non ex singulis, sed ex duabus, pluribusvè partibus constant, vt sunt illi, qui maculis varijs sunt effigiati; qui venis distincti sunt, & qui varietate colorum, varias rerum imagines repræsentant; vtpote, quod in horum concretionem varij succi in colore diuersi simul coierint. Hic sit, laconico tamen stilo, delineatus Aluminis prouentus; & eiusdem etymon: quos autem vsus & in re medica, nec non ad alia opera obeunda præstet, breuissimè exponamus. In medicina vim habet adstringendi, vt ex sapore elicitur. Tertiò ordine exficcare, & non vrere, notat Galenus, & quoad qualitates, tertij ordinis ob id esse, quia vehementer astringit: omnes aluminis differentias vlcera satis exficcare generosè astringentes, idem auctor affirmat. Varia cutis vitia curare, & emendare legere est apud Dioscoridem, & Auicennam: quæ singula, ne in longum protrahatur sermo noster, medicinam exercentibus legenda, contemplanda, ac ad actum practicum reducenda relinquamus. Aurifices alumine purgant aurum: Infectores in aqua coquunt lanas, in qua resolutum fuerit alumen, nec non etiam pannos, quò fit vt & facilius accipiant, & diutius retineant colores. Sed cum inficiendis claro colore lanis candidum, liquidumquè utilissimum sit, contra fuscis, aut obscuris nigrum, vt Plinius scribit; hisce temporibus infectores, quia liquido carent, fuscis, aut obscuris lanis, & pannis semper candidum præferunt. Cæterum quæ virtus, præter enumeratas facultates, in hac aluminoso succo concreto, miraculo insit, vt quid commemoratione dignum, hoc loci recensere non pigebit: tantam vim in alumine aduersus ignem reperiri est adnotatum in Quinti Claudij annalibus, referente Rodigino, vt, illita alumine materia succendi non possit. quod esse verum, à Sylla in Archelaum bellante, comprobatur. Hoc idem ab Aulo Gellio refertur; cuius verba hæc sunt.

*Lib. 5. de sine
pl. med. fac.
cap. 27.*

*Lib. 4. de cõp.
med. per gen.
cap. 6.
lib. 5. cap. 32
lib. 2. trac. 2.
cap. 68.*

Lib. 35. c. 15

Lib. 10. c. 10

*Lib. 15. noc.
Attic. cap. 1*

sunt. Cum oppugnaret L. Sylla in terra Attica Piræum: & contra Archelaus Regis Mithridati Praefectus ex eo oppido propugnaret, turrem ligneam defendendi gratia structam, cum ex omni latere circumplexa igni foret, ardere non quisse, quod ab Archelao alumine oblita fuisset, verba Quadrigarij ex eo libro hæc sunt: Tum Sylla conatus est, & tempore magno eduxit copias, ut Archelai turrem unam, quam ille interposuit, ligneam incenderet: Venit, accessit, ligna suddidit, submovit grecos, ignem admovit, satis sunt diu conati, nunquam quiverunt incendere, ita Archelaus omnem materiam obliniuerat alumine: quod Sylla, atque milites mirabantur, & postquam non succendit, reduxit copias. Hæc ex Aulo Gellio. Legitur etiam, alumen, non solum non admittere ignem, sed etiam eundem accensum extinguere, immo ipsum esse solum ferè necessarium ad ignem quemdam extinguendum. Strabo hoc perbellè exprimit de Naphthæ natura, quæ est bituminis species, agens; postquam de arido Bitumine differuit. Hæc verba de liquido habet. At liquidum, quod Naphtham vocant, admirabilem quamdam naturam habet. Nam igni admotum eum corripit, & si corpus eo illitum, igni admoueris, deflagrat, nec aqua ullo pacto extinguipotest, sed magis ardet, nisi valde multum superinfunderis: cæno, & aceto, & alumine, & visco oppressum extinguitur. unde Alexandrum tradunt, experientia gratia, puero cuidam in balneo Naphtham inspersisse, ac lucernam admouisse, ut propè puer totus deflagraret, nisi circumstantes multa aqua flammam euicissent, ac puerum seruassent. Non me latet, quamplurima alia nature miraculo reperiri, quæ vim ignis superant. Larix inter arbores, referente Isidoro, cui etiam Cælius Rodiginus in suis lectionibus antiquis subscribit. Non solum ex succi amaritate vehementi (ne desistam ab auctoris verbis) à carie, tineaque non læditur, verum nec flammam recipit, nec ardet perse, nisi ut saxum in fornacem ad incoquendam calcem, lignis rotatur alijs: nec flammam ideo sic quoque recipit, nec carbonem remittit, sed spacio longiore vix comburitur, quod sit minima ignis, & aëris temperatura. Cognitum id summa Cæsaris admiratione apud Larignum Oppidum, in Padi præripijs situm, ex arboris copia

Lib. 16. Geograph.

Lib. 17. c. 7
Lib. 10. c. 10

pia nuncupatum, quando ignibus obvallata Turris supersuit citra nocumentum. Hæc Rodiginus. Extat & apud Plinium. Lib. 13. c. 22

Alexandrum Cornelium, arborem Conem appellare, ex qua facta esset Argo, similem robori viscum ferente, quæ nec aqua, nec igni potest corrumpi. Legitur & apud Varro- Lib. 16. cap. de Salamandra.
nem, quod pariter à Pierio Valeriano in suis Hieroglyphi-
cis refertur. Familias quasdam in agro Faliscorum reperi-

ri, Harpinos vocatos, solitos medicamento quodam plan-
tas pedum tingere; atque ita per ambustam igni struem-
ambulantes, non adurebantur. Et ob id S. C. militiæ, Lib. 12. Geograph.
omniumque aliorum munerum vacationem habuisse: Re-
citatur pariter Strabo; Castabalis esse Dianæ Perficæ fanum,

vbi dicunt Sacras mulieres illæsas nudis pedibus super pru-
nas ingredi: non desunt & alia plurima, breuitatis causa,
à me ommissa, quæ innata vi igni resistunt, vt Amianthus
lapis, & alia, quorum hoc nostro in opere, prout occasio
fese offeret, fiet mentio. Tu interim Aluminum species,
quæ apud Calceolarium extant, attende.

Alumen liquidum natium, non tamen fluidum, assumi nam- Lib. 35. c. 15
que in pillulis conformatum potest, teste Plinio, contra
lienis vitia, pellendumque pruritum, ac per vrinam sangui-

nem. In colore candido, & limido, quod flauescit, vnde-
quaque succosum, purum, ac sine labe est, nec minus tan-
gentium manus inficit: linguam non tantum astringens,
vt Sal, sed dentes quoque obtusos ad huius differentiam,
reddens.

Alumen liquidum veluti lutum quoddam satis candidum, in-
glebas eiusdem coloris, maculis quibusdam conspersas præ
vetustate compactum. ex Ilua Insula.

Alumen liquidum, cui color luteus est, manibus tractum, ita
mollescens, vt quasi fluere videatur. Ex eadem Insula.

Alumen liquidum crassæ substantiæ, in colore flauum, cui sa-
por adeo acutus, & astringens inest, vt linguam inficere va-
leat. Ex foro Vulcanio, non longè à Puteolo.

Alumen concretum, glebosi, & natiui aluminis flos, calculo-
rum expers, graue olens, & sapore perquam astringenti,
Y 2 instar

instar glebarum, asserumvè compressum, ac in partes quod scindi potest: qua ratione à Græcis *οξισ*. à Latinis Alumen scissile: & à Serapione Iamenum nuncupatur. Ex humore qui fluxerit in longum, & latum, densato, super quem alius, atque alius cum sit fusus, in similem figuram concretum hoc sit formatum: crustas namque hac ratione fieri patet.

Aluminis concretio candida admodum, sigillatim in capillamenta quædam canescentia efflorescens, ac dehiscens, quod humor huius succi parens, non in longum, & latum, vt in superiori, sed strictissime, & singulatim in illo figurando fluxerit, & effloruerit. *τριπύλιν* est Græcorum. Latine dici potest Alumen capillare.

Alumen in colore albo, nonnihil palloris, cum quadam pinguedine præseferens, instar globulorum, humore in globum quasi quemdam collecto, & spissato, ex terra aluminosa in formam rotundam, vt bullis turgens videatur, sponte refudans, non autem arte elaboratum, manuè confectum. Alumen rotundum Antiquorū. *σπογγύλιον* Græcorum. sub alumine Strongyli à Plinio descriptum.

Loq. cit.

Aluminosa terra albi coloris, in globulos huic similes, natura sic distante, efformata, in qua alumen scissile instar lanuginis effloruisse conspicitur. ex Leucogæis collibus.

Alumen in crustas latas suapte natura conglobatum, quod terræ alumini scissili, haud absimili adhæret, vt meritò alumen scissile nuncupare liceat, & *πλακίτιον* Græcorum. ex eisdem collibus.

Alumen solidum, violaceum, quod spirat colorem, ob lateris formam, quam refert *πλαδίτης* Græcorum erit. Ex Ilua Insula.

Alumen proprii coloris, cui Sulphur aureo colore nitens, in natalibus mixtum cernitur. Ex Montè Puteolano.

Alumen scissile, cui Myfi, in proprio colore flauescens, adnatum cernitur. Ex Montè eodem.

Alumen scissile Melantheria proprio colore luteo gaudens, in ortu imbibitum, quod sanè dum vritur, Sulphur olet. Ex Boemiæ

Boëmiæ fodinis.

Aluminis rotundi vena, in albo pallefcens, quæ in superficie montis Puteolani reperitur.

Alumen factitium pellucidum, ex præduro lapide aluminoso candicante, fornacum ope vſto, poſtmodum pluribus diebus irrigato, in agro Romano propè Tolfam elaboratum: ac à facibus defecatum, in ligneis receptaculis ad ſimilitudinem cryſtalli anguloſi nucis craſſitudine concretum.

Alumen Rupeum Cordi. **Alumen Rocchæ** officinarum.

Alumen glaciale Chymicorum; quia inſtar glaciei ſit coagulatum.

Alumen factitium ex præduro lapide ſubrubro, eademmet lege, & eodem loco confeſtum, quod tamen colorem rubrum in ſe continet, nec non ſaporis eſt magis acris, quàm candidum.

Alumen factitium candidi coloris, nucis noſtratis craſſitudine, in quadrangulam figuram adeò concinne effigiatum, vt merito ſculptum nuncupari poſſit.

Alumen factitium ex alumine Rupeo candido, ouorum albumine, & aqua roſacea paratum, ac in congeriem, ſtruemvè, in acutum deſinentem, formatum. mulieribus ad dealbandam faciem in vſu; vt **Alumen plumæ**, & **Alumen ſcaliolum**.

Alumina ad propria loca dimittamus, & ſucci illud genus concretum diſquiramus, quod oleo facilius, quàm alio quouis liquore ſolvitur; cuius natales, cum ex pingui quadam terræ ſubſtantia (ceu adeps quidam in eius venis validè, & firmè concoctus) habeat, pinguitudinem terræ eſſe dicimus, quam vis caloris ex ipſa expreſſit: Sulphurisquè nomine donamus: quaſi (ex Iſidoro) ſolum vrens: *πῦρ* enim *Lib. 16. c. 1* græcis ignis eſt, quòd in illius compositione, eum præter pinguem exhalationem, multum igneæ, aëreæquè naturæ in ſe conceperit, ideò natura calidum, & ſiccum, in ſpiritum, ſue nebulam, facilè attollatur, & ſublimè fiat, nec non flammæ ſuſcipiendæ aptum, exurensquè ſit, vnde *Galenus* *Lib. 5. de comp. med. per gen. c. 2.* ſcribit, vt **vlcus**

vlcus exurendo faciat, quibus diutius adhaerit. Harum præterea qualitatum medio, tantam videtur habere cum igne cognationem, vt non modo flammæ, sed & prunis ipsis admotum, statim ignem concipiat, & ardeat; nec vnquam accensum extingatur, vsquequò pinguis, & oleosa eius substantia igni absumatur, totumquè in fumositatem degeneret. *Σειω* à Græcis appellatur, etymologia desumpta, fortasse, quia res diuina iudicaretur, cum ad domos expiandas, vt quid in natura potentissimum, suffiri solitum venit; vnde Persius ad Mærinum scribens, eiquè modum edocens, quo Iuppiter veniat præcandus, asserens, impunitatem scelerum, non esse argumentum diuinæ gratiæ. Sulphur sacrum hisce carminibus vocat.

Satyra 2.

Ignouisse putas: quia cum tonat, ocys Ilex

Sulphure discutitur sacro, quàm tuq; domusquè.

Lib. 5. lect.
antiq. c. 12

Quem sanè morem, Sulphure expiandi domos, ex Magicæ artis professoribus erutum crediderim, sicuti namque (referente Rodigino) naturalium virtutum adminiculo, ex mutua earum, & opportuna applicatione Magiam exercentes, opera ædere extra omnem admirationis captum consueuere, per mutuam cognationem, quæ disiuncta erant, in vnum conducentes; sic vice versa propter repugnantiam repellebant: vnde mos apud quosdam inualuit, Sulphure, atque Asphalto, & aqua marina loca aspergere, quòd expurgandi vim obtineat Sulphur, propter odoris planè acumen, aqua verò marina propter igneam portionem. Hæc antiquarum lectionum non minus disertissimus, quàm accuratissimus perscrutator Rodiginus. Sulphure quoque, vt etiam Sale, fieri coronas notat Strabo, quæ fortasse pertinent ad illas, quæ ex Platone, in fatidicis sunt incantationes; huiuscemodi coronas, ait Artemidorus, esse naturæ graues, & habere nihil iucundi, idest somniantibus nihil significare, quo lætari possint, eò quod grauantur à quibusdam supereminentibus. Sed de ijs fatis: vt etiam ab instituto nostro alienum, lubens ommitto, quæ de Sulphure à Chimistis prædicantur. Nihil aliud magis in conficiendo au-

Lib. 12. Geo
graph.
In Eratylo.
lib. 1. de som.
interpr. c. 79

do aurum ex non auro, quàm hoc commendantes, & inter mineralia summam præstantiam obtinere dicentes; cùm existiment esse metallorum principium, splendorem, & colorem ijs afferre; &, tamquam causa in generatione apprimè agens, sit semen masculi, ad argentum viuum suum Pro- teum (quod foeminae vices gerere asserunt) coagulandum. Quicquid de hac re sit, ipsi videant: caueant misceruli hi homunculi, ne in suis chimæris intumescerent, sublimationibus intenti, fumi instar ab igne erumpentis, quæ vident non possint accipere; & si accepta, non retinere valeant; & cum aliquid esse putent, in nihilum omnia resoluantur, ac ita fortunæ bona, & quæ facultates animales in cerebro vigent, simul cum Sulphure in fumositates exhalent. Cæ- terum quas opes in re medica distribuat: succintè habeas. *Loc. cit.* Notat Isidorus, Sulphuris tantam esse vim, vt morbos comitiales depræhendat nitore suo (alij nidore) cuius flamma si directè ad vultum hominis repercutiat, dirum, & horribilem pallorem in oculis aspicientium generare ad similitudinem defunctorum: vnde, & apud Plinium de Sulphu- *Lib. 35. c. 15* re hæc verba extant. *Lusit & Anaxilaus eo candens in calice nouo, prunaquè subdita circumferens, exardescens repercus- su pallorem dirum, velut defunctorum, offundente conuiujs.* Huic similiter virtutem inesse dissoluendi, consumendi, attrahendi, acuendi, attenuandi, & recuperandi, non modò ex Galeno varijs in locis. Sed exactè magis in libris de simpl. medica- *Lib. 9. cap. propr.* mentorum facultatibus. Verum etiam ex Dioscoride, & inter Arabes ex Auicenna habetur; qui singuli calidum, & *Lib. 5. c. 83* siccum, in quarto gradu, atque essentia tenuis constituunt. *Lib. 2. tract. 2. cap. 612* tussim prohibere, Epilepticos iuuare, quia vi abstergendi pollet, pruritus cum nitro purgare, & sedare. quia extra- hendi vi præditum, venenis obuiam esse, & mederi ictibus Scorpionis marini, Turturis, & Draconis. Lethargicos suffitu excitare, articulari morbo detentis, podagricis, & paralyticis præsto esse; modò tamen opportuno tempore, & congrua norma vsurpetur, affirmant. Ad quæ exequen- da, viuum, cuius color luteus resplendeat, quod translucidum

dum sit, nec in duritie lapidescat, cæteris quibuscumque alijs anteponendum, & eligendum venit. Quæ singula penes CALCEOLARIVM custodiri scias, & descripta hoc loco habeas.

Lib. 3. c. 83

Sulphur natium auro in colore non postremum, purum, ac sincerum, & in glebæ morem conuolutum; cui sapor est sub pinguis, sed iniucundus, odor adedò grauis; vt vltus nares feriat, similisque videatur euaporationibus illis, à locis fulmine ictis, eleuatis. Vt & sunt cætera alia Sulphurum genera. Rarum, & leue est, quod aëream humiditatem, & pinguedinem vstibilem à natura habeat. Hoc sanè, Viuum à Dioscoride dicitur, quod vnum vsui competit Medico: *ἀτρυγός* est Græcorum, ac si dicas, vt notat Celsus, Sulphur ignem non expertum. Non enim hoc genus Sulphuris vllò eget ignis adminiculo ad superflua separanda. Quia purum, & omni immunditia vacuum in terræ visceribus concrevit. Ex Boëmia.

Lib. 3. c. 94

Sulphur Viuum. ex Peruanæ Prouinciæ fodinis aureis erutum, ac in Musæum CALCEOLARIVM transportatum, inter præstantissima Sulphuris genera censendum; quod in colore fuluo aurum purissimum æquare videtur, ac ita pellucidum est, vt vitrum æmulari dicas. Ex huius massa, quæ veluti Vermiculis, in vnum conglobatis, instar Alcyonij tertij à Dioscoride descripti, tota non sine spectantium admiratione visitur, nullus odor sulphureus spontè spirat: quod si illius pusilla portio lucernæ admoueat, fumus statim viridis; odorem summè sulphureum eructans, nares ferit.

Lib. 35. c. 15

Sulphur fossile tam in superficie, quàm parte interna nigricante colore dotatum, minimè translucidum. Operarijs illis inseruiens, qui à fouendis aqua calida vestibis, & ijs purgandis ex Plauto in Aul: Fullones dicuntur; quod Sulphuris genus intellexisse crediderim Plinium: cum, post viui enumerationem, inquit. *Alterum genus appellant Glubam Fullonum, tantum officinis familiare.* vt pote quod instar Glebæ ex natiuo solo effodiat; & Fullonibus in vsu sit.

Sulphur

Sulphur fossile cinerei coloris, non nitens, Fullonico vsui & hoc accommodatum.

Sulphur fossile electro sanè vt videatur in colore simile, cum tamen pallidius magis sit, & ad viridem colorem vergat, vt Sulphuris viridis nomen mereatur.

Sulphur fossile impurum, quod terra sit infectum, forma veluti pumicosum, glebosumvè apparens, in quo tamen tenues scintillæ aureo colore lucentes, ad Solem emicant. Ex Puteolano.

Sulphur fossile in proprio colore densum, lapidi innatum, vt iure lapidosum vocari possit. Ex eodem loco.

Sulphur fossile cinerei coloris, satis densum terra fortè atramentosa infectum, linguæ namque admotum, nescio quid acerbi saporis spirat: in quo tamen partes aliquæ luteum colorem exprimentes, à natura impressæ visuntur.

Sulphur fossile in candido cinereum; fortasse quia in excoctione maiorem exceperit adustionem, quam par esset, ex planicie Sulphurea, inter Puteolos, & Neapolim.

Sulphur nativum solidum ob luteum colorem modicè nitentem, Apyro haud absimile. Ex Puteolano.

Sulphur fossile, candidum quod reddit colorem, fortasse quia, vt ex gustu percipitur, Aluminis quidpiam admistum habeat. Ex eodem loco.

Sulphur fossile, in quo color rufus, & ita pellucens conspicitur, vt argentum rude rufum esse dicatur: Ex Boëmiæ fodinis.

Sulphurea terra Neapolitana, ex qua Sulphur ex coctione extrahitur.

Sulphureus lapis colorè nigro, & rubro infectus; quem si Sulphuris parentem vocites, metallicis operarijs assenties.

Sulphur non viuum, sed πεπρωμένον Græcorum, quod ignem sit expertum, oleo namque incoctum igne perficitur, referente Plinio. Lanis molliciem, & candorem afferre tradens; cui pariter Egulæ nomen tribuit.

Sulphur ignem expertum, magis virens, quam superius notatum, teres cui est figura, quod in fistulas harundineas transcolatum

Z scolatum

Loc. cit.

Corolarij lib.
3. cap. 919

scolatum crescat in hanc formam: ad Ellychnia conficienda maximè vsurpatum. Cauton quorundam. Ex Hermolao.

Sulphur factitium forma rotundum, quod guttatim per foramina ollarum distillans in hanc formam concrescit.

Sulphur factitium, ex Sulphure, & squamma ferri simul mistis, ac in vrceos transfusis, arte elaboratum. Sulphur Caballinum officinarum, quia equorum scabies hoc sanetur.

Sulphur cum argento viuo arte Chymica sublimatum, ac in pigmentum rubicundissimum transmutatum. Cinabrium officinarum.

Est, vt alter succus pinguis, naturali cognatione, cum Sulphure iunctus, sub hac classe describatur, quem Latini Bitumen, Græci *Βερβαντον* nominant, non adulteratus, sed vt ex Asphaltite Iudeæ Lacu expiscatus, inter succos bituminosos in Musæo reconditur; quod ob præstantiam, & bonitatem ponderosum est, ac validum, vt tetrum dices, odorem vibrat: vndè Lucretius.

Lib. 6.

Nonne vides etiam terra quoq; Sulfur in ipsa

Gignier? & tetra concrefcere odore Bitumen?

In colore nigro purpurascens splendet; ob familiarissimam cum igne substantiam facilè hunc concipit, atque ex intervallo trahit; quod huius tota temperatio præter pinguem materiam, ex qualitate aërea, nec non ignea participet.

Et quamuis ex Sulphuris prosapia, ob succi sympatiam, esse videatur; non tamen illius substantia naturæ viuientium adèd aduersa, & perniciosa est, vt Sulphurea ipsa, cum plantæ quædam (sic Plinio nostro dictante) vt Fraxinus, iuxta fontem igneum Bituminis vireant; vti etiã quàmplurimis alijs in locis vita ad suum tempus, absque perniciæ frui constet; quod secus euenire in Sulphureis locis videmus, in quibus halitus Sulphurei omnibus viuientibus deleterij admodum, perniciosique sunt. Postquam autem in Iudaicum hoc Bitumen incidit sermo, placet quæ de eo à probatis auctoribus sunt literis tradita, breuiter enarrare, vt etiam cum

Loc. cit.

Memorab.
cbp. 3.

cum admiratione non careat, aliquid de Lacu ipso Asphaltite his scriptis tradere. De Bitumine apud Solinum hæc extant verba. *Bitum, seu Bitumen est in Iudæa, quod Asphaltites gignit Lacus, adeò lentum, mollitie glutinosa, ut à se nequeat separari: enimverò si abrumpere partem vellis, uniuersitas sequetur; scindiquè non potest, quoniam in quantum ducatur, extenditur; sed ubi admota fuerit, cruore illo (menstrualem sanguinem intelligit hic auctor, toto namque illo capite de menstruis ferè tractat) polluta fila discerpitur sponte, & ap-
plicata tæbe deducitur, paulò ante corpus vnum, pingue de tenacitate connexa contagione partitione repentina: Habet planè illud salutare solum in se, quod auertit Sydyus Helena perniciosissimum nauigantibus.* Hæc Solinus. Vitruuius pariter conterra-
neus noster, de aquis calidis agens, & quas habeant vires à diuersis metallis prodeuntes, nec non Lacuum naturam exprimens. *Sub Babylone, inquit, Lacus amplissima magnitudine Asphaltites appellatur, habet supranatans Bitumen liquidum, quo, & latere testaceo structo muro Semiramis Regina circumdedit Babylonem, (Naphtham intelligendam crediderim: non Bitumen illud solidum, & compactum, de quo supra) Ex Isidoro etiam habetur; Bitumen terram esse glutinosam, quæ iuxta Lacum Asphaltitem in Iudæa reperitur, cuius natura est ardens, & igni cognata, ut nec aqua, nec ferro rum-
patur, nisi solis muliebribus inquinamenti.* Nihilominus Strabo, ex Possidonio refert. *Huius Lacus accolæ magicos homines esse, incantationes quasdam facere, & lotia, & alios huiusmodi fetidos humores inspergere, quibus Bitumen coagulatur, postea inciditur.* Cui & Iosephus adstipulari videtur. Dum Bitumen hoc, lotio aspersum, secari solere asserit: quis plura? legat & Plinium. Quod si Lacus huius Bituminosi, succinctam tamen, habere desideras descriptionem: scias Lacum esse Iudææ in Pentapoli, ut ex historicis colligitur: cuius locus ex conuersione Vallis illius, in qua erant Sodoma, & Gomorrha, & tres aliæ Vrbes, quæ propter nefandam populi luxuriam cœlitus exustæ fuerunt (vno Loth Dei seruo erepto) in Lacum hunc conuersus est. Idem & mar-

Lib. 8. c. 3

Lib. 16. c. 2

Lib. 16. Geograph.

Lib. 4. de Bel
lo Iud.
Loc. cit.

Lib. 13. c. 19

Lib. 5. cap. 6

Lib. 2. cap. 3

Lib. 5. de Bel
lo Ind. c. 5.

mortuum ex Isidoro vocatur. Cuius rei rationem hisce
 verbis affert. *Quod nihil gignit vinum, nil recipit ex genere
 uiuentium. Nam neque pisces habet, neque assuetas aquis, &
 latas mergendi vsu patitur aues; sed & quacumque uiuentia
 mergenda tentaueris, quacumque arte demersa, statim resiliunt,
 & quamuis uehementer illisa, statim excutiuntur. Sed neque
 ventis mouetur, resistente Bitumine turbinibus, quo aqua omni
 stagnatur, neque nauigationis patiens est, quia omnia uita caren-
 tia in profundum merguntur, neque materiam ullam sustinet, nisi
 qua Bitumine illustratur. Lucernam accensam ferunt supernata-
 re, extincto lumine demergi: Hæc ille. Cui etiam Plinius
 subscribit. Hunc pariter Lacum, Aristotelē intelligere vo-
 luisse puto; dum in Meteoris rationem adferens, cur den-
 tur quidam Lacus, qui nullos pisces habent. In Palestina,
 dicit, Lacum esse uehementis amaritudinis, atque salsedinis, in
 quo nullus extat piscis, quod ibi nullum sit subtile alimentum.
 Non enim (vt ex historicis constat) ullus alius Lacus in
 Palestina est, cui hoc proprium sit, præter Asphaltitem.
 Sed Iosephi testimonio finis imponatur naturæ, & admiran-
 dis huius Lacus, neminem enim inueni, qui politiori cala-
 mo, præter hunc auctorem, rem hanc descripserit: Cuius
 verba ad literam hic annotare placuit. Commemoratione
 autem dignum puto, Asphaltitis quoque naturam exponere Lacum.
 Is enim salsus quidem, & sterilis est, nimia uerò leuitate, etiam
 qua grauissima sunt, in eum iacta fluitant, demergi autem quis in
 profundum nec de industria facile potest. Denique Vespasianus,
 qui eius uisendi causa illuc uenerat, iussit quosdam natandi in-
 scios, uinctis post terga manibus, in altum proijci: & euenit om-
 nibus, tanquam vi spiritus sursum repulsos desuper fluitare.
 Ad hæc mirabilis est coloris mutatio, quæ ter in singulos dies su-
 persciciem uertit, & Solis radijs variata resplendet. Multi
 autem locis uomit nigras Bituminis glebas, quæ super undam,
 & habitu, & magnitudine tauris sine capitibus assimiles natant.
 Ad eas autem cum Lacus exercitatores accesserint, natæ quod ag-
 gestum est, ad naues trahunt: & quia lentum est, repletas eas ab-
 rumpere nequeunt: sed quasi religata scapha, pendet à cumulo,
 donec*

donec menstruo mulieris, atque vrina solvatur. Est autem utile non modo ad compagines nauium, sed ad corporum etiam curationem multis remedijs admiscetur. Hæc de Lacu Asphaltite habeas, quod si plus iusto prolixior fuerim, id vnum rerum varietati attribuendum scias, quæ animos hominum, ob oblectamentum, quod ex illa percipitur, ad varia tam dicenda, quam scribenda allicit. Tu interim Galenum, & probatos alios auctores, de hoc ipso Bitumine scribentes audias, & finis esto. Optimum verò (dicit Galenus) Bitumen in mari, quod mortuum vocant provenit. Est autem id stagnum in caua Syria. Caterum medicaminis ipsius vis est, tum resicatoria, tum excalescentia in secundo ordine. Merito itaque vtuntur & ad glutinationes vulnerum cruentorum, & ad alia omnia quæ exsiccari debent, cum modica excalescentia. Hoc idem ex Dioscoride habetur. Cuius etiam vires nobis significauit Auicennas, cum dicat. Virtutem eius esse propinquam virtuti picis, & ipsum confortare membra. Sanguinem congelatum in ventre liquefacere quando bibitur. Vulnere colligare, neruosque conglutinare, & ad pleraque alia conferre notat, cuius breuitatis causa legenda relinquens. Quanti etiam ob incorruptam eius vim, & aquis contumacem, Bitumen ipsum valeat, in conseruandis lignis, & à tineis, tenedineue, atque alijs vitijs præseruandis, qui naues agunt præcipuè hoc attestari possunt: in dies namque experiuntur, illud non permittere, humorem noxium ligna combibere, neque aërem penetrare: Hoc vnum superaddere iuuabit; Bitumen quandoque in Sacris Literis charitatem designare. Id quod elegantissimè de more tradidit Benedictus Perrerus, eruditus Societatis Iesv Theologus, loquens allegoricè de Arca Noe. Hac ligna (inquit) intrinsecus, & extrinsecus Bitumine liniuntur. Vult enim te, Architectus Ecclesiæ CHRISTVS, non esse talem, quales sunt multi, qui desoris apparent hominibus iusti, intus autem sunt sepulchra mortuorum: sed vult te corpore Sanctum esse exterius, & corde intrinsecus purum, cantumque, vndique & castitatis, atque innocentie munitum: hoc enim est intrinsecus, & extrinsecus Bitumine

Lib. II. de
simpl. medi.
facult.

Lib. I. c. 88

Lib. 2. tract.
2. cap. 114.

Lib. 10. com
in Gen. n. 88

Allegoricè
quid Bitumē

mine esse oblitum. Vel significatur in compage caritatis tolerantia charitatis, ne scandalis Ecclesiam tentantibus, siue ab ijs, qui intus, siue alijs, qui foris sunt, cedat fraterna iunctura, & soluitur vinculum pacis. Est enim Bitumen feruentissimum gluten, significans dilectionis ardorem in magna fortitudine ad tenendam societatem spiritalem. Hæc Perrerus.

Bitumen & illud, & si vulgare, hic annotatum sit, quod ex Apollonia Cypri, quam vulgus hominum Valonam vocant, ad nos tunc temporis transportatur, nigrum est, exili quadam amaritudine gustatum commouens; cui in re medica non desunt vires, de quibus Plinius: nec non picandis nauibus pineæ pici commistum, est aptum. *πιττάσφαλτος* à Grecis nominatur. Ab odore picis, & Bituminis quem naturaliter olet, vt rectè sentit Dioscorides. Non quod, vt scribit Plinius (nescio quem sequutus) ex vtraque naturaliter constet: inquiens. *Est & Pissasphaltos mista Bitumine Pice naturaliter, ex Apolloniatarum agro.* Hanc sanè Bituminis speciem, quippe quæ multis in locis è montibus deuoluta, fluitat in ostijs fluuiorum, propriè Mumiam esse Serapionis, non est, vt quis dubitet. Et si & hic Auctor compositionem illam sub hoc nomine constituere videatur, qua mortuorum corpora antiquitus condiri solebant, ne in sepulchris putrescerent. Postquam autem in hanc rem incidit sermo. Duplicem in hoc condimento parando, inuenio seruatum fuisse ordinem: Vnum quidem magis communem, qui ex Pice, & Bitumine constabat, vnde Pissasphaltos dicta: qua infimæ classis homines corpora aduersus corruptionem munire consueuisse tradit Strabo. Alter verò (& hic nobilior erat) ex Myrrha, Croco, & Aloè, atque etiam Balsamo conficiebatur, res sanè longè vtilior, atque præciosior superiore. Nobilibus tantummodo in vsu, quorum effodere corpora, capitale erat. Mumiam Sepulchrorum Arabes, Syri, & Ægyptij vocabant. Et hæc potissimum ob vim misturæ, tam in potu exhibita, quàm extrinsecus admota aduersus affectiones corporis frigidas, ad capitis dolorem inueteratum, & vertiginem, summè laudatur, ruptis

Lib. 24. c. 7

Lib. 1. c. 85

Loc. cit.

Lib. 35. c. 15

cap. 233.

Lib. 16. Geograph.

ruptis, & ex alto contusis mirificè prodesse, qui artem medicam exercent, attestari possunt, vt & sanguinem sistere re ipsa comprobatur. Etsi non desint Viri, in re medica tractanda maximi nominis, qui hoc genus condimenti, vt humano generi plurimū abominandum, & vt detestabile, ab officinis arcendum, & potionibus omninò interdicendum esse censeant, cuius vice Bitumine Iudaico, cū omnia alia Bitumina eiusdem generis excellat, modò sincerum, nec vlli rei permistum haberi possit, vtendum consulunt. In cuius defectu picem siccam in vsu esse posse, dicunt, cum substantiæ similitudine inter se non discrepent, nec non eisdem in siccando, & calefaciendo insigniatur viribus, & ad glutinanda vulnera potens sit, æquè ac Bitumen Iudaicum. Aut liquore illo, quod Petreolum vocatur, ex Siculo agro, & tunc temporis ex monte Gibbo districtus Mutinensis transportatum: nihilominus experientia ipsa, quæ rerum est magistra, & qua singula, vt aurum igne, explorantur, comprobatur, Mumiam ipsam, absque vlla humani generis noxa intus assumptam, ad ea adprimè valere, quæ superius sunt annotata. Et hæc obiter, cum & plurima alia à veris medicis dogmatibus haud aliena in re proposita, deduci possent.

Succis Bituminosis iam prænarratis, illud Bituminis genus connectam, vt Musæi ordini incepto insistam, quod Asphalthis veluti flos esse videtur, & Naphtham Babylonix populi vocant. Pingue, & olei instar fluidum est. Sulphur validissimè olet, & subacris est saporis, in colore nigricante rufescere quodammodo videtur: cuius uis admirabilis, quia plus in ea est ignis, quàm in Sulphure, & Bitumine, plus etiam ijs adeò ignis est rapax, vt ex spacio protinus flammam in illam transfiliat, quod facillimè probari potest ex Plinio nostro in naturali historia, quo loci inuentum Medæe ignis incantatricis narrat: quæ vsu huius Bituminis pellicem Creontis filiam, postquam ad aras sacrificatura accesserat, cremavit, corona igne correpta (& si radicis cuiusdam vi à

Circe

*vt Bitumen de
Cremona.*

lib. 2. c. 105

*Leff. antiq.
lib. 15. c. 13.*

Lib. 35.

Lib. 5. qu. 7.

*Succini con-
sideratio.*

Lib. 3. c. 483.

Circe doctam, incendium id creasse Diodorus dicat) unde Naphtham, Medæ oleum Græci appellant: & fortasse hoc erit illud celebratum Medæ pharmacum, quod ignibus admotum inardescibat: constabat autem (referente Rodigino ex Plinij mente) ex Sulphure, & Asphalthe humectiore, quod Naphtha est) Cuius etiam exurentes vires, ut habetur ex Dione in Pompeio. Malo infortunio, Luculli milites Trigonocerta obsidentis, experti fuere. *Barbari namque (sic scribit hic Auctor) cum grauib. incommodis affecere, non solum coniectis telis, sed etiam Naphtha, quam tormentis quibusdam emittabant; subdens, Naphtham ex genere Bituminis esse, usque adeo ardentem, ut omnia, quibus adhaerescit, prorsus exurat. Nec vlla re humida prorsus extinguatur.* Huic eidem infortunio obnoxij fuere Seueri Imperatoris milites in Atræ obsidione, ut ex Ioanne Xiphilino è Dione in Seuero colligi datur: quo loci ob quamplurima damna à Barbaro equitatu Arabum, & Atrænis longissimè iaculantibus, Seuerianis data. Naphtham iniectis in eos dicit, qua machinæ, militesq; omnes, quos attigit, conflagrauerunt: Alexandri illius Magni experimentum, puero illi in balneo existenti paratum, ne eundem lapidem reiteratis vicibus reuoluere videar, silentio præteribo, cum iam de eo in aluminum tractatione facta sit mentio: hoc vno contentus, tantam in hoc Bitumine naturaliter insitam esse potentiam, ut Plutarchus in Symposiacis, agens de his, qui fascinare dicuntur. Perbellè illis aptare posse, dixerit, qui in re amatoria ex mutuis obtutibus valdè adficiuntur, cum formosorum corporum adspectus, non secus ac Naphthæ, quæ ex interuallo ignem ad se rapit, etiam à longinquo respicientium ignem in animis amore captorum accendat. Sed diffusè satis de Naphtha. Modò Bitumen illud sub examine ponatur, quod Succinum dicitur. Sic à nonnullis nuncupatum; quod ex succo concreascit, non quidem arborum, ut hi putarunt: cum in Pomeriana, & Prussia (teste Munstero) à mari nullæ stent arbores resinam stillantes, ubi plurimum legitur Succinum: Non Sophoclis concretæ lacrymæ Melagrium Auium, Melegrium deslentiū: Non Lyncis, seu Langis bestię

bestiæ glaciata vrina, vnde ipsi Lyncurium appellant. Non
 Dionysij, & Euripidis lacryma Populi arboris condensata.
 Nec Plinij Pineæ arboris succus: cui assentiri videtur Olaus Lib. 37. c. 3
 Magnus natione Gothus in eius historia rerum Septentrio- Lib. 12. c. 8
 naliū hæc scribens. *Abietes, seu Pineæ arbores natura sua*
resinosa, excelsa proceritate siue super littora maris, siue super ri-
uos, vel alias Sylvarum decliuitates crescentes, succinum sudant,
maximè dum maturis frugibus, Solis feruor torrentibus ipsis Iunio,
Iulioq; mensibus incendioſior, Cancris, atque Leonis tetigerit metas,
tum istæ arbores aestu valido fissis corticibus, succinum sui liquoris
in subiectos latices, fluuiosq; indurandum emittunt, sicque Stillan-
do quoddamq; obiectum corpus sui tenacitate, tamquàm glutinum
inuoluit, quo fit, ut Ranæ, Mures, Culices, Muscæ, Aristæ, Legu-
mina, & his similia, à resinoso hoc visco rapta inuoluantur, ac in-
durentur, &c. Quod etiam videtur comprobatum à Sancto In Exem.
 Basilio, cum dicat. *Succinum, seu Electrum plantarum succum* Hom. 5.
esse in lapidis naturam concretum. Nihilominus fabulentur
 Poëtæ quidquid vellint, machinentur & alij de huius origi-
 ne, quæ illorum sint votui: magis mihi arridere videtur Ge- Lib. 4. de
 orgij Agricolaë opinio, qua diffusè satis, & doctè significatur: nat. fossil.
 Succinum terræ succum pinguem, sudoremq; esse, non quod-
 uis aliud (ardet namque) & illum bituminosum potius,
 quàm sulphureum, vi caloris terreni, ex pinguibus terris ex-
 pressum, qui postmodum per meatus subterraneos, & terræ
 venas, aquarum medio, quæ has lambendo madefaciunt, in
 mare feruens adhuc, deuolutus, hinc illinc à fluctuum im-
 petu tamdiu agitur, & concutitur, quoad maris frigidita-
 te concreſcat, & eiusdem salsedine alteretur: *ἤλεκτρος* à Græcis
 dicitur, quoniam digitis, & fortè melius panno rudi, aut alia
 quappiam re dura attritum, accepta caloris anima (tamquàm
 Magnes ferrum) sic & ipsum specifica sua virtute attrahit,
 allicitq; ad se paleas, plumas, folia, omniaquè leuia, ocimo
 dempto (ex Plutarcho) & ijs quæ oleo sunt perfusa: ex quo Lib. 2. Sym-
 etiam *ἀρπυγία* ab ijsdem dicitur. Carabe Persarum est, quod pos. quæst. 7.
 Princeps Abolai, rapiens paleas interpretatur, Ambra Ara-
 bum, Gentarum Prussiorum, Smalternium Scytharum, Sacul-

A 2 Ægy-

Ægyptiorum, & Veterum Germanorum Glessum, hoc est vitrum, quia vitri instar pellucet. Species modo huius Bituminis speculemur, quibus CALCEOLARIJ Musæum ornatum cernere est.

Succinum Prussium, præ candido colore conspicuum, inuenturum; tangenti substantia durum seipsum denotans, leuissimum tamen: quod commansum gustantis linguam singulari afficit dulcedine, quam in reliquis alijs Succini speciebus non percipies, cum illa aut omninò careant, vel exigua sint præditæ: attritu odorem fragrantissimum, & ad eam naturæ amicum, & gratissimum spirat, ut eius suffitu Epilepsia, & vertigine, necnon animi deliquio, & Syncope correpti, reuocentur, & excitentur. Quoniam verò leuiter calefaciendo exsiccat, & illiniendi vim obtinet, ideò intus assumptum ad humidos capitis morbos valet, alui fluores, ventriculi vomitum, capitis distillationes, & sanguinem vnde cumque profluentem sistit: & quamuis Galenus nullam de eo mentionem fecisse videatur in libris de simplicium medicamentorum facultatibus; nihilominus in libris de compositione medicamentorum secundum locos, de reiectione sanguinis agens, ex mente Asclepiadis, quæ ad Hæmoptoicos ad verbum transcripsit. Pastillum ex Succino paratum refert, quem Hæmoptoicis, longo tempore tussientibus, & recenter Phthisicis, Anaphoricis, Suppuratis, Celiacis, Dysentericis, & inflatis conferre tradidit. Pesti, & omnium venenorum generi resistere creditur; viscera roborare, & cæteras corporis partes, cordi utile esse, necnon eius tremori mederi, est in confesso: ex vino albo cum modico Groci, & Schoenanthi ad dragmæ dimidiæ pondus deuoratum, partum accelerare, felicissimo euentu, in dies prout occasio sese offert, experimur. Vti ad quamplurima alia pro tutanda, & præseruanda familia corporis humani, conferre patet: quod verò de Succini albi viribus sunt proposita, crediderim & Succinum potissimum fuluum, in operationibus hisce obeundis non infimas habere facultates.

Succinum fuluo colore Falernum vinum imitans, quamuis leuedurum

Lib. 7. cap. 4.

durum tamen, ac valdè perspicuum, cui odor suavis admodum, & sapor dulcis inest: in quo Formicæ, Culices, & Papilio, veluti in alueo inclusæ, vt quid miru dignum, conspiciuntur: fortasse quia (vt notat pariter Agricola) singula hæc animalia in liquidum Bitumen, aut cum ex terra efflueret, vel irrepsissent, vel inciderunt, aut cum iam in mare influxisset, innatarunt, atque sic inclusa, incautè remanserint, & simul cum eo in lapidem sint mutata. Vnde Martialis.

Loc. cit.

Dum Phaëtontea Formica vagatur in umbra,

Lib. 6. c. 15

Implicuit tenuem Succina gutta feram.

Succinum, & aliud fuluum, translucidum, & à quouis succo turbido segregatum, in quo aqua intus hærens ad motum fluctuare visitur.

Succinum colore fuluo Auri colorem æmulans, nata perspicuitate pellucidum, odorem suauem, & fragrantem, qui non-nihil Myrrhæ olet, spirans.

Succinum in candido pallescens, non pellucidum, fortasse quia medio caloris subterranei à materia terrena crassa, & pingui non ita perfecte exprimi potuerit, vt nitorem in se contrahere fuerit potens, sed in propria substantia pallescens, luciditatis omnino expers remanserit.

Succinum nigrum, & illud sine pondere, ex cuius suffitu odor adèd ingratus dimanat, vt caput ipsum ex fumo euaporante,

Lib. 37. c. 10

satis intenso dolore, absque mora vlla detineatur. Sammotrhacia Gêma Plinij; quam Sammotrhacia Insula dat nigrum,

sine pondere, & ligno similem: Ambra nigra vulgò: cuius maximus est in Compostella Hispaniarum regione prouentus,

& ex quo non modò Imagines Diuum Iacobum (cuius sacratissimum corpus illa in regione summa cum veneratione custoditur) repræsentantes fiunt, quas Peregrini, & Heremitæ religionis gratia capicijs appensas portant. Sed & globuli

torno formantur, coronis præcarijs in usu.

Hucusque de Succis illis concretis, qui verè bituminosi sunt sermo est habitus. Postrema tandem manus secundæ huic

Sectioni bitumine illo imponatur, quod sanè cum inter ignobiliora bitumina, ob nataliū impuritatem enumeretur, inter

A a 2

postre-

postremas pariter sedes locandum venit. Carbo inquam ille fossilis, qui à re ipsa denominationem sumpsisse videtur. Fabris namque ferrarijs quamplurimis in Germaniæ locis ad sua munera obeunda, Carbonum loco inseruit, cui ardenti paulatim aquas, vt cæteris carbonibus artefactis, instillant, ne ignis eos citò consumat: quò etià ob lignorum penuriam (cum huius copiosissima sit messis, reperiuntur namq; montes, & syluæ bituminoso hoc adusto succo prægnantes) Galliæ, Barbantiæ, & Germaniæ accolæ ad ignem parandum, ac eùdem fouendum vtuntur. Hic, & si vt cætera bitumina in terræ sinu ex succo pingui cum sulphure iuncto oriatur, nihilominus vi ignis oclusi aded exustus, consumptusve redditur, vt penè deperdita pingui illa, & aërea, igneaque substantia, quam in natalibus contraxerat, in ignobile Bitumen degeneret, nec solum præ colore nigro à nimia combustione acquisito, non secus ac ligna ipsa vi ignis, extinctis prius prunis, in carbones demigrare videmus, sed etiam ob leuitatem, & quod friabile sit, quia siccum, & à calore igneo in terra consumptum, meritò carbonis nomen est adeptum: Gagates imperfecta à quibusdam nuncupatur, cum ex eodem fiat succo bituminoso, quo & Gagates, attamen cum præ nimia combustionem, duriciem, & ligneitatem illam Gagati peculiarem acquirere non potuerit. Gagates imperfecta dicitur. Vti & Bitumen Boëmicum, quod in Boëmiæ Bituminosis fodinis reperiri fit solitum.



SECTION TERTIA.
IN QVA GEMMÆ, ALIORVM
LAPIDVM MVLTIPLI-
CES SPECIES,
ET QVI A NATVRA
SVNT EFFIGIATI
RECENSENTVR.

SECTIO TERTIA.



ST, vt naturæ plurimum debeamus, quæ, siue per terrena spaciari mente liceat, seu maris fruges, quotquot sunt, contemplemur; non vt Nouerca, quinimò vt fœcundissima, benignissimaquæ Mater, res numero infinitas in hunc potissimum finem videtur elargita, vt vsui, commodoquæ humani generis inferuire valeant: quam sanè immensam munificentiam, dum maris alumnos, terrarum, nec non succorum è terræ visceribus erumpentium diuersas species, ac eorundem facultates, non [vno vsui idoneas], perscrutaremur, à nobis in præcedentibus Sectionibus abundè satis ostensam crediderim. Vt autem eiusdem opera mirabilia, magis, ac magis eluceant, & globus hic terrenus, veluti corpus quoddam, & si terra, vt carne, succis varijs, vt humoribus, constitutum videatur (infortunijs nihilominus obnoxium) firmiter, solidiusquæ manere possit. Natura ipsa, nihil intentatum relinquens, ossibus, lapidibus nimirum illud munivit: qui ex commixtione terræ, & aquæ (vt omnium mistorum materia) agente caliditate, quæ mixtionem perficit, & frigiditate, quæ mixtum condensat, & coagulat, ne à Peripateticorum Principe Aristotele dissentiri videamur, substantiam illam compactam, & mirabiliter duram, temperamentumquæ frigidum, & siccum non modo naturaliter sunt adepti, sed & pro bono familiæ humani corporis tutando, miras naturæ vires in illis coruscare cernere est. quæ ab influenza peculiari planetarum, & symmetria Elementorum, ex materia subtiliore, & puriore illis obueniunt: vnde

Lib. 4. Meteor. cap. 6.

*Lib. 3. cōtra
Gentiles.*

vnde D. Thomas, herbas, lapidesquē cœlitus mirabiles, vltra elementorum virtutes, habere vires tradit: Platonici ideis rerum formatricibus, Auicennas intelligentijs, & Albertus formis rerum specificis ascribunt. Nos autē Deum in primis rerum summum opificem, regere astra, sigillare ideas, dirigere intelligentias, & in lapides, herbasquē seminare ocultas rerum formas dicemus. Quorum seriem satis numerosam CALCEOLARIUS, varijs è regionibus, non sine maxima industria comparatam, habet, & hanc colorum dissimilitudinibus conspicuam, vt est natura horum omnium fossilium, in quibus colorum discrimina spectantur, ob diuersi coloris materiam, ex quibus fiunt, calore vt horum opifice, coloribus materiam inficiente. De quibus singulis verba nos facturi, ne ab instituto ordine desistamus, nomina, & horum causas inquiremus: Vires, quibus natura illos dotauit, indagare tentabimus, & si quæ moralitas, moribus deseruiens, ex ijs ellici poterit, in hoc vnum omne studium, & operam impendere, vt legentium animi recreari possint, nullius erit laboris. Quod autem Sectio hæc Tertia, lapidibus illis onusta satis, qui & vulgò Lapidēs nominantur: & qui etiam cum sint admodum duri, aut pelucent, aut valdè venusto, varioquē colore ornati, mirificent, & Gemmæ vocantur, splendida magis appareant, abs re neutiquam fore iudicauī, modò lapides quosdam præciosos, qui tamen ex penu CALCEOLARIO haud sunt, sed ad nos fuere transmissi, aut alicubi visos excepimus, ijs connectamus; inter quos honoris, & venerationis ergò, in votis præcipuè est, lapide illo præexcelsæ venustatis, faciem huius sectionis illustrem magis reddere, qui sicuti sacrarum Scripturarum testimonio est celebris; connumeratur enim à D. Ioanne Apostolo, & Euangelista inter duodecim lapides fundamentales muri Ciuitatis cœlestis; & inter purpureas gemmas (ex Isidoro) principatum obtinet, ita magni Principis auspicijs dignissimus censendus videtur, vt inter insigniores lapides gemmatas reponatur: quem sanè, dum elapso Augusti mense à Serenissimo FERDINANDO GONSALEZ Mantuan

Apoē. 21.

Lib. 16. c. 9

Mantuum accersitus, in regio rerum naturalium conclauio, summa animi admiratione, & stupore contemplatus sum. Lapis est substantiæ insigniter duræ (vt est gemmarum. penè omnium natura) qui formam ferè oualem, vt ex Icone ad viuum delineato patere potest, repræsentare videtur: materia illa fossili compactum dices, quæ Achatî, & Iaspidi Gemmis generandis, struendisquæ naturaliter est apta; hisce etenim quocumque oculos dirigas totum splendide refertum attendes: in huius centro, veluti in proprio vtero (ò mirum visu, audituquæ) fluores multiplices in turbinem acutum desinentes, & pellucidi, tam carè, & benignè reconduntur, fouenturquæ, vt fatereris, naturam ipsam, ne quid detrimenti patiantur, in hoc vnum spirasse, vt validissimo veluti propugnaculo muniti, custodirentur. Quicquid cum purpureo colore, non ex toto igneo, sed in vini colorem deficiente fulgeant, nec in oculos, vt Carbunculi, vibrent, sed aspectu veluti quid blandum fundant, Amethysti Gemmæ naturam illos omninò spirare, non præter rem exprimi poterit: ob quam illustrior, & cuius magis suspiciendus Lapis hic redditur; vt dici merito possit, naturam ipsam rerum creatricem, quicquid dignationis, venustatisquæ in hisce gignendis infundere valet, id vnum in fœtu hoc amethystino formando, collocasse: cuius tandem denominationem, modò scire appetas, ab arcenda ebrietate, ex Aristotele deductam esse scias: sicuti namque coronis ex flore Amethysti herbæ, post vinum, utebantur antiqui aduersus vinolentiam; Cum (vt scribit Plutarchus) *florum exhalationes mirabiliter contra hoc mali præsidio sint; caputque veluti arcem muniant ad ebrietatem pellendam: nam & calidi flores molliter aperiendis meatibus faciunt, vt perspirare vinum possit: & quæ leuiter frigida sunt, mediocri contactu vapores repellunt, vt violacea, & rosacea corona: utrumque enim horum adstringit, reprimisque odore suo ea, quibus caput grauatur: Pariter etiam Peripateticorum Princeps arbitratur, Amethystum lapidem vmbilico appositum (siue à proprietate, seu ob innatam frigida-*

B b

Sympos. 3.
quest. 1.

Loc. cit.

Lib. 37. c. 9

Lib. 21. c. 8

Lib. 37. c. 9

Inc. 21. A.
poc. scilicet. 3.
sub n. 5.

giditatem hoc fortasse agat) efficacem admodum esse ad reprimendas fumositates, euaporationesve illas vini ad cerebrum pertingentes, & rationem seducen-tes: quibus non impeditis, qui vino indulgent, quàm facillimè ebrietate corripiuntur, ignari quorsum eant, animam prætumidam habentes. Cui Aristotelicæ opinioni reclamare videtur idem Plutarchus, asserens, *illos in errore versari, qui putant, Amethystum cum herbam, cum cognominem eius Gemmam, nomen à prohibenda ebrietate suscipere: utrunque enim à colore dictum est, violæ, & vino temperie diluto simile: Quod etiam ex Auctore illo, de natura, lingua latina, & medendi arte optimè meritò, Plinio (quem semper nostrum dignitatis ergò nominabimus) habetur: qui de hac Gemma scribens, hæc profert: Causam nominis asserunt, quod usque ad vini colorem accedens (facetè hoc traditum puto) priusquam eum degustet (hoc est pusillum è colore delibat) in violam desinat, fulgorquè quidam in illam purpure, non ex rose igneus, sed in vini colorem deficiens. Quem sanè colorem, ab eodem auctore Ianthinum alibi fuisse appellatum, legere est. Ex quibus verbis Plinianis elici & hoc potest: colorem nimirum illum, qui in Amethysto spectatur, oriri è puro, nec diluto nigro, splendore igneo immixto, non secus ac in acinis vuarum provenire videmus. Gemma hæc, cuius & à Plinio quinque enumerantur differentie, & si ob eius molliciem ad sculpendum idonea magis sit, nec ad medicinæ usum veniat; Attamen quasvis species probata refert hic Auctor, contra præstigiatorum imposturas, contra aéris tempestates, & locustas, pariter contra lethargum, si Cynocephalo, aut Hirundinis pluma traiciatur, Solis, aut Lune inscriptione nomine: nec desunt qui affirmant, gestatam repellere contagiones, & bonum conferre intellectum, vti etiam ad Præmariorum gratiam conciliandam plurimum valere.*

Amethystus, ex doctrina Blasij Viegas, Apostolorum Symbolum gerit. Si quidem violacei coloris est, fulgentius emicans Hyacinto, sculptura facilis. Triformi radians colore

lore, roseo, violaceo, & purpureo. Sanè sculptura faciles
erant Apostoli; quia in laboribus patientes: Gemmæ pur-
pureæ propter martyrium; rosæ habentes nitorem propter
gratiam, quam sibi apud omnes conciliabant. Est enim
rosa gratiæ symbolum; denique suauissimas amoris flammū-
las ex se fundebant.

Sequens facies paginæ lapidem illum pretiosum tibi repræ-
sentabit, tū ob nitorem, quo præfulget, tū etiam ob
Amethystorum prouentum, quibus præter Achatem, &
Iaspidem Gemmas in eo à natura insertas, vberimus con-
spicitur, meritò admirandum, & summè suspiciendum: qui
penes Mantuanum Principem FERDINANDVM GONSAGAM
asseruatur.



Cæterum non te lateat, præ Amethyſtorum nitore, capsulam, in qua apud CALCEOLARIVM multiplices lapidum præcioſorum ſpecies reſervantur, conſpicuam, apparere: inter hos matrem, ſeu radicem Amethyſtorum cernere eſt, albicans, cui eſt color, ac ſi ſucco Cryſtallino ſit adnata, quod nondum ab opifice terreno, calore nimirum, ad perfectam ſucci concoctionem deuenerit, huic tamen, vt matri cariffimæ, ſociati Amethyſti, colore purpureo veluti inebriati nitent.

Amethyſtus formam Cryſtalli exprimens, in quo ob permutationem ſucci puriſſimi aquei, purpureo qui prædominatur, color violaceus, à ſui natura ferè alienus, albicare videtur. Ex Boëmia fodinis.

Amethyſtus non à proprio, & innato colore alienus, Pyriti lapidi aureo colore coruſcanti, natura ſic ludente, vt Parenti associatus.

GEMMARVM PERSPICVARVM, QVÆ SOLA CLARITATE
OBLECTANT, ENVMERATIO.

CRYSTALLVS Gemma perſpicuitate, & claritate ſummè illuſtris, & commendata; cui meritò inter Gemmas primus nobilitatis gradus, ratione propagationis, attribuentus venit. A ſucco namque illo aqueo, quo præ cæteris gemmis tota eſt compaſta, harum ordo naturæ lege incipit: & quia molliſſima, & tenerrima, ob id faciendis poculis apta eſt, in quibus liquores infuſi non facilè coaleſcunt: lubens antequam vltèrius progrediatur, referam, apud FERDINANDVM Mantuæ Ducem vaſa multiplicia amplæ ſatis magnitudinis, ex Cryſtallo peregre admodum elaborata, reſervari, quæ ſanè cum & ob claritatem, nec non ob artificis peritiâ intuentibus gratiſſima admodum ſeſe oſtentent, illorum animos in admirationem rapiunt: Sed ad Cryſtallum: Gemma hæc primitias generationis (vt ex Agricola in rebus naturalibus perſcrutandis diligentiffimo inſpectore patet, cui etiam Cl. Matthiolus ſuis

Lib. 4. de ca-
us. & ort. ſu-
ber. & lib. 6
de nat. ſoſſ.
Lib. 5. c. 116

fuis commentarijs in Dioscoridem multis rationibus innixus, pertinaciter assentitur) ex succo aqueo in terræ visceribus recondito, & omnium purissimo (vt ex fulgore innatescit, modò tamen alijs sui generis bonitate præstet) frigoreq; densato trahit: vnde Propertius hocce dystico aquosam nominat.

Lib. 4. eleg. 3.

Nec mihi, quo Pænis tibi purpura fulgeat Ostris,

CrySTALLUS què tuas ornet aquosa manus.

Qui tamen succus de terrea siccitate, plusquam liquabilia, habet: non enim solo frigore aquoso (vt multi autumant) sed etiam terrea siccitate coagulatur hic succus; calido, humorem, & terram attenuante, & commiscente, ac superfluam humiditatem absumente; quæ terrea siccitas, quando super aquam dominatur, aquosum terreum in vitreum permutat: & vincit frigiditas superducta. Non desunt tamen Viri in Republica literaria maximæ auctoritatis; & in rebus naturalibus inquirendis exactissimi ingenij, qui expressè dicant. CrySTALLUM esse glaciem longo temporis tractu gelu vehementiore concretam; quod etiam ex Etymologia nominis probare conantur, apud Græcos enim frigus, vel gelu significat, & ~~εἰς~~ ^{ἐν} contrhao: ac si dicatur, CrySTALLUM gelu concretâ: inter hos præstantissimos viros est Seneca, cuius verba hæc sunt. *Quis non grauissimas esse aquas credat, quæ in CrySTALLUM coeunt? contra autem est: tenuissimis hoc enim euenit, quas frigus ab ipsa tenuitate facillimè gelat: vnde autem fiat eiusmodi lapis, apud Græcos ex ipso nomine apparet: κρύσταλλον enim appellant æque hunc pellucidum lapidem, quam illam glaciem, ex qua fieri creditur: aqua enim celestis nimirum in se terreni habens, cum induruit, longiori perti-*
nacia spissatur magis, ac magis, donec omni aëre excluso in setorta compressa est, & humor qui fuerat, lapis effectus est. Hæc inter philosophos ex Stoica classe acutissimus Seneca. Cui & Aulus Gellius in suis noctibus Atticis assentiri videtur. Quo loci aquam multam niue dilutam bibenti pessimam, esse ex mente Aristotelis exprimens, asserit, *Aquam latius, solidiusque concretam esse illam, quam κρύσταλλον* Græci appellât: Nec

Lib. 3. nat.
quest. c. 25.

Lib. 18. c. 5.

Nec abest ab horum auctorum diplomate, Plinij pertinacissimum decretum. *CrySTALLUM* (inquiens) facit gelu *vehe-*
mentiore concreto: non alicubi certè reperitur, quàm ubi maxi-
me hybernae nives rigent, *Glaciemque esse*, certum est; unde &
 Græci nomen dedere. Isidorus pariter hæc habet: *CrySTALLUS*
resplendens, & *aquosus colore traditur*, quod *nix sit*, *glacies du-*
rata per annos, &c. Ommitto, breuitatis causa, quæ à Sancto
 Basilio, & S. Augustino literis sunt mandata; singuli namq;
 hi præ sapientia celeberrimi auctores, eundem lapidem in re
 proposita, reuoluere videntur. Lubet tamen, quæ ex Mar-
 bodæo in eius Dactylotoca versibus de Crytallo sunt decan-
 tata, in quibus, & eius vires, succintè quidem, explicantur,
 in legentium gratiam hoc loci apponere.

Lib. 37. c. 12

Lib. 16. orig.
c. 13.Ex. Hom. 3
Lib. 2. de mi-
rab. scrip. c.
24. & alibi.

cap. 22.

CrySTALLUS *glacies multos durata per annos*
Vt placuit doctis qui sic scripsere quibusdam
Carminis antiqui, frigus tenet, atque calorem.
Pars negat, & multis perhibent in partibus orbis
CrySTALLUM nasci, quam nec vis frigoris ulla est,
Nec Glacialis hyems nunquam violasse probatur.
Sed certum cunctis, nec stat violabile tanquam.
Quod lapis hic Soli subiectus corripit ignem,
Admotosque sibi solet hic accendere fungos.
Hunc etiam tritum quidam cum melle propinant
Matribus, infantes quibus assignantur alendi,
Quo potu credunt implerier vbera lacte.

Nihilominus iam prænaratis Solinus refragatur, dicens,
 Istic est, & *CrySTALLUS*, quem licet pars maior Europa, & parti-
 cula Asia subministrent, præciosissimum tamen Scythia edit.
 Multus ad pocula destinatur, nam fert calorem præcipuè, quamli-
 bet nihil aliud, quàm frigidum pati possit (à calido namque hu-
 more infuso rumpitur) sex angulis inuenitur. Qui eligunt,
 purissimum captant, ne quid rufum, nevé nubilum, vel spumis
 oblitum arceat perspicuitatem. Tunc ne duritia iusto propensior
 obnoxium fragilitatis magis faciat: Putant glaciem coire, & in
CrySTALLUM corporari: sed frustra: si ita foret, nec Alabanda Asia,
 nec Cyprus Insula hanc materiam procrearent, quibus regionibus
 citatissi-

Memorab.
cap. 24.

*citatissimus calor est. Liuia Augusti ad pondus quingentum
 quinquaginta librarum inter capitolina dona Cryſtallum dedicauit.
 Hæc Solinus. Imo etiam ignis, vel Solis feruori admota
 ſtatim liqueſceret, vt Glacies, quorum neutrum contingere
 quotidiana nos edocet experientia: addamus, Glaciem
 aquis innatare, Cryſtallum protinus ſubſidere. Extat in
 ditione Bergomenſi Mons quidam, Saluinum Accolæ no-
 minant, in quo maxima Cryſtalli copia reperitur, varijs fi-
 guris Geometricis notatæ, præcipuè verò quæ, ex parua,
 ſexangulam figurâ peregreiè referunt: quod ſi aliqua ho-
 rum pars à loco eximatur, non multo interpoſito temporis
 ſpacio, aliæ veluti à minera eodem in loco pullulare viſun-
 tur. Videant modò hi, an ſit glacies, an vero corpus foſ-
 ſile aquoſo ſucco à frigore, & terrea ſiccitate coagulatum;
 quis plura deſiderat, legat, præ cæteris, Agricola, & Mat-
 thiolum: ſilentio non inuoluam, quæ à Diodoro Siculo tra-
 duntur. Cryſtallum lapidem (dicit) ex aqua oriri, puta con-
 gelata, non quidem à frigore, ſed diuina caloris vi, quæ duri-
 ciem ſeruet, variosque colores ſuſcipiat. Galenus (vt Cry-
 ſtalli etiam vſus in medicina innotefcat) vires habere
 ſtringentes ſcribit, vnde in puluerem tenuiſſimum trita,
 & in vino aſtero pota, dyſentericis, quod multum exſiccet,
 opitulatur: Quinimo in ventris fluoribus illis ex bile
 præſina, ſeu eruginosa ortis, in potu exhibita, vt quid Be-
 zoarticum, mirificè prodeſt: Vti & propinata, contra coli-
 cam paſſionem, & viſcerum dolorem, modò non adſit con-
 ſtipatio, plurimum valet: Nec non albas vteri fluxiones,
 exſiccando compeſcit. Sub lingua detenta, quæ tamen
 ſæpe ſæpius aqua roſacea ſit infuſa, ſitum, & ardorem re-
 ſtringit: Si quis Cryſtallum puluerizatum dragmæ vnius
 pondere mixto oleo amygdalarum dulcium abſque igne
 extracto, ijs, qui argentum ſublimatum, inter venena, quæ
 momentaneis horis exedendo interficiunt, primus cui da-
 tur locus, combibèrit, exhibeatur, præſentaneum inueniet
 remedium. Non deſunt qui affirmant, Gemmam hanc
 collo appenſam, ſomnia mentem perturbantem ſoluere,
 verti-*

Lot. cit.

*Lib. 3. circa
finem,*

*Lib. de ſimpl.
medic.*

vertiginesque fugare. Antiquitus (referente Plinio) Pila Lib. 27. c. 2
 è Cryſtallo conficiebatur, qua aduerſis poſita Solis radijs,
 medici veteres, quæ ſunt vrenda corpora, non aliter vtilius
 id fieri putabant, igne inde concitato, vnde & cauteria-
 tunc temporis ex Pila Cryſtalli fieri ſolent, qua delicatio-
 res homines, candens ferrum reformidantes, abſque vlla
 noxa vruntur. Parari etiam arte Chymica ſolet oleum
 ex Cryſtallo, & ſi in vſu non ita frequenter ſit: ſingulare
 remedium cum aqua ſtillatitia Cardui Benedicti ad drag-
 mam vnā, vel dimidiæ pondus exhibitum, ſeruata æta-
 tum norma, anni tempore, & virium robore, ad atteren-
 dum, comminuendum, & expellendum renum, & veſicæ
 calculum, vti etiam ad vrinam prouocandam. Quod pa-
 riter mulieribus lactantibus lac augeat cum oleo amygdala-
 rum dulcium, vel iure gallinaceo, in quo radix, ſeu ſemen
 fœniculi decocta ſint, propinatum. Modò qua varietate
 Cryſtallorum exornatum ſit Muſæum ex ſingularum Cata-
 logo, qui in ſubſequentibus exponetur, colligi poterit.

CRYSTALLVS nulla maculoſa nube, aut atra, ſcabievè infecta;
 ſed puriſſima, & aquæ limpidæ inſtar pellucida, ſexangu-
 lis in acutum deſinentibus, & rectilineis adeò affabrè abſo-
 lutoque læuore, quæ eſt ornata, vt nulla id arte æquari poſ-
 ſit: mirum ſanè naturæ opus, quomodo in corpore hoc ina-
 nimato certa hæc figura Hexagona reperiatur: cuius rei ra-
 tio, & ſi non ita facilè (atteſtante Plinio) inueniri poſſit, Loc. cit.
 neminemque ex auctoribus, quos legerim, deguſtauerim,
 qui rem hanc exactè magis dilucidauerit, vno excepto An-
 drea Caſalpino Philoſopho, & Medico præſtantiſſimo, ob
 id quæ in libris de metallis ab eo ſunt tradita, referre non
 dedignabor: Sed illud (de Cryſtallo agens inquit) admi-
 ratione dignum videtur, cur ſexangula figura perpetuò oriantur,
 nunquam aliter. Ab vna enim veluti radice multi egrediuntur
 ſexilateri in cuſpidem deſidentes: ſtectuntur autem latera propè
 mucronem angulis rectilineis adeò exactis, vt ab artifice imitari
 vix poſſint. Corporibus venè inanimatis figuram certam aſcri-
 bere

bere non videtur rationi consentaneum: ad virtutem enim organica pertinet certam figuram efficere, idè solis animatis inest, anima alicuius gratia agente; Patet autem figuram determinatam organici esse, non similariis, quia qualibet pars pyramidis, non est pyramis: similiaria igitur corpora per se non habent determinatam figuram: Post satis longam, sed eruditam digressionem, qua ostendere nititur, omne corpus figuratum esse oportere, & eiusdem particulas secundum ordinatam in divisione, aut variatam diuisionem, ordinatam pariter figuram conferuare, vel variari figuram. Subdit deinceps, Simile quid contingere putandum est in Crystalli coagulatione. Succus enim lapidescens cum totum spaciū impleat loci, in quo est, in coagulatione discendentibus in diuersa partibus terrenis, & ad latera saxi continentis, attractis, agglutinatique figuram quoque faciet in concretis lapillis, quæ apta nata sit spaciū replere. Si igitur non uniformiter, sed vario modo diuisiones contingant, etiam varietate figurarum implebitur spaciū: Si autem uniformiter, quod ad puritatem, & aequalitatem succi contingit, necesse est vnum genus figuræ oriri in omnibus, quæ apta nata sit spaciū implere. Tres autem sunt huiusmodi apud Aristotelem. Triangularis, Quadrangularis, & Hexagona. Non fit Triangularis quia medium non habet, ad quod tãquam ad centrum undiquaque aequaliter constringantur partes: Nec Quadrangula, quia imperfecta, oriens tantum ex duabus lineis se invicem secantibus ad angulos rectos. Quamuis autem quatuor quadranguli in vnum veluti centrum cœant, relinquuntur tamen quatuor anguli à centro remotissimi. In omni autem coagulatione partes undique in idem cœuentes quàm maximè accedere ad circulum exoptant. Relinquitur igitur, vt sola Hexagona fiat, sola enim perfecta est, quia fit ex triplice diuisione superficiei ad angulos acutos, sex triangulis in vnum veluti centrum cœuntibus, vt omnes anguli externi maiores sint recto: idè ad circuli naturam propè accedunt. Inspicere quoque licet in glacie angulos acutos, cum aquæ superficies concreuerit, nam lineæ quædam conspiciuntur nunquam ad angulos rectos, sed acutos concurrentes, vt ex huiusmodi positione linearum trianguli videantur incoari, hi autem Hexagonam

Lib. 3. col.
T. 66

ragonam constituunt triplici diuisione secundum lineas Parallellas. Si autem huiusmodi superficiei diuisio in profundum tendat, corpora constituet sexilatera, vt patet. Flectuntur autem in Cry-
 stallo iuxta cuspidem latera, deficiente materia, quæ cum purior
 quoque sit, & magis constringitur, & clarior apparet. Crassior
 enim, & turbulentior, & plenior ad radicem concrescit, idè ple-
 rumque in ea parte non pellucidi sunt Crystalli. Idem contingit
 in Adamante, & plerisque gemmis translucidis. Hæc eruditif-
 simus Cæsalpinus.

Crytallus in candore perspicua, terræ candidæ, vt propriæ
 radici adnata; è qua multiplices Crytallini fluores miro
 ordine sociati pullulant, & instar Adamantis in cuspidem,
 vnitum deficiunt: ex Melita Insula maris Ægei. Quod si
 quis præter prænarrata ex mente Cæsalpini, ex Scaligero
 etiam scire desideret, cur Crytalli finit cuspidatæ, hæc ex
 ipsiusmet verbis habeat, quæ huiusmodi sunt. Quare verò
 Crytalli sint cuspidatæ, vt Adamantes, docebit nos Aluminis na-
 tura. Alumen vbi è cortinis in ligneis alueos eiectum est, vt di-
 cebamus, ad alueorum parietes concrescit crusta, non æquabili super-
 ficie, sed Adamantina facie postulata; Addamus ex ratione sub-
 zilitatem, concretionis opus procedere per minima, & momenta na-
 turalia; Iccirò in punctum desinit, aut punctum imitante fastigio
 terminatur.

Exerc. 119.
 disp. 1.

Crytallus limpidissima, quæ vti in proprio domicilio succum
 aqueo ipsismet oculis conspicuum, intus reclusum seruat,
 & conquassatus fluctuat.

Crytallus splendidissima, multiplicibus insignita fluoribus,
 satis oblongis, & acutis, ex Achate gemma carnei coloris,
 veluti natalicio loco, enascentibus.

Crytallus non admodum pellucida, in cuius cacumine, ob
 permixtionem, & congelationem succi purpurei cum succo
 aqueo, color purpureus, Amethystum gemmam referens,
 visitur.

Crytallus satis lucida, in mucronem sexangulum turbinata,
 saxo rudi albicanti, radicis vices quod subit, adhærens, nec
 non Adamantis formam, quæ exprimit. Adamas Boëmicus

Quorundam, desumpta denominatione à loco ubi effoditur, Boëmicis nimirum fodinis.

CrySTALLUS Triangula, maculosa nube infecta, quæ non translucet, quod succum aqueum, sed obscurum, & fuliginosum in natalibus conceperit.

CrySTALLUS ob permixtionem succi mellei coloris, cum succo aqueo in concretione, Citri colore fulgens, quam veteres eadem de causa ceræ similem esse dixerunt; Cristallo minus est candida, minus splendens, magis tamen spissos eiacular colores. Citrium Gemmariorum: Topacium Boëmicum nonnullorum.

Lib. 37. c. 9. CrySTALLUS sexangula, facie oblonga, sed in acutum desinente, candidissima, & lucidissima, Solis radijs obiecta, species, & colores varios arcum cœlestem æmulantes, non sine magna intuentium admiratione; in proximos parietes eiacular, quod ex percussu fit in anguloso mucrone: Iris à Plinio vocatur: ex argumento iam dicto, quam effodi, inquit, in quadam Insula rubri maris, cætera sui parte CrySTALLUS. Vnde non desunt qui radicem CrySTALLI esse dicant: quod à veritate non videtur alienum, nihil enim aliud est, quam purissima, & albissima CrySTALLUS sexangula, ratione quorundam angulorum hunc splendorem varietate colorum ornatum, de se fundit.

Gemmam hanc satis pulchrè descripsit Marbodæus subsequentibus carminibus; cuius vires cum non delineaverit. habeas, peculiari quadam proprietate in parturientibus cooperari. Alligata namque parientis coxæ, partum faciliorem reddit, ut facilius dolores illi, qui in parturientibus vehementissimi esse solent, tolerentur, est in causa: Nec non ab omni metu illas liberare traditur.

*Irim dant Arabes, sed gignit eum Mare Rubrum
Crytallo similem, cuius sexangula forma
Clara luce micans, fert causam nominis huius,
Nam si sub tecto radijs sit subdita Solis,
Protinus inficitur paries, varioque colore
Arcus Cælestis, depingit utramque figuram.*

Quæ

Quæ verò apud nos extat, non ex Mare Rubro, sed ex montibus quibusdam Germaniæ, qui sunt inter Treuerensem Civitatem, & Rhenum est effossa.

CrySTALLINI fluores, veluti in vno lapide, vt in centro coeuntes frequentes CrySTALLI, multos mucrones, & latera ostentantes, ex Verrucca monte Agri Pisani.

CrySTALLINI fluores, candidi, pellucidi, quadrangulares, adamati non multum dissimiles, & lapidi, vt propriæ CrySTALLI matrici, naturaliter conglobati.

CrySTALLINI fluores, flauum qui spirant colorem, adeò splendentes, vt scintillare dices. Pyriti lapidi pulcherrimo flauum colorem eructanti, adnati ex Boëmiæ fodinis.

CrySTALLINI fluores, non multum candidi, nec multum clari, squammis instar, vnitim à natura fabrefacti.

CrySTALLINI fluores præ longitudine insignes, candidi, & perspicui, qui tamen in acutum terminant.

Sed de hac Gemma satis; Modò si quid moraliter ex illius proprietatibus ellici potest, inquiramus. CrySTALLI imitatione à Sanctis Ecclesiæ Doctoribus, adeò perbellè pœnitentis mores, & eiusdem naturam, qualis pro rectè, & Christianè viuendo esse debeat, delineatam in Sacris literis annotauit: vt certè nil sanctius, eruditiusvè exprimi possit.

Gemma hæc, vt iam est expositum, est clara, Ita luci perua, vt literas, & alia, quæ in ea ponuntur manifestet, est luminis susceptiua: In colore aqueo elucet: & ex succo fit puro aqueo: Intus assumpta vbera lacte fœcunda reddit. Sic pœnitens clarescit, in puritate splendet, dum ex vitata anima pro peccatis, quæ in conscientia latebant, planctu, & diuturna lacrymarum effusione, instar Dauidis Regis, cui peccatum multis cohibitis lacrymis est remissum: confessione, nec palliata contritione, illa eadem manifestet: vnde anima per pœnitentiam, luminis diuinæ gratiæ fit susceptiua; & pœnitens continentia, & perseverantia adminiculo, refrigerato ardore libidinis, & restricta concupiscentia carnis, non secus ac CrySTALLUS præ frigiditate durescens, cor solidum facit: aduersus quascumque Diaboli, & Mundi

tenta-

*Moraliter
quid Cry-
stallus.*

tentationes præmunitur. Lacteq̃ue Diuinæ gratiæ vberri-
mus, Solisq̃ue radijs, idest CHRISTI lumine accensus, res
quascumque aridas, vt animæ nocuas absumit, diuinoq̃ue
cœlesti rore opimus, lætabundus Deo gratus, & cuius con-
spicius euadit; miraberis fortasse candide Lector; quòd ego
Philosophiæ studijs addictus; qui medicinam pro bono pu-
blico profiteor, parum fortasse in Theologicis disciplinis
versatus, nihilominus in hoc totus incumbam, vt rebus ipsis
naturalibus, allegorias ex Sacra Scriptura depromptas inse-
rendo, nostrum hoc opus exornare studeam. Id vnum, vt
pio Christiano dignum, proficiendi studio attribuendum
scias: & pro vita rectè, purèq; ducenda singula hæc describi.
Tu interim, qui fructus saluberrimi, qualescumque sint, ex
hisce meis lucubrationibus excipi possint, non inuitus degu-
stato: & boni consule.

ADAMAS inter Gemmas maximæ æstimationis, & multorum
nummorum: Sacerdoti illi summo aded grata, & in venera-
tione habita, vt Paschatis, Pentecostes, & Tabernaculorum
festiuis diebus, quibus talari, & supertalari veste, scapula-
rioque Pontificio indutus Sancta Sanctorum intrabat, & Po-
pulo sese conspiciendum dabat, vt ex Rabbiorum placitis
habetur, super pectus gestare soleret: ad hoc potissimum,
vt si quæ in Adamante illo, ob magnitudinem, & raritatem,
pretiosissimo, fieret in colore mutatio, quid boni, malivè
(sic annuente Deo) populo contingere posset, prælagire-
tur: Gemma olim, non nisi Regibus, & ijs paucis cog-
nita: & si hisce nostris temporibus copiosa sit huius copia:
CrySTALLUM, quæ affabrè admodum imitatur, & cognatio-
nis vinculo illi est coniuncta: tùm quia ex succo non diffi-
mili ei, ex quo fit CrySTALLUS gignatur: tùm quod etiam,
vt quæuis alia gemma suam propriam habet matricem, è
lapide quodam formatam, in qua veluti fœce quadam, si-
cut in summo quasi scoria, succo destillante, non secus ac
infans in vtero materno sanguine, nutritur: vndè videmus
Smaragdum Præssio, Silici Iaspidem, Sardam Onychi innasci,
& sic de alijs) à Crytallo, vt matrice sua suscipit natalia.
vndè

Vnde Plinius. *Indici* (inquit) *non in auro nascentis, sed quadam Crystalli cognatione* (& hic tamen est inter præstantissimos, maximè laudatus) *siquidem & colore translucido non differt, & laterum lauore turbinatus in mucronem, aut duabus contrarijs partibus, quò magis miremur, ut si duo turbines latissimis suis partibus iungantur.* Quamuis autem claritate huic plurimum sit consimilis, videtur tamen Crystallo paulò obscurior, aut non nisi elanguidus, & si nitorem hac viuatiorem, & robustiorem fundat, ut non modo splendeat, sed rutilet quoque, & emicet. Adamanti tantam naturaliter inesse duritiem, & soliditatem tradit Plinius, ut nulli violentiæ cedat, nec ferro, nec incude possit infringi; quinimo eius ætum ita respuat, ut ferrum vtrinque dissulset, incudesq; etiam ipsæ vulneribus acceptis dissiliant: sed nec igne domari valeat; humorem habēs huius calore firmiorem, ob naturam siccitatem, validiore in concretionē, frigoris densatione, concurrente, aut, ex Alberto, præ intensa huius gemmæ frigiditate, porri adeò strictè coarctantur, ut ignem ingredi non permittant: Vnde Serapio, Adamantem frigidum, & siccum in quarto gradu esse, scribit: qua fortasse temperamenti natura motus Plinius censuit, ignis ardore adeò non liquefcere, ut nunquam incalescat: & ex Xenocrate, igne non modò fœdari, imò puriorem fieri habetur. Quamuis autem hæc Gemma sit inuicta ferro, ignem pro ludibrio habeat; nihilominus, mirum dictu, quicquid vis ignis efficacissima pro debellanda tanta duritie operari minimè potest; modò Hircus (ex quorundam sententia) Petroselinum, vel Silerem Montanum, aliasque plantas diureticas, depascatur, & illis aliquandiu fuerit saginatus, vinumque biberit, illius cruore recenti & calido, in quo sit macerata, id omne perfici. Quod Plinius hisce verbis nobis significare studuit. *Siquidem inuicta illa vis duarum violentissima natura, rerum ferri, ignique contemptrix, hircino rum-pitur sanguine, nec aliter quam recenti, calido vè macerata: cuius effectus rationem caliditati sanguinis hircini attribuere videtur* Isidorus, cum capite proprio de Hirco lasciuo animali,

Lib. 37. c. 4

Loc. cit.

Lib. 2. tract.

2. cap. 1

Lib. aggreg. c.

191.

Loc. cit.

Loc. cit.

Lib. 12. c. 1

mali, & peculeo, feruentique semper ad coitum agens: hæc habet. *Cuius natura adeo calidissima est, ut Adamantem lapidem, quem nec ignis, nec ferri valeat domare materia, solus huius cruore dissoluat.* Quod & alibi diffusa magis oratione (de Adamante Indico tractans) hisce verbis explicat. *Hic nulli cedit materia, nec ferro, nec igni, nec unquam incalcescit. Unde & nomen Græca interpretatione indomita vis accepit* (ab α scilicet priuariua particula, & δαμάζω verbo, quod domo, & supero significat; ac si dicas indomitam Gemmam) *sed dum sit inuictus ferro, ignisque contemptor, Hircino rumpitur sanguine recenti, & calido maceratur, sicque multis ictibus ferri perfringitur: cuius fragmentis sculptores pro Gemmis insigniendis, perforandisque utuntur.* Hæc Isidorus, Plinij dictis assentiens. Quæ singula an vera sint, fabulosa vè, cuius ex hoc patere potest; tantum enim abest, ut Adamas mallei ictum respuat, & non nisi sanguine hircino rumpatur, ut etiam absque hoc in scobem malleo redigatur: nec non facillimè pistillo ferreo in mortario confringi, & attri soleat: quò eius scobe alij Adamantes expoliantur; non enim à quapiam alia re, quàm à propria scobe exteritur, & expolitur. Hoc vnum tamen scio, quotidiana experientia comprobatum. Hircinum sanguinem ritè præparatum, non Adamantem, sed lapidem in renibus, & vesica frangere: Et apud nos extat compositio quadam ex hircino sanguine, cuius usu felicissimo euentu; quamplurimos lapides non semel comminuimus.

*Loc. cit.
Lib. 21. de
Ciuit. Dei ad
Marcellinū
cap. 4.*

ADAMAS, qui tamen præcellentis sit bonitatis, vim Magnetis frangere ex Plinio, nec non ex Sancto Augustino habetur; is etenim iuxta ferrum positus, non patitur illud attrahi à Magnete, vel si admotus Magnes ferrum traxerit, per quandam violentiam illud rapit, atque aufert: Pace tamen præstantissimorum horum hominum, penes quos fides esto, dixerim, me sæpe sæpius id experiri voluisse, neque tantam in illo vim depræhendi. Vti & fabulosum esse reor, quod à quibusdam asseritur; Adamantis aciem, plumbo propter Argenti viui cum hoc commixtionem, obtundi. Hoc vnum tamē dicam,

dicam, Adamantem, modò tamen exquisitæ sit bonitatis. ybi incaluerit, festucas; non secus ac Succinum attrahere. Reconciliationis, & Amoris Gemma à veteribus Philosophis dicitur, quod dissidia inter maritum, & vxorem si quando hæc à viri gratia decesserit, edulcere, componereque, & hostilem furorem compscere, consueuerit, potissimum læuo alligata lateri.

Somnia illa vana repellere existimarunt; quæ potissimum ex euaporationibus à corrupto humore eleuatis ad organum phantasie, vel sensus communis oriuntur, imprimentibus sensum, vel phantasma rei, à qua deciduntur, vt cum Galeno loquar: vndè Anachites à nonnullis dicitur, quod patientium animos, à vano metu liberet. Contra venena, amuletum esse præsentaneum testantur. Incantationibus, fascinationibusvè resistere dicunt: Aded enim cacodæmonibus inuitus perhibetur; vt gestantem ab incubis, & succubis tutum esse, affirmant. Dentes abstergere, & mundificare testatur Serapio, experimento facto: ob virtutem quam habet fortiter abstergendi.

Lib. de somn.

Loc. cit.

Cæterum vt aliquid etiam allegoricè de Adamante dicatur: ex illa duritie, indomitaque vi, qua præ cæteris gemmis est à natura insignitus; traxit illud Adagium, quo obturata aliqua mentis destinatio, quæ nulla possit ratione, loco dimoueri, significatur. Qua de re homines illi Adamantini vocantur, qui, vt Adamantino semine procreati, ac Adamantina tunicâ vestiti, inexorabiles, aut infatigabiles cum sint, in suo sensu aded pertinaciter abundant, vt à proposito neutiquam flecti possint: de quibus Hesiodus.

*Allegoricè
quid Adamas.*

Durus at is animus solido ex Adamante creatus.

Hacque de causa Ditis pectora Adamantina, vt dura, & implacabilia à Poëtis finguntur: & illustris ille Poëta Mantuanus, Virgilius, inferorum portas, & columnas ex solido Adamante fabricatas esse, hisce carminibus descripsit.

Lib. 6. Æn.

Solidoque Adamante columnæ

Dixit nulla Virum, non ipsi exscindere ferro

Calicula valeant.

D d

Qui-

*Adamas
Anagorica
quid.*

Quibus addere placet nomen Adamantis CHRISTO in Sacris literis tribui, veluti Amos vij. nam vbi vulgata editio legit. Ecce Dominus stabat super murum litum, & in manu eius trulla cæmentarij. Septuaginta interpretes transtulerunt. Ecce Vir stabat super murum Adamantinum, & in manu eius Adamas. In quem locus D. Hieronymus multa differit de Adamantis natura, & inter alia docet, durissimum esse, & indomabilem, paruum, & indecorum, atque in Electri similitudinem venena deprehendere, & maleficis resistere artibus (quod & à nobis in superioribus est annotatum) tunc addit. *Talis est Dominus, & Saluator, qui semetipsum exinanivit, formam serui accipiens, ad Philippenses 2. de quo Esaias scribit, non est species ei, neque decor. Hic stat super murum Adamantinum, idest, super Sanctos, & Apostolos suos; quibus donavit, ut & ipsi Adamantes vocarentur, & à nullo superari dicerent: Quis nos separabit à charitate Christi? tribulatio, & angustia, &c.*

Rum. 8.

Aduertit etiam D. Hieronymus, Adamantem licet indomitum, tamen Hirci sanguine posse frangi: in quo docet, difficultatem exprimi conseruandæ castitatis; quia nimirum præstantissimi quique Sancti, & si fortissimi sint, & Adamantini, sæpè tamen mortiferæ libidinis calore dissoluantur. *Hæc enim (inquit) sanguinis Hircorum, & ipsius Hirci dicitur esse natura, ut sit ad libidinem calidissimus, & quod ignis edomare nequeat, solus illius dissoluat cruor.*

*Super Eze-
chiel. cap. 1
Adamas
Tropologica
quid.*

Adamas viri iusti symbolum gerit, auctore Hectore Pinto, penes quem hæc extant, *Adamantum quatuor sunt genera, nempe Indicus, Arabicus, Macedonicus, & Cyprius, sed inter omnes Indicus tenet principatum. Est enim indomabilis, & durissimus, victor ignis, nunquam incalescens. Hic dissidet cum Magnete lapide: tantaque illi vis est, ut iuxta Magnetem positus, ferrum ab eo abstracti non sinat, aut abstractum ad se rapiat. Eodem modo Vir iustitia insignis, firmus est, & constans, victor ignis calamitatum, nulla flammarum dolorum vi ita incalescens, ut comburatur, & constantiam amittat. Tantumque est illi cum mundo dissidium,* ut

ut in mundo collocatus, non patiatu[r] ab eo homines abduci, & attrahi: sin autem mundus, instar Magnetis eos ad se rapiat, dat operam, ut consilijs, monitus, vita, & exemplo eos ad se abducatur, trahat ad verum decus. Et quemadmodum Adamas venena facit inuicta, & lymphoriones, vanosque metus abigit, & expellit; sic ille ostendit hominibus vitiorum venena, ut ea de-referantur; hortans illos, ut inanes timores, vanasque sollicitudines depellant: & animi quietem studeant adipisci. Haecenus PINTUS. Hæc de Adamante, quæ sicuti prolixa oratione recensita sunt, ita omni animaduersione digna arbitrati sumus. Et quamuis locus hic expostulare videatur, ut lapides illos enumeremus, qui proximè ad naturam Crystalli accedunt; ut Asteriam, Seleuitem, & ijs cognatos: attamen quia intentio est nostra, sub hac incæpta classe lapides illos preciosos solummodo perstringere, qui verè Gemmæ nuncupantur, natura nitentes quidem, sed rari, atque parui, prænarratos suis locis distribuemus. Interea ceteras Gemmas, quæ penes CALCEOLARIUM expositæ habentur, prosequemur.

INTER Gemmas illas candidas, & perspicuas, quæ motione varios ostentant colores, OPALVS summi habetur nominis: pulchritudine namque sua, quascumque Gemmas, etiam si nobiles, superare creditur: cum colores quoscumque præstantissimarum Gemmarum, in vno corpore collectas simul reddat. Et si non desint qui dicant, Carbunculum omnium Gemmarum Gnomonem, & Regulam esse; quibus tamen refragatur Plinius, huic Opalum præponens, quod Carbunculum, dum inclinatur, flamma vincat; agens enim de pulchritudine, & nobilitate Opalorum hæc habet. Minimum, idemque plurimum ab ijs differunt Opali, Smaragdis tantum cedentes (de quibus præcedenti capite tractauit) Lib. 37. c. 10 India sola, & horum est mater. Atque idè eis præciosissimam gloriam compositores Gemmarum, & maximè inenarrabilem diffcultatem dederunt. Est enim in ijs Carbunculi tenuior ignis, est Amethysti fulgens purpura, est Smaragdi virens mare, & cuncta pariter

pariter incredibili mistura lucentia : Alij summo fulgoris argu-
mento colores pigmentorum aquauere : alij sulphuris ardentem flam-
mam, aut etiam ignis oleo accensi, &c. Ex quo mirum videri
non debet, si antiquitus tanto in precio, & existimatione
fuerit hæc Gemma, vt Nonius ille Senator ob insignem
illam, quam habebat, & qua plurimum gloriabatur, malu-
erit omnia sua bona euertere, & dignitate Senatoria pri-
uari, quàm Marco Antonio expostulanti tradere. A quo
(refferente Plinio) postmodum fuit proscriptus. Opalus
vti præ colorum varietate, quas mutatione ostentat, infi-
gnis est, tot etiam illi inesse virtutes enarratur, quot ha-
bet colores : Inter quas hoc peculiare habere dicitur, quod
oculos se portantis seruet illæfos, & acutos, sed aliorum
circumstantium oculos obducta nube recondit ; vnde qua-
dam acrisia percutit, vt non videant, vel aduertant, quæ
fiunt coram eis, & idè assertitur, furtis tutissimum esse pa-
tronum. Pæderos à Græcis dictus est. *από τῆς παιδός καὶ τοῦ ποῦ*
puero scilicet, & amore, quod pueri, & amoris pulchritu-
dinem sua venustate referat ; vel propter eximiam pulchri-
tudinem, puerorum amorem ad se alliciat. Vulgò Gira-
sole, & Scambiicolore nominatur ; Scaliger sumpta ab hæc
Gemma denominatione ; Serpentes quosdam, aspectu hor-
ribiles, innoxij tamen, nisi irritentur, quos orthonum pedum
esse scribit. Pæderotas vocat, pueros enim diuturno, con-
tentoque aspectu, quod horum amore capiantur, sine villo
maleficio contuentur.

Loc. cit.

*Exerc. 183.
disp. 4.*

*Lib. 7. de
subtil.*

PSEVDO OPALVS Cardani, Gemma sic ab ipso nuncupa-
ta, quod multum ab Opalo degeneret : non enim est ita
perspicuus, quamuis varietate colorum niteat ; & pupilla
modò radiat ; modò clarius, modò obscurius. Vt cernere
est in oculis Catti, seu Felis, dùm in tenebris aliquid ad-
mirari hoc animal videtur. Stupentibusque, nec vsquam
dimotis oculis inspicit id, quo delectatur : vnde & oculis
Catti, seu Felis dicitur. Hinc traxisse illud prouerbum
crediderim *Ατὰρ ἐς ὀφθαλμὸν*, idest fixis oculis intueri : in illos po-
tissimum dictum, qui attentius, accuratiusque consideran-
do,

do, fixius intuentur. Testatur Cardanus se vnum habuisse, quod altera ex parte candidus, ac lacteus videtur totus, ex altera autem fuscus admodum totus etiam, adeoque fuscus, ut etiam obscurus appareret: nec hoc illi ex lucis varietate contingebat, quandoquidem seu ad lumen, seu versus tenebras verteretur, album semper colorem ex ea parte ostendebat, qua albus videri solebat, fuscum verò ex alia. Itaque eadem superficies sola aspectus varietate ex aduersis partibus conspecta, colores duos penè ex toto contrarios ostendit, notat Cardanus. Gemma hæc tanti est apud Indos pretij, ut illis sit persuasum, eius, qui hanc possidet, facultates non posse imminui, sed semper in dies augeri, incrementumque facere.

Loc. cit.

ONIX Gemma, inter preciosissimas illas Gemmas enumerata, quibus magnus Propheta Moyses, institutione diuina, admonitus, Aronis Summi Sacerdotis, habitum exornari iussit; inter opacas colore candido Gemmas meritò censenda; habet namque specularem, & valdè politam naturam, cuius vi ad modum speculi imagines, & figuræ, obscurius tamen, repræsentat: præ colore igneo, nigro, & carneo, quibus nitet, laudatissima. Causa nominis: quod, ex Sudine (referente Plinio) & ex Isidoro, in Gemma sit permixtus candor vnguis humanæ similitudine. Vnde Columella, Pruna quædam, Onychina vocat, quæ Onychis, idest vnguis similitudinem, formam, & colorem, habent, quorum etiam condiendi modum edocet: nec non Plinius de Pyrorum varietate, & bonitatis nobilitate agens. Pyra Tarentina, & Signina à quibusdam, à colore testacea appellari tradit, sicut Onychina purpurea; & apud Galenum Onychitis Cadmia legitur, à varietate colorum, quibus est referta, instar Onychis Gemmæ denominata. Non desunt, inter quos est Hieronymus Cardanus, qui existiment, Onychem esse Alabastrum Antiquorum, ex quo Pyxides pro seruandis vnguentis fiebant. In quibus ob suam frigiditatem, diutissime odores conseruabantur: vnde etiam Onyx pro eodem lapide sumi capit: ad quod hoc versiculo allu-

Lib. 37. c. 7

Lib. 16. c. 8

Lib. 12. c. 10

Lib. 15. c. 15

Lib. de simp. medic.

Loc. cit.

Lib. 7. alludere videtur Martialis.

Unguentum fuerat, quod Onyx modo parua gerebat.

Lib. 9. de sim
pl. medi. fac.

Lib. 2. c. 13

In Onyche plures inesse effectus noxios ex Dioscoride habetur; collo namque suspensum, vel digito portatum tristitiam, & timorem excitare, lites multiplicare, animos ad rixas commouere, in pueris saluam superfluam, & noxiam excitare asserit. Hoc idem legitur in libro illo Galeno a scriptus de incantatione, adiuratione, & suspensione; & alibi hæc habet. *Et Alabastrites vocatur unguis in medicina usum conuertitur combustus. Quidam eum bibendum dant stomachicis.* Mirari liceat Albertum illum Magnum, qui hanc Gemmam roborare vires, audacemque reddere doceat: hoc etenim eius naturæ repugnare videtur, quæ sua frigidity spiritus vitales potius constringit, ac in vnum cogit, vnde tristitia oritur, timor, & insomnia terribilia; quam quod illos fecundos ad audaciam reddat. Onychem & hoc peculiare habere traditur: si infirmo oculo adponatur, qualem sensatam, sine molestia, & noxa subintrare, & circumferri, humoresque contrarios excernere. Quod etiam commune videtur lapillis quibusdam paruis opthalmicis, de quibus suo loco erit sermo.

Lib. de Bellis
Mithridatic.

Postquam autem dictum est superius. Ex Onyche antiquitus vasa preciosissima fieri consueuisse, ad odores delictiores reseruandos; vt quid non sine admiratione scribendum referam, quod ab Appiano Alexandrino in re posita traditur. In Tauris (sic scribit) quam Urbem Mithridates habuerat apparatus promptuarium M. M. Poculorum ex Onyche Gemma factorum, compactorumque auro inuenta sunt: multa Phylæ, Spyzeresque, calices, lecti, selle, ornatissima omnia. Item frena Equorum, pettorales, humeralesque, phalæque gemmata, aurataque. Quibus recipiendis, percensendisque triginta dies Quæstor insumpsit: Eorum pars à Dario Hystaspis filio successoribus per manus tradita fuerat: partem ex Ptolomeorum Regum gaza Cleopatra penes Coos deposuerat. Partem ipse parauerat, ac collegerat elegantioris suppellectilis percupidus. Hæc Appianus. Quæ singula, & si fortasse parum ad rem, transcribere non

non piguit: quò lectorum animi ad illud oblectamentum excitentur, quod ex Historiâ percipi solet: vti etiam in quanto vitæ luxu, & rerum apparatu Regio Principes illi Viri antiquitus vitæ tempus traducere solerent, quam facillimè ex hoc coniectari liceret: quod etiam Cornelij nepotis auctoritate confirmari hoc potest: is tradit: *Magno fuisse miraculo, cum P. Lentulus Spinther amphoras ex Onyche, & urceos magnitudine cadorum ostendisset.* Vasa etiam ex hac Gemmâ in conuiujs antiquorum in vsu fuisse, nos edocet hoc hexametro Martialis,

Paruus Onyx vna ponetur cœnula mensa.

Lib. 10.

Illud porro animaduertere iuuat, huiusmodi lapidem perbellè typum gerere mundanæ felicitatis, ac deliciarum.

Tropologicè.

Siquidem auctore Dioscoride, vt superius est dictum, Onychini Zona collo appensa mœrorem, tristitiamque affert; id quod in delectationibus terrenis, atque delicijs in dies experimur: mœrore quippe, ac tædio illos afficiunt, qui seipsum dedunt: meritoque legimus Onychinum lapidem inueniri in terrâ Heiulath, quod interpretatur dolens. Vndè

Gen. 2

elegantè de mœre Sanctus Gregorius scriptum reliquit; *Hoc distare inter delicias corporis, & animæ quod corporales delitiæ protinus in fastidium per sacietatem vertunt; spirituales verò tanto amplius exuriuntur, quanto comeduntur.*

Hom. 36. in
Euang.

ONYCHINÆ Gémæ lapides illos vti ex huins prosapia, quos & non paucos habet **CALCEOLARIVS**, substituere placuit, qui cùm à diuersa exhalatione generentur, ita colorem, & substantiam diuersam sunt adepti: in colore namque nunc albi, nunc nigri, nunc subrubicundi, nunc varijs coloribus distincti, conspiciuntur. Niccolique vocantur: & si rectius, qui candidis Zonis sunt interpolati, Niccoli veniant nuncupandi, quasi Onyculi, quod ex colore candido Onichino, cum alijs coloribus mixto, seipsum demonstrent. & Albertus Onychinos appellat, inquit, *In nostris Onychinis multos colores inueniri, albos, nigros, & rubicundos, qui tamen omnes fricati similitudinem exprimunt vnguis humani:*

Lib. 2. de la-
pid. c. 13.

mani: Gemmarij hosce lapides vario modo scalpunt. Si enim crusta alba alteri nigra superposita sit, aut secundum alios colores, vt rubens, albæ, aut nigra, aut è conuerso, scalpunt in superiori imaginem, vt inferior veluti stratum sit. Inter vulgares homines sub Camei nomine sculputur, poliuntur, & venales fiunt. Camæ à nonnullis vocantur, sumpta denominatione à voce Græca καίμα, quod est idem quod incendium: dicunt namque in locis sulphuris, & calidis inueniri: & curare Hydropem in puluere sumptus, affirmant.

Loc. cit.

NICCOLVS (ex Cardano) gestantem tristem, & audacem facit, & somnijs terribilibus agitatur; nam spiritus adeo cogit, vt tristitiam, & turbationem moueat. Refert etiam Amethystum somnia mouere: vnde Chalam dicitur Hebraice, quod est somniare, teste Rabbi Alen Ezra: extant, & apud nos variæ Niccoli species, diuersis coloribus notati, præ ceteris verò vnus, oculum dices, qui ferruginei est coloris in supremo, instar pupillæ, albugineum habet colorem candido circulo inclusum, reliquum corporis in opaco nigricat: in alijs duobus Neronis, & Galbæ Cæsarum à peritissimo artifice sunt sculptæ imagines.

EX Gemmis viridibus, quæ à nostro CALCEOLARIO, cuius rerum naturalium studioso expositæ, & contemplandæ humanissimè exhibentur Smaragdo, ex Climate Orientali nuperrime transportato, primam sedem esse designatum videbit: nec immeritò quidem. Gemmarum etenim omnium virentium, multis nominibus; quæ singula explicare nullius nobis erit tædij, principatum obtinet. Hic vt omnimoda eius natura, & origo habeatur, in lapide conspicitur ponderoso satis, cuius ima pars marmorea est, lapidem crediderim, colore quasi cinereo, sed suboscuro conspersum. Reliquum lapidis corpus Marchesitam dices, aureis guttulis vndeque splendens: in qua tamen, ac si sic naturæ rudimentum quoddam, Smaragdus semialbicans, & semiuiuens conglobatus cernitur. Lapidis pars superior Smarag-

Smaragdum non mediocris magnitudinis, vt in proprio naturali loco fouet: quia optimus, spissè, & acriter viret: præ cuius eximiâ viriditate, & nomen (ex Isidoro) sibi est adeptus. vnde Lucretius.

Lib. 16. c. 7

Grandes viridi cum luce Smaragdi.

Lib. 4. 227

Et quasuis herbas, frondesque virentes, comparatione factâ, superare fateris. Huius totum corpus, quod absque vilo sit vitio, & à quacumque fraude immune, non modò splendens, sed etiam è liquido translucidum est, ita vt fulgere videatur. vt non abs re (sic referente doctissimo Pererio) Smaragdus Hebraicâ voce, Barechet, dicatur, derivata à Barach, quod significat fulgurare, seu fulgorem emittere. Quidam (vt aliquid etiam de eius nativo solo habeatur) nec indocti Viri, & huiusmodi rerum minimè incuriosi. Inter quos est omni literarum genere ornatissimus Scaliger, & si ex sapientum scientiâ hoc exprimat, putant habere Smaragdum principia sua, & originem ab Ære: nec abest, vt Scaligeri verbis utar, ratio à suspitione. Tùm quia ærugo viridis, tum quòd Smaragdus eo indicio probatur, si affricatus Lydio lapidi reddet æris colorem: hoc enim modò mercatores Indos consulere veritati, ne decipiantur, certum est: & si ex succis viridibus originem trahere scribat Agricola. Locus hic expostulare videtur, vt & nos etiam excellentias illas non sine commemoratione relinquamus, quibus multis, ijsque profectò insignibus, veluti in Epithomen quandam ex varijs auctoribus, præcipuè verò ex Plinio nostro collectis, Smaragdum præfulgere ab eodem Pererio traditur. Indignum enim aliquid, nos hisce scriptis fecisse, iudicari non iniuria posset, si Gemme illius eximias qualitates, quæ & à Viris Principibus maximâ in æstimatione, venerationeque est habita. Vti etiam posita est quartum fundamentum cœlestis Ciuitatis Hierusalem. sicco vt dici solet pede præteriremus.

Disp. 7. inc
4. Apoc.Exc. 108
disp. 4.Lib. 4. de
caus. & ort.
subter.

Apoc. 22.

Quarum prima est in eximiâ viriditate, quâ superat viriditatem herbarum, & frondum, prorsus adeò, vt quælibet alia res viridis cum Smaragdo composita, & comparata, non

D d videat

videatur virere: suâ etiam viriditate proxima sibi colorat;
& in tantum tenax est suâ viriditatis, vt neque in vmbra,
neque in Sole, nec iuxta lucernas secundum coloris reper-
tum mutetur.

Altera excellentia Smaragdi est in humani obtutus oblectatio-
ne; nullius enim coloris aspectus oculis grator est, quàm
Smaragdi. Nec est quicquam, quod libentius, auidiusque
intueamur: eius namque viriditas & implet oculos, nec la-
tiat tamen, eorumque ex intentione ad alia, lassitudinem.
viridi leuitate demulcet, ac recreat, & visum ad sui crassi-
tudinem facilitate translucidâ transmittit. Et corpus eius
si politum fuerit rerum imagines reddit. Nero certè Gla-
diatorum pugnas Smaragdo spectabat. vnde & Neronis
Gemma dicitur.

Plin. loc. cit.

Tertia excellentia est in magnitudine, Theophrastus prodidit
à Rege Babylonîæ ad Regem Ægypti missum esse Smarag-
dum quatuor cubitorum, & in delubro Iouis apud Ægyp-
tios reperiri obeliscum ex quatuor Smaragdis longitudine
quadraginta cubitorum, latitudine ex vnâ parte quatuor
cubitorum, & alterâ duorum. Appianus Grammaticus
tradidit memoriæ, fuisse in Labyrintho Ægyptio Seraphim
Colossum ex vno Smaragdo nouem cubitorum. Sed quò-
minùs vetera relinquimus? memorat Krantz. Metropol.
Federici Imperatoris sæculo, Sulthanum, Cantharum ex
Smaragdo capientem sextarium Balsami: dono misisse ad
illum.

Lib. 7. c. 5

Quarta excellentia est in multiplici eius mirâque varietate:
duodecim enim species numerantur: sed Scythici omnium
optimi; nullis enim nec maior est auctoritas, nec minùs
vitij, tantaque duritiâ, vt sculptura vulnerari non que-
ant.

Quinta excellentia in medicâ virtute, ac facultate aduersus
morbos: tradunt enim valere Smaragdum contra calculos,
contra lepram, contra canum morsus, cum rabie aguntur,
& in vniuersum contra venena. Topatus ait valere con-
tra morbum caducum, & contra fluxum sanguinis, & secun-
dum

*In cap. 28.
Exod.*

dum aliquos contra illusiones, phantastices, & depravatam imaginandi facultatem. Quibus singulis hæc etiam addere liceat. Smaragdum suspensum ad coxam mulieris (ex Serapione) partum accelerare: & collo appensum ita ut ventrem tangat, ad iustum tempus fœtum retinere creditur. Dysentericis prodest ebibitus, ex Auenzoar testimonio, siue exorientur intestina, aut ab humoribus acutis mordicantibus ipsa, siue ex veneno ebibito acuto. Vti etiam expertum est. quod suspensio Smaragdi in dysenteriâ, & Hæmorrhoidibus, existit mirabilis efficacix, & iuuamenti: si suspendatur scilicet super ventrem primum, & alius ponatur in ore, sine trituratione, & liberat incontinenti.

Cap. 184

Laxiuos motus compescere posse, natura Smaragdi, ex Serapione, frigida, & sicca, nos edocet, apta admodum ad effrenandos Veneris incensiuos, quod etiam doctissimus vir Georgius Agricola hisce verbis pulcherrimè explicat.

Loc. cit.

Smaragdo motus obscenæ voluptatis valdè est perniciosus. Siue enim mas, siue fœmina, dum commiscant corpora, sic cum gestet, ut contingat cutem, vel à collo pendulus, vel annulo gestatus dirumpitur.

Lib. 6. de natur. sens.

Cuius rei rationem hisce verbis explicat Cardanus. Frangi verò Smaragdum in coitu quandoque experimento comprehensum dicunt. Vt ut res se se habeat, fragillior omnium gemmarum est Smaragdus. Cum verò abundanti, tenuique humido concoctio accesserit, calore vexata dirumpitur: nam humidum concalescens in aërem transit, maiusque occupat spacium, unde dirumpit: inclescere plurimum corpus in Venere, & anhelitus frequentia, & sudoris aduentus etiam quandoque docet, calorq; hic magis imprimit, quia non quemadmodum in exercitationibus sensim dissolvitur. Hæc Cardanus.

Lib. 7. de lapidib.

Sexta Smaragdi excellentia petitur à multiplici eius significatione mystica: nam quæ de quinque Smaragdi excellentijs paulò ante diximus, ea secundum mysticam interpretationem accepta rerum spiritualium, & cœlestium multa, & præclara suppeditant documenta; de quibus differuerunt Sacrarum literarum explanatores. Mihi ad præsens satis fuerit, mysticam Smaragdi significationem, quam super

Apocal. cap.
21

Vener. Beda explicat, hoc in loco referre. *Smaragdus* (inquit) *tantæ viriditatis est, ut etiam herbas virentes, frondesque, & gemmas superet omnes, insciens circa se viriditate re-* percussum aërem: qui merito & viridi proficit oleo, quamvis natura imbuatur. Cuius genera sunt plurima, sed nobiliores frigora Scythica ferunt. *Smaragdus* porrò significat animas fide semper virentes; quæ, quò magis aduersitate sæculi, seu frigore Scythico, præmuntur; eo magis hereditatem immarcescibilem, & æternam conseruatam in cælo, & mente concipere, sperando, & in proximos spargere satagunt, prædicando: quæ etiam interna pinguedini charitatis ad contemptum mundi proficiunt.

Natalis etiam *Smaragdi* locus pulchrè congruit mysterio: est enim terra locuples, & auro, gemmisque affluens, sed deserta, & inhabitabilis propter Gryphes, feras videlicet volantes: sunt enim quadrupedes, corpore quidem Leonibus, capite verò, & alis similes Aquilis. Cum istis dimicant *Arimaspi*: vno tantum oculo in media fronte insignes: mira cupiditate, & *Smaragdus* rapientibus *Arimaspi*, & feris custodientibus; huiusmodi desertam terram, virtutum thesauris abundantem, adierat Psalmista, cum dicebat, *Ecce elongavi fugiens, & mansi in solitudine. Idest à mundi illecebris animum elongando subtraxi.* In hac terrâ preciosos thesauros, & desiderabiles, inuenire se, cum delectabili quadam admiratione manifesta, dicens. *Quam magna multitudo dulcedinis tuæ Domine, quam abscondisti timentibus te: & cætera, quæ sequuntur, vsque ad finem Psalmi.* Contra Gryphos autem, spirituales semen Diuini verbi, & virtutum gemmas nobis præripere conantes, quique Sanctorum inuigilant, simplici per cœleste desiderium intentione; quasi vno tantum oculo admirandi, ut gemmam fidei, cæterarumque thesauros virtutum inuestigare, & effodere queant. Quò enim quæque virtus sublimior est, eò pauciores habet cultores, grauioribusque ab immundis spiritibus persecutiones patiuntur. Hi etenim velut Gryphes meritorum deiectione terrestres, sed superbæ mentis altitudine volucres, diuitias spirituales non sibi ad vsum possidere,

Psal. 54

Psal. 30

dere, sed hominibus auferre indefesso labore decertanti.
Hæc Beda. quæ etiam à Solino in mundi memorabilibus e-
ruditè admodum explicantur.

Et si Gemma illa, cui Prassij nomen est attributum, Prassi-
tisquæ est Theophrasti, inter viridantes vilioris turbæ à Pli-
nio, nec non ab Isidoro ponatur. Nihilominus cum ex
Alberto Magno, Domus, materia, & palatium Smaragdi
esse dicatur; quia in ipsa inclusus, vel ei affixus frequenter
reperiatur; ut rerum varietas repræsentetur, quibus natura
ipsa gaudere solet, & ob hanc cum Smaragdo cognationem,
cum & hi, ut Berylli ex succis viridibus fiant; non abs re
fore duximus, post Smaragdi tractationem, quæ de Prassio
annotare est datum, & eiusdem Etymum breuibus perstrin-
gere. Sic dictum scias à viriditate, quam sibi in natali-
bus est adeptus, Porrorum caudis, succoyè haud ablimili:

πράσιον enim Porrum est, genus oleris notissimum ex Plinio.
& *πράσιον* colorem viridem porraceum significat; hinc vestes
è viridi lana prasina dicuntur. Martialis

De nostra Prasina est Synthesis emptæ toga.

Vel ut alij, à Prassio planta Græcorum, Marrubio Latino-
rum: illa tamen planta, quæ à Dioscoride Ballotæ vocatur,
Marrubiumvè nigrum, quod ad virorem fuscum porraceum
vergat: ut ex hoc dici liceat; huius Gemmæ colorem, & si
viridem, pinguiorem tamen esse Smaragdi colore, non vi-
brare, nec oculum reficere, ut hunc, & obscuritatem reti-
nere saltem in quibusdam eius partibus, hacque de causa
gemma pinguem, & purulentam esse nuncupandam; &
si luciditatis aliquid in se habere intuenti appareat. Alia
etiam ex hac stirpe asseruatur, quæ viridis cum sit, maculis
nonnullis sanguineis, ut proprijs notis, est conspersa: ut
& alia virgulis quibusdam candidis in colore viridi distin-
cta. Grammatiam esse propriam dicunt aliqui: quæ sin-
gulæ Prassij species à Plinio annotantur. Prassium & si
secundum aliquos, nihil conferre dicatur, nisi quod vireat,
& deceat auro. Confortare tamen visum, oculorumque ca-
ligini conferre, nec non & cum Iaspide, & Smaragdo vir-
tutes

Cap. 24

Lib. delapid.

Lib. 37. c. 8

Lib. 16. c. 7

Lib. delapid.

c. 14

Lib. 19. c. 12

Lib. 10

Lib. 3. c. 100

Loc. cit.

Lib. de lapid.
c. 14.

tutes multas habere communes, testis est Albertus. Nec defunt, qui ad confortationem cordis valere affirmēt, quod etiam de Smaragdo dicitur, qui perspicuitate substantiam spirituum recreat. Tradunt pariter Prassium veneno praesente statim viriditatem, amittere, qui tamen cum abluitur, recuperatur.

Loc. cit.

MALACHITES Gemmis hisce praenarratis accumbit: est enim ex Gemmarum viridium stirpe, quae tamen non translucent; spissius namque virens pallida est; nebulosa tota, & opaca, quasi pinguedine sit aspersa, ut Smaragdo in colore similis videatur, sed spissioris, densiorisque viroris existat: Nomen ex Plinio, à Malua, quam Graeci *μαλάχη* vocant, est sortita, non quidem ab eius flore (ut nonnulli autumant) purpurascit namque; sed potius aut à folijs, seu ab earundem succo, quibus in colore similis videtur. Gemmam hanc nonmodò reddendis signis laudatam esse; sed & infantibus appensam, eos singulari facultate à periculis defendere, immunesq; custodire, tradit Plinius. quod etiam Marbodeus Poëta in eius Dactylothea hisce carminibus exprimit.

Loc. cit.

cap. 44.

*Infantum cunas virtute sua Molochites
Protegit, & casus abigit quoscumque ferens,
Ne teneros artus pars possit iniqua nocere,
Dat lapidi precium virtus cumulatà decore, &c.*

Apud Germaniae populos inuasit hæc opinio de Molochite: quàm bona, quàm vera, dicant ipsi: gestanti, modò dono sit exhibita, nil mali posse euenire, tutumque à periculis conseruare, dicunt: quod si quis prauus euentus sit futurus, prius gemmam frangi, scindivè asserunt; portentum euidētissimum alicuius futuri infortunij. Quinimo affirmant: si gestans illam; fortuitò aut ex equo, altòvè cadat, gemmam vice gestantis ictum in se ipsam recipere: quod sanè fabulosum videri poterit. Aduersatur præterea Epileptico morbo, quo sæpe sæpius in ætate puerili constituti, obneruosi generis infirmitatem, ex Galeno: facilè corripì solent; modò collo appensa gestetur, itavt carnibus adhaereat.

Sunt

Lib. 1. Epic.
com. 2

Sunt & apud nos Malachites multiplices, & inter has venis nigris signatæ, vti & terrea quædam substantia, satis dura, in albo rufescens, in qua vti in matrice, variæ Malachites proprii coloris annatæ conspiciuntur.

Gemma illa hîc erit descripta, quæ porracei est coloris, guttis puniceis, & venis sanguineis, ad differentiam Iaspidis viridis, superaspera, cui & si haud absimilis videatur, differunt tamen, quod Iaspidi maculæ sanguinæ hærent, illa verò venis sanguineis interstinguitur: vt potius videatur eadem, quæ inter genera Prassij porracei coloris sanguineis punctis obhorrens, à nobis nuperrimè est recensita. Parum viridis est hæc gemma, quòd ex succis non claris, quin potius turbidis, viridibus, rubris, ac nigrore quodam infectis, in terræ visceribus concreuerit. Heliotropiumque ex huius effectu, & potestate nominatur. Græci etenim, ^{ἡλιον} Solem dicunt, & τροπὴν mutationem, conuersionemvè. Sub aquis namque si ponatur (ex Plinio, & Isidoro hoc sit dictum) & radijs Solis apponatur, ob viuacem fortè rubedinem, & viriditatem, colorem veluti croceum spargit, vt aërem obnubilare videatur. vti hæc eadem mira posse facere videtur, nam extra aquam, speculi modò Solem accipit, deprehenditque defectus, subeuntem Lunam ostendens, ac si Sol ex interpositione corporis Lunaris ad Solem eclipsas pati tenebras videatur. vndè quia mutare posse Solis claritatem videtur. Heliotropium, hoc est Solis auersio nuncupatur: quod etiam Marbodeus sequentibus carminibus eleganter expressit.

Lib. 37. c. 10
Lib. 16. c. 7

Dactyl. c. 33

*Ex re nomen habens est Heliotropia Gemma,
Quæ Solis radijs in aqua subiecto bacillo.
Sanguinem reddit mutato lumine Solem,
Eclipsimque nouam terris effundere cogit:
Denique post modicum vas ebullire videbis,
Aspergiq; foras subita scaturiginis imbrem,
Vt sit cum nimbos distillat turbidus aër.
Imbres de Cælo vocat: astringitque serenum.
Sed quoque gestanti dat plurima vaticinari,*

Atque

Atque futurarum quædam prænoscere rerum.
 Nosque bonæ famæ quibus est data laudibus ornat,
 Servat & incolumes producat tempora vitæ.
 Sanguinis astringit fluxum, pellitque venena.
 Nec falli poterit lapidem qui gesserit illum,
 Tot bona diuino data sunt huic munere gemma,
 Cui tamen amplior his concessa potentia fertur,
 Nam si iungatur eiusdem nominis herba. carmine
 Legitimo, verboque sacrata potenti,
 Subtrahit humanis oculis quemcumque gerentem.
 Hanc nunc Æthiopes, nunc Cyprus, & Aphrica mittit:
 Sanguinis aspersum guttis, similemque Smaragdo.

Vt vires singulæ habeantur, quibus Heliotropium præcel-
 lere dicitur, placuit carmina hæc lectori exponere. Quem
 tamen admonitum vellim, quo loci Marbodeus gestanti
 hanc gemmam, illum plurima vaticinari posse, dixit, atque
 futurarum rerum quædam prænoscere: fabulosum, ridicu-
 lumque videri; qua opinione moti Pontifices illi, qui olim
 à cultu diuino aberrabant, hac utebantur, præsertim in-
 Idolorum festis, Alberto Magno sic referente: vti etiam,
 quod quicumque gerentem inuisibilem reddi, subtrahereve
 de humanis oculis dicunt; hoc Plinius manifestissimū exem-
 plum magorum impudentiæ esse tradit.

Sunt & inter has Gemmas virentes, Berylli, quibus color est
 viridis quidem, sed multum dilutus, vt in viriditate Sma-
 ragdo similes videantur, sed cum pallore: laudatissimi, quia
 viriditatem puri, & tranquillæ maris imitantur. Clarius
 translucent, fulgorem quoque habent, quod eorum color
 naturalis, & si surdus, & hebes, cum ingenio artificium,
 sexangulam figuram sint redacti, percussu angulorum,
 fit excitatus: aliter enim politi non haberent fulgorem.
 Vnde Marbodeus.

Conspicuos reddit sexangula forma Beryllos,
 Quæ nisi sit hebes, his pallor inesse videtur.
 Eximios oleo similes, lymphæve marinæ
 Esse volunt, & eos probat harum gnara vetustas, &c.
 Beryllus

Lib. 2. de la-
 pid. c. 1
 Loc. cit.

Dactyl. cap. 9

BERYLLVS in Sacris literis tantâ fuit habitus estimatio-
ne, vt octauum poneretur fundamentum cœlestis Hierusa-
lem: de qua Gemma hæc ex eruditissimo Blasio Viegas ex-
cipere placuit. Beryllus, inquit, quasi aquam confideres,
Solis fulgore percussam, rubicundum, & decorum colorem
reddit; sed non fulget, nisi in sexangulam formam, polien-
do, figuretur. Repercussione enim angulorum splendor
acuitur, tenentisque manum adurere dicitur. Tradunt,
Beryllo duos inesse colores, vnum viridem, pallentem alte-
rum. Quilibet Apostolorum, propter mentis puritatem,
quasi aqua clarissima, cœlestis gratiæ radium suscipit, pul-
cherrimusque efficitur; repercussione angulorum magis splen-
descit: quia quò magis Apostoli laboribus premebantur,
quasi fractis in lapide angulis, repercussoque lumine, magis
radiabant. In sexangulam formam figurabantur, quia in
hoc mundo, qui sex diebus à Deo fuit perfectus, tyrannis
persequentibus, & quasi eos figurantibus, pulcherrimi, ful-
gentissimi que euadebant. Tenentium manus adurebant;
quia eos, cum quibus conuersabantur, diuini amoris faci-
bus inflammabant. Præferiebant colorem duplicem: quia
dum cœlestia contemplabantur, virides efficiebantur expe-
ctatione præmij. cum vero ad proximos sese per actionem
conuertebant, ipso labore, operumque assiduâ exercitatione
pallorem quodammodo accipiebant.

*Sect. 3. in
Apoc. 21.*

Mysticè.

BERYLLVS, vt aliquid etiam de eius viribus dicamus; con-
tra vitia hepatis, contra suspiria, & eructationes tritus, &
liquoribus permixtus, valere traditur. humidos oculos sa-
nat; & etiam egregiè prodest eorumdem contusionibus, &
conquassationibus, siue pugno, seu baculo, vel alio quodam
corpore graui contusio illa fuerit facta. Gestatus hominem
magnificare, amorem coniugalem fouere, & coniungere,
cum Sauinæ folia sibi habeat strata, tradit Albertus. Sunt
etiam qui scribant, virtutem eius contra pericula hostium,
& contra lites esse, gestantem inuictum, aptoque ingenio
reddere.

*Lib. 2. tract.
2. c. 3.*

Ceterum priusquam Gemmis hisce, præ colore viridi conspi-
cuis,

F f

cuis, umbilicum admoueamus, lapidem illum vnde quaque translucidum, legentium oculis subijcere est in votis, quem ob raritatem, & pulchritudinem ad viuum delineari curauimus. Semisphæricam, vt cernere est, imitari videtur figuram. in cuius eminentiori parte, veluti in throno, vt magis, ac magis lapidis venustas eniteat. Achates gratissima Gemma, in crySTALLINO candore efflorescens, mirificè splendet. Medium lapidis Niccolis, varijs coloribus insignitum, conspicuum redditur. Centrum Beryllos pellucidos quidem, sed in colore viridi pallentes, vt in proprio lare, fauet, & custodit. Gemma, qua meritò, & volupè FERDINANDVS GONSAGA, Mantuanus Dux, oblectari quandoque solet.



SAPPHIRVS in ordine succedit. inculpabilis certè, & cuiusque vitij expertus, quod ex succis cœruleis, ob perfectam eorundem concoctionem, claris, ex terræ matris vtero natalia suscepit. Gemma admirabilis, pulcherrima, & gratiosissima, ob colorem nimirum illum cœruleum, Cœlo purissimo, & sereno, quale est vernum, simillimum, quæ sola translucet: qui sanè color cœlestis sacrarum Scripturarum testimonio perbellè confirmari potest. *Viderunt Deum Israël, & sub pedibus eius, quasi opus lapidis Sapphirini* Exod. 24 (per expositionem additur) & quasi Cœlum cum serenum est: imò Theodoretus dixit, solum Sapphirum obtinere Cœli speciem, & colorem; cui adstipulatur Rabbi Zeroboam. vt non immeritò ob pulcherrimum hunc colorem cœlestem, mirabiliter cum purpura, regali omninò ornamento coniunctum (vt ex Isidoro patet) qui Sapphirum refert inter gemmas purpureas, cœruleumque semper coniungit cum purpura, & semper purpurascere scribit, illum, qui optimus, & præstans est, in armillis, & monilibus, potissimum verò à Regibus Sapphirus, vt regali honore, & dignitate dignus reponi cōsueuerit: quod vetustus ille Poëta Gallus Marbodæus hisce carminibus nobis significauit: *Dact. c. 52.* & si illud Sapphiri genus intellexisse crediderim: quod aureis punctis collucere notat Plinius. *Lib. 37. c. 9*

Sapphiri species digitis aptissima Regum,

Egregium fulgens, puroque simillima Calo.

Præ cuius etiam fulgore, patientissimus Iob gemmarum cum meminisse vellet, Sapphirum primo loco posuit; vt ex illo. tanquàm gemmarum præstantissimo, reliquas intelligeremus. Et ex hac gemma, vt Regibus digna, Thronus Dei repræsentatur, quod habetur Ezechielis. *Aspectus lapidis Sapphirini similitudo Throni.* Nam si cœlestis color cum purpura coniungatur, quid potest ad Regis Maiestatem significandam, commodius dici, aut repræsentari Sapphirina gemma? cuius præstantia excitati nonnulli ex Platonicis Philosophis, nec ignobilis classis: qui (referente Rodigino) cum sint arbitrati, tres esse vniuersales, præcipuosque mundi

Lib. 40. Hist.

Apos. 21

Tract. de 12
Gem.

Quest. 38

In Cant. 1.
Apos. 21

Loc. cit.

mundi colores, tribus Cœli gratijs dicatos, viridem scilicet, & aureum, Sapphirinum quoque per excellentiam connumerauerunt. viridem Veneris esse voluere, atque item Lunæ; aureum Solis ab Ioue tamen, Venereque; Sapphirinum verò Ioui maximè accommodarunt. cui, Deorum summo, Sapphirum dixerunt esse consecratum. vndè ex Pierio Valeriano habetur, Gemmam hanc & apud veteres, & apud iuniores omni ætate magna semper in celebritate fuisse; siquidem per eam, imperium, & summum Sacerdotium significari crediderunt: quod hæc cœlitus à Ioue, & Saturno vim quandam contrahat, vt ad huiusmodi res viam præparet, & facilliora hæc affectantibus omnia reddat; ita à Ioue regnum, à Saturno sacerdotium impetrari: cui pariter sacræ appellatio iure meritò attribuenda venit. Cum enim per ordinem duodecim Gemmæ, pro duodecim fundamentis cœlestis Hierusalem, disponantur, in quibus essent nomina duodecim Apostolorum Agni. Secundum fundamentum est Sapphirus. Petro, qui post primum Andream vocatus est, summo sanè Sacerdote, imo, & regale Sacerdotium gerenti respondens. Nec non ex Sancto Epiphonio habetur. cum suam cœlestem laturus legem descenderet Cœlo Deus, illam in lapidibus Sapphirinis insculpsisse. vt Hebræorum traditio fouet. quod etiam confirmat Anastasius Nicenus in Sacram Scripturam, vt Iosephum Rabbinum, in paraphrasi Chaldaica super Cant. 1. Tostatum, & Caietanum ad finem Exodi 31. omittamus. vndè videtur appellari ignea lex. Nam cum Dominus de Seir dicatur ortus, quando ferebat legem, verus videlicet, & lucidus quasi Sol: non mirum, quod Diuinæ faciei radijs, & splendore tabulæ reperiussæ ignescerent. Sapphirus namque, Piropi instar, Sole illustratus, ignescere, & scintillare dicitur: vt indicant Philonius Episcopus, & Rabonius: qua de re meritò sacro nomine videtur decorata hæc gemma. vt etiam Marbodeus

Quem natura potens tanto ditauit honore,

Ve sacer & meritò gemmarum gemma vocetur.

Sapphi-

Sapphirus similiter tantæ auctoritatis fuisse perhibetur apud veteres illos, à cultu Romanæ Ecclesiæ omninò aberrantes, vt in religione locum habere existimarint, & apud eorum Deos plurimum valere putarent. Apollini præ cæteris sacra facientes, quasi rem gratissimam cum multo fastu, & superstitione ostentabant: credentes (ò vana, detestabilisque Ethnorum illorum cecitas) citius cuncta, rataq; magis, & certa habere posse responsa, qui Sapphirum, dum Oraculum consulerent, in præsentia possiderent: vt & Magi in sacrificijs hunc alijs gemmis præponebant: quare audias Marbodæum nugantem.

Loc. cit.

*Et plus quàm reliquas amat hanc Neucromantia gemmas
Vt diuina queant per eam responsa moueri.*

Et hæc quoad Sapphiri colorem cœlestem, & religionem, pertinent. Quæ facultates modò in hoc eluceant, perscrutemur. miras etenim naturæ vires, vt & in alijs gemmis, lapidibusvè, in illo coruscare passim apud probatissimos auctores legere est. Nonnulli Sapphirum portanti, gratiam apud homines, & Principes viros conciliare, inimicos reconciliare, carcere detentos liberare, affirmant: hoc idem à veteri illo Poëta Gallo describitur, inquiens.

Ibid.

*Hic lapis vt perhibent, educit carcere vinctos,
Obstrictasq; fores, & vincula clausa resoluit,
Fertur, & ad pacem, bonus esse reconciliandam, &c.*

Et si nos, qui in fide Christi Redemptoris persistere profitemur, diuinæ gratiæ singula hæc attribuenda esse, piè, & firmiter asserere debeamus; quam nobis paratam, credendum est, cum benè, & iustè, Deo vno, & trino ex corde inseruiantes, vitæ tempus traduxerimus: spes namque confissa Deo (cum abbreviata non sit manus Domini super nos) numquam confusa redibit: cuius rei David nobis testis esse poterit; is enim vbi mandata Dei sedulò obseruauit, vndique Dei gratia cumulatus fuit; primum Regno, deinde victoria, postremò amicis Regibus.

Omnibus cutis vitijs Sapphirum gestatum vtilem esse, testatur Albertus ille Magnus: Anthracem pestifero tempore nasci

Lib. 2. de lapid. cap. 7.

Lib. 8. c. 100

nasce vetat, & scabiem semper minuit: bisque expertum esse, attestatur hic Auctor, quod Sapphirus super Anthracem positus (requiritur tamen ut grandis sit, & diutius carne adhæreat) illum extinguit: & ut ictu Iaspidis sitis inuehitur, & Torpedinis marinæ contactu obtupescit manus, pariter contactu diuturno Sapphiri, virtus Anthracis fugatur, Alexipharmaca vi, eius maliciam, & venenositatem reprimendo, & infringendo; & ne venenatus eius fumus ad cor ascendat, spiritusque inficiat, impediendo. unde legitur apud Dioscoridem, virtutem illi inesse veneno contrariam, & illius penitus extinctiuam. Quod Aranæ experimento probat: si enim hæc intra pyxidem ponatur, & vnus Sapphirus Indicus. (is namque cæteris bonitate præcellere dicitur) siue alius, supra pyxidis orificium, sed fortasse relictus, supra animal, diutius pendulus retineatur. Aranæ, eius virtute victa, quasi morietur.

Loc. cit.

SAPPHIRO virtutem inesse traditur, reprimendi calorem, præter naturam. idè in febribus illis, in quibus ob summam in humoribus ebullitionem, ardoris excessus viget, ut ægrotantes hinc inde se iactare cogantur, nesciantque stare loco, magnum refrigerium febricitantibus illis præbere, est in confesso; si iuxta venas cordis pulsatiles ponatur, annuente Dioscoride.

Loc. cit.

Lib. 2. c. 7

Sudores illos stringere, qui ex rarissima corporis structura oriuntur, & fluentem è naribus sanguinem compescere astringentia, qua polet, ob frigiditatem innatam, virtute, & cor recreare, refocillareque, nec non epotum bili nigræ, & melancholicis auxiliari, auctor est Arabum Princeps, Aui-cenna.

Innumeris alijs viribus præcellere Sapphirum, ex Dioscoride, Alberto: & quamplurimis alijs auctoribus in confesso est: quas singulas recensere, nimis longum esset, & ab instituto nostro alienum. Hoc vnum tamen gemmæ huius præstantiam adprimè exprimens, silentio non videtur prætereundum.

SAPPHIRVM nimirum castitatis cultorem, & amasium esse. idè

ideo quisquis est, qui illum gestando, prænarratis virtutibus frui gaudet, immundam vitam non est vt traducat; illicitos Veneris concubitus abhorreat, nec alienos thoros appetat, est necesse: alioquin in partes diffilit gemma, deperit in illa vis insita, omnisque nitor fordescit, ac obscuratur, contrahitque aliquid vitij ex putridis corporibus, quæ virus exhalant, ac cum venenato halitu inficiunt: non secus ac mulieres, purgationibus lunaribus inquinatæ, speculi nitorem obfuscant. & in Corallio, dum maritima in prima huius operis Sectione perscrutaremur, annotauimus: quam sanè mutationem suscipit; insitusque illi color rubicundus defædatur, pallescitque, ac si nubilosa materia cooperiatur, cum gestantis corpus aliquo morbo detinetur; idque potissimum in puerulis, ob carniū molliciem, & pororum cutis dilatationem, contingere in dies experimur: Huiusmodi mutationes colorum, in quamplurimis gemmis, & alijs lapidibus conspiciuntur. Referre placet, quod oculis ipsis, non sine stupore obseruauimus. Extat lapis non multum grandis coloris cinerei, qui parum elucet; apud D. Christophorum Furlegerum Norymbergensem. Virum præ animi dotibus, quibus se adprimè exornatum demonstrat, summè suspiciendum: & in rerum naturalium cognitione non mediocriter versatum; quarum etiam vberissimam habet suppellestem, cui lapidis mutabilis nomen attribuit. (Opali speciem aliquam dixerim) Hic aqua frigida, & purissima, impositus, paruo temporis spacio (mirum sanè, quomodo & corpora inanimata alterentur, & compatiantur) proprio denudatus colore, alium induit, flauum nimirum: & quod maiorem facit admirationem, translucidum valdè. Vbi verò ex aqua extrahitur, deposito colore illo, quem in aqua contraxerat, proprium denuò intuentibus patefacit. Lubens singulis ijs, quæ de Sapphiro scripsimus, finis erit, si quæ de mystica eiusdem significatione traduntur, Lectori, exponamus. Sapphirus (inquit Viegas) medicam putatur habere virtutem; inutilis sculpturæ, interuenientibus CrySTALLINIS centris viret, & subinde translucet,

Sapphiri mystica significatio. Selt. 3. incap. 20. Apocal.

flucet, aureis quibusdam punctulis collucens. Quilibet Apostolus medicam virtutem habuit curandi, & corporis, & animi ægritudines; non sinebant se sculpi humanis honoribus, minusvè aut promissionibus, quominus inuictam in fide, & amore CHRISTI constantiam retinerent; virebant centris CrySTALLINIS, idest purissimis moribus, & translucebant; quoniam lucem veritatis à CHRISTO emissam, in alios trans mittebant. Hæc Viegas.

SAPPHIRI ex Misnensium fodinis eruti, alij minutuli sanè, vt præ paruitate semina Papauerum non superent. alij etiam ouali, sed plana, figura, fabæ parvæ magnitudine non excedunt. omnes tamen in colore cœruleo, & si opaco, claritatem quamdam exprimunt.

Placuit CALCEOLARIO, nec ab re, sub Sapphiri tutela, lapides illos in suo gemmarum repositoio, collocare, qui & si non multum lucidi sint, cœlestem tamen colorem, Sapphiro attributum, representare videntur. Lapidem nimirum, qui Lazuli tunc temporis vocatur: & Turcicum, sub Turchogis, vel Turchinæ nomine apud Iuniores diuulgatum. Ita & nobis volupè erit, singulis, quæ propria sunt, de more aptare.

Epiphanius, vir sanctitate, & eruditione clarus, tractatu illo, quem de duodecim gemmis edidit. Lapidem illum, quem Arabes Azuli, vel Lazuli nominant, inter Sapphiri species describere non omisit. Vt & nos, tanti Viri auctoritate freti, hunc, gemmam non incongrue appellabimus. idque eò magis, cum ex fodinis aureis Orientalibus sit effossus, (quod ex eo potissimum cognoscitur; vi namque ignis ne dum colorem amittit, sed illustrior euadit, quod secus in eo conspicitur, qui in Germania oritur; hebetatur enim, & colore minuitur) cuius medium in colore cœruleo, præter scintillas aureas, stellarum modò radiantès, quas refert, venula quædam aurea transcurrit; & quia aliorum lapidum preciosorum more politus est, collucet, enitetque: vt asserendum omninò videatur, Sapphiri speciem, quam notat Plinius, varijs punctis collucere, gemmam hanc esse, de qua

qua præsens instituitur sermo. Gemmæ huic cœruleæ, color nomen facit: Græci namq; *κυανον*, cœruleum intelligunt, vel eum certè colorem, qui inter nigrum, & viridem colorem locum habet medium. Et si enim inter cœruleum, & cyaneum colores, aliqua videatur esse differentia, vt ille gemmæ nomen potius mereatur, hic verò Harena sit ex Plinio. hic Saturato magis sit colore, quam cœruleus, vt inebriatum dices. huic durities insit & fractu contumax sit, vt est natura Gemmarum, Cyaneus verò frangi facilè possit, & apud Dioscoridem, & Galenum pigmentum sit, nihilominus ex eodem parente natalia habere, & ijsdemmet pollere viribus, constat. Vtrique enim corpora sunt fossilia, ex succo macro terreno, non pingui; qui sua ariditate, & falsedine materiam metallicam corroserit, in terræ intimis adedò compacta, vt præ succi adepti qualitate, cœli fereni, & omni nube vacui colorem imitentur. Et si Cyaneus saturatus magis videatur. quòd in hoc, succus magis impurus, in cœruleo verò lucidior in generatione concreuerit. Quod autem indifferenter ijsdem polleant in re medica viribus: inter Græcos Dioscorides, & Galenus, & inter Arabas Auicenna, & Mesue, præ cæteris. hoc nobis amplè patefaciunt. Dioscorides *Vim habere reprimentem, & modicè erodentem, crustas gignere, & exulcerare* tradit. Galenus (& si paucis verbis) huius vires perstrinxit, inquires, *Cyanos* siue masculino, siue fœminino pronunciare velis, hoc medicamentum acri facultate est, tum detrahendi (quam *καθαρτικὴν* vocant) potentiorēque Cinnabari. Inest quoque ei nonnulla adstrictio. Auicenna, & si cœruleum cum Armeno lapide, idem esse, asserere videatur, quod etiam apud Serapionis interpretes legere est, qui lapidem Lazuli vocant, qui apud antiquos est lapis Armenus; fortasse ob horum in ortu cognationem, sed quam insulsè, videant illi, *Virtutem et esse* (dicit) *sicut virtus eius, quo adhaeret aurum, & debilior eo parumper; calidum in secundo, & siccum in tertio constituit. Ei inesse virtutem eradicatiuam, putrefactiuam, & absterfuiam cum acuitate, & stypticitate pauca, & in ipso esse adustionem, &*

G g ulce-

Lib. 33. c. 13

Lib. 5. c. 66

Lib. 9. de sim
pl. medi. fac.Lib. 2. tract.
cap. 16.

Lib. 7 simpl.
cap. 14.

Lib. de me-
tall. c. 40.

Lib. 31. c. 9

ulcerationem scribit. Prouocare menstrua sufficienter bibitum, & in matricem suppositum. Solutione educere melancholiam, & quicquid sanguini est commistum, in quo est grossitudo notat. Mesues similiter, quem stellarum vocat, de illo hæc habet, Est de genere marmorum, habens maculas ex auro, & alius est albus, & dicitur Marchasita, alius viridis clarus, cœlestis, & vocatur lapis Lazuli, & quandoque minera fert utranque simul. Melior est cuius color est viridior in colore Lazulini, & habet maculas aureas; & mixtus cum Marchasita non est bonus, & non maculatus, est non bonus, & similiter levis. Verbum autem: viridis, clarus, cœlestis (ex Cesalpino) non accipiendum est, quasi duo colores significantur, ut in lapide Armeno, sed viriditas significat intensiorem coloris cœlestis. Similiter dum dicit; melior est cuius color viridior in colore Lazuli: idest saturatior. Sic apud Plinium videtur accipi, cum de Pæderote gemma inquit, Inest viridis suo modo aer, idest cœruleus saturatus. & calidus in secundo, & siccus in tertio. (progreditur Mesues) & in ipso acuitas, non vacuata stipticitate aliqua, & est ex parte acuitatis eius adustius, ulceratius, putrefactius, absterfius, & incisius. (quæ omnia intelligenda sunt, dum foris adhibetur) & in non loto est proprietas radendi pilos. Lotus autem conseruat, & prolongat eos, & generat pilos in palpebris, solutione educit melancholiam, & humores adustos, & mundificat venas, & sanguinem ab eis. (modò tamen decenti ablutione sit præparatus) & non lotus educit per vomitum, & per ventrem humores crassos, & melancholicos. Confert ad egritudines cerebri, & cordis, sicut ad epilepsiam, maniam, & melancholiā. quarum materia est humor melancholicus. & confert sincopi, & confortat cor, & aufert nocumenta eius. mundificat pectus, & pulmonem. confert asmatis, iuuentutem conseruat, &c. Hæc indeffessus in medicina practica illustranda Mesues. Ex quibus colligere licet, lapidem Lazuli cum cœruleo multum conuenire. Vti Smaragdus cum Chrysocolle. Et si quæ inest in hoc lapide mala qualitas, quam in ortu contraxit, eum materiam metallicam participet, aeris præcipue; illa, facta optima præpa-

præparatione, deponitur. ita vt rectè ablutus, contra illo-
rum opinionem, qui hunc, non secus ac perniciosissimum,
venenum formidant, intus exhibitus multum iuuet, vel ni-
hil, vel parum lædat: & nos quoque non semel, urgente
necessitate, in affectionibus melancholicis præsertim, & in
Elephantiasi exhibuimus: semper profuisse, neque tormina
induxisse, nec ori ventriculi multum obfuisse, experti su-
mus; sed de hoc lapide satis. Quò autem iam prænarrata
in hisce lapidibus colorum differentia magis eluceat, à re
alienum haud fore iudicauimus, si singulas illas cœrulei spe-
cies commemorabimus, quæ à diuersis locis transportatæ,
in Musæum Calceolarium reconduntur.

Cœruleum fossile, ob saturatum colorem, medium inquam,
inter nigrum, & viridem cui est locus, vt inebriatus vide-
atur, saxo candido rudi, & præduro, quod pro parente
in natalibus sibi elegit, firmiter adhærens. Ex Boemiæ
fodinis.

Cœruleum natium ex Hispanijs, in quo auri scintillæ eni-
tent: inter pigmenta nobilia, ob bonitatem, & colorem,
glaucum aspectu pulcherrimum, cœteris præferendum.

Cœruleo illi Ægyptio meritò æquandum: de cuius laudi-
bus Plinius, & alij quamplurimi ex veteribus multa scrip-
serunt. ex quo, vt etiam ex lapide Lazuli Orientali, color
ille cœruleus paratur, quem vltamarinum Pictores appel-
lant. hoc nomen sortitum, fortasse, quia aut extra mare
in Orientalibus fodinis reperiatur. vel quòd colore glauco
maris aquæ colorem imitetur.

Cœruleum Cyprium, bonitate, & coloris pulchritudine, cate-
ris quibusvis alijs comparandum.

Cœruleum præstantissimum, terræ duræ, & cineræ adhærens,
in colore, & bonitate Cyprio haud ab simile. Ex Poloniæ
fodinis.

Cœruleum natium Suocicum insigniter glebosum. terræ fa-
bulosæ candidæ, sed satis duræ adnatum: in quo color ve-
luti saturatus conspicitur.

Cœruleum Puteolanum, colore, & bonitate, ac nobilitate,
Cyprio

*f. Contrarius
468*

Loc. cit.

Cyprio non indignè æquandum.

Cœruleum fossile, per se, ac sine vlla alia materia metallica, mixtum, in propria vena repertum, sabulo, arenavè dura, quod est ita simile, vt ex arena litorali totum constructum appareat: cui non admodum inebriatus, sed potius dilutus color inest; in quo etiam aliquot guttulæ aureæ splendens cœrulum arenosum Dioscorides appellat.

Lib. 5. c. 60

Cœruleum ex propria fodina erutum, in quo nulla apparet coloris proprii mutatio. Lapidem Armenum, colore viridi qui perbellè imitatur, ob amoris vinculum, & affinitatis sympatiam, quam cum illo in iisdem venis metallicis à naturæ primordijs contraxit, suo complexu fouens, vt simul iuncta, mutuoque amore connexa, dices, ac si vnicò partu prognata essent: admiranda certè naturæ vis, quæ talibus consortijs, & mineralia ac metalla ipsa, ac si animata essent, inter se colligare soleat.

Cœruleum natiuum, Chrysocollam puram (quam in ortus principijs, vt plurimum in suo sinu excipere non dedignatur, eidem glebæ metallicæ, cui & illud apponitur, adherentem benignè amplectens.

GEMMIS illis, quæ colore cœruleo vndecumque scant, lapide illo finis erit, qui à loco vbi effoditur, nomen videtur sortitus. Et si enim communi nomine apud iuniores, lapis Turcicus, vel Turchina, Turchesavè vocetur; rectius tamen apud Indos Perose dicitur, quod in Persia plurimus huius sit prouentus. Color huic vt plurimum in viridi palens est, colorem nimirum illum imitans, qui, & si cœlestis cœruleusque sit, est tamen dilutus, quem nos (Turchino latato, seu chiaro) appellamus. Reperiuntur tamen ex his lapidibus, qui intensæ magis sunt viriditatis, signis quibusdam nigris, veluti venulis notati, quæ se se in superficie insinuant. & hi probatiores existimantur. Sub qua autem lapidum classe veniat hic reponendus, videtur adhuc sub iudice lis; non enim desunt spectatæ auctoritatis Viri, qui ad Callaidem gemmam, à Plinio descriptam, referendum asserant; non secus enim ac Callais in viridi pallet, & vt hic,

Lib. 37. c. 8

hic, oculi figura extuberans, cernitur. Alij verò Iaspidis illam speciem esse censent. quam ex mente Græcorum Boream, seu ex Persis, quia aëri sit similis, Arizusam Plinius vocat, quæ cum Cælum autumnale matutinum imitetur, nec in colore dispar videatur Turchina, ob id eandem constituunt. Vt ut res sit. Lapis est ex fossilium genere, instar gummi, seu nodi dimidiati, globi figuram exprimens, ex lapide nigro, vti matrice refudans. in viridi pallens, & inter gemmas, quamuis parum luceat, recensitus. Cui admirandæ ab auctoribus attribuuntur virtutes; Aduersus fascinationes, & lymphaticos, illos nimirum qui maniacofurore, aut amentia corripiuntur, valere tradit Cardanus. annulo gestatus, si ex equo cadat homo, excipere omnem ictum, & pro cadente in frustra rumpi, seruato homine, modo dono sit acceptus, ex hoc ipsomet auctore habetur. quamuis supra fidem esse dicat: referam tamen, quod verissimum est, apud populos illos Maumetanæ religioni additos, Turcas nimirum, tantæ dignationis, æstimationisque esse, vt putent seipsos ex vñu huius lapidis à quouis infortunio incolumes seruare, & cadentium damnum prohibere; hincque factum sit, vt viri, prædiuites potissimum, quando se se offert equitandi occasio, habenas equorum, pectorales, humerales, & phaleras, quinimmo, & equorum caput hoc exornent; vt dicere liceat, lapidem hunc, Turcicum fortasse vocabulum hac de causa sortitum: quam pariter virtutem Malachiti gemmæ inesse ex quorundam Germanorum testimonio, superius est à nobis annotatum. Ceterum qua ratione eruditissimus, & perspicacissimi ingenij Cardanus. Lapidem hunc Eranon vocat, & vñdè denominationem habeat, vt rerum nouarum adprimè studiosissimus, libenter ediscerem. Omnem potius annulum, quod pro symbolo ad conuiuia sodalitorum daretur, Eranon à Græcis dici, notans Scaliger: quàm Turchesiam lapidem. nisi fortè dicere velimus, totum pro parte intellexisse Cardanum. quia scilicet lapis hic annulis aureis includi soleat. Addam ex Rodigino, quo loci de conuiuiorum speciebus agit,

*Loc. cit.**Lib. 7. de lap**Loc. cit.**Lib. de sub.
cont. Card.
exert. 115**Leff. antiq.
lib. 27. c. 14.*

agit, sed præcipuè quale sit conuiuium sportularum, explicat, *Eranon*, dicit, quod pluribus differtum accumbentibus sit, sed ita, ut ferat unusquisque quod edat, quod etiam *apud* dicebatur, hoc est à sportula, unde conuiuiæ *Eranostæ* dicebantur. quæ res Poëta *Hesiodo* arrisisse admodum videtur, quod sit in-cunditatis multum, impendij baud sanè. Hoc tamen dictum intelligo, pro veritate rerum tantummodò inquirenda, non quod more aristarchæo, de tanti viri auctoritate, & dignitate quicquam detrahere studeam; baccari namque in mortuos, o quàm impium, & à ciuili religione alienum, videtur? & me talem esse profiteor, ut vitæ meæ curriculum, absque vlllo liuore, & detractiōe in alios, præcipuè verò in Viros de Republica literaria bene merentes, ad normam diuinitus institutam, traducam. Sed ad Turchesæ virtutes, quæ supersunt, rursus.

Lib. de Gem.
2. cap. 181

Franciscus Rueus se vidisse Turchinam affirmat, quæ patrono defuncto, omnem splendorem amiserat, & veluti rimam, quamdam contraxerat. quæ postmodum vili præcio à quodam sanitate fruente empta, ad pristinum colorem redijt, ac si sensu quodam perciperet, nouum se dominum, & sanum inuenisse. ut ex his pateat, Gemmam hanc sæpius colorem mutare, atque expallescere, vbi qui hanc gestat, languescit, valetudinariusvè est: cum verò corpus conualefcit, ex natiui coloris temperamento, & hæc colorem proprium adipiscitur. quæ, & si fabulosa, ridiculavè videri possent, experientia tamen quotidiana nos edocet vera esse; ut de Corallio, Smaragdo, Sapphiro, & alijs lapidibus est annotatum. Visum conseruare, eidemque robur addere, ut oculorum imbecillitati accommodata, & spiritibus totius corporis refocillandis apta, hilaritatem gignere, passim legitur.

HACTENUS de Gemmis purpureis, nunc rubentes prosequamur, & inter has pulchriores, nobilioresque præferamus, quæ ob splendorem, & colorem igneum, ardentes vocantur; nimirum Rubinum, & huic cognatas. Non certè illi æquandus, quem ut naturæ miraculum, & regali tantum Diademate

mate dignum referre placet. Recitat Marcus Polus, admirabilem Rubini compertam magnitudinem in vnico, qui apud Regem Orientalis Insulæ Zeilæ, compertus est; cum enim nullibi amygdalo maior repertus sit, apud illum tamen Regem extat ad palmi longitudinem, & ad humani brachij crassitudinem, coruscatione igneam flammam superans, qui cum vnicus videatur, inæstimabilis precij censendus est. Sed Rubinus ille delineabitur, qui à CALCEOLARIO inter alias gemmas asseruatur. Hic mediocris est magnitudinis, colore, ac fulgore egregiè rubet, seque totum splendidissimum patefacit: quod ex succis rubris puris, clavis, & translucidis ortum traxerit, ad perfectamque eorumdem concoctionem deuenerit: & quia optimus, probatissimusque, insigniter durus existit, nec vllum ab igne detrimentum pati videtur; quinimmo illi appositus, colore magis augetur, acuitur, intensiusque rubet. Qua ratione quasuis rubentes gemmas pulchritudine superare videtur, & ob flammeum illum colorem, cum nil possit spectari elegantius, atque iucundius, Carbunculi nomen meritò illi attribuendum. Non quod huiusmodi gemmæ realiter (vt apud multos inualuit opinio, hoc enim videtur fabulosum) in tenebris splendeant; sed rectius; quia Soli expositæ flagrent colore carbonibus ardentibus simili. vnde Græci ἀνθράκωζ nominant. Carbo enim ijs ἀνθράξ est: qui & si propriè intelligatur, quando flamma, & igne caret, nihilominus Carbo etiam dicitur, cum est ignitus. vt apud Plinium legitur: cuius verba hæc sunt; *Et cum cinis in foco concreuit, & cum carbo vehementer perlucet.* Nec non apud Ciceronem candens Carbo dicitur. *Qui cultros metuens tonsorios, candente Carbone sibi adurebat capillum.* Hæc obiter annotare volui, ne in nomenclatura exponenda erroris aliquid appareat. Gemmas has inter alias, affinitatis vinculo sibi ad dictas, principatum habere tradit Plinius, *Carbunculos à similitudine ignium appellari*, dicens, *cum ipsi non sentiant ignes*, ac ob id à quibusdam Græcis ἀνθράκωζ sunt vocatæ. Aristoteles libro de lapidibus hanc gemmam omnium gemmarum

Lib. 3. c. 19

Lib. 18. c. 17

Lib. 2. off. 33

Lib. 7. c. 7

Lib. 37. c. 10

Lib. 2. traſſ.
2. cap. 1

Apoc. 21

Mysticè quid
CarbunculusDiſp. 13. in
cap. 2. Apo.De Vita
CHRISTI.

Loc. cit.

rum gnomonem dicit, & Regulam (& si Plinius, ut in O-
palo est obseruatum, hunc illi præponat) de qua etiam
tractans Albertus Magnus. Carbunculum ad reliquas Gē-
mas tanti facit, quanti aurum ad ferrum, vel plumbum.
ut non præter rem, & Marbodeus eius præstantiam, & prin-
cipatum ita expreſſerit.

Ardentes Gemmas superat Carbunculus omnes,

Nam velut ignitos radios iacit undique Carbo,

Nominis vnde ſui cauſam traxiſſe videtur.

Lingua ſed Græca lapis idem dicitur Antrax,

Huius nec tenebræ poſſunt extinguerè lucem,

Quin flammæ vibrans oculis nitet aſpicientum.

Quamobrem iure meritò & ob dignitatem, & ob eius ad-
mirandam conſiſtentiam, nec non ob virtutes inſignes, qui-
bus ſcatet, quantum ponitur fundamentum cœleſtis Hieru-
ſalem; & in ſacris literis ſub Carbunculi nomine CHRIS-
TVM Redemptorem noſtrum ſignificari, ex traditione
Pererij habetur. Qui inter mûdi huius tenebras refulſit,
quando VERVM CARO FACTVM EST, ET HABITAVIT IN NO-
BIS. Atque iuxta Landulphum. Carbunculus Charitatis
typum gerit, quæ quidem præcellit omnibus virtutibus,
lucet nocte aduerſitatis, peccati venenum fugat, ceterasq;
virtutes conſervat. Sed rursus, vnde digreſſi ſumus. Pli-
nius de Carbunculis agens, varias horum ſpecies, & diffe-
rentias prolixè ſcribit, & ſingulorum genera nationibus di-
ſtinguere videtur. Nec non in vno quoque genere maſcu-
los appellari dicit acriores, fœminas verò languidiùs reful-
gere. In maſculis alios obſervari liquidioris flammæ, alios
nigriores, & quosdam lucidiores, ac magis cæteris in Sole
nitentes. Ne verò rem hanc in longum protrahere videamur,
ſingulorum anatomen diſtinctam neutiquam recenſe-
bimus, ſed Lectorem ad Plinianum Codicem remitemus.
Quem hoc vno admonitum volumus: & ſi apud antiquos
Carbunculi nomen de illa tantummodo gemma intellige-
retur, quæ in colore igneo, & fulgore egregiè ruberet, ut
ardere videretur; nihilominus apud recentiores pro qua-
cumque

cumque gemma rubente, quæ fulgeat, usurpatum legitur. quorum auctoritati, & nos assentiendo, Rubinum, Carbunculum appellare non sumus veriti. Et quæ Carbunculi species à Plinio, & Isidoro referuntur, apud Gemmarios nunc temporis alijs nominibus distingui: Qui enim intensiori rubedine splendidissimi sunt, Rubinos vocant, Carbunculos Antiquorum, seu Pyropos Græcorum, dices. quorum verò rubedo dilutior est, sed maximè splendens, Spinellas vocant. Crediderim illos esse, quos Plinius in masculis quoque alios obseruari liquidioris flammæ, dicit. Tertio loco recensent, quos Iuniores Ballagios à pallido colore, Spinellis dilutiore, ac minus radiante nominant. candidos antiqui à colore diluto dicunt. Quarto loco constituunt Carchedonios veterum. Iuniorum Granatos, sic nuncupatos à granis mali punici, seu eiusdem, floribus quos æmulantur: & si nigrioris sint aspectus: Hi non radiant, nisi clariore lumine. inter hos cum rubore quidam violæ colorem sentiunt, quos violaceos vocant, cæteris præstantiores, quos si Ametystizontas nuncupes, abs re non erit. Quinto loco Alabandini ponuntur, quasi corrupta voce Alabandici, Granatis nigriores, ut qui ex Boëmiæ fodinis eruuntur. Vltimum locum Amandinis attribuunt, qui varij coloris, interstinguentibus maculis albis, sunt. ut Træzenij apud Plinium. Hoc vnum addam, reperiri in hisce Gemmarijs delicijs Glebam quādam præduræ substantiæ, colore viridi subcinereo insignitam, ut Ophytim. Boëmicum asseueres, mirandam certè: in hac enim, ut in proprio lare, Rubini, Smaragdi miro intuentium applausu, præfulgere visuntur. MUNUS FERDINANDI GONSAGÆ Mantuanorum Principis, quo FRANCISCVM CALCEOLARIVM nostrum (dum elapso Iunij mense Serenissimo Duci debita obsequia persolueret) ob beneuolentiam, qua Calceolarios prosequitur, Regia manu cohonestare visum fuit. qua pariter & nos, præuia tanti Principis benignitate, fruimur. Quam verò aliam asseruamus, tum substantia, tum colore haud similis regiæ illi glebæ visitur. Est enim veluti sa-

H h xum

*Loc. cit.
Lib. 16 c. 13*

*Rubinoꝝ
minera.*

xum quoddam in colore non subuiridi, sed subrubro, vt fuscum, subobscurumvè videatur; aliquantulum splendens, cui Rubini, colore valdè rubro præfulgentes, vt propriæ matri inhærent. Reliquas modò Gemmas rubentes perscrutemur; quæ cognatione quadam veluti prænarratarum pedisse quæ esse videntur. vt Sarda, Corneolus, & Sardonyx.

Quicquid autem de Sarda Gemma, Sardiovè lapide, dici, explicarique per nos potest, succintè habeas. Gemma ex illarum stirpe est, cui patria, & color nomen dedit. Sardinamque Populi, Sardinæ Insulæ Libici maris incolæ, ei nomen quondam fecerunt, quod eò loci primùm fuerit reperta. vnde Marbodeus.

Dactyl. c. 54.

Sardius à Sardis est, à quibus ante receptus,

Sortitus nomen, rubei solet esse coloris.

Lib. 32. cap. ultimo.

Lib. 3. de ali. facul. c. 31.

Quod si etiam colorem illum rubentem, qui in Sardis piscibus, quos Palamidas longas vocat Plinius; & quorum plurimum prouentum ex Sardinia aduehi, scribit Galenus, consideremus, præsertim cum sale conditi, illum Minio similem referant. absurdum non erit dicere, ob colorum sympatiâ, denominationem ab his piscibus contrahere potuisse. Aut si mauis expositionem hebraicam attendere: scias, Sardium lapidem Hebraicè dici Odem, nomine deducto à verbo Adam, quod lingua illa rubere significat. Siue ergò Patria, seu color, verbumvè hoc Hebraicum nomine Sardam honestauerit. Gemma est præ succis rubeis, à quauis labæ alienis, in ortu susceptis, quod multum rubet, efficaciusque fulget, ac perspicua est; vt ob id & laudatissima, & mas credatur: habeas enim, non vnum esse Sardæ colorem; aut enim rubentior in quibusdam viget, vt quæ iam delineata: aut obscure rubet, aut minus dilutè, aut mellea est, aut fecibus sordida. Quas singulas differentias si quis attendere appetit, Calceolarium Musæum adeat, & nos pariter Lectori inferius exhibebimus. Sarda, & si tunc temporis minus nobilis, & vulgaris iudicetur, fortasse quia & Gemmae preciosiores, maiorisque precij sint repertæ. vnde apud Gem-

Gemmarios nihil præter fulgorem habere dignitatis dicatur, & solummodo ad figilla sculpenda reputetur idonea. Nihilominus maxima in veneratione olim extitisse, ex hoc præ cæteris patere potest, quod sextum ponatur fundamentum cœlestis Hierusalem. Nec non de hac, vt nobilissima, gemma in Sacris Scripturis non rarò fiat mentio; vt legatur, horum multitudinem, filios Israel in deserto tam affabrè sculpsisse, vt nemo huiusmodi artis imitationem fuerit deinceps aggredi ausus. Vti etiam ex Plinianis verbis colligitur: nullam fuisse apud Antiquos gemmam vsufrequentiore, & celebriore: quò loci eius quinque enumerat differentias; laudatissimamque omnium haberi Babylonicam, deindè Indicam, tùm Arabicam, adhæc Ægyptiam, vltimo loco Cypriam. Et ex coloris distinctione, differentias sexus apparere notat; mares enim excitacius fulgent, fœminæ pinguiore sunt, & crassius nitent. Gemma hæc, vt Corneolus, & Sardonyx, quæ non nisi coloris differentia, & succorum mixtione inter se dissident, ex eadem enim sunt prosapia, multis nominibus facilis sculpturis est, tùm quia ceram non rapit, tùm quòd tenax cum sit, & mediocri duricie, non multa cum difficultate cælatur. Tertiò quia, ex Plinio, tardius cæteris perspicuis humore suffuso hebetatur: & oleo magis, quam alio liquore. Quamuis autem inter Gemmas vilissima reputetur, nihilque utilitatis præter splendorem afferre credatur. excepto quod Onyx, qui quasdam, vt est explicatum, habere nociuas proprietates dicitur, non potest eius vim, Sardæ existentia, ad effectum producere: vnde Poëta Gallus

Hic inter Gemmas vilissimus esse putatur,

Præter fulgorem cum nil ferat utilitatis.

Excepto quod Onyx nequit hoc præsentē nocere.

Attamen refert Albertus Magnus, ex mente fortè Aristotelis libro de Lapidibus, quod etiam in libro illo, Galeno ascripto, de incantatione, adiuratione, & suspensione legitur. In hac gemma virtutem esse sanandi hæmoroidas, & iram, rixasque sedandi, prohibendique somnia terrifica,

H h 2 si ad

Apoc. 21

Lib. 37. c. 7

Loc. cit.

Cap. de Onyx.

Loc. cit.

Lib. 2. c. 17

lib. 5. de nat.
foss.
Dactyl. c. 15

si ad pondus xx. granorum hordei, collo, vel in digito portetur. Gestantis animum ad gaudium excitat, timorem depellit, reddit audacem, eiusque mentem acuit, nec non à veneficijs, fascinationibusque potenter tuetur: in pulverem tritam, & cum vino austero potam, immoderatum mentis fluorem, & sanguinis per ora venarum profusionem, sistere notat Agricola, quibus virtutibus & Corneolum doctum esse, sic scribit Marbodeus.

*Sed neque Corneolum lapidem numrare pigebit,
Qui licet obscurum videtur habere colorem,
Non spernenda tamen huic creditur insita virtus.
Nam lapis hic digito, colloque gerentis adherens,
In disceptando surgentes mitigat iras.
Qui lauaturæ carnis par esse videtur,
Sanguinis è membro sistit quemcumque fluorem,
Præcipuè talem patitur si fœmina fluxum,*

Lib. de med.
facu. panab.
cap. 47.

Ventri deligatam, quod etiam Aëtii lapidi attribuitur, fœtum usque ad finem detinere, scribit Galenus. Nè verò & hæc gemma absque vlla mystica significatione relinquatur, hæc pauca ex doctissimo Viegas collegi: Scias, Sardam lapidem translucere, sic Martyres exemplo translucent. Coloris esse sanguinei, atque adedò martyrium eorum designari. Feris terrorem incutere, sic Martyres Dæmonibus erant formidabiles. Quò verò prænarratæ Sardij in colore differentia appareant, singulas species, quæ penes Calceolarium sunt, breuiter delineabimus.

SARDIVS lapis non multum sanè, sed dilutius rubens, ut qui ob rubedinem remissam loturæ carniū similis cum videatur Carneoli, seu Corneoli nomen meretur.

SARDIVS lapis obscurè rubens, crassiusque nitens, quòd huic pinguis insit substantia, quæ perspicuitatem impedit, fœmina reputatur hic lapis, & propter pinguedinem, quæ

Διμυδς est Græcorum, *Διμυδς* ab eisdem nominatur. **SARDIVS** lapis alienum colorem in se qui admittit, mel-
leum nimirum, splendet tamen & si aliqua cum opaci-
tate.

SAR-

SARDIVS lapis, in cuius concretionem non sine aliqua nota materiam immundam cum conceperit, obsoletus, & sordibus plenus videtur: ac ob id vilissimus.

SARDIVS lapis rudis sanè, & obscurus, ut videatur è propria minera non nisi extractus: qui tamen dum ad leuorem reducitur, multum rubere, & perspicuum fieri, reipsa dignoscitur.

SARDII lapidis variae species, in quibus effigies Imperatorum Romanorum, ac symbola, eorumdem præclare gesta, referentia, admirabilique artificio antiquitus insculpta, conspiciuntur. Ne autem desidem, diminutumque in rebus antiquis conquirendis **CERVIVM** Medicum credas; in nostro numismatum antiquorum satis locuplete larario seruari, scias ex singulis huius gemmae generibus, omnium ferè Caesarum effigies, ac si ad viuum essent delineatae, præ cæteris verò, ut pupilla oculi mei carissima, seruantur in Sardioniche pulcherrimo imago Filippi Macedoniae Regis, Patris illius Alexandri, cui ex rebus actis Magni inditum est cognomen; & in Sardio, excitatius rubente, Faustina illa, de qua plura à pudicitiae statu omnino aliena literis sunt tradita; & quæ maluit potius extra pudicitiae limites tergiuersari, quam quod in illa castitatis virtus coruscaret.

NE verò institutus ordo præuertatur, Gemma illa proprijs characteribus delineabitur, quæ ex duorum fossilium corporum, simul in terræ visceribus, ut natali loco, coeuntium (de quibus in superioribus à nobis est tractatum.) societate oritur ex Onyche nimirum, & Sardo gemmis, a quibus Sardonychis nomen est adepta: ut ex colore rubeo Minio simili, quo Sarda gaudet; quique in gemmae supremo visitur, & cui candidum Onychis substernitur, haud difficile est coniectari: ac si dicas Gemma ex Sardi rubore, & Onychis candore, in vnum hoc corpus formandum conspirantibus, genita; ita ut tota pelluceat, ac inuersa ob permixtum colorem, similitudinem, & speciem vnguis humani carnibus impositi referat; ut non abs re & hæc inter

Nic-

Dactyl. c. 55

Niccolos enumerari possit; quæ tamen solum perpolita sit; exculpta enim, ut substratum alterius coloris sit, rectius Cameos vocari poterit. Sardonychis ortum, & in hac colorum varietatem, hisce carminibus expressit Marbodeus

Sardonycem faciunt duo nomina Sardus, & Onyx,

Tres capit ex binis unus lapis iste colores,

Albus, & hinc niger est, rubeus supereminet albo.

Lib. 37. c. 6

Hoc idem ex Plinio habetur, scribente: *Sardonyches olim, ut ex nomine ipso apparet, intelligebantur candore in Sarda, hoc est veluti carnibus lingue homini imposito, & utroque transu-*

cido: tales esse Indicas tradunt Ismenias, Demonstratus, Zenobemus, & Sotacus. Quo loci etiam Ethiopicas, Arabicas, & Armenicas enumerat; quibus singulis proprias qualitates aptat, ut unaquæque inuicem distingui possit, & quæ alijs præstantior sit, elici absque difficultate detur. Quarum omnium distinctas qualitates si scire appetis, auctor hic om-

Loc. cit.
Lib. 6. de nat
fess.

nes tibi suppeditare poterit; nec non Georgius Agricola, inter recentiores. Gemma, qua primus Romanorum usus est Prior Africanus, referente Plinio ex Demonstrato. Et

Loc. cit.

inde (subdit) Romanis hanc Gemmam fuisse celeberrimam, quo factum est, ut initio Romanis multum placuerit, qui deinde Indis persuaserunt, ut ipsi quoque ijs gauderent. Cl. Cesar pariter Smeragdus, & Sardonycas induebat. Ceterum, ut omittam, Sardonychem luxuriam repellere, & gestantem humilem, & pudicum efficere: & hanc solam propè Gemmarum insignando de ceræ substantia nihil auferre, ut notat Mar-

Loc. cit.

bodeus. Hic solus lapidum ceram conuellere nescit,

Hic humilem, castumque facit, multumque pudicum.

Et si non desint, & alij lapides, qui nihil de cera rapiant: ut Sarda, Corneolus, aliquæ Niccoli species, & alij quamplurimi. Vnica obseruatione, Gemmæ huius tractationem ex Conterraneo nostro, includam, qui de gemma Polycratidis Tyranni agens, hæc habet. *His initijs capit auctoritas in tantum amorem elata, ut Polycrati Samio seuero Insularum, ac Litorum Tyranno felicitatis suæ, quam nimiam facebatur etiam ipse,*

Lib. 37. c. 1

ipse satis piamenti in unius Gemmae voluntario damno videretur, si cum fortuna volubilitate paria faceret: planèque ab invidia eius abundè se redimi putaret, si hoc unum doluisset: assiduo ergò gaudio lassus, prouectus nauigio in altum, annulum merfit. At illum piscis eximia magnitudine Regi natus, esca vice raptum, ut faceret ostentum, in culinam Domini rursus Fortuna insidiantis manu reddidit. Sardonychem eam fuisse gemmam constat: ostenduntque Roma, si credimus, in Concordia delubro, cornu aureo Augusta dono inclusam, & nouissimum propè locum tot praelatis obtinentem. Haecenus Plinius. Ex hac pariter Gemma moralitates haud spernendæ expiscantur. Sardonyx præciosior censetur, qui tribus coloribus variatur, primo nigro, medio candido, supremo rubro: per hanc gemmam, præ coloribus hisce conspicuam, Sancti Martyres mysticè designantur: omnes enim Martyres nigrum colorem ob labores, candidum propter puritatem, rubrum propter martyrium habuerunt. Sed audiamus Sanctum Gregorium de Sardonyche loquentem. dum enim verba Iob. cap. xxi. ix. Non conferetur tinctis Indiae coloribus, vel lapide Sardonycho præciosissimo, vel Sapphyro. interpretatur, ita scribit. Sardonychus quippe terræ rubræ similitudinem tenet. Sapphyrus verò æream habet speciem. docet ergò in Sardonycho per terram rubræ homines: in Sapphyro autem per æream visionem Angeli designari. Nam cum rubræ terræ speciem Sardonychus habeat, non immeritò hominem designat. quia & Adam, qui primus est conditus, latino sermone terra rubra dicitur. Quid est ergò quod dicitur, quia hæc sapientia lapidi Sardonycho, vel Sapphyrino non confertur, nisi is, qui est (Dei virtus, & Dei sapientia, meditator Dei, & hominum CHRISTVS IESVS, tanta magnitudine excellat omnia: ut ei nec in terra primi homines, nec in cælo Angeli comparentur. Vnde per Psalmistam dicitur. Quis in nubibus aquabitur Domino; similis erit Deo in filiis Dei. Hæc Sanctus Gregorius.

LIBET hinc nonnulla etiam de Topazio recensere, & quidem præter ea, quæ traduntur à Plinio, animaduersione dignum est id; quod apud Epiphanium legitur. Scribit enim nasci in

Moraliterq;
Sardonyx.

Lib. 18. moral. cap. 30

Psal. 83.

Lib. 37. c. 2
Lib. 12. de
Gemmis.

Lib. 16. Geo-
graph.

Tat. de la-
pid.

Cap. 18. in
Iob.

Origin. lib.
16. c. 7
Adversus
Gesarum.

Loc. cit.

in Topaza Vrbe Indiæ; quamquam in inuentione diuersus fit à Plinio, vt inferius demonstrabitur. Inuenta (inquit) quondam illis à lapicidis in corde alterius lapidis; quam cum splendidam vidissent, & Thebanis quibusdam ostendissent, paruo precio vendidere. Thebani vero Regnum tunc temporis administrati Regine attulerunt. illa verò Diademati suo imposuit in medio frontis. Strabo quoque in descriptione Arabiæ hisce utitur verbis. Hoc in loco Beronicem Urbem, in penitioris sinu positam, post sinum est Ophiades Insula, ab euentu rei appellata: vel quod Rex eam à Serpentibus liberauit, vel quod multi applicantes à serpentibus interficerentur: & propter Topazia. Is autem est lapis pellucidus, splendore aureo resurgens, vt interdum videri non possit, (quod radij Solis ei similes circum circa resplendeant) usque adeò illustratur, noctu verò videtur ab ijs, qui cum colligunt. Nam signo aliquo imposito, de die effodiunt. Egypti Reges maximam hominum multitudinem, mercede conductam, ad horum lapidum collectionem, custodiamque collocauerunt. Fere eadem scripsit Nilus Metropolitæ. Illud autem peculiare videtur, quod de Topazij nomine, atque etymologia recenset Beatus Gregorius. Topazion (inquit) preciosus lapis est. & quia Græca lingua (τὰν) omne dicitur, pro eò quod omni colore respondet, Topazion, quasi τὸ πάντων vocatur: omni certè colore splendere Topazion Isidorus, præter B. Gregorium scribit. Non deest auctor quidam, qui nomen Topazion ab Hebræo nomine, auri optimi (Paz) deduci velit: quod aurum optimum suo colore, ac splendore emulatur: sed illum nugari crediderim, cum Topazion græcum sit, à quærendo desumptum; Paz verò hebræum, atque proprium, & peculiare auri nomen longè diuersum. Quod autem Topazion non à colore, sed ab inuentione etymonopotissimum suscepit. verba Plinij hoc nobis amplè attestari possunt: inquit enim. Egregia etiamnum Topazio gloria est, suo virenti genere, (ex quibus sanè verbis elicitur primò, gemmam hanc ad succum porri similitudinem habere, quia tamen non translucet modò, sed etiam mirificè fulget, eius fulgorem in colorem, auro similem, exire. Secundo, Qui

Qui Topazij nomine nunc diuulgatur, Chrysolitum Antiquorum fuisse; atque viceuersà, qui nunc vocatur Chrysolitus, Topazion Antiquorum verum fuisse. Idque eò magis, quod ex eodem Plinio habetur. Topazion solum inter gemmas à cote poliri ob molliciem, limaqué tangi; quæ omnia in Chrysolito à gemmarijs nunc vocato concurrere, est in confesso; lima namque tangitur, & est aurei coloris, in quo tamen subuiride quicpiani nitet) progreditur codex Plinianus, *Et cum reperta est, prælatæ omnibus. id accidit in Arabia Insula, quod Chitis vocatur: in quâ Trogloditæ prædones, cum diutius fame, & tempestate pressi, herbas, radicesque effoderent, eruerunt Topazion. Hac Archelai sententia est. Iuba Topazon Insulam in rubro mari à continente stadijs CCC. abesse tradit, nebulosam, & idèd quæsitam sæpè nauigantibus, ex ea causa nomen accepisse Topazin enim Trogloditarum linguâ, significationem habere quærendi. Hoc idem Isidorus scribit, asserens, ob hoc, locum, & Gemmam, nomen, & causam (à quærendo scilicet) accepisse. vt tantorum virorum auctoritate freti, rectius sit dicere, Topazion non à colore auro simili, quo præfulget; sed à quærendo denominationem. præcipuè suscepisse. & tutius auctor ille, qui cœlestia, aquatilia, & terrestria in multa volumina congeffit, probatissimorum auctorum sententijs aquieuiisset.*

Loc. cit.

Orig. lib. 16.
cap. 7.

Neque ab re fore videtur, vt mysticè nonnulla de hac gemma, quæ ob eius nobilitatem, nonum fundamentum cœlestis Hierusalem à D. Ioanne ponitur, promamus; si cum eruditissimo Viegaz dixerimus. Topazij lapide, qui quanto inuentu rarior, tanto preciosior habetur, excellentissimam Sanctorum Apostolorum professionem in Sacris literis significari. Duos quippe huiusmodi lapis refert colores, vnum auri purissimi, alterum æthereâ claritate relucens; hoc est aurum charitatis in proximos, & ardentem in Deum amorem. Flammescit impensius, quoties Solis radijs verberatur: quoniam Apostoli cum CHRISTI gratia, tamquàm radio micabant, tunc magis ad proximorum salutem incendebantur. Topazion cum polis, obscuras: sic Apostoli cum

Apoc. 21

Cap. 21. Ap.

Mysticè
quid Topa-
zion.

laudibus nostris polimus, potius obscuramus, quàm illustramus; ob excellentem eorum magnitudinem, nostraq; omni commendatione maiorem. Hæc de Topazio.

Hucusque ob susceptam à nobis in rebus naturalibus enucleandis, quot quot penes Calceolarium sunt, prouinciam, quam etiam initio huius operis ad finem perducere, polliciti sumus, ac in eiusdem contextu ostendimus. De gemmis candidis, viridibus, purpureis, rubentibus, & aureum colorem reddentibus sermo est habitus; harumque multa demonstrauimus esse genera. Hinc ad eas pergere debemus, quæ ex singulis ijs omnibus videntur compositæ; vt sunt præ cæteris Achates, & Iaspis. Et si enim non ita transluceant, vt præ narratæ, quod ex succis non adeò puris, & claris, vt illæ oriantur, nihilominus perspicuitatis & hæ sunt capaces, vt inter gemmas reponendæ veniant; necnon ob colorum varietatem, quæ ita ornata conspiciuntur, vt vno nomine diuersas gemmarum species videantur completi, magnam dignitatem, & gratiam in se obtinent. vt inde ex his vna sextum fundamentum Ciuitatis Hierusalem, altera octauum ponatur. Ambo hi lapides preciosi, & si ex diuersis, ac commixtis materijs, atque exhalationibus singuli fiant; vt harum medio hoc commune habeant, vt perspicuæ, ac opacæ sint, & omnem admittendo colorem, de huius varietate inuicem decertare videantur, & hinc credatur ab Antiquis varijs, & diuersis nominibus fuisse vocatos. Achates tamen ex tenuibus fit succis, præ quibus nitet, magis durior est, atque splendidior; Iaspis verò ex magis terreis, crassis, & impuris oritur; vnde in hoc colores omnes hebetes potius, & suboscuro sunt, adeò vt in perspicuo opacum, & in opaco perspicuitas videatur desiderari. In Iaspide maiora, & frequentiora visuntur vitia, quàm in Achate. quod si addas huic colorem album, & nigrum, magis inter alios familiares esse, illi verò purpureum, & viridem. In Iaspide omnia confundi, vt & colores, & substantiæ persæpe permisceantur. In Achate autem veluti ordinem quemdam, licet non exactum, colorum, atque linearum

Apo. 21.

rum vt plurimum esse, ex ijs tibi haud difficile erit, horum lapidum differentias rimari. Quorum nomina, causam nominis sub prælo ponamus, ad hoc vt ex succorum expressione, quibus viribus in corpora humana agant, & quid mysticè elici detur, indagare possimus. Qui autem lapis primo intuitu attramento hoc nostro explorandus venit, Gemma est illa, quæ primum in Sicilia Tyrreni maris Insula, iuxta Achatem fluuium, cum sit reperta, nomen sibi Achatis, & causam nominis ex Plinio, & Isidoro, vindicauit: vt inde Marbodeus.

Lib. 37. c. 10
Lib. 16. c. 11
cap. 2.

Vt primum perhibent lapis est inuentus Achates

In ripis fluuij, qui nomine dictus eodem est.

Quoniam verò natura huius gemmæ est, varijs coloribus constare, candidis, nigris, rubeis, croceis, cinereis, viridibus, & cœruleis, vt inde, & varia huius genera, & diuersa nomina fortiaur. Nos quoque singulas species referre, haud grauabimur. Et quæ primò sese offert, vt primum inuenta. vnde Marbodeus.

Loc. cit.

Hic precio diues Siculas perlabitur oras,

Sit licet ipse niger, venis tamen obsitus albis.

Perileucos est Græcorum, ob dignitatem scilicet Principis nominis gemma: in huius superficie ab ore gemmæ ad radicem vsque filum candidum, seu lineæ, Zonæ vè instar marmoris albæ descendunt, & sunt intersectæ. & quamuis ob colorem nigrum, & subobscurum, quo tota est compacta, non sit adeò perspicua, vt Gemmæ pellucidæ, nihilominus si in tenues, & latas laminas diuidatur, perspicuitate non carere, quæ in opaco visitur, cuicumque innotescet. Interim reliquas Achatis species perscrutemur, quò huius dignitas, & quam magnæ olim fuerit auctoritatis, magis eluceat, & si tunc temporis parui videatur fieri, non quod in illa vires sint diminutæ, sed fortè, quia copiosior, quod enim rarum, carum, vilescit quotidianum.

ACHATES ob perspicuitatem in candore pulcherrima, quia ex succo, cui est aquæ color in terræ visceribus sit orta; Leucachates dicta, à voce græca λευκός, quæ album significat.

ACHATES lineis colorem sanguinis exprimentibus confersa: Hæmatiti lapidi in colore non multum dissimilis, ut merito Hæmachates nuncupari possit.

Mem. c. II. **ACHATES** in colore corallium rubrum quæ emulatur, est tamen guttis auro similibus illita, ut distincta videatur. hanc Solinus Corallium Achatem vocat. Cretenses Gemmam sacram dicunt; arbitrantur namque contra ictus Scorpionum, & Araneorum plurimum conferre.

ACHATES, cui color est croceus, leoninæ pelli haud dissimilis, quam Græci Leontion, & Leontodoram vocant. Leonachates est recentiorum. Brocatella fortè vulgò.

ACHATES ob varias maculas Pantheræ animalis feri, pelli maculosæ quæ sunt similes, & quas per totum corpus hinc inde confersas habet. Pandalion à Græcis dicitur. Pantachatem iuniores vocant.

ACHATES serenissimi, vernique Cœli à quouis vapore, labeque expurgati, colorem instar Sapphyri referens. Sapphyrochates dicta.

ACHATES totâ splendidâ, flammæ igneæ rubedinem æmulans: quæ caloris subterranei medio cum succo illo mixta, ex quo Sarda Gemma fit. hanc colorum varietatem in se contraxerit. non abs re Sardachates denominari liceat.

ACHATES miranda sanè, quod delectus variorum colorum, & in inanimatis corporibus conspiciatur, ut eisdem quodammodo natura oblectari videatur. In hac enim color cæruleus, candidus, viridis, niger, & alij diuersi apparent, ut cum valdè venusto, varioque colore, natura sic ludente, mirificè ornata niteat, diuersas, ac cōmixtas materias, atque exhalationes puras, & claras in hanc gemmam formandam conspirasse videatur.

ACHATIS varias species hîc delineatas habeas, lapides nimirum politos, & satis splendidos, quibus varius est color, quod ex succo terreno vario in substantiam lapideam concreuerint. varijs qui rerum imaginibus naturæ penicillo sunt inumbrati: ut ex ijs vnus ob exhalatos à materia porosa vapores exprimat arboretum, quem Dendrachatem appellat.

pellabis, alter lacus, quidam fontes, & regiones, veluti Scio-graphiam, vel Cosmographiam, lusitante natura. non sunt autem ex India, vt similibus Achatum feracissima transportati, de quibus Plinius. Sed ager noster Veronensis pulcherrimarum rerum naturalium fœcundus, hosce nobis vberimè elargitur. Postquam autem in huiuscemodi lapides à natura effigiatos incidit sermo. Concedatur, Pyrrhi Regis Epyrotarum celebratissimam illam Achatem, ex Plinio nostro recolere: in qua nouem Musæ cum Apolline in medio Cytharam tenente spectabantur: non arte, sed natura ipsa, magistra discurrentibus maculis ita absolutam, vt singulis quoque Musis sua redderentur insignia, nomina scilicet, & officia, de quibus Hesiodus in principio Teugoniæ, & latius à Diodoro Siculo circa principium libri quinti: quam pariter Gemmam perbellè expressit Marbodeus, inquiens.

Lib. 7. c. 10

Lib. 7. c. 11

Rex Pyrrhus digito gessisse refertur Achatem,

Loc. cit.

Cuius plana nouem signabat pagina Musas;

Et stans in medio Cytharam tangebatur Apollo.

Natura, non artis, opus, mirabile dictu.

Referam in hac re proposita ingeniosissimum illud subtilissimi Cardani inuentum, qui de hac gemma agens, ridiculum putat, quicquid in illa elegantissime delineatum spectabatur. idque casu potius, quàm natura sic fauente, subsequentibus verbis contigisse asserens. Hoc igitur sic contingit. Pictor validis coloribus lapidem aliquem è marmorum genere pinxit, vt nouem Musæ pulsanter in medio Apollinem mirarentur, inde seu casu, seu ex industria lapis ille, sepulchris iacuit per multos annos eò in loco vbi Achates gigni lapides solent.

Lib. 7. de lapid.

(miror profectò quomodo colores illi, & si ænei etiam fuissent tanto annorum spacio, præ terræ humiditate, aut ob aliquam materiam acrem, & mordacem, qua loca vbi vigent res metallicæ, scatere solent, si non ex toto, saltem maiori ex parte fuerint absumpti, si namque interitus saxi, carminibusque accidit, quanto magis coloribus, qui facillimè admodum, vt accidentia, mutationibus sunt obnoxij) contingit itaque circum circa gigni Achatem perspicuum, & aquè, inde

inde inuentus referebat Musas, & Apollinem illum, quasi natura industria fabricatum, cum Achates iam gemma esset. Hæc doctissimus ille vir: quàm benè dicant, qui rerum naturalium indagandarum desiderio capiuntur. rectius iudicio meo dictum crediderim. cum lapis hic, vt nuperrimè explicauimus, varijs constet coloribus, & se inuicem incurfantibus Zonis, lineisque, adeòvt non artis ope, sed naturæ sic cooperante quandoque varias effingat imaginum formas. Naturam certè Pyrrhi illam gemmam varijs lineamentis, & maculis ornasse, arte tamen prorsus caruisse tot imaginis, & in ea formanda maximam artificis partem accessisse, qui alibi minuens, alibi augens, quæ spectanda essent, eximiè elaborarit. Nonne oculis ipsis intuemur, terræ superficiem tam admirabili florum, & plantarum varietate, totque coloribus pulcherrimè exornari, ac si à præcellenti artifice esset depicta? pari etiam ratione nil mirum videri debet, si ex eiusdem vberissimo sinu lapides, & gemmæ prodeant, diuersis coloribus notatæ, & in quibus ob diuersissimas maculas, multiplices quoque rerum imagines ad intuitum votum represententur. Hinc videmus in quibusdâ lapidibus expressas stellas, frondes, lilia, pisces, rotas, oculos, animalia, & quamplurima alia, de quibus omnibus in hac Sectione erit sermo. & in nostro Musis dicato delubro lapis asseruatur, in quo adeò affabrè delineata a natura cernitur Simia cubans; vt diceret, arte fuisse depictam. sicuti & alter lapis ramulo cum folijs insertus. super quem pedibus erectis residet Avis, non sine intuituum stupore. Sed quid nonne & idem Cardanus, se habuisse testatur tres Achates (ne verbum quidem, quod fuerint depictæ, proferens) in quorum altero (vt suis vtat verbis) *Natura Hæmispherum pinxit Cæli distinctis orbibus. in medio terra rotundam quasi aquis supereminens. Secundus, ex hiatu terra fumum emittere videtur, qui aërem obumbret, atque illud in eo admiratione dignum, quod alius fumi color, alius aëris, qui ex eo obscuratur, fumus candidus quasi ac densus, aër subrubens, ac mediocriter perspicuus. Tertius cæteris longè admirabilior.*

bilior, scilicet Galbæ fermè imaginem huiusmodi depictam habet.
 (quam hoc loci ad viuum delineatam curauit) *nec in su-*
perficie, sed quasi subuitro, & tamen vera gemma est, non vi-
trum. quoniam tamen qua parte tangit digitum, totus rubet,
Iaspidis refert speciem. Haftenus Cardanus. Legere est
 etiam apud Plinium, in India Achates reddere species flu-
 minum, nemorum, iumentorum, etiam Esseda, & Staticu-
 la, & Equorum ornamenta. Sed ne ab orbe hoc nostro
 remota inquiramus. nonne Venetijs, & in Ecclesia Basilica
 D. Marci in Achate gemma conspicitur Regium caput
 diademate ornatum, naturalibus id exprimentibus venis,
 absque omni artificis manu? & in eadem Regia Ciuitate
 in Templo Sancti Georgij maioris spectatur in quadam co-
 lumna imago Saluatoris nostri IESU CHRISTI in Cruce
 pendens, dum pro salute humani generis seipsum exinani-
 uit? vt innumera alia, quorum plenæ sunt chartæ, breui-
 tatis causa omittamus? & ne res hæc in ridiculum, cachi-
 nationemvè abeat: quod oculis ipsis non sine stupore ob-
 seruauimus, habe in augustissimo rerum naturalium con-
 clauio, auspicijs Serenissimi FERDINANDI GONSAGAE
 erecto, custodiri lapidem, qui præfulget, Achatem dices, in
 quo hominis imago conspicitur, coloribus ita eleganter ef-
 figiata, vestimentis ita affabrè delineata, capiti, collo, bra-
 chijs, & pedibus quæ sua respondet textura, vt hominem,
 non sine veloci gressu itineri intentum esse prænunties.
 Ex quibus singulis quàm mirabilis natura sit in operibus
 suis, absque vlla artificis ope, cuius, etiam Ialemone fri-
 gidiori, innotescere potest. Achatis modò proprietates,
 quotquot è Regionibus, vndè oritur, ei attribuuntur, & à
 Plinio, Isidoro, Alberto Magno, & alijs quamplurimis au-
 thoribus, hisce Marbodei carminibus perstringamus.

Loc. cit.

Loc. cit.

Lib.

Lib. 2. min.

cap. 2.

Loc. cit.

Hunc quoque Corallo similem gerit Insula Creta

Cuius planicies croceis est illita venis.

Iste Nepe virus fugat, & quod vipera fundit.

Reddentem facies varias dat & Indus Achatem.

Hunc nemorum frondes, hunc dantem signa ferarum,

Hic

Hic sedat sitim, visumque fouere putatur.
 Est & qui Myrrha succensus spirat odorem,
 Est qui sanguineas maculas perhibetur habere,
 Certa cui facies, quia creber, vilis habetur.
 Portanti munus, viresque ministrat Achates,
 Facundum facit, gratumque, bonique coloris.
 Et persuasorem, mundoque Deoque placentem,
 Hoc Anchisades comitante pericula vincit.

De Achate
 mystice quid

Cap. 4

3. Reg. 19:

Prat. spir.
 c. 100

Intes has proprietates, hæc potissima videtur, quod sitim
 extinguit; qua quidem proprietate Spiritus Sancti gratiam
 repræsentari inficias non ibit, qui CHRISTI verba apud
 Ioannem legerit. Qui biberit ex aqua, quam ego dabo ei, non
 sitiet in æternum. Hæc porro verba SS. Patres interpretan-
 tur de diuina gratia, quæ sitim animæ, desideria videlicet,
 & concupiscentias sedat, & extinguit. Id quod etiam
 asserere videtur Ill. Toletus de siti corporali. Legimus e-
 nim, inquit, & audiuimus nonnullos viros hac gratia plenos,
 ita esse in internorum contemplationem raptos, ut nec sitim, nec
 famem, imo nec incommoda græua corporis sentiant, & per mul-
 tos dies ieiunij absque cibo, & potu perseuerarent; quodque mi-
 rabilius est, fastidirent cibum, & potum, sicut fastidire solent,
 qui saturi, & cibo, & potu repleti sunt. Nec incredibile hoc
 videri debet. Si enim circa res temporales, & caducas amor ni-
 mius, aut letitia, aut reliquæ vehementes passionēs id efficiunt,
 ut homo per multum temporis nec sitiat, nec fame scat, quanto
 magis Spiritus Sanctus per gratiam suam id operabitur? Interest
 rursus, quod eorum, qui affectibus hisce famem, & sitim non sen-
 tiunt, corporeæ vires debilitentur, potu, & cibo deficientibus.
 At Spiritus Sanctus roborat, & vires sustentat, ne homo suc-
 cumbat, sed integer, & fortis perseueret. Exemplo id compro-
 batur Elia, qui semel pane, & aqua refectus, fortis quadraginta
 dierum iter ieiunus confecit. Hactenus Toletus. Ferè idem
 legitur apud Sophronium de Petro Pontico Monacho, qui
 à Iordanè in montem Sina itineratus est, nihil omnino su-
 psumpsit. A Sina verò vsque Alexandriam ab omni esculeu-
 to, &

to, & potu perpetuò abstinuit; & ab Alexandria vsque Hierosolymam, quæ interualla passum millia plurima excedunt. Multa exempla virorum insignium in re proposita, possent afferri, qui Spiritus Sancti gratia pleni, nedum ad dies, sed ad menses, & annos absque cibo, & potu vixere. Sed quoniam hoc nostri non est instituti, ad ea curiosum. Lectorem remittimus, quæ ab Alberto Magno, à Theodoro insigni historico in Philoteo, à Baptista Fulgoso, & alijs quamplurimis scriptis sunt mandata.

*Anim. lib. 7.
traff. 3. c. 3.
Lib. 6.*

IASPIDIS modò singula illa genera recenseamus, quæ ex mente Dioscoridis, & Plinij, inter amuleta Calceolaria, reperiuntur: non enim lapidis huius simplex est genus; sed ob succorum varietatem, qui in eius ortu, & mixtione exurgunt, sicuti varijs apparet coloribus distinctus, ita & varia nomina tum ab iisdem, tum etiam à locis, vbi reperitur, & effoditur fortiri, est in confesso. Aut enim in colore viridi Smaragdo est similis, quamuis non ita transpareat, sed obtusior, ac hebetior sit, vt ad Heliotropij colorem inclinare videatur. qui sanè color præcipuus huius gemmæ est; vnde ex Isidoro nomen à voce græca traxisse Iaspidem, refert *iac* enim viride est. Gemmam hanc in tota Orientali regione, præ cæteris, pro amuletis gestari, tradit Plinius: & Grammatiam ex hoc appellari, notat, quòd in colore viridi transversa linea alba media præcingatur: qua motus auctoritate, non ab re dici posse crediderim, lapides illos virentes, maculis quibusdam albis signatos, qui tunc temporis ad dolores colicos, & renales compescendos, ex Indis sub nomine lapidis Nephritici transportantur, inter hanc Iaspidis primam speciem absque iniuria collocari posse, De qua pariter (vt tibi eiusdem vires innotescant) Galenus hæc habet. *Proprietatem nonnulli lapidibus quibusdam testimonio suo adscribunt, qualem reuera habet Iaspis virens, nempe Stomachum adhæsu, ventrisque os adiuvans. At nonnulli quoque ipsos anulis inserunt, scalpuntque in eo Draconem radios habentem, veluti Rex Nechepsos memoria prodidit in quarto, & decimo libro: sanè huius ego quoque lapidis feci periculum.*

*Lib. 5. c. 117
Lib. 37. c. 9*

*Orig. lib. 16.
cap. 7.*

Loc. cit.

*Lib. 9. de sim.
pl. med. fac.*

K k Tor-

Torquem enim ex huiusmodi lapillis confectum, à collo suspendi, ita ut lapides os ventris coniungerent. Apparebant autem nihil secius prodesse, etiam si sculpturam non haberent, quam scripsit Nechepsos: Regem hunc Chaldaum, aut Magum extitisse crediderim: tale enim genus hominum certis diebus, & pro astrorum certa constitutione oblectatum fuisse, ut in gemmis varia figurae inciderentur, ex historicis apparet; putans per huiusmodi figuras à lapidibus illis, in quibus fuerint sculptae, admirabilia quaedam opera effici posse: quod sanè cum à cultu Dei, & Ecclesiae Sanctissimis Constitutionibus (ut quid superstitiosum, & profanum) sit prorsus alienum; ita & à quouis, Deo Vno, & Trino addicto, respuendum omnino est: credere enim absolutè iuvat (garriant alij quicquid velint) Deum ipsum, si qui sunt in hisce lapidibus sculptis effectus, horum non esse causam; sed hoc potius à Diabolo sagacissimo animarum prädone, dependere; qui per imagines istas, tamquam per signa ei adprimè cognita, & fraude instituta, effectus illos admirabiles operatur. Sed de his hætenus. Iaspidis huius facultates, præter Galeno notatas, carminibus hisce expressit Marbodeus.

Daffil. c. 38.

*Optimus in viridi translucentique colore,
Et qui plus soleat virtutis habere probatur,
Castè gestatus febrem fugat, arcet hydropem.
Adpositusque iuvat mulierem parturientem,
Et tutamentum portanti creditur esse.
Et sicut perhibent, phantasmata noxia pellit.*

Secundo loco referuatur Iaspidis illud genus viride, punctis, veluti gutulis viuum sanguinem æmulantibus, totum conspersum, quod ex India Orientali affertur. vnicum certè remedium ad fluentem sanguinem, siue è naribus, siue à quavis alia parte, sistendum; dummodo collo appendatur. de quo etiam Nicolaus Monardes.

Lib. 5. c. 117

Tertium locum habet Iaspis ille, qui à Dioscoride, Crystallo, & pituitæ (vitream dixerim) similis traditur. Quoniam verò vna parte est Iaspis, in altera Onyx gemma conspicitur. hic à Plinio Onychipuncta, & Iasponix vocatur; quia Onyx-

Lib. 37. c. 9

Onychem complexus est, vel specie nubis, vel niuis rutilis punctis stellatus, vel sali Megarico est similis.

Quartò succedit Iaspis, in quò color cœruleus lacte suffusus ita enitet, vt, cum aërei sit coloris, Cœlum matutinum autumnale imitetur. hunc Plinius Boream vocat: & à veteribus quibusdam Græcis (quod etiam superius est obseruatum) *ἀσπίς* dicitur: tunc temporis sub nomine Turchinæ, seu Turcicæ diuenditur, quod Turchesijs, cyaneo quodam lateſcente nitore donatis, non sit abſimilis.

Loc. cit.

Quinto includitur loculo Iaspis totus niger, ac ſi fumo ſit infectus: quem Plinius Capniam, vel Capnitim, appellat: fortè quia Cadmiæ illi ſpeciei tenuiſſimæ, & exuſtæ, ſit in colore ſimilis, quæ Capnitis ab eodem auctore vocatur.

Loc. cit.

Lib. 34. c. 10

Huic ſuccedit Iaspis, Terebentinæ in colore ſimilis, quem Dioſcorides Terebinthiſam nuncupat. Vti & alter, qui Callaidem in viridi pallentem æmulatur; nec non & alius, ſpecie certè pulcherrimus: qui nuperrimè ex diſtrictu Brixienſi effoditur, in Villa, cui nomē Veago della melle. Hieracitem gemmam dixerim, à Plinio deſcriptam. Totus namque alternat, miluiniſ nigricans veluti plumis. Sed quo diffunditur oratio hæc noſtra? ſat ſit hoc vnum dixiſſe, in Muſæo recondi innumeras alias Iaſpidum ſpecies, quæ cum ex multorum clariffimorum ſuccorum mixtione vi caloris ſubterranei exurgant, ob colorum laudabilem diuerſitatem, ſpectantium animos ad illarum contemplationem excitant: quas variæ Regionēs, à Plinio citatæ, mittunt.

Loc. cit.

Lib. 37. c. 9

Germania quoque non parcam ad nos tranſmittit meſſem.

Loc. cit.

Multa de Iaſpidis natura, viribus, & diuerſis ſpeciebus à nobis ſunt tradita: non iniucundum futurum videtur, nonnulla hoc loco de hac gemma explicare, quæ ad myſticam conſiderationem ſpectant. Et quidem Iaſpis de numero eſt duodecim precioſorum Lapidum, qui erant in Rationali Summi Pontificis Iudæorum, vt habetur Exod. 28. & quos Ezechiel ait fuiſſe in corona, & diademate Regis Tyri, & ex quibus conſtabant duodecim fundamenta, ſuper quibus

*Myſticè quid
Iaſpis.*

Cap. 28

Apoc. 28.
Cap. 4.

constructam Ciuitatem Hierusalem Cœlestem vidit in spiritu Beatus Ioannes. Meminit quoque huius Lapidis Isaias illis verbis. Ponam Iaspidem propugnacula tua. Quæ explanans Sanctus Hieronymus, de Iaspide in hunc modum scribit. Propugnacula Ciuitatis Dominicæ Iaspide roborantur: hi sunt, qui possunt omnem altitudinem, eleuantem se contra scientiam Dei, destruere, atque conuincere; & mendacium subijcere veritati. Qui ergo in disputando fortissimus est, vt Sanctarum Scripturarum testimonijs roboratus, iste propugnaculum Ecclesiæ est. Iaspidum porro multa sunt genera. Alius enim est, Smaragdi habens similitudinem, qui reperitur in fontibus Theumodontis fluminis, & vocatur Grammatias, quo omnia phantasmata fugari autumant. Alius viridior mari, & intus quasi floridus: hunc in Phrygiæ monte Ida, & in profundissimis specubus eius nasci, referunt. Alium verò iuxta Iberos, & Hyrcanos, & mare Caspium, & præcipuè iuxta Lacum Neusim reperiri. Est & alius Iaspis niuis, & spumæ marinorum fluctuum similis, & clementer quasi mixto rubori subrutilans. Hæc diximus, vt vniuersas gratias spirituales, in Ecclesiæ propugnaculis cognoscamus; quas qui habuerit, & varios timores fugat, & potest cum sponsa dicere. *Patuelis meus candidus, & rubicundus.* Hactenus Beatus Hieronymus.



Cant. 3

Cæterum cum repetita iuuent; idque eò magis cum oblectamenti, & eruditionis aliquid animis hominum impartiri potest, & si de Margaritis, dum maritima perscrutaremur non iniucunda fuerit facta mentio; nihilominus non videtur in præteritis relinquendum, quod valdè sapienter, & ingeniosè de iisdem scribit Hector Pintus super Ezechielem: ait enim, *Margarita, lapilli illi candidi, & splendentes; qui nascuntur in mari intra Conchas marinas, sunt in hoc admirabiles, quod cum in mari nascentur, & procreentur, nullam tamen habent cum eo similitudinem; mare est cœruleum, Margarita verò candida: mare triste, & horribile, illa læta, & aspectu adeò pulchra, vt oculos moueant, & ad se alliciant: mare amarum, illa amabile.*

Cap. 10.

Myſtice quid
Margarita.

biles, absque ulla amaritudine: quin potius claritate, & splendore Cælum quodammodo representant: cuius rei causa est, quia ex cælo influentias accipiunt. Huiusmodi sunt Viri Charitate insignes, & Christiana religione præstantes, qui in mundo nati, & educati nullam cum eo habent similitudinem; animo sunt ab eo abstracti, cogitatione diuisi, verbis differentes, operibus discrepantes, quin potius cælum suo modo referunt, unde illis influit gratia. Cui & nos expletam nostram hanc de gemmis tractationem grati referimus: quam mysticis interpretationibus locupletari placuit, rati, rem non ingratam, nec inutilem fore, si ijs, qui Sacrae doctrinae studio delectantur, pretiosarum rerum tractationem, symbolis elegantissimis refertam, exhiberemus.



QUEMADMODUM non vnicum est genus, nec vnica lapidum ratio, ita nec par est omnium præstantia, & virtus, vt æque omnes in pretio habendi sint; Ex his porro Magnæ palmam præripere cæteris omninò videtur, non tantum ob singularem virtutem, qua ferrum ad se rapere, certum est; verum etiam propter exploratissimum suffragium, quo nauigantibus esse solet: quibus sanè acu ferrea, quæ illius vim contraxerit, in gnomone nauigatorio super cuspidem quandam ingenio versatili instar perpendiculi insidente, meridianam lineam ad quatuor cæli partes constituendas, Austrum scilicet, Septentrionem, Ortum, & Occasum, commonstrare omnes recensent. Adeò vt, quemadmodum illo posthabito, quæuis nauigatio quamplurimis errorum anfractibus exposita videtur; ita huius vsu nautæ suum instituunt nauigationis cursum, & securè velificant. Hoc longa maris spacia, tractusque immensos, locorum situm, & distantiam dimetiuntur; quantum itineris sit peractum, & quantum peragendum remaneat, vt ad optatum, quò properant, locum, per-

Cap. 54

Lib. 6. c. 22

Tom. I.

perueniant, exactissimè explorant, & dinumerant. Sed antequam ad vltiora progrediatur sermo, duo, non sine commemoratione relinquenda, recolere placet. Vnum, quidem in Taprobana Insula à Colaico Indiæ Promontorio in Austrum quatruidi navigatione recedente, Septentriones nō conspici, Magnetis vsum ibi esse, incognitum, nihilominus vt tradit Solinus, nauigaturi, aues quasdam cicures alunt, & in nauigijs secum vehunt, quorum volatus, perindè, ac dirigendi itineris magistros habent. Hoc idem à Plinio nostro hisce verbis asseritur. *In Taprobano mari nauibus vtrinque prora. Syderum in nauigando nulla obseruatio, Septentrion non cernitur, sed volucres secum vehunt, emittentes sapius, metumque earum terras petentium comitantur: nobis diligentior notitia Claudij principatu contingit, legatis etiam ex Insula aduectis.* Hæc Plinius. Referam & si parergon, quod à Diodoro Siculo est scriptum, & Remusius recolit. In hac Insulâ Aues quasdam ita edoctas, pueros in aëra elenare, & incolumes in terram restituere parentibus, esseque admodum cicures, & domi studiosè etiam edoceri. Alterum, quod admiratione dignum videtur, est: nedum itinera maritima, sed & terrestria hoc nobilissimo lapide dirigi. vt legere est apud Episcopum Vulturariensem colloquio decimo, quo loci, omnia maria nauigari possint, inquirens, multa refert, quæ maria in nauigabilia faciunt; vt Scopuli, Voragines, Herbæ, Plantæ, Testudines Marinæ (ob harum scilicet numerosum prouentum, & earumdem magnitudinem, ita vt maris fluxus impediatur) perpetuus maris motus, & caligo: vt mare illud; quod vltra Gotlandiam Insulam est, quod post vnus diei interuallum, est prorsus in nauigabile, ob vim fluctuum, & caliginem; subdit deinceps. *Non aliter ibi esse in nauigabile pelagus, quàm sint impermeabilia Arabia deserta, vbi cum vndique arena sint leuissima, nusquam rectum iter haberi potest, quandoquidem ille commotæ ventis perinde fluctuare videntur, vt mare: itinerantes igitur inter ligneas arcas se condunt, dorsisq; Cameleorum deferuntur: quin ibi quoque, sicut & mari, Magnete itinera diriguntur.* Hæc eruditiss. Maiolus, ex relatione Ludouici Barthemæ lib. I. c. 13. Cum

Sed nedum Magnete in hisce Arabiae desertis ab itinerantibus
 suis instituitur cursus. quinimmo & pennis, quæ pro te-
 gumento aibus quibusdam inferuiunt, viatores, & si alijs
 in regionibus, eorum iter dirigunt. quod ex Solino vt quid *Mem. c. 29.*
 admirandum, colligere placuit: cuius verba hæc sunt.

Salus Hercinius (maximam illam Germaniæ Syluam Her-
 ciniam intelligit, de qua Cæsar suis in commentarijs de *Lib. 6.*
 Bello Gallico) *aves gignit, quarum pennæ per obscurum emi-
 cant, & interlucent, quamuis obtenta nox denset tenebras. Va-
 de homines loci illius plerumque nocturnos excursus sic destinant,
 vt illis vtantur ad præsidium itineris dirigendi, præiactisque
 per opaca callium pennis rationem viæ moderantur indicio pluma-
 rum refulgentium.*

CVM igitur hucusque de lapidibus pretiosis sermonem ha-
 buerimus, nunc de illis, qui communi lapidis nomine ap-
 pellantur, verba facere aggrediamur. Merito in Musæi
 CALCEOLARII lapidibus connumerandis, quò tutius hæc
 nostra Sectio optatum habeat finem, agmen nobis ducet
 admirandus hic lapis. qui sanè sub genere quorundam
 lapidum venit recensendus, quorum substantia naturæ me-
 tallicæ est particeps; maximam enim habet cum ferri mi-
 nera conuenientiam, ita vt eius venis appropinquetur; in
 metallis namque ferrarijs plerumque reperitur (& si non
 in omnibus) & ferri impoliti similitudinem, vt plurimum,
 gerit, vt ferrugineus videatur. ad quem allusit Claudianus
 in suis poematibus cap. de Magnete

—— *Lapis est cognomine Magnes*

Decolor: obscurus: vilis: non ille repexam.

Cæsariem regum, nec candida virginis ornat

Colla, nec insigni splendet per singula morsu,

Sed noua si nigri videas miracula saxi.

Tunc superat pulchros cultus, & quicquid eo is

Indus litoribus rubra scrutatur in alga.

Lapidi huic à Græcis, & Latinis multa nomina fuere im-
 posita; nam & Magnes, & Magnetis, & Hæraclius, nec non
 & Sideritis appellatur. Magnes quidem ab inuentore
 Magno,

Lib. 36. c. 16

Lib. 4. c. 18

Lib. 6 de rer.
nat.

Magno, (quod à Nicandro traditum est auctore Plinio)
armentario nimirum illo, qui cum armenta pasceret primus
in monte Ida ad Troadem spectante, fertur hunc inuenisse,
se, clavis crepidarum, & bacculi cuspide lapidi hærentibus;
Vel à Magnesia Prouincia, ex Plinio inter Tessaliam,
& Macedoniam intermedia, vnde effoditur, in qua primus
inuentus dicitur: quam sententiam sequitur Lucretius hisce
carminibus,

*Quod superest agere incipiam, quo fœdere fiat,
Natura lapis hic, vt ferrum ducere possit:*

*Quem Magneta vocant, patrio de nomine Graij
Magnetum quia sit patrijs in sinibus ortus.*

Quod si etiam non ratione molis, sed respectu qualitatis in
lapide existentis: dixerimus Magnetem nomen Magni me-
reri, haud incongruum erit: sicut namque Heroes, & Viri
præstantes ob virtutis meritum Magni dicuntur, vt præ cæ-
teris sola Alexandri Macedonum Regis commemoratione
contenti simus, qui ob res domi, forisque præclare gestas,
Magni nomen est promeritus, imò & maximi nomine inau-
gurantur Virgilius lib. 6. Æneid.

---- *Tum maximus Heros*

Maternas agnoscit aues lætusque precatur, &c.

Sic Magnes ob vim insignem trahendi ferrum, qua admi-
rabilem omnibus sese patefacit, cum cæteros quosque lapi-
des dignitate præcellat, meritò Magni nomine decorandus
videtur. Non est autem credendum, trahendi illam vim
Magneti inesse, quia vita, & anima constet, & nutriatur,
vt plerique nec spernendæ auctoritatis Viri autumant, non
leuibus argumentis demonstrare conantes, Magnetem vi-
uere, ferrum illius esse pabulum, ob id etiam optimè feri-
scobe feruari (quam sententiam videntur mutuati, ex De-
mocrito: hic enim existimabat, tum omnia mixta ex anima
componi, tum speciatim lapides, & metalla. Hoc enim a
veris Philosophiæ dogmatibus omninò recedit; non enim
vt animata corpora, quæ nutrienda veniunt, mixta hæc ali-
mentum intro suscipiunt, susceptum alterant, & immutant,
& al-

& alteratum distribuunt, vt ad partes nutriendas succedat: & si crescant, non ob id illa nutritione nutriuntur, quam fortè sibi commentati sunt, & quæ perfecta est, sed per additamenta tantum crescunt, quatenus additione nouæ materiæ consimilis, pars parti apponitur, vndè videmus secundum additionis gradum ad maximam, vel paruam, aut mediocrem magnitudinem lapides ipsos concrefcere: nec non in quibusdam lapidibus, leuibus præsertim, aut pumicosis, non modò per additamenta similia incrementum supeditari obseruatur; sed quoquomodo etiam hi partum edere videntur, siue ab additamento assumpto, seu ab humore, qui sæpe sæpius, vel paruus ab eis naturaliter fluit: is enim vbi primum constringitur, iam lapillus est, vt videatur foetus, ac partus alterius esse: quod autem lapides ipsi, nec viuant, nec nutriantur Peripateticorum Coryphæus Aristoteles pluribus in locis, sed præsertim in magnis moralibus hisce verbis nobis patefecit. De animæ enim altrice portione agens. *Rursus (inquit) quod mox dicendum, non admodum* Lib. 1. cap. 5.
quæ diximus participare, & ne quidem ab ipsis longè abesse vide-
bimur, quippè quòd animæ quadam portio esse putetur, qua ali-
mur, quam altricem appellamus, iure profectò ita, siquidem lapi-
des ali non posse intuemur, & perindè non dubium, quin sit ali
animatorum. Ex quibus verbis elicitur, nutritionem non nisi animatis competere, & solam animam illius esse causam; calor enim in animalibus existens, animal virtute nutrit, & ex alimento substantiam gignit, vt carnem & ossa: nec lapides nutriri, quia inanimati, vt nò immeritò Rabbi Aben, Cap. 1.
Tibon, & Roachachem, hosce vocant silentia, & sine anima. Redeat modò vndè fluxit oratio.
Præter nomina illa prænarrata, siue ab inuentore, seu à Patria Magneti attributa. Heraclium video etiam à nonnullis appellari, ab Heraclia Lydiæ ciuitate, vt asserunt, sed nomen hoc non ad Magnetem, quinimmò ad lydium illum lapidem, quo aurum, & argentum exploratur, ex Theophrasto, & Plinio, auctor ille reducere videtur, qui adagia in Chiliadum centurias diuisit. Theophrastus namque refert, Chiliadis præma cent. 5. Lib. de nat. lapid.
L 1 lapi-

Lib. 37. c. 8

lib. 5. de nat.
foss.

Lib. 37. c. 18

lapidem quemdam esse, qui Lydius, seu Heraclius dicitur, qui attritus aurum, atque argentum cuiusmodi sit, arguit. hunc quidam Magnetem putant, velut Herculaneum, qui ferrum ad sese trahit, vnde nomen etiam additum *σίδηρος*. Ex quibus Theophrasti verbis sicut habetur Heraclium lapidem ab Herculano diuersum esse, ita Heraclium non ab Hercule, sed ab Heraclea Ciuitate vocatum iri, elicitur. Plinius similiter hoc manifestè demonstrat. *Auri* (dicit) *argentiq̃ue mentionem imitatur lapis, quem coticulam appellant. quondam non solitus inueniri, nisi in Flumine Tmolo, ut auctor est Theophrastus, nunc verò passim, quem alij Heraclium, alij Lydium vocant.* Vnde consultius dictum crediderim, si vice Heraclij, Hercules nominabitur, vt Agricola, & quamplurimi alij præstantes Viri faciunt. Nomenclatura desumpta ab Hercule, qui ob fortitudinem, & gloriam creditus fuit inter Deos relatus. Quemadmodum enim hic, vt fabulantur Poëtæ, tetras, & immanes orbis belluas viribus subegit, & oppressit, sic Magnes ferrum rerum materiam victricem ad se trahens vincit, & veluti sub dominio, seruituteq̃ue tenet. Vnde, & Sideritis vocatur à voce græca *Σίδηρος*, quæ ferrum significat, ac si dicas, lapis ferreus, aut ferrum lapideum; videtur enim esse quædam mistura ex lapide, & ferro in terræ sinu compacta. Hæc de Magnetis ethymologia. Modò ad eiusdem species sermo dirigatur, quæ sicuti vtriæ in Musæo reperiuntur, ita colore, & efficacia inter se differunt. Alius enim lapis visitur coloris sub-ruffi, intus fracturis nigricans, qui parum ad cæruleum vergit: in substantia densus, & compactus est, nec non in attractione efficacem valdè se ipsum patefacit, non enim lento motu, & vi tarda, sed auidè, & celerrimè ferrum rapit: ex *Iluâ Insulâ Maris Tyrrheni*. Alter candidus conspicitur, lineis nigris inscriptus, cæteris inferior, quod ferrum non trahat; linguæ tamen admotus præ tenacitate ab innata pinguedine emanante, adhæret. ex eadem Insula. Lapidem hunc sub quinta illa Calamitæ candidæ specie, de qua Plinius, reponendum statuimus, cum de terris *Iluâ* nis

nis in secunda operis sectione facta est à nobis mentio ; quem etiam Calamitam albam à quibusdam vocari diximus. quod autem optatas carnes ad se rapiat, vt nonnulli mente capti, fascinationibus dediti, ac illusionibus diabolicis obumbrati, putant, id omninò, vt quid profanum, respui- mus. Nec deest Magnes nigri coloris, vt qui in Troade inuentus à Plinio describitur: fœmineus dici potest, cum nullius sit valoris, æstimandusque minimè sit, quod ne scintillam quidem virium, in attrahendo, vibret. Vt & alter spurius sit censendus, cum ob sterilitatem ei innatam, à propria natura, & efficacia alienus ita appareat, vt neque attrahat, neque abigat ferrum. Præ cæteris verò seruaturs Magnes prægrandis molis, quia optimus, & ad propria opera obeunda peregregiè aptus, spissus est, duricie lapidi Smyridi haud dissimilis, colore ad cœruleum vergit, non multum est grauis. (ex Orientali climate transportatum. scias) qui ex vno latere tam auidè ferri desiderio detinetur, vt non ita primum ad illius faciem offeratur, vt confestim proprijs viribus vsus ad se alliciat, & trahat, vt videatur Sympatia quadam, & naturæ conuenientia motus, amico consortio frui, suoque confouere sinu. Altera verò parte, ac si antipatia quædam sit, & quasi odia exercendo, illud idem abigit, & respuit: Theamedem lapidem vi Magnetis contraria in hac parte residere, non desunt qui attestentur, & inter hos Plinius noster, asserens in eadem Æthiopia, non procul vbi Magnes Æthiopicus reperitur, montem gignere lapidem Theamedem, qui ferrum omne abigit, respuitque: quàm benè, rerum naturalium perscrutatores examinent. Magnum illum Scaligerum de subtilitate ad Cardanum. Ioannem Taisnerium Annonium, Andream Cesalpinum in eius peripateticis quæstionibus, & inter alios Ioannem Baptistam Portam Neapolitanum. libro septimo suæ magiæ naturalis consulant. Hi namque prolixiore calamo, summa eruditione referto, ad trutinam Magnetis naturam, & eiusdem effectus literis mandarunt, & quid de Theamede lapide sit sentiendum, examinant.

*Loc. cit.**Loc. cit.**Ederc. 139*

Quà verò ratione Magnes ferrum sua natura grauissimum, leuissimè, & auidissimè attrahat: hoc loci certè non est, vt multiplices illas, & varias scriptorum opiniones recensemus, qui die, noctuque insudarunt, in enucleanda huius rei causa; id enim præter operis institutum videtur esse, & in referendis tot doctissimorum, & grauissimorum hominum sententijs, longiores plus iusto essemus. Alij enim ad complexionem, ad certam scilicet, & peculiarem quatuor primarum qualitatum contemperationem, & proportionem referunt. Alij ad formam substantialem reducant. Nonnulli cuidam occultæ proprietati, à Deo, vel cœlis lapidi impressæ, & elargitæ, vt causæ, attribuunt. Non secus ac vi, Agaricum Pituitam è corpore extrahit, Rhabarbarum, & Scammoneum flauam bilem purget, Epithymum Sena, Polypodium humorem melancholicum, Succinum festucas, & paleas trahit, & sic de alijs quibusdam lapidibus, in quibus effectus extraordinarij, & singulares conspiciuntur; qui cum causam non habeant apertam, ab occultâ proprietate emergere dicuntur. Hoc idem à Platone in Ione, seu Dialogo de furore: Diuinæ virtuti mouenti videtur tributum, cum dicat, *Video ò Io, & quod mihi id esse videtur, tibi aperire incipiam, vt benè de Homero loquaris, at tibi non præstat, vt modò dicebam, sed Diuina vis est, quæ te mouet, sicuti in lapide, quem Magnetem Euripides nominauit.* Diuus etiam Thomas Aquinas virtute cœlesti vim illam Magneti esse inditam, nulla autem elementalī vi, tradit. Alij eò putarunt Magnetem anima quadam esse præditum, quòd vim mouendi, & alliciendi habeat. Nec desunt, qui existiment, hoc quidem accidere quadam propria qualitate, & natura, quæ ad stellas boreales dirigitur ferrum, vi communicata participata stellarum polarium: vnde alij dicunt hanc virtutem accepisse à Luna, & Venere, quod ambæ lucentes inueniuntur in cauda Vrsæ minoris in gradu xxix. Virginis, vt ex prænarratis pateat in naturæ arcanis perscrutandis, ac eisdem dilucidandis nos non voto viuere vno, & quot homines, tot esse sententias. Nobis etiam philo-

Lib. 12. art.
15.

philosophice loquendo, cum Clemente Alexandrino dicere concedatur. Magnetem vim ferri attrahendi habere, propter cognationem quamdam, quæ sit ei cum ferro. Talis enim & tanta cum eius minera, Magnetis conuenientia, & cognationis, ac vnionis recordatio esse perhibetur, vt cum ferri spiritus in se inclusos hic habeat, quorum non sit proprium corpus, non potest eos ita continere, quin si proprio corpori, & quod suæ naturæ est, admoueantur, illud ipsum pro viribus appetant, & attrahant, ac illud idem pertinaciter amplexando, naturalis concordia, & Sympatiæ symbolum patefaciant: ita vt spiritus ferri in peregrino corpore positi, longè potentiores vires habeant attrahendi, quod sibi consentaneum est, quàm si proprio continerentur corpore: in alieno namque positus proprium desiderat, in suo verò, cum nihil in se ipsum agat, ociosè moratur, in quò ad voluptatem acquiescit; sic ferrum à ferro nō attrahitur, nec Magnes à Magnete; & si à Plinio de Hamatite lapide Æthiopico tradatur, cui summa laus datur, qui Magnetem alium ad se trahit, vtrunque Magnetem esse dicens: quod si verum, non trahit ob lapidem, sed ob ferrum lapidi inclusum; Et nos paulò ante reperiri diximus quasdam Magnetis species, quæ ferrum nullo modo rapiunt, fortè quia in ortu spiritibus illis ferreis sint omninò orbata, & destituta, hebetesque, & somniculosæ in proprio lare permanent: vnde etiam euenit, si vis spiritus illius ferrei in Magnete existens ab aliquo impedimento obtundatur (vt ex Plutharco, Plinio, Agricola, & alijs, si Magnes rubiginis sit infectus, aut oblitus Alij, Caparumvè succo, vel oleo, aut pingui aliqua alia re) non secus ac succinum non allicit amplius paleas, aut leuissima quæque, si prius oleo macerentur, ita videmus Magnetem à proprio officio aberrare, nec amplius ferrum trahere, sed illud repudiare: reuiscit autem vis illa attractrix ex Ruellio, si Magnes sanguine hircino polluitur. Et de Adamante ex mente Plinij, & Solini annotauimus, qui Magneti iuxta positus, non patitur à Magnete ferrum abtrahi, aut si apprehenderit,

retra-

*Acc. off.**Lib. 1. 3. nat.**Stirp. c. 22.**Lib. 37. c. 4.**Memo. c. 37.*

*lib. 3. de nat.
facul. c. 15,*

retrahat propter quandam surdam, & obscuram rerum antipathiam. Conuenientiam autem illam ferri cum Magnete, Galenus quoque innuere visus est, cum duo esse tractionum genera tradiderit, vnum, quod successiue ad id, quod vacuatur contingit, alterum, quod qualitatis conuenientia fit, aliter namque aer in folles, aliter ferrum à Magnete trahit dicit.

Nec verò solum ad polos demonstrandos, nautico vsui, & ad dirigenda itinera suam præstat opem insignis hic lapis, sed ferè ad infinita. maximè cognitus est vsus Magnetis in ferreis obelis, in Sciathericis horologijs, nam eis quiescentibus, stratam lineam ostendit illico à Septentrione ad Austrum; vnde à Gnomone cadentes vmbra diurnas horas demonstrabunt.

Vtuntur & Magnetino indice metallici in venarum extensionibus: nam subterraneis in specubus, in quo situs index, qui Magnetem tetigerit, steterit, ab ea cœli parte metallorum vendis extendi, cognoscunt. Ijs etiam qui ædificiorum Ich-nographias, imò vrbium, & regnorum describunt, mirificum ministrat vsus: dum situs anguli capiuntur, & in papyrum transferuntur.

Præterea utimur in aquis ducendis, in aquæ ductibus, qui sub terra excauantur; in antris perforandis, in excauandis cuniculis, in quæ his immisissis tormentarij pulueris cumulis, & obstructis spiramentis, ad excitandas ab imo arces, rupes, & mœnia, iter ostendente pyxide. Sed & duarum pyxidum nauticarum opera, quæ quidem alphabeto circumscriptæ sint, amico longè absenti, & carceribus occluso poteris incumbencia nunciare, quid plura? pendent ex Magnete principia motus, & alia mirabilia: de quibus videatur Porta.

Loc. cit.

*in meth. hist.
cap. 7.*

Tanta igitur cum sit Magnetis præstantia: neque vnquam errasse putandus erit Io. Bodinus, qui in tota rerum natura, nihil eo esse admirabilius, & vsus eius planè diuinum, dixit. Cuius rei exactam rationem ingenij acumine, & perspicuitate nemini secundus Scaliger, aliam non reddit, quam se ne-

se nescire. Nos enim in luce rerum tenui caligare, in mediocri cæcutire, in maiore cæcos esse, in maxima insanire scribit.

Loc. cit.

Suos quoque præstat in medicina vsus Magnes trium enim obolorum pondere, cum aqua multa potum, humores crassos ducere scribit Dioscorides. Galenus vires Hæmatiti similes facit: cuius colorem cum crematus imitetur, quondam pro eo vendebatur. Et alibi vires habere purgatorias tradit, propter quas hydropicis in potu dari, & omnem humorem per ventrem eminstrare docet. Auicennas, abstergere, & mundificatiuæ facultatis esse scribit, & dari in potu ei, qui biberit rasuram vel limaturam ferri, cum retinetur in ventre ipsius, aut biberit scoriam ferri, quæ retinetur, vt quid bonum commendat. Ipse enim Magnes attrahit ipsam, & associatur ei apud exitum. Nec desunt, qui scribant, Magnetem, præcipuè qui cœruleo colore scateat, reconciliare maritos vxoribus, augere gratiam, & decorem in sermone: & alijs quamplurimis viribus esse dotatum hisce carminibus expressit Marbodeus,

*Lib. 5. c. 97
Lib. 9. de sim-
pl. med. fac.*

*Lib. de sim-
plici medi-
cina
Lib. 2. tract.
2. c. 463.*

*Nam qui scire cupit sua num sit adultera coniux
Suppositum capiti lapidem stertentis adoptet*

Mox quæ casta manet, petit amplexura maritum,

Non tamen euigilans, cadit omnis adultera lecto,

Tanquam pulsa manu subito terrore coacta.

Si fur claustra domus spolijs, gazisque referta

Ingrediens, prunas ardentis per loca ponat,

Et super aspergat Magnetis fragmina prunis,

Vt per tetragonum fumi calor ultra vaporet,

Mentibus euersis velut impediante ruina,

Defugient omnes, in ea quicumque manebunt,

Et fur securus rapiet quacumque libebit.

Sed relictis his, quæ præstigia magis sapere videntur, quam veritati respondeant: maiori speculatione digna rimabimur.

Tanto in honore fuit Magnes apud Sacrorum Scriptorum interpretes, vt eodem, ad res magnas, & sublimes repræsentandas,

Cap. 41.

*Ex Alberto
Magno lib. 2
de lapid. cap.
11. cui tantū
fidei adhibe-
bis, quantum
demonstrabit
experientia.*

In cap. 1. E-
zech.

tandas, vti consueuerint. Legitur enim apud Hecctorem, Pintum. Magnetem rapere ad se ferrum; deinde ferro illi à se raptò, ita vim suam impertire, vt illud attrahat ad se alterum ferrum, & suspensum teneat; atque vt prius ferrum lapidi, sic alterum illi priori cohæret. Vt igitur ferrum Magneti vnitum habet Magnetis effectum, ita CHRISTI corpus à diuinitate assumptum habebat effectus diuinitatis, vnde agrotatione laborantibus medebatur, & mortuos ad vitam reuocabat. Tangens incredulus THOMAS CHRISTI latus, fuit fide repletus, exclamans statim, *Dominus meus, & Deus meus.*

Lib. 21. de
Ciu. Dei. 4.

A nonnullis etiam SS. Patribus ipse Deus Opt. Max. Magneti assimilatur: quippe quod testatur D. Augustinus se Magnetem tantæ virtutis vidisse, quod ex pluribus catenæ annulis primum sua vi traxerit, & ille primus secundum, secundus sequentem, & sic de singulis ad finem vsque catenæ: adeo quod Magnes primum immediate traxerit, cuius virtutis cæteri coniuncti fuerunt. Amoris nostri Magnes, Deus est, ad quem proportionem naturali homo ipse fertur. Primus annulus, quem traxit, videtur CHRISTI humanitas, iuxta illud Psalm. *Beatus quem elegisti, & assumpsisti:* In huius autem humanitatis virtute, quæ immediate à verbo fuit assumpta, cæteri, siue Iudæi, siue Græci in ipso Deo, & inter se fuerunt ad inuicem per charitatem copulati.

64.

Plato in Ione, poëtas Magneti lapidi elegantissimè æquiparat, dum non arte, sed diuino afflatu mente captos præclara poemata canere tradit, inquiens. *Qui lapis non solum ferreos annulos trahit, sed vim etiam annulis ipsis infundit, qua hoc idem efficere possint, ac perinde vt lapis, alios annulos trahere. Unde longa plerumque concatenatio ferri, & annulorum inuicem pendet, & omnibus his ex illo lapide vis attrahitur. Ita ipsa Musa poëtas diuino instinctu concitat, poëta conciti alios furore corripiunt: quare ex his omnibus series ipsa connexitur. Quam sanè Magneti insitam vim nedum Lucretius Poëta incognitam habuit, sed eandem à Platone mutuasse videtur, dum hos versus scriberet.*

Lib. 6 de rer.
nat.

Hunc

Hunc homines lapidem mirantur : quippe catenam
Sæpe ex annellis reddit pendentibus ex se :

Quinque etiam licet interdum , pluresque videre

Ordine demissos leuibus iactarier auris ,

Vnus ubi ex uno dependet subter adhærens :

Ex alioque alius lapidis vim , vinelaque noscit :

Usque adeo permanenter vis perualet eius .

Hæc pauca de multis elegi , quæ dici excogitarivè de Magnetis suspiciendis effectibus poterant . Quod si plus iusto longiori vfi fuerimus oratione , illud lapidis dignitati attribuendum scias : hoc etiam , vt quid commemoratione dignum non subticendo . Sicuti Magneti vis illa peculiari-
ter inest trahendi ferrum , ita ex Plinio , & Solino , Catochites lapis , in Corsicano agro reperiri solitus , impositas manus veluti gummi retinet , ita se seiunctis corporibus adnægens , vt cum ipsis hæreat , à quibus tangitur . Subdens Solinus . Accepimus , Democritum Abderitem ostentatione scrupuli huius frequenter vsum ad probandam occultam naturæ potentiam in certaminibus , quæ contra Magos habuit . Ita & nos hæc pauca subiicimus , vt quæ bona , immensa , & omni-
gena progignat terra , omnium rerum parens , mente reuoluas .

Lib. 37. c. 10
Mem. cap. x.

Quoniam verò Hæmatites , & Schistos cognati lapides in metallis ferrarijs , vt notat Plinius , non raro inueniuntur , sæpius tamen sponte naturæ in proprijs nascuntur ; nec non ferri naturam sapere quoquomodo videntur : ratio expostulat ; ordo ille distributivus rerum , qui in Musæo seruatur , requirit , vt post Magnetem lapidem , quem diximus in ferreis mineris vt plurimum reperiri , & cum ferri natura maximam habere cognationem ; de ijs sermo instituat ; idque eò magis , cum vfu , & experientia sit comprobatum , ex Magnete cremato fieri Hæmatitem : vt hinc pateat , ortus principia horum lapidum inter se non multum differre .

Lib. 37. c. 20

HÆMATITES lapis mediæ naturæ non immeritò est censendus inter terram , lapidem , & metallum ; cum ex ramentis , vel sedimento , quod aqua ex rubrica , vel saxo rubro

M m abra-

*Lib. 4. de
ort. & caus.
subter.*

Lib. 5. c. 97

*Lib. 9. de sim
pl. med. fac.*

Loc. cit.

abrasit, in lapideam substantiam sit compactus. Vnde fo-
lertissimus ille rerum naturalium venator Agricola huius
parentem Rubricam esse, vel consimilis coloris saxum re-
fert. Et Dioscorides in Sinopide Rubrica reperiri scribit.
Denominationem lapidem hunc à sanguine habere patet;
vel quod sanguinei sit coloris, ut sentit Galenus, Theophras-
tum sequutus, qui à coloris similitudine id appellationis
sortitum esse affirmat: aut quia ad cotem attritus succum
reddat sanguini similem, ut est potissimum natura lapidum
illorum, qui facti cum sint ex sedimine, quod aqua abrasit
à faxis, & terris, cum coti atteruntur, succum fundunt; vel
quia ob frigidam, & siccam complexionem, qua pollet, &
virtutem constringendi habeat, ad sanguinis fluxum à qua-
cumque corporis parte fluentis, comprimendum, valde
utilis, ac proficiuus sit. Ethymologia sumpta à voce Græ-
ca *αἷμα* quæ sanguinem significat: & *τιθῆμι*, quod est Sisto.
Hoc sanè temperamentum, & insitam virtutem nobis signi-
ficauit Dioscorides; sed diffusè magis Galenus, asserens la-
pidem Hamatitem habere tantum frigiditatis, quantum
habet adstrictionis: subdens deinceps. Merito itaque audi-
sunt Medici ocularibus facultatibus lapidem miscere Hamatitem,
ac solo eo uti possis palpebris exasperatis: siquidem cum phlegmone
aspera sint redita, ex ovo ipsum diluens: ac si magis etiam per de-
coctum fœni græci: sin verò citra phlegmonem ex aqua. incipito
verò semper à modicè humido, per specillum infundens: ubi au-
tem, quod vires eius ferat conspexeris, magis ac magis crassum
efficies: ac tandem adedò crassum facies, ut specilli cuspide inungas
secundum subiectionem, aut euersionem palpebræ. Hic idem lapis
similiter in cote contritus sanguinis expuitioni competit, omnibusq;
ulceribus. Porro siccus si ad tantum fuerit redactus lauiorem,
ut pollinem tenuitate aquet, reprimit excrescentia. Atque et
nullus solo, atque per se se utitur: ego verò ad ea quæ dixi resus-
sum, facultate eius ex gustus qualitate comperta, cum mox expe-
rientia periclitari vellem, nunquid rectè coniecissem. Et ipsa
quidem oculorum ulcera solus per se cicatrice includit, ut paulo
ante comprehensus est attritus, ceterum aut affusus, aut inunctus:
nam

nam & id experientia comprobatum habeo. Hactenus Galenus. De quo pariter lapide sparsim multa conscripsit, & in libris methodi medendi, libro de oculis, & alijs in locis. Sed præsertim libro quarto de compositione pharmacorum sec. loc. cap. 4. vbi de ocularium medicamentorum viribus tractans, in oculares compositiones iniici etiam lapidem Hæmatitem docet; & humores resciccandi vim habere dicit, velut ex Cadmia: addens. Mitius autem pharmacum lapis ipse, quam Cadmia existit, utpote ex humida substantia, non terrefri, veluti Cadmia, generationem adeptus. hanc enim eius naturam indicat solutio, quæ fit in medica cote, cum per attritionem cum liquore quoppiam in succum resolvitur; quin & cum solus per se citra liquoris alicuius affusionem teritur, non in terrea fragmenta dissolvitur, velut Cadmia, sed in equalium partium, & coherens corpus. Hæc sint ex Galeni mente de Hæmatitis viribus medicinam conficienti perscripta. Ne verò existimari posset, Marbodeum poetam lapidem hunc in postremis habuisse. Illius naturam, & vires carminibus hisce, qualiacumque sint, delineare voluit. ex Galeno singula deprompta videntur.

Cap. 31.

Sumpsit Hæmatites græcum de sanguine nomen
 Natura lapis humana servire creatus,
 Stiptica cui virtus per multa probatur inesse,
 Nam palpebrarum superillitus asperitatem
 Et visus hebetes pulsata caligine sanat,
 Eius ramentis si glarea mixta sit ovis,
 Succo dilutus quem punica mala remittunt
 In medicinali veluti collyria cote,
 Vel resolutus aqua iuvat hos, qui sanguinis ore,
 Guttas emittunt, & qui linit ulcera sanat.
 Potatus stringit patitur, quæ sæmina fluxum,
 Carnes crescentes in vulnere pulveris huius
 Vis premit, & ventrem retinet sine morâ fluentem.
 Vino dilutus veteri, bibitusque frequenter,
 Serpentis morsus, vel quod fit ab aspidæ vulnus
 Egregiè curat resolutus aquis, & inunctus.


M m 2 Mixtus

Mixtus melle potest oculos sanare dolentes.
 Vesica lapidem bibitus dissolvere fertur,
 Hic ferrugineo rufouè colore notatur,
 Aprica mittit eum, sed Æthiopes, Arabesque.

Loc. cit.

Plinius ex Sotaco vetustissimo auctore. Hæmatitarum
 quinque genera tradit: cuius hæc sunt verba.
*Principatum dat ex ijs Æthiopico, oculorum medicamentis vti-
 lissimo, & ijs, quæ Pancresta appellant, item adustis, Alterum
 Andromanta dicit vocari, calore nigro, pondere, ac duricie in-
 guem, & inde nomen traxisse, præcipueque in Aprica repertum.
 Trabere autem in se argentum, æs, ferrum. Experimentum esse
 in cote ex lapide Basanite. Reddere enim succum sanguineum,
 & esse ad iocinoris vitia præcipui remedij. Tertium genus A-
 rabici facie, simili duritie, vix reddentis succum ad cotem aqua-
 riam croco similem. Quarti generis Elatitem vocari quandiu
 crudus sit, coctum verò Miltitem, vtilem ambustis, ad omnia vi-
 liorem rubrica. Quinti generis Schiston hæmorrhoidas reprimentem.*
 Hæc Plinius: Scias autem diuersum hunc esse à lapide illo,
 Schisto denominato, de quo paulò inferius. Iam verò Pli-
 nij dictis adijcere, & hoc liceat, nunc temporis pluribus in
 locis, potissimum verò in Hispaniæ, & Germaniæ fodinis
 Hæmatitem in non pauca copia reperiri, qui & si colore
 differat, niger enim, ex Hispania, vti ex Germania, ad nos
 transportatur. Quo loci etiam ferruginis instar, aut flauus
 & crocei coloris, aut sanguini concreti similis reperitur;
 haud dissimile illis, à Sotaco traditis, dices; nihilominus
 viribus eisdem scaterere, experientia edocet, quæ Hæmatiti
 lapidi friabili, vt cæteris, præferendo colore sanguinis, sed
 saturato, denso, per se duro, & æquali, cui nulla sordes sit
 admista, à Dioscoride attribuuntur; & cuius etiam CALCEO-
 LARIUS Glebam satis prægrandem habet.

HÆMA-



HÆMATITIS non spernendam speciem, quinimmò suspi-
ciendam, sculpta figura refert; non arte sanè paratam, sed
ut res fossilis in proprio domicilio duritie, densitate, ac
pondere grauem, quæ est concreta. Huius superficies fer-
ro expolito similis est, intus ferrugineo scatet colore; à cu-
ius basi, ut ex Icone apparet, veluti à radice globuli satis
èminentes pullulant, qui instar vuarum compacti, & race-
matim cohærentes, totum lapidis corpus, animalium cerebel-
la imitans, construunt.

SCHISTI modò naturam, causam nominis, & eiusdem vires
perscrutemur. Lapidem hunc metallicam naturam parti-
cipare, ex eo, cuius & rerum naturalium primitias degu-
stanti, innotescere potest, quod in eisdem reperitur metal-
licis fodinis, ut *Hæmatites*: ex eadem materia sit congluti-
natus, qua, & hic; in quocumque enim loco *Hæmatites*, &
Schistus inueniri solent; ut nuperrimè dicebamus, ibidem
sunt saxa rubra, & terræ eiusdem coloris, ita ut non secus
ac succus ille pinguis, quem Latini bitumen vocant, natu-
rali quadam cognatione cum sulphure est iunctus. pariter
hi duo lapides affinitatis vinculo sunt adeò arctè copulati,
& con-

Lib. 5. c.
Lib. 9. de sim.
pl. med. fac.
Lib. de simp.
med.

lib. 5. de nat.
foss.

Loc. cit.

Loc. cit.

& consimilis substantiæ, vt alter alterius naturam sapiat, colore non discrepent, & viribus aut nihil, aut certè parum inuicem differant. Schistus attritus, non secus ac Hematites, succum reddit: coloris & hic est ferruginei: ille astrin- git, & exsiccat. Schistus, vt ex Dioscoride, & Galeno ha- betur, persimilem vim obtinet, quem optimum iudicat, qui viscido stringere potest; ita vt cum viribus certet cum Hæ- matite, Lectorem ad ea relegamus, quæ de hoc obseruau- mus. Differunt tamen in quibusdam, figura non videntur similes. Hæmatites enim ferè semper glebæ figura est. Schistus autem magis variat figurâ; nam aut altera parte; aut vtrinque cuneatur, aut striarum instar concrescit, vel alias suscipit formas. Hæmatites à sanguine appellatio- nem habere diximus. Schistus verò (vt Agricolaë verbis utamur) nominatur, non quod aut fissus sit, aut omnis fa- cile findi possit, vt non potest; sed quod videatur quodam modo esse fissus: mutua enim suarum partium compositio- ne, quæ ligni instar rectæ creuerunt, similis est Ammoniao fali.

SCHISTVS non modo nascitur, vt scribit Dioscorides, in Iberia Hispaniæ, verum & in multis Germaniæ fodinis, & prædiuitibus. quibus in locis, vt inquit Agricola, Non rarè inuenitur, qui extrinsecus laevis est, & ferri politus in- star splendet; cuiusmodi est Misenus omnium maximè durus, qui fractus, etiam intrinsecus, sed minus solet nitere. Idem Schistus interdum extra non splendet, intus istar Minij factitij, quod etiam Cinabarim vocant pictores, micat; qualis in Sylua Hercinia nasci- tur, atque is etiam in puluerem tritus nitet, non aliter ac si ri- gento vino esset oblitus. Hic lapis qui magis instar ferri splen- det, è durior esse solet, vt qui in Misena, & Hercinia Sylua re- pertus, atque in Miseno nodi quidam nascuntur magnitudinis nucis Inglandis, adeò duri, vt in incudes impositi, respuant ictis, qui- bus cum politi fuerint, aurifices argentum cui induerunt tenuissi- mas auri bracteas, poliunt, & perpoliunt illas coloratas bracteas, quæ subduntur gemmis, vt per eas transluceant. Hæc ex Agri- cola. Nodis hisce haud absimilem fateberis lapidem illum durissi-

durissimum, cui color instar ferri perpoliti nigrior est: qui sub nomine lapidis Hæmatitis diuulgatus, in cotículas formatus, ex Iluâ Insulâ, vt in metalli ferri natus, nec non ex Compostella citerioris Hispaniæ regione nostris hisce temporibus transportatur, quò pariter artifices ad illamet munerâ obeunda vtuntur, quibus nodi illi Miseni ex Agricola inseruiunt: constant Coticulæ hæ figura angulosa, vt Pyrites, splendidi colore ferri nigricantis, cohærent racematim, nunc magnitudine nucis, nunc exiliores, nunc veluti squamæ piscium compositæ. Plinius, vt nil videatur prætermisisse, quod ad res naturales spectet, ex mente Sotaci, Schiston nasci in Aphrica nigrum refert, & ab extincti carbonis colore vocari Anthracitem, attritum aquarijs cotibus reddere ab ea parte, quæ fuerit ab radice, nigrum colorem, ab altera croci, & ipsum vtilem esse oculorum medicamentis. Sed de hoc lapide satis.

Lib. 36. c. 20

Nunc orationis nostræ cursus ad lapides illos dirigatur, qui ex saxis albis fiunt. Et primum de Morochtho aliquid dicamus. Lapis est, vt scribit Agricola, qui ex saxis albis, & quidem calcarijs, similibusque fit, vt subinde & si in eo color pauxillum subuiridis scateat, præcipuè verò albicat, & instar gemmæ nitet magis, quàm Galactites, & Melictites lapides ex eadem stirpe orti. huius substantia mollis est, quæ facile liquefcit, tactu adeò lubricus cernitur, vt perunctus instar saponis videatur. Varia ab effectibus, quos prodit, est sortitus nomina, quod enim lineæ albæ, vt ex Creta, ex eo ducantur, Leucographida à quibusdam nominatur: in quem vsum à Mathematicis, Pictoribus, & Sutoribus hodie assumitur: vnde & Graphida à nonnullis dicitur, quia vsum calami scriptorij præstet. γραφίς enim scribere significat. alij Leucogæam, idest terram candidam nuncupant, à voce Græca λευκόν qua album exprimitur, & γᾱ ter-
ra. Nec desunt, qui Galaxiam ab effectu nominant, quod ex sese succum emittat lacti in candore similem: γάλα enim lac est; seu quod colore candido circulum illum cœlestem, cæteris circulis cœli pulchriorem, & candidiorem imitetur, qui

Lib. 5. de nat foss.

Lib. 37. c. 10

Lib. 27. c. 11

Lib. 5. c. 109

Lib. 9. de sim
pl. med. fac.Lib. 5. c. 107
Lib. de simpl
medic.

qui incedens per medium cœli, incipiens ab Oriente vsque ad Septentrionem, per Cancrum, & Capricornum procedens iterum ad punctum suum, Galaxia, siue lacteus circulus dicitur, à notabiliore claritate, qua omnes circulos cœlestes præcellit. Plinius Merochem vocat inter gemmas, quæ porracea lacte sudat. Miror autem, quomodo grauisimus hic auctor Leucographin inter herbas, de quibus toto illo capite, collocarit, inquit. *Leucographis qualis esset, scriptum non reperiri: quod eò magis miror, quoniam utilis proditur sanguinem excreantibus tribus obolis cum croco. Item cœliacis, trita ex aqua, & apposita profluvio scæminarum, oculorum quoque medicamentis, & explendis ulceribus, quæ sunt in teneris partibus corporis.* Quæ singulæ facultates morochtho à Dioscoride attribuuntur. Si verò diligentius Pliniana verba perpendantur, & si aliorum erroneæ opiniones auctoris excusationem non videantur admittere. non ex ore proprio, hæc fuisse dici potest, & si fuderit, pro herba, lapidem accipere voluisse. Galenus de Hamarite, & Melitite agens, qui lapides in succum ad cotem attriti solvantur. De Morochtho hæc habet. *Sunt & alij lapides in succum solubiles, ut qui in Ægypto nascitur, quo utuntur ad splendorem linteis conciliandum. est autem omnium dictorum minimè qualitatis particeps, nec adstrictionem, nec morsum, nec abstersionem præferens. Quoniam hoc ipsum duntaxat lapidi huic inest, quod desiccat videlicet. Proinde cerato eum miscentes, ad cicatricem ulceribus inducendam in mollibus corporibus vsurpant. Sed & ocularibus miscetur facultatibus, perinde ut modò dicti: at quanto est maiore emolliendi vi, quàm predicti, quod nullam, videlicet effectricem qualitatem habeat, tanto etiam moderatior est, magisque dolorem leuat. hunc lapidem quidam Moroxum, nonnulli Leucographida nuncupant.* Hactenus Galenus.

Ex eadem prosapia sunt Galactites, & Melitites lapides, & si colore, & sapore differant, Morochthus namque subviridi in candido latens constat colore: Galactites verò ex Dioscoride, & Galeno, ut reipsa etiam dignoscitur, cinerei est coloris, & sæpe nigri. Sapor huic inest dulcis, qui non ita

ita affatim in Morochtho persentitur. Quæ pariter dulcedo gustanti se se offert in Melitite lapide, qui à Melle nomen habet; vel quia mellis similitudinem in colore flauo præferat, aut quod coti attritus succum fundat dulcem, melli æquandum, ex Galeno tamen, Galactite dulciorem. Sicuti & hic si teratur succum album ad lactis saporem, quia reddit, Galactitis nomen est adeptus; ac si dicas ex Auicenna Lapis Lacteus, à voce Græca *Λαγὰ*, quæ Lac est, ut in Morochtho dicebamus: vel quod tritus, & cum vino dulci, aut aqua mulsa nutricibus exhibitus, aut iisdem illigatus, vbera lacte fecunda reddere dicatur, ut notat Plinius, & Solinus: & si crediderim Galactitem Plinianum, quem dicit ex vno colore lactis esse, quem aliqui Leucam, & Leucographiam, & Synnephitem appellant. videri proprius accedere ad Morochthum, Leucographum, & Galaxiam Galeni, & Dioscoridis. Galactitem ad oculorum fluxiones, & vlcera conuenienter illiniri scribit, hinc auctor, oportet autem in aqua tritum pyxide plumbea recondere, propter vim glutinis, quod ei obhæret. Ex quibus verbis colligi potest, cum plumbo affinitatem habere: nam, & Ceresa candida est, & dulcis. nec desunt qui Lethæum nominant, quod præterita mala in obliuionem ducat: etymologia, si quis eius latices gustauerit omnium præteritarum rerum obliuisci: vnde Lucretianum hoc

Loc. cit.

Can. 2. cap. 407.

Lib. 37. 6. 10
Mem. 6. 13.

Locis citatis

*Quam iuxta Lethes tacitus perlabitur annis
Supernis (ut fama est) trahens obliuia venis.*
Cæterum & Galactitis colorem, ac eiusdem facultates hisce carminibus perstrinxit Marbodeus.

Cap. 30.

Hunc lapidem cineri similem Galactita dicunt.

Quem mulsa tritum lac multiplicare bibenti,

Si tamen ante cibos fuerit post balnea sumptus,

Hunc ouis ex grauidæ lana traducere filo

Pertuso, lapidem decet, & circumdare collo

Sic se portantis fecundat vbera lacte,

Dat facilem parum simili ratione ligatus

N m Ad

*Ad fœmur illius quæ parturiendo laborat.
 At si mundato circumspargatur ouili,
 Cum sale mixtus aqua solis redeuntis in ortum,
 Lacte replentur oues, scabiesque fugatur ab illis.
 Præterea tantis veteres hunc laudibus ornant,
 Vt bona cuncti putent solum præstare gerenti,
 Quæ simul à reliquis cuncta virtute darentur,
 Sed turbat mentem, si clausus in ore liquecat.
 Hunc mittit Nilus, producit, & hunc Achelous.
 Lactis dat succum tritus, lactisque saporem.*

*Solinus me-
 m. cap. 13.*

Loci citatis

Zoe. cit.

Lib. 36. c. 24

Et vt aliquid etiam de Melitis effectibus habeas, eosdem huic inesse, quibus & Galactites pollet, tradit Dioscorides: de quo etiam hæc Plinius refert. *Melites lapis succum remittit dulcem, mellitumque tusus. & cera mixtus eruptionibus pituita, maculisque corporis medetur. & vulvarum doloribus impositus velleri.* Vtrique hi lapides, quia caloris aliquid habent in ortu contracti, aliquam vim abstergerendi possident, sed in Melite maior conspicitur abstergerendi facultas, quod plus habeat ex Galeni mente caliditatis, quia dulciorem ex se mittat succum. Cum Galactitem idem auctor in caliditate, & frigiditate temperatum ob dulcedinem ponat. An verò Globuli illi instar stillarum in duritiem lapideam compacti, quos ager noster Veronensis quibusdam in locis producit, & si ob flauum colorem, quo sunt notati, mellei videantur esse coloris: cum tamen attriti ne scintillam quidem succi, nedum saporis dulcis, ex se fundant, vt experientia comprobauimus. Nec ad tactum lubrici, sed potius asperiusculi sint, Melitis lapidis nomen merito mereri possint, dijudicent qui rerum naturalium omnimodam cognitionem habere profitentur.

Cum ex saxo calcario; vti parente Gypsum ortum habeat: (multis enim in locis vbi fossile reperitur, ibidem per saxa calcaria eiusdem venas vagari, cuius ad libitum videre est) & hoc etiam à probatissimis auctoribus habetur: inter quos Plinius cognatam Calci rem esse Gypsum scribit. necnon incolæ illorum locorum, in quibus huius maximus est proventus,

uentus, vltimum molunt, & aquis madefacto calcis vice vtuntur: incongruum haud erit, post lapidum illorum tractationem, qui ab eodem saxo fiunt, nonnulla de illo annotare, quæ potius rem medicam, quam historiam respiciunt.

Plinius plura huius genera facit. Scribit enim & è lapide coqui, vt in Syria, ac Thurijs, & è terra erui, vt in Cipro, ac Perrhæbis, è summa tellure, & Tymphaicum est, quo, (vt notat idem auctor) pro Cimolia terra infectores vestium vtebuntur. Et qui coquitur lapis non dissimilis alabastrite esse debet, aut marmoroso. In Syria durissimos ad id eligunt, coquuntque fimo bubulo, vt celerius vrantur: omnium autem optimum fieri compertum est è lapide speculari, Squamamvè talem habente. hæc ex Plinio nostro. modò huius facultates perscrutemur.

Loc. cit.

Lib. 35. c. 17

Dioscorides vim habere adstringendi, & obstruendi, sanguinisque exuptiones, sudoresque prohibere notat; quia multum lentore præstet, emplasticumque sit. Sed potum strangulionis modo iugulare scribit, quia scilicet sua tenacitate alligat viscera, & obstruit venas, citissimeque postquam madefactum est, coit in lapidem. Vnde legitur apud Plinium. C. Proculeium Augusti Cæsaris familiaritate subnixum in maximo stomachi dolore, Gypso poto, consciuisse sibi mortem.

Lib. 5. c. 9

Loc. cit.

Galenus naturæ secretorum indagator diligentissimus huius vires fecundiores calamo, vt sui est moris, delineauit, inquiring. Gypsum & ipsum ad communem omnium terrenorum, lapidosorumque corporum facultatem, qua desiccare dicta sunt, insuper hoc adiunctum habet, quod est facultatis emplasticæ. Vritur enim ipsa ad se se, & cogitur, lapidescitque macerata, quamobrem siccis medicamentis, quæ ad sanguinis accommodandam eruptionem, vtiliter commiscetur: nam ipsa per se lapidosa fit coacta, ac congelata. Proinde rigare, diluereque illam excogitauimus, quod ad ophtalmias vtile est, admisto, quod in farina triticea est pollinis tenuissimi, qui in parietibus molarum residet. Excipere verò quod sit maceratum est, tenellis

Lib. 9. de sim.

pl. med. fac.

cap. propriis.

leporis pilis, aut qui perinde sunt molle expedit: & amplius. Gypsum combustum, (quod ^{κεναιμύρον} vocat) non aequè em-
 plasticam vim habet, ceterum tenuiorum est partium, & valen-
 tius desiccet (quod in vstione maiorem vim desiccandi sit
 adeptum) quin & percussorium est, maximè si maceretur Oxy-
 crato. Et libro eidem attributo de simplicibus medicami-
 nibus ad Paternianum: hæc referuntur verba. Gypsum
 lapidis genus est simile vitro. Cuius optimum est, quod venas
 habet latices, lucentesque, & hac ratione paratur: In clibano mis-
 sum, ut calx candidum fit. Vires habet, quas, & terra Sa-
 mia, & amplius stypticas, & refrigerantes fortiter, unde illi-
 tum fronti, sanguinis fluxum restringit, potatum verò, & dy-
 sentericis, & celiacis omne profluvium sistit. Nec non libro
 quinto methodi medendi tractans de remedijs illis, quibus
 venarum, & arteriarum vlcera agglutinari, & fluxus san-
 guinis deriuari, & reuelli queat, emplastica, ut summe pro-
 ficua, ex Gypso proponit.

Lib. 2. tract.
 2. cap. 284.

Cap. 6.

Auicenna similiter Gypsum lapidem laminosum, album, tran-
 sparentem esse dicit, & Dioscoridis, ac Galeni dictis inhe-
 rendo, natura frigidum, & siccum esse, operationes, pro-
 prietatesq; habere glutinandi, in ipso vigere stypticitatem
 cum viscositate asserit. Ac ob id ad ea conferre, quæ iam
 præscripta sunt: esse autem ex venenorum præfocantium
 genere. Vnde ex aureo sanè illo libello, quem Petrus A-
 ponensis de venenis, & horum remedijs instituit, colligitur.
 Cui datum fuerit in potu Gypsum, habebit difficultatem
 anhelitus, & frigiditatem in stomacho, & stypticitatem
 ventris, & labia alba, ut mortificata. Et eius cura erit, ut
 bibat aquam calidam cum butyro, & euomat. Deinde bi-
 bat iterum aquam calidam cum melle, & euomat: & postea
 detur sibi in potu mithridatum ad pondus dragmarum
 duarum cum optimo vino. Et si stypticus remansit, cly-
 sterizetur cum adipe anatis, & ungatur venter cum oleo de
 Cerua. Et eius Bezoar est sterus muris tritum, & bibitum
 & detur ex eo cum vino dragma vna. Hæc ex præclaris-
 simo illo Medico, & Philosopho: quæ singula recolere pla-
 cuit,

euit, vt præbita occasione remedia in promptu habeas, ad
venenum hoc è corpore humano delendum accommodata.
Galenus Gypsum deuorantibus lixiuium ex sarmentorum ci-
nere confectum, Thymumvè ex aqua contritum dandum,
inbet.

*Lib. 2. de an-
tidotis cap. 7*

Lapidem illum, qui sub nomine specularis ab auctoribus di-
uulgatur, vt affinitate, & conuenientia Gypso iunctum,
huic connectere haud grauabimur: interdum enim, vt no-
tat Agricola, ex saxo calcario gignitur, sed cum pauca
aqua permisto. Et vt hominis industria ex lapide specula-
ri vsto facit Gypsum, ita natura interdum contra ex Gyp-
so specularem lapidem. Qui sanè nomen hoc est adeptus,
quod vitri more (ex Isidoro) transluceat, & speculi instar
ad reddendam verorum corporum inanem imitationem sit
capax, est namque corpus extensum, vt eadem, qua specu-
la, ratione supini, simulacra rerum, quæ illi repræsentan-
tur, simillima effingere valeat. Hæc tamen proprietas can-
dido, à quauis labe immuni, attribuenda potissimum vide-
tur. Cuius solius est translucere; quod in eius ortu, præ cæ-
teris alijs huius speciei, multò maior humoris aquei copia,
quæ perspicuitatis est causa, quam materiæ sit mista. Vt
ob id non desint, qui autument, lapidem hunc humorem
esse terræ, Crytalli modò condensari, & in lapidem con-
crescere, glacieique nomine insigniant. Quod verò de
candido præcipue dictum est, id vnum respicit, vt ex Pli-
nio habeas. Lapidem specularem reperiri, qui aut minus
translucent, aut obscuri sunt, vel qui ex dimidia parte can-
didi, ex dimidia nigri visuntur, aut quopiam alio succo
sunt infecti. Hi tamen omnes & si splendeant, non tran-
sfluent, nec effigiem rerum ad viuum exprimere sunt apti,
vt candidus. Cuius naturam egregiè admodum expressit
D. Basiliius, inquiens. *Specularij lapidis natura in metallis*
concrefcens: Est autem lapis pellucidus peculiarem, eamque purif-
simam transparentiam adeptus, qui si iuxta suam naturam since-
rus, & absolutus fuerit repertus, neque putredine aliqua exesus,
neque segmenta, ac stirias in altum productas habet, ferè aëre
lucidi-

*Lib. 5. de
nat. foss.*

Lib. 16. c. 4

Lib. 36. c. 22

*Hexem. Ho-
mil. 3.*

Ldc. cit.

Lib. 21. c. 14

Satyra 4.

luciditate similis existit. Quoniam verò natura mollis hic est, ad differentiam duri, qui in crustas facile findi non potest, in admodum tenues finditur laminas. Ut non immerito Plinius tractans de lapidibus fecilibus, qui ferra secantur ad tegulorum, & imbrium vicem, sub hac classe, & specularem reposuerit, cum dicat. *Specularis verò (quoniam hic lapis nomen obtinet) faciliore multo natura finditur in quamlibet tenues crustas.* Quo loci etiam Hispaniam citriorem, Cyprum, Cappadociam, Siciliam, Aphricam, & Bononiensem Agrum lapidem hunc dare scribit. Et Laminæ illæ ob transparentiam, quibusdam in regionibus, ut in Saxonia, & quamplurimis alijs in locis, in quibus harum maximus est prouentus, instar vitreorum orbium, vel tessellarum plumbo iniunctarum, fenestris inferuntur, tum pro aëre excludendo, tum pro lumine transmittendo: & si enim imbrium sint aliquantulum impatientes, ferunt nihilominus Solis ardores, & Hyemis frigora, nec senescunt, si modo iniuria absit. Quem sanè morem antequam Vitri usus innotesceret, antiquitus etiam fuisse obseruatum, locus ille Galeni libro nono cap. tertio de Anatomica administratione nos edocet: de conario enim corpore dextrum ventriculum à sinistro determinante agens. Hæc habet. *Est autem adeo tenue, ut in clara luce administras, quemadmodum certè etiam conuenit, splendor ipsius pelluceat, similiter lapidibus hisce specularibus, quos in tenuia secantes, fenestras componunt.* Et Plinius de aluearijs ad propria loca disponendis tractans. *Multi (inquit) ea ex speculari lapide fecere, ut operantes intus spectarent.* Budæus pariter à speculari lapide, specularia dici integumenta scribit, quibus ambulationes in hortis tectæ erant. Vnde Iuuenalis.

Quæ rebitur clauso latis specularibus antra.
De quibus etiam Vlpianus in l. Quæsitum, §. Si domus de fundo instructo.
Cæterum & si scriptum inueniamus, nonnullos esse viros, & hos quidem non vulgaris eruditionis, qui lapidem speculari rem alium faciunt à Selenite, & hunc esse Margaritas, quas
Vulgo

Vulgò Perlās vocant. Inhærentes forsan Alberti Magni dictis, qui ex quorundam sententia tradit. Selenitem nasci in quodam genere testaceo in India, frequentius in Perside, & in Arabia. Nihilominus quicquid de hac re sit, ipsi videant. Nobis verò Galeni verbis inhærentibus attestari liceat, Selenitem, quem Aphroselinum vocat, ac si dicas Lunæ spumam non diuersum esse à lapide speculati: inquit enim. *Aphroselinum in Ægypto tantummodo inuenitur: quod ita creatur. Ros cælestis positus ad Lunæ claritatem, in specie lapidis, quem specularem vocamus, coagulatus stringitur. Unde & nomen sumpsisse videtur.* (σεληνιον enim Luna est, & ἀφρός spuma) potest autem omnia vitia capitis emendare, & Cephalalgicis, & Epilepticis utiliter prodesse, ob facultatem nimirum exsiccantem sine morsu. Quæ lapidi speculari ab eodem Galeno attribuitur. Agens namque de methodo parandorum remediorum, quæ ad maligna vlcera, & ægrè cicatricem admittentia conducunt, hæc habet. *Quin & quod Græcè Diaphanes. Romanis lapis dicitur specularis, ex ijs est, quæ leuiter, & sine morsu exsiccant: qui vltus vlceribus egrè cicatricem admittentibus, non item malignis, ac rebellibus conducit, quippe minus exsiccat, quam illa requirant.* Nec non in libris de Simplicium Medicamentorum facultatibus, de Lapidibus, ac eorundem viribus differens, ne verbo quidem labris admoto de Margaritis. Aphroselinum comitali morbo correptis valere tradit: vt ex ijs a Galeno præscriptis luce clarius appareat: Sub eodem parente lapidem Specularem, & Selenitem sua habuisse natalia in terræ visceribus, nec maris esse fœtus. Quod si aliqua videtur inter hos esse differentia, illa potius ab affectibus, quos prodeunt, pender, quàm quòd in natalibus longè absint. Vt enim speculi modò translucet hic lapis, & vitro persimilis, pro specularibus, & inspicillis ad occludendas fenestras, eius vices subit, Specularis vocatur. Vt verò ex Dioscoride, noctu in illo quandam candidam maculam translucere inuenitur, Lunæ imaginem continentem, quæ in hoc lapideo corpore crescente Luna crescit, & decre-

*Lib. de simp.
med. ad Pa-
ternia.*

*Lib. 4. de
comp. medi.
p. 8. cap. 1.*

*Lib. 9. cap.
de lapidib.*

Lib. 5. c. 116.

Lib. 2. tract.

2. c. 402.

Lib. 36. c. 10

On. lib. 16.

c. 4.

Lib. 21. de

Civ. Dei

cap. 5.

Cap. 38.

Lib. 3. de

dieb. decr.

Cap. 56.

Corol. lib. 5.

c. 1494.

Lib. 2. tra. 2.

cap. 686.

Lib. 5. de

nat. foss.

Digressio de

Magne. lapi-

pide Talcis

specie.

decrefcente minuitur. Selenitis nomen est adeptus, ac si dicas ex Auicenna Lapis Lunaris, seu Lunæ spuma: quod etiam à Plinio, Isidoro, & Sancto Augustino refertur. Hoc idem Solinus in memorabilibus recolit. In Perside (inquiens) Selenites reperitur, translucet fulgore candido, continens Lunæ imaginem, quem iuxta cursum Astri ipsius, perhibent diebus singulis vel minui, vel augeri. Fortasse quia. sicuti omnium superiorum Astrorum potentia fruimur, & corporibus hisce inferioribus, à Luna potissimum, ut Planeta inferiore, nobisq; viciniore, secundum eius motus, & cursus mutationes adueniunt, ut fulissime nobis demonstrat Galenus. ita & lapides cœlestes afflatus suscipiant: quod pariter perbellè hisce carminibus delineauit Marbodeus.

Nec Selneites fas est omnino tacere,

Qua velut herba virens, & Iaspidis amula Gemma,

Lunares motus, & menstrua tempora seruat.

Crescit enim Luna crescente, minuensq; minuta

Efficitur, tamquam cœlestibus anxia damnis.

Dicitur esse potens ad amorem conciliandum:

Languentes etiam Phrysicos iuuare putatur,

Toto gestatus crescentis tempore Luna,

Nec minus, & toto per decrementa fluentis,

Effectus miros, & commoda plurima præstat.

Hanc autem gemmam memorant in Perside nasci.

Hermolaus ille præstantissimus Vir, non moribus, nec eruditione, sed stirpe, Barbarus, suis in Dioscoridem doctissimis scholijs, Seleniti nomen Argyrolithi tribuit, cum dicat, Selenitem lapidem à Chemicis, ut & à Galeno, Aphroselinum, Comarim, & à leuitate ponderis Cupholithum, & Argyrolithum quandoque vocitari. Ut inde pateat artem Chymicam profitentibus, sub nomine Argyrolithi lapidem illum in vsum venire: qui ab Auicenna, ut specularium lapidum species Talcus vocatur. & qui passim per Germaniam, & Italiam à Vulgo hominum Talcus nuncupatur. Nec non ab Agricola ex mente Diogeniani sub Magnetis nomine describitur; non lapidis illius, qui ferrum vi innata ad se rapit. Sed qui

Sed qui in colore candido virescens pellucet, lapidum specularium modo, in laminas, seu crustas, verum tenuissimas, & flexibiles scinditur; cuius bractæ ex gleba satis ponderosa, & si subuiridi, excussæ, adèdè perbellè argentum in colore imitantur, vt quosuis etiam in arte metallica consummatos, decipere valeant, primo intuitu putantes argentum esse: ex quo mirandum nec sit, si miserculi illi homunculi, qui se totos Alchimix dant, in opere, sua spe frustrati & ipsi quoque decipiantur: & dum alios capere tentant, fraus in fraudatorem cadat. Dum lapidem hunc non sine studio, & labore in liquorem solunt, oleum Talci vocantes, huius medio argenteum splendorem Æri tribuere confidunt, ac in argenteam materiam transmutare illudmet sperant. Existimantes sicuti Talci pulvis Æri mistus ipsum dealbat, ita huius liquore posse sui voti compotes fieri. Sed omnia in vanum architectantur: evanescunt in cogitationibus suis, tempore abutuntur, & diuitiæ non sine derisione absumuntur. Vndè multò melius illis esset consultum, si huius liquoris vsum mulieribus illis totum relinquerent, quæ arti comesticæ, seu decoratoriæ deditæ, pro alligendis ad eorundem gratiam hominibus, non sine infamie nota liquore hoc faciem dealbant, ac nitidam reddere student; sed omnia hæc, vt ridicula ommissa faciamus. Et quò exactius huius lapidis natura tibi innotescat. habeas. perennitatem, non secus ac Amiantum, igni impositum feruare, cum nec fundatur, neque comburatur, nec quicquam de eius colore deperdat. Ideò ex eiusdem aliquot crustis filo ferreo coniunctis, vt ex Amianto, non desunt, qui Thryallides perpetuas parant. Vt hac ratione, si dixeris, esse posse Argyrodamantem ab antiquis vocatum, quasi argentum indomitum, cum in igne perseveret inuictus, non erit forte ab se. Auicenna naturâ frigidum in primo gradu, siccum in secundo statuit, stipticum esse, sanguinem retinere, apostemata mamillarum, & testiculorum, & quæ post aures, & in partibus laxis fiunt, perhibere affirmat. dari cum aqua plantaginis ad sputum sanguinis, ad fluxum

O o men-

Esc. cit.

menstruorum immoderatum, & hæmorrhoidarum, infundique dyssentericis notat. Sed periculosum esse dicit, si interius assumatur, quia eius laminæ hærent infixæ ventriculo, faucibus, & gulæ: & ob id maxima est opus industria, ut solvatur, & percoletur, ac propinetur cum aqua graminis.

Lapidibus hisce, seu mauis glebis (vtrumque enim rectè dici potest) quæ in laminas, crustasve scindi sunt aptæ, nomina propria ab auctoribus usurpata aptare placuit, causam nominis, ne quid deficere videatur, exposuimus, & quas vires in operatione habeant, explicauimus. Sciendum verò & hoc est; & si varia, ob diuersos effectus, quos producunt, cum non vno inseruiant vsui huiusmodi lapides, sint sortiti nomina: attamen singuli omnes ab vno, & eodem parente, gypseæ naturæ particeps, ortum trahunt. non immunes materiæ metallicæ sunt: & sub Talci nomine includi possunt. Quod si rerum naturalium studiosus horum lapidum distinctam seriem in figura, in coloribus, in flexibilitate inquirere appetit. CALCEOLARIUM adeat: ibi Talcos speculares crustaceos, magis, & minus in laminibus flexibiles attendet: nec non ob diuersam euaporationem à materia metallica in ortu susceptam, argenteos, virescentes, & glaucos contemplari dabitur: ut & admirari non desinet quasdam Talci species; in quibus Auri, & Argenti scintillæ, Granati gemmæ, granis Mali Punici, sed nigrioris aspectus, similes efflorescunt.

Prænarratis Lapidibus, ut affinitati coniunctus, ac eisdem in substantia haud absimilis, non longè abest Lapis ille, origine, & fama celebris, qui inter fossilia, non ex dissimilium partium compositione coagmentata, sed quæ ex singulis partibus constant, enumerandus venit. Amiantus nimirum: cum enim ex sui generis succo fiat, vnaquæque Amiantus pars est Amiantus, sicut vnaquæque auri pars est aurum: quod idem de Rubrica, & Alumine in superioribus significauimus. Lapis est Scissilis, Alumini Schisto similis, ex cinereo albicans, cui aliquid aluminosi saporis inesse videtur:

tur: totum eius corpus instar ligni fibrosum est, & veluti ex lineis contiguis compositum cernitur. Nec non capillamentis lanuginem quamdam experimentibus scatet: in qua attritione soluitur. Sic nuncupatum tradunt Plinius, Isidorus, & Agricola: quod non secus ac Adamas innata, vi ignem contemnit: ita & ille nihil ab eo patitur, nihilque de propria natura deperdens, etiā si sordibus in ignem proijciatur depositis terreis particulis, maculisve nitidus, & splendens extrahatur. Quod etiam D. Basilius elegantissimis verbis expressit. Inquiens. *Est quedam corporis natura, quam Amiantum vocant, inconsumptibilis igne, quandoquidem in flamma posita, in prunas redigi videtur, exempta autem ab igne, velut aqua illustrata durior evadit.* Cuius rei causam, non defunt ex rerum naturalium perscrutatoribus, qui humori in terræ visceribus existenti pro lapide hoc struendo, sua acriuitate calore ignis fortiori, attribuant, cuius medio fit, ne ab igne absumi permittatur. Vel ut alij. Quod ex lapide illo, quem tradit Plinius, & Isidorus in Arcadiæ montibus nasci, Asbesto nempè ferrei coloris, qui ex Solino. Sic ardet ut semel accensus extinguere non possit, ortum ducat, *Asbestos* enim Græcis inextinguibilis est. Ab re tamen non existimamus aliquid etiam ex proprio penu depromere. Siquidem quoad vocis ethymologiam attinet. ab (•) priuatiua particula, & à verbo *μιαίνω*, cuius futurum est *μιανῶ* fit *μιανῶς*: quæ vox impollutum, incontaminatum, defœcatum, immaculatumque significat. Hinc Amiantus ex eo nomen traxit, quoniam, ut mox dicebamus, igni impollutus resistat. Vnde & ab iisdem Græcis Linum Asbestinum vocatur, & à Plinio Linum viuum. Linum sanè: est etenim lapis hic *νεματέδης*, id est netilis, aptusque duci, instar lanæ, linivè pro conficiendis telis, vel Chiromactris, idest mantilibus. Ex his autem fiebant potissimum sacculi, quibus Regum corpora vrebantur, seruabanturque cineres. Viuum verò ab effectu, & si enim in ignem proijciatur, & accendatur, agantque flammæ, nihilominus nulla amissa parte, nihil de propria substantia deperdens, vegetari

Lib. 36. c. 19

Orig. lib. 16.

cap. 4.

Lib. 4. de ore.

& oan. sub.

Hom. 30. de

Ieiunio

Lib. 37. c. 10

Loc. cit.

Cap. 12.

Lib. 19. c. 2

Loc. cit.

Geograph. li.
15.
Lib. 2. florid-
arum.
Lib. 1. cap. 1
et 13. et
Lib. 3. cap. 4

Loc. cit.

tari adhuc videtur. Vt non immeritò pro enchemio huius lapidi dici liceat. Vidtricem illam omnium vim ignium, aliquid tandem nactam esse, in quod nullum ius, nullum, prædominium habeat. Inuentum iam etiam (refert conterraneus noster) est Linum, quod ignibus non absimitur, vinum id vocant, ardentesque in focis conuiuiorum, ex eo vidimus Mappas sordibus exustis splendescere igni magis, quam possunt aquis. Regum indè funebres tunica corporis suam à reliquo separant cinere, nascitur in desertis, adastisque Sole India, ubi non cadunt imbres, inter diras serpentes, assuevitque viuere ariendo, rarum, inuentu, difficile textu propter breuitatem. vocaturque à Grecis Asbestinum ex argumento natura. Hæc Plinius ex mente Anexilai. Illud fortasse Lini genus censebitur, de quo legere est apud Hieroclem. Brachmanos illos Philosophos, ab Indis in magno pretio habitos, & diuinis propè laudibus celebratos, sibi vestes confecisse, vt diuinitatis specimen de se relinquerent. Horum placita, vt ex Strabone, Apuleio, & Philostrato in vita Apollonij habetur. erant. Vitam præsentem putandam esse, quasi quemdam viuendum hominum conceptum, mortem verò natiuitatem, ad veram illam, & felicem vitam ijs, qui rectè philosophati sunt. Idcirco eos multa exercitatione vt, ad mortis præparationem. Item mundum habere tempus iniziale, Deumque in interitum, esse quoque globatum forma, Deumque vniuersorum Opificem, moderatoremque per cuncta meare. Mundi exordium esse ab humectationis elemento principe, & præter quattuor elementa, quintam quandam naturam esse, ex qua Cælum, Astraque constent. Qui plura de horum philosophorum placitis, viuendi norma, & moribus habere cupit legat Strabonem, apud quem etiam illud idem legitur, quod ex Plinio de incombustibili illo lino enarrauimus. Non Cyprium, non Indum, sed Creticum appellans. Traditque petram esse, quæ attrita, capillamentis tantum remanentibus, excussa terreâ materia, pectinibus aptari, contextamque telam indè peroptime confici, eam autè igne non vri, sed sordidam in ignem emundari. Præter

Præter à Plinio, & Strabone relata, ex iisdem quoque capillamentis Elychnia summa arte, & industria conficiebantur, quæ in lucernis posita, inconsumptibilia erant. & ut antiquos auctores de hac re tractantes, omittamus. Vti etiam quicquid ab Isidoro refertur de Candelabro illo in Templo Veneris subditiōe statuto, in quo lucerna ardebat, adeo ut nulla tempestas, nullus imber illud lumen extinguere: veritati relinquamus. Et quod à Solino narratur, taceamus. In Britannia scilicet, in Mineræ æde perpetuos ignes nunquam calefcere in fauillas. Sed ubi ignis tabuit, veri consueuisse in globos faxeos. Scribit Damascus in Syluestro Papa: à Constantino Magno ex Amianto Elychnia confici statutum fuisse, ac in Baptisterio suo Romæ locasse, ut semper ardentes nunquam absumerentur. Necnon Ludouicus Viues Scholio ad D. Augustini librum vigesimum primum de Ciuitate Dei testatur se cum Petro Garzia condiscipulo, Elychnia permulta Parisijs vidisse, quæ lucernis ardentibus nunquam absumerentur. Et Mantile Louanij medio conuiuij igni datum, redditumque Domino maculis splendidius, quam posset aquis, & Smigmatibus quibusdam. Quo etiam loci notat erutum fuisse sepulcrum memoria patrum, in quo ardebat lucerna condita ibi, ut ex inscriptione apparebat, supra millesimum, & quingentesimum annum; eaque tota ex templo, ut contrectari cœpta est, inter admotas manus friata in tenuissimum abiit puluerem, cuius rei vel magicæ artis ratio erat, ut Sancto Augustino placuit, ut ex Asbesto lapide, qui, & si nunquam absumatur in eo ignis, ipse tamen tanto temporum tractu atteri adeo potest, ut intactus quidem perseveret, at friatus in suum puluerem abeat. Sed quo progreditur oratio hæc nostra? non ne huiusmodi Elychnia videre est in ædibus CALCEOLARIIS: quæ ab Illustrissimo DANIELE BARBARO Patriarcha Aquileiense, dum humanissime fuisset domi exceptus, CALCEOLARIO Seniori vnâ cum plurimis alijs rebus exoticis, summum erga illum beneuolentiæ monumentum, dono dedit? Tanta igitur cum sit lini asbestini dignitas, & præ-

Locis citatis

Cap. 31.

Cap. 6.

Loc. cit.

*Lib. 5. anim.
cap. 19.*

Lib. 10. c. 67

*Lib. 21. de
Civit. Dei
cap. 4.*

Lib. 2. c. 31

Lib. 2. c. 36


*Lib. 3. de se-
p. cap. 4.*

& præstantia, non immeritò Marcus Polus Venerus in suo itinerrario Salamandram hoc vocauit. Sicuti namque animal hoc frigidissimum, Lacerti figura, ex Aristotele, Plinio, & Sancto Augustino, per ignem inambulans eum extinguit, nec ipsum vratur, nec extinguitur. Et quod ex Aliano maiorem parit admirationem, non modò contra ignem ire audet, illum etiam extinguit, sed nec accendatur, etiam contra fabrorum follium inflationem reluctatur. Pari ratione Amiantus quòd igni resistat, incombustibilisque sit, ethymologicè Salamandra vocari potest. Quòd tamen de hoc animali refertur, illud omne, vt quid vanum, & fabulosum statuere videtur Dioscorides. Nec non Galenus Salamandram ad certum vsque terminum ab igne nihil pati scribit: vri autem si longiore spatio igni sit admota. quòd si vera sunt, quæ ab Aristotele, & alijs de hoc animante traduntur, id vnum summo frigiditatis gradui ignem superant, quo animal hoc est à natura constitutum, cum imbribus gignatur, opacis, viginosisque locis delectetur, attrahi debet. Sed quid? quomodo ignem extinguere valeat Salamandra, non vratur ipsa, Solem tamen, cuius lumine, & calore omnia vegetantur, non patitur, quin serenitate moritur? Rursus ad rem nostram. Præter Amianto attributa nomina. Bostrychetes quoque est Zoroastris, quòd plexis mulierum crinibus sit similis. à voce Græca βοστρυχος, quæ Cæsariem in modum comæ muliebris significat. Et cum ad Carystum Oppidum effoderetur; Carystium à Pausania dicitur. Quia verò similitudinem cum Alumine scissile habet: cum & attritione solvatur in tenuia fila, instar plumæ canescentia, & pro illo vsurpatum sit. à Quadrigario alumen scissile vocatur. Cæterum vt aliquid etiam ex hoc lapide allegoricè eruatur. Protectio diuina optimè explicari potest similitudine illam quam D. Athanasius ducit ex Amianto. Ex quo, (vt iam est discussum) adhuc lento telæ confectæ, si in ignem conijciantur, non comburuntur: huius generis tunicam, & tegumentum se fore Deus pollicetur ijs, qui pro eius nomine in

Lib. de Incarnat. Verbi.

ne in ignem tribulationum coniecti fuerint, vt nimirum ab eo lædi non possint. Legitur enim Isaia 43. cum ambulaueris in igne, non combureris, & flammæ non ardebunt in te; quia ego Dominus Deus tuus Sanctus in Israël. Et vt innumera Sanctorum Martyrum exempla breuitati studio non proponam. Beatissimi Georgij Martyris exemplo contentus erit, qui sub Dei vexillo pie, & non fucata animi conscientia, vitâ agere appetit. Ex hoc enim quanti valeat persecutiones, & tribulationes strenuè tolerare, illi patebit; innotescet etiam, illas res, quæ peculiari aliquo miraculo à Deo sunt dotatæ, Sanctis ipsis, & diligentibus ex corde Deum, obsequium præstare. Tradit namque Metaphrastes in Enchomio huius gloriosissimi Martyris: cum ab impiissimis persecutoribus ad ignis supplicium esset damnatus, verentes ne Christiani nominis virtus, fauente diuina aura, igni extinguendo miraculo esset. Asbesto lapide Sanctum ipsum obruerunt, confidentes ob peculiarem innatam illius virtutem, extingui non posse eius ignem. Sed non ita primum igni fuit obiectus, vt statim (mirabilis Deus in Sanctis suis) idem ignis fuerit extinctus, adeo vt, nedum crines ipsi ab igne fuerint læsi, sed omnino intacti remanserint.

Apud Lipo-
manum
Tom. 7.
23. Apri.



ANTEQVAM autem in Lapidibus recensendis, vltius progrediamur, vt oblectamenti aliquid, ex rerum varietate, quod vt plurimum hauriri solet, legentium animis offeratur, placuit præmissam tabellam Lectori exhibere, quam ex marmore illo durissimo fabrefactam sciat, quod apud Ægyptios Basaltes est; ex fossilium genere, quæ aliorum imitantur colorem: Est namque in colore ferri æmulum, vt à ferreo colore nomen illi sit impositum, & à duritie: non enim absque difficultate ferro contrectari, & vix incidi potest. Hæc, vt purum antiquitatis insigne monumentum, literis illis à parentibus veluti per traditionem quamdam acceptis, & quas sacras vocabant, referta conspicitur, quibus Hierogramates illi Ægyptij Sacerdotes, qui pariter de futuris vaticinia conspiciebant, figuris volucrum, ferarum, reliquisque huiusmodi corporibus, & signis sensus mentis effingebant: vt præ cæteris legere est apud Cornelium Tacitum: qui de literarum inuentoribus differens, hæc habet.

Lib. 10. in
Augusto

Primi per figuras animalium Ægyptij sensus mentis effinxerunt, & antiquissima monumenta memoriæ humanæ impressa saxis cernuntur, & literarum semet inuentores item perhibent. Huius porro Tabellæ interpretationem doctè, ac eleganter ingenue fanè actus candore, & benevolentia suppeditauit LAVRENTIVS PIGNORIVS Patauinus, Vir non tam pietate, & moribus, quam eruditione clarissimus, & penitissima rerum antiquarum notitia apprimè suspiciendus, literis ad ANDREAM CHIOCCVM Philosophum, & Medicum Veronensem præstantissimum, variaque eruditione conspicuum, in hunc modum scriptis.

P p AN-

ANDRÆAE CHIOCCO MED. CL. VIRO

LAVRENTIVS PIGNORIVS Salutem.



VÆRIS ex me, Vir Cl., quid contineat antiqua lapidea tabella, quæ isthic in Museo CALCEOLARIANO adseruatur, cuiusque tu ad me exemplum misisti. Illa profectò Ægyptij cuiusdam scalptoris figmentum est, vt quæ & litteras exprimentes rationes mysteriorum illius Gentis proferat, atque ipsa adeò Sacra (vt ipsi vocabant) simulachra nobis exhibeat. Litteræ sunt illæ, tum quæ quatuor inferioribus spacijs tabellæ ipsius continentur, tum quæ in superiori area intermicant, mirabiles planè, & ipsarum ignorance satis commendatæ; Auiculæ enim, securiculæ, globuli, flagella, Dracunculi, & alia non pauca, ipsa quidem per se in oculos nobis incurrunt, at quem indè sensum nos elicere valeamus, nemo adhuc est, qui sciat; Arrianus certè Marcellinus lib. xvij. historiarum ex Hermipione, vt vt præiuerit explicatione aliquot versuum vnus ex obeliscis, sæculo huic nostro solerti satis, & erudito, nemo tamen ad solidam huius disquisitionis gloriam adspirare (quod ego quidem sciam) ausus est. Ad simulachra quod attinet, dixi ego satis aliàs, cum explicarem imagines miras Mensæ Isiacæ, quæ fuit incomparabilis Viri P. Bembi Cardinalis; at in tui gratiam etiam nunc è magna satis messe colligam deciduum aliquod spicum, quod tu pro tua humanitate, & pro ea, qua me prosequeris beneuolentia, forsan recondes in horreum politissimæ tuæ Bibliothecæ. Porro hoc agamus. Ægyptij sanè, vt contigerunt illis Cœli Vis, & Nili ingenium planè à reliquis terrarum tractibus discrepantia, ità in plerisque omnibus (inquit Herodotus) à cæteris mortalibus, sese abiunxerunt. Hoc in Sacris liquidò planè compertum est, nihil enim ita absconum

num in fingendo vsipiam fuit, quod non æquarent, vel etiã exsuperarent mostrosæ imagines, quibus ex Antiquitate reliquis pepercit Tempus edax rerum. Nota sunt ex carmine Virgiliano, Omnigenum Deum monstra. Et Gildas sapiens, vt Patriæ suæ Idolomaniam exagitaret, nihil potuit excogitare, quod ad illam exprimendam pertingeret, præter Ægyptiaca deliramenta; Inquit enim; Igitur omittens priscos illos, communesque cum omnibus gentibus errores, quibus antè aduentum Christi in carne, omne hominum genus obligabatur adstrictum, nec enumerans Patriæ portenta, ipsa diabolica penè numero Ægyptiaca, vincentia, quorum nonnulla lineamentis adhuc deformibus intrà, vel extrà deserta Mænia solito more rigentia, toruis vultibus intuemur. hæc ille. Georgius etiam Pisides huc respectans totum salum horrendæ impietatis Ægyptios perbibisse, abundè testatus est. Absidem Tabellæ completuntur ferè totam Alæ Accipitris, quas fortè in rotundo illo patore interstinguit Stella Sothis, vt non semel in Mensa Isiaca, ambientibus, & dependentibus anguibus binis. Fuit autem Sothis Stella, quam Canis astrum græci vocant (inquit Porphyrius) creditaque est Ægyptijs ἀρχὴ ἔτος, eademque initium apud ipsos mundanæ geneseos. Accipiter verò Dei, & Solis symbolum est, tradente Clemente Alexandrino lib. v. Strom. Πυρράδης γὰρ, καὶ ἀναυπερίνης: Angues & ipsos diuinitatis aliqua portione respersos arbitrata est Antiquitas: & nos olim ad fastidium ostendimus; nota sunt illa Persij Satyra prima.

Pinge duos angues: Pueri, Sacer est locus, extrà Meijte.

Et Ægyptij ipsi adeò magnificerunt hanc notam impietatis, vt & Nummos principales hac imagine consignarent. Est apud me æreus M. Antonini.



Quod si Stella in illo veluti Disco non comparet, sed nuda tantum planities, dicemus esse plenam illam rotunditatem, quam in modum speculi, vel augmentum Lunæ super Isidis frontem Appuleius lib. 11, adnotauit. Reliquæ sunt Icones Sacræ, quorum altera sedens, Osiridis videtur, stans altera Isidis. Osiris fuit Rex apud Ægyptios, Isis Regina, vt scribit Iulius Firmicus, & ante Firmicum Diodorus, quos præterea mysticis rationibus & Solem, & Fruges, & Lunam, & Terram esse voluerunt. Horum cultus totam Ægyptum regiones finitimas, & vniuersum ferè Orbem incredibili superstitione peruaferat. Osiridi caput tegit Perseæ arboris Pomum (vt ego quidem existimo) ea specie conformatum, illisque parergis exornatum, quæ in Mensa Isiaca prima Sectione occurrunt spectantibus. E' mento quod præpendet diximus alibi videri Serpentis caudam, neque sane penitet coniecturæ, quam tamen quæ firmem non habeo, aded tenebræ cimmerijs crassiores hæc deliria obrepserunt. Vnica est apud me Gemma signatoria, vetus illa sanè, quæ ad hæc alludit. Est autem Sarda.

Sceptrum



Sceptrum Sacrum apprehendit ambabus manibus Osiris, ut & dextrâ Isis, quæ ponè sequitur, ornabatur autem Sceptrum Vpupæ capite, ut docet Horapollon lib. I. *ὅθεν καὶ τῶν θεῶν σκήπτρον ὑπὸ τοῦ Ἰσίδος ἐστὶ*; id quare fieret, latè nos in Commentario Mensæ, quam diximus. Sella planè Ægyptiaca est, tota solida, illis conformata, quas nobis exhibent huius generis antiqua monumenta. Isis eminente mamma, & ea quidem unica, nisi nos Pictor fefellerit, pedibus penè concretis, sinistræ manus digitulo insertam Crucem ansatam. Et huiusmodi Crucis specimen, & nos olim ex antiqui lapidis cælatura deprompsimus, & Io. Georgius Heruvareus, in figuris obeliscorum, qui Romæ extant, representandum curavit. Et ansam eiusdem Crucis frustra abrumperere conatus est. I. Lipsius Vir Cl. Caput Isidis ornat Sacer Tutulus, non integer tamen, sed detritus, vi (ut videtur) & iniuria vetustatis. Mamma eminens, si Isis nihil aliud est, quam Terra, ut placet Macrobio, id significat, sufficere eam cunctis animantibus victum. Pedes eiusdem, quos Pictor non satis videtur affecutus, illustrantur hisce verbis Heliodori lib. iij. *Ἰσὶς τὸ πᾶν ζευγνύσκει, καὶ ὅσπερ ἐνὶ νῆϊ ἐστὶν*; qui hæc etiam confirmat Homericis versibus.

Et hæc

Et hæc sunt V.Cl., quæ suppeditauerunt tenues copiolæ Bibliothecæ nostræ, & id quidem pauculis horis propè furtiuis. Ego maiora, & quæ te minùs dedecerent, maluissim; at tu qualiacunque æqui, bonique consules, vti ab amico profecta, qui hanc scriptiunculam apud feram posteritatem cupit extare veluti Tesseram mutuae inter nos, & perennis caritatis.

Vale, & Excellentissimum CERVTVM præclarum, & optimum Musæi CALCEOLARIANI Descriptorem, atque Interpretem, meis verbis plurimum saluere iubeas.

Patauij, Dominica Passionis, Nonis April. M D C XX.

Haftenus Pignorius: à quo etiam, palma cæteris prærepta, & vetustissima illa Tabula ænea Sacris Ægyptiorum simulacris cœlata, olim Petri Bembi Cardinalis, Viri spectatissimi, nuncque temporis FERDINANDI GONSAGAE Literariorum Principum Antesignani delicia, quàm doctissime explicata, circumfertur.

Quemadmodum autem à lapidibus exorsi sumus, ita in eodem definamus. Et ne opima illa lapidum messis inter parietes Calceolarios collecta, ac in suas classes eleganter distributa, rerum naturalium studiosis occultetur, lapides illos primum perscrutabimur, qui in commissuris marmorum, & saxorum fiunt. Ab illo initium fumentes, cui Patria nomen constituit. Quod enim in Iudæa Syriæ Regione, quam Ptolemæus Palestinam Syriæ vocat, vberissima copia nasci consueuerit. Lapis Iudaicus à Dioscoride, & ab Aëtio Amidenò Syriacus nominatur. Quoniam verò in varias figuras, & formas, est à natura compactus, diuersaque est sortitus nomina: qui enim Glandis, Balanivæ Græcorum, figura ex hac stirpe est, quo nomine fructus Palmæ appellatur, Phœnicites ex similitudine à Plinio dicitur ~~volvi~~ enim Græcis Palma est. Qui verò Nuclei Olivæ magnitudine, & figura non est dissimilis: Pyrenes à quibusdam nuncupatur: tum quia ab obtusiore huius lapidis parte,

*Cosmograph
lib. 4.*

Lib. 5. c. 112

Lib. 37. c. 10

parte, vt à principio quodam, à quo nasci ille videtur, eminentes lineæ, veluti striæ inter se æquales in acutiorem terminant punctum, vt Pyramidalem figuram exprimat, cum quod figura cum sit satis oblonga, & acuminata, montibus illis Pyreneis, quibus celsa nimborum verticis est arx. vt Syluio placet: assimilari possit: lapidem hunc, quoniam comminuat Calculos, & moueat vrinam, facillèque fluere videatur, Eurream dici à Plinio ex his verbis patet.

Lib. 37

Eurream nucleo Oliuæ similis est, striata concharum modo, non adeo candida.

Loc. cit.

Vti & Tecolithum nuncupat, nucleo Oliuæ similem faciens, & lingentium calculos frangere, pellereque asserit: à verbo Græco *τέλλω*, quod est liquo, liquefacio, confumo, attenuo, & in tabem resoluo: & *λίθος*: lapis fit *τεκολίθος*

latine Tecolithus, non autem Ticolithus, idest lapidem liquefaciens, & in renibus atterens. Quo nomine etiam,

& à simili effectu, lapides illos, qui in spongijs nascuntur, à quibusdam nominari tradit Plinius: & Paulus Aegineta

Lib. 36. c. 19

spongiam lapidem, & lapidem Iudaicum, & si iure diuersa faciat, vtrique tamen vim tribuit *Θρυπτικήν τῶν ἐκ νεφρῶν λίθων.*

Hoc est comminutiuam (vt ita dicam) in renibus lapidum. Nec desunt, qui Cysteolithum vocent, idest vesicæ

lapidem, quod calculos eius comminuere crederetur. Sed

Galenus id negat: in solis renum calculis comminuendis

efficacem faciens, vt inferius annotabitur. Ex hoc pariter

lapidum genere, præter iam dictos reperiuntur apud Cal-

ceolarium, & qui penè specie subrotundæ Oliuæ arboris

fructum. imitantur (hos Palestinæ incolæ Oliuas lapideas

vocant, & frequentiores, communioresque pharmacopolis

sunt) & qui etiam columnæ figuram longitudine, & rotun-

ditate representant. Singuli tamen hi lapides & si figura,

ac forma sint diuersi, nihilominus, vt notat Agricola, si ab

omni terrarum contagione puri fuerint, extrinsecus æquæ,

ac intus sunt non nihil candidi; sed fracti, instar tabulæ

polite sunt leues, & tamquam marmor splendent: attriti

saporem nullum spirant: cum autem tam pulcherrima in

hoc lapidum genere configuratio non sine contemplatione

præte-

Lib. 5. de
nat. foss.

prætereunda sit; sciendum, fossilium generi varias figuras, & formas diuersimode materia, & exhalatione in longitudine, rotunditate, aut quauis alia figura feruente, & discurrente, dedisse naturam. Hinc videmus Thyitem lapidem: globi instar rotundi è terræ sinu pullulare. Calaim, & Astroitem dimidiati globi figura esse. Beryllos, & Syenites Cylindri modo teretes esse. CrySTALLUM sexangula figura splendere. Specularem, & Magnetem lapides planos esse. Aëtitem intus conuexam habere figuram. Bucardiam cordis Bubuli. Phacitem lentis. Stelechitem Trunci arboris. Enorchim testium exprimere. Et sic de quamplurimis alijs, quorum nomenclatura suo loco exponetur. Vt inde mirum videri non debeat, cum lapis Iudaicus ex eorum fossilium genere sit, quæ ex marmorum, saxorumvè veluti medulla concreta fiunt. (ex eo namque quod ex marmore, aut saxo aqua madefacto stillat, & subsidet, lapis hic in eorum commissuris concrefcit, & reperitur.) nec non ex vertebis inuicem commissis compositus spectetur, si diuersimode discurrente materia, diuersæ quoque in formando hoc lapide imprimantur formæ. Nec credendum videtur, vt quidam existimarunt, formas in hoc lapide existentes, casu fieri, & esse veluti medullam concretam alicuius Conchilij, aut arboris fructum, materia lapidescente in eum locum corruata. Quid enim dicent ad lapidem illum Iudaicum columnæ effigiem exprimentem? fortasse columnam eo loci fuisse transmissam? contra leges naturæ hoc dictum crediderim: qui etiam in magnitudine paruus, vt plurimum, conspicitur: quoniam cum parum de marmoribus, aut saxis abradat aqua, pauca potest supeditari materia, lapide struendo disposita.

Lib. 5. c. 112 Dioscorides lapidem hunc glandis effigie candidum, scita admodum configuratione, lineis æqualiter inter se distantibus, quasi industria detornatis esse scribit; solum nullam qualitatem manifestam gustui representare tradit. In potu exhibitum, difficultati vrinæ auxiliari, & calculos in vesica comminuere, notat. Galenus verò, & si libro de

Cap. 8. rerum

rerum affectus dignotione, & medicatione, de remedijs illis agens, quæ lapidem frangunt, lapidem Iudaicum potenter lapidem diuidere tam in renibus, quam in vesica, scribat; consulens, si calculus in renibus fixus sit, masculo vrendum; sin in vesica hæreat, & ob magnitudinem excerni haud possit, foemineo, attamen ad calculos renum potius, quam vesicæ conferre, hisce verbis expressè significauit.

Est & alius lapis. viribus valentioribus, in Palestina Syria proueniens, colore candido, specie concinna. (vocabulum hoc ad Euros Plinij videtur accedere) *Lineas habens, cetero ductas, appellant eum à loco, in quo nasci consuevit, Iudaicum: utunturque ad vesicæ lapides, in cote soluentes, & ex aquæ calidæ tribus cyathis potui præbentes. Sanè in quibus nos experti sumus, proficit nihil, quod ad lapides vesicæ pertinet; verum ad eos, qui in renibus hærent, efficax est.* Hoc idem, asserit libro secretorum, quo loci medicamen ad petram proponit, inquit. *Quod autem dicunt omnes homines de lapide Iudaico, iam expertus sum, & non inueni in lapide vesicæ operationem: verum ipse in lapide renum est fortis, & valde mirabilis operationis.* &c. Quamuis Marbodeus poëta Gallus in eius Dactylotea: tam ad renum, quam vesicæ calculos atterrendos pollere, hisce carminibus asserat.

Tecolythus nucleo similis perhibetur Oliua,

Aspectu vilis, natura vi preciosus:

Namque solutus aquis, & ab his quibus expedit haustus,

Dicitur esse potens lapidosos soluere renes,

Vesicæque simul purgare dolentis arenas.

Sed magis Galeno Medicorum Principi credendum, quam Poëtæ, & si vera dictanti: tergiuerfantur namque, vt plurimum, in rerum naturalium cognitione.

Præter lapides hos Iudaicos, figura, & forma varios, visitur & gleba quædam, non multum grauis, maculis albis tota, conspersa, materia sanè, coloris veluti cinerei, sed fusci, instar medullæ fatis crassæ. quæ in commissuris marmorum, aut saxorum cum reperiri soleat, ad formandos hos lapides apta censetur. Lapis Lyncis à quibusdam pharmacopolis

Qq

iudi-

*Lib. 9. de sim
pl. med. fac.*

Cap. 59.

iudicatur, sed insulsè.

Lib. 5. de
nat. foss.

Lib. 37. c. 10

Lib. 27. c. 8

Lib. 3. c. 140

Lib. 5. de situ
Orbis cap. 6.

Lapidibus Iudaicis iam perscriptis, Idæi Daçtyli sub eodem ortus principio, vt Agricola placet, constituti subsistunt. Hi, vt notat Plinius, in Creta ferreo colore (modò ferreum pro nigro accipias) pollicem humanum exprimunt; nam & crassitudine ferè pollicis sunt, & in terete figura ad latera latiusculi, & in extremo obtusiores, vt instar pollicis porrecti in summo, modice inclinantur in obliquum. Sic nuncupatos habeas à celeberrimo illo Idæo monte Cretæ, in quo nascuntur: vnde, & nascentes in hoc monte plantæ, ex inueteratæ medicinæ schola à Græcis Idæas nominantur, nec non ob similitudinem quam nonnullæ Plantæ cum hisce Daçtylis Idæis habent, hoc nomine illas decorari legitur; vt, præ cæteris, de Pgonia fœmina in Dioscoride extat: quæ, & si alijs nominibus diuersis, vt Glycisidem. Pentoberon ex Plinio, & Herbam castam ex Apuleio, Daçtylum Idæum olim vocatam fuisse tradit Anazarbeus; ab eo nimirum, quod illius radices bulbosæ ferè, seu nodosæ, huic lapidi figurâ similes nasci soleant. Postquam autem in Idæum hunc montem incidit sermo. Parergon, vt quid commemorandum, quæ de illo à Mela scribuntur, referre non dedignabimur. *Orientem* (inquit hic auctor) *Solem Idæus aliter, quam in alijs terris solet, aspicit: ostendantur namque ex summo vertice eius spectantibus penè à media nocte sparsi ignes, passim micare, & vt lux appropinquat, ita coire, & se coniungere videntur, donec magis, magisque collecti pauciores subindè, ex vna ad postremam flamma ardeant, & cum diu clara, & incendio similis effulset, cogit se, ac rotundat, & fit ingens globus, diu is quoque grandis, & terris adnexus apparet, deindè paulatim decrescens, & quanto decrescit, eò clarior fuit nouissime noctem, & cum die iam sol factus est, attollitur.* Hæc Mela. A quo etiam monte (& si instituti non sit, deridendas illas de Deis antiquorum opiniones, & fabulas rebus naturalibus miscere, nihilominus vt sciri possit, vnde digitus & Daçtylus nomen traxerit, hæc conscribimus.) Idæos Daçtylos, genus scilicet illud hominum, quia primi sub

sub Idæ montis radices habitauerint, ita appellatos fuisse, ex Strabone habetur: quo etiam loci ex mente Sophoclis scribit, hos quinque fuisse Viros, qui ferrum excogitantes primum fabricauere, aliaque permulta mortalium vsui necessaria. Illorum pariter quinque extitisse sorores, & ab eo numero Dactylos, idest digitos fuisse nuncupatos. Ex qua postmodum stirpe, vt idem auctor refert, Corybantes illos Cybeles Sacerdotes fuisse prognatos fabulantur: illi inquam, qui sacro correpti furore, Cymbala pulsabant, capitaq; saltando iactantes, alios in similem rabiem agebant. Hos Iouem infantem nutriuisse, in fabulis extat; & ne vagitu puer proderetur, clypeolis æneis inter se concursantes, æris tinnitu, & numerosi pedis compositione, qui Dactylus inde est dictus, Saturnum, qui cum Titano fratre, pactione inita conuenerat, vt sobolem omnem masculam, deuoratione interficeret, fefellerunt. Sed fabulamenta, hæc omittamus, & ad Dactylos illos Idæos, qui inter gemmas à Plinio describuntur, oratio nostra reuertatur. Hos & Belemnitas vocari, testatur Agricola: qui sanè lapides in substantia, soliditate, colore, magnitudine, & paruitate varij sunt. Ex ijs etenim inueniuntur in colore cinerei, qui olent, vt cornu bouis vstulatum, aut limatum. Quos Agricola Hildesheimij in commissuris marmorum eiusdem odoris reperiri scribit. Alij, & si cinerei, non olent, lapideam substantiam in se continentes. Quidam eiusdem coloris vice lapidis, sine odore, terram continent. nonnullis medulla inest mollior: aliqui sunt albi coloris, alij nigri, & hos ex Germanis plurimi Coraciam, aut Coruinum lapidem vocant, seu à colore, siue à Coruini veretri similitudine. Nec desunt, qui radijs constant, vt & qui eis sunt destituti. Diuersa pariter hisce lapidibus est magnitudo: qui enim Maiores cæteris sunt, digitum humanum, pollicem præsertim effingendo, nec crassitudine, nec longitudine excedunt; qua forma motus Plinius Dactylos Idæos nuncupauit: hi solidi sunt excepta basi, quæ caua est, & molliuscula apparet, vt terram candidam in se includere

*Geograph.
lib. 10*

*Loc. cit.
Lib. 5. d. nat.
foss.*

Loc. cit.

Loc. cit.

cludere videantur: vsti, limativè cornu Bouis olent, fortasse quia ignis subterranei fumo sint infecti, aut loco, vbi Bitumen gignitur, reperiantur, radios nec non à centro ad circumferentiam diffundunt. Extant ex hac profapia & in specie mediocres, & magnitudine parui, & ex ijs, qui parte interna atro sunt colore, foris albicant, nec non tamquà crusta è creta mixta sunt obducti, foetoris omninò expertes, nulli in his apparent radij, ac tandem in substantiam adeò durissimam sunt compacti, vt percussi, non secus ac Silex, scintillas igneas euomant. Ob prænarratas Belemnitarum species, quas singulas apud CALCEOLARIUM speculandi cuius patet additus: refert Agricola; Heldeſchmij in fossa Mœniorum interdum repertos fuisse ex hoc genere lapides sesquipedis longitudine, & bracchij crassitudine. Gesnerus pariter se lapidem Belemnitem pedalem ferè, non radiatum vidisse affirmat, in cuius superficie animalcula quædam, vt lacerti eminebant. Et si autem lapidibus hisce non vna sit magnitudo, vna tamen omnibus videtur esse Sagittæ figura, cum ex ampla radice in tenuissimam aciem deficiant. Vt hac de causa Belemnitis nomen sint adepti à voce Græca βέλωνον, quæ Sagitta dicitur: quod etiam ex Agricola habetur. Quo loci præter causam nominis asserit, apud Saxones lapidem hunc, ex Ephialte, & Sagitta compositum vocari, & apud Germanos alios Sagittam Incubi: quem in potu assumptum, contra huiusmodi suppressiones, & noctis ludibria, valere, ac fascinationibus occurrere testatur. Quis plura appetit de hoc lapide scire, legat eundem auctorem; quo loci etiam attendet, quàm inepte pro Lyncurio hic lapis vsurpari soleat. Sunt qui telù nuncupant: vnde & ad vulnera conglutinanda prodesse conijciunt. Et Morbo illo reluctari sunt qui affirmant, qui à læsa particula denominatione accipit, vt Galeno placet, pleuritidi nimirum, in quo affectionis præter naturam genere veluti à telo quodam affecta membrana costas ambiens dolorificè admodum compungitur, ob collectionem materiæ, sanguinis potissimum, in parte illa fluxæ, & tristem sensationem ex solutione unitatis

Loc. cit.

*Lib. de figur.
lapil. & c.
cap. 5.*

*Lib. 2. meth.
cap. 2.*

tatis inducentis. Qui verò vice lapidis Iudaici ad renum calculos comminuendos illo vtuntur, non omninò aberrare credimus. Et si enim nondum hoc fuerimus experti, cum præ manibus remedia tutiora, & vsurpata magis in dies sese offerant. Nihilominus conferre posse iudicamus; non enim à lapidis Iudaici natura abesse videtur; potissimum verò, vt quid coadiuuante, aliquo nimirum liquore diuretico, & ad hoc munus obeundum opportuno, si in puluerem redactus exhibeatur. Inter Chirurgos Germanos sunt, qui hisce lapidibus vlcera curant, quoniam exsiccent, & horum propria indicatio sit exsiccatio.

Quamuis Sectione hac tertia intentio nostra tantummodo fuerit, circa fœtus illos lapideos versari, qui benignitate terræ matris in lucem prodeunt, & industria CALCEOLARIA in vnum sunt collecti, ac varijs formis insculpti, mirabiles sese nobis ostentant; vt indè mirum videri posset, qua ratione ab ijs digressi, in meteora inciderit sermo; attamen similitudine figuræ excitati, lapides illos fulmineos (acuminantur namque hi, vt Dactyli Idei, Belemnitæ vè) describere hoc loci placuit, quos vulgus hominum per antonomasiam fulmen appellat; non sanè exhalatio illa fumida, & inflammata, nec non ex vapore calido, & humido, atque exhalatione calida, & sicca in media aëris regione conglobata sub examine exponitur, (& si fulmen nuncupatur) quæ ad terras propulsa propter suam subtilitatem, vt notat Titelmanus in Philosophiæ compendio, corpora rara, & peruia, absque nocumento citius pertransiens, in interiora magis densa, magisque resistentia, solet pleiunque desauimineus confringendo, vel adurendo. Sed lapis ille fulmineus delineatur, cuius corpus est solidissimum, vt potè quod non secus ac in terra ex coniunctione corporis, cum exhalatione generatur lapis, cæteraque mineralia, ita in prænarrato magno fulmine generatur lapis, ex diutina exhalationis valdè terrestris, & densæ inclusione, quæ cum inuehitur in nubem frigidam, & aquosam ab humore circumfuso conglobatur, & conglutinatur, huiusmodique massam,

Lib. 6. c. 11.

massam, & mixturam facit, sicut farina conglutinatur in massam ab infusa aqua: & quemadmodum lateres ex luto humectato compacti coquuntur, & indurantur in lapidum formam ab igne ardenti in fornace, ita superueniente intensissimo calore, partim ex Sole, & Stellis, partim ex antiparistasi, illa fulminea massa subacta quasi coquitur, & ab igne fulgureo in solidissimum corpus lapideum induratur, quod cum fulmine deiectum, Cuneus fulminis vocatur, & a nonnullis Ceraunius lapis dicitur, ex eo nomen inueniens, aut quod cum fulmine cadat, *κεραυνός* enim Græcè fulmen est, aut quod alicubi non reperiatur, quàm in loco fulmine icto. Et Ceraunios illos montes, qui Epyrum finiunt, ita vocatos, traditur, quoniam summa eorum iuga ob immensam altitudinem crebris fulminibus feriantur. Hoc etiam per transenam annorabimus: Legitur in Attica Pausania. Ptolemæum ex Ægypti Regibus, Lystrandæ fratrem (ut quamplurimi alij à virtute cognomina traxere) Philadelphum & fuisse vocitatum, quia cognoscendarum rerum fuerit perstudiosus, & ex insita corporis imbecillitate noui aliquid semper perscrutari solitus, quod se, & in prosperam oblectaret valetudinem. pariter & *κεραυνός* cognomento dicebatur, idest fulmen, ob tantam in rebus gerendis alacritatem, audaciamque. Huiuscemodi fulminis telum acuminatur, quod, (ut ab eruditissimo quodam Viro, scriptis est mandatum, cui & leges philosophicæ subscribunt) humidum admixtum sicco effugere nitens, ad inferiora tendit, illicque reprimitur, superiore verò parte conglobatur, utpotè densius, & figuram cunei, vel Pyramidis suscipit. quod postmodum cum incredibili impetu in antiparistasi è nube deiectum in terram, obuiaquaque scindit, dissipat, inflammat, atque prostermit, prout quàm plurimis exemplis à rei naturæ erutis à Seneca in naturalibus, ab Aristotele in Meteoris, & à Plinio in naturali historia, præ cæteris auctoribus declaratur. Ut hinc non difficile admodum sit perscrutari, fulmina hæc naturæ esse igneæ, materiam metallicam participare, & ex consequenti ad comburrendum, dissipandum, & in

& in cinerem redigendum apta. vt ex locis fulmine tactis
compræhendi quàm facillimè potest, quæ odorem Sulphu-
ris mittunt, atro colore sunt infecta, & quasi calore inusta.
id quod Lucretium Carum minimè latuit: apud quem hu-
iusmodi carmina leguntur.

Lib. 6. rer.
natur.

Quod superest, quali natura prædita constent

Fulmina, declarant ictus, & inusta vapore

Signa, notaque graueis habentes Sulfuris auras.

Ignis enim sunt hæc, non venti signa, neque imbris.

Et paulo inferius generationis modum, & eorumdem porten-
tosos, exitialesq; effectus inquirens, hæc habet.

Nunc, ea quo pacto gignantur, & impete tanto

Fiant, vt possint ictu discludere turre,

Disturbare domos, auellere tigna, trabesque,

Et monumenta Virum demoliri, atque ciere,

Exanimare homines, pecudes prosternere passim,

Cetera de genere hoc, qua vi facere omnia possint.

Expediam.

& quæ sequuntur.

Si quis plura desiderat, eundem auctorem adeat. Varias
formas lapis hic fulmineus suscipit, varijsq; coloribus exor-
natus visitur, prout variæ, ac diuersæ sunt exhalationes ter-
restres, & metallicæ ab inferioribus partibus in superiores
exhalantes; quarum quàmplurimis Musæum CALCEOLARIUM
exornatur. Alij enim sunt vomeris effigie, marmorea sub-
stantia, durissimaque compacti, cuius totum corpus roseo
veluti colore obtectum est, magnitudine qui octo digitos
non excedunt. Quidam atrouirescentes conspiciuntur,
strijs, & lineis carentijs figura oblonga ita terminata est,
vt Cunei formam effingant. Nonnulli ex toto nigricant,
alij album colorem representant; qui tamen omnes Cunei
forma ab ampla basi veluti in cuspidem desinunt. visuntur
& alij quamplurimi, quibus variæ formæ, & varij colore
sic opifice natura agente, insunt. Referam quod ex Sota-
co in Plinio legitur. Ceraunios nempe aliquos reperiri
lapides Securibus similes, vt his liceat expugnare Vrbes, &
Classes, vocarique Betulos, & qui longi sunt, Ceraunios.
Quorum

Lib. 37. 6. 9

Lib. 37. c. 2

Lib. 16. orig.
cap. 13.Geograph.
lib. 3.Mem. cap.
29.

Loc. cit.

Loc. cit.

Quorum lapidum durities, & magnitudo nobis in mentem reuocauit, quæ aliâs apud Ouetanum in sua historia legimus. In quadam scilicet Orbis noui regione reperiri lapides tanta acie præditos, vt ferro æquentur; & qui Securis, gladiatorum, ac reliquorum fabrilium instrumentorum, quæ apud nos ferro conficiuntur, ministerium præbeant: vi aciei quorum excauant ingentes arbores, donec nauigij officium præstent. Sed ad lapidem Ceraunium rursus. Is contra vim fulgurum opitulari creditur, vt dicit Isidorus; quo loci etiam duo Cerauniorum esse genera constituere videtur. Vnum, quod Carmania regio Orientalis præpedit Indiam, & Mare Rubrum, (vt ex Strabone habetur) mittit, Crystallo simile, splendet tamen cæruleo colore; & si sub dio positum fuerit, fulgorem rapit syderum. Alterum Hispania in Lusitanis littoribus gignit; cui color Pyropo rubenti, & qualitas, vt igni, est. Id omne ex Solino translatus videtur. qui pariter Cerauniorum diuersa genera faciens. Subdit. *Germanicum candidum est, splendet tamen cæruleo, & si sub dio habeas, fulgorem rapit syderum.* & capite trigesimo secundo. *Lusitanum littus, (inquit) pollet Ceraunio plurimum, quod etiam Indicis præfertur: Huius Ceraunij color est è Pyropo, qualitas igni probatur, quem si sine sui detrimento perferat, aduersus vim fulgurum creditur opitulari.* An verò duo hæc Cerauniorum genera, quæ sub gemmarum splendentium classe, & quæ fulgorem syderum rapiunt, ab ijs auctoribus, & à Plinio quoque, collocantur, ad cuneum illud fulmineum è cælo cadens, referri possint: quæuis in re dubia hæsitet animus, nihilominus eorumdem verba perscrutando, cum dicant, Ceraunia in India, & Hispania gigni, non autem è cælo in terram cadere, & in locis fulmine ictis reperiri; credendum potius est, ad Astrium, Asteriamvè, gemmeos lapides, illa reducenda esse: quos & à Plinio in India, & in Pallenes littoribus nasci, traditur: & sub nomine Ceraunij describuntur, his verbis. *Est & inter candidas, & quæ Ceraunia vocatur, fulgorem syderum rapiens. Ipsa crySTALLINA, splendoris cærulei. In Germania nascens, album*

albam esse Zenothemis fatetur, sed habere intus Stellam concurrantem fortè coruscantem. Qui verò Ceraunij lapides nigri, & rubentes sunt, vt hi, quos paulò ante delineauimus, cum fulmine è cœlo, cadere non est ambigendum: de quorum generationis loco, ratione etymologica nominis, & proprietate, hæc habet Marbodeus.

Ventorum rabie cum turbidus æstuat aër,
Cum tonat horrendum, cum fulminat igneus æther,

Nubibus illis cœlo cadit iste lapillus,
Euius apud Græcos extat de fulmine nomen.

Illis quippe locis quos constat fulmine tactos

Iste lapis tantum reperiri posse putatur.

Vnde Cerauneos est Græco nomine dictus.

Nam quod nos fulmen Græci dixere Ceraunum.

Qui caste gerunt hunc, à fulmine non ferietur,

Sed neque nauigio per flumina vel mare vectus.

Turbine mergetur, nec fulmine percutietur.

Ad causas etiam, vincendaque prælia prodest,

Et dulces somnos, & dulcia somnia præstat.

Illud tandem pro Coronide huius tractationis superaddere videtur. Fulmen mundanæ calamitatis typum gerere: quemadmodum enim fulmen quicquid inuenit in terra, ferit, præter Laurum, vt refert Plinius, sic humana calamitas omnia auferre potest, ac euertere, præter virtutem. Est quippe constans, virtus pulchra laurus, semper virens, nullo igne è nubibus erumpente, nullo tormentorum impetu, & ærumnarum exusta, aut labefactata.

Ad BELEMNITAS, & telum fulmineum, cum Glossopetræ figura ita assimilantur, vt in eodem genere dici possint, ne ordinem peruertere videamur, de ijs pariter nonnulla prælibabimus. Quid sint, habeas. Etsi Plinius Glossopetras linguæ humanæ similes faciat; attamen ex aliorum opinione non in terra nasci, sed deficiente Luna Cœlo decidere illas scribit, & lenocinanti necessaria credatur; subiungatque: quod ne credamus, promissi quoque varietas facit. ventos enim eis comprimi narrant. Nihil ominus lapides

R r

sunt

Dactyloth.
cap. 22.

Mistied quid
Fulmen.

Lib. 2. c. 55

Lib. 37. c. 10

sunt non in media aëris regione, vt telum fulmineum, conglobati; sed saxi, & rupibus adhærentes, vt plurimum, etiam in terra cœmentosa nascentes. Et cum ex his, singuli aut linguam humanam, aut alterius animalis linguam figura exprimant, causam nominis inde traxerunt. ^{plætia} enim lingua Græcis dicitur: vnde aglotron, loqui non valentem, veluti elinguem dices, & cum epyglottis, & Polluce, simplicis voce sit organum, lingua autem articulata, si quis linguam habens, nec loquatur, epyglottidis vitrò id euenire putatur. Cardanus huiusce lapides Glottidas vocat, Et ex Germanis nonnulli, referente Agricola, Natrixis linguam nuncupant; Serpentis illius nimirū, qui nando, in aqua quoque venenum spargit, vnde Lucanus.

Lib. 7. de lapidib.

Lib. 6. de nat. foss.

Lib. 9.

Lib. 4. de aquatilib.

Et Natrix violator aquæ.

Sub qua significatione ea præcipuè videtur recipienda Glossopetræ species, quæ nigricat, & linguæ Pici potius, quàm humanæ, similis est. Gesnerus in fine capitis de Canibus Carcharia. Glossopetras ab aliquibus, (quos tamen redarguere videtur) mulierum illarum dentes, quæ Stygum intrar infantium sanguinem sugunt, & Lamie dicuntur, nuncupari hisce verbis refert. Genus quoddam linguarum, (inquit, cum lapidum dicere debuisset linguas referentium figura) in Melite Insula reperitur: quas aliqui Lamiarum dentes vocant, quod mihi verissimile non fit: alij Serpentium linguas, quod magis probo. Inter saxa, & rupes adhærent, tanquàm aduata, aut glaciei congelantis vinculo astrictæ. Superficies earum pulchre polita est, ambitu denticulato, tam scitè, vt vix aliquis artifex emularetur. Commendantur aduersus venenum maxime, vnde etiam conijcio has esse serpentium linguas. Hæc ex Gesnero. Sunt & qui credant veneno præsentem hosce lapides in mensa sudare, quod tamen læuitati potius, quàm alicui specificæ qualitati lapidi existenti attribuendum videtur; cum non desint, & quamplurimi alij lapides, qui & læues, & præduri facillimè ad vaporem sudant. Inter Glossopetras Calceolarias, quæ colore, magnitudine, & figura differunt, extant magnæ, roseo ferè colore, & splendide albican-

albicantes, superficie pulchra, & concinna, vtrinque adeò perbellè ferratæ, vt naturam artem superasse, dices: conspiciuntur & aliæ magnæ, non splendentes, non denticulatæ, sed aculeatæ potius, in quarum extrema parte latiore, veluti quicquam spongiosum, & illud arenosum residere videtur. Aliæ in candido rubent: aliæ satis lucidæ nigricant, quæ non dentatis, aut ferratis marginibus, Pici, Garrulivæ Avis linguæ similes sunt. Quædam Merulæ Avis rostri partem superiorem forma representant. Singuli hi lapides non è Cælo delapsi, sed varijs in locis Agri nostri Veronensis inter rupes, & terram cæmentosam, sic ludente natura, reperiri solent.

Ne verò à lapidibus illis recensendis destitisse videamur, qui in marmoribus, & saxis fiunt, nec non extra eorumdem commissuras ab aquæ impetus persæpe protruduntur. Lapis ille delineabitur, qui in superficie cinereus, intima verò parte candidi est coloris: quod in maculoso domicilio, aut eius, quod in candido cinereum est, oritur: sic est à natura confectus, vt illud instrumenti genus, quo lulant pueri, & in gyrum circumuoluitur, imitari videatur. Trochum nempe à rotunditate dictum. Τρόχον enim curro significat, & τροχός rotam: ab ampla namque satis basi certis lineis, sine radijs, medium pariter lapidis cum læuore discurrentibus, & ita eminentibus, vt striatus appareat, vsque in turbinem instar instrumenti illius puerilis desinit hic lapis; vt non immeritò Trochitis nomen aptari ei potest. quam sanè configurationem, natura loci, vbi nascitur, res efficiens, calor nimirum subterraneus, & materia lapidi huic efformando disposita, quæque partem causæ sibi vendicat, imprimunt, & distribuunt. Quod idem quamplurimis alijs in lapidibus cernere est. alij enim ob materiæ varietatem figuris differunt. quidam veluti fœtu grauidi visuntur. dantur & alij, qui cotti attriti succum reddunt. Cæterum ob cognationem, quam cum lapide Iudaico Trochites habet, nedum siue in longum, latumvè, aut obliquum fractus, vt ille, leuis est, & nitet, sed & eisdemmet viribus

pollere creditur.

*Lib. 5. de
nat. foss.*

TROCHITI lapidi in ordine subsistit lapis fossilis cinerei coloris, qui ab Agricola Entrochios dicitur. Ex multis namque Trochitis inuicem coniunctis constat; & separatim rotarum effigiem repræsentat. Suos hic habet natales, ut ille, in commissuris marmoris in cinereo candidi, aut in terra glutinosa.

Euosteus.

Qui autem Euosteum lapidem, qui fractus ossis speciem repræsentat, videre cupit: **CALCEOLARIUM** consulat. ibi etiam lapides aliquot coloris candidi, ut in terra argillosa reperiuntur, ac illos solidos, & in duricie asperiusculos, attender. quos verò, sed fistulosos, color luteus complet, ex agro nostro Veronensi effossos, scias.

Osteocolus.

Osteocollos Chirurghi Germanorum ab effectu nominant: quod ijs in puluerem redactis, & intra corpus assumptis, aut in emplastra additis, cum ossa, infantium præsertim, mirifice ferruminandi inesse affirmant. Contemplari pariter dabitur lapides quosdam candidos, satis politos, qui testium humanorum non ab inuicem separatorum formam circumferentiâ rotundâ

Euorehis.

Lib. 37. c. 10

exprimunt. **Euorchim** Plinij dices.

Et quemadmodum natura animatis corporibus, quæ tamen monstruosa non sint, propria membra gressui, propagationis, ac alijs vñibus inseruientia, summa benignitate constituit: ita & in inanimatis corporibus suas propagare vires ex innumerabili lapidum collectione, qui diuersas rerum imagines exprimunt, quamfacillimè dignosci potest. Et ne circa Venerem pariter diminuta videatur. Lapidem proposuimus, qui humanorum testium effigiem referunt: non subtrahimus etiam, in Musæo nostro lapidem quemdam seruari, prædurum valdè, in candido fuscum, & ad ripas Benaci Lacus, districtus Veronensis casu repertum.

20c. eit.

Qui ita perbellè pudendorum humanorum, cum sua mentula, & testibus figuram reddit, ut concubitus Veneris aptum dixeris, nisi lapis esset: quem si Diphram Plinij nuncupaueris, nomen formæ institues, & hortorum custodem facies. Scimus, in Galliæ Narbonensis agro quodam, ac si lo-

si locus ille à natura specialiter sit ad hoc destinatus, lapides hac forma priapea constructos è terra, pleniore copia pululare. Solum à pudicis mulieribus despiciendum: ne, libidine excitata, ad peccata perpetranda, à Diabolo latentè obrepente, in animarum perniciem pronæ reddantur. Quibus utcumque explicatis, superest, vt tacitæ obiectioni in calce huius tractationis occurramus. Suscitabit enim ingeniosus quispiam, vndè nam huiusmodi lapides exprimant tot diuersas formas membrorum corporis humani? cui responderi poterit, humoris percolatione id fieri: Siquidem ex doctrina Philosophi in libris Meteor. quattuor modis de aquis fiunt lapides. *Unus est (Aristoteles verba sunt) quando cangelatur guttatim cadens aqua. Alius, quando de aqua currente descendit quiddam residens in superficie fundi ipsius, fitque lapis; sunt etiam certa loca, super quæ aqua effusa vertuntur in lapides diuersorum colorum: Sunt etiam aquæ, quæ seorsum acceptæ, non gelantur, sed si propè alneum succum fundentur, congelentur, fiuntque lapides.* Hæc Philosophus. Propterea huiusmodi lapides humoris percolatione ita fiunt, vt reddant membrorum humanorum, & aliarum rerum formas.

AMMONII lapides, cute aurea præcipuè qui sunt obtekti, inter sacratissimas Æthiopix gemmas ab auctore illo, qui de naturali historia scripsit, connumerati (qua autem ratione gemmas vocet, non satis notum, cum potiùs lapideum quid sint: nisi fortè ad eorundem perspicuitatem alludere voluerit. aut quia veluti gemmæ quædam in cultu haberentur: cum gestanti occulta ostendere, & futura per somnum iudicare supersticiosa, & profana illa gens crediderit. Hi sanè in colore sunt varij; qui enim calcis naturam participant, cum ex humore satis viuïdo, & tenaci terræ permisto temporis tractu in duritiem lapideam deriuent, colore calci similes visuntur. Alij roseo scatent colore, quos succus quodammodo ruber imbibit: nonnulli ob humorem exustum cinericij sunt. Inter hoc genus lapidum (paucis fortè cognitum) duo apud **CALCEOLARIUM** extant, quos

Lib. 21. c. 10

Lib. 8.

Lib. 3.

Lib. 4.

Lib. 2. c. 103

quos & color metallicus aureus obtegit, veluti in terra
 aluminosa, aut atramentosa repertos; quarum terrarum vis
 est permutare ferrum in Aurichalci colorem, qui auro est
 similis; hos metallici armatura obteptos vocant, singuli ta-
 men, quoniam ita tortuosi, & inflexi sunt, vt Arietini cor-
 nu effigiem reddant, Ammonis nomen sunt sortiti: à Ioue
 Ammonio denominatione sumpta, qui cornutus finge-
 batur, & pingebatur: atque in desertis Libiæ sub Arietis forma
 (vt Pausaniæ placet) colebatur: cuius appellationis ratio
 hæc traditur. Cum Liber Pater, Asia iam deuicta, per
 deserta illa exercitum duceret, siti que admodum laboraret,
 implorato à Patre auxilio, illi extemplo Aries apparuit;
 quem fugientem dùm persequitur, illo duce ad fontem
 amœnissimum peruenit: vnde siti extincta, & voti compos-
 factus, cum existimasset Arietem illum Iouem fuisse, tem-
 plum miræ magnitudinis, & Deo Ammonio dicauit, hoc
 est Ioui arenario, ab arena sic dicto, quam Græci ἀμμων
 cant: quia scilicet locus ille, vbi sub Arietis forma inculta
 habebatur, vndique desertus, aridus, & arenis coopertus
 esset; De quo quidem fonte, ab re non erit, recensere ea,
 quæ ab Historicis non sine stupore traduntur; potissimum
 verò ab Arriano, & Q. Curtio in vita Magni Alexandri.
 Scribunt enim, huiusmodi fontem ex nemore oriri, nulla
 in re ceteris fontibus, qui ex terra existunt, similem. nam
 meridie aqua frigida est, si quis eam gustauerit, & multò
 magis, si quis attigerit, ita vt frigidior esse non possit: in-
 clinante autem in Vesperam Sole, calefcit, à Vespera por-
 rò calidior fit in horas vsque ad mediam noctem, quo tem-
 pore calidissima est: à media nocte autem sensim refrige-
 scit magis ac magis, & manè iam frigida est, meridie por-
 ro frigidissima. de hoc eodem fonte sic Plinius. *Iouis Am-
 monis fons interdum frigidus, noctibus feruet.* Quo loci etià fon-
 tium plurium miras naturas connumerat.

Ex Ammonijs lapidibus, iam est dictum, reperiri nonnullos,
 qui veluti quadam armatura in colore aureo simili induun-
 tur. dari & alios lapides, qui & si figura Arietino corru-
 non

non assimilentur, huiusmodi tamen tunica naturæ ope vestiri, non est, ut quis ambigat. Hoc præ cæteris lapis ille denotare potest, qui & in Musæo nostro adseruatus à Græcis *πρῶτος* dicitur, à voce *πρῶτος*, qua habitus armorum, vel arma ipsa significantur. Qui enim lapidem hunc intimius perscrutabitur, totum eius corpus, magis autem ac magis superficiem, ferri politi modò nitere videbit (reperiuntur tamen & alij huius generis lapides, qui æris similitudinem gerunt) neutiquam verò est asserendum, duo hæc metalla, æs scilicet, & ferrum in lapideo hoc corpore formando, ad perfectam eorumdem concoctionem, & formam deuenisse, ita ut corpora metallica perfecta dici possint; quinimmo statuendum, à ferri, & æris natura adeò recedere, ut ne tantillum quidem horum ex eo confici possit: verum sit quoddam veluti rudimentum naturæ, ea metalla facere discendis: ita ut, & si lapis hic ortus principia à parente ferro, aut ære traxisse videatur, nihilominus imperfectus, ac informis conceptus, caloris subterranei vitio, vel ob materiæ impuritatem in terræ matris vtero architectatus, quàm secus, nuncupari possit: non aliter ac videmus, ob caloris natiui debilitatem, aut ratione seminis pauci, & morbofi (ut ex Philosopho habetur) inualida existente facultate formatrice, quod in semine est, & natiuo calore, & spiritu tamquam instrumentis vitur, in vtero muliebri quoddam veluti frustum carnis rude, & informe generari (*μῆλον* Græci vocant) quod neque formam hominis, neque animantis alicuius speciei producere potest. Nec præ raritate subticendus videtur lapis ille pariter in Musæo nostro, ut quid singulare, reconditus, qui ex materia nitrosa calore subterraneo, ut opifice agente in substantiam præduram cineream & compactus. Cuius totum corpus luciditatis haud immune arenis, veluti piscium ouis minoribus, figura, & magnitudine simillimis miro naturæ artificio ordinatim constructum cernitur. Hammitem Plinius ouis piscium non dissimilem faciens, nuncupat. Et quoniam semina quoque papaueris exprimere arenulæ hæc videntur,

Lib. 4. de
Gen. anim.
cap. 7.

Loc. cit.

Lib. 4. c. 60.
Lib. 20. c. 18

Cenchritis
lib. 37. c. 11.

tur, ab eodem paulò inferius Meconites vocatur: à nomine Græco *μῆκων*, quod papauer est: & illud nomen à *μῆκων*, idest à non operando; quoniam vincti papauero sapore sensus, stupefactaque membra, nihil queant agere. Et Meconion ex Dioscoride, & Plinio succus ille dicitur, qui ex decocto capitum papaueris vnà cum folijs, aut ex iisdem tritis, & prælo expressis excipitur: ad differentiam liquoris illius, qui ex vtroque papauere, albo, & nigro, non decoctis, sed sponte, aut caulibus incisis, instar lactis, lacrymæ colligitur, & quem Græci *κατεχόνη ὀπὸν*, & *ὀπὸν* vocant. Latini Opium. cuius etiam colligendi ratio à Dioscoride loco citato traditur. ad quem Lectorem relegamus, ne extra chorum saltare videamur. De quo quidem præ narrato lapide, hoc vnum ex mente quorundam habeatur: illum nephritici lapidis more, ea parte brachij alligatum, qua dolor infestat, summopere conferre ad dolores nephriticos compescendos, & ad renum calculos tùm comminutendos, tùm expellendos. An verò Cenchritis Plinij, quem lapidem Milij granis veluti sparsis esse scribit, dici hic lapis possit, vt plerique autumant, dijudicent, qui res naturales tractant. Et si enim Milij, & Papaueris seminibus eadem ferè tùm magnitudo, tùm forma videatur esse. Hoc vnum tamen scimus. Cenchritem lapidem non ab Ouis piscium, aut seminibus papaueris, vt Hammites, & Mecentres, sed à voce Græca *κένχρις*, quæ milium significat, propriè denominari. Et apud nos est lapis subrotundus, qui vndeque areulis est conspersus, granis Milij, quæ ad maturitatem peruenerint, in colore flauo, magnitudine, & forma similibus, hunc si Cenchritem nominabis cum Plinio, Plinius eris, nec malè nuncupatum esse iudicari poterit.



Opportunè satis actum existimamus, si modò præsens tabella hoc loci exponetur; quò scilicet legentium animi, si fortè in lapidibus hisce nostris reuoluendis plus nimio defatigati essent, ex illius intuitu recreari possint; & ad lapideum hunc nostrum apparatus prosequendum, ac eundem degustandum magis ac magis excitentur. Quicquid in ea manu peritissimi artificis conterranei nostri cœlatum visitur, lapis est ex penu CALCEOLARIO extractus, valdè elegans, non sanè pretiosus, vt gemmam dixeris, sed qui illud instrumenti genus, quod quid abscinditur, exenteraturve, Cultrum nimirum (*μάχαιρα* Græcis dicitur) non sine aspicientium mira iucunditate exprimit: quoquo enim dirigantur, varijs rerum imaginibus perpulchrè admodum à natura exornatus est; & adprime compactus in egregiam cultri formam, capulo insigni nihil vt deesse videatur: ferro, manubrio artificem superante natura in petræ opificio: an verò repertorem, iuxta illud Plutarchi, in furorem duxerit, ignotum. Qui libro de fluuijs in Berecyntho, seu ex alijs Cybele monte Phrygiæ, lapidem reperiri scribit, cultrum, vel gladium dictum, ferro similem; quem si quis inuenerit, quo tempore Priscorum ritu, Matri Deûm Cybelæ, vel Berecintiæ, sic ab illo monte dictæ, mysteria peragebatur, in furorem hic ducebatur.

Præ Lapidum varietate, elegantia, ac eorumdem venustate, quantum natura promerent, demonstrare hucusque à nobis est elaboratum; quò verò eiusdem admiranda opera magis innotescant, haud grauabimur cœterorum lapidum varietatem describere, quorum scelestissimam seriem Calceolarij indefessus labor in vnum collegit. Placet autem de lapide illo primum aliquid dicere, cui Græcum vocabulum *αἰτῆς*, quod Aquilam significat, nomen fecit (vnde vulgò Aquilina) aut quia attestante Plinio, Aetites ille, qui colore est albo, & quem inter gemmas enumerat, colori Aquilæ caudicante cauda non sit dissimilis; vel quia huius Auis industria causam nominis illi dederit: quæ, vt fertur, aliundè transportatos Aetites in nidum reponit; de quo qui-

Lib. 37. c. 18

quidem lapide agens loco citato idem auctor, ex argumen-
to nominis magnam famam habere scribit, reperiri que in
nidis Aquilarum. Et alibi sex genera Aquilarum descri-
bens. *Tribus primis* (inquit hoc est Melanaëto, Pygargo,
Morphno) & *quinto* (hoc est Gnesio) *inædificatur nido la-
pis Aetites, quem aliqui dixerunt Gagatem* (quàm insulsè hoc,
dicant, qui naturalia perscrutantur) *ad multa remedia uti-
lis, nihil igne deperdens, &c.* Hic fortè erit lapis ille, ut in
Aquilæ nido inuentus, & ob singularem ad partum promo-
uendum facultatem, à nobilissimis fœminis adeò expeti-
tus, ut maximo etiam precio ematur. Cur autem hæc A-
uium Regina, quasi de industria lapidem hunc in proprium
nidum collocatum seruet, varij varia sunt commentati.
Ælianus in libris de Animalibus, Aquilam in nidum lapi-
dem recondere notat, tamquàm amuletum aduersus fasci-
nationes. Horus auctor non spernendus. è mari, vel ter-
ra sublatum lapidem in nido collocare scribit, ut pro li-
bramento inseruiens, nidum stabiliorem, & tutiorem, ac è
quauis aëris, & ventorum iniuria immunem seruet: non se-
cus ac pro firmandis nauibus, antequam anchoræ vsus in-
notesceret, saxa id opis contulisse, Appollonico Argonauta
inuentore, legitur: ut non inconcinne Sacerdotes illi Æ-
gyptij, sub hoc Symbolo hominem significauerint, qui in
rebus domesticis, aut publicis tractandis, non Vespertilio-
num volatibus similis, qui nunquam in directum, sed tor-
tuoso, & incerto maximè volatu huc illuc temerè perer-
rant, ac circumuagantur. Sed in propria perseverantiæ
fede, veluti stabilitatis nido, firmiter permanens, incon-
cussa virtute, contra omnes incursus, atque impetus obla-
trantium fluctuum, & serpentium venenosissimas morsiones,
veluti petraë obiacentis fortitudine, & mole, in firma, sta-
bili que mentis sede quiescens, obsistit, multumque salis ha-
bere cuius rei ipsa demonstrat. Alij ut viuificentur oua,
& ad exactam pullorum formationem hunc lapidem præsto
esse, attestantur. Quidam & partum promouere dicunt,
aliàs absque eo parere minimè posse referunt. Ex quo

Lib. 10. c. 3

*Allegorice
quid Saxum
in nido po-
nere.*

Lib. 2. Vitri
Apollonij,

Lib. 2. Vitr.
2. cap. 6.

Lib. 36. c. 18

Philostratus. *Aues* (inquit) *quis non videat pullorum cau-
sa multa facientes, veluti Aquilas, & Ciconias, quæ nunquam
nidos struunt, quin lapides illis imponant: hæc quidem à se Aquil-
linum vocatum, illa verò Lychmitum appellatum: ideo quod fa-
cem adhibent, ut oua sætum producant, & Serpentes nidos non
appropinquent.* Magnus ille Albertus (quod vt magis pro-
babile nobis arridet) lapides hos nido adhiberi scribit, vt
ouis Aquilinis, quæ nimium feruent, & præcalido Aquilæ
ventri, temperiem inducant, alioquin caloris intemperie,
oua cubanda percoqueret. vnde Lucianus.

Fæta tepescunt sub alite saxa.

AETITES sonitu dignoscitur, est enim in eius medullio
cauitas, in qua veluti in vtero alium lapillum conceptum,
sonitu manifestè quassatus prodit. Quemadmodum autem
in vesicæ lapidibus incrustationes alias super alias per ad-
ditamenta, atque accrementa fieri patet: ita circa lapillum
illum iam confectum offundit sese materia, ab illo separata
papillatim concrescens, quæ postea indurata lapidem facit
Aetitem, vteri prægnantis speciem præbentem: at nunquā
peperisse compertum, & fides sit penes Theophrastum, &
Mutianum, qui, Plinio attestante, tradunt, aliquos esse la-
pides, qui ex se pariant. Et quod de Adamantibus scri-
bitur: quos in montibus, ac cautibus quibusdam iuxta Bri-
stoliam in Anglia oua sua parere, & fertiles esse, à nonnul-
lis auctoribus refertur, fabulosum meritò censendum est:
qua enim ratione in durissimis lapidibus, vt Adamas est,
humor manare possit, qui in lapidem durescat, dicant, qui
figmenta hæc, vt vera, scriptis mandarunt.

Plinius Aetitarum genera quattuor constituit: Africanum
scilicet, pusillum, ac molle, intra se, velut in aluo habens
argillam suauem, candidam, ipsum friabile, quod fœmi-
nei sexus putant: Arabicum (& hoc marem) durum, gal-
læ simile, aut subtilum, in aluo habens durum lapidem.
Tertium, quod Cyprium nominat, colore in Aphrica na-
scenti simile, sed amplius, magisque dilatatum, tam molle,
vt etiam digitis frietur, & in cuius aluo arena, & lapilli sunt.
Quartum

Quartum Taphiusium propè Leucadem repertum, candi-
 dum, & rotundum, cui in aluo, est lapis, qui vocatur Cal-
 linus, nec quicquam tenerius. Ita & CALCULARIUS
 varias seruat Aetitarum species, ex Oriente, Germania,
 Apulia, & alibi transportatas, colore, figura, & magnitudine
 destinatas. Inter quas, vt habeas, Agrum nostrum Veronen-
 sem vti quamplurium aliorum lapidum conspicuorum, ita &
 Aetitarum feracem esse. Extant Aetites lutei coloris, figura
 satis rotunda. quorum cortex exterior scabra est, vt ex arenâ
 crassiore facta constructiue videatur. Hi sanè, quamuis præ-
 gnantes, vice lapidis argillam, vel margam friabilem bolo
 armeno haud ab similem, velut in ytero inclusam, & à toto
 corpore solutam habent, ita vt conquassata, concussa quæ-
 sonicum edat. Lapidem hos amœnissimi quidam colles subur-
 bani gignunt, qui Villulam (cui nomen Auesæ) Perillustres
 familiæ Dalbene exornant, venustamque reddunt.

AETITES lapis suas & ipse in re medica habet facultates
 exsiccat namque, quidam etiam astringunt. Dioscorides,
 & cum eo Plinius, lapidem hunc, qui præsertim alium la-
 pillum in aluo continet, grauidarum mulierum sinistro brac-
 chio alligatum, cum lubricæ sunt vuluæ, & parum tenaces,
 iisdem conferre, partumque continere dicunt: cui rei assen-
 tiri videtur Galenus libro de remedijs facile parabilibus:
 ibi enim testatur, hanc gemmam locos muliebres mundifi-
 care, qui non mundificati, nec à superflua illa humiditate,
 lubricitatis causa aliqua ex parte exsiccati, plerumque origo
 sunt abortus: qui pariter lapis femori alligatus foetum pro-
 mouere, pariundique facilitatem inducere dicitur. Necnon
 trahere ad se pactum experientia, & multorum testimonio
 notum habetur. vbi primum autem in lucem foetus perue-
 nerit, statim amouendus est lapis, alioquin hoc diutius per-
 manente, vi sua potente, quam à Venere, & Luna habere
 dicunt, matricem non sine illius excidio attrahit. Extat
 in re proposita apud Valeriolam Medicum præstantissimum,
 exemplum de muliere illa Valentia, cui ab adito partu cū
 lapis Aetites femori alligatus, præ obliuione non fuisset
 amotus,

Lib. 5. c. 118

Lib. 3. c. 14

amotus, post paucas horas in lucem prodeunte vtero, extincta est. Minor autem quæ modò Plinius Aetitem partum custodire, & contra omnes abortuum insidias pollere scribat. Serapio verò partum accelerare absolute dicat; hæc enim inter se opposita esse, manifestum est: Serapionis autem verba ita intelligenda esse dicamus: Aetitem partum accelerare, hoc est ægrè parienti coxæ alligatum, auxiliari, fœtu quidem tempestiuè, non autem ante debitum tempus in lucem prodeunte.

Sunt qui affirmant, lapidem hunc tritum, ceratuque exceptum epilepticos paroxysmos lenire: In quibus verò lapidibus Argilla inclusa reperitur, illam terræ sigillatæ facultatem obtinere asserunt; lorà namque, & aqua pentaphylli, aut acetosæ propinata pesti, febribusq; pestilentibus correptis mirificè præsto est, sudore omne malum expellendo, ac cor ipsum recreando, & à quavis malignæ in humoribus exitus qualitatis infortunio præseruando. Quæ verò à Dioscoride pro furtis deprehendendis de hoc lapide in pane exhibendo prædicantur. Etsi adagium illud sit, Aetitem cum panem illi porrigendum, in quo furti suspicio vigeat: nihilominus singula hæc, & alia multa, quæ carminibus hisce à Marbodeo de huius lapidis viribus celebrantur, & naturæ limites egredientia, ad curiosorum mentes relegamus; penè quos fides esto: nos potius, ut quid supersticiosum, & à pio Christiano omninò alienum, respuentes. Marbodei carmina hæc sunt.

*Inter præcipuos lapides numeratur Aethites,
Quem petit extremis orbis Iouis ales ab oris,
Custodem vidi, defensoremque futurum,
Quo valeat pullis dubios auertere casus.
Continet hic alium prægnantis more lapillum,
Credetur ergo potens prægnantibus auxiliari,
Ne vel abortiuum faciant, parturè laborent.
Appensus lauo solito de more lacerto.
Confert præterea gestanti sobrietatem.
Augēt diuitias, & amari cogit habentem,*

Vilfr.

Victoremque facit, populi que fauoribus ornat,
 Incolumes pueros dat viuere sine puellas,
 Atque caducorum fertur prohibere ruinas;
 Si quis suspectus tibi sit de fraude veneni,
 Tuque probare velis sua num sit iniqua voluntas,
 Participem mensa quem ferucidas adhibeto,
 Pulmento posito cui sit subuersus athites,
 Si frans corde subest, tentans glutire nequibit,
 Si tuleris lapidem cupide gustata curabit.
 Puniceum lapis hic memoratur habere colorem:
 Oceanique latens in litoribus reperitur,
 Aut Aquila nidis, aut Persarum regione,
 Quem gemini Pollux, Castor que tulisse feruntur.

Ex Aetitarum stirpe, vt ex eadem materia in natalibus con-
 stans, est lapis ille, qui ex argumento à Græcis λίθος γαώδης,
 & à Latinis propriè, nec ineptè Geodes appellatur; quia,
 scilicet ad illius differentiam vice lapidis terram, vel are-
 nam non sonantem in caua eius parte contineat: & si detur
 & Geodes, qui non terram, sed arenam induratum sonan-
 tem in se habeat, hic tamen Aetitis nomen non meretur,
 sed Geodis. Inter hos lapides apud CALCEOLARIUM re-
 periuntur, qui in colore ferrugineo, orbicularis figuræ, sed
 depressæ sunt, terram flauam intra se velut in aluo quodam
 includentes. Alij verò candidi sunt ex Argilla condensa-
 ta constantes propè Aretium in collibus sabulosis, & argil-
 losi reperti: ijs figura est oblonga, vtrinque acuminata,
 quos si frangas ex eadem materia argillosa friabili, sed per-
 crustas, non secus ac lapis Bezuar aggregata coaluisse de-
 prehendes. Dicamus etiam, lapidem illum, quem proxi-
 mè in suburbano Perillustris familiæ Dalbene numerosum
 fati reperiri retulimus, & in Aetitis quædam speciem collo-
 clusam habeat, ad Geodis naturam posse reduci; vt & Aeti-
 tis species ex Plinio in Africa nascens, Geodes & hic non
 ab re dici potest, cum Argilla quædam videatur lapidosa.
 Referam in Musæo nostro esse Geodes lapides rubiginis
 colore

colore, quos à Cl. Viro, & Medico præstantissimo Iohanne Oberdonffero Ratisbona aliquot abhinc annis accepi, pugno maiores, & rotunditatis adedò absolutæ, vt Bombardis explodendis vsui esse possent,

Lib. 5. f. 126 Dioscorides de Geode lapide mentionem faciens vim astringendi, & siccandi ei tribuit: quæ obscurant oculos vt caligines, & id genus alia, discutiendo purgare, & cum aqua illitum inflammationes mammarum, & testium sedare scribit: hoc idem astruit Galenus libro nono de simplicium medicam. facultatibus. An verò lapis hic eadem polleat facultate in conceptu custodiendo, & partu accelerando, vt Aetiti attribuitur, vt nonnullis affirmare placuit: fortasse quia ijsdem constent natalibus, in terra glutinosa plurimum in commissuris marmorum, aut saxorum acquiritis: attestentur si qui sunt, qui rem hanc fuerint experti; & si enim vnicuique speciei suum dicatur esse astrum: attamen apud probatissimos auctores de lapidum virtutibus diffusè, & doctè tractantes, nondum peculiarem hanc Geodi attributam potentiam legisse meminimus.

Inter Aetites, & Geodes lapides non sine causa possunt connumerari lapides quidam in districtu nostro Veronensi reperti, & ad manus CALCEOLARIAS peruenti: in horum enim vno, qui paruus, & modicus rotunditatis est absolutæ, & in candore leuis, & si lapis, aut Argilla, arenæ in eius cavitare inclusa non sit: nihilominus quasi foetu cum videatur prægnans, intus succus teneris, vel aqua, non secus ac in ouis liquor, ad motum fluctuare perferuntur; vt Enhydron Plinij esse fatearis, & non nisi contento ab Aetite differre dices: quemadmodum enim in Aetite lapide ne ab Agricolaë verbis discedamus, & ob materiæ varietatem, aut quia eadem magna ex parte ad figuram globosam, vel quàm proximam, accedat, alius perferuntur lapis, quoniam materiæ pars interior ab exteriori, aut calore coacta

Lib. 37. f. 11

*Lib. 4. de
ort. & caus.
subt.*

coacta mox diuiditur, aut aliquo post temporis spacio discedit, abique ipsa pars interior in lapidem, non secus ac arefactæ auellanae nucleus à putamine discedit, & à cavitae nucis diuisus, separatusque cernitur, & conquassatus dignoscitur: ita in Enhydro lapide, cum portio succi tenuis, & aquei in eius ortu concurrat, nec possit hic aut à calore dissipari, vel absumi, nec à frigore condensari, in cavitae permanens ad motum fluctuat: vnde Isidorus lapidem hunc ab aqua vocatum scribit, exudat enim adeò aquam, (inquit ille) vt in eo clausam putes fontis scaturiginem. quod tamen à Solino ad verbum translatum videtur. cuius sanè lapidis naturam perbellè satis expressit Marbodeus, inquiens.

Orig. lib. 16.
cap. 13.

Memor. cap.
38.

Cap. 27.

Perpetuis fluctus lacrimis distillat Enhydros,

Qui velut è pleni fontis scaturigine manant,

Cuius natura graue sit deprendere causam,

Nam si decurrit lapidis substantia, quare?

Non minor afficitur, vel non omnino liquefit?

Sin res exterior descendat ad interiora

Vt semper refluat, cur se non impedit ipsum?

Scilicet ingrediens contrarius egrediente.

BARTHOLOMAEVS Anglicus Vir doctissimus dum studet suis in scriptis causam inquirere, quia scilicet si gutta defluit de lapidis substantia quare non minor efficiatur, vel omnino liquecat, si verò ros, vel aliud ingreditur, quid est, quod ingrediens non repellat egredientem? asserit, esse posse, quod virtus lapidis condenseret in aquam, aërem sibi vicinius propinquantem, vt iam videatur exire de substantia lapidis, quod egreditur de substantia aëris circumstantis. Quod etiam in alijs quibusdam lapidibus politis euenire videmus, quorum nimia frigiditas aërem tangentem lapidem, continuò in aqueam mutat substantiam.

Orig. lib. 12.
cap. 2.

Allegoricè
quid Colu-
brum in sinu
fouere.

Ex hac Enhydri Etymologia, Enhydri Bestiolam esse nuncupatam, refert Isidorus, quod in aquis versetur, & maxime in Nilo. quæ si inuenerit dormientem Crocodilum, volutata primum in lutum, intrat per os in eius ventrem, & carpens omnia interiora eius exit viua de visceribus Crocodili, ipso mortuo: vnde traxit illud Adagium.

Colubrum in sinu fouere.

De homine illo dictum, qui amore complectitur, studioque prosequitur hominem ingratum, & aliquando per occasionem nociturum: quod etiam auctor quodam antiquus Iambis hisce significauit.

*Sinu fouebat quidam agricola Viperam
Gelu rigentem, at hæc calorem vt senserat,
Ferit fouentem, moxque perimit vulnere.*

Ex quo elicitur (vt nobis quoque persæpe accidit) ingratum in hunc modum benemeritos tractare.

Alter autem lapis, qui speciem quandam Aetitis referre videtur, figura est oblonga, superficiem scabram in cinereo albicantem habet: in cuius parte caua, ac si vteri formam gerat, non sine intuentium spectaculo, vice lapidis, Argillæ, succine aquei, fluores crySTALLINI quadranguli Adamantem gemmam mucronata forma, & nitore æmulantes adherent; ex succo puro tenui, & aqueo in lapide albicante induritiem crySTALLINAM compacti. vt ventrem crySTALLINUM à Plinio descriptum esse dices.

Vt verò grati animi specimen aliquod exhibeamus, cum inciderit sermo in lapidem illum, qui succum aqueum in se natura habet: non inuitus referam, frustulum CrySTALLI, in cuius medio succi crySTALLINI guttulas innatare oculis ipsis dignoscitur, dum hæc scriberem, dono non vulgari nos accepisse à GABRIELE BERTAZOLIO, Viro ob indicibilem ingenij in rebus varijs architectandis, eisdemque admirandis perspicacitatem, magnopere suspiciendo: atque ob ingenij præstantiam Serenissimo FERDINANDO CONSAGAS hominum virtute clarorum Mæcenati Magno apprimere caro.

De

DE OSTRACITE lapide, qualem in Musæo se gerat, hoc scias: ut legitimum, nec adulteratum, iuxta Lib. 5. c. 122
 Dioscoridis mentem, lapidem esse testæ similitudinem habentem: qui testa superiore ablata, in plures alios lapides intercedente semper crusta scindi potest; non autem lamina, ut quidam locum illum Dioscoridis exponunt: unde ei nomen: ὄστρεον enim Græce testa dicitur, quasi tosta, quia vas hoc figlinum ex molli creta fabrefactum torreatur, deinde coquatur: & ὄστρεον, aut ὄστρεονος illud significat, quod ex testæ est, siue quod testæ duritiem imitatur. A quo sanè lapidem differre asserimus, Ostracitis illam tertiam speciem, quæ inter gemmas à Plinio refertur, & Ostraciam. Lib. 37. c. 16
 his verbis nuncupat. *Ostracis, siue Ostracitis est testacea durior, altera Achata similis, nisi quod Achates politura pingnescit: duriori tanta inest vis, ut alia gemma eius tra-*
mentis scalpantur.
 Dioscorides Ostracite à nobis antè descripto, pumicis loco ad pilos auferendos, & cutem læuigandam antiquas illas mulieres vsas esse tradit: potum in vino dragmæ pondere menses fluere sistere; à purgatione sumptum prohibere conceptionem: & cum melle impositum mammarum inflammationes lenire; nec non vlcera illa ferpentia, quæ Græci ῥοιὴν vocant, cohibere scribit. cuius etiam lapidis facultates significauit Galenus, inquiens. Lib. 9. de
simpl. med.
facult.
Porrò Ostracitem vocatum lapidem prædicare quosdam audio, quasi desiccandi valenter facultatem obtineat temperatam ex adstriptione, & acrimonia. Velut Geodem nomine, pupillas expurgare, & vberum, testiumque phlegmonas sanare, ex aqua videlicet inunctum.
 Ne verò lucubrationes hæ nostræ, quales, quales sint in Ostracismum ab hominibus illis relegari possint, qui corrupta mente, & liuoris ebrietate agitati, nil aliud struunt, & machinantur, quàm in aliena scripta debacchari, pro viribus ingenij mei conabor, ut pœnam hanc effu-

effugientes, testæ suffragijs illis minimè sit opus: sed per ora virum animi candore, & virtute præstantium, abque canum oblatrantium morfu passim diuulguntur; qui & si vt nouæ Cicadæ, nunquam satuli in propria garrulitate videantur, nihil ominis, vbi primum oleo veritatis sunt inuncti, statim obmutescunt, nec amplius reuiuiscunt.

LAPILLI, seu aptius, crustulè lapideas, ob orbicularem formam, veluti nummos magnitudine varios, exprimentes; punctis quibusdam extuberantibus impressæ, colore ex rufuo albicante; quarum ortus non aliunde prouenire creditur, quàm ex euaporationibus subterraneis cum terra ipsa in huius superficie, siue calore, vel gelu diuidente, condensatis, & in figuram hanc peculiarem deriuantibus. Ex monte Bonino propè Suapium Oppidum conditionis Veronensis, à cuius loci Incolis ob numerosum prouentum Nummi de Bonino appellantur: qui si quando ære alieno grauentur, (vt iocosa quandoque series misceamus) dicere in vsu habent, ni nummos de Bonino suppeditem, nil aliud mihi est, quod solutum.

*Hic acerbissima morte præuentus Excellentissimus
CERVTVS (proh dolor) Musæ descriptionem
absoluere non potuit: quam absoluendi provinciam
ANDREAS CHIOCCVS ex Collegio Ve-
ronensi Medicus, & Phil. CHRISTO Auspice,
& DEIPARÆ VIRGINIS Sanctissimo
adspirante fauoris aura Anno M DC XXI.
suscepit.*

329
ANDREAS CHIOCCVS

MED. ET PHIL. VERON.

Candido Lectori S. D.



UM hucusquè scribendo peruenisset D.
BENEDICTVS CERVTVS diligens, &
enucleatus Musæi CALCEOLARII
Descriptor, eccè tibi (Lector optime) acer-
bissimo sauiantis Fortuna ictu percussus, è
vinis subreptus tam præclaro labori extre-
mam manū imponere non potuit: Sciebam

ex Publio Syro hominem vitæ comodatum, non donatum esse;
legem esse vniuersi, quæ iubet nasci, & mori; nascentes nos
mori, finemq; ab origine pendere; at virum Medicum iam
senem, nulli noxium, omnibus beneficum, vitæ, & morum mo-
deratione conspicuum, validis naturæ, & bonæ valetudinis
præsidijis satis etiam munitum, crudeli adeò Fato defungi no-
uum multis, inauditum, & miserabile visum: Ego tametsi
& familiaribus occupationibus, & assiduis medendi officiis
satis præpeditus, tum alijs iam captis lucubrationibus absoluen-
dis, & limandis, & consultationibus pro exteris agrotis scri-
bendis, qui me labor sæpenumerò vel occupatissimum necessariò
detinet, vix otium ad huiusmodi prouinciã absoluendam, &
colophonem Musæo huic amplissimo imponendum nancisci po-
teram: Sum tamen exorari facile passus, ut saltem subcisa-
rum horarum partem aliquã ipsi impartirer, tum ut FRAN-
CISCO CALCEOLARIO Iuniori mei amantissimo gra-
tificarer, tum ut inde mihi aliquod veluti honestum animi la-
xamentū compararem. Accedit, quod licet liuidorum, rudiū,
& fulguritorum ingeniorum omnia sint plena; primi tamen
V u Sub-

Subsellij scriptores candidos, & doctos facile veniam mihi da-
 tuos confidebam, si ut habet prouerbum τίτις μὲν τίτλην φασί
 μ' ἔμπροσθεν τοῦ μύρου, & ὁμοίως ὁμοίαν ἰσχυρὰν, in physica, & medica mate-
 ria describenda tantisper versarer, in qua elaboranda, & se-
 dulò peruestiganda Medici doctissimi summa cum laude insu-
 darint Dioscorides, Galenus, I.C. Scaliger, Ruellius, Gesnerus,
 Aldrouandus, Agricola, Casalpinus, alij: Hinc enim prater ince-
 nuā animi voluptatem, & maiora ad artem exercendā presidia
 mihi conciliabam, & praeclaros physicos, qui spartam, quam
 nacti erant, eximie ornarunt, mihi ad imitandum aliqua ex
 parte proponebam: Homine imperito nihil iniussus, ut ille
 ait, esse, non eram nescius, qui nisi, quod ipse facit, nihil re-
 ctum putat, sed altius defixum iam pridem id in animo habeo,
 contemptum maleuolorum contemnere, & cum Lucillio prope-
 teri; malo me à paucis sapientibus esse probatum.

Ἡ τὰ αὖτ' ἐκείνων κατὰ φύσιν ἀνάσσει.

In rebus describendis breuitati, & perspicuitati potissimum stu-
 debo, parum fructuosa, & valde fabulosa pratermittam, pro-
 batorum, & classicorum Auctorum testimonio nitar, & licet
 tanquam Thesei filium non sim CERVTI Excellentissimā
 methodum habiturus, haud valde tamen ab eius scriptionis for-
 mula recedam, quamquam illud Pindari mihi semper arris-
 ta

Εὐγενὴς δὲ τίς ἐὺδοξία μέγα βέβαιον

& alibi

ὅτι ἐν αὐτοῖς ὁδῶν καὶ ἡμετέρας καὶ αὐτῶν

quod est proprii ingenij viribus unumquemq; debere ad decus
 anniti, & aspirare.

O I T O I 2

331

DE LAPIDE NEPHRITICO JSADA
*ab Hispanis vocato, & primum breuiter de
occulta rerum proprietate.*



QCCULTAM rerum proprietatem, & facultatem maximam ingenuis, & philosophicis mentibus admirationem parere, nemo est qui ignoret, eam verò in rerum natura concedendam esse, vel lapis hic nephriticus, quem præ manibus explicandum habemus, satis declarat, quem mirabili, & stupenda ratione è vesica, & renibus arenulas eijcere depræhenderunt: illam porrò rerum abditam proprietatem Ficinus, Mæsius, Fernelius, Arabes complures Astris acceptam referunt, Iulius Alexandrinus, Montanus noster rerum temperamento, quod totam esse rei substantiam asserunt, quamuis Montani opinio non probè, & enucleatè sit ab alijs percepta. Fracastorius seminarijs, & analogijs, à quibus rerum omnium admirabiles sympathias, & antipathias ortum ducere putauit; quamquàm libello de differentijs medicamentorum à Montano nostro irrideatur doctiss. Fracastorius, quod consensus formarum, & dissensus ad absurda quædam seminaria, & Epicureorum figmenta retulerit: Ipse porrò existimat rerum formam non esse primarum qualitarum contemperantiam, sed harmonicam perfectionem, quæ ex ea contemperantia resultet, quæ etiam, Platonis in Timeo videtur fuisse sententia: Hæc harmonica proportio (subdit præclarè Montanus) est quoddam longè diuinius, & extra materiæ conditiones sese attollens, quam quis ineruditus, & philosophicis mysterijs parum exercitatus, imaginari possit: à formæ igitur admiranda potestate, non à commixtione primarum qualitarum hæc admirabiles proprietates, vt remoræ insistendis nauigijs, & torpedinis in manu piscatorum stupefacienda prodire contendit, hoc pacto arduum problema diluit, cur reperiatur medicamentum odore & sapore iucundum, quod tamen homines interimat: odorem .n. & saporem commixtionem primarum qualitarum

Vu 2 tum

tum sequi, vim interimentē formę acceptam referendam, quę corporeę qualitatis non est particeps, cum penitus sit incorporea, & diuina: hæc sanè docta est Clariss. Montani sententia. Nihilominus diuinum Fracastorij ciuis nostri ingenium in inuestiganda rerum sympathia, & antipathia collaudandum erat, nec fragmenta epicureorum appellanda, quę ipse summo studio, atque ordine inter se apta, & connexa compererat, principia nempe partim generalia partim effectibus magis propinqua, quàm quę ab alijs erant excogitata: Omnia quippe à tanto viro rationibus, & experimentis stabilita, nihil ex fortuito atomorum impetu, & concursu petita, nulla finis qui rationem boni obtinet, ratione habita, quod fuit genuinum Epicuri, & Democriti figmentum: Omnia enim in eo Fracastorij libello ex proprijs causis ostenduntur & problemata difficilia positis acutè principijs consentanea explicantur effectricis & finalis causę accurata semper excussione proposita, quę germana & vera est Aristotelis, & Peripateticorum philosophandi ratio. Vtunque res se se habeat, non est præsentis instituti de hac quæstione subtilius, & vberius agere: Si quis curiosius isthæc perquirat, Quatuor libros Io. Francisci Vlmi Medici Cl.^{mi} mihi olim summa necessitudine coniunctissimi perlegere poterit, in quibus de occultis in re medica proprietatibus tam copiosè, solidè, & eleganter disputat, vt alijs omnibus in hoc scribendi argumento palmam præripuisse videatur; Scripsit & longam disputationem Fabius Paccius Vicentinus Medicus doctissimus amicus meus, quam Commentarijs suis in Gal. Methodum Medendi adiunxit, in qua contrariam Vlmo sententiam; Montani & Alexandrini Dogina astruere visus est. Hos viros Philosophiæ, Medicinæ, & linguarum cognitione florentes, & percelebres honoris causa nominatos volui, tum vt iam defunctorum memoria mea hac qualicunq; scriptione renouetur, tum & vt eximio animi candore præstantes, & de me optime meritos aliqua præconij laude prosequer: illud etiam accedit me libris meis xxxvij. obseruationum Philosophicarum & Medicarum, & septem libris quæstionum physicarum multum ad hoc argumentum pertinentiæ exactius attigisse, & explenasse

nasse, quæ omnia Deo fauente aliquando publicam lucem videbunt, & in litteratorum manus peruenient; ad lapidem redeo.

DE LAPIDE NEPHRITICO ISADA

Ab Hispanis nuncupato.



IDEM Thaumantis filiamfuisse ingeniosè finxit erudita vetustas, hoc est Philosophiam ex admiratione progeneratam esse, quod & Aristoteles tantus Philosophus in libris rerum diuinarum scriptum reliquit, cum ergo animi causa in Museum amplissimū FRANCISCI CALCEOLARIJ diuertissem, statim in oculos mihi incurrit Lapis Nephriticus Isada ab Hispanis vocatus à Serenis. VINCENTIO Mantuæ Duce FRANCISCO CALCEOLARIO Seniori dono olim missus vnà cum alijs exoticis, & ex Oriente alio petitis rebus: Is porro lapis cui non admirationem pariat: qui duntaxat gestatus dolorem renum lenire, & calculos, arenulasque eijcere et expellere planè est deprehensus? hoc plurima experimenta confirmant & apud nos, quorum auritus, & oculatus testis esse possum, & apud Nicolaum Monardum in Medicamentorum Simpl. Historia ex nouo Orbe delatorum, qui nobilem virum sibi notum eum Brachio gestasse, & tantam arenularum copiam eijecisse testatur, vt formidans ne tanta copia eiectionis sibi noxia esset lapidem istum interdum deponat, nullumque mox calculum extrudat: sed denuò premente dolore eum gestans leuatur, aut minuitur dolor cum multa arenularum, & lapillorum eiectione. Ea etiam abdita vi est prætemperando: Ducissæ etiam cuiusdam historiam subdit Monardus, quæ ter renum dolore vexata, armillam sibi ex eo lapide confecit, quam perpetuò gestans ex illo tempore, quod de hanc causam in maximo pretio sunt huiusmodi lapides, nec tam facillè comparari possunt, vt initio euenit, teste eodem Monardo quoniam Reguli, & illarū Prouinciarum Dynastæ soli eos possi-

possideant, cum adeò admirandas facultates obtineant: Ex noua. n. Hispania deferuntur Prassio lapidi persimiles ad viridem colorem lacteo permixtum vergentes præferuntur viridiores. Adueruntur porrò, teste eodem Auctore, varijs formis effigiati, alij Piscium forma, alij auium capitibus, alij Psittacorum rostro similes, nonnulli rotundi sphaerularum modo, omnes perforati quoniam Indi appensos ad dolorem renum mirigandum, & ad calculos, & arenas deturbandas gestare soliti erant. Hunc etiam (quem in Musæo conspeximus) quadrata figura ab arte concinnatum cum eminentia quadam in altera planitie depræhendimus: Recentiores quidam Auctores Smaragdorum, & Iaspidum naturam, & formam huiusmodi lapides redolere docent, qui lapides vi refrigerante sunt præditi, quocirca & Iaspidem orientalem ad affectus renum, & arenularum mirificè conferre. Hinc non esse mirum si renes ab illo frigore roborati expeditius arenulas illas, & calculos eijciunt: Sed profectò facultas illa, & vis maior, quam ut in primas elementorum qualitates referri debeat: De posito enim lapide cessat expulsio calculorum, & arenularum: brachio appenso illico ferè succedit, & dolor renum lenitur quemadmodum & congruente interstitio ferro appposito id euestigiò à Magnete petrahitur: Hæcine sanè philosophia adulterina est Thaumatis hoc est admirationis Filia: nec elementarij, & materiarij Physici ex Alexandri Aphrodisæi schola quicquā emundæ naris viris, aut eruditis auribus dignum afferre possunt, in quo mens posse conquiescere: ista enim cum in naturæ contemplationem est definita facile caligat, & cæcutit *ὥσπερ καὶ τῶν νυκτερίδων ὀφθαλμοὶ τῶν ἡμερῶν ἐν τῷ μέσῳ ἡμέρας* ut nimirum Vespertilioes ad lucem conuersæ meridianam, ut cum Aristotele in metaphysicis loquamur. Quis non maxima admiratione afficiatur, cum Coriandri folia virentia, & flores foetidissimi odoris esse, & planè venenum intelligit, eorum semina desiccata gustu, & odore iucunda stomacho grata, & vtilia existere: Præterea in extremis occidentalis Indiæ regionibus radicem esse frequentissimam cuius succus præsentaneum est venenum, solidum eiusdem corpus vitæ humanæ salubre, ex eoque vulgò panem optimum confici: Non

Non igitur ex aliquo temperaturæ modo, aut affectu admirandas lapidis Nephritici vires proficisci putandum : Sed quoniam talis est eius forma cœlesti aliqua virtute afflata, ut Aui-cennas, & Fernelius non contemnendi Auctores censuerunt huius admirabiles effectus prodire verisimile est : Tantum admiratores sumus, aiebat Montanus noster ciuis, & cum per species varias rerum discurremus, effectus quosdam formarum obseruamus, qui humani intellectus mensuram omnino excedunt : Ab hac rerum naturalium inuestigatione absterritum Socratem aiunt hoc omne studium prætermisisse, quo incerta & nunquam perfectè explorata tradebantur, ita enim apud Platonem loquitur *ὅτι τῆς τῶν οὐρανίων ὕψους ἐπὶ σφῶν ἐτυχεῖν, ὅτι ἀπὸ τοῦ καὶ ταῦτα, ἃ πρὸ τῶν ἡμῶν ἰδύμεναι*: obsecratum quippè ab hac se contemplatione profectur, & dedidicisse isthæc omnia, quæ prius se scire existimabat. Verum si cum Hippocrate eius cœtaneo putasset sicuti in morbis nonnullis, ita in rerum naturis *θεῶν τι* diuinum quid inesse, vnde admirabiles isti effectus provenirent haud tam facilè hoc omne studium, tamque inane despexisset: cæterum isthæc semel & satis de abditis hisce proprietatibus quantum instituti nostra ratio postulat, dicta sunt. Cum hæc scripsissem incidi fortè in Scaligeri V. Cl. locum exercitationis CXXV. vbi Cardanum refellit existimantē lapides in Cancris, Testudinibus, atq; alijs huiusmodi genitos, à frigore esse concretos; prohibere in renibus lapidum generationē, genitosque dissolvere : Obijcit Scaliger eas igitur inter se coërcent vires, quæ à contrarijs profectè causis vno in subiecto à nulla natura componi queunt; renum calore, vel sublato, vel diminuto fateor amoueri causam densationis, cohesionis, duritiei, at quæ dissoluunt arenarum corpora, quæ in lapidis massam coiere neutiquā ijs inesse refrigerandi facultatem palam est, tenuium partium esse illa omnia par est, quæ subeant, induantque sese inter lapidis coagmentatas portiunculas: colligit paulò post Scaliger neminem ad renum refrigerationem Iudaicum lapidem, & eum qui in sponsia, qui que in Tauri fellis vesicella calidus est, & arabicè dicitur Harathzi exhibere : locus sanè summa notatione dignus cum recentiorum quorundam supra à nobis perstrictam de Nephritico lapide

de sententiam egregiè conuellat. Non grauabor hîc describere Epigramma nostrum extemporarium aduersus elementarios illos physicos, qui omnia quantumuis arcana primis elementorum qualitatibus metiuntur, quod mihi multis ab hinc annis excidit cum Iunior Medicus admirabilem Nephritici huius lapidis proprietatem, & effectum obseruasssem.

Si quis Alexandri terrestria dogmata iactat

Turbidus, & pecudum more tuetur humum,

Isada lapidis vires exploret, & ipsis

Ille oculis fabulum renibus ire suis

Conspiciat, sauosque simul lenire dolores

Appensum manibus, Cruribus, & Pedibus,

Concretum lapidem fundit lapis alter amicus

Humano Genere: Turba proterua fide,

Hæc olim iunior ludibundus effundebam, quorum præproperam faturam, vel ruditatem, iam Senior, me haud præstare debere, (quæ ingenuorum lectorum est humanitas) existimarim. Viri Terrici, qui res volunt, non verba, transiliant hæc amatoria, & ad serias descriptiones diuertant.

DE BEZAARTICIS LAPIDIBVS.



OST Nephriticum lapidem in Musæo Calceolarij scse obtulerunt Bezaartici sex lapides, quorum vnus magnitudine, & pulchritudine alios præcellat, quos Orientales esse omnes præter illius testimonium, signa omnia, & admiranda, quibus præcellunt, facultates experimentis comprobate, satis restabantur. Verum & vnum Bezaarticum lapidem Qui Anserini formam exprimentem contrectauimus; hunc in Brasilia elaboratum tradunt cum Resina, & fructu Crunacinæ, nec non Radicæ Drakenæ, quam lusitani herbam Contraherbam vocant: in superficie flauescit, intus cinerei est coloris, iactant etiam aduersus omnia venena febres mali moris, & pestilentes vnicum esse, & singulare remedium: aded Ars cum naturam ritè imitatur res admirabiles è suo etiam sinu proferre valet, hunc lapidem

De Beza-artico facit Qui Anserini forma.

dem sibi à Patre Soc. Iesu donatum Anno M D C. Calceolarius proficitur. Accedo ad Bezaarticos lapides naturales, qui in animalibus nascuntur, Orientales, & duos Occidentales, qui postmodum mihi fuerunt ostensi. Qui ex Orientali India aduehuntur, eodem pacto inueniuntur, & æstimantur, quo ex Occidentali India aduecti; Vt enim illi ex Peruanis, animalibus Capris similibus, quæ in Montanis locis degunt, præstantiores eximuntur, quam ex cæpestribus capris, quæ ad lanienã duntaxat asseruantur, ita Orientales hi lapides longè meliores, & probatoribus notis insigniti, qui ex animantibus in Persiæ montibus degentibus educuntur, quàm qui ex capris in planis, & campestribus Malacæ viuuntibus, quæ pariter solum ad lanienam feruantur; cum non adeò salutiferas depascantur plantas, vt quæ in Montanis degunt; quocirca & lapides non in eo pretio habentur, nec eas proferunt vires, quas Persici Orientales, & Occidentales peruani, sed Montani, obferuat porrò Nicolaus Monardus lib. de Simpl. medic. hist. cap. xxxiv. Orientales multos adulterinos aduehi, vt è centum vix denos legitimos inuenias, nam & ipsimet Indici Auctores fatentur illic multos conuari adulterinos. Monet etiam Monardus ex animalibus in planis degentibus erutos improbos esse, nec vlla medica facultate præditos: Primum illorum obseruatorem qua ratione in illis Capris gignantur, perspicere, cupientem suis ipsummet manibus earum Anatomen fecisse, mox ipsi significasse gigni in receptaculo quodam fasciæ modo confecto, & villosa carne constante duorum palmorum longitudine, & trium ferè vnciarum latitudine ipsi ventriculo parte interiore adhærente alios alijs maiores, & eo eordine dispositos, quo nodi vestem anteriori parte claudentes. Generari verò ex salutiferarum herbarum succo per ruminationem illam concreto. Andreas Cæsalpinus Vir grauissimus lib. ij. de Metallicis cap. xlvj. cuius Auctoris ingenium, & Peripateticum studium semper probaui, ex Lusitanorum qui Indiam incolunt testimonio, Capras hunc lapidem ferentes syluestres esse figura Ceruis similes tradit Cornibus Hirci. In eorum ventriculo reperiri lapides, quos Arabes extollunt aduersus

De Oriē-
tali Be-
zaartico

venena: animal in Persia, & Corasone Pazar vocant, idest, Hircum lapidem Pazar, Indi Bazar, Arabes Bezaar: quam ego I. C. Scaligero, quem virum in miraculum xui nostri natum, cum Lipsio existimo, atq; naturæ humanæ fastidium excessisse, licet rudes quidam homunciones, & Magistelli impudentissimi, vel Theatris ridiculis propositis ipsum traducere non vereantur, ò mores, ò tempora. Ipse igitur cum tanto Viro putarim, omnia Antidota vitam conseruantia, & aduersus venena vim obtinentia patria lingua, ea voce ab Arabibus nuncupata, Bezaharth enim est vitam conseruans: Hoc & Celsipinus confirmare videtur, qui omnia Antidota à tota substantia venenis aduersantia Bezaartica vocari scribit: con crescere (subdit) hunc lapidem in ventriculo propè meatum, vnde pabulum ruminatum, in alterum ventriculum transmittitur initio, iuxta paleam quandam tenuissimam ex pabulo ruminato congestam, succo ambiente in crustam friabilem transiente, superficie admodum leui, & splendida, colore herbaceo nigricante, aut pallescente, aut cinereo, figura in plerisque oblonga glandis effigie interdum alia, atq; alia forma: superuenit processu temporis alius, atq; alius succus, vnde lapidis coagmentatio fit per crustas instar cepæ: Maximi non excedunt Oui Gallinacei amplitudinem: pleriq; vt oua columbarum, & exiliores repetiuntur: quò maiores, eò valentiores existimantur, ideo in maiori pretio habentur; Persici reliquos beatitate antecellunt: Reperti postea sunt, & in India Occidentali magna copia in simili animali; sed caret cornibus, degit in locis frigidis in montibus Perù: Differunt quoq; eius lapides, nam cruste non eiusdem coloris sunt intus, & extra, vt Orientalium, sed extra quidem vt plurimùm nigrae sunt, aut fulvae, aut cinereae minùs splendidae: inest aliquando veluti aureus puluisculus splendens: intus autem omnes subcandide sunt, veluti ex fibris compositae; idcirco minùs adulterari possunt, quam Orientales. Deprehenduntur adulterati, si calefacti mollescunt, si ferro candenti perforentur, si nequaquam: Præterea adulterati si frangantur, non habent meditullio cavitatē, neq; paleam, sed aliquid aliud. Hæc verbum

De Occi-
dentali
Bezaar-
tico.

verbum Cæsalpinus, qui in describendo huiusmodi lapide mihi videtur fuisse diligentissimus, nam & quosdam fabulatos ait, lachrymam esse Ceruorum in angulis oculorum congelatā forte, quia hic lapis aliquando lachrymam præsefert tereti figura nullo intus cauo instar guttæ congelatam. Cæterum, reliqua quæ optimè is scripsit apud ipsum legantur, quæ nimirum ex Serapione, & Rhaze profert, neque enim singula, quæ apud probatos Auctores habentur, describere nostri consilij est; libros eorum indicasse contenti utiliora tantum, & magis necessaria litteris consignabimus: ad facultates lapidū transeo. Cum experimentis plurimis compertum sit, Orientales plantas gemmas, metallica longè esse præstantiora Occidentalibus: idq; oculata experientia ostendat Bezaar lapis Orientalis, quem omnium cæterorum optimum esse ex Persiæ montibus orientis tractus aduectum nemo, diffitetur; forsitan, nimio contradicendi studio transuersum actum Scaligerum, quis putarit, dum Cardano negat, Aurum, & perfectissimam quæq; in oriente inueniri: Haud ego quidem omnia crediderim, vt amplissimæ, & præclaræ inductionis Scaligeri rationē habeam, cum eam, & ad Vinum pramnum, mores, virtutes, ingenia, opificia, quæ omnia meliora in Europa, & Occidente esse contendit, traducat, verum plantas, aromata, lapides admirandæ facultatis ibi generari, quæ apud nos prouenire nequeant, vel si sata aliquo modo adulescant, imbecilla, & longè infrugifera prouenire satis compertum est; Hac de re in varijs nostris obseruationibus subtilius, & vberius aliàs disputatum: Cardanus in meliorem coctionem orientalis cœli causam refert, quodve Solis orientis radij salubriores: Cœlum quippè, & solum maximæ rerum procreandarum causæ; si ex Theophrasto *ἔτος ἔσται ὡς ἡρῶα*, tantò magis cœli tractus exorientis Solis, qui perpetuo afflatu terram afficit, & potissimum xipharmacum plantas, quarum esu capræ illæ lapidem hunc Alemaxima, & fœtidissima contradictio, vt vocat subtilis Scaliger, vt modò Cardani pro equo, & bono patronum agamus, dicere, orientem esse occidente calidiorem, & mox occidujs

radijs torridum esse aërem: nam & Galenus, tantus Phisicus, Pueros luuenibus calidiores putat caloris, scilicet primigenij substantia, & copia: Iuuenes calidiores acri, & mordaci calore: sic orientem calore vitali, & vegeto calidiorem existimant: occidentem retorrido, atque acri, qui ad res procreandas alendas augendas, præ orientis calore, neque hylum proficit. Bezaarticus igitur lapis, orientalis præcipue, secundum totam substantiam (ait Cæsalpinus) omnibus venenis aduersatur tum calidis, tum frigidis seu intus assumptis, seu ictu venenosorum animalium inflicis, tam haustus, quam gestatus, & impositus super plagas. Assumptus pondere xij. cum granorum Hordei, aut plagæ illitus liberat à morte, & expellit venenum per sudorem, quod planè ego sum expertus in nobili Moniali D. Claræ, quàm febre putrida mali moris laborantem cum Cardiacis Symptomatis, alterna nocte ab assumptione pulueris Bezaar copiosè sudantem pristinae sanitati foelicissimè restitutam memini. Subdit Cæsalpinus, confert etiam annulo, inclusus si ore exsugatur: Vlcera purulenta ex veneno puluis inspersus purgat: Razes testatur bis vidisse huius lapidis efficaciam aduersus Napelli venenum, quod est toxicum validissimum, quam nec in Theriaca, nec in alio vllò antidoto vidit: Accipit ego aliàs, duobus canibus exhibitum Arsenicum, eum solum à morte vindicatum, cui Bezaar Orientalis fuerat administratus.

Lusitani ab Indis edocti eius vsum ad alios morbos transulerunt; nam pondere trium granorum Hordei, cum aqua florum Citri, aut ea quæ ex floribus Aurantij habetur aduersus omne venenum exhibent, cū aqua verò Acetosæ ad febres pestilentes, ad animi deliquium, quod per interualla repetit, ad stomachi vexationes, vteri molestias vertigines morbum comitalem, & tandem in omnibus morbis melancholicis, veluti in scabie ferina lepra, prurigine. In Quartana cum aqua Buglossæ ieiuno ventriculo, sæpius post vniuersales purgationes propinant. Ad præseruationem ab iisdem morbis solent quinque diebus post purgationem huiusmodi lapidem sumere, quidam pondere decem granorum pro singulis vicibus, cum aqua

aqua rosacea exhibent, alij audent vsque ad triginta propinare non timentes noxam ex medicamento, cui nulla sit insignis qualitas. Verum animaduersionem utilem interijcit Cæsalpinus Medicus grauis (cum sæpè exteri Medici pro rebus nugis speciosas venditent, & tumore Hispanico venales laudent, cum volunt obtrudere, merces) scribit igitur. Sed cum metallica omnia & quæcunq; venenis aduersantur aliqua ex parte inimica sint nature humanæ, haud tutum est in magna quantitate ijs uti, vt Galenus testatur lib. v. simpl. xvij. Inquit enim, quæ deleterijs aduersantur si largius sumpta fuerint; grauius animantis corpus obledunt: Quamobrem ea moderatione quantitatis omnes id genus facultates exhibere oportet, vt neq; copia nimia corpus offendant, neq; exiguitas, sua à Deleterijs vincantur. Hæc Galenus. Idè melius quæ circa Ormuz degunt, nonnisi in exigua quantitate exhibent trium granorum pondere in morbis diuturnis quotidie pluritempore, cum vino si absit febris, cū aliqua ex prædictis aquis si ea adsit. Verum urgente qualitate venenosa: eius ampliori pondere vtendum, idq; rarius, vt vnica, vel altera vice vincatur venenum, tardare enim, & mollius agere periculosum est: Compertum porro experimentis est dentes eorū, qui hauserint nigrescere, cauere proinde cum deuorant, ne dentes medicamento attingantur, cocleari intrà fauces demisso. Hoc argumento colligit Cæsalpinus vim aliquam continere deleteriam, vt solent Alexipharmaca: Quoniam verò Bezaar Occidentalis minoris efficacis compertus est, eius augent Dosis, vsq; ad sex grana: Aduersus etiam lumbricos & tineas ventris valere sibi experimento compertum tradit Monardus cap. cit. exhibuisse enim pueris, cum herba lubricorum semine fantonici, Portulacæ, & Carlinæ, etiam cornu Cerui vsto omnibus in tenuissimum puluerem reductis. Cæterum si quis vberiore tractationem exposcit de lapidibus his Bezaarticis præter commemoratum Cæsalpinum, & Monardum, qui se de ijs peculiariter etiam libro egisse profitetur: Christophorum à Costa Aphricanum adeat Medicum, & Chirurgum ex idiomate Hispanico in Italicum conuersum, neq; .n. Nomenclatoris institutum fert,

vt vndiquaq; oīa veluti inferciantur, & *πλείω* sint *πάρρητα* τῶν ἀγνοῶν.
 Antequam tamen ab horum lapidum descriptione digrediar:
 illud primum monuerim Cardanum decipi, qui lapidem hunc
 ab omnibus laudari à nemine fermè cognosci scripsit lib. vij.
 de subtilitate, nisi ipsum excusare velimus, quod eius arate
 non ita exactè orientalium rerum vires essent excussæ: In eo
 verò collaudandus Cardanus, quod Scribonium Largum, quam-
 uis Cæsaris Medicum, damnat, dum falsò scribit lachrymam,
 esse Ceruorum in Sicilia repertam, cum constet in Paly Orien-
 talis Indiæ regione solitam inueniri: Illud etiam non incu-
 riosum adnectam, quod scribit Raymundus Myndererus do-
 ctissimus Reipublicæ Augustanæ Physicus, qui superiori anno
 non sine summo suorum Germanorum Catholicorū potissimum
 merore diem suum obiit. Is igitur libro vnico de pestilentia,
 cap. xv. quo me pro veteri, & mutua amicitia donatum voluit,
 ita scriptum reliquit: *Lapis Bezoar è Caprarum Indicarum folli-
 culo felleo, vel Stomacho erutus facili ferè techna lapidum ab equis
 simili planè forma, & magnitudine quandoq; insigni prodeuntium
 agnulatione, sua laude qua Magnetibus is olim commendatus extitit,
 rat defraudari potest. Consimiles politos lapides Equus Illustis,
 & generosi Domini Baronis cuiusdam hac ipsa in Ciuitate quorānis
 per ventrem excreuit, quales alij quoq; equi molis satis magna in
 sese continuerunt, qui post mortem dissecti tanti prout videri potuis-
 sent pretij lapides Bezoar nobis reliquerunt, vt sui corporis viriu-
 tis, ac agilitatis, & æstimationem, & existimationem centuplo lapi-
 dis in sese contenti valore videantur recompensasse, hæc ille, quæ
 lubens adscripsi, vt amena aliqua lectione hanc nostram des-
 criptionem condirem. Quod si hinc confectum putat Myn-
 dererus lapidibus his in pestilentibus febribus, & veneno non
 esse fidendum, quod in magnis, & multæ æstimationis medica-
 mentis omnis nebulonum occupatio, & vigilat, & laborat se-
 dulò, proculdubid cum Cratone, & Iordano deciperetur, quos
 ait, multis periculis factis, non vidisse eos effectus præstitisse
 Bezoar; nedum in peste, sed nec in benignioribus morbis, quos
 insignes Medici multo testimonio pollicentur. Fatendum in-
 est ob duarum causarum alteram id omnind euenisse, aut enim
 verum*

verum Bezaar non habuerunt, quem summis impendijs, & solis Principibus viris comparandum, priuatæ Germanorum Respublicæ non tam faciliè possunt nancisci, sed occidentales, & equinos istos in ludibrium medicinæ progenitos vsurparunt, aut non benè purgato prius corpore exhibuerunt: qui est deprauatus curandæ pestis, & venenorum quorundam mos, ad Alexiteria illicò, nulla totius corporis habita ratione, transillire: nos in Italia periculis multis factis contrariam possumus sententiam astruere, & è catalogo pestilentium remediorum quiduis aliud potiùs expungere: Verum hæc de Bazaar satis superque.

DE ALECTORIO LAPIDE.



UPERIORE ætate Hieronymus Cardanus, quærat effreni ostentandi ingenij cupiditate; & veteres auctores Plinium potissimum nostratem Ciuem febriculorum narrationû insimulandi, miram excitauit controuersiam, an ambages potiùs verè febriculosus? Lapidem ait frigore concreescere gemmas, ut duriores maiore, non posse igitur gigni in animalibus, vbi nihil esse potest frigidissimum, si omninò aliquis generetur lapis qualis Alectorius, si gemma sit, & vires habeat vita carere non potest, non posse igitur esse adeò duram in animali genitam, gemmam, nam liquido humore nutriri non possit, nec mollis alioquin gemma non esset, initio igitur mollem esse, & nutrici ope spiritus, & humoris, mox habetata vita concreescere, ut in vtero molam calore, sic duriores reddi, donec extracta, vel mortuo animali frigore concreseat, sed hoc est fortiri digitis, quod ambitiosa subtilitate ignaris obrudatur; forma enim rerû essentialis è sinu materiæ à solo calore educitur: lapidibus, gemmis, metallis frigus *essentiæ* firmiorem, & duritiem conciliat: ita enim probatiores Philosophi Peripatetici respondent cum quæritur, Frigus ne per se ad lapides, & metallica producenda concurrat, tamquam præcipua, & proxima causa: omnia quippe huiusmodi calori humidum lentum, cum terreo puriori, & def-

defecato permiscenti, & terminanti accepta referenda: quibus deinceps frigus condensans, & indurans superuenit; Par ergo est ortus lapidum in animalibus, & exterius in maiori mundo. De gemma Aleatoria verba sunt Plinij nostri lib. xxxvij. cap. x. *Aleatorias vocant in ventriculis Gallinaceorum inuentas chrystallina specie, magnitudine Fabæ, quibus Milonem Crotoniensium usum in certaminibus inuictum fuisse videri volunt.* Albertus Magnus lib. ij. tract. ij. cap. i. de lapid. preciosis Aleatorius gemma est, inquit, quæ vocatur lapis Galli, & est albus nitens, chrystallo obscuro similis, extrahitur autem è ventriculo Gallinacei, postquam fuerit vltra quartum annum, & quidam dicunt, quod post nonum extrahitur, & est melior, qui eximitur è Gallo de crepito; Maxima autem huius quantitas est accedere ad quantitatem Fabæ. Virtus autem eius est excitare Venerem, gratum, constantem, victorem, & discretum facere, oratoriam tribuit facultatem, amicos conciliat, & contentus sub lingua sitim extinguit, vel reprimat, & hoc vltimum expertum est. Hæc Albertus, cuius auctoritas, tamquam post Plinium nostrum vetustioris, non est elato supercilio aspernenda, ut multi faciunt grammaticè tenens physici, qui nesciunt, tamen infelici sæculo, & rudi vexerint Albertus, & D. Thomas, hos nihilominus barbariem in ore, in pectore Mercurium gestasse, ut Io. Picus eleganter monuit, detracta orationis rudioris scoria aurum sapientiæ purissimum, & splendidissimum se prodere, non in verborum sono, sed in rerum sensu veram consistere sapientiam, quod testimonium, & à pietatis orthodoxæ hostibus veritas ipsa extorsit. De Aleatoria gemma, & Franciscus Rueus Medicus Insulanus lib. ij. cap. xvij. de Gemmis præclare scripsit, eam scilicet in Capri ventriculo reperiri, obscuri chrystalli similem, & colore, & substantia, nisi quod paulo crassior apparet, non excedens Fabæ magnitudinem; probari, quæ intus velut stagnantem ingesti cibi micam modicam, nec usque adeo obscuram ostendat. Sunt quoque qui audeant affirmare caponem in quo Aleatorius sit absolutus bibere nunquam, ideoque strenuis militibus ex usu esse creditur; quæ sequuntur apud Rueum ex Alberto ad verbum excerpta videntur; propterea

pterea in ijs describendis immorandum non est: lib. 1. cap. 1.
 Rucus duplicem lapidum causam coniunctam agnoscit calorem, scilicet in materia terrea persistentem, & humidum tenax per terreæ molis tenuissimas quasque partes deducentem, digerentēq; & ab excrementitia fæce optimè terreas, atq; aqueas portiones pro lapidis, gemæq; forma despumantem: At quod frigus etiam pro causa huiusmodi agnoscit superuacuum humorem exprimens, vt hinc inuitandę formæ materia disponatur, non possum omninò probare; cum enim ex optimorū philosophorum placitis eandem causam effectricem constet materiam disponere, & formam introducere, existimandum potius eadem facultate materiam gemmarum calore. s. & spiritu affici, & formam earum progigni, qua genita, mox à frigore; quod nunquam per se opera naturæ ingreditur, vt aiunt, superueniente constantiam, & firmiorem duritiem ijs comparari: Nec quod de earum vita somniat Cardanns admitti potest: ex actionibus quippe nutriendi, augendi, & procreandi vegetalis facultas dignoscitur, quæ gemmis, & lapidibus non conueniunt; illud enim eorum incrementum nouę potius materię adiunctio, & appositio existimari debet, quam nutritio in omnes quoquouersum partes diffuso, & distributo alimento. Hęc verissimæ Plantis, & stirpibus tantum congruit, quæ in primo viuentium, gradu, atq; ordine constituuntur, quamquam mirabile, & silentio minimè prætereundum, quod scribit Franciscus Rucus lib. 1. de gem. cap. 1. relatum sibi iampridem à teste fide digno Matronam ex Luxemborgorum illustri genere oriundam duos seruare hæreditarios Adamantes, qui alios crebro tanto naturæ miraculo producant, vt eos quicunque stas temporibus intueantur *συγγενῶν*, idest congenerem sibi prolem eniti palàm indicent, cuius causam ipse philosophico Aristotelicorum more conatur adducere, quod vis, scilicet cœlestis parentibus tenaciter insinuata, quam adamantificam quis nominauerit aërem circumfusum in aquam primum, congruamq; substantiam demum in Adamantem gemmam durauerit transformaueritq; sequitur idem Rucus; *Quod ne iusto plus admiretur quispiā Auctor est Theophrastus esse lapides, qui pariant nimirò quod*
 T γ virtus

virtus illa cœlestis tenaci materia vti præstruximus semel transfusa subiecta consumacius cohaeret substantia, quæ videlicet, quò vehementiorem cœli actionem experta est, eò pertinacius hanc retinere intelligitur: Hanc problematis propositi rationem, quoniam satis verisimilem puto, libenter amplector qua intelligimus non esse illam Adamantis veram auctorem, sed nouæ materiæ Adamantine aggeneratione, & πρόσθεν appositionem.

Sed nemo fortassè diligentius, & plenius Alectorij lapidis, qui ἐπὶ τῷ ἀλεκτορὶ à Gallo, scilicet nomen est adeptus descriptionem attulit Georgio Agricola, quem vnicum, & sine pari Germaniæ Aristotelem soleo nuncupare; is igitur lib. vi. de natura fossilium: hæc præclare scripsit, quæ ad verbum ediscenda à rerum naturalium studiosis existimo. *Lapides præterea in animalium corporibus nati in gemmarum numero, locoq; ducuntur. quod genus inuenitur in Auiibus, in Piscibus, in Conchis, itaq; Alectorie ex Gallus Gallinacijs nomen duxerunt, etenim quamquam rarò in eorum, atq; etiã Castratorum ventriculo, & Iecore gignuntur, sed in Iecore plerumq; maiores, nam nuper in capo inuentus est longus unciam, latus digitum, altus sexcunciam, inferior pars, quæ lateor, humiles habet cauernas, superiorq; angustior ad dextram extuberat, ad latum humilis est, & fusca, cum reliquum eius corpus in fusco candidum sit; At in ventriculo reperti non rarò ferè figura sunt Lupini magnitudine eiusdem, aut Fabæ, modò in cinereo candidi, modò fusci coloris, sed diluti, nunc chrystallini specie, sed coloris obscuri, quam venulas interdum habent subrubras; His (vt Plinius) Milonem Crotoniensem vsus in certaminibus inuidum fuisse videri volunt; chrystalli similis si politus inter oculum, & palpebram inferiorem interponitur, & ex vna parte ad alteram transfertur oculum non lædit, quod idem facit Sapphirus, vel Onyx, vel alia gemma polita interposita, modò parua sit; hæc Agricola: Nuper quæsitum ab amicis est cur de hisce gemmis non egerit Galenus in lib. de simplic. medicamentis, quibus sanè planè ipsemet satisfacit, dum scribit lib. ix. cap. de lapid. Vires hos habere partim, secundum totius substantiæ proprietatem, partim secundum quæ-*

qualitates effectrices; sibi propositum agere de ijs, qui secundū effectrices agunt qualitates in quibus est & vtendi ratio, & methodus: facultates à tota substantia pendentes à methodo, ac ratione alienus esse, & persolam nosci experientiam. Nam cur hic lapis tacto vulnere, vnde sanguis prorūpat, cursum eius sistat, haud nouimus, at cur lapis, quem Hamatitem vocant in oculares facultates indatur, haud latet, nā id rationis inuentum est, si enim cote oculari eum tritum cum aqua donec molli crassitudinem accipiet, gustare volueris, adstringentē facultatem percipies: hæc Galenus noster.

Iam verò in CALCEOLARII nostri Museo Alectoriam gemmam conspeximus figura ferè triangulari ad ruborem aliquem vergentem: nam & varietatem colorum in ea agnoscit Agricola, ita vt & venulis subrubris præditas viderit: Senioris FRANCISCI Viri ornatissimi schædula manuscripta simul conspicitur, qua testimonium eius gemmæ exhibetur, tamq; sibi olim à percelebri Io. Baptista Porta Neapolitano donatæ.

DE LAPIDE ASIO.



ON eram nescius (candide Lector) fore nonnullos ex eorum numero (quos πολυπράγμονες nodum in Scyrpo quæritare aiunt) qui fortè admirentur curiosius, quàm par sit, cur narrationes allegoricas, & moralia interpretamenta, & παρανέσεις rebus descriptis (CERVITI imitatione) non adiungamus. Nos sanè plures instituti nostri rationes afferre possimus: Imprimis, plenum ingenui pudoris esse profiteri per quem profeceris, quare nolui ex alieno labore laudem præripere, & meum nomen ornare: Socratisque præceptum despicere; Quod videris vis, esto, cum potissimum viri docti, & pij, qui id opus præstare possunt, nomen suum operi præscribi non patiantur; præterea nunquam Theologum egi, quem nec praproperea, aut extemporaria Sanctorum Patrum lectio potest extemplò efficere apud Diuum Thomam, Sanctum Augustinum, & Ambrosium, et

Y y 2 tan-

tantum per otium legi, quæ mihi, non alijs inferuirent, nec probandos eos Physicos putabam, qui ostentandæ potius doctrinæ gratia accuratissimam operam ei studio dabant, cum sapientiores eo duntaxat tempore dederunt, cum senescentes demissa medendi arte salutaris animi excolendi scientia sese oblectare, & iuuare voluerunt, quod Leuimum Lemnium Medicum optimum, cum sacris initiatus Medicinam prætermisisset præstitisse accepimus: Accedit maximum scribendi præceptum, ut omnia inter se apta, & nexa sint, ut ex omnibus vnum conficiatur, quod & in poematis præcipit Horatius,

Deniq; sit quoduis simplex duntaxat & vnum,

Illæ verò allegoricę interpretationes sæpenumero ^{deposuerunt} nec in scopum aptè collimant, quas curiosè excogitare (præter eas, quæ à Sacris Doctoribus literis sunt proditæ) nihil aliud sit, quam ^{τὰς ἐν αὐτῇ περιεχόμενας} subtiliter scrutari: & quemadmodum Laurentius Pignorius Vir Clarissimus, & mei amantissimus Hieroglyphica putat difficulter posse à quouis, vel perspicaci, & luculento ingenio explanari, ita isthæc allegoriarum congruentes applicationes haud ita promptè in numero haberi possunt: Ijs igitur omiſſis semel inculcatum volo D. Augustini aureum dictum; Non intelligendi subtilitas, sed credendi simplicitas tutissimos facit; & illud Senecæ, Nihil Deo clausum est, interest animis nostris, & cogitationibus medijs interuenit: Insculpi verò in memoria velim, quæ Galenus vir maximus ad componendos mores, & vitam sanctè, & sapienter instituendâ lib. iij. cap. x. de vsu par. nobis scripta reliquit, ut in rebus agnoscentes animum purum, & liberum à tribus corruptissimis vitæ communis Idolis seruemus ambitione, avaritia, & voluptate, ita Diuinæ naturæ assimilamur, quatenus potest, in qua similitudine vniuersam nostram perfectionem, & felicitatem sitam esse in Philæbo Plato diuinè admonuit ^{ὁμοιωσεν τῷ θεῷ κατὰ τὴν δύναμιν} aureis verbis illam definiens, ^{ὁμοιωσις δὲ δίκαιος, καὶ σοφὸς κατὰ ἑαυτὸν} quod est assimilatio porro iustum, & sanctum, cum prudentia esse: Galenus ego noster aduersus nonnullos scribens, qui rerum generationē casui, & fortunæ adscribentes nullam

nullam esse diuinam Prouidentiam iactabant in hac verba, Quouis auro, quibusuis gemmis digniora diuino quasi percitus spiritu prorupit.

At verò si de eiusmodi pecudibus plura verba fecero, melioris mentis homines meritò mihi fortè succenseant, dicantq; me polluere sacrum sermonem, quem ego conditoris nostri verum Hymnum compono, existimoq; in eo veram esse pietatem non Taurorum Ecatombas ei plurimas sacrificare, & cassas, aliaq; sexcenta odoramenta, ac vnguenta suffumigari, sed si nouerim ipse primus, deindè & alijs exposuerim, quæ nam sit ipsius sapientia, quæ virtus, quæ bonitas, quod enim cultu conueniente exornare, omnia nihil suis beneficijs priuatum esse, voluerit id perfectissimæ Bonitatis specimen esse statuo, & hac quidem ratione eius Bonitas Hymnis nobis celebranda est, hoc autem omne inuenisse, quo pacto omnia potissimum adornarentur summæ sapientiæ est, efficisse autem omnino, quæ voluit virtutis est inuictæ ac insuperabilis: His verbis Physici eruditissimi recentiores Sanctissimæ, & Indiuiduæ TRINITATIS attributa significari existimant Potentiam Patris, Sapientiam Filij, & Bonitatem Spiritus Sancti, quæ omnes supercœlestes dotes in rebus creandis, & ornandis admirabiliter eluxere. Iam verò si Auctores isti fidei lumine destituti, sola rationis, & ingenij luce manu ducti, non sine tamè diuinæ beneficentiæ munere, tum præclarè nos ad Dei amorem, & venerationem per creatas, & conditas res animarunt, atq; excitarunt, quanto nos suffundi rubore debemus, qui tot pietatis veræ adminiculis instructi, tribus illis pessimis Idolis manus damus, & quod deterius est, turpissimorum Hypocritarum more, sub pietatis prætextu illorum cultum, & obsequium mirificè prouectum volumus, sed hac de re satis: Ad lapidem Assium veniamus. Huius insigne frustum in Musæo comperimus; in Assio prouenit, ait Gal. lib. ix. simpl. quem ob id ipsum Assium cognominant; assumi debet pumicosum læuis fungosus, item friabilis, teste Dioscoride lib. v. cap. cxxxij. Eius flos falsugo subflaua est summo lapidi insidens, compage tenui, vim vterq; habet adstringentem, & modicè erodentem; longè verò validior

*Hymnus
Galenī
admirabilis.*

lidior flos existimatur. Subdit Dioscorides *ἐν περισσῇ δὲ τὸ ἔργον*
γόμενον τὰ παλαιά, καὶ δυσκατέλωια ἔλκει ἰάται, Marcellus Virg. vertit præ-
 ter antedicta ficcatus hic, & cet. Ioannes Ruellius caterum
 ficcatus flos vetera vbera, & cicatrici repugnantia sanat: verte-
 rem ego magis ad fidem Græci exemplaris: ex super abundan-
 ti, vel exactè admodum hic flos ficcatus: id enim significasse
 Dioscoridem per illa verba *ἐκ περισσῆς* existimo, qui fuit in scri-
 bendo pressus, & laconicus, non asiatica Galeni redundantia
 diffluens: Prodest phthificis linctus, ait Ruellius: græcè tamè est
ἐκλεγχόμενον δὲ τὸν ἄνθος μετὰ μελίτος τῆς φθιστικῆς ὀφελεί; fidelius igitur Mar-
 cellus prodest, & Tabidis cum melle linctus: illud enim *μετὰ*
μελίτος necessario vertendum erat cum melle, nam & sine melle
 lingi potest aliquis pulvis: paulo post scribit Dioscorides
καὶ σοροὶ σαρκοφάγοι γίνονται ἐγκυαίνουσαι τὰ πολύστικα, καὶ παχέα σώματα. Mar-
 cellus vertit fit ex eodem farinæ modo pulvis: sed perperam,
 nam *σοροὶ σαρκοφάγοι*, sunt vinæ, & loculi carnem absumentes:
 optimè ergo Ruellius fiunt quoq; loculi, qui corpora erodunt,
 & luxuriantem carnem, & corporum crassitiem absument, vi-
 ce nitri in Balneo, *Θηριόδῳ ἔλκει* vertit Ruellius tetra, Marcellus
 malefica: Ferina ego verterem, hoc est, quæ feritate sua, & ve-
 rustate inexpugnabili instar fungorum concrefcentia vim me-
 dicam exsuperare videntur: Proprie profectò scribit Dioscor.
 & res ipsas representat, quocirca ridiculum, & noxium est in-
 tam necessario, & vtili Auctore conuertendo elegantiora apud
 latinos nomina, & voces conquirere, quod multi vanitate in-
 genij, & gloriolæ apud sciolos aucupandæ gratia faciunt: cum
 de generis humani salute agitur, & re medica tantopere neces-
 saria omittenda orationis venus, & sobria latini sermonis nor-
 ma tenenda, qua in re suo exemplo nobis præit Dioscor. verè
 magnus, & prudens Medicus, qui simplici sermone *Σαρκαίρον*
 ne dicam *ἀμελέειν* rem medicum nobis exaravit, vt propterea
 sæpè mihi venerit in mentem interpretationem illius nouam
 moliri, & tanti Auctoris imitatione, græcas omnes voces sim-
 pliciter, & fideliter reddere. Profectò valdè scire intererat an
 Petræ Asiæ flos *ἐκ περισσῆς* siccandus erat, nec ne, idcirco id nos
 Dioscorides affirmando docuit, quod prætermisum in versione
 à Mar-

à Marcello, & Ruellio Viris alioquin eruditis, & Græci sermonis peritis miror, ex abundanti ergo, & insigniter siccatum, ut omnis falsugo, & acrimonia deponatur, illum floré oportuit, ut vetera vlcera, & cicatrici repugnantia sanet, ne ea magis irritando contumaciora, & sordidiora redderet non benè desiccatus: Galenus ix. lib. simpl. eadem cum Dioscoride sentit de huiusmodi lapide, nec longè breuius (ut ait Marcellus) ceteri græci. quam Dioscorides lapidis Assij, florisque vires, & dotes tradiderunt: nam Galenus satis pro rei necessitate diffusus est: Assiæ petræ florem tenuium esse partium, & sine morfu nimis molles carnes, & fluidas eliquare docens petram in qua nascitur vim habere illi similem, actionis tamen vehementia inferiorem esse: Verum, & physicam coniecturam affert, qua floris Assij ortum, & causas procreationis pernoscamus, dum subdit, habet & falsedinem quandam in gustu hic Assiæ petræ flos, ut coniectura sit illum nasci ex eo, quos Ros ex Mari in petram recidens, postea à Sole desiccatur. Hermolaus Barbarus Patritius Venetus, eruditorum sui sæculi facile Princeps, cui quem in Italia comparem in præsentia, haud facile reperio, dum fucum, & colorem ameniorum litterarum, duntaxat sectantes à seria, solidaq; doctrina multi encyclopediæ fama per celebres destituuntur: Hermolaus igitur Barbarus lib. v. Corollarij hæc de hoc lapide ad verbum habet. Assius, & Asia petra dicitur, est & Assius per duplex s̄ ab Assio Troadis (ut inquit Plinius) sed ab Assio diuersus, ille Sarco- phagos quoq; nominatur ab effectu, qualis & in Lysia, & in Oriente habetur, & in Mysia quoque inueniri eum Stephanus affirmat, at noster hic per simplex s̄ ferè scribitur ab Auctori- bus nostris, gustu falsus; corpora defunctorum condita sarco- phago consumi intrà quadraginta dies, sed illato quoq; mor- tuis lapidea fieri traduntur; in Oriente ad alligata viuentibus erodunt: hæc ille; De Assio lapide legendus, & Cæsalpinus lib. ij. cap. l. i. qui scribit hodiè lapidem hunc non esse vulgò notum, reperiri tamè in Ilua, & alibi, vbi Alumen fossile, & Chalcanti vena foditur. Cæterum Agricola noster exactius, *Lib. de nat. fossil.* ut qui *evanētes* has res sibi explicandas assumpserat; Ex Cad- mia

mia, ait, partim constare Assium lapidem hinc intelligimus;
 quod carnem consumat (qua de causa Sarcophagus nomina-
 tur; etenim corpora defunctorum, inquit Plinius, condita in
 eo absumi constat intra quadragesimum diem exceptis denti-
 bus ea verò Cadmia, idcirco videtur esse atramentosa, quod
 ex ipsa candidum quiddam falsugini simile efflorescat. Dici-
 tur autem Assius lapis ab Asso, ut Galenus auctor est, ubi na-
 scitur, quod oppidum Plinius Troadi, Alexander, Cornelius,
 Mysia ascripsit, nec verò ibi tantum nascitur, sed eius gene-
 ris, ut iterum tradit Plinius, & in Lycia saxa sunt, & in Ori-
 ente, quæ viuentibus ad alligata erodunt corpora; idem etiam
 dicitur Asius, quod in Asia reperitur, at verius vocabulo
 iam olim per librarios corrupto, qui vnam Assij litteram, vel
 inscitia, vel negligentia omiserunt: Eundem enim lapidem
 vocari Sarcophagum, Assium, Asium, partim ex Medicorum
 scriptis perspicuum est, partim ex loco in quo nascitur, & eius
 viribus, quocirca Plinius non rectè Asium separatim, tamque
 à Sarcophago diuersum persequitur, ut alias vberius explica-
 bo, hæc Agricola: Forfitan se vberius explicaturum pollice-
 tur in libris quos se editurum in quadam sua epistola profes-
 sus est: cetera quæ subdit Agricola ex Dioscoride, & Caleno
 descripta videntur: Videtur porro lapidem Assium sub sexto
 mistorum genere complecti, quod ex lapide, metallo, & suc-
 co concreto constat: metallum est Cadmia fossilis, quam
 Plinius dicit lapidem esse arosam; succus concretus atramen-
 tum sutorium, quæ omnia diligenter apud Agricolam exposi-
 ta legi possunt, qui etiam subdit, ex ipso lapide quondam fa-
 ctas Carniuoras arcas in quas mortuorum corpora condebantur,
 ut citò consumerentur ex eodem fiebant vasa ^{sepel} apud
 Dioscoridem, in quæ Podagrici pedes vtiliter imponebant:
 De Asio lapide, & medicinis eius legendus Plinius lib. xxxvj.
 cap. xvij. ubi Sarcophagum ab Asio distinguit; Mutianus, ait,
 specula quoque, & strigiles, & vestes, & calciamenta illata,
 omnia lapidea fieri auctor est (de Troadis Sarcophago loquitur)
 subdit Plinius, mitior est autē seruandis corporibus, nec absumen-
 dis chernites ebori simillimus, in quo Darium conditum ferunt
 De

De Asio præter ea, quæ ex alijs Auctoribus attigimus, hæc habet Plinius loco cit. Præterea omnia crurum vitia in ijs lapidicinis sanantur, cum in metallis omnibus crura vitientur: Verum hæc de Asio lapide satis.

DE LYDIO LAPIDE.



VNC etiam in Musæo lapidem elegantissimum, deprehendimus, de quo Plin. lib. xxxij. cap. viij. Coticulam vocat, docetq; quondam non solitum inueniri nisi in flumine Tmolo, vt Autor est Theophrastus, nunc verò passim, quem alij Heracliū, alij Lydium vocant, esse modicos, nec quaternas vncias longitudinis, binasq; latitudinis excedere, quod à Sole fuit, in his melius, quam quod à terra: subdit Plinius, His Coticulis periti cum è vena, vt lima rapuerunt experimentum protinùs dicunt quantum auri sit in ea, quantum argenti, vel æris scrupulari differentia mirabili ratione non fallente; Agricola, veluti Plinium lib. v. fossilium vberius exponens, Coticula, ait, probatur aurum, & argentum, hanc multi ex Græcis, vt Pindarus, Sophocles, Antiphon, Theognides *Βδοαυρ* vocant, quod aurum ipsi attritum colore, tanquam trutina, examinet, alij eadem de causa *Χρυσολίδα*, Lydium lapidem alij, quod in Lydia reperiatur: alij Heracleum ab Heraclea Lydiæ Vrbe: Coticulæ autem, & si circà Ephesum etiam in Ionia repertæ sint, tamen omnes Theophrasti temporibus inueniebantur in Tmolo fluuio: Plinij passim; subdit Agricola deinceps varia loca, vbi huiusmodi reperitur lapis in Germania potissimū; plerisq; omnibus colorem esse nigerrimum, & læuorē insignem; quamquam scribat Plinius, eas quaternas vncias longitudine, binas latitudine non excedere, tamen longas senas vncias, inquit, aut amplius repertas, latas ternas, & quidem maxime circa Visam pagum: qua in re Agricolæ magis credendum, quam Plinio; hic enim sapissimè ex Comment., & aliena fide scribat

Z z

bat

bat, ille ex certo oculorum, & examinis experimento: subiun-
git ille, tamquā & magni Theophrasti expositor; *Inuentarum
autem partes, quæ respiciunt Solem, esse meliores ad experimentum,
quæ humi iacent, deteriores Theophrastus tradit, ideo quod superio-
res sint sicciores, etenim humor impedit, ne auri, argenti vè colorem
capiant; quocirca magnis etiam caloribus experimentum fit deterius,
quod tum propter humorem, quam ex sese emittunt, lubrica sunt;*
hæc ille. Cardanus lib. vij. de lap. vt potè qui subtilitatem
profitetur, Lydiam cotem nigram esse, substantia admodum te-
nui splendentem mira subtilitate referre metallorum colores,
quo auxilio Aurifices auri, & argenti puritatem intelligunt,
tenuitate sua detrimentum non afferri, vt liceat millies expe-
riri, vel sine vllius grani iactura, nigredine autem ostendunt
colorem metalli, nam nigredo colligit nitorem, & colorem:
hæc Cardanus, quæ à I. Cæs. Scaligero acutè refelluntur; Ni-
grum, inquit, neq; colorem vllum colligit, neque nitorem, si
enim hoc nigri esset, omne nigrum id faceret: nempe sic lo-
quantur Philosophi non triuiales (per hos Scaliger mea sen-
tentia intelligit, qui libros Analyticos posteriores Aristotelis
præ manibus habent, vt sequellas necessarias teneant à per se
ad de omni) at Ebenum id non facit, non Bubalinum cornu,
non vitrum nigerrimum, non Gagates, non serici panni, qui-
bus nulla nox atrior est: laudat porro Scaliger Theophrastum,
qui vim illam excipiendi attribuit lapidi non colori nigro,
cum circumspexit verbis scripsit *διότι αὐτὸ ἐκ τῆς οὐσίας τοῦ λίθου ἐκέρχεται*
vniuscuiusquè naturam scilicet posse lapidem excipere: Et
qm Theophrastus docuit temporibus æstuosis emittere humo-
rem quendam, causam attulit Scaliger, quod fluuiales lapides
ortus sui appetentes sint à fluuijs extracti humorem nacti fur-
tim hauriunt, humorem æstus excoquit; bulliendo igitur euo-
catur, redundās incomprehensibilibus sensu ampullis: hæc ille
plenius, & longè subtilius, quam Cardanus. Andreas Cæ-
salpinus lib. ij. de Metall. cap. xij. scribit, duas columnas atri
coloris intercursantibus raris venis albis positas esse in campo
Sancto Pisano ad monumentum, quod Gregorius XIII. Pont.
Max. fratri posuit, vocari hoc genus Marmoris Paragone,
quia

*Sine libris
Analyti-
cis Arist.
physici si-
unt empi-
rici rudes.*

quia eo instar Basanitis lapidis vtuntur ad examinandum aurum, & argentum. Quondam ad huiusmodi vsum factas Coticulas ex lapide Lydio: Ex his Casalpini verbis colligimus, alios præter Lydium fuisse lapides illorum metallorum exploratores, & vsum coticulæ Lydiæ, apud veteres solum viguisse. porro Bacchyllides vetustissimus Poëta moralem allegoriam ex simili huius lapidis nobis reliquit, quæ pro multis allegorijs inferuire poterit, *Λυδία μὲν γὰρ λίθος μαυρίει χρυσόν, ἀνδρῶν δ' ἀρετὴν σαφίαι τε πανκράτες τε ἐλέγχει ἀλᾶθεια*. i. Lydius enim lapis iudex est auri: hominum verò virtutem sapientia, & omnipotens veritas arguit: quo docemur prudentes, & sapientes viros, qui non aliud ore promptum, aliud pectore clausum gerunt, verè viros, qui pristinam, & veram Christicolarum, & Italicorum synceritatem retinent recentium quorundam vafra dissimulatione corruptâ.

DE GAGATÆ LAPIDE.



T iam ad Musæi Gagatem describendum accedamus, obseruandum est, Nicandrum vetustissimum Medicum, & Poetam, tum accuratissimum rerum descriptorem Gagatem lapidem a Thracio distinxisse: in Theriacis enim suis ita de Gagategate scribit,

*Ἄλλοτε δ' ἀζαλέην κοίαν ἔγραγι δα πύρρον
ἃν καὶ κρατέροιο πυρὶς περ καίννται ὄρη.*

Quod latinè est, aliquando verò siccum vrens lapidem Gagatem, quem neque validi ignis impetus domat: paulò post de Thracio agens lapidè ait, *ἵερὸν γὰρ θρηϊτταν ἐνὶ φλεξας*, & quæ sequuntur, quorum sensus est, aut Threicium in igne lapidem vrens, qui aqua resperfus flammescit; extinguitur autem exiguo oleo insperfo, lapidem hunc à Thracio flumine Pastores, quod Pontum vocant, afferunt; Qua in re ipsi omnino assentiri videtur Dioscorides: qui diuersa de vtroque lapide capita constituit; Verum quoniam de Thracio dixit *δύναται δὲ τὰ αὐτὰ τῷ γαγάτῃ*, id est potest Gagatæ eadem, vel vis ei Gagatæ, vt Ruellius vertit,

Z z 2

ansam

ansam præbuit Plinio nostrati Ciui, vtriusq; lapidis notas, & euentus permiscendi, vt ritè obseruauit Marcellus Virgilius, Dioscoridis interpres. Hic porro lib. v. cap. c xxxvij. de Gagatæ docet præferendum in lapidum Gagatum genere, qui celeriter accenditur, & odorem Bituminis reddit, nigrum comuni ex parte ^{κοινῶς}, squalidum, crustosum, perq; leuem: Vis ei molliendi, & discutiendi, sequitur Dioscorides ^{ἐν δὲ ἐπιληπτικῶν ἁλεγγος ὑποθυμιαθεῖς}, hoc est comitiales, & epilepticos per suffitum deprehendit: Ruellius Sonticum morbum (ex Plinio voce desumpta) conuertit. Verum, vt alibi perstrinximus, hæc nimia vocum antiquarum, obsoletarum, ne dicam impropriarum, affectatio, & inculcatio in Medicina præsertim, arte adeò necessaria, non videtur probanda; Proprietas, & perspicuitas primæ sunt, & potissimæ orationis virtutes. ^{ὑπερβολὴ ἀναγκαῖα} Ruellius vuluæ strangulationes recreat, longè melius Marcellus strangulatu vuluæ (rectiùs vteri) procidentes reuocat; aliud enim est recreare, aliud reuocare; quod est omninò ad sese redire: In Cicilia nasci solet, qua influens amnis in mare effunditur, propè oppidum, quod Plagopolis dicitur: vocatur locus, vel Amnis Gagas, in cuius faucibus ij lapides inueniuntur: Contendit tamen Marcellus vertendum esse ^{ἐν Λυκία} in Lycia, non in Cilicia, idq; ex melioribus Geographis, & Plinio ipso. Huiusmodi lectionem, & Galenus probasse videtur lib. ix. simplic. cap. de Gagatæ, eius verba sunt. *Est & alius lapis color atro, qui ubi igni admotus fuerit persimilem Bitumini odorem exhibet, quem Dioscorides, nonnulliq; alij in Lycia inueniri prodiderunt ad fluium nomine Gagatem, vnde & ipsi lapidi nomenclaturam insitam dicunt: Ego tamen eum fluium non vidi, tametsi parua nauicula totius Lycia littora legerim, quo videlicet, qua in ea sunt inspicerem: quo sanè suo instituto ostendit Galenus id esse verissimum, quod Iul. Caf. Scaliger docet, ex libris colligere, quæ prodiderunt Auctores, longè esse periculosissimum rerum ipsarum veram cognitionem è rebus ipsis esse: scimus ipsum, & in Lemnum, & in Cyprum nauigasse, vt medicamentorum, quorundam certior fieret, quod si nos facere possemus nugas speciosas pro exoticis medicamentis nobis sæpè vanitate obtrudi*

maius

c. 35

trudi

trudi Iberica, facile intelligeremus. Hinc etiam coniectura
 duci possumus veriorē esse lectionem Dioscoridis vulgatam,
 ut potius in Cilicia, quā Lycia nasci credatur Gagates: paulo
 post Galenus ex auctoritate Nicandri, cuius carmina antē a
 nobis commemorata adducit, Gagatem à Thracio lapide de-
 stinguat, quem nullius esse, ait, in medicina vsus, neq; Nican-
 drum prater graueolentiam, quæ suffitu feras fugat, quicquā
 ei adscripsisse: At Plinius noster (vel inuitis Nouocomensi-
 bus) Cuius lib. xxxvj. cap. xix. Gagatem lapidem nomen habe-
 re loci, & amnis Gagis Lyciæ memoriæ prodidit, nigrum esse,
 planum, pumicosum, non multum à ligno differentem, le-
 uem, fragilem, odore si teratur grauem, fœtalia ex eo inscri-
 pta non deleri, cum vritur odorem sulphureum reddere, Dio-
 scorides tamē dicit ἀσφαλὶς ὅντα τῆ ὀσμῆς, cum vritur, bituminis odo-
 re sentitur, vertit Marcellus; sulphurei odoris nulla fit mentio,
 ut proinde existimem Plinium non vni Dioscoridi additum ex
 alijs etiam haud semper probatis auctoribus multa transcrip-
 sisse, ut, quod subdit, eo vti Magos in ea, quam vocant axi-
 nomantiam, idest diuinatione, per securim, & dolabram, & pe-
 ruri negant, si euenturum sit, quod aliquis optet. De hoc la-
 pide legendus Agricola lib. primo de natura fossilium, qui Ob-
 sidium lapidem, quem & Gagatem dici tradit pro imaginē
 vmbra reddere scribit, & lib. iv. de fossilium natura Bitu-
 men, ait si fuerit durum, ut poliri possit, Gagates vocatur:
 Ut verò tueatur veterem sententiam de oppido, & flumine
 Gaga, quæ certis Auctorum testimonijs asseruntur, videri pos-
 se, ait, simul cum deserto oppido paruum amnem nomen mu-
 tasse, idem Bitumen durum dici lapidem Obsidianum, quod in
 Ethiopia inuentum sit ab Obsidio, ex quo fiunt gemmæ, quæ
 Obsidianæ nominantur. Non est prætermittenda difficultas,
 & quæstio praxi Medicæ valde necessaria, quam mouit I. Cels.
 Scaliger aduersus Cardanum: Asphaltum, aiunt, in tertio ca-
 lidum, & siccū esse, Gagates cū nil aliud sit, quam solidum Bi-
 tumen, etiamnum siccius erit, emolliri tamen tumores ab eo,
 scripsit Dioscorides, & Galenus expertus est, at si superat sicca-
 crasis superabit, & potestas sicca non emollient igitur illa.
 sicci-

siccitate, quæ sanè dubitatio non est contemnenda; Cardanus
 pinguedine Gagatis mollificari tumores putauit. Hoc fieri
 non posse Scaliger docet: vinci namq; gradum vnum à tribus
 gradibus necesse est: non mollificari Gagates, nisi frigidos tu-
 mores, idq; incidendo, & attenuando facere, ignem in Asphal-
 ticus istis esse efficacior, quo crassa frigida soluuntur, & in
 tenuiores partes digeruntur, quia multum inest aëreæ liquidi-
 tatis, quæ deprehenditur in Asphalto, cum modico lentescit
 calore: negat Scaliger abundantem in Gagates pinguedinem,
 concedit aëream liquiditatem, quoniā illa ab elemento aqueo
 exuberante prouenit, ista ab aëreo elemēto, vt propterea videat-
 ur Galeno nostro assentiri Scaliger, qui lib. v. simpl. medic.
 cap. vij. emollientia medicamenta haud insigniter calefacere,
 & desiccare voluit: licet vtrumque præstare debeant calore,
 fundendo concretum succum frigidior, desiccatione euacu-
 ando alienum, & superuacuum humorem iam calore solutum.
 (quicquid doctissimus Vallesius in eius loci Commentario per-
 plexa, & in Galenū parum æquā disputatione concludat) acu-
 tē profectò Scaliger crassa frigida in tenuiores partes soluta
 non absumi calore illo Gagatis docet; quia multum inest illius
 aëreæ liquiditatis, quæ vim emolliendi adiuuat, nec finit ca-
 lore illo Gagatis igneo subtiliores partes succorum digerit, cras-
 sioribus remanentibus, à quibus durior fieri, & contuma-
 cior tumorē contingit: Debebat sanè Vallesius melius hanc
 aëream humiditatem emollientium ab aquea distinguere, quo
 pacto cum Scaligero subtilissimo Physico rectius rei veritatem
 attigisset. Casalpinus lib. ij. cap. liij. scribit, Mesuem oleum
 ex Gagates per ignem extrahere, quod laudat ad Epilepticos,
 Demoniacos, Paralysim, conuulsionem Tetanum, præstare
 magnum auxilium præfocationi vteri, iuuare ad conceptum;
 simile oleum extrahunt ex ambra nigra, & ex electo, Bitumi-
 nosa enim est eorum natura, hæc ille; quæ ad Medicam proximam
 summoperè faciunt. Fabulas, & vulgares Cardani narratio-
 nes hac in re nihil moror. Illud verè monuerim Musæi nostri
 Gagatem descriptis iam dotibus, & viribus præditam esse, vt
 sæpè oculatis experimentis est exploratum. Sed & propediem
 dabitur

dabitur opera, vt oleum illud Mesuæ eliciatur, vt remedijs efficacibus abundet seplasia, non solum Musæum ad prospectum exornetur, vt iam cesset exclamare Plinius, Hominum fraudes, & ingeniorum capturas officinas inuenisse istas, in quibus sua cuiq; venalis promittatur vita: apud Christianos verus zelus, & communis boni studium hominum salutis semper excubare debet.

DE CHELIDONIO LAPILLO.



VM de hoc Lapillo Dioscorides lib. ij. cap. ix. scripserit, *Dissectis*, inquit, hircinū pullis, qui primo partu exclusi sunt, in ventre eorum lapillos offendes, è quibus duos vnum versicolore, alterum purum eximes, ij priusquam terram attingerint in iuuenæ corio, aut ceruina pelle lacerto, aut collo adalligati comitialibus proderunt, & sæpè prorsus eos recreabunt, græcè est *πολλὰν δὲ καὶ πατὴρ ἀποκαταστήσας* vertit, Marcellus sæpè omnino & ad sanitatem restitues, malè Ruellius recreabunt, quod verbum semel à Plinio arreptum passim inculcat, sed aliud est mitigare morbum, aliud omnino tollere; Galenus noster nihil de eo Lapillo memoriæ prodiderit; adeundi igitur erunt Plinius, Albertus Magnus, Agricola, qui de eo meminisse, haud alienum è re proposita putarunt, & Dioscoridi consentiunt: ille sanè lib. ij. cap. xxxvij. ita scribit: In ventre, Hircinū pullis lapilli candido, aut rubenti colore, qui Chelidonij vocantur, Magicis narrati artibus, reperiuntur, & lib. xxxvij. cap. ix. Chelidoniæ duorum sunt generum hircinū colore, & altera parte purpureæ nigris interpellantibus maculis: addit magnus Albertus hos lapides valde paucos existere, se tales vidisse mense Augusto exemptos de ventre hircinū, quo tempore extracti magis valere dicuntur, vt plurimum duos in vna hircine inueniri: Duas eorum haberi species vnam nigrorum, alteram coloris rufi, qua in re Plinio adstipulatur, nosq; in Musæo CALCEOLARII eas planè deprehendimus. Ruffum (Albertus ait.) panno lineo, vel corio vitulino inuolutum.

lutum, & sub sinistra axilla gestatum, valere contra insaniam, inueteratos languores, & lunaticam affectionem, ex Constantini sententia valere contra Epilepsiam eodem modo gestatum, ex aliorum placitis aduersus noxios humores, & febres: facundum, gratum, & placentem efficere, contra iras, & minas amuletum, lotum aqua oculos sanare ceptum negotium ad finem perducere: Hic nasuti quidam physici, & elementarij philosophi, qui vires rerum abditas derident, & nos forsitan talia literis mandantes elato supercilio subsanabunt: atq; adeo naso suspendent adunco; sed quæso solidorum Peripateticæ Philosophiæ axiomatum recordentur, nec in semel arreptæ opinione obdurantes, ea temerè projiciant: Deus, & naturæ nihil frustra moluntur; quod semper, vel frequenter fit, statim naturæ legibus procreatur, quod ex Cardano promptè etiam recipit doctissimus Scaliger: at in capite piscium, ventre, & alijs partibus auium, & quadrupedum gignuntur huiusmodi lapilli; non igitur frustra facti dicendi sunt: porro omnis causa efficiens naturalis ab intelligentia non errante veluti manuducta propter aliquem finem agit, quæcunq; molitur; propterea si multorum sæculorum experimentis huiusmodi lapillorum vires sunt aliqua ex parte comprobata, quæ inuidia, aut obstinata animi perversitas fuenit; omnia negando, aut irridendo, scriptorum auctoritati penitus refragari, cum vtrinq; aduersis sententijs pugnatur, media similia veri sunt, ita me olim docuit Iac. Zabarella Vir Clarissimus Doctor meus, veriores semper esse subcontrarias propositiones, cum contrariæ magnis se viribus & argumentorū præsidij tueri conantur: aliquibus ergo lapidum viribus, & facultatibus adhibenda fides, & in usum illæ, & experimentum reuocandæ, atq; adhibendæ; non omnia supersticiosè admittenda, aut exploranda, vt Mulierculæ, & imperitum vulgus facit, quorum ridicula credulitate sapissimè magi, & callidi Agyrtæ, & impostores ad suas fallaces Technas obtrudendas, & promouendas abutuntur; Isthec igitur nasuti Peripatetici accuratissime expendant, & sine præiudicio animi affectu meditentur, & tandem aliquando existiment non omnes rerū naturalium vires, & effectum in quatuor elementorum

torum qualitates referri posse, aut debere, & modestè, & sobriè philosophantes præ se spernere iam desinant; omnia profectò propter hominem fecisse Deum naturamq; sapientiores fatentur; Sumus enim nos rerum omnium finis, dicebat Arist. maximus naturæ interpretis : ortusque huiusmodi lapillorum. Aleætorij Chelidonij, aliorum, est secundum naturam, non præter naturam & morbidus (vt in hominibus solet euenire, & Scaliger testatur Stasis naturæ legibus eos lapillos generari, ijque maxima ex parte, & vt plurimum in ijs gignuntur animantibus à calore naturali, & vi cœlesti : hoc enim negare, cæcorum, & rudi, stupidoq; ingenio prædicatorum esset, qui sensus visus pœna indigerent; Colligendum ergò, & concludendum omnino, nisi aduersari principijs physicis, & diuinæ sapientiæ obstinatè velimus, huiusmodi lapillorum virtutes non esse omnino omnes in vniuersū repudiandas : nec nos eas semper inanibus promissis lactare; causam efficientem, & finem perstrinximus : porro materia, ex qua procreantur, succus erit alimentarius probè concoctus, & ad vnguem elaboratus, non sine terreis partibus, qui alendo non sit ea animantia, quæ cum voracia sint, passim multa ingurgitant, quæ concoqui ab ipsis, & elaborari ad suorum corpusculorum nutritionem non semper possunt : ista igitur sapiens natura in lapillos conuertit generi humano fructuosos, & salutes, si ritè eorum vires pensitentur, & continuatis experimentis explorentur; ex multis enim experimentis fiunt memoriæ, ex multis memorijs proloquia generalia, ex quibus artes constituuntur, ad vitam bene degendam accommodatæ : optimæ elaborationis, & coctionis lapillorum, durities, leuor perspicuitas splendens color, leuitas, quæ exiguum terram inesse, vel optimè cum reliquis elementis permixtam arguit, durationis perpetuitas satis sunt conspicua argumenta; illa rursus abditæ & secreta facultatis, & virtutis, nec inanis, & superuacaneæ procreationis inditia, quæ ex sola materiæ necessitate proueniat : subest quippè τὸν διότι, καὶ τὸς ἕκαστα non solam τῆς ἑαυτοῦ ἀνάγκης, vt cum Aristotele loquar : fateantur igitur oportet Alexandræi seueriores stasis ijs naturæ legibus, quibus fieri hos lapillos statuit Scaliger, contineri

omne causarum genus effectricem, formam, materiam, finem, ex quarum exacta notitia gigni scientiam, Aristoteles est auctor: Axiomata igitur physica, quibus vires horum lapidum asseruntur (necessaria enim denuò repetere non erit inutile) scitè enim à Platone illud iactatum *δὲς, καὶ πρὸς τόδε καλῶς ἔχει πάλαι πολλοὶ τὸ λόγῳ δῆλον*, quod honestum, scilicet, & pulchrum est, iterum id, & tertio repeti sermone debere; primum erit, Deum, ac naturam nihil frustra facere; secundum, quod semper, vel frequenter contingit, id ex naturæ certis legibus fieri; tertium, nos esse omnium Dominos, & finem rerum à natura procreatarum ex Diuinæ Prouidentię præscripto, & Aristotelis testimonio: illud mox adnecto; huiusmodi lapides secundum naturæ leges fieri, non præter naturam, vt in hominibus morbo affectis, ergò necessariò finem vtilem, & non spernendum in rerum natura eos habere: hic cum ad vtilitatem, & incolumitatem generis humani referatur, nemo nisi mente captus inficiabitur, hos lapillos magnis, & admirandis viribus esse donatos; vt de ipsis id rectè occini possit, Regnat in exiguo præcellens corpore virtus: vt optimè monuit Franciscus Rueus, cuius totum caput xxij. lib. ij. de gemmis diligenter à curioso Lectore perlegendum est; qui non leuem oscitantiam cuiusdam scoliaris Marbodei arguit, qui, quæ de Herba Chelidonia Plinius differuit, ille ineptè ad gemmam Chelidoniam rettulit, quam probatissimam Rueus esse comperiit, quæ substantia purissima, ac simplicissima, & aureis guttis insignitur. Hermolaus Barbarus lib. i. cap. cclix. disertè scribit, Hirundines Græcè *χελιδόνες* lapillum dicuntur excluso pullo dare. Trium earum genera Urbanarum, Syluestrium, quæ nidorum figura deprehenduntur: Riparium, quæ ita vocantur, quoniam in riparum cauis nidificent; hæc doctissimus ille Auctor, quæ volui idcirco adscribere, vt etiam Hirundinum genera pernoscantur, vnde lapis ille comparari possit. Sed imprimis verba Agricolæ notanda lib. vj. de natura fossilium circa finem. *Chelidonia verè ex Hirundinibus, in quorum ventriculis reperiuntur, nomen traxerunt; his figura globi ferè dimidiati: semperque intus caui, quæ de causa admodum tenues existant, in eminentia sunt plerumq; rari.* sed

sed diluto colore, in caua conuexitate purpureo, nigris interdum interpellantibus maculis, atq; ob id duæ earum species videntur esse, adduntur ad oculorum collyria; de collo puerorum suspensa, ad Comitiales morbos viriles esse perhibentur: quæ verba ob duas causas adscripsi libentissimè; tum vt sobria philosophandi ratio, quæ non omnes vires lapidibus abrogat, tanti Auctoris testimonio illustraretur, tum quoniam si Chelidonios lapillos Musci perspexisset Agricola, expressius, & plenius eos non potuisset describere.

DE LAPIDE BVFFONITE,

vulgò Crapaudino, vel del Rospo.



BORAX Lapis (ait Cardanus) sunt qui Chelidonium vocant; inuenitur in capite Buffonis; hoc in loco iure merito Scaliger Cardanum linguæ Græcæ imperitiæ insinuat, qui nescisse videtur, quid inter Buffonem, & Testudinem intersit: *Testudo* enim *Testudo* est, quam Itali haud magna elementorum corruptione *Galanam* nominant; ab ipsomet Scaligero confictum nomen adiectiuum à Buffone putatur, & lapidem Buffonitem vocatum. Sapientis enim est, & summo ingenio viri, noua rebus imponere nomina, cum prius non erant imposita; id certè mirum ab eo frustra diù quæsitum, quo nomine Græci Buffonem vocarent: qui *μυοξόρ* ab ipsis nominatum putant, tantum, inquit Scaliger, à veritate abesse, quantum à Glire Buffo: Sed quid de hoc lapillo scribat doctissimus vir, & nunquam satis laudatus Hermolaus Barbarus lib. ij. cap. cclxxxviiij. Corollarij operæpretium est diligenter animaduertere: Buffo inde (ait) *ut arbitror à Vergilio, & vulgo dicta, tenebrarum plena*, præcipuè officulis duobus, quorum in sinistro latere inuentum vocatur, quia canum impetus cohibeat. Recentiores lapidem in capite huius ranae haberi tradunt, quem ad dolores ilium gestatum probent; sed qui viua ea sit exemptus, quales vulgò magna etiam copia feruntur annulis, quamquam hunc elici potius, quàm eximi viuens

tibus constat puniceo in panno, cuius plurimum colore delectantur: ita dum ipsi feriando relaxant se capitis onus deponunt, id mox in subiectam cistam è medio foramine collabitur, alioquin ea est ijs inuidissima natura, ut lapidem eum, nisi tolleretur, resorbeat: Hactenus Barbarus, cuius auctoris solido ingenio, & doctrina testimonium ad verbum volui adducere, quoniam haud omnibus passim eius est obuium corollarium; vbi obseruandum, testari Hermolaum huiusmodi Buffonitem lapidem esse recentiorum inuentum; frustra ergò quæri apud veteres Plinium, Galenum, Dioscoridem: Recentiorum illorum nomine potuit Barbarus Albertum Magnum, & illius tempestatis harum rerum peritos auctores innuere; sub Boracis nomine, de hoc lapide scribit Albertus lib. ij. de lapid. pretiosis cap. ij. & vulgò Crepodinas vocari huiusmodi lapides: duorumq; esse generum, album aliquantulum fuscum, & nigrum, quod si à viuo palpitante Buffone extrahatur, oculum in medio habet quasi cæruleum, glutinum sordes, & excrementa purgare intestinorum: subdit Albertus, & temporibus nostris extractus est de Buffone parvus viridis; aliquos etiam vidimus Buffones habentes in se depictos, qui de hoc genere dicebantur: quales nos oculata fide eos existere testari possumus, qui in Musæo asseruantur: Horum auctorum testimonio accedit, & Io. Baptistæ Portæ lib. ij. cap. xxviij. de rebus naturæ admirandis auctoritas, qui sanè (ut nonnulli mihi retulerunt, qui ipsum viuentem nouerant) nihil ferè scriptis mandauit, cuius exactissimum periculum non prius fecisset: is igitur eadem cum Alberto, & Barbaro sentit è capite scilicet Buffonum huiusmodi lapillos eximere, tum eximendi rationem plenissimè docet, nisi quod feriando se relaxare, & capitis onus deponere Buffones non tradit, sed verberum vi antea ad iram inflammatos, per os sponte lapillum euomere: Quæ cum ita se se habeant, & multorum annorum experimentis sint comprobata, ex Buffonis, scilicet capite erui, & colligi hosce lapillos, facillè quispiam miretur, cur percelebris in Italia Musæi Italicus descriptor asseruerit ex falsa vulgi sententia, In Buffoniam capite hos lapillos inueniri, cum in saxis fungorum paruorum instar nascentur, quibus non solum figura, sed colore

lore sunt persimilos, aduersus venena alexitorium existimari, & vim
 renum lapidem frangendi, & rigores febrium expellendi obtinere:
 Profectò grauissimorum Auctorum non est spernenda, aut irri-
 denda auctoritas, qui hos lapillos in capitibus Buffonum oriri
 constanter periculis etiam factis asseuerant: Ne igitur in vi-
 tiosa illa opinionum ex aduerso pugnantium extrema impin-
 gerent, quæ semper falsitatis suspensionem emunctæ naris
 viris incutiunt, poterant cum maiori cautione affirmare, &
 contendere multos ex ijs lapillis in saxis ortos comperiri, qui
 aliqua similitudine cum Buffonite nos facilè decipiunt, hosq;
 ab illis proprijs notis propositis exactiùs distinguere: hoc quip-
 pè docentis munus erat, non veritatem tot annorum experi-
 mentis corroboratam, & probatorum Physicorum testimonijs
 firmatâ, sine vlllo rationis, aut experimenti præsidio euertentis.
 Anne cum Cicerone dicent, opinionum Commenta debet
 dies, naturæ iudicia confirmat; at eam inueteratam in sapien-
 tum mentibus sententiam non deleuit dies, sed potius ostendit
 nonnullorum inertiam, qui laborem, vel difficultatem ex
 Buffonibus eliciendi lapillos subterfugientes (vt ex labore
 proclive est humanum ingenium ad ignauiam, & incuriam.)
 propter figuræ, & coloris similitudinem istos in saxis enatos
 admiserunt; alijs spretis, qui in Buffonum capitibus oriuntur;
 ita facili compendio in veritatis dispendium nos adduxere:
ἀλλὰ ἀπὸ πάντων meliora, scilicet mediocria omnia monebat Ho-
 merus, nec præter Dialecticæ leges argumentatio à *κατὰ τὴν* ad
κατὰ ἀπλῆς erat vsurpanda, quæ ineptissimi Paralogismi vim con-
 tinet, non enim si aliquis eiusmodi lapillus est saxorum *ἀπὸ τῶν*
 quasi fungosum germen, omnis Buffonis lapis talis est putan-
 dus. Quod eo consilio per strictum volui, non vt quidpiam
 labis, aut reprehensionis tanto illius Musæi scriptori adspere-
 rem, quem eruditum virum, & istarum rerum peritissimum
 promptè agnosco, & libenter profiteor: Sed potius vt primos
 Auctores nouitiæ huius sententiæ de Buffonite lapillo mode-
 stissime obiurgarem, potius monerem, ne quod à summis pro-
 ditum est Auctoribus protinùs despicerent, neque arbitran-
 dum temerè, & absq; experimento loquutos, quamquam no-
 bis

bis experimenta minimè successerint: quod prudentissimum
 præceptum Antonius Musa Brassauolus lib. de medicinis pur-
 gantibus cap. ij. tradidit, cum vim capparorum in purganda
 pituita crassa ex Dioscoridis, & Galeni sententia expenderet:
 nos enim alioquin ij sumus, qui ex animo, & candidè viros
 probos, & eruditos diligimus, & testimonio eorum industria
 amplissimo ornatos volumus; nec quemque suorum laborum
 fructu, qui solida est non adumbrata gloria, & generis huma-
 ni commodum, defraudandum iudicemus: qui verò se ex de-
 prauata mentis Philautia nullo adhibito critirio, dictatores
 sciētig, & omnigenę doctrinę constituunt; eos Narcissi sortem
 nancisci, haud grauatè ferimus, tametsi veros criticos solem,
 & salem litterarum existimen, sed monere, & moneri libere ve-
 lint, ne nimis intelligendo efficiant, vt nihil intelligant.
 Hæc cō dixi, vt eum errorem, & fallaciam conuellerem, quæ
 in hanc materiam metallicam, & gemmariam irrepsit, dum
 nouitij Scriptores ex vna obseruatione fortuita, & accidenta-
 ria statim negant receptas à grauissimis Doctoribus sententias
 perindè, ac essent vulgares fabellæ; sed proculdubio paraloo-
 gismus est, & elenchus reprehensione dignus, cum ex particu-
 lari concludimus vniuersale, quod hæretici faciunt, cum aiunt
 hoc miraculum falsum est deprehensum, ergo omnia D. VIR-
 GINIS miracula sunt inania; quo argumentandi genere nullū
 inanium, & ridiculum magis adde noxium, & perniciosum arti-
 bus, & doctrinis; Multi enim propter imperitiā Logicæ, id
 quod est per se, ab eo, quod est per accidēs, distinguere nesciunt.
 Obijciunt, ad destruendum vnum sufficere ex recepta Peripa-
 teticorum sententia: respondeo id vnum debere esse per se
 (non ex accidenti) & quatenus ipsum, & in materia neces-
 saria; inductiones ex pluribus particularibus fieri debere, quod
 præceptum ritè exēcutus est contra Cardanum Scaliger, cum
 Lydium lapidem non ratione coloris nigri explorare aurum
 inductione necessaria demonstrauit: quod supra perstrinximus.
 Prædictis de lapillo Buffonum testibus quartus accedat, non
 contemnendus Auctor, Brassauolus, cuius nuper mentionem
 feci, quem Cardanus lib. vij. de subtilitate citat ille disertis
 verbis

verbis se in capite illius animalis inuenisse, eum lapidem pro-
 fiteretur, esseq; potius os, quam lapillum: Duplicem esse cauū,
 ossiq; persimilem colore fusco pallente, & alterum qui in osse
 lapidem continet, verum os capitis existere, quod vetustate
 concreuit, quia terra alitur. Prudenter, & acutè Tertullia-
 nus, Nihil erubescit veritas, nisi solummodò abscondi: vt igitur
 hæc magis in lucem proferretur, & explorata elucesceret, con-
 stitui denuò Musæum nostrum adire, & Buffonitas hos lapillos
 explorare, & examinare; cum ecce tibi FRANCISCVS CALCEO-
 LARIVS Musæi luculentissimi Dominus, multos mihi huiusmodi
 lapillos ostendit, quibus coniecturam meam solidè, & planè
^{per oculos}, & oculato experimento confirmatā statim deprehendi:
 qua re summoperè pro immensa, qua ducitur, indagandæ ve-
 ritatis cupiditate lætatum vidi ornatissimum CALCEOLARIUM;
 Aderant Buffonites solidi, & maiusculi variorum colorū, quos
 verissimè è Buffonum capite erutos non est dubitandum; ade-
 rant, & parui intus caui saxeæ materiæ adhærescentes, potius
 adnati, hos duntaxat effigatos, & descriptos (cum omnes
 propositæ notæ optimè respondeant) à percelebris illius Mu-
 sæi descriptore inconfesso est; prætermittos cæteros, qui soli-
 dæ substantiæ sunt, & maiusculi diuersorum colorum, vt iam
 supra exposuimus; quocircà argumentum certè inualidum fu-
 erit: figura, & colore sunt fungis persimiles, ergo ijdē omnes,
 hoc est è saxo procreati; exploranda enim erat substantia, so-
 liditas, magnitudo, colorum varietas, quæ in hac distinguen-
 dorum lapidum disciplina sunt differentiæ, non solum acci-
 dentariæ, sed & ^{essentiales}, & essentielles, cum ab inseparabilibus
 accidentibus, & proprietatibus hauriantur: hæc omnia indi-
 tia, & notæ cum non conueniant lapillo illi saxeo; fatendum
 erit alios Buffonitas Musæi lapides longè ab illo discrepare;
 cuius veritatis, quæ iam in posterum non erubescet, testimo-
 nium à solertissimo Porta eorum ciue (ni fallor) petere pote-
 rāt, qui verum Buffonitè è capite Buffonum extractum agno-
 scit, vt supra etiam admonuimus: Hac de re latius disputa-
 uimus, tum vt probatorum, & magnorum Auctorum doctrinā
 sanctam rectam tuerer, tum veritatem ipsa oculorum fide
 explo-

exploratam illustrare, *ὅτι οὐ γὰρ* (vt cum Aristot. dicam, *πρὸς τὴν ἀλήθειαν* : sanctum scilicet esse, veritatem rebus omnibus & amicitia etiam antepone, quam à nobis candido animi affectu (cuius nobis in scribendo conscij sumus) explicatam esse & Deum testem laudamus & viros eruditos huiusmodi rerum, & disceptationum æquos æstimatores, qui summam eruditionem, & disputandi acumen cum candore, & philosophica modestia coniungunt; garrulos enim, & blaterones sophistas, tumore & ostentatione Iberica inflatos nihil moramur, à quorum more alienos esse ornatissimos illius Musæi scriptores, pro certo habeo.

Vix huius lapilli descriptionem absolueram, cum Patauio redditæ mihi sunt doctissimi Pignorij litteræ, in quibus certior me fecit, Clarissimum Virum Adrianum Spigelium Chirurgiæ, & Anatomies primarium Patauij professorem existimare, & pro certo tenere lapillum hunc Buffonitem esse partim Metallicum (mineralem vocant) & fossilem, partim ex Buffonis capite erutum, & naturalem, genusq; ossis esse quale etiam in capite Cyprini inuenitur; Mineralem in Germania reperiri: solemnem verò illam, & operosam extrahendi rationem risu potius dignam existere, cuius & nos fidem penes Auctores à nobis citatos esse volumus. Gallos Crapaudine hunc lapillum vocare, Crapaul enim apud ipsos Buffonem dici. Gauisus porro sum valde tanti viri, cui primas in hoc genere libenter viri docti deferunt, testimonio, & auctoritate nostram sententiam de duplici illo Buffonitis genere comprobari.

DE CANCRORVM FLUVIATILIVM LAPILLO.



ASSERVARI hunc etiam lapillum in Musæo deprehendimus iisdem notis, & viribus à natura donatum, quas optimè, & breuiter descripsit Agricola lib. vj. de natura fossilium versus finem: reperiuntur, inquit, etiam bini lapilli, seu globi dimidiati figura, in cancrorum fluuiatilium capitibus, quos

non-

nonnulli funda claudunt, mouent verò vrinam; De iisdem scribit Cardanus lib. vij. de subtilit. tradens, alios lapides fieri à frigore, alios à calore: lapides omnes, qui in Cancris, Limacibus, ac Piscibus, alijsque multis huiusmodi gignuntur, lapidum generationem in renibus prohibere, genitosque dissolvere; nam hi lapides in his animalibus immodico frigore con-
 crescent; epotos igitur renes refrigerare: in hominibus lapides calore immodico generari: talem autem materiam lapideam esse, & frigidissimam: Hinc colligit, vrinæ copiam, quæ calore renum, vel siccitate fit, præsens afferre auxilium: Verum istæ hæc censuræ subijci possunt; omnes enim lapides à calore sunt, si formæ illorum educationem è materia spectemus; at animantia minùs calida, quæ frigida dicuntur, Limaces, Cancris, Pisces proprium temperamentum lapillo genito impertiuntur, hic igitur effectus prædictos præstabit: at lapides in Taurorum vesica fellea, & hominum, inuenti, si à calore sunt, minùs debent refrigerare; at propter materiam frigidissimam, & lapideam refrigerant: omnes ergo quoad vires, erunt eiusdem conditionis, cum caloris vestigia in lapidibus non remaneant, sed omnes frigidi sint, & terrestres nullis partibus calidis insigniti, nec pinguibus, æreis donati; quod floribus, radicibus, fructibus, gummatibus succis concretis plantarum maxima ex parte cernimus euenire: Hæc diligentius à Cardano erant consideranda, nec impotenti ingenij feruore distinctiones rerum afferenda, quæ nullæ sunt; vt præ alijs omnibus multis sapere, & reconditæ doctrinæ arcana tenere videretur; Verum ipse, vt lib. xvij. de scientijs profitetur, tardè rationem tradendarum scientiarum à Galeno didicit, cum casu à numine oblato coactus est de ea Galeni sententiam intelligere: sed profecto multa eius errata, eaq; grauissima Iul. Cæs. Scaliger aperuit, à censoribus etiam hæreticæ prauitatis proscripti libri qui superstitiosa multa, & aliena à nostra Sanctissima Religione inculcant: Possumus tamen (ni fallor) de libris subtilitatis, & varietatis rerum id verè, & sincere asserere, quòd Poëta ille de suis Epigrammatis,

Sunt bona, sunt quædam mediocria, sunt mala plura.

De Cancris pulcherrimam Epistolam Christophori Guarini, Collegij nostri Medici Clarissimi, lib. Consultationū cap. xxxv. qui Prage superioribus annis defunctus est, dum Rodolpho II. Imperatori esset à Consilijs valetudinis, ad seniorem FRANCISCVM CALCEOLARIVM scriptam, per otium lector, & animi causa perlegat; qua docet, nostros vulgò vocatos Gambaros non esse Cancros veterum *καρκίνους*, qui cauda carebant, & erant rotundi, ab Aristotele sine nomine describi, ob paruitatem non esse Astacos, ob formam non esse fluuiales Cancros: Vide Epistolam illam.

DE STELLARIA GEMMA, QVÆ ASTRIOS,
Asterios, Asteria, Astroites, & Astrobolos, & Solis
Gemma à diuersis Auctoribus vocatur.



ANC Gemmam, quam in Musæo pulcherrimam conspeximus, ex cristallino succo candido gigni, Auctor est doctissimus Agricola: intus veluti Stella radians candido; vnde à diuersis Auctoribus, quorum scripta collegit Plinius noster, varijs eadem nominibus videtur nuncupata; quamuis ille Asteriam dictam putet, quoniam contraria Soli regerat candicantes radios Atrium, quod Astris opposita fulgorem rapiat, ac regerat; Vnam verò esse gemmam non plures, probat Agricola; quoniam eadem est ferè nominum ratio, eadem regiones, in quibus nascuntur, Carnania scilicet & India; idem color candidus, eadem lux candida, quia rotunda est, alius pupillæ, alius Lunæ plenæ, alius Solis orbi persimilem facit, lucem illam gemma transfundit, cum inclinatione, velut intus ambulans ex alio, atq; alio reddens, quæ radiat candido, melior est, quæ cæruleo, deterior; vocaturq; Ceraunia, quod in loco à fulmine percusso inueniri falsò persuasum sit; quæ colore lumini lucernarum simili pessima, laudatissima est in Carnania nata, nulla quæ minus vitio obnoxia, proxima in India, texta in Pallenes peninsula Thraciæ littoribus, quoniam duro admo-

admodum gemma est, ob id difficilis ad calandum redditur. Sudines oculis piscium similem Astrobolum dixit: Addit Casalpino, omnes hos lapides hodie vocari oculum felis, qui pupillæ modo radiant, vt felis, modo clarius, modo obscurius; in omnibus enim inspicitur lux veluti Stella, aut Sol, aut Luna obambulans in declinatione; Astroites in magicis à Zoroastre miris laudibus decantata, quâ tamen inter gemmas non agnoscit Cardanus, nec Michael Mercatus à Casalpino citatus: parum nomine, ait ille, ab Asteria differt, multum viribus, & substantia; nam nec gemma est, nec perspicua, maculis cinerei coloris tota distincta est: sponte in Aceto, ac etiam vino mouetur, ac animalium incessum imitatur; procedens indè ad latus, indè retrò gradiens: frequens apud nos, & vilis pretij; lapidem constare tenui humido, quod ab aceti, & vini vi in vaporem verti posset; vndè quærens exitum, nec inueniens, huc illuc lapidem alioquin etiam leuem facillè impellat; tenuitatis vaporis inditium est, quod Bullas non mittit, vndè nec meatus habere magnos illum credere oportet; sunt, qui existiment, collo appensum victoriam gestanti conciliare: Hanc igitur causam admirandi illius, & plausibilis apud vulgus effectus Cardanus excogitauit; quam deteriorem putabit ea, quam attulit Agricola, quicunq; Aristotelicæ philosophiæ sacris sit ritè initiatus: sic enim Agricola. *At quod Asterites in acetum positus vertitur nonnihil in orbem & mouetur de loco, hæc causa est. Stella eius sunt rara, intermedium verò densum est: earum igitur foramina cum combiberint acetum, expellunt aerem qui lapidem commouet. hæc profectò ratio verisimilior: quomodo enim ab aceto, & vino actu frigidis excitari vapores è tenui humido possint, cum actiones à superior tali potentia scilicet (agentem virtuales vocant Scholastici) non prodeant, nisi ad actum redigatur, excipio cælum, quod maximis viribus in inferiorem mundum agit & omnia fouet, & tuetur, licet actu tale nō sit, lumine. n. & motu tum secreta vi influxus primas qualitates gignit, tamen si ijs præditum minimè sit, vt gemmæ frigidiores cum sint omnes, & Astroites ipse, qui statim liquores illos ad actum redigere queant, vt motus à vaporibus ipsi comparetur: hoc igitur Cardanus*

Bbb a viderit;

viderit: nec cautè satis scripsit Agricola à foraminibus gemma, cum combiberint acetum, expelli aerem; quæ enim potest in ijs esse expultrix facultas, quæ viuientium propria est, vel etiam alicuius generis Magnetis, aut electri: dicendum igitur erat, spontè exire aerem, corpori grauiori introeunti cedere. Vt mutua vitetur corporum penetratio, atque insinuatio: Marsilius Ficinus lib. 3. de vita cap. 14. (de vita cœlitus comparanda librum illum inscripsit) multa ex Platoniceis recentioribus, & Magis Arabibus congeffit, quæ nunquam fortè Platoni in mentem venerunt: Vt spiritus vitalis, & animalis Solaris fiat, præcipit, vt proprias illius syderis res per gradus descendentes arripiamus, solares scilicet homines, Bruta, plantas, metalla, lapillos, & quæ ad hæc attinent; sic virtutem Solis vsquequaque combibi: inter lapillos nominat Solis oculum figuram pupillæ habentem, ex quo lumen emicat: hic nostra est Asteria: Ex his dominante Sole componendum esse aliquid, quod spiritus solares efficiat: axioma enim est magicum satis vulgatum, per inferiora superioribus consentanea posse homines temporibus opportunis ad cœlestia quodammodo trahi, atque etiam per cœlestia super cœlestia nobis conciliari, ac prorsus insinuari: Sed prudenter adiecit Ficinus, hoc postremum illi viderint: illud certè Platoniceum videtur, quod sæpè Franciscus Piccolomineus Doctor meus inculcabat: Ita Mundi machinam secum esse connexam, vt in terris cœlestia sint conditione terrena, in cœlo vicissim terrestria dignitate cœlesti; quæ omnia sobriè, & per quandam moralem analogiam accipienda sunt: Hæc enim magna fuit errandi ansa, & occasio; quoniã multi expositores, vt Proclus, Plotinus, & Porphyrius alij, quæ à Platone per allegoriæ inuolucrum, & moralem præceptionem dicuntur, ipsi statim, iuxta nudum sensum, vt verba sonant, arripiunt, & mille ridicula somnia fingunt: quod potissimum Arabicis Astrologis euenit, vt sagax, & doctus Ficinus talium alioquin non incuriosus, tandem deprehendit, & ingenuè confessus est. In figuris, & imaginibus gemmarum Agyrtarum ridicula vanitas potissimum elucet: & in medicamentorum illis confectio- nibus operoso simplicium delectu paratis, quæ à medicellis


auram

auram popularem captantibus mirè, tamque arcana multis talentis redimenda, recipiuntur. Sed Marfilij tempestate nondum Plinius proprium nitorem, & veram lectionem recuperaverat, quam ex Barbari Veneri Patritij Clarissimi castigationibus primum, mox & ex aliorum non aspernandis laboribus ipsi conciliatam cernimus: Sed nec Dioscoridis, Aristotelis, & Galeni summorum virorum lucubrationes vigeant, sed ijs sordida barbarie oppressis, vel potius sepultis, Barbarorum. & Mauritanorum libri præ manibus habebantur, quare ex impuriis lacunis haurientes, illius sæculi studiosi viri supersticiosam magna ex parte doctrinam obrudebant: tandem aliquando viri eruditissimi ex illo doctrinarum squallore, & ceno caput erigentes commodis, & genuinis interpretationibus, & scholijs proclamarunt *ἀλλὰ δὲ νῦν*. Inter hos principem locum Hermolao Barbaro, Leoniceno, Manardo, mox Agricole libens concedo: sequuti mox sunt laboriosi compilatores alienæ industria: quos omnes Philosophiæ, & Medicinæ studia plurimum adiuuisse inconfesso est. Cum hæc scripsissem, incidi forte fortuna in librum Corr. Gesneri de rerum fossilium lapidum, & gemmarum figuris, & similitudinibus, quem misit ille auctor ad FRANCISCUM CALCEOLARIUM seniore, magnum illius ætatis Botanicum, & huiusmodi rerum perstudiosum, tum indefessum in conquirendis, & examinandis simplicibus medicamentis percelebris Mattheoli comitem. Hic propterea primus Veronæ (& forsan in Italia nostra) Musæum hoc medicum percelebre instituit, & mirificis rebus pro tempore semper ornatum esse voluit: Is igitur Gesnerus cap. ij. Asteriam vnum separatim delineavit, tum octonos coherentes ita concinnè iunctos, & aptatos (separabiles tamen) ut nullus artifex potuisset melius: singulis vtrinque stellæ figura, ceu sigillo impressa, vel insculpta videtur. Radij eminent suis angulis quini, inque singulis radijs cavitas media est, margines strijs transversis sulcantur: substantia eorum prædura est: subdit mox: res admiratione digna, quod non in superficie solum vndique, sed intus etiam in profundo stellarum imagines habet: Suidas in voce *ἰσχυρὴ* hæc habet *Ἀστροπὸς*, qui Mithridatis à lectionibus fuit

fuit librum de Helena edidit, in quo tradit, Pana vocari piscem cetaceum, in quo Asterites lapis inueniatur, qui accendatur à Sole, & ad Philtra faciat: ritè Gesnerus obijcit non esse verisimile lapidè in pisce, aut ceto repertum Sole accendi, esse Asteriam Plinij, neq; reuera accendi, Solis tantum, & Syderum radios regerèdo ardere, & accendi videri. Distin-
guit etiam Asterià à Pederote, quod hic ad inclinationes colorem mutat, ille rotundam lucè inclusam transfundit cum inclinatione, à Dionysio Afro Ἀστέριος vocatur his versibus.

φύεται ἀστέριος καλὸς λίθος, οἷα τις ἀστὴρ

Μαρμαίρων, λύχνος τε πυρὸς φλογὶ πάντων ὁμοῖα.

Laurentius verò Pignorius Patauinus Vir Clarissimus, & mei
amantissimus in quadam sua ad me Epistola inueniri testatur
Asteriæ, vel Stellariæ genus, cum Crucis figura vtrimque ex-
pressa hoc pacto  Iam verò quam nam allegoricam præ-

ceptionem ex pulcherrima hacce gemma colligemus? An ad
cœlestium, & beatarum mentium splendidissimas sedes nostrā
mentem assidue è terrenarum rerum cœnosis senticetis esse eri-
gendam, cum hic sedem permanentem non habeamus, sed nos
his promissum cœleste domicilium expectemus, huius rei nos
à splendido & stellato hoc lapillo commonefieri, vt sepè cum
D. Gregorio Nazianzeno sic nos excitemus,

Θυμὲν ἐλὶψον ἄνω, χροσίαν τ' ἐπιλάβου πάντων.

Anima sursum spectata, & mortalium omnium obliuiscere.
ne sanè vitam transigamus, veluti pecora, quæ natura pronā
& ventri obedientia finxit, vt ille ait: audiamusque Persium
nos verè increpantem; O curæ in terras animæ, & cœlestium
inanes. Sed tanti Auctoris, licet Ethnicī, altius animo infi-
zum præceptum retineamus.

*Quid damus id superis de magna quod dare lance
Non possit magni Messala hippe propago
Compositum ius, fasq; ammo, sanctosq; recessus
Mentis, & incolam generoso pectus honesta*

Pudeat

Pudeat tandem nos tot præfidijs Christianæ pietatis munitos, & subnixos, fœdo vitiorum ceno demersos à gentili Poëta ad lucem, & splendorem virtutis, & humani decoris vocari, atq; inflammari. Illud adjiciam, clarissimum Pignorium in suis nuperrimis ad me litteris lapidem Crucis se habere significasse hac figura expressum.



— Crux est candida, vtrimque ducta paribus interuallis.

— Lineolæ ad dextram etiam ipsæ albescent.

— Reliqua planities lutea.

DE CHRYSOCOLLA.



E hac Dioscorides, Plinius, Galenus, Agricola, Cæsalpinus optimè tractarunt; nos ex ijs ea colligemus, quæ ad rem nostram faciant, & Chrysocollam in Musæo asseruatam benè describant.

Duplicem esse Chrysocollam, natiuam, & factitiam ex Plinio colligit Agricola lib. iij. de natura fossilium. : nomen hoc primum inditum factitiæ à Græcis, qua aurum cum auro conglutinetur, indè in natiuam, & alterius generis factitiam deriuatum propter coloris similitudinem, quæ his solet esse cum illa, ait Agricola: natiua, aut reperitur per se plerunq; arenæ similis, vel materiæ metallicæ adheret, nascitur enim in ærarijs metallis, ex ære. n. tantum fit. Ex Armenia allatam, quæ ad satietatem calorem prassij imitatur, Dioscor. omnibus præfert; secundas tribuit Macedonicæ, sed doctè monet Agricola noster, eius bonitatem rectius spectari ex colore, & viribus quam æstimeretur ex loco in quo nascitur: Color enim omni natiuæ est viridis: Sed quæ viret ad satietatem, vt adhuc metallicæ materiæ adherescens ad Smeragdi viriditatem videatur accedere, longè optima censetur; alia habet viriditatem dilutam, alia mediam, quæ proindè viliores existunt; prima in Musæo, vt præcisè descripta est, asseruatur; Factitia Chrysocolla duplex;

duplex; altera fit ex dura natiua, tingiturq; herba lutea, ob id herbacea dicta, atq; ea laudatissima, natiuaq; pretiosior, cuius conficiendę rationem tradit Plinius: eius erui color est, vnde *δολιχίς* à Græcis vocatur: Altera, qua Aurifices vtuntur, & quam Dioscorides in *Æruginum* numero reposuit, dicitur *Santerna*, constatq; ex Cypria *Æruginē*, pueri impubis *vrina*, nitro, Galenus lib. ix. de simpl. Dioscoridem sequutus, ex *erugine*, & *vrina* tantum fieri scribit; omni *Chrysocolla* *Pictores* vtuntur, Aurifices ea sola, qua aurum cum auro, argentum cum argento conglutinatur: eadem vtuntur Medici, & fossili, propterea Græcè *αὐρῆς* nominatur; vtraq; digerit, & exsiccat, & cum carnes liquefaciat, non tamen vehementer mordet; idcirco aptissima vlceribus, quæ curationi contumaciter resistūt: *Factitia* quanto magis desiccet, minus verò mordet, quam natiua, tantò magis tenuas habet partes; quod si vsta fuerit, multò fit tenuior, sicuti aliæ res fossiles, vt rectè docuit Galenus, modica potu mouet vomitiones, interficit multa. *Chrysocolla* Nero princeps ad spectacula est abusus, ea enim arenam *Circi* strauit, cum ipse (inquit Plinius) concolori panno aurigatus esset: antè verò eum *Caligula* eundem *Circum* minio, & *Chrysocolla* constrauit: hæc ex *Agricola*, & *Plinio* lib. xxxij. cap. v. qui & dari in *Angina orthopneāq;* miscendam cū *mel-* le docet, concitare vomitiones, & misceri *collyrijs* ad *cicatrices oculorum*, ac *viridibus emplastris* ad dolores *mitigandos*, & *cicatrices trahendas*. *Cæsalpinus* lib. ij. cap. lxij. breuiter, & distinctè suo more ex *Plinij*, & *Dioscoridis* auctoritate de *Chrysocolla* agens, sic scribit, *Chrysocolla* inter *pigmenta* recensetur colore *virenti*, *limus* autem potius est, quam *lapis* humor per *venam auri* defluens *crassescente limo* *rigoribus hyberinis* vsq; ad *duritiem lapidis*: reliqua apud eum legat *candidus Lector*, loco citato, & *Hermolaum* lib. v. cap. c m x l. *Corollarij*, *Dioscoridem* lib. v. cap. x c v.

DE

DE LAPIDE LINCVRIO, *vel* LYNCS.

ANTA est veterum in historia Lyncurij varietas
 (ait Marcellus Virgilius) vt nihil censere de
 eo audeamus, Dioscorides lib. ij. cap. lxxij. scri-
 bit. Lyncis vrina, quam Lyncurium dicunt,
 creditur eiecta statim lapidescere, sed falsò, *ἡ δὲ καὶ*
καταλεῖ ἐκ τῆς ἰσοπίας, eam scilicet ob causam stultam habet hi-
 storiam; est enim Lyncurium, quod à quibusdam electrum
πτερυγιοειδές, quod est plumas trahens, dicitur. Id in aqua potum
 stomacho, & fluenti aluo accommodatum est, hæc Dioscori-
 des, Plinius lib. xxxvij. cap. iij. falsum docet esse, gemmam
 ea appellatione reperiri, nec æuo suo visam, & falsum totum,
 quod de Medicinis eius proditur, & foliorum, aut stramento-
 rum tractione. At lib. viij. cap. xxxvij. de Lynce loquens,
 Lyncum humor ait ita redditus vbi gignuntur glaciatur, are-
 scitq; in gemmas carbunculis similes, & igneo colore fulgen-
 tes, Lyncurium vocatas, atq; ob id succino à plerisque ita ge-
 nerari prodito. Nouere hoc, sciuntq; Lynces & inuidentes
 vrinam terra operiunt, edq; celerius solidatur illa: hæc ille,
 quibus non omninò sibi constare videtur. Hoc postremo ta-
 men loco Plinius noster lapidẽ Lyncis, de quo optime tractat
 Cæsalpinus lib. ij. cap. xlv. visus est descripsisse ex vrina Lyn-
 cis procreatum, qui vulgo Lupus Ceruarius vocatur, hæc mi-
 sta in montibus coagulatur in lapidem, qui in Domo seruatus
 gignit optimos fungos toto anno: valet cõtra dolorẽ stomachi
 icterum, & fluxus ventris: hæc ex Arabis Euacis sententia re-
 fert Cæsalpinus; Alij gemmam diuersam ab Electro igneo co-
 lore carbunculo similem, atq; frigidam, quæ & scalpatur, è fe-
 minis præsertim cicuribus candidam, & languidam existere
 putant, nec frondes & acus modò rapere, sed æris quoq; fer-
 riq; Bracteolas, vt Diocles, & Theophrastus referunt; Idem
 Theophrastus Lyncurio tribuit fungos ferre: subdit idem Cæ-
 salpinus; Hodie Neapoli notissimus est lapis, qui Domi asser-
 uatus, si irrigetur, fungos fert toto anno; de quo Hermolaus
 lib.

lib. iv. Corollarij cap. de fungis, inquit; oritur fungus, & è saxo, idest lapide Lyncurio, sine Lynce vulgari voce dicto, admirabili natura, præciditur hic in Esu, & alius subnascitur anno toto pediculi pars relicta duratur in Silicem, atque ita semper crescit lapis restibili fecunditate, nec credidimus, antequam domi natos ita manducaremus, hæc Barbarus: Corticem populi cæsum, & sulcis stercoreatis mandatum omni anni tempore fungos ediles proferre, Dioscorides etiam; tradidit hos vel ex loci natura, vel ob certam irrigationem, & stercorationem, vel ex Lyncum vrina concrefcere in lapides, censet Cæsalpinus: nam & in vrina humana inesse vim petrificam, aut lapidificam eo argumento probat; quoniam matulæ loricam contrahunt, & veluti crustam lapidosam; non ex illo humore constare hos lapides, hoc enim iure visum incredibile, & *paratur isoridæ* (vt ait Dioscorides) continere, sed succum lapidescentem, qui in vrina latet, ad eorum concretionem facere; colligit demum non esse repudiandos hos lapides, qui quasi per manus hucusque sunt ab antiquis traditi hoc nomine: Recipitur lapis Lyncis à Nicolao Alexandrino in compositionibus facientibus ad calculum & vitia renum, & vesicæ, quod & populi albæ cortex facit, teste Dioscoride: Hæc sanè Cisalpini viri prudentis, & excussi iudicij sententia longè magis mihi probatur, quam aliorum, qui vel idem cum succino, & electro faciunt Lyncis lapidem cum electrum succus terræ pinguis sit, & Bituminosus, vt alibi ex Agricole sententia optime ostendit Excellentissimus Cerutus Musæi pag. c. xxx. ; vel omninò repudiant tamquam fabulosos lapides, vt soli sapere videantur omnia audacter, & elato supercilio negant, hæreticorum more consensum Doctorum, & totius antiquitatis flocci facientes: vt in lapide Buffonite perstrinximus, non distinguendo quod est per se ab eo, quod per accidens existit, & ex vno fallaci, vel captioso experimento de toto genere perperam, peruersèque sentientes.

DE

D E O P H I T E .



SSERVATVR & in Musæo lapis Ophites Ges-
neri, quē sub hoc nomine donauit CALCEOLARIO
Seniori Prosper Borgoruccius, Reginae Galliae
praestantissimus Medicus, hic ad secundam spe-
ciem Ophitis à Dioscoride positam pertinet; ita
de eo Gesnerus lib. de figura Gemmarū non longè à principio,
Ophites quidam cinerei coloris, & punctis varius est κατεσιγμένος
Dioscoridi, Epiphanius Sapphiri speciem χρυσεός γιν' facit, pun-
ctis maiores sunt Bullae, & verrucę, hæc ille. Dioscorides
δὲ σπ. διοειδὲς τὸν χρῶαν, καὶ κατεσιγμένος quidam cinereo colore, & pun-
ctis variatus; talis profectò est Musæi Ophites, quem ritè con-
speximus, & manibus contrectauimus. Omnes adalligati
(subdit Dioscorides) contra serpentium morsus, & capitis do-
lores βουχρυσόιν utiles sunt: ex alijs generibus vnum est graui
odore, & nigrum, ita multi vertunt: Sed cum simpliciter βαρύς
scribat Dioscorides, sine additione σμῆν' odore, aut non dixerit
βαρύσματος, cogitent eruditi, an grauitas hæc, ad pondus referri
debeat, alterum genus candidis lineis intercurrentibus: οφίς
Græcè serpens, à cuius tergoris colore dictum Ophitem pu-
tandum est.

D E B E L I O C U L O .



E hac gemma præclarè, & breuiter doctissimus
Agricola lib. vj. de fossilium natura scribit; cuius
verbis expressum, & delineatum Musæi Bellocu-
lum intelligemus, vt Achatae, & Ponticae in-
terdum imagines rerum reddunt, ita Oculum
Gemma, quam veteres Beli oculum nominarunt, quod & Belo
Assyriorum Deo esset sacrata, & Oculi effigiem quodammodo
exprimeret: Iuniores, corrupto vocabulo, Belloculum, & si ipsi
ita se gemmam appellare aiunt, quod pulchra sit, & aliquam-
ad Oculum similitudinem habeat: albicans enim (inquit Pli-
nius

nus lib. xxxvij. cap. x.) pupillam pingit nigram, è medio aureo fulgore lucentem, hæc propter suam speciem Sacratissimo Assyriorum Deo dicatur: aliam autem, quam Belum vocant, in Arbelis nasci, Democritus tradit nucis iuglandis magnitudine vitrea specie. In eodem capite paulò post subdit Plinius: Eumetrem Beli gemmam Sanctissimi Deorum sibi Assyrij appellat porracei coloris, superstitionibus gratam; Vt verò naturæ lusus egregios spectaremus, quæ in rebus mutis, & sensus expertibus animantium partes solet affabrè representare, Iy-cophthalmom gemmam reperiri scimus ex oculo lupino, cuius figuram exprimit, nomine imposito sit ægophthalmum ex capri-no, hyophthalmum ex Sicillo: Triophthalmum ex tribus hominibus non sine fortassè arcana facultatis mysterio, qua prodesse illorum animantium oculis iuremeritò credi possint.

DE OBSIDIANO LAPIDE PLINII.



PLINIUS lib. xxxvj. cap. xxvj. de hoc lapide plura eleganter scribit: In genere (ait) vitri, & Obsidiana numerantur ad similitudinem lapidis, quem in Æthiopia inuenit Obsidius nigerrimi coloris, aliquando & translucidi, crassiore visu, atque in speculis parietum pro imaginæ umbras reddente: Gemmas multi ex eo faciunt, vidimus & solidas imagines Diui Augusti capti materia huius crassitudinis, dicauitque ipse pro miraculo in Templo Concordiæ Obsidianos quatuor Elephantos; subdit paulo post, Ex quo apparet antiquior materiæ origo, nunc vitri similitudine interpollata. Xenocrates Obsidianum lapidem in India, & in Samio Italiæ, & ad Oceanum in Hispania nasci tradit; paulo post: maximus tamen honos in candido translucentibus, quam proxima crystalli similitudine, qualis ferè illa est gemma, quam in Museo nostro asseruari vidimus. Cæsalpinus lib. ij. cap. xij. hodiè (ait) foditur Serauitiæ, & Carrariæ in Etruria quoddam adeò atrum vt cum perpolitum est, speculi modò synceras imagines reflectat; huiusmodi visitur Pisis ad postes templi Episcopalis Agri-

Agricola lib. iv. de natura fossilium initio ex succo pingui naturali cognatione cum sulphure iuncto, quem Græci ^{Ἀσφαλτός} Latini nominant Bitumen, constare Obsidianum lapidem testatur; alibi in eodem libro docet, idem Bitumen durum dici lapidem Obsidianum, quod in Æthiopia inuentum sit ab Obsidio, ex quo fieri gemmas, quæ Obsidianæ nominantur. Indiæ populos (aiunt) ex eo gladios, & nouaculas conficere, & in suprema hastilium parte arctè obligatas in gerendo bello eas usurpare.

DE TAURORVM FELLIS,

& Renum lapide.



INVENIRI in his Taurorum, aut Bouum partibus lapillos fetetur summus vir I. Cæs. Scaliger exercit. cxxv. contra Cardanum, cum scribit. Iudaicum lapidem, & eum, qui in spongia, quiq; in Tauri fellis vesicella calidus est, & Arabicè dicitur Harathzi, ad renum refrigerationem, qui det, inueniam neminem: paulò post idem Scaliger: Eum, qui est in felle Tauri, ad Ictericam facere, Moses Kymhi scriptum reliquit in suis Commentarijs: Gesnerus cap. xij. par. iij. de figuris lapidum ita scriptum de his lapillis reliquit: De lapide in felle Bouum; Taurorum maxime iam olim annotauì quædam in historia quadrupedum de Boue pag. lxx. & in Tauro cix. De eodem lege Auicennam in ultimo ex quatuor illis capitibus, quæ libro ij. eius Bellunensis præmisit; ubi & descriptionem eius, & ex eo remedia ponit: Syluaticus Massatium interpretatur lapidem, qui in felle Bouis inueniatur. Scaliger Harathzi Arabicè dici, scribit: Eum, qui est in felle Tauri ad Ictericum facere Moses Kimhi scriptum reliquit in suis Commentarijs, Ego talem ab amico missum habeo, ruffi calor, friabilem. E' rene Bouis lapidem Aldrouandus Bononiæ habet: hætenus Gesnerus: alij tradunt lapides fellis esse friabiles non duræ, & solidæ substantiæ, colore felli bubulo haud dissimiles, apud

apud Turcas, & Iudæos maxime æstimari, quibus nullum præsentius remedium ad morbum regium propulsandum norunt: in renibus inuentos Taurorum rubentes esse veluti aurum tunica nitente opertos, duos admodum, alios rotundos, alios oblongos, alios planos, ut in nostro Musæo videre est, quibus notis utriq; lapides inter se facile distinguere valeant.

Lapis Fellis Tauri mentionem fecit Io. Baptista Olius, Medicus Cremonensis in sua Testificatione de reconditis, & præcipuis collectaneis Musæi CALCEOLARIi abhinc quadraginta, & amplius annis impressa, dum scribit, Lapis in felle Taurino repertus, de quo Auicenna, colore auri, haud secus, ac alia peregrina, hic inuenitur; hunc libellum Clariss. Mercuriali dicatum, præ manibus Lectori habendum censeo, cum breuissimum, nec omnino sterilem catalogum contineat præcipuarum rerum, quæ eo tempore duntaxat in Musæo asseruabantur.

DE PYRITE LAPIDE.



NEPTVS sim, si quæ de Pyrite lapide optimi Auctores tradunt, velim omnia huc congerere, vel transcribere Galenus, Plinius, Agricola, Cæsalpinus; quæ expeditè cuius apud ipsos, & alios legere licet: locum Dioscoridis considerabo, quem & Cæsalpinus examinat: Pyrites, inquit, lapidis genus est, à quo æs extrahitur, ἀφ' ἑχάλκῃς μεταλλεύεται, à quo æs foditur: alij experientie, à quo æs conflatur, obijcit Cæsalpinus hoc repugnare experientie, quod enim ignis scintillas edit sterile reperiri, at æris vena, seu terra, seu lapis sit ignem attritu non edit, ergo Pyrites non est dicenda: Hæc enim ex igne nomen inuenit, quod ferri, aut alterius duri lapidis conflictu ex ipso elici possit: Aristoteles, & Theophrastus πυρίμαχος vocarunt, quod igni repugnet, nam in arduas tantum fornaces coniectus fuit (ait Agricola) at ubi defluxerit in Catinum rursus concrefcit, & durefcit: aliquando effoditur Pyrites, qui de materia, quæ in terra tamquam in fornace fluxit, ortus videtur esse,

esse, & quamuis nihil interdum in se continet metalli, lapis
 tum purus non est, sed mistum, constatq; ex lapide, & materia
 quadam metallica, cui propria est forma: ea licet malleo non
 possit tractari, igni liquefcit, & fundi potest, in Pyrite tamen
 sepius insunt metalla, testè eodem Agricola accuratissimo ma-
 teriæ metallicæ exploratore, vt qui vanitate ingenij, & inno-
 uandi cupiditate contra eum sentiat, nihil sentiat: nominat loca
 vnde effoditur, metallo aliquo insignitus, & vbi nihil habet
 metalli: subdit mox, Ex quibus intelligi potest, veteres rerum
 scriptores, qui ex Pyrite tantum æs excoqui memoriæ tradide-
 runt, multa ignorasse: Nec solū differt Pyrites à Pyrite metallo,
 quod in se continet, sed colore, nam alius est aureo colore, aliū
 argenteo, vtrumq; Marchesitam Mauri vocant, & in Museo no-
 stro præcisè conspicitur. Vterque tamen speciem habet æ-
 ris; Iam verò Dioscoridis sententiam, ita accipiendam,
 Cæsalpinus monet vt Pyritis lapis in metallis gris reperiatur;
 illi adstipulari Plinium, cum inquit, in Cypro eum reperiri vo-
 lunt, & in metallis, quæ sunt circa Acarnaniam vnum argen-
 teo colore, alterum aureo: Auicennas etiam æreo, & ferreo.
 Sed cum Cæsalpinus scribit, recentiores fateri ex Pyrite, tamen
 cuiuscunq; metalli colore reperiatur, nullum tamen metallum
 destillare, sed in igne euanescere, in fenum relicto corpore,
 quodam nigro, & inutili, fortè Agricolæ repugnare existiman-
 dus est: qui disertè docet, in fornacem coniectum Pyritem flu-
 ere, & cum defluxit in Catinum concrefcere rursus, & dure-
 scere; non ergo ita inutile corpus redditur, vt dicat illi re-
 centiores, quos, quales sint, non aperit Cæsalpinus: Chymi-
 cos, vel Alchemistas esse opinor; qui sus deq; omnia permiscē-
 tes verissimis veterum dogmatibus reluctantur; quasi ipsi soli
 maxima in rebus naturalibus Arcana nuper in lucem protule-
 rint, sed dum aliàs diligenter (cum essem Iunior) Theophrasti
 Paracelsi, & asseclarum decreta, an somnia? expenderem, & ad
 normam Peripateticam explorarem, inueni sophismata putidif-
 sima à me sapissimè damnata in omnibus meis lucubrationi-
 bus; dum ex particulari experimento fallaci homunciones va-
 niloqui, & Barbari generalibus, & receptis doctrinis, & pro-
 loquijs

loquijs repugnare audent: quæ pessima argumentandi ratio Theologiam veterem Catholicam, philosophiam, Medicinam, Iurisprudentiam, omnes Artes vitæ. Communi vtilis vexare, & pollucere non destitisset, nisi Viri graues, optimis disciplinis nutriti Bellarminus, Manardus, Eraſtus, Decennius, Riolanus, alij, latius serpenti pesti summis viribus obstitissent: rude igitur illud & fallax igniendi Pyritis experimentum non debet Agricola doctrinam infringere, cum hic moderata ignitione liquationem solum lapidis procurarit, non consummatam vſtione ipsius in fumum conuersionem. Alia eius genera Dioscorides innuit, cum inquit seligendum esse æri similem, quasi reperiantur alij, quos respuit, frequentissimum apud nos esse Pyritem, vbi æs reperitur, & Calcanthum, sed & in metallis ferri, adhærere enim quandoque ei ferri venam in Illu. Casalpini testatur, ob similitudinem Adamantis: Andromachus inter gemmas à Plinio dicitur: Melle irrigatum, ait Dioscorides *ἐν ὕδατι ἢ ἀνθρακὶ μαλακῆ* lentis carbonibus imposito, statuque continuè, donec ruffescat, accendito, & friabilis efficiatur: Tam crudi, quam vſtius est excalefacere abstergere, offusam oculis caliginem expurgare, duricias coquere, concoctas discutere: lapidem Luminis vocant Arabes, ob vim discutiendi oculorum caligines, validam vim in halitum digerendi habere Pyritem Galenus testatur; sed plura de ipso scripsimus, quam initio decreueramus, quæ tamen, studioso Lectori non omnino futura sint infructuosa: libet adijcere ex Cardano lib. v. de Mistis: si Pyrites acendatur acri aceto insperſo, lienem prædurum colliquat, si quid aliud: quod & à Galeno lib. ij. ad Glauc. traditum; causa est partium tenuitas & caliditas, quæ lienem per cutim, & peritonarum ingrediens extenuat; per se vix liqueſcere, adiecto plumbo solui, quod omnibus aridioribus metallicis contingit, cum plumbo mistum notularum pro typis virgulas efficere.

DE

DE PHRYGIO LAPIDE.



PLINII nostri verba de lapide Phrygio sunt, *Phrygius lapis Gentis nomen habet, est autem gleba pumicosa, tritur autem vino perfusus, staturquè follibus donec ruffescat, ac rursus dulci vino restinguitur, & hoc trinis vicibus tingendis vestibus tantum utilis:* hæc ille; Cum verò & ad Medicos vsus à Galeno, Dioscoride, Agricola adhibeatur, nec hoc prodat Plinius, probabili coniectura fatendum, quod doctissimus Marsilius Cagnarus Cuius noster lib. ij. obseruat. cap. xxviii. contendit, Plinium. s. nihil à Dioscoride accepisse, atquè ipso fuisse ætate anteriorem; quod & Hermolaus Barbarus in castigationibus Plinianis testatur, cum Dioscoridem, aut Plinio contemporaneum, aut non multò posteriorem fuisse scripsit: quorsum enim Phrygium tingendis tantum vestibus vtilem dixisset, cum & à Dioscoride alios eius vsus, & vires ediscere potuisset? ex ipsdem igitur Auctoribus ambo hauserunt, sed adiecit Dioscorides, quæ proprijs experimentis, vel ex Medicorum recentium libris obseruarat: Nasci in Cappadocia Phrygium Dioscorides docet, optimum haberi pallidum, modicè grauem inequali corporis compage intercedentibus albis segmentis (*διαφύστος* habet Dioscorides) vt in Cadmia: Huiusmodi notis insignitum in Musæo asseruari deprehendi: sed & in Hispania nasci circa Segobricam Urbem copiosum, testatur Agricola, in Gallia non ita multum, in Germania etiam, & alibi terrarum passim haberi, & in Italia Bononiæ, vbi pars murorum ex eo fuit, & reperiri in fundamentis adhuc crebrum. quemdam valdè mollem, vt est Cappadocius, quemdam duritie marmoris, qui à molli specie non differt, sed sola duritie, ob quam in crustas fundi nequeat cum mollis in valdè tenues findatur: Solis calores, & hyemis frigora ferre: sed imbrium adedè esse impatientem, vt si vel magnæ eius moles ipsis sint expositæ facile corrumpantur; quoniam perspicuus est, ex eo Senecæ memoria caperunt fieri specularia, quæ fenestris inserta aerem excluderent, transmitterent lumen, eius ramenta in vino austero po-

Ddd

ro po-

ro pota Dysentericis auxiliantur, vlti verò puluis inspersus fistulosis vlcerebus breui tempore carnem generet : hæc est Agricola : Mirum porrò videri possit, cur scribat Cæsalpinus, vulgò non cognosci Phrygium : existimat tamen haberi in Italia, & vbicunq; efficitur Chalcanthum, cum enim ad tingendas vestes eo vterentur veteres, putandum est Calchanthi vim obtinere. Eo combusto semper se vsum Galenus lib. ix. de simpl. medic. proficetur ad vlcera putrida, validè enim desiccatur, habens quiddam adstrictionis simul, & mordicationis; Mox documentum aureum subiicit, idemmet Galenus Medicis, & Chirurgis memoria tenendum; Ea esse optima medicamenta, plurimiq; vsus, quæ mistas in se se duas facultates habent, nempe repercutientem, & digerentem, quæ digestio non ex Arabicorum auctorum more accipienda, hoc est pro concoctione, sed ex latini sermonis proprietate, pro insensibili dissolutione, & discussione; tanti refert Medicos, eam primam disciplinam non spernere, quam pernecessariam passim Galenus ipse ad artem ritè percipiendam, & exercendam est professus.

DE SAMIO LAPILLO DIOSCORIDIS.



AMIVM lapidem in Samia terra reperiri testatur Dioscorides, quo Aurifices vtuntur ^{πρὸς τὸ χρυσοποιεῖν, καὶ σιλαεῖν}, ad læuorem scilicet, & fulgorem auro conciliandum : Probatur candore, & duritie (σιβαρός Græcè) melius Marcellus Virgilius,

Solidus hoc est benè compactus, & soliditate firmatus,

Multa enim dura esse possunt, quæ solida non sint, vt potest quæ perfectè mista non sunt, nec lento humore vndiquaque conglobata, & solidata : soliditas enim optimam semper arguit mitionem; quo nomine aurum creditur ferro esse solidius, & grauius, ob perfectam, & exquisitam mitionem. Vis ei adstrictoria, & refrigerans ^{ὁρελὼν σωμαχικὴς ἐν ποσῶ} vertit Marcellus, bibitur vtiliter cibum in stomacho non continentibus, melius Ruellius; Prodest stomachicis potus, latiùs enim patent stomachi

machi affectus, & intemperies illa cibi incontinentia, quam-
 uis non diffitear ea voce potissimum eos, quibus vis stomachi
 subuersa est significari, cum. retentrix scilicet, & coarctrix
 obleduntur, vt supernè, vel infernè cibaria cruda, & incoco-
 cta deijciantur ἀμβλυπτιχὴν τοῖς ἀιδητηρίοις vim scilicet habet obtun-
 dentem sensoria, quæ sunt sensuum organa: malè Ruellius
 sensus hebetat: aliud enim ἀιδησις, aliud ἀιδητήριον: quo indica-
 tur leuiorem longè esse offensam, quam si sensus ipsi graui stu-
 pore afficerentur. Ad lachrymationes oculorum, & vlcera
 cum lacte efficax partus, vt tradunt, adligatus accelerat, &
 conceptus foeminarum custodit sic Ruellius: Græcè δοκεῖ δδ καὶ
 ἀκνέτιος εἶναι: videtur partum celerem reddere καὶ φυλακτήριος συν-
 οησὺν ἔχει περιεπτόμενος melius Marcellus adalligatum vtero ge-
 rentibus amuletum esse, περίπτα enim amulata; & συνελύσσει, quæ
 vtero conceperunt significant: hæc ex Dioscoride, quæ Samio
 in Musæo asseruato optimè respondent: Lapis aurem Samius
 (scribit Cæsalpinus) in eadem Ilua foditur lapide quidem
 consistentia, sed tactu linguæ adhæret, vt terra: calamita
 albam vocant; abutuntur Magi ad amatoria, quia trahere te-
 merè putatur carnem, vt Magnes ferrum: cæteros præcellere
 candidos, & subduros ex Dioscoride tradit Agricola: ita enim
 περιπλν vertit; ex quo intelligi vult, alios Samios dari, nec can-
 didos, & molles, vt ipsemet in Germania sua reperiri testatur
 in venis terræ pinguis, & glutinosæ procreatos Samiæ perfi-
 miles cinereos, pallidos, interdum molles interdum subduros,
 plerique omnes planos ex crustis constantes, intus nitentes, ex-
 trinsecus asperos, quare etiam ipsi auro poliendo vtilis; ex
 candido, quia speciosus, factam esse gemmam. quam Zoroa-
 stres exhebenum nominauit; Samium, quia refrigerat, & ad-
 stringit cotibus attritum cum lacte prodesse ad oculorum la-
 chrymationes, & vlcera, quibus Dioscoridi consentit Agricola,
 & ijs, quæ in Musæo comperiuntur, adstipulatur.

DE STROMBITE AGRICOLÆ.



ASCVNTVR in terra glutinosa (teste Agricola lib. v. de natura fossilium) quæ est in venis venulis, commissuris saxorum, testis aquatilium similes lapides; sed quantò terra crassior, quam aqua, tantò imperfectiores gignit formas, & quæ animantibus careant: quod genus lapidis reperiri in Germania, & in tractu Saxonie Hildesheimio in saxis in multis regionibus docet. Itaq; Strombites similis est Cochleæ aquatili; ex amplo enim in tenue turbinis instar deficit, in Spiram a dextra tortus: is interdum est brevis, interdum longus dodrantem, intus candidus, extrinsecus terræ, in qua nascitur, colorem assumit; reperitur in Saxonia in Galgebergi lapidicinis; & in noua vrbis parte, cum fodiuntur cellæ, in quibus vinum, Cereuisiaq; recondi solet, hæc Agricola: de hoc eodem lapide, & Cardanus lib. vij. subtilitate breuissimè scripsit, Strombites (inquiens) in Cochleæ formam turbinatus, atque in acutum tendens; Dixerat paulò antè, Conchyliorum testas, cum diuturnæ sunt inter lapides, & sub terra multis in locis lapidescere forma retenta, mutata autem substantia; horum quædam esse sagacis nature, & certum finem spectantis, quædam perennis mundi argumenta, quasi Regio illa, ubi Conchyliorum testæ comperiuntur perfusa antea mari fuerit.

DE LAPIDE ALABANDICO.



E Carbuncolorum generibus scribens Plinius noster lib. xxxviii. cap. viii. inter ea collocat Alabandicos in Orthosia caute nascentes, sed qui perficiantur Alabandis; paulo post Alabandicos cæteris nigriores, scabrosque esse docet; præterea in omni genere masculos appellari acriores, fœminas languidiùs refulgentes: alibi tamen Plinius lib. f. xxxv. cap. viij. inter

inter lapides simpliciter visus Alabandicum connumerare: & diuerso inquit niger est Alabandicus terra suę nomine quamquam & Miletī nascens, ad purpuram tamen magis ad aspectu declinante, idemq; liquatur igni, funditurque ad vsum vitri. Eadem ferē Agricola lib. v. de natura fossilium, cum enim tria lapidum genera attulisset, qui in arduas fornaces coniecti fluant, cum igni facillē liquecant, vnum gemmis similitimum translucentis, alterum eis non multum simile: tertium ex quo conficitur vitrum, primi generis fuisse lapidem Alabandicum docet si modō fuit aliud à Carbunculo Alabandico; tum verba Plinij subiicit, quibus lapidem descripsit, à nobis paulō antē commemorata, qua in re omnem debuisset scrupulum eximere Agricola Plinius ipse, quem prae manibus in re metallica describenda diligenter habebat, cum distinctis capitibus de Carbunculo Alabandico, & lapide huius nominis agat, quare hunc alium fuisse à Carbunculo Alabandico non est ambigendum: De his lapillis generatim tradit Agricola: Qui poliri non possunt ē gemmarum numero eximendos esse, tametsi Aurifices eos, quos natura fecit leues, & quibus aptam formam dedit, in annulos, & fundam includant: Pharmacopolas non rarō his vti pro Hyacinthis, pro Sapphiris, pro Smaragdīs, pro Carbunculis. lib. vj. de natura fossilium Agricola Alabandici meminit, quem corrupto vocabulo dici Almandinum testatur. Hic est Carbunculus, cuius Cæsalpinus, ex recentiorum Gemmariorum sententia, vulgaribus nominibus sex genera ponit Spinellas Rubinos, Balascos, Granatos, Almandinos, quasi corrupta voce, Alabandicos, Granatis nigriores, vltimo Almandinos varij coloris interstinguentibus maculis albis: Singulorum descriptionem lege apud Cæsalpinum, qui Medicos solum granatos recipere docet inter fragmenta, preciosa: Vires ijs adscribit lætificandi cor, & tristitiam pellendi: Albertus præter Vires cæterorum lapillorum, & expellendi venenum facultatem Carbunculis attribuit: Spinellorū rubedo dilutior, sed maximē splendens: rubinorum intensior, Balaschorum cæteris dilutior: Granati dicti à granis mali puni-
ci nigrioris aspectus, nonnisi in clariori lumine radiant; quos
omnes

omnes cum Musæi gemmas perlustrarem facillè comperi, & manibus contrectavi. Nec prætereunda Barbari auctoritas, viri, cui parem sua nullum ætas habuit v. lib. cap. CMLXXXIX. corollarij; color Alabandico subnigrat ex ruffo, perspicuus est, ut ignis, & quibusdam quasi rimulis, venisq; dehiscit; Capillos, albos attritus inficit, hæc ille.

DE ALABASTRITE.



APIDEM Alabastritem, teste Plinio lib. xxxv. cap. viij. ad vasa vnguentaria cauant, quoniam optimè seruire incorrupta dicitur: In Alabastro Ægypti circa Thebas nascitur, & circa Damascus Syriæ, hic cæteris candidior, probatissimus in Carmania, vilissimus, & sine vllò nitore in Cappadocia, probatur quàmmaximè mellei coloris in vertice maculosi, atq; non translucidi: Vitia in ijs corneus color, aut candidus, & quicquid vitro simile est. Onyx etiam appellatur, ob vnguis humanæ similitudinem, à qua dictum Onychem gemmam ob candorem, inquit Hermolaus lib. v. loc. cit., quæ gemma ab Alabastrite differt: hunc sic vocatum fuisse testis Dioscorides, & Galenus; & Martialis in Papilum lib. vij.

Vnguentum fuerat quod Onyx modo parua gerebat,

Olfecit postquam Papilus, ecce garum est.

Lib. vij. de subtilit. Cardanus sic: Ex Alabastro Pyxides pro odoratis vnguentis fiunt; id robustius vitro, metallicis purius, figulinis præstat, quòd minùs combibat, aut remittat vnguenti, ergò & illius necessarius vsus fuit: Dioscorides lib. v. cap. cxliiij. Alabastritem vocatum Onychem crematum resina, aut pice assumpta duritias discutere docet; stomachi dolores, cum cerato leuare, Gingiuas comprimere: Verum cur huiusmodi vasa incorruptum vnguentum seruire dicuntur? Cardanus putat, quod minus combibant, aut remittant vnguenti. At hoc potius ad immixtionem, & iacturam pertinet impositi vnguenti: aliud enim est seruire incorruptum, putan-

putarim ego, cum putredo omnis à caloris ambientis acris vi prodeat ob Alabastri densitatem, & soliditatem, nihil recipi aëris, propterea seruari res incorruptas, & integras: nam & periti Pharmacopæi solent oleo imposito multos liquores, quos volunt perennare, ab aëris noxis, & iniurijs tueri. Exultus Alabastrites emplastris conuenit: Sunt hodie, ait Cæsalpinus, qui crudū cerato imponunt Refrigeratorio; appellant vnguentum de Alabastro: sed ad partes contusas etiam post tertium diem vtiliter adhibetur: Alabastrum alij genus limpidi marmoris, & albi quod visui est peruiū putarunt: hos falli putat cū Onychem gemmam describāt, quam vulgò Calcedonium vocamus; præterea vri Alabastritem in medicamentis tradunt Antiqui, at Onyx gemma non crematur cum ex ijs lapillis sit, qui attritu scintillas edunt, & funduntur cum sale fossili exceptum Alabastritem grauitates oris & dentium extenuare testatur Agricola lib. vii. de natura fossilium.

DE VASIS EX ALABASTRO,

Quæ in Musæo asseruantur.




NONNULLA huiusmodi vasa in Musæo CALCEOLARIO asseruantur, ex his aliqua forte fortuna, inuenta ab Agricola, dum terram alius foderet in Villa Ripulæ CALCEOLARIORVM ad Baldi montis radices sita: Quatuor potissimum ex purissimo, & perfectissimo Alabastro effossa; quæ lapideo operculo circumdata, & operta vasa sunt, humani scē etiā ibidem comperti capiti, & pedibus olim admota, vt verisimiliter coniectari potuit cum ijs simul peruetustus ensis, & argentei annuli cum lapillis cæruleis inuenti: Vsq; aded id profectò verissimum est, quod vir doctus amicus meus profitetur, fortunam solitam esse homines alicuius honestæ rei peramantes, eius rei non aspernenda supellectile interdum locupletare: ita enim Sors, Fatum, quæ sunt Dei Opt. Max. voluntas nobis incognita, huius pulcherrimi Musæi confectionem, & incrementum fouere, &

re, & iuuare non destiterunt: Ripulæ verò Castellum est antiquissimum, mirifica cœli amenitate, & salubritate donatum, cuius mentionem etiam fecerunt Sarayna, & Curtius Historici nostrates satis percelebres: Hanc sibi sedem in decrepita ætate (vt vitam salubrius transigeret) delegerat CALCEOLARIUS Senior Musæi institutor, in qua etiam (cum cæcitate laboraret, summa cum animi tranquillitate omnibus ciuibus carus, & pergratus apud externos verò summa nominis sui commendatione insignis, & semper prædicandus, nonagenarius extremum clausit diem.

DE CRVCIS LAPILLO.



LAPILLOS etiam nonnullos Crucis Sanctissimæ figura insignitos in hoc præclaro Musæo asseruatos deprehendi: subcinerei sunt coloris non sine aliqua rubedine, figura rotundæ proximæ: in cuius medio nigri coloris lineæ, veluti Itriæ in quatuor angulos rectos distributæ, Crucis formam affabrè effingunt, à qua nomen sumptum: Constans fama est peritorum hominum firmata testimonijs, ex monte D. Petri de Rubia in Galitia, vel Asturia Hispaniæ Prouincia erui, atque haberi: Nonnulli putant lapidis illius esse speciem, de quo Agricola lib. v. de natura fossilium versus finem scripsit, eius porro sunt verba: *In candido subbrutilus (Alabandicus scilicet) Annebergi in metallo argentario repertus est Crucis figura, cuius recta pars longa sexquipalium, transversa palium unum; illa ferè integrum digitem lata, hac dimidium; utraque unciam crassa; Sed profectò aliud est lapidem in se ipso Crucis figuram veluti sculptam habere, qualis est noster Crucius; aliud ipsummet torum lapillum Crucis formam representare; hoc autem ex verbis Agricolæ lapidi illi Alabandico adscribere possumus: qui forsitan Asteriæ affinis existimandus. Laurentius Pignorius Patavinus vir eximia eruditione, rerum veterum notitia, morum candore, & sanctitate clarissimus, qui mensè Iliacæ interpretatione, & de*

& de feruis, & seruitute veterum præclaras, & elegantissimas lucubrationes apud seram posteritatem numquam intermori-
 turas in lucem edidit: superiori mense Septemb. datis ad me
 literis (vt mihi est omnibus verè beneuolentiæ necessitudini-
 bus coniunctissimus) certior me fecit; se Crucis lapillum,
 conspexisse dimidiatum pollicem oblongum, tantundem latū,
 duabus strijs candidis in vtraque facie insignitum, quæ se
 ad rectos angulos interfecabant, colorem lapilli cinereum non
 sine obscuritate extitisse; omnia isthæc in eo fuisse naturalia,
 nulla artificij, aut cælaturæ ope subnixa: subiecit deinceps
 Stellariam illam, de qua cap. de Asteria superius scripsimus,
 quæ vtrinq; formam Crucis gerit hoc pacto : Ex qui

bus facilè mihi videor Viri doctissimi sententiam percipere
 posse: Hos nimirum Crucis lapides Asteriæ, vel Stellariæ es-
 se genera, quod nuper literis ad me denuò datis ex sententia
 Clarissimi Spigellij palam mihi significatum voluit idem do-
 ctissimus Pignorius. Crux enim ad Stellarum figuram proxi-
 mè accedit; Immo Stellæ, & Sydera ipsa ad Crucis figuram
 à summo rerum Opifice efficta (si quæ de noui Orbis inuenti
 Crucero vocato vera sunt) deprehenduntur; Vt nimirum
 in lapidibus his Asturijs, Alabandico Agricole, & Plāta Grana-
 dilla nuncupata, & alibi efficta, & naturaliter expressa Crux
 nos moneat immensæ DEI Opt. Max. benignitatis, qui nos
 huic ligno suffixus à peccati dura seruitute redemit, doceatq;
 nostros etiam prauos affectus, & effrenes cupiditates Cruci, cū
 D. Paulo affigendas non Hypocritarum more, ignaua opera,
 philosopha sententia, quorum vita, & corrupti mores à do-
 ctina semper dissentiunt, sed vt veros christicolos, qui Mili-
 tiæ CHRISTI nomen dederunt, decet, qui non exaggeratio-
 nibus, & speciosis nugis, vt auram popularem captent, &
 Doms Viduarum in longis orationibus deuorent, sed germa-
 na animi pietate, & factis ipsis, solidaq; virtutum exercitatio-
 ne tria illa perniciofa Idola, quæ omnes omnium ordinum ho-
 mines perturbant, pedibus conculcent, Ambitionem, Auari-
 tiam, & Voluptatem noxiam: & veri Christiani characterem,

E e e qui

qui ipsum ab alijs distinguit esse existiment, Charitatem, Animi submissionem, Constantiam, Temperantiam, Fortitudinem, Mansuetudinem, quarum Virtutum habitus non in scholis ad ostentationem differendo, & blaterando, sed per repetitos actus contrahitur; & per assiduas, & actuosas Sanctissimorum Virorum, qui nos ætate præcesserunt, quorumvè in Ecclesia Catholica fit commemoratio sollemnis, imitationes: Da imitari quod colimus, clamat Ecclesia, & profecto præstantissimus, ac religiosissimus cultus est, imitari; Hocce-
*Lactan-
tius lib. 5.* etiam certissimum est ritè educandæ Iuuentutis fundamentum, & basis, quod etiam Magnus Plato cognouit, cum gaudere, de quibus gaudendum, & dolere, de quibus dolendum, si assuescant per virtutum actus pueri; cum ex Ephëbis exceßerint Viros optimos, & Ciues præclaros futuros docuit. De Cruce præclaram historiam Ruffinus, Sozomanus,
cap. 8. & Suidas narrant Lipsio Viro Clarissimo teste libro primo de Cruce, Cum Serapidis Templum in Ægypto dirueretur, quasdam ex ijs, quas vocant Hieroglyphicas notas, similes signo Crucis inscriptas, lapidibus apparuisse; ab ijs, qui docti erant hæc talia, explicatam eam notam significare, vitam venturam: In obeliscis etiam Romam vectis sculpta Crux, cum Anfula supernè, vt docet Lipsius: Ansatam Crucem, & digitis apprehensam in primo segmento Mensæ Iliacæ observauit Pignorius Vir Clarissimus in Iliacæ mensæ expositione pag. 1x. quasi moneamur apprehendere Crucē, & eam tenere, vt *musculi* Becanus est interpretatus; quem Crucis vsum recipit Pignorius scribens frustra conatum eum euertere doctissimum.
*Lib. pri.
cap. 8.* Lipsium in suis libris de Cruce in notis: ingeniosam, & piam Bacani allegoriam amplector: excusandum tamen ali qua ex parte Lipsium existimarim (si per Pignorium tantum Virum, & mihi amicissimum liceat) cum per anulum illum, vel ansulam oculum notatum voluit ex sententia Macrobij lib. 1. Saturn. cap. xxi. oculo enim osirim monstrari, quia Solem Iouis oculum, appellauit Antiquitas. Subdit Lipsius, Et sanè quia signum hoc, Tau, vitam venturam designauit, nonne appositè Sol adscriptus, qui Auctor vitæ? non enim putauit
 Lipsius

Lipsius antiquissimis ijs Ægyptijs Crucis Dominicæ in mentem venire potuisse, cum in densissimæ ignorantix tenebris, & caligine versarentur; nec tam altè ad futura hæc salutis mysteria mentè possent erigere, quare futuram vitam, quæ à Sole per temporum vicissitudines rebus naturalibus tribuitur eo anulo significatam à sapientibus Ægyptijs verisimiliter coniecit. Non est tamen inficiandum mysticam illà expositionem à Pignorio probatam pietati nostræ valdè esse consentaneam, & forsan Sacratissimi mysterij prænunciam illam Crucem Ægyptiam fuisse; cum abdito Spiritus Sancti impulsu multa, & seria ab Ethnicis, rerum futurarum alioquin ignaris, ad vnguem pronunciata, & antè oculos posita videantur: Iam verò ignoscat nobis pius, & doctus Lector, si valdè à re proposita, digredi Crucis mentio coëgit: Volebam enim has nostras Musæi celeberrimi descriptiones haud omninò esse ad mores ritè informandos infrugiferas; illius Socratici apud Xenophontem præcepti memor, omnem disceptationem, & narrationem esse inanem, & superuacua, à qua quiuis se ipso melior non efficiatur: Ad lapillos reuertor, Commodum cecidit, Lector optimè, vt, cum Crucis lapidis descriptionem absolverem, litteras à Clarissimo Medico Ludouico Septalio Mediolanensi illic primario, & publico Philosophiæ moralis professore acciperem, in quibus de huiusmodi lapide hæc in latinum à me conuersa mecum ingenuè communicauit.

Lapidem Crucis rem nouam esse, nec à veteribus (quoad speciem) cognitam existimo, sicuti nec ab Agricola, Cardano, Gesnero, Casalpino, aut huius classis alio scriptore: frustulum eius habeo, quod diuisum intus, & extra Crucem ostendit coloris nigri splendidi, aut purpurei obscuri; substantia externa, cum quatuor strijs est in causa, vt præter Crucem intermediam in extremis partibus secta Crucem effragat: substantia interna, quæ sine Cruce est coloris est cinerei: superficies strias cinereas habet, cum portiuncula rubri coloris, quod reliquum est superficiei colorem mistum ex cinereo, & nigro habet: Adeò mollis est lapis, vt ab eo facile abradi possit puluis: Ex genere cornuum fossilium esse puto, vt lapis Belemnites, & Iudaicus hunc enim undequaque strijs à natura, illum multis scissuris internis

donatum cernimus; vt Crystallus; & Berillus semper oritur exag-
nus, vt passim in valle Tarri visuntur, adeo affabre à natura elabo-
ratos, vt nullus artifex eius attingere peritiam possit: Crucis ergo
figura in hoc lapide nulli admirationem debet incutere, nec magis eius
querendam rationem, quam talium stirpium, florum, fructuum, im-
mò, & animantium queritur, xx. miliaribus procul à Templo Dni
Iacobi Compostella inuenitur, & effoditur: Si gestetur, itaut carnem
tangat, profluvia sanguinis, undecumque fluat, sistendi vim ipsi ad-
scribunt: Lac etiam in mammis propagandi, & collo appensum vt
carnes attingat, omnes febres abigendi: harum porro facultatum nul-
lum hactenus ego periculum feci: Hæc clarissimus Septalius, vt
in omnibus suis lucubrationibus exactam, & solidam scriben-
di, & philosophandi rationem adhibet, quod satis præclara
commentaria in lib. Hyppocratis de Aere, aquis, & locis, In
Probl. Philosophi, liber de Næuis, animaduersiones practicæ,
atq; alia tanti ingenij monumenta declarant.

DE COCHLITE GESNERI.



NON possum Cochleas lapideas Musæi expressius
describere, quã Gesneri verbis, qui eas habuit,
& contrectauit: ita enim libro de figuris lapi-
dum cap. xij. scriptum reliquit: *Cochleæ lapidea*
genus planum, vel sessile subrufo colore foris, intus
albo: Conchas, & Cochleas huiusmodi aliquot Dominicus Montbe-
saurus Medicus, & Philosophus incomparabilis Verone, & Franci-
scus Calceolarius eadem in Urbe Pharmacopæus peritissimus ad me
miserunt: subdit, Lapis cum Cochleis lapideis partim extantibus,
partim in eo latentibus, itaut totus ex eis compositus videatur, po-
test autem Cochlates vocari. Hos omnes propria singulorum effi-
gie expressos, & adamussim delineatos in Musæo, & nro
asseruari vidimus, quorum ortum, & causas vt pernoscamus
non verebor doctissimi Agricola sententiam adscribere ex lib.
iv. de ortu, & causis subterraneorum in fine: Cochleas verò
(ait) in saxis repertas calor conclusus ex materia pingui, &
lenta

lenta efficere videtur, & ex eâdem gignere musculos Murices, Conchylia, sed terra, quanto est crassior, quam mare, tanto ea magis imperfecta gignuntur, hæc ille.

GÆODES LAPIS.



INTER eos lapides, quos Theophrastus, & Mutianus parere crediderunt: Geodem connumerari (testis Agricola) qui terram in se candidam continet: in collibus sabulosis, & argillosis, propè Leuanē, quā tenditur Aretium, oritur (ait Cæsalp.) candidus figura oblonga vtrinq; acuminata: Ex argilla parū addensata constare videtur: Si frangatur plenus eius substantiæ per crustas aggregatæ deprehenditur friabilis, instar Bezaar: quare pro Bezaar fossili in Ægypto quidam acceperunt: æritem fœminam Plinius non absimilem tradit in Africa nascentem, Geodes ergo dicitur, quasi lapidosa quædam Argilla, lib. v. Dioscor. ei tribuit adstringendi, & siccandi vim, oculorum caligines discutiendi, & illitu ex aqua testium, & mammarum inflammationes sedandi, ὀφθαλμοῦ genitalium, vertit Marcellus; rectius, testium, Ruellius, illud enim Marcelli nomen multis alijs partibus generationi dicatis potest cōuenire, & præcisè testes à Dioscoride nominatos legimus: tanti refert vocis proprietatem referre.

Lib. 4. de
nat. foss.

Lib. 2.
cap. 47.

MOLIBDÆNA, seu PLUMBAGO.



DE Molibdæna legendus diligenter Cæsalpinus lib. iij. de metall. cap. xxij. qui Dioscoridem, & Plinium auctores citat: Optima est Plumbago flava, quæ argenti spumæ spetiem refert λιθαργυροπράσις, Dioscor. habet, Lithergyro similis, quæ modicè splendet, in attritu rufescit, vitiosa, quæ colore ærem,

rem, aut plumbum præfert: Ex auro, & argento gignitur, quod Marcellus ex Plinij verbis exponit adhærescere eam dicentis argenti, & auri fornacibus: Est & fossilis ad sebastram, & Corycum reperta, quo in genere probatur minimè lapidosa, nec Scoriā referens; hinc Galenus multam se conspexisse testatur in via proiectam ab artificibus, Lithargyro, & Scoriæ Plumbi vim similem obtinet, carnem creat, & cicatrices inducit, sed glutinantibus, & abstergentibus *diversis* non conuenit. Molibdæna etiam herba est Plinio lib. xxv. cap. xiiij. sic scribenti, *Nascitur vulga Molybdæna, idest Plumbago, etiam in Aruo folio Lapatii, crassa radice, hispida, Hac commenducata, si oculus subindè leniatur, plumbum, quod est genus vitij, ex oculo tollitur.* De metallica Molybdæna in Bermanno copiosè, & acutè egit Agricola, quam suo tempore Seplasijs, & Medicis ignoratam scribit; lib. etiam ix. & x. de natura fossilium eius meminit, quæ loca curiosus Lector adire poterit, si pleniorē eius notitiam nancisci voluerit, & de re metallica lib. ix. & vii. eiusdem Auctoris legendus, ubi Molibdænā esse additamentum ex eorum genere, quæ admixta venis metallorum & probandis, & excoquendis cum faciliè liquefcunt, cætera liquant, difertè docet.

LVPI SPVMA.



VM in Museo hunc contemplarer lapidem, illum esse deprehendi, de quo Agricola lib. v. de natura fossilium scribit his verbis. *Quinetiam niger quidam lapis inuenitur prorsus colore similis illi, ex quo conflatur candidum plumbum, sed adeo levis, ut mox intelligas inanem esse, & in se habere nullum metallum, hunc nostri appellant Lupi Spumam; Idem albus, etiam luteus, subviridis inuenitur, quamuis rarius in iisdem plumbi candidi venis reperitur lapis subutilus, atq; non ferè aliter, ac argenti spuma splendens, & friabilis: hæc Agricola.*

GALA-

GALACTITES.



X Saxis calcis, sed cinereis gigni Galactitem,
 & Melititem, quos viribus conlimiles facit Dio-
 scorides, testatur Agricola lib. v. de natura fossil.
 Vtrumq; cinereum esse, vtrumque cotibus attri-
 tum succum lacteum reddere, ex quo Galactites
 nomen inuenit, vtriusq; succus est du'cis, sed dulcior Meleti-
 ta à melle propter similitudinem saporis appellari, Acheloum
 Amnem Galactitem mittere, subdit Agricola, reperiri ad Sa-
 xonum Riuos; in tractu Hindelsheimio erui è fossa arenaria,
 qui singulis annis ex lacteo, & glutinoso succo capit incremen-
 tum, vnde nonnullos magnitudine capitis pueri solere inueni-
 ri; vterq; quia caloris aliquid habet, abstergit, sed plus me-
 litites quia plus habet caloris: vterque etiam ad oculorum
 destillationes, & vlcera vtiliter inungitur; Galactites nu-
 tricibus, quæ eum tritum cum aqua, vel vino dulci bibe-
 rint, facere dicitur lactis fœcunditatem; lapides, qui in Ar-
 gæo Cappadociæ nati in lacteum succum resoluuntur, re-
 num calculos frangere auctor est Galenus, Plinius eius me-
 minit inter Gemmas, vt optimè obseruat Cæsalpinus, ex
 vno colore lactis esse ait; at cinerei coloris *ἐντεφρον τὴν χροάν* sta-
 tuit Dioscorides, vt patet, vt propterea dubitarit Hermolaus
 Barbarus lib. v. Corollarij, an de hoc lapillo intelligat an di-
 uerso: Sed profecò conciliare Plinium Dioscoridi possumus,
 si dixerimus Plinium succum lacteum spectasse, quem de se
 emittit, & à quo ei nomen inditum, quasi totus lactis naturæ,
 & conditionis existat, vt si lactarium dixeris, qua ratione etiã
 probantur Vires: at Dioscorides colorem, qui primo se nobis
 obrutu offert, lapidis designauit, vt ritè eum à cæteris digno-
 scere valeamus. Mirum de eo narrat Hermolaus; in ore li-
 quescere, & memoriam adimere, vel iniuriarum; gratissimum
 sanè futurum Themistocli obliuionis Artem optanti. Huius-
 modi lapides, qui dum coti atteruntur, succum reddunt facti
 sunt (teste Agricola) ex eo, quod aqua abrasit è saxis, &
 ter-

Lib. 2. c.
 60. de
 Metall.

terris, cum subsedit, vt Hæmatites, Schistos, quorum parens rubrica Halactites, Melatites, quos saxum calcis parit, vt supra perstrinximus.

DE STIMMI, vel STIBIO.



*Agricola
lib. 10. de
nat. f. 35.*

I qua de Stibij natura, & viribus passim à classicis Auctoribus sunt memoriæ prodita huc afferre, & transcribere velim in immensū excreseat caput necesse erit, & superuacanea lectione lectorē eruditum onerari: quædā propterea magis vtilia, & curiosa seligam, quorum notitia praxi Medicæ, & Theoricæ etiam contemplationi sit profutura *στίμι* à Græci dicitur, colore nō nihil simile lapidi Plumbario, sed magis nitet, & candidus est, à Plinio Spumæ lapis candentis dicitur, propter similitudinem coloris, & nitoris cum spuma argenti; Diuiditur in marem, & fœminam: horridior, scabrosior, & minus ponderosus Mas, & minus radiens: Fœmina contra nitidior, friabilis, & fissuris dehiscens; in Germania, Boemia & Norico reperitur, teste Agricola, & in multis Italiæ locis, sed imprimis ad Senensis Ditionis oppida Massam, Marennam, Souanam, & in Seluena regione Comitatus Sanctæ Floræ. Probat Dioscor. quod maximè radiat, quod cum frangimus, in crustas diuiditur, quod friabile; hoc à Plinio fœmina vocatur, quod terra, & sordibus caret: Tale vltum in pastillos formabatur, quibus Hippocratis tempore quadrata tessellarum figura fortè tribuebatur; hinc *Τετράγωνον* ab eo appellatum, nec enim crustis, & glebis nondum diuisis est ea figura: nostris temporibus fossile non venditur, sed excoctum (ait Agricola) exsiccat, & adstringit, quocirca ad oculorum Collyria additur *τυφλικόν* & *ἐμμετρον* etiam nominatur, quoniā nigro tingens colore cilijs mulieres illinunt; *πλατυόρθαλμον* etiā quoniā artificiosa hæc tinctura oculos dilatare videtur: Eius præparandi rationem in vsum etiam medicum ad vomitiones, & deiectiones prouocandas præclare scripsit

scripsit P. Andreas Mattheolus Vir celeberrimus, & de re Medica optime meritis, qui communi doctorum hominum sorte parum æqua multorum iudicia experitur, qui ab eo præclare, & laboriosè inuentis multa addiderunt, vel in meliorem conditionem mutarunt: Vnus profectò omnia inuenire, perficere, & ad vnguem elaborare non potuit: Sed audiendus est Aristoteles summus sapientiæ Arbiter lib. ij. metaph. cap. primo: vbi sic vetustiorum Auctorum causam tuetur, & veluti iudex pro æquo, & homo iudicium interposuit suum: *Verum non solum illis (ait) agenda sunt gratiæ quorum opinionibus quis acquiescet, sed illis qui superficie tenus dixerunt: conferunt enim aliquid etiam isti: Habitum namq; nostrum exercuerunt. Si enim Timotheus non fuisset, multum Melodiæ nequaquam habuissimus; si tamen Phrinis non extitisset, ne Timotheus quidem: simili modo & de illis se habet, qui de veritate asseruerunt, à quibusdam enim aliquas accepimus opiniones, quidam verò, ut hi fierent, causa fuerunt:* Quæ Aristotelis verba ediscenda, & in promptu habenda, cum satis superq; eorum industriam, qui primi Artium, & disciplinarum semina, & fundamenta iecerunt, ab omni non solum crimine, sed criminis suspitione vindicent: quamquam & illud audeo ingenuè, & verè profiteri Mattheolo, & Calceolario nostro, nullum suo tempore in conquirendis, & exanimandis simplicibus medicamentis, & re omni metallica, & fossili parem extitisse: præter vnum Georgium Agricolam parem in exploranda re metallica, in describenda aliqua ex parte fortasse superiorem. Cum nuper in ornatissimorum Virorum Conuentu hac de re sermo, an disceptatio incidisset, extemplò hac Aristotelis auctoritate veterum studium, & labores defensos volui. Cum potissimum recentiores nonnulli ut nouitatis lenocinio nobilium, & Principum aures captent; quæstionis propositæ statum aliorum torqueant *αδιαφοροῖς* libros inferciant, tum lubricis, ambagiosisq; coniecturis veterum Auctorum testimonia eludant, sic rudibus imponere, doctiorum censuram effugere se posse sperantes; possem propositis exemplis isthæc comprobare, sed aliò nostra properat oratio.

Theodori Zuingeri filius Iacobus Vir doctissimus, & linguæ

F f f

Græ.

Græcæ cognitione Medicus illustris, librum edidit, quem examen Principiorum Chymicorum inscripsit: eius libri cap. iij. quo probat Stibium, Hydrargyrū, Calcanthum, sulphur introrsum quoq; accepisse antiquos, me tamquam Testem Stibium non auersantem producit ex libro meo secundo quæstionum. Philos. & Medic. quas cum in Collegium Veronense Medicorum abhinc annis xxvij. cooptarer, in lucem edidi, & eidem amplissimo Collegio nuncupavi: ego sanè Stibium, tamquam validum vomitorium medicamentum probavi; ob quam facultatem, ea omnia beneficia, & adiumenta præstari in curandis ijs morbis, quos recenset doctissimus Zuingerus, existimo: reuocantur enim à visceribus, ac neruis ad ventrem per vomitionis vehementiam succi præter naturam, & obstruētes humores à locis, vbi pertinaciter hærent obstruēti, dimouentur, vt hoc pacto febres diurnæ, & contumaces Autumni tempore, & Arthritides, quæ nulli remediorum generi cesserant, expeditissime, & miraculi instar curatæ comperiantur, quod mihi sæpissimè vsuuenisse recorder, & potissimum (vt vnicum egrotum honoris causa nominem) in Reuer. scilicet Constantino Gandino Dominicano, qui nuper Prouincialis dignitate perfungens, diem suum Patauij obiit, vir pietate, prudentia, humanitate, & omni virtutum, & eruditionis genere clarissimus: Is cum aliàs cœnobij Veronensis Præsidem ageret (Priorem, vocant) arthritide generali, eaq; acerbissima conflictabatur, quæ nullis remedijs tolli poterat; mox infuso sex granorum Stibij alternis diebus quater exhibito, & per vomitum multa eiecta pituita, & bili, è vestigio liber, & immunis ab omni Artuum dolore redditus est; Verum in nostris Medicis observationibus, in quibus rariores, & magis admirabiles curationes scribimus, hæc omnia fingillatim, & exactius sumus persequuti. Quod verò Zuingerus locum Dioscoridis lib. iij. cap. c. lvi. ad probandum Stibium maioris deiectionis petendæ gratia non respui, in medium proferat, an ad rem omninò faciat, doctiores Medici candidè, & accuratè expendant; cum enim ibi de Elaterio loquatur Dioscorides; Quod si in animo sit (inquit) deiectionem moliri adiecto salis duplo, *καὶ σιμμεν, ὅσον χρυσίου*, Stibij

Stibij scilicet; quod colorare sufficiat ex aqua, erui magnitudine, catapotia dato. Videtur quippè tota purgatio Elaterio, & duplo salis addito accepta referenda, Stibium ad colorandum adiectum, qui medicamenta colorandi vsus apud veteres inualuisse visus: Propter ea, quæ pro vetustiorum quantumvis rudi industria ex Aristotele perstrinxi, vt criticorum hodiernorum candoris, & ingenuæ modestiæ cōmonefacerem, velim id etiam Demosthenis præceptum memoria teneri, qui non solum eloquentia, sed & sapientia plurimum valuit; omnium facillimum est semetipsum decipere, quod enim quisq; vult, idem etiam sibi fingit, sæpè autem natura rerum alia est: quod si hominum *φιλανθρωπία* ingenuæ admonitioni acquiescere noluerit in aurem insufurrabo illud Possidonij apud Senecam; Vnum diem hominum eruditorum plus patere, quam imperiti longissimam ætatem.

LAPIS SANGVINALIS.



APIDEM hunc olim CALCEOLARIO Seniori donauit Melchior Guilandinus, Academiæ Patauine Botanici, & Horti medici Præfectus celeberrimus, cuius de Papyro Plinij syntagma accuratū, de Manucodiata, atq; alia breuissima opuscula solum habemus: prægrandi opere de materia medica elaborato, atq; à me, cum etiam Patauij anno MDLXXXIII. in eius Musæo conspecto, haud sine insigni iactura caremus; lapidem describi Monardes in historia simpl. cap. xxxvj. ex noua Hispania deferri, Iaspidis genus esse varij coloris, sed obscurioris maculis, seu punctis distinctus sanguineis, ex his lapidibus quasdā Cordium formas magnas, ac paruas conficiunt, teste Monardo, valet ad fluxū sanguinis narium, mēsum, hæmorrhoidū, vulnerū, ac oris: lapidem aqua frigida intinctum eger dextra comprimit, & subindè id facit: sic eo Indi, & nostri vtuntur. Persuasum habent Indi, imò firmissimè credūt, si hoc lapide pars sanguine manans contingatur, sanguinem sisti, idq; verum esse experiētia

F f f 2

pro-

probatum est: Vtilis est etiā suspensus, aut alligatus eidē parti; vnde sanguis effluit, modò carnem cōtingat: vidimus nonnullos hæmorrhoidum fluxu afflictos, remedium sensisse, annulos ex hoc lapide confectos in digito continuè gestando, necnon & mēstruum fluxum sisti. Hæc ille.

DE LAPIDE EQVINO.



HOC nomine appellarim lapidem prædurū, magnitudinis effatu dignæ, ouumq; exsuperantis altera, parte depressum, quem Patritij Veronensis Equus per aluum eiecit, & Calceolario seniori donatum, argentea corona veluti redimitū in Musæo asseruari vidimus: vt hinc Augustani Equi Bezoarticos lapides à Mynderero cōmemoratos, de quibus supra scripsimus, aliquod fidei auctoramentum adipisci non diffiteamur.

*1. lib. na-
tur. qua-
stionum
cap. ult.
hoc ali-
quo pacto
videtur
colligi.*

Haftenus, candide Lector, gemmarum, & lapillorum, qui in hocce præstantis. Musæo asseruantur descriptionem sumus prosequuti, quantum instituti nomenclatoris ratio patiebatur. Reliquum est, vt ad alia non minùs curiosa transeamus: Verum antea te commonendum volui ad manus meas librū Apologeticum peruenisse Ludouici Columbi Florentini Viri eruditiss. & optimi Phil. & Math. quē ipsemet Auctor mihi donauit, Is præclarum Senecæ locum adducit, quo causam inquirēs, cur natura tot metallica, & gemmas lucidas, & perspicuas produxerit, inter cæteras rationes hanc profert; summum rerum Architectum, (cum Sol omnibus rebus naturalibus pulchritudine, & dignitate præstaret, voluisse nos in ijs, tamquam in læuissimis speculis, eius fieri participes dum lucem eius miraremur, quæ in proprio Solis fonte conspecta oculorum aciem perstringeret, & offuscaret: Quæ tanti Philosophi, & Romanorum veterum disertissimi sententia finem lucis lapillorum, & vsum, quæ causa solet à Physicis plurimi fieri, satis pulchrè nobis ob oculos ponit.

DE

DE LAPIDEIS REBUS

à Natura effigie donatis.



I vnquam aliàs ex admiratione, Lector optimè, philosophandi cupiditas aborta, mortalium ingenia fatigauit, lapidosa, & prædura hac rerum viuientium simulachra à natura edita, & efficta satis, superque potuerunt exerceri: Nos breuitati simul utilitati; & oblectationi Lectorum studentes,

quædam breuiter hac de re attingemus, idque generatim, vt mox multorum huiusmodi figuratorum lapidum, aut figuratû lapidosarû quæ in locupletissimo Musæo comperiuntur, descriptionem aggrediamur.

Georgius Agricola Succum lapidescentem, tam qui extra
 terram est cum aqua permistus, quam qui intra terram latet,
 res omnes, quibus foramina sunt eius capacia, in lapides vertere docuit: *Subdit mox, cum natura lapides Arborum similes procreet, diligenter videndum est, an corticem, & medullam aliq; habeât, quæ si absunt non stipites in lapides conuersi sunt, sed natura fecit lapides Stirpium simillimos:* in fontibus, ac fluuijs, quos enumerauit lib. ij. de natura eorum, quæ effluunt ex terra, radices, stipites, ramos, cortices, fructus, flores, folia in lapides mutari, sed & chirothecas, ossa, aliasq; res immixtas, specula, strigiles, vestes, calciamenta illata in lapidicinâ, quæ est in Aſſo Troadis lapides fieri Mutianus auctor est: at quæ sub terra mutata fuerint in lapides, omnes id genus lapidum præduri esse solent, auctore Agricola, at lapides, qui ex solo succo lapidescente, vel intra terram, vel extra eam concreuerant. plerumq; sunt molles, & fragiles: vt ipsemet docet, quod argumento esse potest dari lapidificam vim præter illum succum, quæ præduros efficiat lapides, quæ fuit Alberti Magni doctrina perperam alibi ab Agricola exagitata: vim scilicet metallicam formâtem lapides in materia ad id aptata ingenerati à vi stellarum, & loci; vt vis formans animantes inest
 in

Lib. 7. de
 nat. foss.

Lib. 7. de
 ortu, &
 causis sue
 terr.

*Idem in
Timæo
sentit
Plato.*

*Lib. 9. et
lib. 32.*

*Teste P.
Bellonio.*

in feminibus à vi syderum, & testium ingenta: metallicam vim duobus vti instrumentis, calore, qui misturam terræ, & humoris coquit, concretionique formam lapidis tribuat, tum frigore, quod non solum constringit humorem, vt in metallorum ortu, sed exprimit adeò, vt non remaneat in materia, nisi quantum continuationi necesse sit, propterea huiusmodi lapides calore sicco non liquefcere: in metallis enim aquea pars exuperat, in lapidibus terrea: Hæc docta Alberti sententia, & quæ doctrinam veterem sapit, verbo tenus ab Agricola carpitur, dum multis etiam se ipsum ambagibus inuoluit, vt Aristotelem Germaniæ, hominem fuisse facile agnoscamus: Ad rem redeo: Succus lapidescens, & vis metallica generatim hoc nomen sumendo vel Mineralis, vel lapidifica has rerum viuientium permutationes efficere potest ex horum Auditorum placitis: Sed obseruandum id, quod attentè nuper mecum meditabar: huiusmodi permutationes ferè in lapides tantum, non in metalla fieri; quia in his aqua dominatur, at hæc terrestriũ animalium formas in mari representauit: quod sanè fecundissimum est elementum plura & maiora gignens animalia, quàm tellus, vt etiam Plinius noster obseruauit; eaq; terrestribus consimilia: vt etiam ad hominem vsq; marinum gignendum, & Monachum peruenerit: Terra supererat quæ suas formas terrenis, & viuentibus similes proferret, quod in his lapideis vel primo à natura effictis, vel permutatis factum conspiciamus, quæ longè sunt marinis imperfectiora, quoniam rudis est subterranea illa materia, & effectrix causa imbecillior: Hanc igitur existimarem esse causam, cur in solos lapides fiat illa permutatio non in metallica: semper enim ferè lapideæ naturæ effigiata illæ formæ inueniuntur, vt in Musæo hoc videre est: Cogitabunt Viri eruditi, & candidi, an nostra hæc meditatio veritati, aut saltem verisimilitudini sit consentanea: Iudicia enim sunt libera, nec cuiquam obstructus ad philosophandum adytus esse debet, vt quæ ieiunè, & obscure à maioribus tradita sunt, plenius à nobis non sine demonstrationis neruis, qui enunciationes sunt per se, de omni, & quatenus ipsum, tradantur: Cæsalpinus hac de re scri-

scripſiſſe viſus lib. 1. cap. 2. de re metallica: Cum ait in Fodi-
nis metallorum ſive marmorum, aliorumq; ſaxorum nūquam viuens
corpus reperiri, Et ſi enim aliquando in eorum caſura oſtrearum te-
ſta, aut cætera Conchilia reperta ſint, hæc, recedente mari, & lapi-
deſcente ſolo, inibi dereliſta in lapides concreuerunt, ubique enim,
ubi nunc eſt Arida, aliquando affuiſſe Mare, teſtatur Ariſtoteles:
Hoc enim modo cenſere, magis conſonum rationi eſt, quam putare
vim animaleſ intrâ lapides rudimenta animalium, ac Plantarum
gignere, vt quidam putant, ſed de his aliâs apertius dicendum eſt:
tum ſubdit demonſtrationem non aſpernendam: calor innatus
animalium materiam leuem, & puram requirit, in qua conſer-
uetur, vt flamma in oleo, qualis eſt ſpiritus, & ſanguis, aut
quid proportionem reſpondens, at materia metallica nutritioni
eſt inepta, quia grauior, & craſſior, nullum ergo calorem ta-
lem vel animaleſ vim fouere, aut retinere poteſt, aut ab ipſa
iſ poteſt elici: Diſputatiunculam hanc perficiam cum Fra-
caſtorij noſtratiſ Viri magni (cui parem ætas noſtra nullum
adhuc peperit) ſententiam haud valdè à Cæſalpini propoſita
diſcrepantem adiecero,

MAGNI FRACASTORII SENTENTIA
De propoſita quaſtione.



ORELLVS SARAYNA Iuris Conſul. Ciuiſ no-
ſter, & de communi Patria optime meritus, qui
primus Urbis Veronæ antiquitates ipſo vetuſta-
tis ſitu obſitas, & pænè oblitteratas illuſtrauit,
& latinæ linguæ nitore non contemnendo deſ-
cripſit, cum Montis noſtræ Ciuitatiſ partem illam, in qua
Fons eſt, qui à ferro dicitur, deſcriberet, & ſpeluncas, cauer-
nas, & cuniculos in ea repertos, dum propugnacula à Do-
minis Venetiſ ædificarentur, commemoraffet, ſubdit: Aliud
etiamnum mihi ſubiuit miraculum: Quum eodem in Monte fodere-
tur, ſpectabantur Echini lapidei, Paguri, Conchæ, Cochleæ, Oſtea,
Stellæque Piſces, Anium, Roſtra, & id genus alia paſſim multa:
Memi-

Meminerat porrò Sarayna se apud Theophrastum, & Plinium legisse ossa, & alia multa lapidescere: Pontanum quoq; scripsisse vidi lapidescere Sarni cœruleo sub fonte Alnum, Filicisq; Maniplos: non adeò mirandum esse, si illa diuturnitate temporis in lapidem concreuerint, illud maiori dignum admiratione, quo pacto hæc si viua quandoque fuere in hos Montes aut delata fuerint, aut enata. Cum igitur hac de re valdè anceps esset Sarayna clarissimum Fracastorium à se lapideo Paguro egregio, & prægrandi donatum rogauit, quænam esset de hac re Philosophorum opinio. Respondit, Tres de hac quæstione esse sententias, vnâ eorum, qui putaret hos effigatos lapides in Montes iactatos fuisse, quo tempore aquarum colluuiâ Montes superauere: quam sententiam sibi non probari professus est, tum quia aquæ, quæ montes exuperarunt non fuerunt Mariæ, sed inundationes è cœlo, tum quod oporteret videri Conchas, & id genus alia in verticibus Montium, aut si superexcreuisset terra, videri saltem certo solum tractu, quatum vertices Montium erant, quod certè non liquidò constat, quando erutis Montibus in quibus sunt hæc non vna solum parte appareant, sed etiam in medijs, & in imis, & vbiq;: Aliam sententiam esse dicentium in montibus esse humorem quemdam, & alicubi falsum, & varium, à quo sæpè vera animalia maritima fiunt, & quodammodò generantur, vt in Dactylis videre est, qui in medijs saxis nascuntur, & inde exuantur. Interdum non vera animalia fieri, sed quæ imitantur vera, nam quemadmodum & natura imitatur species terrestres, in Mari, ita in montibus non veras Conchas fieri viuentes, sed consimile quiddam, quod mox lapidescit ob frigiditatem circum ambientis loci, cuius signum affirmant esse, quod Conchæ quantum ad id, quod intrâ est, non planè animal referunt. Sed hanc quoque sententiam non placere sibi aiebat, quoniam lapidea hæc aut vnquam vixere, animantiaque extitere, aut non: siquidem olim vixere non iam iocatur natura, & imitatur, sed verum animal facit, quale in Mari gignitur; At verò in Montibus inter saxa esse eam vim genitricem, quæ in Mari, non satis rationi consonum videtur, præsertim in grandioribus

dioribus animalibus, quæ multa poscunt; cui rei addi & illud potest, quod si olim genita fuissent, oporteret & nunc alibi gigni, & erui è montibus viuentia hæc animalia, quemadmodum & Dactyli: si verò numquā vixere, sed imitationes tantum fuere verorum animalium; hoc certè contra sensum est: Eruuntur enim Conchæ non paucae, quarum pars in lapidem concreuit, pars nondum mutata est, sed veræ Conchæ rationem habet & teneritatem, & cum reliquis mollitudinem. Quare videre est illas olim veras fuisse Conchas, quod si id quod intrà est in quibusdam non planè Concham refert, causa est, quod caro quæ mollis ex se erat & contrahi nata, multa terra circumtectâ mox in lapidem coëuit: Cum hæcenus magni Fracastorij sententiam recitasset Sarayna, qua aliorum Philosophorum sibi hæc in re non probari placita docebat, subiecit.

Ergò se dicebat existimare hæc olim vera animantia fuisse illuc iactata à Mari, & in Mari enata: Sed hæc pendere ex maiori cognitione, Montes enim omnes à Mari factos fuisse asseuerabat, primum iactata arena in cumulos, fuisseq; olim Mare, vbi nunc Montes extant, mox eodem recedente detectos fuisse Montes, & Insulas, quod & in dies videtur fieri, quando & Ægyptus tota mari olim obruta fuerit, & in littoribus etiam Italiæ vt circa Rauennâ apparet, vbi longè abest Mare ab eo, quod olim fuerat passuum centum; Hæc Antiquarius noster Excellentissimi Fracastorij doctrina, Huius testimonium instar multorum, & classicorum nobis esse debet: cuius sanè diuinum ingenium nobis ad vnguem Hippocratem, Aristotelem, Platonem, Virgilium, Ptolemæum representasse inconfesso est apud non rudes rei litterariæ æstimatores, si quæ de re medica breuiter, & grauiter est commentatus, de re Astrologica, Philosophica multa, Dialogismos eruditissimos, & Virgiliani Carminis maiestatem spectemus: vt iam ridendum sit nonnullorum rudium, illius temporis Physicorum iudicium, qui eum in Poetica tantum, & Astronomia excelluisse dicant, aded verissimum est, quod ille scripsit, eam esse hominum malitiam, vt nolint eundem pluribus in rebus ex-

*Mōtium
origo ex
Fracaste
rio.*

Ggg

celle-

cellere, cum inuidi semper humunciones alienam virtutem,
& eruditionem ex proprijs moribus, & imperitia metiantur:

PISA, ET LENTES LAPIDEÆ.



*Lib. de fi-
guris lapi-
dum cap.
7 de lytho-
phytis.
Lib. 17.*

LN Musæo hæc asseruata oculata fide testari pos-
sumus, huiusmodi lapides Leguminum specie,
partim coagmentati sunt ex pluribus ceu granis,
& seminibus, partim etiam grana sunt singula,
& separata: Hæc Gesnero teste, sua foris tuni-
ca teguntur: intus planè Legumina vera referunt, duritie
summa, & ne validorum quidem dentium morfui cedentes;
lithosprea Græcè vocari possunt: Præclarus, & elegans
est Strabonis locus ab eodem Gesnero citatus, vbi de Py-
ramidibus Ægypti scribit: Ex tritura lapidum, ἐκ τῆς λαπίσεως
acerui quidam antè Pyramides iacent, in quibus lapilli,
& forma, & magnitudine Lentis reperiuntur. φέρονται καὶ τῶν
καὶ μεγέθει φακοειδῆ, quibusdam veluti Corticis particula, vt Len-
tis semi-decorticatæ subest, ἐν τοῖς δὲ καὶ ὡς ἀνὰ πίττα, οἷον ἡμιλεπτεῖν
ὑποπρέχει: Dicunt reliquias ciborum, quibus operæ vefceban-
tur, in lapidem induratas, quod quidem satis verisimile est,
nam & apud nos collis est oblongus in campo situs, qui
tophi calculis in modum Lentis plenus est, μετὰς ψήφου φακοειδῆς.
Sic Strabo.

*CORIANDE SEMINA LAPIDEA,
ET CASEOLA.*




QCVLOS isthæc facile fallere possint, tam affabrè,
& ad vnguem naturalem, & verā Coriandrorum,
& Caseolorum conditionem representant, non ita
dentes, & appetitum hominum valeant decipere,
tamen si puerorum, & grauidarum mulierum in-
gluuiem possint eludere: Verum & quæ sequuntur in Musæo
asseruata cernuntur.

TVB

VBERA lapidosa, quæ pondere satis graui tantum dignosces, à veris, & in terra pullulantibus.

AB Æ filiqua minimè vesca, veræ tamen forma persimilis turgentibus intus granulis prægnans.

PANIS Miliaceus, qui aded germanum, & verum refert, vt rudes pueri, & vulgus ignarum facile deciperetur, tametsi & talis verus panis delicatiori gulæ, & non latranti stomacho ingratisissimus sit cibus, prædulcem ex eo Panem in campania fieri prodidit Plinius, huius figuram hic expressam damus.



Ggg 2

PANIS

PANIS ex Secale confectus, quam Farraginem etiam Plinius vocavit, Græcis, atq; alijs Latinis (excepto Plinio) rei Rusticæ Scriptoribus ferè ignota. In Panificijs rusticis, & infimæ Plebi usurpata, Procerum mensis abdicata: aliquando tritico permixta ut Panis indè confectus diutius teneritudinem retineat: Sed Musci nostri panem lapideum esurientes magis fastidirent, quam Midas aurata fercula, & pretiosa propomata.


OSTREA nulla ex parte detruncata, vel manca, cuius testa multis laminis compacta, intus levis existit, vasculumq; Ostreæ domicilium, & conceptaculum, adeò adamussim insipientibus præferens, ut, nisi esset lapis, è mari eiectam, & transmissam fatereris.

HVMANVM genu saxeum fragmentum diceris lapidosi hominis à Medusa permutati, adeò perbellè, rotulas, musculos denique omnes, & officula ipsius membri ostendit.

LAXAMEN, seu Vesparium canaliculis insculptum petreo scruto efformatum, durabiliore opera, & materia, quàm Vespis, seu Apibus compingitur fauus.

ECHINVS marinus saxeus, spinis vndequaq; horridus è centro in circulum discurrentibus in globum vergens, valdè viuo persimilis, qui in extrema spectabificum tergori suo lotium reddit, quo malefico caro perfusa, si quis eam ederit, stranguriæ morbum ei conciliat; vrina exinanita & carnes ritè purgatæ stillicidium lotij emendant; ita nonnulli Auctores tradunt: Sed à nostro Echino nullæ huiusmodi noxæ formidantur & turò se contrèctari permittit; cuius & expressam Iconem hic subiicimus.

LAPIS



EAPIS solidus altior, & Turbinator, qui Gesnero teste, ab Echini marini similitudine, cui testa exterior sit detracta, Echinites vocari potest; radij porrò ex superiori parte ad imam descendunt.

ECHINITES alter ab eodem Gesnero descriptus pugno paulò maior: crusta filicea ambitur, intùs paulò mollior, à Basi, quæ plana, & levis est aliqua veluti caudæ lacertorum versus superiorem partem. elaræ paulatim attenuantur: Ouum anguinum Plinij videtur (vt scripsit Gesnerus) descriptum ab eo pluribus lib. xxix. cap. iij.

GINGIBERIS radicum contortarum specimen lapideum, quibus & ad discutiandos flatūs, necnon ad roborandum ventriculū, nisi duritiē lapidosa essent concreta, vti posses.


GLO-



LOMVLVS Fili in lapide conspicui, manu tacti-
lis non dissolubilis: natio pollice ipso deductus e-
colo videtur.



BOBAB lapideus, fructus illius similitudinem ge-
rit, quo ad extinguendam sitim Aethiopes vtuntur,
de quo Prosper Alpinus in lib. de Plantis Aegypti:
& Carolus Clusius lib. ij. cap. primo exoticorum,
quemve à Nautis, qui ex Aethiopia redierant, redemptum
Londino ad ipsum miserat Iacobus Garetus. Caue tamen
ne tam viua deceptus similitudine ori admoucas, & denti-
bus noxam inferas: lapidei Baobab hic expressam figuram
damus.



CORNV



CORNIV saxeum Acheloi, aut Cornigeri Ammonis dici posset, nisi Hircinum esset.



CORNIV Ceruinum lapideum, quod colore, & forma exactè naturalem refert (cui non inefficax ad infringenda venena vis) ramosum, nodosumq;



STELLA Piscis in suos dispartita radios, sic lufitante natura non sine admiratione lapidea conspicitur.



CORNIV Ammonis inter Sacratissimas Æthiopiæ Gemmas, aureo colore, arietini cornus effigiem reddens promittitur prædiuina somnia repræsentare; Hæc ex Plinio nostro Gesnerus, qui subdit videri Plinium Gemmas putasse, qui lapides sunt: est autem veluti Cornu Arietis in se reuolutum: Agricola lib. v. de natura fossilium hæc habet; Similiter Cornu Ammonis, & alij lapides armantur: sed eorum arma ex auro, vel orichalco polito plerumq; videntur esse facta: Tale præcisè cornu in Musæo conspicitur: eius porro exactam, & accuratam descriptionem legat quisquis talium est perstudiosus in Musæo Neapolitano Italicè scripto: neminè enim suorum laborum laude defraudatum volumus.



NAVILVS lapideus, quem secundam Nautilus Conchæ speciem ab Aristotele traditam esse putat Petrus Bellonius talium rerum diligens vestigator, ad vasa ditioribus abacis accommoda faciendi in magno pretio artifices habere solent, Porcellanam vocant: Huius amplitudo cum prima specie naturali conuenit, eodem Bellonio teste: sed paulò magis est crassus, prior præterea pectunculorum more striatus est; hic omninò glaber parte interna infinita habens interstitia, undecunq; nitidior, ac mira colorum varietate splendens subin-

subindè circumagentibus se in purpuram, candoremq; maculis : sic Bellonius, quasi dedita opera Musæi nostri Naturalium describens, cuius hîc effigiem typis æneis expressam æternes.



Lib. de
Therm.
aquis c.
8. de Bal
neo Ran-
colani a-
pud Sen-
nensem.
Ætrem.

ARBORVM varia fragmenta, & fructus lapidosi, quæ cuius mirificam admirationem parere possint, An ex eorum numero, ac genere, quæ Fallopius vir clarissimus docuit in flumen succo lapidescente præditum decedentia ex proximis virgultis in lapides mox extracta concrefcere?

PISTACHIA lapidea in Naturæ Theatro, & magni apparatus mundano conuiuio admittenda, & suspicienda: sed humano palato longè iniucunda.

ARIETIS

ARIETIS caput integrum à Natura in Petram elaboratum, cornibus fronte, auribus, maxillis, & mento barbato, vel Hammoni Ioui inuidendum.

PES hominis integer in lapidem conuersus, vt nisi lynceis oculis omnia dispicias, ex humana compage decerptum esse suspiceris,

VNGVS lapideus; Boletum fortè, qualem Imperator edit Claudius, existimaueris; non sanè qui suffocatione amplius perimat, sed *quodam*, & duratione conspicuum: cuius hîc figuram damus.



GLOSSOPETRA Gesneri, de qua ille Auctor hæc *Cap. 14.*
habet: a iqui lamiarum dentes, Cardanus Glottidas
vocat: Glossopetra nigricans (inquit Agricola) *Lib. 6. de*
Germanis Nairicum lingua dicitur, cui similis non *nat. fossil.*
Hhh est,

est, sed magis linguæ Pici: reperitur in terra aluminosa: sic ille: apud nos non nigro, sed albicante in roseo ferè colore, & splendido reperiuntur hi lapides saxi interdum inclusi: Veneno præsentē sudare in mensa creduntur, sed facile ad vaporem alij quoq; leues, & præduri lapides sudant: hæc prudenter Gesnerus,



B V CARDIAM à Bubulo Corde nominatam docet Agricola lib. vj. de natura fossilium: & hanc optime descripsit Italicè Neapolitani descriptor Musæi, vt non sit in alienis recitandis intemperanter otio abutendum, cum recens editus liber passim præ manibus habeatur.



A D M O N E T me locus hic, dum de Genu, & Pedes humanis loqueremur, vt difficultatem, quam in Aduersarijs meis adnotatam reperi, in medium afferam, vt amena, ac vtili hac varietate defatigatum his lapidosis perlustrandis Lectoris animum aliqua ex parte recreemus. Admirantur multi; quid in mentem venerit D. Augustino primo de mirabilibus Sacrae Scripturae, vt putaret, & disertis verbis assereret, Conuersionem Vxorē Loth in Salis statuam fuisse ex parte miraculum, ex alia parte rem secundum naturam, quasi Salis succus humano corpori sit infusus, sed etiam subdit D. Augustinus à potente rerum gubernatore Salis portionem, quæ in abditis corporis partibus inerat, in corporis ambitumeductam, quasi corporis moles Vxorē Loth saxeam duritiem ex Salis siccitate contraxerit. Porro ex lachrymis pituita, ex Tussi expresso sputo probat ille Auctor Salis naturam in recondito naturæ sinu latere: Hæc sententia fauere videtur Paracelsi, qui corpora nostra ex Sale, Mercurio, & Sulphure constata putauit, cuius iam explosa est ab omnibus rectè sentientibus opinio: Ratio est satis valida, quia ab iisdem alimur, ex quibus constamus, ex Sale nemo alitur cum sit condimentum, non alimentum, cuius natura in temperie, & moderatione primarum qualitatum

*Mercurialis lib. 6
var. lect.
cap. 28.*


tatum fita est: at Salis natura calida, sicca, exurens, vt potius ea tabescere, & absumi corpora, quàm ali. augeri, & repleri credibile sit, præterea corporum analysis & dissolutio fit in quatuor prima elementa, non in Salem, Sulphur, & Argentum viuum, quæ corpora sunt mixta, non simplicia. Porro lachrymæ, pituita, & sputamina illa salsa dixerim, reddi præter naturam, non secundum naturam, ex calore nempe exurente in putredinem ducente, aut permixtione salsa, serosæq; humiditatis, vt optime Galenus noster docuit: Vt in statu hominis secundum naturam, in quo debet quæstio proponi, nullus talis succus, neq; tamquam elementum, nec tamquam humor, aut spiritus, aut status reperiri valeat. Quod si Hippocrates lib. de veteri Medicamento in homine dixit esse, amarum, salsum, acerbum, dulce, & alia sexcenta, de sapore hoc est qualitate salsa, quæ in humoribus, & carnibus hominis intemperati consistit, & præter naturam, id accipiendum est, vel de excrementorum, falsedine, non de salis essentia, quæ in visceribus prius latitans in corporis ambitum postea effundatur, quemadmodum de ictericis, & leucophlegmaticis asseri potest: in illis quippe Bilis, in his pituita in corporis superficiem redundans naturam humanam veluti deformat, quocirca ne omnino polluat sanguis, & stranguletur natiuus calor, euestigio curationem medicam exposcunt: sed his satis.



ONCHYLIA, siue Conchæ lapideæ, quæ ad viuum naturales exprimunt, læui superficie donatæ.



LAPIS naturæ artificiosa cælatura in figuram Abrotoni Plantæ effictus, ita caules, ramuli, foliola, cortex, & nerui venæ (*lvas* vocat Theophrastus) eius stirpis exprimuntur: propterea hîc etiam eius iconem subiicimus.



IAPIS naturæ vi affabrè efformatus in figuram, & Typum Nemoris, vt hinc clarè perspicias maiora etiam audere Naturam, dum è rebus simplicibus ad compositas ex pluribus operosè coagmentatas progreditur.



MITVLVS in lapidem conuersus: Concharum genus est, teste Leuino Lemnio Medico Zirizæo lib. iij. cap. vij. de occultis naturæ miraculis, quo lictora, oræq; maritimæ apud Zelandos scatent: illius deco-

decoctum affluentiori liquamine curari docet morbum grādinis, quo fues corripuntur, quive corpus eorum fēdissima labe contaminat, dum caro, & partes internæ candidis ramentis, veluti grandine, perfunduntur. De Mitulis copiosè scripsit Hermolaus Barbarus lib. ij. Corrolarij non procul ab initio.



VRATA Lapidea, quæ tamen maris Mediterranei auratam repræsentat, non massiliensium, à fulvis supercilijs *χρυσόπους* Oppiano nuncupata in Dentalis longitudinem, & latitudinem excrescit. Pinna gerit in tergore continuam, quatuor, & viginti Aristis munitam, quarum duodecim anteriores in mucronem desinunt, reliquum pinnae obtusum est: reliqua lege apud Petrum Bellonium, qui huiusmodi piscem viuum adamussim delineans, & Musæi lapideum præclare expressisse visus est.

*Lib. 1. de
aquatili-
bus.*




ANGVILLA lapidosa natiuam referens, cuius serpentina species est, vulgò persuasum nullam ijs esse sexus distinctionem, non coire, non oua parere, meatus semini, aut vulvæ accommodatos nulla recisa præfert, tradunt porro peritiores conuolutis simul anguillis, attritu corporum mutuo, mucorem in limum destillare, atque hoc pacto gigni.

*Oppianus
lib. 1.*



FOENICVLI caules lapidei, Marathrum etiam vocant: optimè Brugerinus lib. viij. cap. xxviij. Seplasiæ, ac Salgamarij ait, plurima cum Fœniculo reponunt, semen hyeme vicem sacchari implet, antè cuncta tamen celebratur, quod oculorum vis eo conseruatur, & caligo discutitur: Radices calculosis renibus, vesicæq; suppetias ferunt: Galenus suos uti, ut opsono, & etiam condimento docet: verum nos hic lapidosa tractamus: earum ergo Caulium hanc figuram damus.

STROM-



S

TR OMBITES varij in Spiram reuoluti, & in acutum desinentes, qui tamen non multum longi, sed breues existunt.

L


APIDOSORVM Lignorum Frustra Muscum intuentibus præsefert, quæ verè dixeris ex succo lapidescente concreta: vel donata corticibus, vel eorundem expertia: pulchrè docet Fallopius herbas illas Iuncum, Cyperum, alias Canalicum Rancolani non posse succum illum lapidescentem pro alimento attrahere, quin simul aquam attrahant, idcirco in aqua non lapidescere, quoniam ea erat impedimento: Ex Canalicibus extrax, & in terram proiectæ, & exsiccatæ lapidescunt.

FRVS.

LRVSTRA maiora amorum maiorum Arborum lapidosorum, quæ omnibus, Musæum ingredientibus magnam incutiunt admirationem, ac stuporem: primo enim ad spectu lignea videntur; penitus autem, & contrectantibus illicò ex pondere, & duritie, produntur lapidea: an ex succo lapidescente intrà terram, vel in aquis latente lapideam hanc duritiem sint nacti dispiciat, & pensitet secum eruditus Lector: ex terreo potius succo ego putarim, quoniam in eo maiorem actionem ex terræ siccitate inesse verisimile est; Lapides verò ex terreis partibus humidiores exuperantibus oriri, inconfesso est apud Aristotelem, & Peripateticos, quinimò & magnus Plato hoc in Timæo præclare docet, cum terræ speciem per aquam emergentem hoc modò fieri lapidem docet, dum congelata aqua, quando in commixtione deficit, in aëris speciem transit: Terram denique ab Aëre indissolubiliter cum Aqua coactam lapides concreare, quibus verbis clarè ostendit Plato ex maiori terræ portione, quam aquæ procreari lapides.

*vide ibid.
Coment.
Sebastia-
ni Foxij.*

SERPENS in lapidem versus, & fortè fortunæ carpenti præpropere cursu in duas partes sectus: res profectò conspectu pulchra, & admirabilis: quo tamè non fuit is miserabilis exitus expectandus, de quo Scaliger exerc. C C haud procul Dertona nimirum Palauicinum quendam, qui esset in Venatione, & Hispanica lancea Serpentem interfecisset, eum, eiusque Equum morte deletos: Nos lapidei nostri Iconem hanc expressam ponemus.



Exerit
22.



ROMBVS lapideus, quem Piscem esse constat, & Gallis Latina voce non visitata Turbots vocatur, sic enim figuram vocamus Mathematicam (inquit doctissimus Scaliger) quadrangulam per dimerentem productiorem; Rhombi, & Sombri ex Oceano Britannico ingenti magnitudine aduehuntur: In Adriatico Mari vterque parvus, at cur maiores ab Adriatico, & Mediterræ Britan-

neo Squatina, quam ab Oceano? cur Aurata in Oceano Britannico nulla? salmo in Mediterraneo nullus? Meditare aliquid, erudite Lector, dum animi causa non piget à lapideis ad animatos, & naturales Rhombos, & predictos pisces mentem tantisper traducere. *In Flav.* Rhombum Romanos vocare Athenæus est Auctor: Plinius etiam Rhombo tribuit, quæ Aristoteles psetta, ut quod arena se obruat, & pisces alliciat: Gaza *In Flav.* passerem apud Aristotelem interpretatur non Rhombum, Plinius Rhombum, & passerem facit diuersos: Galenus etiam noster in lib. de alimentis: Horatius pariter lib. serm. ij. Cæterum Galenus Rhombos, ac Citharos in patinis coctos vehementer damnat, Brugerino etiam teste, quia sunt insignis cruditatis causæ. in laurioribus conuiuijs fuisse eum piscem per familiaré Martialis lib. iij. in Ligurinum satis ostendit, cum iocans ait.

Nolo mihi ponas Rhombum, multumq; bilibrem,

Non volo Boletos, Ostrea nolo, tace. *Agricola*
& lib. xij.

Quamuis lata gerat Patella Rhombum,

Rhombus latior est tamen Patella. *de Rancolani*

Est enim amplissimus Piscis, & in littore Adriatico mirandum Rhombum decantauit Ouidius.

RAPIS in figuram Simiæ naturaliter effectus, qui sanè an maiorem intuenti admirationem allaturus videatur, quàm ea naturalis, & viuens Simia, de qua magnus Scaliger scribit exerc. c c xij. satis anceps sum, ait enim Marem, ac foeminam Simiam cum prole vidimus: Filiolus, si quid videretur desiderare, manu, pugnoq; foeminâ à marito tamquam malæ tractationis ream, etiam addita vultus acerbitate, castigari: nempe supercilio rictu, murmure, irati patris, atq; reprehensoris mariti animum præferre: aut Cynocephalus ille Simiarum species, de quo paulo post idem Scaliger: In Aula Regis vnus fuit, qui diu bipes deambulabat, amictus sagulo militari, ensiculo accinctus: in sella iussus continuit sese pernox, aut per diu publico

blico spectaculo: itaut non deessent, qui homuncionem putarent verum: Tuum (optimè Lector) iudicium esto hac de re: Addam quod Cardanus lib. xvij. de mirab. tradit vulgatum esse cor Simiæ prohibere pulsus cordis, curare comitiales, augere audaciam, & intellectum: quid mirum? cum similia à similibus iuuentur: idem cor dormienti suppositum feras per somnum ostendit. Verum hoc à superstitiosis Haustum Auctoribus, quorum plures præ manibus habuit Cardanus, vt rara quædam, & non vulgaria Lectori harum nugarum non incurioso per summam ostentationem obtruderet: Nos ad nostrorum lapidum pensum redeamus.



LAPIDES diuersi variorum Conchyliorum formæ delineati, quæ ex materia pingui, & lenta conclusus calor efficere videtur, vt murices, & musculos, teste Agricola lib. iv. de ortu, & occasu subterraneorum:

Lib. 19.
Subt.

Ostrea Conchylia, & Corallium obdurant (inquit Cardanus) quamuis Coralliū dum sub aquis latitat, molle sit, quod de Rancolani plantis superius ex Fallopio perstrinximus: Quærit Cardanus cur obdurant Conchylia, non Alga, quæ & ipsa in mari nascitur: Respondet Algam crescere, ob id maris fluctibus resistere non posse, idcirco tenuem à natura procreatam, vt maris impetum obsequens effugiat, & deuiter, Conchylia, & Ostrea in imo manent, & crassa ab initio creantur; Dicerem ego (si per Auctoris illius subtilitates liceat) quæstionem esse vanissimam alioquin & quæsitum dignum fuerit cur Perca aurata mollior, cetacea grauiora, & crassiora: in propriam cuiusque formam hæc referenda, quam primò res sortitæ comparem materiam necessario simul adfiscunt.



Lib. 20.
cap. 21.

LAPIDES Lampetrarum, & Hirundinum formam referentes: Lampetra torsit ingenia illustrium virorum (ait Brugerinus) dum quid apud Antiquos sit, inuestigant, nec è mustellino genere esse, cum quinas hoc ex

vtra-

utraque parte branchias habet, Lampetra septenas: nec Murrhanam, nam branchijs integris carere Aristoteles; omnino Plinius asseruit, Lampetra branchias vtrinque æquè partitas habet. Rondolegius Oppiani Echeneim esse scriptum reliquit, & dici posse *βλέμμα* Strabonis, non Hirundinem, ut vertit interpres, cur *βράχια κατὰ ἐκ μέρους* addat Strabo branchias scilicet perforatas, ambigit Brugerynus cum semper natura branchiarum sit aperta, & perforata, sed perfectò omnem eximet scrupulum *αὐτοῦ* ipsa & rei diligens inspectio. Hirudo quot noxas humano generi afferat Dioscorides apertè docet: floridi, & viui sanguinis excreationes ex Græcis scriptoribus addit Marcellus reliquis signis à Dioscoride positis, Nicander in Alexipharmacis hæc de Hirundine habet.

Lib. 7. de
Mauritania.

Lib. 6.
cap. 32.

Si quisquam multum sitiens è flumine vultu,

Cen Taurus prono, liquidas potauerit undas

Saponens manibus sordes, algamq; natantem

Illius in fauces accedens impete magno

Longa fame crepitans, quæ sanguine gaudet hirudo,

In labra cum potu, post ventrem fertur in altum.

Sed enim Græca Nicandri vertit Io. Gorraeus Parisiensis vir doctissimus; frigidæ aquæ sensu ore contentæ profiliunt faucibus hærentes, quoniam illius aquæ appetentes ad eam festinant. Si eruditus Lector, qui etiam Medicinæ nostræ det operam, vel eius sit perstudiosus vberiore notitiâ. Tunc *βλέμμα* habere voluerit is adeat lib. ij. c. ij. variarum obseru. Marfilij Cagnati nostratis, qui locum Hippocratis lib. ij. Prædictionum, & Galeni lib. de locis affect. iv. cap. v. & Cornelij Celsi lib. ij. cap. vj. præclare, & diligenter examinat, ut in lapidea nostri Musæi Bdella non sint exquirenda.

πλάω πέρεργα τῶν ἔργων.



AM verò nec Arborum folia lapidosa in nostro desunt Musæo, vel potius in lapidibus efficta, & veluti delineata, quæ non dixerim naturalibus oculorum iudicio consimilia, cum viriditas desit, quæ stirpium,

& arborum folijs est genuina : quamquam frustra esse Cardani Problema magna obseruationis subtilitate contendit Scaliger superioris æui Vir vnicus, quo quærebat ille cur floribus non vnus color, veluti folijs : in folijs (ait Scaliger) est luteus color, sanguineus, cæruleus, candidus : Betis, Attriplicibus, Bistorta, Asaro, Cyclamino, Cardo argentato, Argentariæ Coronariæ, Aro, Serpentariæ ; lege quæso, Lector candide, Exercit. c. LXXVI. Scal. vt tadium diuturnum Calceolarij Musæi perlegendi erudita, & iucunda lectione lenias.



VARII lapides variorum Piscium figura veluti insculpti, & efficti, quos in Vicentino agro superioribus annis effossos Michael Angelus Angelicus honestissimus, & ornatissimus Vicetiæ Pharmacopæus Francisco Iuniori Calceolario pro vetere amicitia donauit, quorum hæc figuram, cum sint propter varietatem admirabiles, & amici benignitatem non aspernandi, libenter expressam subiicimus.



CATE.


CÆTERVM alij etiam lapides in Musæo asseruantur, qui variorum piscium effigies repræsentant; Huiusmodi lapidem, ait Gesnerus, cap. xiv. de figuris lapidum Eislebianum vocat Agricola, & imagines exprimere scribit piscium Lucij, Percæ, Passeris marini, quales ferè, quisquis hæc legis, in Musæo, si cunctarite perlustraueris, esse deprehendes.

TVRBOTVM Gallicè vocatum: Rhombum scilicet à turbinata corporis forma appellatum pro turbinato dicere Galli visi sunt, ait Petrus Bellonius libro primo de Aquatilibus; Caput illius multis spinosis ossibus refertum, tantæ inter se varietatis, vt omnia fabrilia instrumenta in se continere credatur: maximum ex Oceano adferri idem Auctor docet, tantæ molis, & carnis, quam delicatam habet, vt quadraginta librarum pondus excedat. Sed quid ego? ad cupedias, & gulæ irritamenta, lectorem allicio? cum solum profectò Archetypum breuissimè describere mihi constitutum fuerit, vt expeditius lapidosi Rhombi figura perciperetur, quam enucleatius explicatam lib. citato Bellonij comperies.

ARBORVM folia simul connexa, & veluti agglutinata, quæ figura, & venulis, nervisque naturalibus optimè responderent, nisi durities, pondus, & viriditatis carentia obstarent, cum sint omnia lapidosa.

PAGVRVS Venetus Granciporro vocatus, respuit læues tractus, asperas cautes incolit quas æstus maris influxu, ac reciprocatione siccas relinquit, vbi torpescit mare in arido relictus, præ metu crura contrahit, & torpentis modò immobilis quiescit, vt observat Bellonius lib. ij. de Aquatilibus. Adolescit in Caluæ humanæ

humanæ magnitudinem, sed non ita orbicularis euadit, in
eius ore tot comperies naturæ secreta, tot adstantes appen-
dices, tot pelliculas, vt coactus incredibile naturæ artifi-
cium necesse sit, fatearis: carnis, & coctionis durioris Gale-
nus esse docet, sed de musculis id potiùs, quàm de Muti,
qua potissimum parte constat (ea autem est eius Epar)
intelligendum putat Bellonius; Sethus falsi succi esse, &
ventrem sistere scripsit; Sed, vt cumq; isthac sese habeant,
lapidosum, figura proposita, damus, à quo nihil detrimenti
ventri tuo metuere potes, optimè Lector.



CONCHLEÆ, Conchulæ, Chamæ, & id genus alia
maris eiectiones, veluti plures ferculorum mis-
sus, pulchra naturæ largitate, ad curiosas mentes
oblectandas apponuntur, verùm hæc potius Bella-
ria leuiora, quàm solidi, & alentes mensium cibi.

Consulto

Consultò prætermittimus complures alias, & diuersas formas in lapidis duritiem concretas, ne minuta pusillarum rerum commemoratione defatigatum lectorum animum vel obruamus, vel inepto labore tædio afficiamus: satis fuerit res magis conspicuas, & insignes breui descriptione (multis ex iisdem etiam figuris expressis) digito veluti commostrasse. **Finis** Tertiæ huic Musæi descripti Sectioni bonis auibus imponetur, si Lectorem pium, & eruditum exorabimus, vt cum Platone in Timæo, & alibi à naturalibus ad diuina, à generatione ad ea, quæ semper sunt, cogitationem traducat: Senecæ memorabile præceptum semper in ore, in corde, in tota vitæ ratione gerat, & tueatur. Sic viue cum Hominibus, tamquam Deus videat, sic loquere cum Deo, tamquam homines audiant.

Sectionis Tertiæ Finis.



SECTIO QVARTA
MVSÆI CALCEOLARIIL.
IN QVA DE CORPORIBVS
METALLICIS CVIVS-
CVNQVE GENERIS
PERTRACTATVR.
EODEM ANDREA CHIOCCO
MEDICO, ET PHILOSOPHO
EX COLLEGIO VERONENSI

Auctore, vel Scriptore.

SECTIO QVARTA
MUSEI CALCOLARI
IN QVA DE CORPORIBVS
METALLICIS CIVIS-
CVNOVE GENERIS
PERTRACTATVR.
EODEM ANDREA CHIOCCO
MEDICO ET PHILOSOPHO
EX COLLEGIO VERONENSI

Angore, vel scriptore.

SECTIO QUARTA.



ETVS quæstio est, iam vsquè à primis Philosophiæ ducta incunabulis, & multis contentionibus apud veteres agitata: Vtra alteri anteferenda sit ex ijs Philosophiæ partibus, quorum vna ad cognitionem, & contemplationem pertinet, quam Græci θεωρητικήν, altera ad actionem, quam πρακτικήν appellarunt: lib. vj. Ethicorum Sapientiam prudentia facit superiorem Aristoteles, quod lib. Eth. etiam x. & vij. Politic. non obscurè confirmat idem Philosophus: demonstratio huiusce rei necessaria est, quoniam Prudentia ad actionem refertur, & omnis actio ad finem aliquem necessariò dirigitur: at cognitio omnis, & rerum exacta contemplatio per se ipsa expetitur, neque aliò spectat, ipsa suis pollens opibus, nihil alterius indiga, maius ergo quid, & sublimius est ipsa veritatis cognitio, & contemplatio: Præterea sapientes eos nominavit Antiquitas, qui abdita quædam, & à vulgi captu seclusa perquirerent, vt Thalem Milesium, Anaxagoram, Democritum, qui verè philosophari dicebantur, immo admiratio ipsa, quam causam, & originem philosophandi statuit summus philosophus, ad hanc philosophiæ contemplatricis partem spectat: Definitos enim syderum cursus, & quæ in sublimi fiunt, & statas anni temporum varietates, lapidū, metallorum procreationis animalium rationem admirantes homines ingeniosi, quæ causæ vnumquodq; horum efficerent, curiosè peruestigare ceperunt: At Socrates Platonis magister, eo tamquam adagio vtens, quæ

quæ sopra nos essent, nihil ad nos attinere, Philosophiam à rebus occultis, & in naturæ sinu latentibus ad vitæ communis institutionem, & mores ritè conformandos traduxit, de virtutibus, ac vitijs, bonis, & malis rebus frequentius disputabat, vt lib. primo de dictis, & factis Socratis Xenophon docet. Vno Homérico versu totius philosophiæ summam contineri dicitans,

Ὅτι τοῖς ἐν μεγάροις κακὸν τὸ ἀγαθὸν τε τίτληται,

quod verterim,

Scire quod in domibus prauis, rectiq; geratur:

Sod profectò si diuino Platoni habenda fides in Ideis, & summi boni Dei .f. Optimi Maximi, & primæ mentis vbi effulgent Ideæ, rationibus, & attributis contemplandis, & declarandis multus fuit Socrates: qui etiam in primo Alcibiade docet Magiam Zoroastri nihil aliud sibi videri, nisi diuinarum scientiam, atque cultum, quibus imbuantur Persarum Filij, vt ad Mundanæ Reipub. exemplar suam & ipsi Rempubl. condiscant administrare, vt Platonici docent, & in lib. de Repub. summi boni Disciplinam summum esse exemplar, ad cuius normam, & interior animi nostri Respubl. & exterior regantur, ex quibus liquet Socratem primas quidem partes practicæ philosophiæ dedisse, sed ea lege, si rerum diuinarum notitia sit subnixa, quæ semper eodem modo sint, non quæ in generatione sint positæ, vt naturalia omnia: quocircà & alibi etiam ex sapientia oriri prudentiā differtè docuit. Impudenter ergò, ac malitiosè aduersus Socratem in Nebulis Aristophanes magnus inter Comicos Nebulo est debacchatus; Xenophon etiam occulta in Platonem inuidia, Socratem à rebus diuinis cognoscendis abhorruisse memoriæ prodidit. Rei enim veritas est, Socratem rerum naturalium scientiam, tamquam incertissimarum magna ex parte auersatum: doctrinam de eo, quod semper idem est, amplexum; & ceteris scientijs omnibus anteposuisse, vt Plato, cui magis credendum est, plenissimam hac de re fidem facit in Parmenide, Philebo, Dialogis de Repub. & Timæo, atque alibi; In Timæo sanè ipso Socratem oblectatum

statum causarum rerum naturalium inuestigatione obseruamus, lapidum nimirum, metallorum, & cæterorum fossilium explicatione, & eorum, quæ in sublimi fiunt, tum partum similarium & dissimilarium exactissima enucleatione.

Verum enimuero ex eodem Timæo aurea illa verba, & Socratici Platonis doctrina digna memoriæ mandanda, ut nos à reprehensione D. Augustini tueri possimus, quam ad me perscripsit Reuerendissimus Episcopus Verulanus Hieronymus Astræus diuinæ, & humanæ sapientiæ consultissimus: Haud nimirum laude dignum esse sese in naturæ lapidum contemplatione immergere, cum multo digniora habeamus, quibus contemplandis mentem exercere, & ad sublimiora extollere valeamus: Aurea Platonis verba sunt.

Quod si quis remittendi studij gratia, rationibus eorum, quæ semper sunt, intermissis considerauerit verisimiles de generatione, probationes, atque eiusmodi consideratione sine pœnitentiæ accessione deleatur moderatum in vita, prudentemq; ludum consequetur; Suprà enim dixerat Plato cætera generis eiusdem hoc est physicas res verisimilibus rationibus assequi haudquaquæ laboriosum esse; ex quo patet Socratem, Timæum, & Platonem hanc ex verisimilibus doctrinam minimè quidem omnino respuisse, aut auersatos esse, sed eorum, quæ semper sunt, rationes, & diuinarum, & à materiâ fecerunt secretarum naturarum, & formarum intelligentiam, & contemplationem cæteris omnibus anteposuisse, Xenophontem esse deceptum, aut voluntariè mentitum cum à rerum diuinarum scientia alienum fuisse Socratem voluit persuadere; hoc ex Conuicijs Aristophanis intelligimus, numquam enim ipsum *ἀπολατὴν*, & per nubes formas quasdam diuinas contemplatum obiecisset, nisi huic studio ipsum deditū constans tunc Fama extitisset: Nos igitur in Tertia Sectione lapidum Musæi, atque aliorum consimilium descriptione absoluta moderatum, & prudentem ludum consequuti, adhuc oblectandi animi gratia eundem ludum repetentes in describendis cuiuscumque generis metallicis corporibus, quæ in locuplate hoc naturæ penu conduntur (prætermisissis tantisper

gravioribus, & magis serijs disputationibus) versabimur; Illud interim Lectorem beneuolum commonentes, vt hisce etiam in rebus terrenis, & mutis sapientiam, potentiam, & bonitatem summi Conditoris veneretur; illius eximij præcepti memor, quod à Porphyrio in ij. de Abſtinentia animatorum traditum eſt, Colamus (inquit) Deum ſilentio puro, religione, puris, verisque de eo opinionibus, aſſimilarique ei, atque coniungi conemur, vitæque noſtræ ſanctimoniam pro ſacrificio offerre, idque Deo ſacrum accommodare.

AVRI MINERÆ.



IN hoc rerum naturalium Theſauro oſtenduntur Auri Mineræ tres: vna ex Pannonia, cui argentum ineſſe color candidus veluti argenteus, quo fulget demonstrat, *Αυρόν*, græci appellant, argentosum Latini, cui ineſt argentum ex candido colore, vt docet Agricola lib. viij. de natura foſſilium: ſic ignem non expertum aurum vocant; quod verò uſque ed coquitur, dum argentum omne ab eo fuerit ſeparatum, hanc Mineram FRANCISCO CALCEOLARIO Seniori donauit Petrus Andr. Matthæolus, cum quo ei multa ſemper neceſſitudo, & familiaritas interceſſit, quin & Veronam ſæpè ſe conferebat Matthæolus, vt vnà in Montem Baldum ad lucrandas, & perueſtigandas plantas concederent.

ALTERA Mineræ in lapide ſubcinerei coloris ſatis graui cum Argento expullulans ex Boemiæ Fodinis allata.

TERTIA Auri Mineræ ex lapide ſubrubei coloris fluens, cui cuprum inſito colore emicans adnatum viſitur ex eiſdem Fodinis.

Quæ

QVÆ de Auro doctè scripsit Agricola pluribus in locis, sed potissimum lib. viij. de natura fossilium diligenter legenda; Plinius etiam, Barbarus, Cæsalpinus, Cardanus, Scaliger fusè de eo disputarunt, nec à nobis huc ineptè eorum dicta transferenda: Cardanus somniauit Aurum esse metallorum perfectionem, & conatum, quasi alia metalla sint imperfecta, & ad aurum tendant, tamquam propriam perfectionem, & finem, sed acutè refellitur à Scaligero: *Exerc. 106. cap. 102.* Vnumquodque enim metallum sibi purum, & perfectum est in propria specie, & censu: essentia enim cuiusque in indiuisibili est posita, solaque est rei perfectio, impurum ergò Plumbum aliud est, quàm plumbum, nec magis aurum aliorum metallorum est perfectio, quam Homo Cimicis: septem ergo metalla illa vulgata Aurum, Argentum, Ferrum, æs Plumbum, æs Cyprium, electrum ex se ipsis propriam sunt perfectionem sortita, nec aurum, tamquam eorum finem, spectant, nec ex argento viuo, & sulphure constat aurum, vt optimè ostendunt Agricola, & Fallopius, quæ fuit Chymistarum, & Alberti Magni Hæresis, à qua non videtur alienus Sebastianus Foxius Hispanus (alioquin non contemnendus Platonici Timæi expositor) cum apertè Plato, à quo omnia bona vel surripuit, vel accepit Aristoteles, differtè doceat ex aque portione ampliori, minori terrea gigni metalla contrà lapides (vt in tertia Sectione traditum est) maiorem terrenæ exhalationis copiam in se continere.

AVRVM Obrizum vocant, ait Agricola, à quo omne est separatim argentum; huius appellatio reuocauit mihi in memoriam, quod FRANCISCVS Auricalchus Vir doctissimus Sancti Ægidij Prior, & Academicus Philarmonicus me docuit in Deum scilicet, & proximum nostrum charitatem instar Auri Obrizi esse debere nulla priorum commodorū, aut vtilitatis labe inquinatam, hanc labem Hypocritæ præferunt, dum ad immensas opes per simplicium hominum credulitatem malitiosè conantur emergere, rerumq; potiri. *Lucret.*

An

An Aurum arte confici possit, legendus Io. Franciscus Picus: Fernelius lib. ij. de Abditis rerum causis, & Benedictus Pererius libro de rerum naturalium principijs, quo Auctore nullum dedit Hispania, nostra tempestate doctiorem, eloquentiorem, & in rimanda rerum natura excussum magis, & dilucidum: Vtinam sui ordinis viri ad diuersum doctrinæ, & scribendi genus non impulissent, sed in solo Aristotele illustrando versari fuissent. Quidam semine Auri Chrysopeiam constare autumant, atque indè vt plantarum, & animantium, auri existere propagationem: Sed cum propagatio per semina solis viuentibus conueniat per naturam, vt Aristoteles, & omnes Physici docent, non est vt Spagiricus quispiam per artem aurum se efficere posse somniet, & oculis nostris gratis illudat. Illud non omittā interrogatum olim Speronium, cur Pindarus à commendatione, & encomio Auri suas odas esset auspicatus, respondisse illicò, at erat viuido, atque acri ingenio, Præuidisse Pindarum contemptui fore Poësim, & ludibrio optimas disciplinas, idcirco monuisse Principes viros, ne permitterent nebulones quosdam impuros præmia viris doctis, & bonis debita præripere: cum aurum inter diuitias, viri eruditi inter homines emineant.

AURI puri granula, quæ tamen Ciceris magnitudinem non excedunt, è proprio cuniculo eruta, nec non colore flauo micantia.

ARGENTI minera ex Valle Ioachimica, lapis est scissilis satis grauis, colore ad spadiceum vergente, granulis argenteis, ijsque nitentibus vndique conspersus.

Lib. 6. de Metallis. **ARGENTI** minera Annebergia: lapis in spadiceo colore satis lucidus, pondere grauis, & qui veluti scissilis apparet, argenti multum continens: hoc fortè innuit Cardanus, cum ait inueniri in Boemia Abertania, & in Misena Annebergi, & Snebergi adedò defecatum, vt ad examen sinceritatis

tatis deductum decima tantum sui ponderis parte decreascat, Georgius Agricola refert in Bohemia inuentum Argenti frustum ponderis duorum Talentorum; est autem hoc pondus centum, & quadraginta; hæc Cardanus.

ARGENTI minera Suecica in colore nigro aliquam viriditatem permixtam præferens, nec minùs æs innatum com-monstrans.

ARGENTI minera Bohemica, cui aurum, & æs inesse ex proprijs coloribus facillimè cuilibet perspicuum esse potest.

ARGENTVM fossile Anneburgium, cuius micæ in Terra flaua elucere visuntur: Argentum flauum quorundam esse existimatur.

ARGENTI Granula, in quibus color flauescens elucet iuxta Adamantem Pyramidali forma in propria vena conformata, quæ sanè ex Pyrite lapide colore auro simili veluti progenitore enasci conspiciuntur: In auri porro, argenti, & aliorum metallorum fodinis lapides, teste Theophrasto, frequenter solent inueniri, vt Adamas, qui in auri venis sæpè nascitur, quocirca ex auri natura esse Platoni creditur: dum ait in Timeo, auri ramus propter densitatem durissimus, & nigro præterea colore suffusus Adamas appellatur, ambo quippè solidissimæ sunt naturæ, & perfectam missionem adeptæ.

ARGENTI Viui mineræ, quasi lapis fragilis, & ad ruborem subobscurum inclinans Argentum Viuum, tamquam Vomicam, continens, Plumbo pondere ipso æquandus, in cuius vniuersa gleba Argenti Viui guttulæ vndequaquæ sunt sparæ, Cinnabari fossile Dioscoridis, & minium natuum aliorum; Hinc Argentum Viuum extrahunt metallici ex Hydra monte haud procul à Goritia.

ARGENTI Viui minera Suacensis; lapis durus, grauis pondere; cuius totum corpus colore plumbeo (non sine aliquo candore) infectum: Conquassatus lapis argentum viuum de se non fundit; ex illius tamen in puluerem redacti excoctione; fornacum ope, argentum viuum genuini coloris educitur.

*Lib. de Sa-
era philo-
sophia.*

Hic monitum Lectorem velim, nos rerum ortum, & causas, hic ex professo non tradere, sed solum Musæum describere, quadam duntaxat singularia, nec passim obuia perstringimus: In Argentum Viuum igitur si aurum, & plumbum proijciantur, plumbum supernatat, aurum solum mergitur, grauissimum igitur omnium non quidam ob crassitiem, aut terrei elementi copiam, vt ferrum, sed ob solidam, & perfectam missionem, vt optimè Franciscus Vallesius docuit: Deceptus ergo videtur Plinius noster, qui pondere, & facilitate materiæ à plumbo vinci aurum putauit; Hoc solum in igne nihil deperdit, quo si pius arsit proficit ad bonitatem: eius vsu minimum atteritur, cum aliorum metallorum tractatione ex decidua materia manus fordescant, nullum latius dilatatur, aut numerosius diuiditur: Accedit, ait Cæsalpinus, substantiæ incorruptibilitas *ἀφθαρσία*, solum enim nullam contrahit rubiginem, nec squallorem, adeò vt contra salis, & aceti succos rerum domitores constans perduret, quod auro puro potissimum conuenit: Arabes vim lericandi cor adscripsit: suo frigore à corde prauas fluxiones fortè repellit, siccitate, & substantiæ incorruptibilitate cor à putredine tuetur, Chymici potulentum pollicentur ex solutione aduersus omnem morbum, & ad conciliandam diuturnam iuuentutem, sed speciosa nux sunt, quia à nullo soluitur, nisi ab argento viuo, quod venenum est: ab acutis aurificum aquis non in liquorem soluitur, sed in partes insensiles, quæ siccatis iterum aquis in pristinum corpus glutinari possunt, vt acutè, & verè obseruat Cæsalpinus: Aurum ergo potabile dicetur eius puluisculus ritè defecatus & ablutus, & quouis liquore assumptus, qui ergo putant Aurum elaxando qualitatem, aut facultatem auream

*Cap. pro-
prio.*

auream iusculis communicare ostentationis vanissimæ, ne dicam Ibericæ, vitro non carent; cauterio ex auro ignito excitato non fieri bullas, & vlcus citius ad cicatricem perducitur tradunt; Argenti paulò imbecillior natura (ait Cæsalpinus) in igne enim aliquid deperdit, licet modicum, & à sulphure comburitur, si illi fuso admisceatur: lineis ex nigris ductis manus inficit. Dilatatur malleo in amplam latitudinem, sed minùs, quàm aurum, quia crassius est, & durius; hoc est perfecta mistione, & solida tenuitate non est præditus, quemadmodum aurum, Albertus Magnus optimum argentum molle sub terra nasci tradit, vt spissæ pul-tes, aëri expositum siccari, & congelari; fundique in optimum argentum, quale & in Musæo Calceolario comperitur.

ARGENTI Viui mirifica natura profectò existit; illi enim cætera omnia metalla imposita supernatant, excepto auro: eius natura aërea est; ab Aristotele enim inter ea ponitur lib. 1^o. meteorum, quæ plus aëris obtinent, facillimè enim in fumum euolat, quod inditio est ex exhalatione maximè constare, idcirco inter Spiritus Chymistæ connumerant: Veneni modò aurum corrumpit, cum primum enim illud tetigerit, permeat intus, confringit, & in puluerem vertit nulla auri natura vltèriùs se prodente: hoc tamen in igne pulchrius exurgit, quàm prius extiterat. Præclare, vt omnia, Scaliger exercit. 105. docet argenti viui substantiam, facile intelligi exemplo aquæ, quæ cum in puluerem cadit, in globum coit, cum sicco enim iam iniit societatem, quod quam ipsum habet, illi det firmitudinem: argentum ergo viuum eandem rationem habet in natura, quam aqua puluere collecto, est enim aqua terrea, vel terra aquea non sine multo aëre; hinc etiam Cardanum acutè refeliit, qui in sicco conglobari hydrargyrum voluit, quia refugiens sicci contactum, id in puncto tangere conatur: quoniam & in aqua conglobatur, & in plumbi scobe, quam non refugit, & inuitus eam relinquit ex ea, quantum potest, colligens. Cæterum alia ex parte perspicacissimi ingenij, & multorum

experimentorum peritus Gabriel Fallopius calidum, & sic-
cum esse Argentum viuum multis docet, in eo duo esse,
aërem quidem, sed paucum, tantum illius tamen, quod sub-
stantiam terream eliquet; alterum est terra copiosa, ita vt
ex centum partibus octuaginta sint terræ, & reliquæ aëris.
Idcirco si tractatur hydrargyrum humectam non relinquit
manum, nec locum, quem contingit, cum aeris effectus non
edat; ob maximam mistionem hoc prouenire quidam puta-
bant, quod refellit Fallopius, quoniam facile à Sole, & Igne
dissoluitur, quod imperfectæ mistionis est argumentum.
aëris ergo paucitas est in causa, vt non humectet, nec ter-
ra, quæ in argento viuo dominatur est pura, & cruda, sed
fuliginosa, cocta, & valdè attenuata, ita vt vix passa calo-
rem euolet in fumum, quod crudæ non eueniret; ob hanc
etiam fuliginosam terram facile ascendit, non ratione aë-
ris, quod perspicue Auctor ille ostendit: Cogitent Viri
eruditi an conciliari hi Authores valeant, & potissimum
naturæ Genius Aristoteles cum Fallopio, an aliter dirimi
controuersia possit, nobis enim satis est hæc terigisse, ne
ieiuna, & exsua Musæi descriptio historiam potius passim
saperet, quàm gustum seriæ, solideque doctrinæ. Sed de
his satis.

MINERA Carbunculorum, qui Granati dicuntur à granis
mali punicæ, quive non nisi in clariori lumine radiant:
hæc purissimi, & defecatiissimi auri particeps à natura fa-
cta, mirabile, & iucundum spectaculum oculis præfert;
Donum præclarum sanè præstantissimi, & Clarissimi Mar-
theoli, quo Franciscum Calceolarium Seniore[m] olim au-
ctum, & cohonestatum voluit.



S fossile Suacense rubrum, quod colore aurum imitatur, si modicè eius diluatur rubor, substantia tractabili, & fusionis tarditate Argentum: plurimum exhalationis combustibilis continet, quare ignium examen non tolerat, sed comburitur vniuersus, sicuti reliqua æris genera. nam præ æris odorem, & flammam sulphuream reddit.

ÆS fossile rubrum argenti nonnihil in se continens ex Carpato Monte metallorum fecundissimo, in ea montis parte, *Lib 2 de
vet. et no
uis meta.* quam Cepusium nominamus, ait Agricola, sunt insuper tria æris metalla Golnicium, Rosetala, Smolnicium, vbi attractum sutorum conficitur.

ÆRIS minera Kepnica in Misnia, quæ non rubrum, sed plumbeum habet colorem venulis quibusdam flauis referta, pro cuius libris centum fornacum ope extrahuntur lib. xxij. æris.

ÆRIS minera Iuaceburgensis lapidi scissili subcinereo assimilis, cui venulæ aureum colorem imitantes visuntur innata, cuius centum libræ xx. æris reddunt libras.

ÆRIS minera Annebergia subrubro colore renidens, ex cuius libris centum, quod parum locuples sit vena, libræ duntaxat xvj. æris ignis ope elici dicuntur.

ÆS natium Iluanum, cui ferrum ob arctissimum affinitatis vinculum, quo sese mutuo isthæc duo metallica respectant, est simul adnexum, omne namq; ferrum Calcanthi ope, & eo veluti Proxenetæ in æs transit, nec ad priorem reddit naturam, sed in quam est transmutatû, illâ eadem seruat.

ÆRARIVS lapis, cui cum plumbum insit, plumbeo similiter conspicitur colore ex Germaniæ fodinis.

ÆRIS

ÆRIS Flos verus, ac legitimus grauis, friabilis, & saporis adstringentis colore modicè splendente rufescens ex propria æris minera in minutissima granula semina Papaueris erratici magnitudine exprimentia, efflorescens.

ÆRIS Flos, qui granorum milij magnitudinem non excedit, flauescens friabilis grauis modicè splendens sapore adstringente ex ære in fornace candente, ibique aqua resperfo ob repentinam congelationem exiliens quasi æris minutissimas particulas, & raméta à rebus corpore resoluta dixeris; Psegræ Plinij.

ÆRVGO fossilis, & natiua in rudi æris lapide colore viridi efflorescens, cuius sapor est acris, quod ex succo vehementer acido, & concluso æris materiam circūstante, ipsamq; erodente sit genita.

ÆRVGO factitia, & sublimata viridis coloris ex ære aceto madefacto elaborata, hac Chirurghi, & Pictores vtuntur, & in officinis viride æris nuncupatur.

ÆS ignis vi in fornacibus, in quibus Argentum ab ære feceratur ab omnibus expurgatū vitijs, & impuritatibus, quod colorem in rubro luteum repræsentat; æs regulare Metallicorum.

ÆRARIVS lapis nigerrimi coloris, in qua Perca piscis maritimi effigies proprijs signis aureis distincta, aded perbellè à natura est insculpta, vt ad viuum expressa, & delineata videatur.

Ceterum antequam ex æratis metallis recedamus id obseruandum Cyprum olim laudatissima habuisse æris metalla (idcirco à Latinis veteribus Ærosam vocatam) in Tanaffo copiosa, & fertilia iuxta Amathuntem Urbem, quam proinde Ouidius *Nunc fecundam, nunc gravidam metallis esse dicit,* teste

teste Agricola. Cyprum æs Cuprinum appellat Palladius, unde apud Barbaros Cuprum per ære accipitur, auctore Cæsalpino, optimi notæ sunt, ut sit rubrum, & attritu colorem cinnabaris imitetur, nigrum enim plusquam decet, exustum; Ad vlcera persananda in Medicina multiplicem habet vsum, ut Dioscorides docet: intra noxius est eius vsum, idcirco damnantur ænea vasa ad esculenta, & poculenta, nisi stanno fuerint illita, nam cum facile æruginem de se mittat noxas infert grauissimas elephantiasim, cancerum, dolorem iecinoris, & lienis; Testantur Arabas, ait Cæsalpinus, si vas æneum superponatur piscibus frixis adhuc calentibus eos infici, adeo ut instar veneni lethales reddantur: Stanno æruginis cohibetur virus.

Cælos quasi ære solidissimos fuso statuit Iobus cap. xxxvii. unde æris prærogatiua percipitur: Visum enim nobilissimis Philosophorum cælum substantia constare firmissima, & solidissima, quæ diuisionem recipere nequeat, astra orbium esse partes, & cum ipsis ferri, non per se se, quasi volucres, quod fuit somnium ridiculum, & putidum quorundam Astrologorum omni crititio sensus, & rationis destitutorum: neque enim regularem motum obtinerent cælestia corpora, ut probat Aristoteles, non enim eadem celeritate ferrentur, neque eidem tramiti semper insisterent, sed huc illuc temere tamquam vento iactarentur: Iobus consentit & Homerus teste Vallesio, qui ἑρμῆα πολὺ χαλκῶν nuncupauit, idest multi æris cælum: obseruant etiam rerum antiquarum curiosi: Heroicis temporibus (Pausania teste) non ferrum, sed æs in vfu fuisse: quod Homeri testimonio confirmat, cum Pisandri Pipennem, & Merionē Sagittas describit: argumento etiam esse Achillis Hastam Phasilide in Mineræ templo positam, & apud Nicomedenses in Æsculapij Memnonis enssem ex ære totum, cum hastæ illius ima tantum, & summa caspis ærea sit: Pausaniæ obijciunt quidam eruditi viri Aristotelem, qui lib. Poet. καὶ χαλκῆας, ait, τὰς τὸν σίδηρον ἐργαζομένους ærarios scilicet artifices ferrum elaborantes, quasi Homerus æra-

Lib. 2.
cæli.

Lib. de S.
Philosophia.

In Laco-
nicis.

ærarium pro ferrario artifice capiat.

Verum isthæc curiosis subtilius excutienda relinquo.
 Iam verò, quoniam varia hæc lectio solet eruditorum ingenia
 oblectare, qui sordido lucello minimè addicti, quid de ip-
 forum studijs vulgus ineptum sentiat, parum curant, id pa-
 riter adnectendum ex Aristotele lib. ij. politicorum quod ad
 præclarè, & solidè administrandas Respublicas multum mo-
 menti habet; nam cum Plato lib. de Repub. Ciues omnes
 docuisset è terra ortum duxisse; Deum autem in ipso ortu
 quibusdam aurum infudisse, alijs argentum, nonnullis æs,
 & ferrum: hac fabulosa, sed perutili allegoria innuere vo-
 luit primos semper dominari debere, secundos custodire,
 tertios artifices esse, quibus es, quartos agricolas, quibus
 ferrum est infusum: pulchrè obijcit Aristoteles hoc pacto
 sequi, vt semper ijdem sint magistratum gerentes, hoc autè
 seditionis est causa apud bellicosos potissimum, & animosos
 viros, non enim modò horum, modò illorum miscetur ani-
 mis diuinum illud aurum, sed semper eisdem à prima statim
 genitura; Sed profectò haud erit difficile Diuinum Plato-
 nem tueri, cum etiam Aristoteles alios natura gigni ad im-
 perandum, alios ad seruiendum aptos, & habiles docuerit:
 illudque in rebus humanis (Herodoto teste) sit acerbissi-
 mum eum, qui plurimum sapit, minimum posse: id igitur
 animaduertendum Aristoteli fuerat; Platonem velle opti-
 mates illos aureæ genituræ seligendos, cum plures vno, et si
 non plurimi, existant, ijsque summos Magistratus esse com-
 mittendos, ita vt vnus alteri vicissim succedat, Magistra-
 tum enim vicissitudo concordia causa est, vt optimè idem
 Aristoteles docuit: Huius præclarissimi instituti habes Le-
 gator optime, viuum, & admirandū exemplar Serenissimam,
 & Immortalem Venetam Rempublicam aureo Senatorum
 Satu, & Cœlesti Patritiorum progenie cæteris omnibus
 præcellentem, quæ veteris Maiestatis Italici Imperij post
 Romanos Imperatores deletos, Pietatis Catholicæ, Iustitiæ,
 & inconcussæ libertatis vnicum est domicilium, & acerrima
 Vindex, tùm aduersùs Barbaros à varijs orbis terræ plagis
 cerui-

plagis ceruicibus nostris imminentes inuictum propugnaculum: Hac commissos sibi populos, & subditos tam paterno, & amabili affectu, & cura tuetur, & moderatur, ut summæ felicitatis loco ducendum sit, & prærogatiuæ non aspernendæ tantæ, ac talis Reipub. subditum esse: Haud exiguus ergo Senatorum numerus aureæ genituræ, qui nos regunt, sed modò hic, modò ille: Custodes argenteæ naturæ, As, & Ferrum ablegatû ad Artifices, qui summa industria, & ingenio artes egregias humano generi pernecessarias in Vrbe Principe exercent, & ad perfectionis apicem perdu-
cunt.

Ceterum quisquis es, qui tantæ Reipublicæ maiestatem libens veneraris, quæso te, ne Bernardum Saccum Papiensem lib. primo cap. xiv. de rerum Italicarum varietate, & elegantiâ, vel historiæ Ticinensis perlegere graueris: Peregrini hominis, & Auctoris clarissimi inconcussus, & fidele testimonium de Serenissima Veneta Republica eò spectat, ut perspicuè ostendat Venetias Transpadanorum populorum caput existere. Sed præstat totum caput auctoris doctissimi, & syncerissimi, cuius liber non ad id venalis omnibus prostat huc descriptum transferre, ut melius initia, ac veluti incubula præstantissimæ Reipubl. quam immortalem, & semper florentem Deus, cui eius Pietas, & Iustitia curæ est, tuetur, vel homuncionibus quibusdam fuguritis, & maleuolis freudentibus, passim conspiciantur: Ita igitur Saccus.

Si quis meam descriptionem deridendam putauerit, quod caput Venetias finxerim à terræ continuatione diuisas, dixeritq; me corpus formasse abscisso capite, longèq; transposito: respondebo Mare, vbi ipsa Ciuitas eminet, Italicû esse; Itaq; quod in eius tractu edificatum est ab accolis Italicum est, iureq; gentium, ac ditione propinquioribus pertinet, & cum propinquiores Transpadani sint iure gentium ipsa Venetia Transpadanis iungitur, sicut etiam ipsius Transpadani generis funiculus est. Et quamuis per terræ superficiem, atque iuncturam continenti non cohæret, eidem

tamen potioribus modis, nodisque à natura editis coniuncta, atque communis est gentis origine lingua, ritibus, & alijs naturæ, & generis inditijs. Quis enim nesciat inter Transpadanos populos Venetos Maris accolæ antiquissimos fuisse, Romanosque collabente Imperio continentem deseruisse, finitimisque euocatis, præcipuè Aquileiensibus ad euertendum alienorum iugum, atque sæuitiam in propinquas Insulas commigrasse, sedesque ibi suo iure locasse, prisca Venetiæ appellatione retenta, ac propagata: qua quidem in re si Gentis originem, & antiquitatem in ipsa Prouincia habitam, ac continuatam spectare libet antè Romam conditam Venetam viguisse gentem suo iure, & auspicijs faciliè inueniemus: Liuiò apertè attestante lib. v. ab Vrbe condita antè Romanum Imperium Tuscos emissis Coloniae Transpadana loca passim occupasse Venetorum angulo excepto: Venetis ergo priusquam alteri genti in Transpadano agro circa sinum Adriaticum Statio fuit. Qua quidem Statione, nuncupationeq; in alterum locum eiusdem regionis, iurisq; translata eadem manent in Gente antiquitatis quæra, ac momenta, tamquam progenie transmissa: Nemini enim terræ summitatem contemplanti vitis palmes terram hinc subiens, alibiq; exurgens à materno stipite traductus postquam adoleuerit apparet, propaginis industriam vetustate abolente, sed diuersum esse palmitem à stipite vnusquisque rei ignarus, imprudensq; existimabit: At si propaginis submissionem, naturamque rescuerit, eiusdem generis esse antiquum stipitem, ac nouum palmitem dixerit, agnosceretq; prudens contemplator eadem esse in vtroq; ligno internodia, similes gemmas frondes, pampinos, racemos, atq; vuarum speciem, vel qualitatem, loco tantum in sua regione, & genere mutato. Simili ratione Veneti Populi Italiæ antiquissimi à Patauio, & finitimis oris in Insulam sui iuris, tractusq; delati, non nouum, sed priscum genus gentis suæ propagatione representant loco tantum in suamet regione commutato, Statumque præsentem suo Iure ad priscam originem potius quam ad Insulæ Incolatum referre probantur: Maris interpositione

positione situm tantum, non ius eorum, possessionemq; diuidente, quod iuris argumto probatur: Iure enim definitum est Dominum à Prædio remotum per Colonos suos possidere. Si ergò ius mihi ipsi à re mea diuiso possessionem seruat pari ratione in Insula agenti Populo per Reipublicæ administratores continentis possessio seruatur; qua quidem possessione seruata Maris interpositio pro nihilo putatur Iure ciuili, naturaliq; ad dominij, & possessionis vim potius, quàm ad loci interpositionem spectante, & ad absentem Dominum rerum dominia durante possessione, referente:

Minimè ergo ridicula, sed veridica potius mea Descriptio censenda est Venetorum origine cum continentis dominio, & possessione coniuncta & cui etiam origini, & possessioni alij postea adiecti, atq; superuenientes populi, tamquam accessione partes adhæserè in vnumq; populum coaluerè, principalis dominij substantia ex adiectis partibus aucta, & non immutata; iure enim definitum est, accessoriū principalis naturam sequi, & imitari, non è contrario dicta q; accessoriā, ex eo quod accedunt alteri principaliori, digniori; videntur, ex qua ratione alia etiam vulgata iuris regula nascitur: Dignius ad se attrahere, & allicere minùs dignum: Digniores enim primi Insulæ Incolæ omni iure censentur, in quam quidem dignitatem traxisse alios postea populos publico Dominio constituto videntur antiquitatis, & dominationis communicatione per continuationem diuersa in se tempora coniungente, & communicationis vinculo posteriora prioribus quasi alluuiōis adiectione, incrementoq; in vnam formam componente: & de quo quidem Dominio in Reipub. ordines, Magistratusq; disposito, multa mihi scribenda superessent, quæ libenter referre, vt illis clarissime Urbis instituta, ritusq; paterent, sed peritorum Virorum censuram veritus monentiū ab ipsius Urbis Patriijs luculentius, quàm à me Peregrino homine patria Iura nominari posse: subsisto. Hæc Saccus, cuius librum Margaritarum Saccus doctissimus Pignorius noster vocat, per Patritios verò qui patria instituta & Iura narrarunt intel-

ligit fortè Saccus Gasparem Contarenum Cardinalem amplissimum, qui de Republica Venetorum scripsit egregiè & luculenter, quo Viro nobiliss. & doctissimo, & Fracastorio nostro, qui eius fuit amantissimus, nihil Patrum nostrorum ætas doctius, & præstantius tulit. Huic si adiungas Hermolaum Barbarum maiorem natu, & Petrum Bembum, Triacetrinæ, & optimatum litterarum lumina splendidissima, in amplissima, & diuina Republica facilè venerabundus agnosces.



FERRI minera, quæ quoniam terram valdè impuram, & exustam obtinet cum exiguo humore aqueo subnigro colore liuescit, splendore etiam ceteris posthabenda, quod exiguo humore aqueo sit donata, eoque impuro, nec benè, & solidè cum terrea exhalatione permisto: contrariæ porro aquei humoris

Dotes metallis perspicuitatem pariunt. Hæc dum fumum fetidiorem auro, & argento emittit, quod terreæ portionem obtineat valdè crassam, & adustam: quò fit, ut vilior ceteris metallis habeatur.

FERRI vena proprii coloris cum magnete rubri coloris mista ex Bohemiæ Fodinis.

Cap. 6.

FERRI vena Iluana glebosa minutis veluti Bracteis lapidis scissilis modò compacta, quod & Cæsalpinus lib. iij. obseruat: ob ferri enim venam nobilitata Ilua Tyrreni maris Insula incredibili copia eam gignens, quæ enim terra eruitur, dum vena effoditur, tota progressu temporis in venam conuertitur, candidiorem laudant, & quæ rubricam habet at admistam, luteam, & nigram damnant, cuiusmodi in nostro naturalium rerum Thesauro reperiuntur.

FER-

FERRI gleba ponderosa valdè, quia materiæ ferreæ multum sit locuples, ex cuius tota base, quæ terra subnigra est à natura substructa folia multiplicia diuersas partes imitantia non sine oculorum admiratione aded perbellè pullulant, vt à quouis peritissimo Artifice sic ad viuum exprimi non possent.

De Ferro pulchrè Scaliger : Si ferro carendum sit nobis non benè nobiscum agatur : Quin hoc ad hominis vsum moliri piam parentem naturam potius, quàm aurum, qui negant in avaris, non in sapientibus his liceat nomen suum profiteri : idcirco excoqui ferrum à natura, vt fiat æs esse falsissimum : Fusionis ferri difficultas copiosam exhalationem crassam, & terrestrem, ex qua constat, significat cum paulillo humore aqueo : Liuescens color materiæ impuritatem, ob quam facillimè rubiginem contrahit, & tandem in puluerem vertitur, purgatum ad argenti candorem accedit, Chalybs; & *χάλυξ* à Græcis dicitur, Latinis Acies, Italicè Acciaio; rationem eius perficiendi lib. i. v. meteorum Aristoteles docet, Ferrum scilicet igne vehementissimo fundi, vt fluat sicuti cætera metalla, quo opere multa separatur scoria, & recrementum, hinc purius, & durius fieri ferrum, quod cum sæpè præstiterint Chalybem effici : at diuturna coctione ferrum fieri durius docet Scaliger, quoniam lentorem omnem deponit, vndè primo rigidum, mox fragile redditur, cum igitur vi ignium multum ab eo abscedat, nõ curant opifices vltimam eius perfectionem : Aquarum etiã ratione durius redditur, quibus extinguitur, postquã ignitum fuerit : hoc pacto Comum in Italia (teste Cæsalpino) ab huiusmodi aquam nobilitatum, varijs etiam succis ensibus, loricis, atque alijs instrumentis durities conciliata : Alberto laudatus succus Raphani admistis lumbricis terrestribus. Ferri natura exsiccat, & adstringit : Candens extinguitur sæpè in aqua, aut vino aduersus celiacam affectionem, dysenteriam, stomachi dissolutionem *α'τονίαν*, tum splenis tumores, Dioscoride auctore, quod facultate acri præ-

Exercit.
106.
cap. 2.

*Exercit.
102.
cap. 6.*

præstat, teste Vallesio, & astringente, quæ veluti Calcar est acrimoniæ, ad hæc præstanda efficacior Chalybs, quia durior, & ficcior: Huius Scobem in vinum generosum infundunt, quod multis diebus ieiuno ventriculo sumunt, qui Epatis, & lienis contumaci obstructione laborât, vel scrup. i. aut drachma dimidia, cū Diarhodon, vel Hiera exhibetur: in maiori dosi non videtur capiendus, vt multi præscribunt ad scrupulos v, cum enim aceto, præparetur in rubiginem vertitur, quæ noxia est, & malefica: Illud postremò animi causa perquirendum an ferrum à Magnete trahatur, an potius ad Magnetem per se ipsum moueatur: posteriore hanc partem tuetur magnus Scaliger: idque subtili argumento omne appetens propter suam perfectionem appetit, sic membra trahunt alimentum, vt nutriantur, & elementa sibi conuenientes locos petunt, vt ibi conseruentur, at ferri pabulo non indiget Magnes, non ergo illud attrahet, sed potius ferrum ad Magnetem mouebitur tamquam ad Matricem suam, cuius abditis principijs perficitur: id verò longè subtilius adijcit; Esse proprius veritatem vt ab interna virtute potius, quàm ab externa, à qua non tangitur moueatur, veluti mouetur Catulus ad mamillam, & anima nostra ab intimo principio, quod summi boni appetit fruitionem, est enim principium nostrum primi particeps principij, & vltimi finis: Hac doctè, & subtiliter, vt omnia solet, Scaliger: erudito Lectori optionem liberè concesserim vtram volet sententiam amplectendi.

EX

EX THUANI VIRI CLARISSIMI HISTORIA

Anni M D L. de Rege HENRICO II.

Stupenda natura Lapis.

ACTVRVM me operapretium arbitror, si antequam de hoc insigni, & præfulgido lapide Thuani verba proferā me apud cordatos lectores paulisper expurgem: dum fortè elaboratiorem stylum, & ad Lipsianorum normam, vel recentorum criticorum amulsi-
 fertim, quod in describendo veteri, & præclaro Museo, quale nostrum est, seruiendum Germanorum, Gallorum, & Belgarum Palato erat, qui viros pereruditos edunt, qui Erasmi institutione, & imitatione, oppido quā linguæ latinæ proprietati, & elegantix operam dant: nos sanè mediocritati laudabili studentes: horridum, & incultum nonnullorū stylum pro virili euitamus, affectatas etiam veluti calami-
 stro delibatas orationis phaleras non probamus, quod in philosophia potissimum Ciceroni magno styli Indici placuisse inconfesso est: Sicut interiorum animi notionum sermo est index (teste Aristotele) ita sermonis imago est scriptio, & stylus: dirimi igitur quæstio hæc poterit proposita sententia Viri doctissimi, qui interrogatus, quomodo Orator Bonus à malo discerni posset, cum aliquem audimus, nec de nomine antea cognitum, respondit cum Seneca Epistola c. xv. id, quod ad rem nostram valdè meherclè facit:
Cuiuscumque orationem, addam ego & scriptorem videris sollicitam, & politam, scito animum quoque non minus esse pusillis occupatum, magnus ille remissius loquitur, & securius, quacumque dicit plus habent fiducie, quam cure; Oratio vultus animi est (scriptio pariter orationis interuentu) si circumtorfa est & fucata, & manufacta ostendit illum quoque non esse syncerum, & habere aliquid fracti, quod sanè Senecæ præceptum, & admonitio in communi vita, atque hominum consuetudine

*Lib. de
Fini.*

tudine verissimum esse facillimè observatur.

Accedo ad stupendum lapidem: quo loco benignos Lectores exoratos velim, ne mihi vitio vertant, si ut adagio fertur, veluti extra chorum salto: Singularis enim Lapidis singulari loco, & seorsim ab alijs mentio facienda nec vlllo pacto prætermittenda, tum ut Viri eruditi ex admiratione contemplandi eius causam cupiditate incendantur, tum ut Francisci Calceolarij Iunioris diligentiam, & studium locupletandi Musæi omnibus testatum faciam, cum huiusmodi lapidem, quem in Lusitania esse intellexerat, nulli impensæ parcens conquisserit, licet adhuc voti compos factus non sit: Ita igitur magni nominis Historicus Thuanus Gallus de eo lapide ad verbum.

Dum Rex Bononiæ esset allatus est ad eum ex India Orientali ab homine incognito, sed ut apparebat moribus Barbaro lapis stupenda specie, & natura videlicet lumine, & fulgore mirabiliter coruscantibus, quique totus veluti ardens incredibili splendore micabat, & iactis quoquo versus radijs ambientem aerem luce nullis ferè oculis tolerabili latissimè complebat: Erat & in eo mirabile, quod terræ impatientissimus, si cooperiretur, sua spontè, & vi facto impetu confestim euolabat in sublime: contineri verò, includive vlllo loco angusto nulla hominum arte poterat, sed ampla, liberaque loca duntaxat amare videbatur, suum in eo puritas, eximius nitor, nulla sorde aut labe coinquinatus, figuræ species nulla ei certa, sed inconstans, & momento commutabilis, cumq; esset adspectu longè pulcherrimus, contrectati tamen se se impunè non patiebatur, & diutius contra adnitentibus, aut obstinatus cum eo agentibus incommodum asserebat, quod multi multis spectantibus sunt experti, si quid fortassis ex eo enixius conando detrahebatur, nam durus admodum non erat, nihilo minor fiebat: Huius virtutem, ac vim esse ad quamplura cum utilem, tum præcipuè Regibus necessariam aiebat Hospes, qui miraculum ostentabat, sed quam reuelaturus priùs non esset, nisi ingenti pretio priùs accepto. Hæc ut in literis

Io. Pi.

Io. Pipini oculati rei testis, qui in Familia Annæ Memorantij M. E. medicinam faciebat ad Antonium Mizzaldum, & ipsum insignem Medicum pridie ascensionis Bononia datis perscripta sunt, ita trado, & amplius discutienda Physiologis relinquo, nam veteribus, qui de huiusmodi rebus scripserunt similis lapis necne cognitus fuerit, nec Pipinus ijs literis se scire dixit, nec ipse affirmaverim:

Hæc Iac. Thuanus.

Audiui porro multos haud istarum rerum imperitos, qui magica superstitione conflatum lapidem putarunt; si non fœda illa, & sordida, quæ infima & nostras (ait Scaliger) & iurè ab ipso rejicitur, at media illa, quæ ex Astris deducit vires in specula, sigilla, annulos, tabellas (nam tertia magia diuina est, & mera sapientia, qua Dominum Iesum promissum Regem Magi ex Oriente nouerunt) verum Astrologica illa magia superstitiosa pariter est, vt alias à nobis est disputatum, nec verisimile est erronem illum Hospitem ad eam peritiam animum appulisse, potiùs superstitionis dæmonum magia præditum fuisse: Alij putarunt, quos consulebam, lapidem esse venis auri, & argenti purissimis oppletum, & splendore intermicante confertum; alij astroitem, vel asteriam splendidiorē. Vt cumq; res se habeat curiosi rerum naturalium disquisitoribus hocce inuestigandum relinquo.

Exercit.
327.

DE METALLORVM MISCELLA

Quadam perstricta.



NATVRA docti, inquit Agricola lib. viij. de natura fossilium, metalla miscemus, quod ipse planiùs, & singillatim persequitur, nec tantum natura temperatione metallorum. docuit nos metallum facere, sed casus etiā, qui naturam imitatur, nam incensa Corintho Aurum, Argentum, Æs in vnum confluxerunt: Hinc tribus æris Corinthij generibus Fortuna tem-

N n n

pera-

peraturam dedit, quorum candidum, teste Plinio, nitore argento proxime accedens, quod in mistura præualuit; alterum, in quo Auri fulva natura, tertium in quo æquabilis omnium miscella: naturam, & casum Ars, & fraus imitatur, ait Agricola, variè metalla cum metallis permiscentes, *κράματα* Græci vocant, Latini temperaturas: Nonnulli sui compendij causa vilioris metalli partem magnæ pretiosioris massæ admiscunt, occulta fraude non artis aperta prærogativa, ut redemptor ille fraudulentus, cui Hiero Syraculanus coronam auream faciendam locauerat, dempto enim auro, tantumdem argenti miscuit operi coronario, cuius furtum Achimedesprehendit; hætenus Agricola, sed facturus operæpretium videar si deprehendendi furti rationem subtilissimam tanti Philosophi, & Math.^{ci} in gratiâ studiosorum subnectam: quã à Viris pereruditis, qui Problemata de elementis ediderunt, excerpſi: E duobus corporibus solidis æquali pondere id, quod minorem habet quantitatem grauius est, quod maiorem leuius; & è conuerso, hoc argumento portio argenti admista, & adulteratum aurum in Corona deprehensum est ab Archimede, qui Balneũ adiit, ubi casu animaduertit, quantum corporis sui in balneo esset, tantum aquæ exterius diffuere; tùm verò duas massas æquali pondere; quo etiam fuerat Corona, ex auro vnã, alteram ex argento composuit, oportuit autem ratione prædicta argenteam ampliorem esse, iniecitq; singulas in vas ad summa labra plenum, ac sextario mensus est quantum aquæ singulæ de vase expulissent: expulerat autem argentea massa plus, quia maior: Tum repleto iterum vase coronam ipsam in id dimisit, inuenitq; tunc plus aquæ defluxisse, quàm cum aurea massa eodem pondere immersa fuerat, sic ex aquæ diffusæ proportionem cognouit corporis leuioris, proindeq; cum eodem pondere habentis maiorem molem, hoc est argenti admistionem in corona factam: Hæc ille.

Cæterum & Plumbi candidi vena in Musæo reperitur argento minùs candida, in hac terra obscurior inesse videtur, non

non sine humore aqueo satis defecato, vnde candor, & perspicuitas laevis, dura, & tenax existit, Stannum vulgò dicitur *καλντρον* è Græcis; sicuti nomen *μολύβδου* soli nigro plumbo attribui videtur, mollitie porrò, & fusionis celeritate, album, & nigrum plumbum conueniunt, cæteris discrepant, Chymistæ candidum plumbum gigni ex argento viuo, ac sulphure putarunt, ita tamen, vt ab argento viuo superetur sulphur: Opificem cum Astrologis Iouem statuere, sicuti nigri plumbi Saturnum ita auri Solem, argenti Lunam, æris Venerem, ferri Martem, hydrargyri Mercurium, errantes Stellæ viribus, quas defluentes exercent in materia, efficere metalla (influxus vulgo vocant) inerrantes gemmas, proinde isthæc omnia virium propriorum Syderum maximam partem obtinere: Quæ persuasio (vt optime, & verissime docet Agricola) cum nulla demonstratione fulta sit, ab otiosis, & deliris Magis nihil non tribuentibus Astris est conficta, vt suas nugas vulgo, & viris benè nummatis vendibiliores efficerent. Plumbum in medicina recipitur exterius ad refrigerandum, & adstringendum, fluxiones sistit, cicatrices inducit, proinde teritur, & lauatur: exustum, & lotum siccantius fit, & acrius: Plumbi laminæ lumbis adalligantur ad refrigerandam venerem (ait Cæsalpinus) quem vsu ego semper suspectum habui, cum hoc pacto renes refrigerari, & malè affici, vrinaque suppressi possit: magnis potius exercitijs cum victus parsimonia spiritus vitales superuacanei in ætate florentibus, & materiae feminis propria sanguis purior, & benè coctus nutriendo corpori superfluens absumentur, hincq; multus Veneri formæ adimitur. Qua de re fusè, & solidè à nobis actum est libris duobus de Salubri vsu Veneris, quos propediem, Deo iuante, in lucem edemus communi iudiciorum aleæ subiiciendos, cum nouam, nec ab vlllo hætenus tentatam, prouinciam nos primi inuasimus.

STIBIVM fossile horridius, & scabrosum magis eo, quod alias descripsimus, minùs ponderosum, minùs radians, arenosiusq;

Nnn 2

nosiusq;

notiusque : adeò semper ferè natura imperfectioribus rebus gignendis perfectiorum eiusdem generis dignitatem magis lucere, & nitescere facit.

STIBIVM fossile Illuanum rotundis crustulis anguli figuram exprimentibus quasi conglobatum.

CARBO fossilis ex succo bituminoso genitus, vt Gagates, lapis Obsidianus, Camphora, terra *αμπελίτις* teste Agricola lib. iv. de natura fossil. vult enim eundem succum tot dici vocabulis propter varietatem qualitatum, quibus distinguitur, & sermonis gentium, in quarum terris oritur, & dicitur : Differt à terra Ampelite, natura durus est, & solidus, & vice carbonum in Germania ad fundenda metallavtuntur, quem usum Ampelitis præstare nequit : præterea Ampelitis, Hermolao teste, & Theophrasto in Sicilia conquitur, lentescit, vitesquè, obunguntur, quarum vermiculos necat, qui gemmas earum rodunt, at Carbo fossiles non soluuntur : Verum in Musæo etiam seruatur Carbo Batavorum ex luto nigro, cuius glebæ durescunt in lapides, quibus veluti Carbonibus, ad ignes parandos vtuntur.

*Casalpin.
lib. 2. cap.
53.*

TALCVS fossilis vulgò in Italia dicitur lapis ex tenuissimis laminis, veluti bracteis argenteis constans, vnde scissilis dici potest, licet à lapide Schisto differat, quoniã hic crocei coloris, & in laminas rectas finditur : Talcus glebas ponderosas, & subuirides obrinet, & laminas flexibiles, & vario modo complicatas ; Bractea separatæ apparent argenteæ ; quoniam verò earum micæ instar Stellarum splendunt, Talci nomen est adeptus, Talc enim apud Mauros Stellam significat : in Igne perennat, neque enim funditur, aut liquefcit, nec comburitur, aut colorem amittit, Chymistæ tamen artificio soluunt in liquorem, ait Casalpinus, quem Oleum Talci vocant argenteum æri splendorem seconciliaturos sperantes : Suspiciatur idem Casalpinus esse Talcum Argyrodamanta veteribus vocatum, quod indomit^{us}

tus in igne perseueret: Lapis crustosus (ait) argenteus fragilis in colle Petra Sanctæ, quem ignis non absumit, fortè apud Plinium est Galaicos Argyrodamanti similis paulò fordior: Hæc ed dicta volui vt Talcum Musæi nostri exquisitius delineatum representarem: nonnisi ignis maximo artificio aduritur, vltum efficacior, & tenuior ferit: frigidum primo, siccum secundo ordine dari cum aqua. Plantaginis ad sputum sanguinis, fluxum menstruorum, & hæmorrhoidum, & Dissentericis infundi, Auicennas tamen consultius monuit periculosum esse, si sumatur interiùs, quia eius lamina hærent infixæ ventriculo, faucibus, gulæ.

TALCI Minera Tirolensis: Terra est satis dura, grauisq; quæ cinereo colore, cum aliqua viriditate albicat, ex cuius tota massa fluores quidam parui Adamantis instar acuminati, & pellucidi expullulare oculis intuemur.

ALUMINIS Rocchæ minera, quæ in Musæo ostenditur, lapis est ille, quo cremato in agro Romano propè Tolsam alumen Rocchæ factitium, glaciale à Chymicis dictum, conficitur: Ceditur ibi lapis candicans prædurus qui mollior est (ait Cæsalpinus) subrubens, qui durior, vltus hic lapis fornacibus pluribus diebus irrigatur, donec in lutum tabescat: iniectus feruenti aquæ substantiam aluminosam deponit, quæ à fecibus depurata in ligneis receptaculis ad crytalli similitudinem concreuit, ex candido lapide candidum, ex rubenti subrubens Alumen conficitur: Illud tingendis claro colore sericis, & lanis expetitur; rufum acrius est ad vlcera putrida, & vbicunq; vehementi adstrictione opus est vtuntur Medici. Alia genera Aluminis natiua, liquidum ex luto, & aqua veluti exundantis terræ natura, nam Hyeme corruatum Æstiuus Solibus maturatur: licet liquidum dicatur, non est tamen fluidum, in pilulas enim conformatur (teste Plinio) contra lienis vitia & ad pellendum pruritum, & sanguinem per lotium: Schi-

Ex Plinio.

Schiston scissile tenuiori substantia, rotundum, Astragalotes ex Galeno, hoc est Talaris, cum adstrictione acrimoniani iunctam habet, quare & adstringit, & expurgat.

- Alumen plumæ Amiantum esse ferunt, Scaliolum lapis est specularis inter genera Gypsi, Catinum inter Nitra factitia reponitur, Fæcis inter Nitra factitia fex vini combusta. Zuccharinum Mulieres adhibent ad dealbandam faciem, ex Alumine Rocchæ, ouorum Albumine, & aqua rosacea conflatum.

Quam Galenus lapidosam Cadmiam se in Cypro inuenisse testatur in montibus, & riuis omni præstantiorem Cadmiam ea videtur nostri Musæi existere, fossilis sanè non ex obrutis, sed subdialibus petris habenda, omnis expers metalli: terra potius lapidosa quam lapis, satis grauis, sed non multum dura, operariorum manus, ac pedes diutius tractata exedit, quod ex terra succo acri salso, & corroderenti permixta, concreascit, coloris est sublutei, aut ex candido pallefcientis; proinde cremata fumum emittit luteum in quem postmodum euanescit, qui si fortè corpus inficiat, stuporem paralyticum, nec non spirandi difficultatem *ἀσπνσία* præter alia vitia inferre solet. Hanc Fusores æri permiscunt, ut coloratum Aurichalcum efficiatur, lapis Calaminaris, vel Calmei metallicorum Germanorum, Giallamina vulgò. Hermolaus Barbarus lib. v. coroll. tradit Galenum lapidosam Cadmiam circa Solos in Cypro Insula nascentem fornacariæ prælatam ætate sua meminisse inuentu raram: Possidonium ex Cyprio tantum ære lapidem Cadmiam fieri memorasse sit, & in argenti fornacibus Cadmia candidior, & minus grauis, sed neutiquam ærariæ comparanda.

CAD M I A *Βοτρυς* racemaria scilicet Græcorum, quia interior sit, & Cameris dependeat (ait Hermolaus) cui prima dignatio tribuatur, Capnitis à Plinio appellata in ipso fornacum ore inuenta, qua flammæ eluctantur, exusta grauior, Duo huius colores cinereus, & puniceus, qui melior: Friabilis

Friabilis hæc, & medicamentis oculorum vtilissima: Vtrâq; Cadmia in Musæo inuenitur: Baccata etiam dicitur, & racemosa, quod in metallorum excoctione in corpus concre-
scat faciem racemi vuarum referens Tutia officinarum pu-
tatur, sed perperam, ea. n. est pompholyx benè elota, quam-
quam illud nomen (teste Cæsalpino) vulgò retineatur etiâ
in Cadmia.

POMPHOLYX etiam optima in Musæo à nobis deprehen-
sa: Hanc conueniunt omnes scriptores esse æris & Cadmiæ
dum excoquantur, fauillam, & vt nomen indicat, ampullam,
quasi bullantium aquarum inquit Hermolaus: Spodum ve-
rò, vel Spodium, quasi cinerulentum dixeris. partem etiam
nigriorem. & ponderosiorē & impuram mistis scintillis,
& carbonibus: Hippocrati *μελανόπριον* vocatur, quasi atra-
mentum Cyprium, nam & Possidonius è Cyprio tantum cre-
feri Spodium putauit: Pompholyx profectò è fornacibus
euolans, & domicilij ærarij tectis instar tenuis fuliginis
adhærescens à fuligine diffat candore, quod minus ex ea
candidum est immaturæ fornacis argumentum: quod rubi-
cundius inuenitur, acriorem vim obtinet: Ex sola quoque
Cadmia fit Pompholyx, teste Galeno: Inuentu rara est (ait
Aëtius) Pompholyx & adulterari facilis: laudatur non
candida, sed quæ subliet, quæq; carbonibus inspersa flam-
mam ignis auream videri faciat, hæc disertè Hermolaus,
quibus adstipulantur quæ Cæsalpinus, & eo vetustiores Dio-
scorides, & Galenus, Pliniusq; memoriæ prodiderunt quos
Auctores optimos curiosus Lector adire poterit: Tutia est
Arabum, & officinarum cum bene elota, & præparata fue-
rit, & Nil Germanorum: propterea iucundo & festiuo Di-
cterio vel Adagio id circumfertur, Nil oculis prodest: mi-
rificam enim siccando, absque mordicatione in oculorum
affectu opem præstat.

DIOPHRYGES, quod bis veluti coquatur, à Sole sicca-
tum mox farmentis vstum sic appellatum, è luto fit quodam
in

in Cypro ex specu eruto, hoc igitur fossile est, & primum à Dioscoride positum genus: διὰ τὸ ξηροποιεῖσθαι, καὶ οἷον ἐρύχθαι arefcat & ferme torreatur Ruellius vertit, q̄ nō benè Marcell^{us} expressit, tum cremijs incensum, dum elegantiam affectatā & Plinianā breuitatem sequitur: ἐρύχθαι enim est torrere: cui respondet nostra vox Italica Frigere: Alterū genus est perfecti æris vertit Ruellius; elaborati ego verterem κατεργάζεσθαι χαλκῷ, in confectiōe æris Marcellus longè melius, tamquē ὑποσάβην τις, καὶ τρυξ sedimentum & fex: sublato ære in ima parte Fornacis adhærens id genus inuenitur, adstringenti gustu, & sapore æris, εὐψιν, καὶ γεύσιν χαλκῷ ἔχον Dioscorides, verterem ego Adstrictionem, & gustum æris habens, ita enim fideliter exprimitur Dioscoridis mens, & sententia, quam deprauant, & inuertunt interpretes solidæ doctrinæ rudes, soli elegantix, & rotundæ phrasi addicti, quo errore, & caczelia litteraria quæ & Aristotelis doctrinam Hippocratis, & Galeni infecit, & corrumpit nulla in Republica Medica, & Philosophica perniciosior, nam & Theodorus Gaza putidissimos errores commisit dum Aristotelem vertens. orationi solū latinæ elaborandæ operam dat geninam verborum significationem, & vim floccifacit, quod Hermolaus Barbarus, Scaliger, Mercurialis obseruarunt, & nuperrimè doctissimus Septalius. qui sectiones quasdam Problematum Aristotelis solidè, & fideliter, absque orationis fuco transulit; Profectò longè melius conuersio verus ad verbum facta mentem Aristotelis, & Theophrasti refert, quam huiusmodi eruditorum nullo succo serię doctrinæ imbutorum ambitiosa sedulitas: In hoc vitium Ioachymus Perionius, & Bernardinus Donatus Cuius meus incurrerunt: hic dum quæstiones quasdam Platonicas Plethonis Gemisti conuertit: & germanas auctoris voces, quæ propriæ sunt disciplinæ, Ciceronis phrasibus anxie conquiritis, & veluti torno elaboratis exprimere satagit: ille pariter dum moralem Philosophi doctrinam vertit. Benè profectò cum Aristotelis philosophia est actum, cum nouissimi interpretes Pendasius, Zabarella, Picolomineus ambo Doctores mei

mei litterarum Græcarum notitia florentes Germanum sensum philosophi multis in locis nobis expressè reddiderunt, non enim tantus philosophus à meris litteratoribus, & criticis Philologiæ cuiusdam exsuccæ professoribus exponendus fuerat, ille enim rerum doctrinam affert, illi meras phrasas, & vocabulorum ieiuna lenocinia: Eccè tibi quidam ex eorum classe Mineræ nomen apud recentiores philosophos tritum damnauit: Sed nec quid eius loco substituendum esset, nouerat, profiteor ego cum Agricola Arabes sub hac voce Mineræ subijcere rem, quam Græci nominant Metallum, cuiuscunq; rei fossilis fuerit: Scaliger Sulphuris matricem, quā Mineram vocant, si non vratur, odorem non dabit, scripsit Exerc. 104. Si igitur Mineræ vox displicet, Matricis nomen substitue; sed sua voce Arabes longè expressius, & significantius propriam metallorum, & rerum metallicarum matricem reddiderunt, quam nullum aliud latinum verbū exprimere potest: sed nos res physicè scribimus, non inane, & anxium verbum studium sectamur; Cornelius Tacitus sapientem virum inter abruptam contumaciam, & deforme obsequium pergere iter ambitione, & periculis vacuum docuit, ita nos inter ieiunos litteratores, & affectatos litterarum mystas, & barbaras argutorum disputatorum nānias solidam doctrinæ laudem sectamur, Scalligeri, Hermolai Barbari, Agricolæ, quos solos proceres variæ, & solidæ doctrinæ putamus, in describendo Musæo pro virili imitatores. Quocirca mihi decretum est, quod alias sum pollicitus, si Deus vitam concesserit, nouam, & fidelem moliri Dioscoridis traductionem, quæ Medicinæ, & Chirurgiæ praxim exercentibus mirificè sit conducibilis, & fructuosa. Sed ad Diphryges redeo, cuius tertia species est, quæ ex Pyrite cremato fit per multos dies, vt calcem in caminis cremant, cumq; colorem Rubricæ contraxerit, eximentes recondunt. Porro secundum genus illud est, quod in Musæo CALCEOLARIO asseruatur, vt oculata prodit fides.

MINII mineram in eodem Thefauro pariter conspicimus
asseruatam; hanc Plinius noster Ciuis, & Dioscorides non
sine aliquo discrimine describunt: ille ex arena rubente
quadam in metallis argenti fieri tradit, in Hispania reperiri,
sed durū esse, & arenosum miniū; optimum supra Ephesum,
arenā esse cocci colore; Dioscoridi Minium à Cinnabari dif-
fert: in Hispania fieri docenti ex lapide quodam permisto
argenteæ arenæ τῇ ἀργυρίδι φάμιμα; aliter non dignosci: for-
nacibus autem ἐν δὲ τῇ Χαλῳ in florentissimum, & flagrantissi-
mum colorem permutari; hoc pacto melius Ruellius, quam
fulgentissimum, vt Marcellus vertit; φλογιδέστων enim χαλῶν
à flammæ fulgore, & flagrantia ductum; Vbi de argento
vivo agit, fieri ex Minio docet, quod male à quibusdam
Cinnabaris dicitur; lapidem hunc qui continet argentum
vium, tamquam vomicam etiam in Argentum excoqui te-
statur Plinius: in Metallis strangulantem halitum eructat
ἐπὶ πορὰν πνιγνῶδη, Itaq; faciem incolæ vesicis obuelant, vt per
illas spectent, ne respirando noxium aërem attrahant: Fuit
inter Pigmenta magnæ authoritatis (ait Cæsalpinus) Ari-
stoteles tamen 3. meteorum Cinnabari vocat, esse lapidem
inter eos, quorum σύστασις consistentia est pulvis coloratus:
ita & Galenus vocare visus, sed Dioscoridi, & Plinio Cin-
nabari voce Indica Draconis sanguinē significare viderur:
Cinnabrium appellant vulgò: fossile non amplius est in-
usu inuento alio genere, quod fit ex Sulphure, & Argento
vivo simul vstis, hoc pictores, & quidam Medici vtuntur
in suffumigijs ad morbum Gallicum debellandum, ceratis
etiam excipiunt ad vlcera cocoëthe, causticam enim vim,
& erodentem obtinet. Agricola tamen in Bermanno na-
tuo potius Minio vti vellet quam Chymistarum, & Cini-
flonum factitio ex argento viuo, & sulphure, quoniam pul-
cherrimum illum ruborem sulphuris fœditate corrumpi pu-
tat: E Græcis quidam verum Minium non ἀμύιον, sed χρυσό-
μαρ ob coloris similitudinem nominant, inter quos est Theo-
phrastus: Illud mirum, quod expertum se dicat Agricola
cum vena Minij lauatur, vt postea teratur, cum primum
humor.

humorem hauserit, pars illius in argentum viuum mutatur, id rursus siccatur, & contritum redit ad suum colorem : Vitruuius Minij glebam Anthracem à Græcis appellari scribit. Pictoribus, & Tinctoribus eius vsum fuisse per familiarem in confesso est, nam & Cicero Ceras miniatas vocat, & Ouidius, *Nec titulus Minio, nec cedro carta notetur,* dum suum alloquitur tristium alloquiorum libellum, sed cum disertè Dioscorides Minium non esse Cinnabarim profiteatur, nec quod sit Cinnabaris doceat : sollicitè quæsiunt posteriores, quid esset; Plinius, & Solinus Saniem Draconis Elephantorum morientium pondere elisi permisto vtriusq; sanguine esse tradidere: Medici reclamant, & commentum esse Mercatorum contendunt: Leonicens quid esse metallicum; Arabes, & Serapio succum Syderitidis Achilleæ: hoc si verum esset Dioscorides, qui diligenter eam herbam descripsit, tam insignem eius succum non tacuisset, vt Leoniceno videtur, qua in re lapsus grauiter Cardanum iurè contendit Scaliger, quòd Arabum placitis deceptus Sanguinem Draconis ex Dioscoride è Syderitidis herba excipi profiteatur, cum in Syderitidum historia de eo nihil tradat Dioscorides. Sed profectò non videtur spernendum iudicium, & autoritas Agricola, qui in Bermanno disertè fatetur se assentiri Arabum sententiæ: Succum enim esse, suæ lachrymam arboris gustum ipsum indicare: & Mercatorem quendam sibi retulisse in Lybia, & finitimis regionibus Arborem à se visam satis proceram, ex qua Sanguis Draconis manaret, vt in Rhetis è larice resina, quam medicamentarij etiam Itali pro Terebinthi resina vendunt; sed de his satis superque.



MINERA (sive Matricem Stanni dicere ma-
lis, quod Cassiteron Homerus vocat) simi-
lem Stimmi habet naturam, Ideo sub Stibio,
vel Plumbo à Dioscoride comprehensum:
Plumbum album distinguentes latini appel-
lant. Pretiosissimum candidum à Grecis ap-
pellatum *μασσίτερον* inquit Plinius noster: qui

Tex. 99.

Stannum ob siccitatem nimiam inutile ad fundendum Ar-
gentum docet, plumbum verò esse vtilissimum ob suam
humiditatem ad celerem argenti fusionem: Difficulus etià
funditur tum ipsum, tum eius vena (ait Casalpini) egere
plumbo molificante, quod hodie affirmant, qui Stannum
ex Anglia aduehant eius metalli feracissima, quod Cassi-
teron inde aduectum ad vasa conficienda portionem plum-
bi obtinet; extenditur enim, & facile funditur: hoc à plum-
bi humiditate comparat, sicuti à stanno plumbum partium
tenuitatem, quod & Aristoteles 2. de generat. & corrupt.
monuit, dum ait Stannum in exigua admodum quantitate
aeri mistum colorare tantum, ut videatur esse passio sine
materia, quod arguit tenuissimarum esse partium, ut diffun-
di in aeris ingentem molem possit, qui Aristotelis locus di-
ligenter notandus, quo insinuari possit artem metallorum
fundendorum, & permiscendorum sua etate excultam, con-
trà quam credant quidam obstinatores cinifonum recen-
tiorum Filij: è lapillis nigris paulum candore variatis cas-
siteron candidum fieri Agricola scripsit in Bermanno, at
pura numquàm in venis gigni huiusmodi metallica. Adne-
ctam hic perfectam Scaligeri Historiam, qua Magorum
inanis conatus in usu Stanni perstringitur: eius verba sunt.

Exercit.
246.

*Adiungenda est huic lucubrationi incunditas: à Mago
Cattiterinam lamellam ad arcendas muscas conflatam vi-
dimus aliquandò, sed non sanè risu etenim spectantibus no-
bis ad eam depositam pro fenestra extemplo aduolans
Musca, illicò aluum suum exorneravit: hac ille.
Nos hinc expressam Musæ Stanni effigiem subijcimus.*

LAPI-



LAPIDIS Lazuli, vel Glebæ minerã, *λάζουλι* Græci, cæruleum
 priuato vocabulo latini dicunt; quidam Cyaneum satura-
 tiorem cæruleo existimant, idcirco errare, qui Lapidem La-
 zuli cum cæruleo confundunt: Mesueus esse de genere
 marmorum scribit maculas ex auro habentem; alium porro
 album, & dici Marcassitam, alium viridem, clarum, cæle-
 stem, & vocari Lapidem Lazuli, quæ attributa viriditatem
 maiorem, & saturatiorem cum aureis maculis significare;
 his quippè designari meliorem Lazuli Lapidem, calidum,
 & siccum tertio ordine statuit: acrimoniam cum aliqua
 adstrictione obtinere, hinc adurere, vlcerare, putrefacere,
 incidere, abstergere: proinde præparatum, vt decet, humo-
 res melancholicos, & exustos purgare: Verum quoniam
 Hippocrates Medicinæ Princeps tria docuit esse morbo-
 rum principia Plethoram, violentiam, & corruptum cœli,
 atque aëris tractum, prouidendum diligenter (cum de hu-
 mani generis salute agitur) ne id quod præsidio esse debe-
 ret, violentos morbos, & præsentaneum Virus infligat:
 Ex

Ex Platone enim in Carmide *ἰατρικὴ ὁλοῖν ἐπιστήμη ὅσα τιμὴ ὅλκιος καλὸν ἔργον ἀπεργάζεται*, hoc est salubris cum sit Medicina scientia sanitatem præclarum nobis opus perficit; Dioscorides de cæruleo, & cyaneo scribit habere vim *κατασταλτικὴν καὶ ματρίως σπυγνικὴν, εὐχάροτικὴν, καὶ ἐλαφροματικὴν*, quod est reprimentem, mediocriter putrefacientem; crustas gignentem, & exulcerantem; quomodo igitur se tueri possint Arabes, atque eorum sectatores, qui in catapotijs hunc lapidem deglutendum præbent, haud sanè video, nullus certè ex Græcis auctoribus, quorum certior fides, & in re medica tutius iudicium bilis atræ purgandæ gratia Cyaneum lapidem deuari docuit; immo Galenus lib. iij. simpl. medicam. differè docet, quæ medicamenta erodendo, & putrefaciendo agunt, genere, non quantitate deleteria existere, & quò diutius morentur in corpore, tantò magis agere, quem locum Galeni velim præ manibus à Medicis paulò audacioribus in metallicis usurpandis haberi, nec valet quod aiunt benè ablutum omnem mordacitatem deponere, & nihil lædere: solam enim acrimoniam dura, & lapidosa deponent, si ipsa abluas, Galeno teste, vim putrefacientem abditam crebra lotione vix inquam abigas: Atræ ergo Bili expurgandæ Armenium potius lapidem cum Alexandro Tralliano substituemus, quem Elloborum album bonitate præcedere, & sine vlla molestia per inferna bilem expurgare testatur, quod & Fuchsius primo libr. paradox. monet.

Cap. 20.
& seq.

*vide Contra-
xin. fol. 231*

11. simpl.

Lib. prim.
cap. 22.

Cap. 12.

ARMENIACI, vel Armeni Lapidis minera ex Germania affertur copiosa, ex quo Pictores Armenum Pigmentum conficiunt, Verdazzuro Italica voce nuncupantes, in eo modo maculæ exsuperant cæruleæ, quales præferre alijs, & probare magis visus Dioscorides, modo virides probatæ à Plinio, optimum Armenium prædicante, quod maximè viride est; talis etiam lapis à Pictoribus magis expetitur: Vt hoc pacto permisto cæruleo, ac viridi, quod vocabulum Italicum sonat sedari controuersia inter Plinium, & Dioscoridem cap. proprijs facillè possit de huius lapidis colore: Gale.

Galenus & vim abstergentem tribuit cum leuicula acrimonia, & leuissima adstrictione, idè ocularibus misceri facultatibus, & ad pollinis læuorem redactum vtile esse ad Pilorum in palpebras incrementum peritiores Physici tradunt, præter has facultates primas, quem scientiam, Alexander Trallianus optimè lotum probauit ad expurgandos humores melancholicos, & crassos, idque feliciter præstare docuit, quam Elleborum album, vt antea etiam scripsimus: oportet autem diutius eum terere, ac lauare alioquin molestè per superiores, ac inferiores partes expurgat, benè lotus per inferiora tantum, & sine noxa, idcirco extant Catapotia de lapide Armeno apud Mesueum: Verum vtinam Arabes ij contenti fuissent, sed cum stupore, vel vanitatæ ingenij vim illam purgandi ad lazul extendissent, & temerè Cyaneum cum Armeniaco lapide confudissent, iure merito damnati videntur à peritioribus Græcorum Medicorum sectatoribus.

Ab hac lapide diffidet terra, vel Bolus Armena tempore mag- Lib. 9.
simpl.
ni Galeni reperta, quam ob consistentiam etiam lapidem vocari ait, licet reuera terra fit, quia facillimè soluitur: pallidum colorem obtinet, grauior, & densior est, quam Aster Samius, in qua deceptum Cardanus verè contendit Scaliger, ille enim rubricam vulgarem sibi fortè oblatam pro lapide, vel Terra armenica admisit, rubram enim esse huiusmodi terram scripsit aduersus Galeni mentem, & verba, qui ex Armenia Cappadociæ proxima adduci huiusmodi terram, & esse τὴν χροάν χλωράν pallidam scilicet, non rubrā disertè tradit; quo in errore versatos etiam quosdam pharmacopæos, & Medicos externos memini: Obseruanda porro sunt, obiter licet, & per transennam hoc in loco, quæ doctissimè scribit Scaliger: Cardanus enim vt subtile, quod subtilitatis professor obtruderet aiebat Carbunculum, Smaragdum, Sapphirum, Hyacinthum, Margaritas, hanc terram propterea pestilentia aduersari, quia desiccant, hoc non placuit Scaligero, multa enim desiccant vehementius, quæ

quæ inepta, & inutilia sunt vt Pumex; quis enim dixerit nonnisi ab humiditate Pestem fieri, at fieret, si desiccatione auferretur. Aufertur autem ijs, quæ suapte natura venenis aduersantur, quæ occulta remedia Galenus in Artem cogere non potuit, quia sola experientia, & obseruatione constant: Artes enim omnes perficiuntur, definitione, diuisione, & demonstratione, at occultæ hæ proprietates nec definiri, nec in certas differentias distribui, nec demonstrari possunt, cum eorum lateant nos causæ; cum etiam Sympathiam, & Antipathiam ipsis adscripseris, numquam commode poteris earum notiones primo generales tum intermedias (subalternas vocitant) & postremò particulares, specificas dictas collocare, & proferre: quare prudenter Fernelius non in docendo, inquit, sed in vtendo eorum artem requiro; Duo enim ex Aristotele sunt primi mentis habitus *ἐπιστήμη*, & *πείραξις* scientia, & peritia, quam alibi *τέχνη* inquit vocauit, Medici cum Galeno methodum nominant; at huiusmodi abditæ facultates nec sciri possunt, nec ex methodi legibus tradi, cum mutuam connexionem priorum, & posteriorum effectuum, & causarum nō habeant: quod verum est si doctrinam spectemus; si vsum, Ars proculdubio requiritur, vt nimirum vsurpentur post generales corporis euacuationes, si affectus det inducias: in prophylactice in minori Dosi, in Therapeutice in maiori exhibeantur: in vino si absit febris, in aquis cordialibus, si adsit: tum aliæ huiusmodi adhibendæ cautiones, quæ rationis compotem sapiunt Artem, non fortuitas Empiricorum obseruationes, quæ vel imperitum vulgus paucorum dierum intervallo summum Medicum in peste, ac venenis profligandis efficere profitentur: cæterum quæso optimos Physicos, vt duas rationes Scaligeri aduersus lapillorum cordialium, & gemmarum tritarum vsum diligenter pensitent, quas & Auerrois auctoritate corroboratas voluit: Dicebat Cardanus præstare lapillos glebæ Armeniacæ ad vitalem spirituum reparationem, obijcit Scaliger subtiliter: *Si à tota viuunt specie triti lapides amittent suam speciem, nequē enim sunt sicut glebæ.*

gleba, quorum pars qualibet, ipsamet terra est, at Cardano non qualibet Hyacinthi pars Hyacinthus erit, est enim individuum hoc quiddam, quod eius partes esse nequeunt: secunda ratio est, si luce propter similitudinem spiritus recreantur, atque reparantur, lux in tritura perit, perit igitur & vis, integri ergo lapides Cardano sunt deuorandi: Verum profecto ex lapidum vita à Cardano inculcata rationes robur acquirunt, quâquam & diuturna illa tritura vim alexiteriam exoluit.

LAVULI minera cum Armenico mista, quæ faciliè à solertibus rerum naturalium indagatoribus (simplicibus per se explicatis mineris) perspicui, & cognosci poterit.

ARMENICI minera cum Lazulo mista, quæ pariter haud multo negotio cognoscitur: sed illud & (me tacente) perspicuum, vberiore vnius rei fossilis copiam in mitione præualere.

ΑΙΟΑΡΤΤΡΟΝ Græci, hoc est lapidem argenti vocant, quam Latini Spumam argenti; illi ortæ rei duritiam, hi nascentis rei naturam considerantes, ut docet Agricola, rectius Spuma, vel lapis Plumbi diceretur, nam hæc Spuma ex Plumbo conficitur, & rursus Plumbum ex Spuma, etenim, cum in secundis fornacibus separatur argentum à plumbo in mistura plumbi, & argenti spuma hæc à plumbo fit non ab argento: id argumento esse ferunt, quoniam de argento nihil depereat, plumbum totum mutetur partim in hanc spumam, partim in plumbaginem: Dioscorides Atticam, spumam præfert, secundâ statuit Hispaniensem, tertiâ Putcolanam. Plinius distinguit in Chrysitim ex ipsa vena, factam colore auri, quam optimam statuit, Argyritim ex argento; Molybditim ex plumbi ipsius fusura: omnes fieri ex eadem sua materia ex superiori catino in inferiorem defluente: Hæc Plinij sententia non probatur Agricola: Fuluum enim spumæ colorem solum propter similitudinem auri colore agnoscit, sic candidum propter similitudi-

Lib. 9. de
nat. foss.

Lib. 10.

nem ad argentum: Chrystitis enim maiorem vim ignium, passa fuluum colorem contraxit, vt ipse tradit; Differt etiā Spuma concretionē, aut enim solida est, aut inflata, Græci *σαπυρίδιον*, & *πνευμαίνον* vocant, quales in Musæo asseruatas conspexi: Spuma argenti (vt Galenus docet) moderatē desiccatur, manifesto nec calefacit, nec refrigerat, quare modice & abtergit, & adstringit: Sæpē, vt materia, cum his quæ vehementer mordent, aut adstringunt permiscetur, sola per se (subdit Agricola) ad femorum intertrigines utilis.

AURIPIGMENTVM fossile, ac natiuum ex multis tenacibus crustis, tamquam squamis conflatum, vt vna alteri imposita videatur (teste Agricola) nulla re alia fossili permixtum, *ἀσπρινόν* Græci appellant, quasi succum dixeris in terræ visceribus concretum colore, & splendore auro adeo similem, vt quemlibet facile fallere posset, nisi naturæ rerum metallicarum peritissimus foret: cum tamen verum aurum fossile non existat, sed succus quidam auri fulgore pigmentatus ex mistione succi pinguis, & sulphurei terræ acris in venis metallicis vi caloris subterranei elaboratus; ob exactam coctionem colorem flauum auro persimilem acquisiuit: minus tamen pinguis, & purus, quam Sulphur, & Bitumen: cum vritur ob sulphuream pinguedinem Sulphur olet, gustum verò ob terræ acris permissionem acrimonia non mediocriter percellit: Arsenicum hoc (ait Agricola) vt acre venenum sit, tamen linteolo inuolutum, & cordi superpositum aiunt hominem à Peste tueri.



SANDARACA natiua pura perspicua, & friabilis, quæ trita, & ysta sulphur olet, ex eodē succo concreto, quo Auripigmentū, sub terræ visceribus excocto, gignitur, minorem pinguedine, quam illud, est donata, magnam tamen cum eo habet cognationem, cum in iisdem metallis (mineras vocant) proueniunt, ad satietatem rufa est, & Cinnabaris colorem æmulatur gleba.

gleba est qualis plerumq; reperitur, & (vt Vitruuius Ciuis noster tradit) in locis, quæ sunt inter Magnesiæ, & Ephesi fines effoditur parata: optima est, teste Agricola, quæ pura, quæ ad satietatem rufescit, quæ etiam si non teratur, nec ardeat, olet sulphur, quæ facile potest teri, qualis in Ponto ad flumen Hypanem nascitur, auctore Dioscoride: Maiorem caloris vim passa videtur, ex quo flauum in rufum colorem mutauit, rubrum Arsenicum Græcum appellata.

SANDARACA fossilis proprio colore, scilicet rufo, conspicienda, cui Auripigmentum ob summam affinitatem, quam inuicem habent, in excoctione materiæ, simul concretum, visitur: Gleba igitur conspicitur partim rufi, partim flauicoloris; Illud addam cum Agricola, quod utile scitu, non tantum speciosum lectu, vtilitati enim, & oblectationi pariter inferuire noster debet labor: *Sandaraca vtuntur Pictores, vtuntur tornatores cum circa vasula lineas ducunt, vtuntur Medici, quod vim habeat vrendi, sed liquoribus, resinisq; temperata multis morbis medetur, mulso quidem purulenta excretioni, resina suspirijs, melle raucitati, silingatur, & deuoratur, resina veteri Tussi, si accense vapor per fistulam in os trahatur.* Quidam coloris rubri genus docent efficere ex Cerussa in Patinam cauam coniecta, & super carbones ignitos rudiculis ferulaceis tandiù agitata, quousque vsta colorem rubentem Sandaracæ fossili similem acquisiuerit: Minium vulgò, sed longè diuersum à veterum Minio dicitur.



BVR fossile, & Vnicornu fossile, quæ Neapolitani Musæi Auctor, & Descriptor Imperatus Pharmacopæus optimus, & celeberrimi nominis, quem honoris gratia nominatum volo, accuratè descripsit, vt nos actum agere, haud necesse esse existimemus.



HALCANTHVM Pannonicum cœlum fer-
renum Etesijs Æstate post Caniculę exor-
tum spirantibus colore cœruleo, atq; luci-
do referens, cui acrimonia cum aliqua ad-
strictione insignis existit.

CHALCANTHVM Cyprium ob colorem cœruleū conspicuū,
graue, & densum, sapore acerbo, ita ut gustanti, linguam,
cum aliquo falfedinis stimulo vellicet.

CHALCANTHVM Saxoniciū tenue, & violę albę candore
per simile, cuperofa vulgò, Capri aqua Germanorum.

CHALCANTHVM Chrystallino colore, & splendore ex lapi-
de ærario veluti ex parente efflorescens; ex Pannonia adue-
ctum ferunt.

CHALCANTHVM ex Bohēmie fodinis subuiride in capillorū
formam à natura efformatum à Pyrite æroso per melente-
riam, quę illum vndiquaque amplectitur, procedens, quod
visu, & contemplatu dignum sanè videtur.

CHALCANTHVM in viridi pallefcens, non ita omnibus co-
gnitum, cum ex mari rubro aduectum dicatur, vt Francisci
Calceolarij senioris schedula testatum facit, apud non in-
curiosos istarum rerum inuestigatores.

CHALCANTHVM coctū, & hoc viride, quod vel in Cruci-
bulo fusum, aut liquatum summè virescit Hungarico ob
præstantiam æquandum: Vitriolum Romanum vulgò, cum
Bagnacę agri Romani oppido conficiatur.

CHALCANTHVM Bagnaceo longè pulchrius, & efficacis fa-
cultatis: colore viridi, & cœruleo permistis Cyprium imi-
tatur, sapore magis acerbo, & odore magis viroso donatū,
summa arte, & longo labore ex glebis quibusdam cinerei
colo-

coloris quibus intermixtæ sunt maculæ virides, & ruffæ ad apenninum montem elaboratum.

CHALCANTHVM in Germania coctum cæroleo colore ob elegantiam Cyprio non inferius, quamuis ad infectionem infirmissimum.

CHALCANTHVM metallicum latinorum (Melanteriã græcorum dici aiunt) cuius substantia fragilis est, & friabilis ex halitibus circa cupri fodinarum hostia, expirantibus, ac aëris contactu quodammodo congelatis, instar lanuginis eo loci affixa concreuerit; colorem nigrum ex plena coctione videtur assequuta, nec non ob qualitatem à minera Cuprea impartitam falsa, atq; acris omnino percipitur.



MELANTERIA friabilis in Misy aureum imitans colorem punctis scintillantibus efflorescere visu comprehenditur: notanda verò sunt Agricola verba lib. iij. de natura fossilium, ex quibus facile atramentorum, & Melanteriæ natura pernosceretur; Atramentum triplex librarium, metallicum, & futorium, quandoquidem eo Sutores tingunt coria, Græci verò appellant χαλκανθον, quod ex ære quodammodo efflorescat, nam Pyrites ærosus, qui & Chalcites dicitur Soreis, & melanteriæ, quam etiam atramentum metallicū vocant, parens est, & effector, atq; ea rursus atramentum futoriū, atq; alia sibi ipsis cognata gignunt.



SORY ex fossilium genere lapidosum, & colore nigrum, cuius parens, & effector, vt modò diximus, in ijsdem habetur fodinis, in quibus Melanteria Chalcitis, Misy, & Chalcanthum à natura elaborantur, vt ob id à quibusdam (Dioscoride teste) Melantheriæ species sit existimatum, cum nigro colore non videatur illi absimilis: quamuis in alijs diff. rat, cum

cum odore, & sapore magnum virus redoleat, stomachumq; subuertat, quæ qualitates, & effectus in Melanteria non deprehenduntur, Sory etiam crassissimas partes, Misy tenuissimas, Chalcitis medium obtinet locum inter illas: quare & Agricola docet, Sory crassitudine, & odoris vehementia à Melanteria differre, cum non differat colore: à primo enim ortu concretius, & compactius ob partium crassitudinem genitum est, atramentum gryseum metallicorum vocari aiunt.



MISY durum, quia multum ex Chalcantho effloruit, & ob longam coctionem, & elaborationem densitatem natum videtur, ut Gleba quædam Chalcantina vocari possit: huius color est luteus, & ad aureæ Marchesitæ colorem accedit, sapore est acerbissimo, quia ex succo Chalcantho persimili producitur, ut iure merito Chalcanthi flos, & ob colorem atramentum flauum nominari possit.



CHALCITIS purissima, & à quauis aliena re immunis, quam intercurfantes oblongæ venæ, & splendentes ambiunt, friabilis, æri similis, à quo nomen sumpsit, χαλκός enim æs, qualibus notis prædita, ceteris à Dioscorido præfertur: Chalcantho fossili dicitur affinis cum ex succo acerbissimo Pyritem ærosum lambente, & eundem erodente, ut Chalcanthum oriatur. Quocirca doctissimus Casalpini persimilem æri interpretatur apud Dioscoridem respectu caloris viridis, ruborem enim ex perfecta vitione acquirit, quamuis autem (ait) æs nitidum colore rubenti constet, neglectum tamen ob æruginem contrahit viriditatem; Apud Plinium Chalcitis est lapis ærarius, ex quo eradi (inquit) æruginem Scollecam, & ipsum es coqui; continere tria genera, Aris, Misyos, & Soryos. Sed non esse lapidem, sed succum concretum demonstratio Physica ex propositionibus per se, & necessarijs conuincit, lapis

lapis enim vſtione non attollitur in ſpumam, nec liqueſcit, vt Chalcitis proſectò attollitur, & liqueſcit, vt & Galenus obſeruauit, non ergo lapis eſſe poteſt: ceterum mox Plinius veluti reſpiſcens mollem naturam, & veluti lanuginem concretam Chalcitidi attribuit, quare Dioſcoridi conſentire videtur: Galenus primo de Antidotis Chalcitim viridem, aut cineream in Theriacam aſſumendam vult, dummodo in ſpumam fuerit elata: hoc enim Theriacam efficit nigram, quod expeti ſolet; ſtatim quippè ab igne eximitur non perſtatis carbonibus, ſic ſeruatur priſtinus color, alioquin luteus, vel ſlauus emergeret. Inueteratam Chalcitim tranſire in Misy teſtatur Galenus 9. ſimpl. ſicuti Sory longo tempore in Chalcitim mutari: hæc igitur in Muſæo primum occurrit conſpicienda.

CHALCITIS dura, & ſyncera, in cuius natalibus Sory ex ſtirpe Chalcanthina ob aſſinitatem ſuo colore nigro permixtum viſitur.

CHALCITIS dura cuiusuis ſorditici expers, in cuius ortu Misy coloris auro ſimilis adnatum, ſimulq; conglutinatum cernitur.

CHALCITIS dura Pyritem lapidem, cuius ſuperficies cinerei eſt coloris, intus verò ſubliuidus cum aliquo rubore apparet, adedò ardè vt Genitorem ſuum amplexans, vt tuo amore veluti certare videantur.

CHALCITIS ex erugineo colore, qui illi videtur proprius, ob vetuſtatem, & nimiam deſiccationem, in colorem album mutata. Sory porrò Chalcitis, Misy, Melanteria minùs quidem atramento ſutorio adſtringunt, ſed adedò vrunt (ait Agricola) vt cruſtas cauterij modò inducant: quo iurè autem dixerit idem Auctor Molibdenam, Pyritem, Chalcitida, Misy, Sory, Spodon, Pompholiga, Diphryges nec officinais

cinis, nec mediis esse cognita, ipse viderit: Forſitan tempeſtate illa, qua ipſe Dialogum illum ſcripſit, illa ignorabantur: in præſentia omnia in lucem ſunt eruta, & Muſæi Calceolarium ſatis harum rerū metallicarū locuples, & abundans Agricolaë querelam, vel accuſationem irritam potèſt reddere.



AGARICVM Metallicum Minerale à Muſæi Neapolitani Descriptore accurato nuncupatum, quod præclare etiā lingua noſtrate Italica ab ipſomet deſcribitur, Ferrante nimirum Imperato Pharmacopæo ornatissimo, & percelebri, quem ſemper honoris cauſa nominatum volo, atque eò potiffimum, quod Calceolarij Senioris fuit amantiſſimus, vt ex pluribus epistoſis, dum viueret, ad ipſum datis, potui conijcere: Is igitur hoc pacto Agaricum hocce minerale, mirabilem naturæ partem, deſcribit: Terram exiſtere ita vocatam candore Calci ſimilem, leuitate diſſimilem, quæ in Agrico ſumma eſſe ſolet, in ſpecum fornicibus inueniri, conſiſtentia mollis, dum ſoluitur, fibroſi aliquid præferre, ſed denique terrarum aliarum inſtar liqueſcere, nec eius ortu à veri Agarici ortu diuerſum videri, quemadmodum etiam effigie omnino ipſum refert, linguæ adhæreſcere, quapropter & credi eſſe terram Samiam, & pro ea à multis peritis Medicis uſurpari: Sanguinis per os reiectionibus prodeſſe & fœminarum profluuijs: generatim ad ea omnia adhiberi, quibus Samia Terra eſt conducibilis: Lac Lunæ nonnulli appellant ob mollitiem, & candorem, quam præſeſt dum in proprijs locis colligitur.

Hæc utcumque ex illo Italico Muſæo latine reddere volui, ſua cuique laus conſtet: & Agarici huius natura, & vires melius intelligerentur.

Verum

Verumenimverò iam tempus est, ut quartam hanc Musæi CALCEOLARIi Sectionem absolgam, si antè omnia. Lectorem optimum morali aliqua Parenesi commonefecero. Humanorum Bonorum triplex esse genus, animi, naturæ, & fortunæ: animi virtutes potissimum morales nostra bona, & perfectiones verè censentur, at rationis, & mentis virtutes nobis propriæ non aded videntur, cum & separatim à corporis contagine mentibus communes existunt: morales vtilis tantum nobis Plotinus censuit, quoniam cum Deo connexionem vltimum hominis bonum esse docuit, quæ ad id perducunt, solum vtilia existimavit: Naturæ, ac fortunæ bona censent Stoici, & cum ijs magnus Seneca non verè bona, solum commoda, & *ἀδιάφορα*: Fortunæ munera sunt præsertim aurum, argentum, & cætera metallica, quæ hac sunt Sectione breuiter pro instituti ratione descripta. De ijs D. Bernardus, solus error hominum facit, ut aurum, & argentum iudicentur pretiosa, cum reuera nihil sint præter terram rubeam, vel albam: Boëtius in 2. de consolatione Philosophica etiam rationem validam adnectit, ut nos ad tutiorem his de rebus cogitationem, & estimationem traducat. De ratione boni est, ait, ut eum, cui competit, bonum reddat, apud bonos cumulatiùs reperiatur, & possidenti non noceat, at homo per diuitias non redditur Bonus, & apud homines improbos, & iniustos diuitiæ cumulationes reperiuntur, quæ etiam frequenter obsunt possidentibus, non ergò bonæ existimandæ sunt. Idcirco Seneca optime in lib. de paupertate. Nemo dignus Deo est, nisi, qui opes contemnit, hoc efficiunt diuitiæ, inflant animos, superbiam, & arrogantiam pariunt, inuidiam contrahunt, eoque mentem alienant, ut fama pecuniæ nos, etiam nocitura, delectet: illa verò Epistolæ vigesimæ aurea sunt verba, diligenter à Christiano viro expendenda, & memoriæ mandanda, magnus ille, qui in diuitijs pauper est, sed grauior, qui caret diuitijs, nam diuitiæ nedum non faciunt hominem bonum, verum neque diuitem, quia auaritiâ non extinguunt: veræ autem diuitiæ sunt compositæ.

Verba
Senecæ
aurea.

Paupertas in lege Naturæ, quæ sola Avaritiam extinguit, non enim qui parum habet, sed qui plus cupit, pauper est, tantum enim unicuique deest, quantum cupit, propterea breuissima ad diuitias per contemptum diuitiarum via est, præclarè etiam Epicurus, ad quam non vt transfuga, sed tamquam explorator Seneca sæpè transfugit, si ad Naturam viues nunquam eris pauper, si ad opinionem, nūquam eris Diues, exiguum enim natura desiderat, opinio immensum. Illa etiam Isocratis sunt summi Oratoris, & Philosophi, quæ experimento quotidiano in quolibet hominum ordine, & secta comprobata videntur. *Παῦτος δὲ κακίας μᾶλλον, ἢ κακίας γὰρ ὑπέρτις ἔστιν, ἔξουθεν μὲν τῇ παρρησίᾳ παρασκευάζων, ἐπὶ δὲ τὰς ἀδυναμίτας παρακαλῶν.* hoc est, Diuitiæ vitiorum magis, quam virtutis ministræ sunt, licentiam, & facultatem socordiae præparantes, ad voluptates autem Iuuenes inuitantes. Hinc illa Ouidij exclamatio primo Metamorph.

Itum est in viscera terræ

Quasq; recondiderat, Stygijsq; admouerat umbris

Effodiuntur opes, irritamenta malorum,

Iamq; nocens ferrum, ferroq; nocentius aurum

Prodierat, prodit Bellum, quod pugnat utroq;.

Quamquam à fortuna metallorum venas ostensas sinè hominis industria, & labore existimat Lucretius purissimis hisce, & luculentis carminibus.

Quod superest as, atq; aurum, ferrumq; repertum est,

Et simul argenti pondus, plumbiq; potestas,

Ignis ubi ingentes sylvas ardore cremarat

Montibus in magnis, seu cæli fulmine misso,

Sive quod inter se bellum sylvestre gerentes

Hostibus intulerant ignem formidinis ergò,

Sive quod inducti terræ bonitate, volebant

Pandere agros pingues, & pascua reddere rura,

Sive

*Sive feras interficere, & detescere prada,
 Nam fouea, atq; igni prius est venerier ortum,
 Quam sapire plagis saltum, canibusq; ciere,
 Quicquid id est, quacumq; è causa flammeus ardor
 Horribili sonitu sylvas exederat altis
 Ab radicibus, & terram percoxerat igni,
 Manabat venis feruentibus in loca Terra
 Concaua conueniens Argenti riuus, & Auri
 Eris item, & Plumbi, &c.*

Illud porro animaduersione dignum, quod non per iocum, sed seria disputatione lib. vj. de re metallica scribit doctissimus Agricola inter causas, cur putei amplius fodi non soleant ad perquirenda, & extrahenda metalla eam esse, quod in Germania nonnullis fodinis, quamquam perpauca est alia pestis, & pernicias, Demones scilicet aspectu truci, de quibus dixit in libro de subterraneis animantibus inscripto, quod genus Dæmonum precibus, & ieiunijs pellatur, ac fugatur; quo argumento, atque alijs multis certò collegi, Catholicum fuisse Agricola, & orthodoxe pietatis amatorem, quod litteris ad me datis testatus etiam est Marcus Velserus olim Duumuir Augustanus, qui etiā scripsit, fuisse Agricola lucernam ardentem in loco caliginoso.

Ceterum & Aristoteles tantus Philosophus, Summum Bonum non esse positum in diuitijs perspicuè ostendit primo ethic. cap. v. quoniam vita diuitijs dedita *blaze tis esè*, hoc est modo quodam vim infert, vel violenta est, vt optime vertit Franciscus Picolomineus Doctor olim meus vir celeberrimi nominis: litteratores Critici vertere, vita, quæ in pecuniæ quærendæ studio versatur, laboriosa est, minimeque (vt ita dicam) vitalis, eccè quam leuiter primoribus labris ex Aristotelis doctrina hauriunt, ad intima doctrinæ illius penetrabilia non adspirant; satius fuisset in Grammaticæ, & Rhetoricæ præceptis tradendis occupari, quam in maximo Philosophorum explanando, quod si publica lege cautum esset

Q q q 2 melius

melius cum serijs auctoribus ageretur; Cur ergo violenta locupletum vita? An quia vt acutè docet Picolomineus, tunc vis infertur alicui, cum illud prohibemus, ne suum finem attingat, vis enim rei graui tunc infertur, cum ne ad centrum tendat, impedimento sumus, finis diuitiarum auri, & argenti est vsus, & effusio, dum eas coaceruamus, ne suum assequantur finem, impedimento sumus, & propterea vim eis inferimus: Bonum ergo vtile Aristoteli Diuitie sunt ad vltimi finis perceptionem, & possessionem conducentes, sed & quinto Ethic. fortunæ munera simpliciter, & semper bona esse docet, huic verò vel illi non semper, quasi velit viris vitiosis, & mala cupidine deprauatis non esse bona, veluti etiam agris ea non sunt sana, quæ suapte natura sana existunt: passim enim huiusmodi distinctio bonorum videtur Philosopho familiaris, vt vij. lib. metaph. text. x. cum ait sicuti in actionibus efficere debemus, & per singulis bona ea reddantur illis bona, quæ simpliciter sunt bona, ita in cognitionibus per nota nobis ea, quæ sunt simpliciter nota, reddenda sunt nota nobis: Franciscus Vicomercatus pœnas, & purgationes per singulis Bona intelligi voluit: quem iurè refellit Picolomineus: Prudentia enim, recta consultatio, & morales virtutes non sstra bona sunt, quorum ope, quæ sunt simpliciter Bonæ (Fortunæ nempe munera) reddimus nobis Bonæ: Pœnæ porro, & purgationes duntaxat ex euentu id efficiunt, dum congruentem constitutionem animi, & corporis nobis conciliant, quæ nostrum bonum est, cuius beneficio rectè vtentes Fortunæ muneribus, ea simpliciter bona nobis propria efficimus: Præclara ergò illa Aristotelis sententia vij. de Republica, declaratum scilicet esse in libris Ethicorum, Virum probum eum esse, cui per virtutem Bona sunt, quæ sunt simpliciter Bonæ: Cum istæ igitur verissimæ sint, cur non valdè pudeat Christianos, qui militiæ CHRISTI Domini nostri nomen dederunt, vim inferre Auro, & Argento eorum finem, & vsum immo dica, & auara eorum coaceruatione impediētes: numquā effusa

effundentes; vel in delitiarum, & luxus ineptias, & prauas libidines prodiga manu insumentes; legatur primus Agricola liber de re metallica: vbi Socratis dictum adducit: Vinum ad vasa mutari: Diuitias ad eorum, qui ipsas possiderent, mores, Bonos Viros ijs bene vti, malos malè: Cum igitur Christianorum mores optimi esse debeant, & incorrupti; vsus etiam Argenti, & Auri ijs optimus, & nulla culpæ obnoxius esse debet: Vita etiam ad naturæ, & legis diuinæ perscriptum carior esse, quæ paucis contenta est, nec Chænici insidere, & auaram cupiditatem de crastino sollicitam fouere, atque alere solet: Sed nobis montes aureos fingimus, & ad immensa opum fastigia anhelantes; Xenophontæo etiam ænigmate ad auraria, & argentaria metalla fodienda excitamur, Est terra, in qua si sementem feceris, non fundit fruges, si verò eam foderis, multò plures alit, quàm si fruges ferret: ita enim de Atheniensium argentarijs metallis ille suauissimus Auctor scripsit, Fodinæ etiam plumbariæ quæstum annuum, cum fructibus agri optimi comparatum, ipsum triplum, vel minimum duplum esse dicentes, tum subdimus, quot ergo partibus antecedit eisdem fructibus quæstus argentariæ, vel aureariæ venæ? Hoc pacto ad auaritiæ cupidinem exaggerandam, quod nobis vtile sit, in bonorum morum detrimentum sollicitis articulis computamus, vt cum Poëta illo loquar: At quantò consultius fuisset cum Seneca quærere, Quid præcipuum in rebus humanis est? animo omne vidisse, & qua nulla est maior victoria, vitia domuisse; argentum, & aurum, & huiusmodi Fortunæ munera, magna, quia parui sumus, credimus, multis rebus non ex natura sua, sed ex humilitate nostra magnitudo est, vt idem docet; Quid præcipuum? non admittere in animum mala consilia, puras ad cælum manus tollere, optare, quod sine aduersario optatur, bonam mentem: Iam verò cum cæcus Deus Plutus, cui inferna terræ regio attributa, nos ab huiusmodi virtutum optimarum exercitijs auocat,

Lib. 3.
quæst. na-
tural. in
præfat.

auocat, & absterreat, satis erit id persuasum habere, & re ipsa, & actu profiteri, & prestare, quod Lucretius optime monuit.

*Quod si quis vitam recta ratione gubernat,
Dimitta grandes homini sunt, vivere parce,
Æquo animo, neq; enim est unquam penuria patni.*

Finis Quartæ Sectionis.



SECTION QVINTA
IN QVA DE PLANTIS,
RADICIBVS, ET EXOTICIS
FRVCTIBVS,
NECNON DE PEREGRINIS
GVMMATIS, ET SVCCIS
PINGVIBVS DISSERITVR.

Eodem Auctore.

484
O I T E S
IN OVA DE PLANTIS
RADICIBVS ET EXOTICIS
FRUCTIBVS
RECIPON DE PEREGRINIS
GAMMATIS ET SACCIS
PINGVIBVS DISSERTIV.

Eodem Auctore.

SECTIO QUINTA.



VM Musæum hocce CALCEOLARIUM pro virili, & occupationum mearum ratione subcesuiis horis describerem, huiusque mei laboris amicum Virum doctissimum commonefecissem locorum interuallis à nobis diffitum, & disiunctum: is vt est scientiarum omnium notitia, & potissimum Mathematicarum instructissimus, statim

monuit Analogias Geometricas, & Arithmeticas, Medicis, Anatomicis, Metallicis, Botanicis esse ad partium vsum, & virium plantarum, & fossilium causas vestigandas pernecessarias, quod ostensurum se libris etiā edendis profitetur, quemadmodum libris editis ciuiliū, & criminalium causarum, & controuersiarum Iudicia se earum ope Analogiarum ad Aristotelis etiam lib. v. ethic. normam rectē informasse existimat: Respondi Mathematicas disciplinas res à motu, ac materia secretas expendere, quæ tamen τὰ νοητά, *κατὰ τὴν φύσιν*, cogitatione enim separata à motu sunt, non re ipsa omnifariam absoluta, quales abstractæ substantiæ, quæ à Metaphysico considerantur: Mathematicæ enim formæ reuera per se non cohærent; cogitatione tamen à materia, ac motu separantur *ἐδὲ γίνεται ψεύδος χωρίζονταν*, ait Aristoteles, non fieri scilicet mendacium abstrahentium, & cogitatione separantium circulum, & triangulum à materia: Physicæ autem species, sine motu, ac materia intelligi non possunt eam profectò vim habentes quā finitas, quæ absq; materia separatim comprehendendi non potest; Hinc Aristoteles

R r r

teles

teles optime scripsit τὰ μαθηματικά ἐξ ἀφαιρέσεως κινήσει, τὰ φυσικά ἐκ προσθέσεως, hoc est mathematicum res contemplari circumscriptis omnibus, quæ sensu percipiuntur, physicum res cū materia omnino deuinctas: Ex his etiam confici asserebam cum certam materiam non sectentur mathematicæ disciplinæ, nec experimentum ad eas perdiscendas esse necessarium; idcirco pueriles dictas disciplinas, quoniam duntaxat ingenij acumen, & perspicaciam requirant, & cogitationis memoriæque celeres motus, & firmitudinem, quæ animi dores in pueris sæpenumero comperiuntur, quare apti, & physicarum disciplinarum Auditores, non autem ethicæ, & physicæ doctrinæ ab Aristotele existimantur, quæ rerum vñ, & repetitis sensuum, & experimentorum obseruationibus indigent: quare Geometria, & Arithmetica præter vñ vitæ communi necessarios, Pedia est præparans, atque excitans puerorum ingenia ad ritè philosophandum, cum certissimæ sint, & cogitationi *diavola* statim obuiæ, & expositi, quamquam præire aliquis debet, cuius solertia (vt ille inquit) succidantur vepreta, vel exurantur, & superciliosæ complanentur aspreta, in magna enim rerum obscuritate recondita arte, multiplicique, ac subtili versari mathematicos Cicero etiam scribit, omnemque cognitionem multis esse obstructam difficultatibus: at rerum naturalium proprietatum causas inquirentibus, vñdique salubræ emergunt, & inexplicabiles labyrinthi: quas longo vñ, & obseruatione eorum, quæ consimili modo frequenter fiunt, facile complanamus: Quis enim per Deum immortalem causam æstus, ac reciprocationis maris ijs Mathematicorum subtiliori, Senæ vires deprehendat? nisi longo studio, multisque iactis ex sensuum obseruatione fundamentis Lunæ motum probabiliter æstus causam existere, bilem sapissime eiectam à Rhabbaro, ab Agarico pituitam, ab Elleboro, & Sena melancholicos succos pluribus experimentis exploratum habeamus: Sic Anthoram, vel Zedoariam serpentum & Napelli veneno obsistere quis Auicennam docuit? Vñ

Vsus profectò, & obseruatio diuturna : quod sensus *κρηττότερον* ab altero rationis Criterio mox roboratum magis, physicam scientiam firmiorem, & magis inconcussam parit : Hinc deridendus & Pythagoras, & Pythagoræi, qui (vt meminit Aristoteles) cum Denarij numeri summam perfectionem cœlo tribuerent, nec plures tamen, quam nouem Sphœras cernerent, decimam effingere ausi sunt Terræ aduersam, quâ *ἀντίχθονα* vocarunt, quid hac ineptia insultius? sic vacuum dari in rerum natura alij viri docti conati sunt ostendere, quos Clarissimus Pendasius optimè confutauit, quare iurè somnare circa quantitatem Mathematicos Plato censuit, & Pererius nec omninò esse necessarias, & solidas scientias mathematicas seria disputatione contendit : Vsum tamen, & fructum afferre, quem diximus fatemur, nec audiendum Aristippum, qui Mathematica hæc repudiabat, quod ex fine nihil docere videantur, eiusq; quod melius, aut deterius, nullam rationem habeant : tamen memoria proditum sit Platonem Eudoxo, & Architæ vitio vertisse, quod Geometrica problemata ab intelligibilibus, ac incorporeis rebus ad sensilia, & organica traducerent : Volebat enim Vir magnus ad eius, quod semper est cognitionem, nos semper erigere. Caterum proferam etiam aliam coniecturam non incuriosam, quæ mihi in mentem venit, dum ad eum amicum pietate, & eruditione clarissimum rescriberem : quam quæso te (optime Lector) vt benè tecum excutias, ac expendas : Existimarunt Pythagorici, & Platonici omnem disciplinam *ἀνάμνησιν* esse quandam, idest recordationem, & repetitionem eius scientiæ, cuius particeps, & compos fuit animus noster, antequam in corpus migraret, quod in Menone, Phædone, ac alibi Plato disertè docuit : Obseruarunt tamen hi Viri Magni huiusmodi recordationem non posse ex naturalibus rebus percipi, quæ manuactionem sensuum, & longi vsus exponunt, sed potissimum ex Mathematicis his scientijs ostendi, si nimirum ait Plato *ἐπὶ τὰ διαγράμματα ἄγειν*, si ad figuras Geometricas perducatur; nā discere esse recordari insititum

in anima rationum, Socrates in Menone hoc argumento probat, Pusionem quemdam (ait Cicero) Socrates interrogat de Geometrica dimensione quadrati, ad ea sic ille respondet, vt puer, & tamen tam faciles interrogationes sunt, vt gradatim respondens eò proueniat, quò si Geometrica didicisset: At cur Socrates Pusionem illum non interrogauit de causa Aëstus Maris, & falsedinis; de Ortu, & causis Cometarum an in Cœli natura, & in Cœlo fiant, an in suprema aëris regione ex pingui halitu inflammato: quæ fuit certior Aristotelis sententia aduersus Astrologorū somnia, an primæ qualitates formæ sint Elementorum, *ἁπλοῦς*, an potius proprietates ab occultiore forma fluentes, an cœlum anima informante præditum, an solum assistente intelligentia, & motrice: An seminis procreatio sit testium operatio; an veluti pondera textricū vasis seminarijs apertis detinendis sint destinata: De vsu cerebri an in eo nobiliores animæ actiones perficiantur, an solum attemperando cordis calori inferuiat, an cœlorum orbis æquabili motu circa idem voluantur centrum, an epicyclis, & eccentricis opus sit ad tuenda *τὰ φαινόμενα*; Hæc & alia huiusmodi interroganda erant, quibus explicandis inseruas animæ Idearum rationes, & notiones excutiens Pufio summam de se expectationem, & admirationem concitasset, at profectò experimentis, obseruationibus, longo studio, & iudicij maturitate ad hæc peruestiganda opus fuerat, quæ Puer propter ætatem tenellam adhuc nancisci non poterat: ea sunt interrogata, quæ simplici sensui, & phantasie exposita facillimam responsionem extorquebant, cum inter se apta, & connexa essent ex iactis hypothesibus, quare nec Plato sciētiæ, aut intelligentiæ nomine Mathematica est dignatus cogitationem, & veluti imaginationis Apicem illis concessit: Si enim sciētia omnis est reminiscentia non solū notiorum Mathematicarum, sed & Physicarum, & Metaphysicarum esse debet, vt satis patet: at nullus Pufio ea promeretur, quæ sensuum *χρηστέα* indigent, & matura multi temporis consideratione, & iudicio. Fateor quidam Geometriam, vbi

vbi cum materia coniungitur, Geodesiam, Mechanicam, Opticam, præstantes artes, procreare, cuius rei apud Historicos egregia extant testimonia.

Exstructo enim vastæ molis nauigio, quod Siracusanus Hiero Egyptiorum Regi Ptolemæo missurus erat, cum collectis simul viribus Syracusanus populus Nauem trahere non posset, idque præstitisset Archimedes, vt solus Hiero illam subduceret, viri scientiam, & ingenium admiratus Rex *ἀπὸ ταύτης* (inquit) *τὰς ἡμέρας περιπατῶν ἀρχιμήδῃ λέγοντι πιστεύων*, ex hoc die Archimedi de quauis re differenti credendum:

Eundem testatur Plutarchus Hieroni scripsisse datis viribus datum pondus moueri posse, fretumque demonstrationis robore illud sæpè iactasse, si terram haberet alteram, vbi pedem figeret, ad eam nostram hanc se transmouere posse:

Verum & *αὐτόματα*, & machinarum varia genera, & commoditatem vitæ degendæ, & subtilibus ingenijs admiratione, & honestam occupationem conciliant: Nos igitur omiſſis superuacaneis his Analogijs, quæ propria experimenta, vel veterum Auctorum obseruationes ætatum plurimarum, & iudiciorum firmatæ consensu, & ratione dictabunt in describendis stirpibus, radicibus, atq; alijs huiusmodi ex vegetanti genere Musæi nostri Sectionis Quintæ libentes sequemur.



ANTORÆ, vel potius Antiphthoræ exemplum superius attulimus, cuius vim abditā, & præsentaneam aduersus Phthoræ, vel Napelli venenum exploratam habemus: Hæc in Musæo Calceolario asseruatur: radix est amarissima (quam Napellum Moyſi, & Zodoariam Auicennæ vocant) solidæ, & oblongæ oliuæ perſimilis, sæpè maior: cortex subniger existit, caro interior nardi montani instar est alba; iuxta Napellum venenosam, & exitialem plantam crescit, ne tam perniciosum, & virulentum germen, sine proprio antidoto, & alexipharmaco adolesceret. Antiphthoræ ergò potius appel-

appellanda, quoniam Phthoræ veneno aduersatur: quam
 quam Carolus Clusius, siuè Garzias lib. primo histor. aro-
 matum cap. xliij. scribat hoc fabulosum esse, in Syluosis
 enim Maluar locis plurimum nasci Zedoariam, alijs etiam
 in locis Satam prouenire, nec quemquam iuxta Napellum
 hanc nasci radicem vidisse, tametsi diligenter perquisierit:
 illius etiam regionis Syluas procreando Napello non esse
 aptas: Olius Medicus pereruditus in sui testificatione de
 collectaneis nostri Musæi: Antiphthoram hanc esse ait Con-
 stantinopolitanam, frequentem esse in Gargano Monte,
 & quærentibus facilem inuentu in Baldo nostro totius Eu-
 ropæ, ne dicam Italiæ montium herbarum ditissimo, eius
 copiam multam esse in ea Valle, quam Attilonem vocant,
 suprâ Baldum, Athesim versus spectantem, hoc in loco for-
 tē Olius noster Napellum deprehendit, haud procul à Ze-
 doaria virentem. Cæterum & ex Scaligero illa obseruanda
 Arnabo Pauli Zedoariam nonnulli, alijs Zurambet Arabum
 esse arbitrantur, parui vtrum sit, refert, Neutrum tamen
 esse, satis patet ex Auicenna, qui tria facit capita separa-
 ta; Zedoariam similem Aristolochiæ pingit, Zurumbet Cy-
 pero, Arnabo autem (Zarnabum vocat ipse) aitque fur-
 culos esse magna ex arbore Libani montis, in Cananor ori-
 tur & Zedoar, & Zerombam, quod suspicor esse Zurumbet,
 Antiphthoræ ergo illa radix potius vocanda, quod *ἀντιφθορά* con-
 tra exitiosum venenum valeat: Plantam hanc vnâ cum
 radicibus ex percelebri nostro Baldi Monte erutam exactis-
 simè descripsit FRANCISCUS CALCEOLARIUS Senior in suo
 Baldi Itinerario, quadraginta ab hinc annis tam Latine,
 quam Italicè Typis edito: De Antora fusè scribit Mat-
 theolus lib. iij. sui Dioscoridis, vbi radices illius sibi ab
 amico Constantinopoli missas à Mercatoribus Zedoariam
 appellatas monet; aut saltem esse radices Napelli Moyli,
 cum eum scribat Auicenna, cum Napello crescere, & eius
 maiorem esse Theriacam: Vtiles esse non solum ad epotum
 Napelli venenum, sed ad cætera omnia venena, & ad Vi-
 perarum, & aliorum venenosorum morsum, Ligures felicis-
 simè.

Exerc.
 114.

Cap. 73.

simè vti ad intestinorum lumbricos, aduersus pestilentiam, & omnes cordis affectus proficere, nec minùs præstare in ijs febribus exitiosis, cum quibus exanthemata lentium figura oboriuntur,



ACONITI omnia genera quamquam in Museo asseruantur, eorum tamen simplicem Theoriam, & curationem ab optimis Physicis tradi nouimus: Nicander vnum genus duntaxat attulisse videtur, cum *χολέον, καὶ δυσσάλευς ἀπὸν τὸν* Felleum scilicet & raris euctum medelis Aconitum, vt Corraeus vertit, scripsit: Dioscorides duo genera, alij tria, recentiores vt Mattheolus plura, eaq; ferè nouè attulit, quæ apud ipsos diligenter descripta, & expressa legi possunt: inter ea Napellum enumerant, cui sententiæ visus adstipulari Clarissimus Mercurialis: Refragatur Corraeus, quod diuersis capitulis de Napello, & Aconito loquantur Arabes, præterea ad quartum vsque gradum calidum, & siccum Napellum statuunt, cum frigidum, & humidum sit aconitum. Putat ergo Corraeus Napellum Ellebori nigri speciem esse, sed proculdubio deceptus in definiendo Aconiti temperamento Corraeus; cum enim inter septica à Galeno reponatur, necessario calidum, & humidum existit, quamuis lethale non sit ob has manifestas qualitates, sed ob naturam deleteriam abditam, quæ natium colorem iugulans alienum, & extraneum putrefacientem inducit: At Corraeus argumentatur ex symptomatis, quæ haustum aconitum infligit capitis grauitate, vertiginæ, humorum in oculos traductione, copia flatuum, Hypochondriorum distensione, ructibus, crepitibus, quæ frigida intemperiei soboles videntur, quam validam rationem miror à Mercuriali prætermisam: sed nec calidis curari dixit Corraeus, Sed maximam partem remedium à Nicandro, & Dioscoride propositorum siccandi validam facultatem habere; oculorum etià medicamentis Anodynis

dynis à Dioscoride permisceri; Verum profectò rudium
 semper Medicorum existimari esse decretum illud: omnes
 flatus, & vapores à frigore fieri; possunt quippè, & à causa
 calida fieri cum fuerit potissimum cum humiditate coniun-
 cta, nec omnia Anodyna stupefacientia sunt, quod fugisse
 Gorræum admiror, sed & calida humida tenuium partium
 in Medicina Galenica conceduntur, ut hac de re à Medicis
 sanæ mentis non sit amplius dubitandum: calidum ergo,
 & humidum in tertio ordine, vel initio quarti est Aconi-
 tum, succo radice duntaxat noxium: fructu, & folio nihil
 nocere testatur Mercurialis, qui alias plantas flore, alias
 fructu, ut Mandragora, alias radice, ut Aconitum, venena-
 tas esse proficitur: nec aliam huiusce rei potiore assigna-
 ri posse causam, quam illius radice specificam proprietatem:
 Toxicum inter Aconiti genera recensent multi; &
 Promotum Auctorem citat Mercurialis, qui scripserat non
 simplicis veneni genus, sed compositum, ut Pharicum, esse
 Toxicum: Existimo cum Mercuriali doctissimo Toxicum no-
 mine omne veneni genus vocatum, quo Tela, & Sagittæ à
 Græci τῆξα nuncupatæ inficiebantur, ut Napellum, Aco-
 nitum, Elleborum, atque alij huiusmodi succi venenati:
 Velenium Galenus vocavit libro de Theriaca ad Pisonem,
 non Helenium, quam plantam constat non esse venenatam,
 ut optime correxit acutissimus Scaliger in Comment. in
 lib. Aristotelis de Plantis, idque ἀπὸ τοῦ βελῶν, quasi popula-
 ri Romanorum voce usus sit Galenus, quæ idem cum To-
 xico significat; Iam verò Aconitum omnium venenorum
 occyffimum, hoc est in occidendo celerrimum Plinius dixit
 sic appellatum vel quod oriatur in cautibus, quæ Acones
 dicuntur, vel ab Acone, qui est vicus Periandrinorum in
 Ponto, ut docet Theophrastus; Narrant (ait Gorræus)
 Cerberi procreatum vomitu, postquam Hercules ipsum ab
 inferis extraxit per specum Acherusiam ad manes (ut aiunt)
 peruiam Heracleæ Ciuitati vicinam, idè plurimum Aco-
 nitum in Ponto nasci iuxta ripas Acherontis fluij: Ca-
 rationem porò huius atrocissimi veneni præclare tradidit
 à Dios-

à Dioscoride, Nicandro, & Mercuriali consultò prætermittito : Musæum enim CALCEOLARIUM describimus non affectionum præter naturam curationes tradimus, curiosa quædam nec vsqueadè vulgata perstrinxisse contenti. Flatus porrò à causa calida produci posse docent melancholici Hypochondriaci, quibus Iecur, venæ ventris, & Mesenterij feruēt, & probè ostendit Sanctorius Sactorius primarius Theoreticæ Medicinæ Patavij professor in lib. suis doctissimis de Methodo vitand. errorum in Arte Medica, quam virum honoris causa nominatum volui antiquæ nostræ consuetudinis, & benevolentia memor : Is enim eo lib. supinos, & crassos rudium, & trivialium Medicorum errores analytica Aristotelis doctrina patefacere conatur, quo nomine summam Reipub. Medicæ vtilitatem attulisse fateri debemus : Cæterum & alia ratione solui Gorraei ratio potest, si nimirum dicamus iugulato insito calore aconiti vi, male obiri coctiones, vnde flatus, ructus, & crepitus mox oboriri non est vsqueadè admiratione dignum.



NAPELLVM ex genere Aconiti esse proficetur Mattheolus accuratissimus Plantarum, & rei herbariæ vestigator : eumque describit pro more suo diligenter : radice (ait) nititur turbinata, vulgaris rapunculi modo, subnigriscenteque, à qua numerosæ oriuntur fibræ, adèò inuicem contextæ, vt speciem retis referant, tota planta pernecabilis admodum est : sed radix cæteris partibus atrocior, adeòt manu aliquandiù retenta, quousque concaleseat, tenentem perimat : De Musæi igitur Radice Napellica hæc erant peruestiganda : At obseruandum Auicennam primo scribere venenum esse perniciosum, & destruere bibentem se, mox veluti sui oblaturum Albaras, dixisse, curat linitum, & bibitum : Hic miras exclamationum, & accusationum turbas excitauit Leonardus Fuchsius : quomodo enim Venenum toxicum scilicet

S s s vel

vel cicuta (alterutrum enim existere putat Fuchsius) potu-
 deoratum delere Albaras potest, quæ Leuce est Græcorum,
 vitiligo Latinorum. ? Grammaticum Medicum appellavit
 Fuchsius Vallesius, & profectò sæpè verborum miras nu-
 gas, & lites excitat, quoniam parum fuit Philosophus, lin-
 guarum notitia satis ornatus; Tales vero sæpe se pro ma-
 gnis venditant Medicis, & elatum gerunt in alienis iudi-
 candis supercilium: sed profectò ad parua respicientes
 πᾶν ἀπορρίπτει aiebat Philosophus: Hos ergo motus animo-
 rum, atque hæc certamina tanta exigui pulveris iactu com-
 prime Lector optime, & secundo loco Auicenam existima-
 Napellum Moyse hoc est Anthoram intelligere, quod Viri
 doctissimi putarunt, quod ita vocatum est, vt ab altero ve-
 rè deleterio secernerent, hoc igitur ad Albaras delendas
 vititur Auicenna: Napelli vis adeò immanis, sæuaq; exi-
 stit (ait Mattheolus) vt nullis Antidotis occurrì possit,
 nisi quam primum, & statim succurratur, quod Aconitum
 fumentibus non euenit, quod historijs etiam quibusdam
 lectu dignis comprobatum voluit, sunt qui existiment.

NAPELLVM esse Aconitum *Θηλέγον*, quod, teste Plinio, &
 Theophrasto radix eius genitalibus omnium quadrupedum
 fœminini indita sexus mortem eodem die inferat, eoque
 modo dormientes vxores interemptas à Calphurnio Bestia
 memoriæ proditum esse, alij *Θηρίονον* volunt, quod feras si
 gustatur interimat: Alij Aconitum *Λυκόπτον*, & *Παρδαλίζον*
 esse volunt, illud Lupos, hoc Pardos interimere, idcirco
 ita nuncupatum, vtcumque sit speciem Aconiti esse non
 diffitetur Mattheolus: licet Auicenam interdum Cicutam
 interdum Toxicum (teste Fuchsius) per Napellum intelle-
 xerit.

Quæsitum est, si omnia in vsum hominum creata sunt, si nos
 rerum omnium finis sumus, vt & Aristoteles docuit, cur ve-
 nena condita? quid prodest homini tot venenorum pro-
 ventus à belluis, plantis, & metallicis proueniens?
 Respon-

Respondet Plinius noster, hoc commodum præstare venena, vt quoties homo vult, humanæ vitæ miserijs se se sponte vindicet, seruitutis iugo, crudeli fame, incurabili morbo, & intolerabili cruciatu: vni homini hoc priuilegium à natura tributū, brutis animantibus denegatum, sic ad libertatem facilis via: si pugnare non vis, licet fugere, nil facilius, quam mori, & naturæ renunciare: Sed iniussu Imperatoris de statione decedere non licet, nec Christianorum purissima religio id permittit, vt satis compertum est; Ratio igitur nobis tributa vt vtilia prosequamur, nocitura vitemus, nihil autem est absolutè malum, omnia enim certo sine condita sunt, at finis boni rationem habet: primario instituto omnia fecit bona ipsa natura, secundo contigit vt alicui sit malum, quod multis erat bonum, & fructuosum, sic Cicuta, & Elleborum homini venenum, at Capris adipes, & Coturnicibus auget, ait Lucretius, nihil ferè tam noxium, & venenosum, vt vita communis aliquam inde vtilitatem non percipiat, ex Viperis aduersus Viperas conficitur antidotum, quod venenis etiam omnibus præclare aduersatur, à Scorpio ictus ab eodem remedium petit, Elephanti epoto vino, in quod fortè Vipera irrepserat, ex Galeni testimonio feliciter curati sunt: Mithridates Pontici Rex epoto sæpè Mithridatio effecit, Toxica ne possent saua nocere sibi, vt ait Martialis: In eo etiam elucet Dei Optimi Maximi prouidentia, vt nullum vigeat venenum, cui suum Alexipharmacum non sit oppositum, vt Basilisci perniciosissimo veneno Mustellæ virus, adeo naturæ placuit, nihil esse sine pari, vt optimè obseruat Riolanus Gallus vir doctissimus, qui etiam illud ex Aëtio monuit, si quis succo rutæ syluestris manus illeuerit omnibus animantibus venenatis impunè manus admouebit, saluam hominis ieiunium ex Galeno, & Plinio Serpentibus Vipera, Scorpioni venenum esse: ex Auicenna terram frigidā dilutam statim assumptam post bibitum, vel admotum venenum commota aluo, & vomitu liberare: hinc orta superstitio, apud nonnullos etiam Medicos non omnino rides perducendi vulnera

ratum hominem ad locum, vbi ictus est, & de terra linea
 inclusa cum frigida aliquid exhibendi: Iam verò & illud
 quærent Mercurialis, & Riolanus, an venenum arte parari
 possit, quod vel stata hora, vel determinatis diebus interfi-
 ciat: lib. ix. de historia Plant. Theophrastus apertè hoc fa-
 tetur, cui & Galenus lib. de par. artis medicæ adstipulatur;
 verum & ratio non inualida, si enim Canis rabidi venenum
 per sex menses delitescit innoxium, aliquando per annum
 si Alberto, interdum per quadraginta annos, si Alpharabio
 credimus, quidni Ars ad Naturæ imitationem non compo-
 nat venena, quæ stato tempore duntaxat vim suam exerant?
 Sed profectò id sentiendum artem parare posse venenum,
 quod citius, vel tardius interimat vi veneni, & corporis
 cordisvè robore, atque habitu expensis, maior enim, & mi-
 nor subiecti resistentia, quantum ad id faciat norunt re-
 rum naturalium periti; sic & inter medicamenta Senna,
 & Agaricum tardius purgant, quàm Scammonium, & Co-
 locynthis; sic tardior, & inertior vis Cicutæ, atque Op-
 pij, quàm Arrenici, & Sublimati: Aspidem morsu Ietha-
 lem inferre somnum Auctores docent, hinc celerrimè, &
 indolenter enecare tradit Paulus Aegineta: eius propterea
 venenum delegit Cleopatra, ne in manus Cæsaris Octavianus
 veniret, idcirco somniculosam Aspidem Sisenna vocavit:
 Actiones porrò tempore stato, & definito institutæ à Pro-
 cressi, & consultatione proficiuntur, quæ venenis conque-
 nire non possunt: quocirca & Auicēna septica venena in
 tempore interficere, hoc est non certo temporis spatio, sed
 indefinito scripsit, quare & Theophrastus definitum tem-
 pus pro indefinito posuit, vel vulgi sententiam est sequu-
 tus, vt existimat Mercurialis: Iam verò quod inficiari vi-
 detur Riolanus venenum cor appetere, & eò rectè ferri,
 quoniam certa venena cum certis partibus occultas inimi-
 citias gerant, vt Cantharides cum Vesica, solanum mani-
 cum, & hoscyanus cum capite, lepus marinus cum pulmo-
 ne, aspis cum epate, profectò decipi tantum virum existi-
 mo, & potissimum cum addit præter institutum accideret
 vt vè;

vt venenata qualitas, cum aëre attracto se insinuet, dum arterijs dilatatis eum ad sui conseruationem allicit, non enim consulto, sed naturaliter agere venenum, nescireque radicalia vitæ principia esse in corde; omne quippè venenum, vt ex Galeno, Auicenna, & classicis quibusuis Medicis intelligimus præter manifestas facultates vim abditam, deleteriamq; obtinet, quæ perspicuam Antipathiam ad cor est sortita, quæ ex pulsu imbecillo, & paruo, sudore diaphretico, palpitatione, angore, deliquio animi, & alijs huiusmodi symptomatis percipitur, quare si Cantharides occidunt non læsa vesica primo, & per se, sed per Antipathiam ad cor id efficiunt: si enim non consulto, sed naturaliter ad vesicam tendunt, eamque lædunt, cur non magis cor cum veneni perniciosissimi rationem subeant: melior igitur Auicennæ sententia, omne venenum, quæ tale vitæ primordijs aduersari docentis, non secundum contrarietatem, (nam opus esset omnia venena esse frigida, & sicca repugnantia vitæ, quæ in calido, & humido sita est) sed secundum noxiam proprietatem.

Illud porrò hinc breui disceptationi de venenis pro Coronide adiectum volo; in curatione primum communia venenorum omnium remedia esse tentanda hoc est venenum vomitionibus educere, aut clystere per inferna deijcere, quæ fuit utilis Gorraei admonitio aduersus ex Triuio Medicos, qui ab Alexipharmacis temerè curationem auspicantur cum videant Nicandrum venena particularia hoc, vel illo remedio curare, verum cōmunia ille remedia supponit, vel Gorraeo teste, cuius elegantem, & vtilem præfationem de natura, & curatione venenorum perlegere (Lector optime) ne graueris.

Cæterum Virorum eruditorum ingenia fatigauit Galeni locus lib. v. de simpl. medic. vbi Alexiterium medicamentum medium, quoad fieri poterit, maxime esse debere inter corpus, quod curatur, & venenum lædens discretè docet, obseruan-

Exerc.
33.

seruandum ergo venena, vel primis agere qualitatibus, vt aqua frigida epota, qua primo hauſtu, meſſorem à meridia-
na tritura ſitibundum ſe vidiffè extinctum teſtatur Scaliger, ſic à Gypſo exugi totum cordis humidum, & proinde
deſiccatione interficere: vel ſecundis, vt Croco laxatur via
ſpiritibus ita, vt abeant, vel tertijs, vt Cantharides veſicæ
Lepus marinus pulmoni obſunt, vel vi occulta, quæ tota
ſubſtantia, vel proprietas ſpecifica dicitur: Tale eſt Scorpij
venenum: contraria medicamenta totidem modis aduerſari par eſt (ait Scaliger) primæ, ac ſecundæ qualitaris
medicamenta notiſſima ſunt; tertiæ vt Cantharidibus lac
potiſſimum Aſininum: quarti generis venenorum medicamenta
obſcuriſſima ſola ratione comprehenſa; in horum notitiã per veſtigia
venenorum tertij generis nos perducere ſubtiliter docet Scaliger: exempla erant eorum, quæ certis
membris afferunt perniciem, quare compoſita Alexiteria
eſſe debent ex ijs, quæ ad eaſdem deferant partes, & ex ijs, quæ
nocumentum auferant: Alexipharmacis igitur venenorum naturam
permiſtam Galenus voluit nos intelligere; idè mediam Theriacam
dixit eſſe inter corpus noſtrum, & venenum non inter medicamentum,
& venenum, in re fortè deceptus Scaliger ſua nimium fretus memoria:
Summopere tamen probandus quod à Criticorū argumeto Galenum
noſtrum tuetur, quo aiunt nihil eſſe medium inter duo verè contraria:
eos falli docet, quoniam cum Theriaca ſit ex veneno compoſita
viperarum nimirum carne, & ex ijs, quæ venenis repugnant,
ex duobus extremis natura medium factum arte: *Venenum ergo additum (ſubdit Vir doctiſſimus, & ſubtiliſſimus) vt peculiari ſimilitudine cognatum
venenum appeteret, cumque eo ſe ſe inuolueret, atque ei afferat id, quod
ipſum vel expelleret, vel extingueret: id quod à natura quoque in Smaragdo
factum prædicant, quemadmodum ex ijs colligere poſſumus, quæ ex ſuis
experientijs prodidit Auicenna: Hæc Scaliger longè melius philoſophatus
Valleſio, qui hunc Galeni locum expendens putat ſi Alexipharmaca eſſent à
venenis omninò aliena, & abhorrentia eorum uſum*

usum non fore tutiorem quam usum venenorum, & in Prophylactice, cum venena actu non sunt in corpore, tutò assumi non posse, hoc enim Ibericum est, & imaginarium, nam citrum Scorzonera Antiphthora, alia huiusmodi consimilia omnino sunt naturæ nostræ, & propriati cordis familiaria, nec ullam veneni qualitatem obtinent: Talis terra Lemnia, & Bolus Armenica, Mithridatum, & Theriaca, antequam Viperæ carnes adiungerentur, & Mithridates Rex sua usus Theriaca, sine Viperarum, aut alterius veneni permixtione, quæ ex sale, folijs rutæ, nucibus, & ficibus, ut multi credunt, constabat.

Cum Psillis, & Marfis non eam serpentum inimicitiam esse, quæ cum reliquo genere testatur magnus Fracastorius, lib. de Sympati. & Antip. siue sit mistio ijs, non omnino contraria, siue odor, siue aliud per quod species minùs accidit ingrata, quæ amicitia, & inimicitia inter homines quoque versatur, idèd alios sine causa odimus, alios amamus: Hanc sententiam carpit Scaliger, quoniam hoc pacto Marfi si naturam venenosam, & veluti serpentinam obtinerent cæteris hominibus nocerent; sed Satagensis Cacullus est; intelligit enim Fracast. misionem, & temperiem humorum non omnino aduersariam serpentibus: quamquam Problema ego reuera fabulosum existimo: nullo enim hodierno experimento eius veritas comprobatur: Agyrtarum potius commentum videtur, qui vino (ut ait Scaliger) ad bibendum exhibitò, in quo inspuerint ipsi prius, translatam eo potu vim predicant: Sed de his satis superque pro institutioni nostri ratione.

CHAMÆ-



HAMÆLEONIS albi, & nigri radices, quæ in Musæo repositæ conspiciuntur, præclare à Dioscoride (sicuti & totâ Plantam) descriptas legimus: Album idè Ixiam aliqui vocauere, quod quibusdam in locis Visum circa radicem inueniatur, quo pro Mastiche (ait) vtuntur mulieres: mox folia, flores, & semen describit. Radicem porrò in lætis collibus, crassam, in montosis verò graciliorem in profundo albam, aliquatenus anomaticam, graui odore, dulcem esse profertur. Lacertam, vel minori Cocodrilo simile animal humilem, & veluti per terram serpentem Leonem, id enim est *καμαίλεων*, vocarunt Græci, de quo Plinius fusè, ab hoc animali traductum nomen ad significandam herbam ob eundem mutationis euentum, vt enim animal id colorem mutat oculis, cauda, & toto corpore, eumque reddit, quem proxime attingit præter rubrum, & candidum, quamuis aliqui solum candidum (teste Marcello Virgilio) exceptum velint, pariter & herba isthæc cum terra colores mutat hic nigra, illic viridis, alibi cyanea, alibi crocea, atq; alijs coloribus: *ευγείοις γεωλόφοις* apud Dioscoride vertit Marcellum pingui & campestri solo: rectius Ruellius lætis collibus, nam *γεωλόφον* vocabulum lobum terræ notat, qui collis existit: Acetabuli pondere pota *ἀγρί ἐλμινδα πλατείαν* lumbricum latum ducit, vel pellit; ventris vocem temerè adiecit Marcellus: interaneorum vox melior à Ruellio adiecta, non enim in ventre necessario gignuntur lumbrici, sed in locis excrementorum qualia sunt crassiora intestina; venter lotus est coctioni dicatus, in quem nonnisi malè affectum, vel copiosa pituita confectum non ascendunt lumbrici, & in eo procreantur, sumitur verò radix cum vino austero, & origani decocto *ἀποζέματος*, qua vocem cur succum origani feruefacti vertit Ruellius, non video: *ἀποζέμα* enim decoctio est (vel potius liquor efferuescens, nam decoctum alia voce exprimitur) non succus, qui *χύλος*, vel *χύμος*, nec ritè radicem illam succo Origani mistam propinarit Medicus, cui ægrotum

agrorum proposita sit in assumendis medicamentis facilitas, & insuauitatis vitandæ scopus cum mitiori medicamento depelli facilè morbus valeat. Contra difficultatem Vrinæ etiam eius radicis *ἀπὸ λυγρῆς* exhibet Dioscorides, decoctum vertunt, & propriè mea sententia, cum verò ea vox differat ab apozemate: infusum verterem, vel efferuescentiam liquoris, quasi sine expressione intelligatur *ἀπὸ λυγρῆς* quando simpliciter in aqua efferuescit Origanum: *ἀπὸ λυγρῆς* verò cum decoquitur, & simul exprimitur.

DE Chamæleone porrò nigro scribit Dioscorides radicem eius esse crassam, nigram, densam, interdum exesam, *ἡλερωμένην*, quæ disiecta flavescit, mordetq; commanducata: fuluo colore videri: reddit Marcellus, sed vox *ὑπόλευκος* à Ruellio melius exprimitur, *λευκὸν* enim flauum existit, optimum indè confici medicamentum ob abigendam scabiem addito exiguo Chalcantho cedrino oleo, & exungia, Phagædenas, & fera vlcera, emplastri modò imposita, *ἀνακινύουσα* *ἡλερωμένην* ad mitiorem habitum transferens sanat, sic Marcellus, illitu sanat Ruellius, sed ieiunè nimis, nec fideliter, cum vocem illam priorem omittat, est enim *ἀνακινύουσα* transmutare, quam vocem ritè percipere valdè conducit ad refutandum illorum vlcerum curationem: ridiculè Barbarus, confutando fieri, secutus Rethoricum vocis *ἀνακινύουσα* sensum, quæ apud Rhetores confutato est. Sæpè dixi iterum, atq; iterum repeto; non posse benè intelligi, & vertit Dioscoridem, nisi à Viro Medico Artis usu, & disciplina instructissimo: Galenus hanc radicem noxiam intus, exterius duntaxat medicamentis adiiciendam existimat: at cum à nonnullis Raphani instar in Acetarijs copiosè edatur, propterea non esse Galeni nigri Chamæleonis radicem putarunt, vt scribit doctissimus Mattheolus: Sed facilè is respondet: ex mutatione Cœli, & Soli potuisse esculentam reddi huiusmodi radicem, sicuti Persea in Ægyptum translata: Sic Arum Cyrenis rapi instar comedi, in Græcia, & Italia, adèd esse acre, vt nec coctum, nec crudū edi valeat, sic Colchicum Ephemerum innoxie pro Hermodactilis in Italia,

T t t

licet

licet temerè, à Medicis sumi : Persea Arboris mentio admonuit me, vt obiter ex magni Scaligeri testimonio errore abstergam, quo multos obstinatos Physicos imbutos deprehendi ex eorum genere, qui sprete bonorum auctorum lectione præ quadam animi inertia ex proprio ingenio, & mente philosophantur, atque aliena etiam dogmata, elato supercilio iudicant: Istos pro vna arbore Perseam, & Persicum Arborem accipiunt recentato triuialium errore, vt facetè obijcit Scaliger, quasi Persicus venenata fuerit prius, mox in Ægypto, vel Palestina μεταφυτευμένη, quasi dixeris transplantata innoxia, & esculenta sit reddita. Etenim ex lib. ij. de Compos. κατὰ τόπους satis liquet Galenum in Alexandria tantum Perseam vidisse, quo tempore in Græcia, & in Italia Persicus erat plurima. Sed & Plinius apertò bello eorum inscitiam oppugnat, & Dioscorides ipse, qui Perseæ, & Persici, tamquam duarum arborum fructus meminit, vtrumque ventriculo commodum dicatans: Subdit mox Scaliger, cuius aureum præceptum ab istis morosis Disputatoribus memoriæ mandari velim; Pulchros verò Dialecticos in secunda figura duobus affirmatiuis; Subdit ἀποδείξεις, quæ vnam τέκμαρσιν accipiant pro eo, quod esse debet ἴδιον κυρίως, καὶ ὅλως, καὶ αὐτὸ per se, de omni, quatenus ipsum scilicet vt scholæ loquuntur, hic profectò est ille perniciosus paralogismus, qui obstinatos hæreticos, rudes Botánicos, Telesios, Argenterios, Fernelios ingenij vanitate, & perniciosa ambitione corruptos in nodos inextricabiles perduxit, dum à subitario, & leui experimento ad vniuersale ipsum argumentantur, qui grauiissimus error est à nobis alibi diligenter perstrictus: Fernelium excipio, vbi veteri doctrinæ non est contrarius.

Theophrasti de vtroque Chamæleone recitat verba Matthæi ex lib. ix. de Plant. historia, quibus haud valdè differtire à Dioscoride videtur: illud non oscitanter à curiosis prætereundum: si hominem ægrotantem experiri volueris an viuere possit, lauandum ea radice triduò iubent; hoc enim si tolerauerit, moriturum nequaquam existimant; occi-

occidere Canes; & Sues, Canes in farina hordacea subacta, cum aqua, & oleo, Sues cum Brassica: Addit Mattheolus Viscum, quod Ixiam vocant, in radice albi Chamæleonis nascens venenum esse mortiferum, tametsi ex eo tantillum assumptum ex somniculoso vigilem reddat, idcirco Creten- ses mulieres ne in opere à somno corripiantur, modicum ex eo à Cœna nullo incommodo assumere: De eo intellexisse nostratem Plinium, cum aliquod remedium contra assumptum Viscum profert.



HERBAM PARIS vulgò nuncupatam, non esse Aconitum. Pardalianchem contra Fuch- sium contendit Mattheolus, vno constat Caule, rotundo, duorum palmorum altitu- dine (vt ipse producta figura ostendit) è cuius medio quatuor erumpunt folia, eodem ambitu, Crucis instar patentia. Sanguineæ

Virgæ simillima, alia præterea quatuor eodem modo pro- deunt propè Caulis summitatem, sed hæc minima sunt, & longiuscula, in quorum medio purpureus, vinosusque ex- tat globulus acino vuae similis, in quo semen concluditur al- bum, & minutum, copiosumque halicacabi modo: Radix, quæ illi subest, tenuis in capillares ferè particulas dissecta pallefcit, semen contra veneficia præstantissimum medica- mentum, quod peritorum Physicorum testimonio confirmat, eius puluere ad xx. vsque diem hausto drachmæ pondere: ita sedulò omnia prosequitur Mattheolus, cui tamquam primo rei herbariæ suo tempore illustratori summæ ab om- nibus habendæ gratiæ.



DE VERRVCARIA herba, quam Cichorium Verrucarium vocat Mattheolus, non possum, nisi verbis eius Viri celeberrimi aliquid lit- teris mandare, qui licet aliquando ob sum- mam modestiam, atque ingenuum candorem, (quo præditus erat) se commentarios illos in

Dioscoridem concinnasse sit professus in gratiam rudium Pharmacopolarum non emunctæ naris virorum, ut obiecit Guilandinus acer eius aduersarius, tamen quoniam primus faciem prætulit herbariæ rei in densissimis Arabum scriptorum tenebris sepultæ, nec posteriores quicquam eo melius attulerunt præter phaleratas nugas, & vanissimas de nominibus contentiones, magnæ ei gratiæ habendæ, & tamquã à seniore istarum rerum præceptore multa (ut aliàs libenter fecimus) perdiscenda: Is igitur lib. ij. Commentariorum hæc habet: Est & alia Cichoracei generis Planta, quam quidam Zacintham vocauere, nobis autem ab effectu Cichorium Verrucarium appellare libuit, Radice hæc nititur rapunculi figura, subnigricante colore, adnatis circumquaque capillaceis fibris. Folia habet Cichorij, verum paulo asperiora. Caules edit cubitales, & quandoque maiores, tenues, asperiusculosque, in quorum summitatibus flores oriuntur aurei Cichoracea specie, quibus flacciscentibus semen remanet subnigrum capituli instar, circumquaque secundum longitudinem testis melopeponis modo. Mira huius plantæ facultas est ad tollendas verrucas, siquidem scimus nos nonnullos, quorum manus Verrucis admodum numerosis scatebant sanatos esse deuoratis semel tantum in Acetario huius Cichoreæ Plantæ folijs: idem præstat eius semen, drachmæ pondere tribus diebus deuoratum dum se cubitum recipiunt Verrucosi: Hoc velim acceptum referant rei plantariæ studiosi FRANCISCO CALCEOLARIO Pharmacopæo Veronensi, qui Plantam ad me vnâ cum facultatibus misit, quo luculento testimonio facillè intelligitur quanto studio, & honore Calceolarium Seniore Viri sequutus, cum non solum herbæ huius notitiam, quæ ad illius professionem pertinebat, sed etiam facultatem Verrucas abigendi se à Calceolario accepisse ingenuè fateatur.



LYSSVM (Dioscoride teste) fruticosa her-
 bula est, vnicaulis rotundis folijs, fructu du-
 plicium scutorum effigie, in quo est semen.
 quadantenus latum; in montibus, & aspe-
 ris locis emicat, eius decoctum singultus si-
 ne febre, potu discutit: non esse Rubiam,
 minorem à Plinio descriptam: nec Hera-
 cleam Syderitim Aërij, nec herbam Marrubio similem Ga-
 leni, nec sylvestrem Cannabim Ruellij Mattheolus conten-
 dit, cum istæ herbæ ad normam, & præscriptum descriptio-
 nis Dioscoridis non respondeant; ipse quæ nam sit non au-
 det asseuerare, licet multas herbas à peritis herbarijs sibi
 transmissas haberet, quæ cum legitimum Alyssum non re-
 ferrent, potius silentio suppressere, quam appingere voluit:
 Sed fortè non legerat, quæ scripsit Clarissimus Fracastorius
 lib. iij. de curat. morb. contag. cap. ix. de curatione rabi-
 dorum, quo loco (vt erat etiam plantarum cognatione op-
 time instructus) cum recensuisset plures Syderitidis species
 hortensem nempe odoratam, quæ herba Sancti Ioannis dici-
 tur, pratensem, quæ propriè Sclarea vocatur: nemoralem,
 floribus exalbidis subpallentibus postremò Montanam Sy-
 deritim, quam ait esse in totum pratensi similem, nisi quod
 folia rotunda gerit, & verticilla minora, in quibus flore
 abiecto semina sunt in inuolucro bina, ceu scutula: Mulie-
 res hanc & in hortis serunt, ac Betonicam falso nomine ap-
 pellant, hanc ergò opinandum est fortassè Dioscoridi pri-
 mum, mox Galeno, & alijs fuisse Alyssum, quæ & Syderi-
 tis quædam est, non ea tamen, quæ simpliciter Heraclea
 intelligitur à Dioscoride, quam pratensem diximus: Quic-
 quid igitur de Alyssio sit, non errabunt iudicio nostro, & qui
 minorem Rubiam, vel contusam, vel ex aceto potam exhi-
 bebunt in rabie, quando & contra serpentes valet, nec illi
 pariter, qui Syderitem, quoniam & illa mire desiccatur.
 Hæc magnus Fracastorius, vt erat iudicij maturitate, &
 acumine, tum Crititijs sensus, & mentis mirificè natura,
 & studio instructissimus: Alysson dicitur quoniam sine
 rabie

rabie hominem faciat *Λυσσών* enim rabire est, Arabes *Alguasce*m appellant; Consideranda verò Dioscoridis verba *Ἀλυσσὸν φρυγάνιον* in Marcellus, exiguus frutex *Alysson*: Ruellius fruticosa herbula est, ambo malè: *φρύγανον* enim latinè cremium, Gaza nouam fecit dictionem suffrutex, *φρυγάνιον* ergo cremiolum, vel suffutriculum, si dicere liceret hoc est exile, & paruum cremium: Quatuor enim vulgata stirpium genera ex Aristotele, & Theophrasto, Arbor, frutex, cremium, herba; Canum rabiem sanare contusum, & in cibo datum *Alyssum* docet Dioscorides *καὶ ἀνθρώποις, καὶ ζώοις ἀβύσσαντον*, hominibus, & animalibus fascini Amuletum Ruellius, fascinationes auertere ab hominibus, & pecore, omni Marcellus, quæ interpretatio vocem Græcam expressius reddit, Vt cumque res sese habeat, Platonici amuletis istis multum tribuisse videntur Pythagoreorum superstitionibus irretiti, Ad figuras etiam, numeros, & characteres scriptos, & ad prolata verba credulitatem suam extenderunt, quibus inesse vim beneficam, & maleficam, vel ex vi cœlitus communicata, vel ex prerogatiua animæ rationalis sibi persuaserant: Primam enim figuram, & nobilissimam esse cœlum, ergo maximè actiuam, & efficacem: primam inter physicas formas animam rationis compotem, eius primarium effectum esse sermonem internum, exteriorum, tum characteribus obsignatum: Verum profectò huiusmodi amuleta si herbarum quarundam vires physicas exceperis, vt Hyperici, *Alyssi*, *Pœonia*, similium, omnia videntur superstitiosa, & magicis Dæmonum pactis expressis, & tacitis addicta: omnis actio à forma, aut qualitate physica emanat: at quantitas nullam habet agendi vim: Figura, numerus, oratio nullam agendi vim obtinēt, quia quantitates existunt: qua ratione apodectica, & valida vsus etiam Io. Picus contra Astrologos, vt à figura, positu, & situ Astrorum, quæ Constellationes appellant, nullam in hæc inferiora prodire Actionem, aut vim efficacem ostenderet, & plenè conuinceret.

Hinc

Hinc Catholica Ecclesia Romana Fidei columnen, & orthodoxæ Veritatis basis magica hæc amuleta, tamque vi, & opera cacadæmonum operentur, vitanda constituit, ne Fideles in dæmonis retia, veluti aliud agentes, sese coniicerent: Peripatetici ob rationem allatam vt ludicra, & inania omnino reiiciunt. Pericles (vt ex Theophrasto Plutarchus refert) cum ex graui morbo conualesceret, & ab amicis interrogaretur, quàm grauitè, & molestè ab eo morbo fuisset conflictatus, ad eos conuersus, quæ ab Agyrtis, & circulatoribus collo appensa fuerant amuleta, & varia ^{επιταγὰς} ostendit, hoc subdens magnam hinc potestis conijcere fuisse morbi sæuitiam, qui dimidium mentis eripuerit, nam si compos fuisset mentis, numquam tales quisquillas admissem: Vox mehercle tanto Duce, & sapiente Oratore dignissima. Solæ enim mulierculæ, & rudis plebecula his nugis fidem præstant, immò obseruat acutè Riolanus Vir doctissimus (cuius caput xvi. comment. de abditis rerum causis diligenter perlegendum) Agyrtas, qui plusculum, sapiunt ad morbos acutissimos amuletis non vti vt Tetanum, Choleram, Apoplexiam, Scyrrhum, sed ad affectus acutos, sed boni moris, & per se interdum curabiles. Cæterum Galenus noster, qui Platonis dogmatum fuit studiosissimus ab usu verborum, & characterum non videtur incurandis morbis abhorruisse, nam Alexander Trallianus videtur eius librum legisse de occultis rerum proprietatibus, quem in libris de simpl. medicam. pollicetur, licet nobis liber iniuria temporum perierit, in eo incantationem Homericam probasse dicitur, qua fingitur in Odyssæa Vlissi repressum esse sanguinem verbis ab Autolici Filijs, ita ergo Trallianus lib. ix. Iustum est omnibus modis morborum, depulsionem tentare, nam diuinissimus Galenus, qui Iunior ne esse quidem incantationes crediderat experientia, & rerum usu doctior, tandem magnas eis inesse vires deprehendi. Riolanus doctissimus inter remedia occulta, ad frangendum lapidem, nullum par esse annulo ex ære Cyprio confecto palàm profitetur, & de Alyssò Dioscorides: Domibus

mibus appensa, ait, salutaris esse creditur, quæ nobis verba ansam præbuerunt, ut dissertatiunculam hanc de Amuletis in Alyssi descriptione interponeremus: Qualis porro planta sit, si cuiusquam præferenda sententia est, Fracastorij Montanam Syderitim esse putarim, quo pacto etiam Galeni sententia ij. lib. de Antidotis facillimè conciliatur: Quod verò Riolanus quasi irridere Galenum videtur, quod Platoniorum figmentis manus dederit, partim laudandus, quoniam ob demonstrationem allatam nulla vis est orationi, figuris, numeris, & caracteribus, partim improbandus, nam Galenus publici boni studiosissimus, nihil intentatum præmittere voluit, quod ad depellendos morbos faceret: Nos Christi præceptis, & orthodoxæ pietatis decretis eruditi superstitiones omnes ablegandas Platoniorum, & Ficini, & si quis alius est deterioris notæ Auctor censemus: Herbarum, lapillorum, metallicorum vires physicas à classicis exploratas, & decantatas Auctoribus duntaxat recipiendas profiteamur: Veri enim effectus à formis physicis deriuant, vnde verissima, & constans amuletorum ratio petenda. Optasset Vir Clarissimus Iulius Recalchus primarius Medicinæ practicæ Ferrariæ Lector mei amantissimus in aureis commentarijs de similarium corporum natura, quos mihi superiore mense donavit, ut Galenus Physicam Aristotelis, non Platonis arti medicæ substruxisset, ut eius verbis utar; hinc enim multam difficultatem, & errores multiplices in Artem esse inuectos, sed optarim ego etiam Virum doctissimum considerare maximum Dialecticum fuisse Galenum, & criticum sensus, & rationis elaboratissimum obtinuisse, quorum præsidio subnixus propositiones, & enunciationes demonstrationis Medicæ semper per se, de omni, & quatenus ipsum excogitare, & efficere pro virili conatus est; si de demonstratione libri extarent nobis id facillè constaret: De usu, & actione partium corporis præclarissimi, & fructuosissimi libri id satis emunctæ naris Viris, & Medicis ostendunt; in quarum partium usu afferendo sapissime Aristoteles lapsus ridiculum se Philosophum præbuit, quis

quis enim ipsum ferat de cerebri, lienis, testium usu, & actione differentem? de cordis motus causis, & pulmonum? cum igitur is anatomicæ *autographas* inspectionis scilicet & disciplinæ fuerit imperitus: Galenus ipsum deferere in hac solum philosophiæ parte, & Platoni in Timæo veræ doctrinæ semina iacenti se addicere est coactus: Dialectica parca naturalia vocata, libri Meteorum, lib. de ortu, & interitu potissimum Medicinæ nostræ substruantur: libri de generatione animæ, & de partibus, alijque huiusmodi cum delectu legendi: cum in multis Platonis Timæus ipsis præferendus videatur: hæc mea sententia est, nec tamē quid alij sentire debeant, præscribo, cum iudicia libera esse debeant.



VINCETOXICVM non esse Asclepiadam herbam à Dioscoride memoratam eruditè, & solidè probat Mattheolus aduersus Fuchium: quoniam illius tum folia, tum radices nullo odore commendantur: flores virus nullum redolent, nec semen est Securidacæ simile: præterea ex Oribasij sententia Asclepias folia longa non profert: at Vincetoxicum folijs provenit laurinis in cacumine acutioribus, firmis, leuib, caulibus pluribus, lentis, viridibus, circa quos folia per intervalla vtrinque bina spectantur, flores edit tenues ex pallido albescentes, radicibus nititur numerosis in gyrum se circumquaq; fundentibus: Radices excalfaciunt, & siccant ordine primo, digerunt, aperiunt, resoluunt, vis ei magna aduersus omnia venena, vnde illi nomen, Demorsis à canerabido vtiliter præbentur diebus xl. continuis sequidrachmæ pondere ex Cardui benedicti decocto; bibuntur quoq; quotidie ex vino aduersus pestilentia contagia: Hæc eruditè, & prudenter Mattheolus, quæ apud ipsum fufius exposita leges lib. iij. Comment. cap. de Asclepiade.



ARISTOLOCHIAE nomen Grauidas dedisse Plinius testatur, quem locum exagitat Matheolus: hallucinatum esse Plinium nostratem Auctorem doctissimum clamat, & greci sermonis fuisse ignarum, cum non ab vterogentibus, sed à puerperis id nomen sibi compararit, Dioscoride teste, addit ad remorantes à partu secundas, & ciendos menses commendari; idcirco grauidis valde nocituram in eiiciendo fetu: Verum pace tanti Viri facile tueri Plinij auctoritatē hac in re possumus, qui non ab vteri gestione dictam Aristolochiam profitetur, sed Grauidas nomen dedisse, quoniā ^{επὶ τῷ ἀρσενίῳ} esset optima scilicet puerperijs, ex effectu ergo perutili, quem expertae essent mulieres parientes nomen herbae Inditum docet Plinius, ita elegans nominis Etyymum ex consensu mulierum herbam hancce expertarum depromptum existimauit, non igitur quatenus Grauidae nomen dederunt, sed quatenus pariturę sic nominarunt, perinde ac si quis dicerat Medicos nomen tribuisse Panaceae, quoniam omnium morborum esset medela, Vincetoxico, quoniā omne genus venenorum superaret: Hanc meam veterem pro Plinij defensione sententiam vidi postmodum à doctissimo Petro Victorio sexto libro variarum lect. si non clarè exponi, quodtem innui: Dum verò Ciceronem arguit Victorius, quod libro primo de diuinatione scribat Aristolochiam ab inuentore nomen, & inuentorem ipsam herbam ex Somnio reperisse, vt memoria lapsus, & vnam pro alia herbam accepisse videatur, facile ipsum tueri possumus auctoritate Graeci Nicandri interpretis, qui in Theriacis Aristolochię mentionem cum fecisset, interpret ille ait, ^{ταύτην δὲ φασὶν Ἀριστολόχιαν γὰρ γυναικας ἐκτρέφειν}, idest hanc (ait Aristoteles) mulierem inuenisse: fieri ergo potuit, vt mulieri inuentrici Aristolochia nomen fuerit, & Somnio herbam inuenerit, quae fuerit Aristotelis sententia: sed dimissa questione de nomine, sciendum est rotundam Aristolochiam esse efficaciorē, & tenuiorem longa: Ex Galeni sententia magis abstergere, & digerere: idcirco longam rotundae substitui: sub Aristolochię porro

porrò tenuis nomine Clematitim ab Andromacho, & Galeno accipi: Vim purgatoriam adscripsit Aristolochiæ Mesues, quod Dioscorides, & Galenus non videntur obseruasse, pituitosos enim humores per inferna ducit, & ex nonnullorum sententia etiam biliosos, Pulmones, & pectoris vasa ab humorum infarctu, & lentore validè expurgat, hinc maximum Asthmaticis afferre præsidium credita. Existimarunt nonnulli ex eruditis amicis nostris herbam illam, fuisse Aristolochiam, quæ iuxta pedes statuæ virilis imaginis, quæ CHRISTVM Dominum referebat, quæve Cæsareæ Philippi, teste Eusebio lib. vij. Ecclesiasticæ historiæ erecta fuit, miraculi monumentū, quo à duodecim annorum sanguinis profluuiο liberata est mulier solo tactu vestis IESV Domini nostri: vna quippè erat statua CHRISTI salutem dantis, altera mulieris supplicantis: ignotum ergo herbæ genus ad pedes, ad manum, & ad fimbriam, vsq; excrescēs, cuiuscumque morbi medelam fuisse, sed Aristolochia esse non potuit, quia hæc aperire, & egerere τὰς λοχίας existimata, & mulier illa (cuius rei monumentum statua,) immodicè fluentem sanguinem sistere opus habebat, verisimile autem est iuxta pedes statuæ CHRISTI herbam tali facultate præditam adnatam fuisse: neque licet de Historiæ fide dubitare (ait Marsilius Cagnatus) quoniam totam, vt apud Eusebium legitur, Sancta Nicæna secunda Synodus aduersus Iconoclastas ex litteris Germani Episcopi Constantinopolitani, cum approbatione commemorauit. Verum & Plinius nostras lib. xxiij. scribit herbam in capite statuæ natam, collectamq; alicuius in vestis panno, & alligatam in lino russo dolorem capitis confestim sedare traditum esse; hinc iuremeritò sequi oportuit, si qua in pedibus statuarum planta nascatur, eam podagræ, & reliquis pedum morbis remedio esse, ait Cagnatus, Ciuis noster quem honoris causa nominatum volo.

Lib. 3.
var. obs.



DE Macedonico PETROSELINO nec de-
 beo, nec possum aliud literis tradere, quam
 quod scriptum est ab accuratis. Mattheolo:
 sed prius Dioscoridis sententia, & verba af-
 ferenda: Petroselinum in Macedonia pro-
 uenit in præruptis locis, semine amij, odo-
 ratiore, sapore acri, aroma olente: Vrinam
 cit, & menstrua, contra coli, & stomachi inflationes, & tor-
 mina prodest: Laterum, renum, & vesicæ doloribus in po-
 tu subuenit, admiscetur antidotis lotium cientibus: Præ-
 stiterat profectò tam egregiam, & fructuosam Plantam.
 soli Italici non esse expertem, vt eius facultatum vsu locu-
 pletaretur Medicina. Ita ergo de eo Mattheolus Mace-
 donicum Petroselinum, & si antehac in Italia haud cogni-
 tum fuit, factum est tamen quorundam diligentia, vt peti-
 to è Macedonia semine, iam quibusdam nostris habeatur
 in hortis: Huius copiam primum mihi fecit Iacobus An-
 tonius Cortusus Patritius Patauinus, cuius liberalitate
 complures cum peregrinas, tum raras sum consequu-
 tus plantas: exit itaque Macedonicum Petroselinum, folijs
 vulgari, seu aquatico Apio similibus, sed minoribus Caule
 crasso ramoso frequentibus alarum cavitatibus, floribus al-
 bis semine hortensi Petroselino, haud absimili, odorato, ama-
 rescente: Quamobrem aberrant toto cœlo, qui vulgare
 nostrum Petroselinum nihil à Macedonico differre conten-
 dunt, sua tantum auctoritate ne dicam temeritate nixi.
 Hæc Mattheolus: Sed nec Marcelli Virgilij verba ex suo
 Commentario prætereunda: cum ait: Indicat vox ipsa in
 petris, ac saxis natum apium Petroselinum à Grecis quon-
 dam dictum fratre, hic tantum in Macedonia natale solum
 illi assignat: Palladius in latinis nihil aliud de eo, quam
 locis asperis maxime prouenire ait, nec nos credimus alia,
 quam natalium ratione à satiuo differre: Mederi inter
 cætera saxatile apium, quod colon dicunt inflationibus hic
 Auctor ait, non totum, nec ex quacumque causa factam
 colicam affectionem intelligens, sed quæ priuatim ex crasso,
 & quali

& quali peditu efflatur non transeunte illac spiritu, sape-
fit; hæc ille: cuius Viri doctissimi coniecturæ non sunt
spernendæ: Satiuum veterum apium esse vulgare nostrum
Petroselinum hortis nostris perfamiliale conueniunt Bota-
nici omnes illustriores de quo lib. xx. Plinius noster ciuis:
Apio gratia vulgo est, namque rami largis portionibus per-
iura iannant, & in condimentis peculiarem gratiam ha-
bent, & Galeni lib. ij. de alim. facult. Apium inter cætera
(ait) familiarissimum est, & ori, stomachoq; gratissimum.



SEELI multiplex Dioscoridi Missiliense,
Æthiopicum Peloponnense, Creticum:
Siler montanum officinæ vocitant: Missili-
ensi maior videtur adscripta dignitas, &
prærogatiua, folia fœniculi habet, crassio-
ra, caulem vegetiorem: Umbella Anethi,
in qua semen oblongum, angulosum, degu-
stanti acre; Radix longa est, iucundi odoris: semen, &
radix excalfaciendi vim habet, hæc Dioscorides, & quæ
sequuntur ad eius vires explicandas pertinentia: Cōtrā per-
fritiones (subdit mox) in itineribus cum pipere, & vino
bibitur: capris, cæterisq; pecudibus datur in potu, quod fa-
cilis suos fœtus enitantur. Quo loco obseruandum a The-
ophrasto Anochi mentionem fieri, quo capre curentur cum
Euonymi arboris fructus, & folia comederint, quid porro
fuerit Theophrasto *ἀνόχος* Anochus an simplex planta, an
compositum medicamentum diu quæsiui à Viris doctis, &
rei herbariæ, & Theophrasti studiosis, quin & à Gaspare
Bauhino Basiliensi Professore percelebri: coniecturas tan-
tum attulerunt, nihil certi, & explorati adducens: Miror
Gazam, & Scaligerum alto silentio hoc præterijisse, quorum
intererat scholijs, & explicationibus rem obscuram illustra-
re; Viros igitur candidos, & eruditos oratos velim, vt
quod sit Anochus diligenter inuestigent, & literis prodant,
vtque eorum industriam litterariam vberius exacuam, quod
Boc-

de hist.
plant. c.
post.

Bocchus Lydiæ Rex in Virgiliano Culice memoratus, quid Onogyrus Nicandri, quid Pharicum venenum fuerit simul perquirant rogo, & exploratè certis testibus, & auctorum probatorum fide, non per coniecturarum nubes doceant.

De Pharico tamen legenda coniectura Hermolai primo lib. collarij cap. vj. vbi scribit quosdam omnem vsum Nardi abdicare ob ancipitem ex ea Medicinam, propterea quod in Nardo quiddam veneni delibutorij vna nasci ferant, è quo Pisum illud vocatum Indi conficiunt exitiale non potu modo, sed in sudore corporibus appositum; tum subdit fortassisq; hoc sit, aut non dissimile, quod Pharicon à Dioscoride, ac Plinio, Phariacon ab Athenæo dicitur, gustu Nardi omnino, sed resolutionem faciens neruorum cum alienatione mentis, atq; spasmo: aduersari huic veneno maxime Cydoniam Philarchum proderet.

Redeo ad Sefelim, quam herbam Aristoteles lib. ix. de Historia anim. Ceras statim à partu petere, & cum eam ederint, ad prolem redire tradidit: Verum & à Medicis Galenus audiendus, qui lib. viij. de simpl. med. Sefelis semen, & radicem vsque admodum excofacere scripsit, vt admodum vrinam mouere queat, medicamentum etiam esse tenuium partium vt & comitiali morbo, & orthopneæ conueniat.



DAVCVM Creticum egregiè describit Dioscorides, folijs fœniculo simile, minoribus, & tenuioribus, Caule Dodrantili Umbellæ Ceriandri, flore albo, semine acri, radice digitali crassitudine: Aliud genus syluestri Apio simile: Tertium assignatur genus folijs Coriandri, floribus albis, capite, & semine Anethi, probatissimum Creticum, omnium semen excofacit potum, vrinam, menses, & partus extrahit: Descriptionem plantæ, & facultates alias plenius apud Dioscoridè leges, neque enim ætium agere; atque huc omnia tran-

transfere par est. Illa Dioscoridis verba obseruanda: Seminis duntaxat in alijs generibus inualuit vsus, in Cretico etiam radicis, quæ maxime contra venenatorum iniuriã in vino bibitur. Præter alia addit Plinius nostras contusis, & euerfis potum duobus obolis in Mulsi cyathis tribus subuenire, aut si febris adsit in aqua Mulsæ: calculos eijcere: Folia omnia tela corpori infixæ extrahere: Galenus monet efficax esse medicamentum ad mouendam vrinam, & prouocandos menses: foris impositum multum discutere, eam vim herbam habere, sed semine inferiorem, nimirum ob aqueæ humiditatis misturam; Aqueam hanc Dauci temperiem, & naturam perstrinxit doctissimus Scaliger in Comment. Theophr. de causis plant. cap. xxvj. libr. primi, cum enim effatum Theophrasti attulisset: plantarum nempe principia quibus procreantur, & perficiuntur, alia esse interna, qualitates scilicet primas, alia externa, Aërem scilicet, & locum, subdit harum causarum alias sensu percipi, vt densitatem, & humiditatem, alias sola ratione deprehendi, vt calorem, & frigus, non enim humidissimas plantas esse fecundissimas, neque plus fert (inquit) Spinachia seminis, quam Myrrhis, aut Daucus, & affines sunt natura.



M E V M legitimum ex præscripto Mattheoli Botanicorum, qui scripserunt, accuratissimo in Musæo ostenditur, Radicibus nigricantibus in obliquum, rectumq; sparsis longis, tenuibus, odoratis, acris, folijs Anethi, Caule bicubitali; quas notas legitimi esse Mei, omnes rei herbariæ scriptores videntur inter se conuenire, vt docet Mattheolus, qui tamē ambigit, an hæc herba descripta, & à recentioribus pro Meo usurpata sit verum Meum, cum radices non valde odoratas obtrineat, quia potius quoquopacto grauiter oleant, nec renues cernantur, vt vult Dioscorides, nec folia Anetho, sed potius Asparago similia ferat; Hanc Apuli Imperatricem

cem vocant, & ad venenosorum Serpentum morsus præferunt, vsque ad Plinij nostratis æuum peregrinam fuisse in Italia Plantam ex eo conijcimus, quod non seri Meum nicea, nisi à Medicis, ijsq; admodum paucis scribat, sed quod ei folia Anyso similia adscribat, non Anetho ex præscripto Dioscoridis, vtrum similitudine deceptum Plinium putat Mattheolus: Athamanticum vocatum, nobilius, & efficacius putatur, quod ab Athamante Aeoli filio fortè inuentum sit, vel quod præstantissimū in Achamante Phthioridis proueniat? Tametsi radices tantum in vsum medicum viderentur, semen nihilominus viribus suis non caret: Botanicos porro illos, & Plinium tueri possumus, quoniā vt Theophrastus, Aristoteles, & Dioscorides (magnorū virorū Triumviratus) docet in humectis, & caliginosis locis plantarum partes & crassiores, & minus odoratæ procreantur, contra in montanis, & siccioribus regionibus, & magis exustis, quare & Mei radices in Italia loco humidiori, quam in Græcia, vel Hispania, vel Macedonia prognatæ, nec adeo tenues, & grauiori odore præditæ sunt, & folijs fortè Asparago, vel Anyso similibus: Coniecturam afferimus, non tam tenuem nam radices omnes humectioris Soli grauem odorem ex aliquo aquei succi exuberantis putore nanciscuntur. Galenus lib. vij. simpl. radices Mei tertio ordine calidas, siccas secundo statuit, idcirco lotium, & menses ciere, si plus, quā deceat, ex ijs sumatur, caput dolore afficiunt, quā in re ipsi probè cum Dioscoride conuenit.



L VNARIAM minorem ob semen racemosum etiam Βοτρυτιν vocatam dodranali altitudine ob mirificas, quibus pollet, vires in Musæo asseruari cernimus, eius verò potissimum radices: Caule constat simplici, rotundo, lento, & gracili, è cuius medio inlatus exit ramusculus costæ effigie (ait Mattheolus) cui folia sunt vtrinque septem annexa lunata, crassaq; & firma, Brassicæ marinæ modò: at Fuchsius cordis humani

cordis humani folia formam referre docet, tum in summitate Caulis semen Betæ simile proferre: Mattheolus flores proferre in summitate Caulis Oxalidis minoris instar semine rufo, rotundo, minuto in Vuae modum racematim coherente, vt mirandum sit hos auctores inter se dissentire: copiosissime tamē Tubingæ in pede montis Austriaci prouenire tradit Fuchsius, vbi ipse profitebatur, & sæpe ipsam herbam vidisse verisimile est terrestre quid gustata præfert, & adstringens, quare mediocriter frigidam, & siccam temperie esse coniectandum, proinde vulneribus glutinandis mirè efficax, & ad puerorum Enterocelas magnis effertur laudibus, tum ad suppressendos immodicos menses, & albū mulierum profluuium: Chymicorum nugæ, quibus eius herbæ vsus frequentissimus est, libens prætereo (ait Fuchsius) adeò semper doctis, & prudentibus Germanis, & Phisicis quibusuis Galenica, Hippocratica, & Aristotelica doctrina imbutis eius superstitionis impostura fuit exosa: tamen nuper duodecim Proceres ad Mensam auream Symbola contulerint D. etiam Thoma Doctore verè Angelico, & cœlesti, Italarum summo ornamento, vel inuito, & tales nugarum aurearum pollicitationes, vel technas præsumma animi puritate, & sanctitate auersante ad conuiuium illud perducto. Aliquod mysterium etiam in Lunaria illa, quæ ab equis in montibus pascentibus, vnde ferreos calceatus amittant, ait Mattheolus, statim vt est cerebrosum, & mediatandum hominum genus, putarunt vim magnatis in hac herba esse, quam Lunariæ speciem statuerunt folijs minoribus securidacæ proximis, pusillis, cordisque faciem referentibus: Posse verò reperiri huiusmodi herbam facul-
firmat Mattheolus, qui lib. x. Picum Martium adactos carnernis à Pastoribus Cuneos admoda quadam herba extrahere scribit.



AM verò vt curiosa, & grata varietate rerum Musæum afflueret semina quædam exoticarum Plantarum FRANCISCVS CALCEOLARIVS Iunior diligenter conquisita, commostrarat nempè Bammia, Beidelsaris, Melochia, & Chata: De quibus optime scripsit Prosper Alpinus ex propria inspectione, & obseruatione in lib. de plantis Aegypti.

DE BAMMIA cap. xxvij. planta est (inquit) ad Althea magnitudinem, folijs, floribusque Maluæ, aureis tamen à quibus fructus fiunt similes quibusdam paruulis Cucumeribus, qui semina isthac, quæ in Musæo asseruantur, parua subnigra, & rotunda continent in vsu illius gentis mox exhibere tradit, perinde apud nos ex Pisus, & Phaseolis fercula parantur, folia, ac fructus frigidos, & humidos esse in primo ordine, vim emollientem habere, proinde pectori, ac pulmonibus conuenire, aluum lubricam reddere, tumores emollire: fomenti aut Emplastri modò inflammationes rescuere, dolores mitigare: in renum inflammatione, ac calculo decoctum, cum Saccharo candido sumptum mirifice prodesse, Ophthalmias finita fluxione iuuare, quæ omnia satis docent Maluæ genus esse, vel Altheæ, quæ Soli, cœlique Aegyptij vi aliquam à nostra diuersitatem sit sortita, quod in multis alijs plantis facile mihi persuasi; neq; enim *et infra*, absque necessitate multiplicanda, & ubiq; locorum eedem specie stirpes enasci valeant, licet perspecta singularem plantarum natura magnam sortiantur varietatem, quod in procreatione etiam hominis obseruat Aristoteles, cum in Aegypto octauo etiam mense fetus vitales in lucem edi scripsit.

BAIDEL



BEIDELSAR cap. xxv. ab Alpino describitur, nasci nimirum in humidis locis propè Alexandriam in ramo Nili CALIG vocato, & Cayri loco propè el Mattharia perpetuò humida ex aqua Nili ibi diu stagnante: Esse plantam herbaceam fruticosam, multis stolonibus ab radice surrectis duorum ferè cubitorum altitudine sese extollentè folijs latis, oblongis, rotundis, vt Aloes folia, crassis, candidis, ex quibus dissectis lac album manet, totamque plantam lacte exuberare: flores ferrè Croceos ranunculi floribus similes à quibus fructus pendent testibus humanis figura persimiles, in quibus alba lanugo, & semina parua, lata, lactucæ seminum æmula continentur, ex folijs contusis emplastra fieri ad frigidos tumores, & dolores, ex lanugine parari cubilia, quibus vrantur, cur cubilia? fortè hac voce Alpinus intellexit peristromata, & strata, vel lodices, & stragula, non cubile totum, quo etiam lignea structura percipitur: totam plantam lacte calidissimo, & exurenti scatere, quo pilis coria nudentur, lac siccatum dysentericos fluxus etiam lethales inferre: ad curandam impetiginem, & lichenas, aliasque cutis defecationes præstantissimum esse medicamentum. Caterum verè quis quærat cur huius plantæ lac, & generum omnium Tithymalorum sit exurens, & perniciosum, cum animalium hac frigidioris, vel temperatæ sit naturæ. An quoniam istarum plantarum lac eorum est veluti sanguis, & alimentum, cum ipsæ calidiores sint persimile alimentum nancisci debuerunt: at animantium lac nutrire paruulos fœtus, & infantes duntaxat debuit, qui temperari, atque humidi existentes consimile alimentum expostulabant: Ficus etiam lac exedens emittit, & lactuca tum senescens, tum nouella, sed huius innoxium lac proficitur Scaliger aduersus Cardanum, multa verò noxia in eo lacte, quod à calidioribus plantis promanat: tum subdit Scaliger Tragopogon quoque tametsi non id prodiderit Dioscorides, tamen lactea est radice, eademque innocenti, quotidiano

alioquin vsu in Thuscorum acetarijs vbi saxefica nominatur. Putabat verò Cardanus succum tantum viridem herbarum esse salubrem, sed Hyperici oleū ruffum, vel villica sua vocitabat: Medici Laseris succus viridis non est, saluber est, succi, omnes sunt resinæ nulla viridis: sic generale illius Profatum diruit Scaliger.



MELOCHIA, & ipsa Ægyptiorum planta non contemnenda Blito. persimilis, folia angustiora, longiora, acutioraque obtinet, semina parum nigra. Melanthio similia, in quibusdam obliquis cornibus conelusa visuntur, quorum magnus apud eos vsus in ijs affe-
ctibus, quibus semina Althææ prodesse in confesso est; maiorem lentorem habet eius mucago, quam Althææ, proinde tumores concoquit, & emollit: cibus est ijs populis per-
miliaris in aqua more nostra Bêtæ decocta, succum tamen viscidum gignit, qui contumaces viscerum obstructions facile pariat: totius plantæ, sed maxime foliorum decoctum pectori amicum, quocirca asperis, & siccis Tussibus, atque Dyspnia affectis, cum Saccharo candido præsens medela: semina huiusmodi pondere duarum drachmarum sumpta: omnes humores copiosè purgare testatur Alpinus.



CHATE etiam vocatum Cucumeris genus in vsu habere Ægyptios idem Alpinus testatur, quam plantam, ait, à communi Cucumere nostrate differre sola magnitudine, colore, ac mollitie, quo intelligimus easdem herbas esse, ubique specie, & viribus similes, differre forma, figura, magnitudine, colore, atque alijs huiusmodi accidentarijs conditionibus, quæ singulares plantas (Indiuidua vocant) mirè afficientes, & immutantes, efficiunt, vt nos veluti diuersas, ac alias omnino stirpes, & cœli, solique exotici exoticas existimemus, quod Philosophis, & Physicis eruditis, non rudibus Bota-
nicis

acis expendendum obtrudo. Cucumis ergò isthæc Ægyptia folia obtinet minora, candidiora, molliora, ac rotundiora, fructus longiores, viridiores, cortice pleno, molli æquali, gustui dulces, concoctu faciliores: Huiusmodi fructus crudi, & cocti saluber cibus esse putantur: qua ratione peste affectis prosint huiusmodi Cucumeres crudi esitati miratur Alpinus, quemadmodum Ægyptijs persuasum est: Dicerem ego duabus de causis id posse coniungere, vel quia crudi deuorati, vt nos consueuimus nostros, maiorem opem refrigerando, & humectando afferunt, vel quia vis alexiteria pro pestilenti veneno eradicando melius in crudis seruatur, cum ea per cocturam facile exsoluatur: In ardentibus febribus, in renum, ac vesicæ calidis morbis refrigerando, ac humectando valdè vtilis, & ad sedandos podagricos dolores à causa calida excitatos: Stillatitiam etiam aquam multis diebus ægrotis exhibent ad renum feruorem compescendum, & calculos exturbandos, sed potissimum etiam ad Iecoris calorem moderandum: cum è cœli, aëris, & Soli insigni aestu illorum populorum incalescant corpora.



MOLLE vocant arborem in Perù nascentem (ait Carolus Clusius in Scholijs suis ad librum Nicolai Monardi de simpl. exoticis Cap. 24. medicamentis) cuius pusillas duas plantas è semine natas se vidisse Machliniæ in horto splendidissimo Illustris Viri Ioânis de Brancion, sed quæ tertio anno perierunt Hyemis iniuria: fuisse eas arbusculas trunco ex viridi nigricante multis consperso veluti maculis cinereis; Folia pennata vt fraxini, sed multò minora ex viridi nigricantia, serrata, & sub extremum angustiora, quæ ab arbusculis reuulsa lacteo succo, eoque lento viscido, & odorato manabant: ipsa folia trita fœniculi odorem reddere, gustata adstringentis facultatis nonnihil habere visa. Fructus ex quo natæ sunt, piperis ferè magnitudine, oleaginosus, pellicula rubescente rectus racematim cohærens (subdit Clusius) vt ex eius

Icone,

Icone, quam ad viuum depingi, tum temporis curauimus, conspiciere licet: Florem, quem habeat, ignoramus, sed quibusdam Auctoribus minutus est Vitis flori similis; hæc ille, qui mox docet ex Hispanijs se accepisse Molle ramulos suis racemis immaturis onustos, illius folia fuisse quidem alata, sed in ambitu minimè serrata, talem etiam Molle Arborem Romæ fuisse conspectam, verisimile autem esse adultas arbores, & iam fructum ferentes, foliorum formam immutare: Hanc arborem abundanter nasci in conuallibus, & locis planis Peruanæ regionis, vt testatur omnes, qui Occidentium Indiarum historiam scripserunt, sed Petrus Cieza maxime prima parte Chronici hoc pacto. Toto hoc tractu conspiciuntur magnæ quædam, & etiâ paruæ Arbores, quas Molles appellant incolæ, folia habent minuta, odore feniculi, cortice adeò commendato, vt eius decocto crurum dolores, & inflammationes summa cum vtilitate foveantur ex ramulis fiunt Dentiscalpia vtilissima: Ex huius fructu cum aqua decocto, pro cocturæ modò fit, aut vinum, siue potio admodum bona, aut acetum, aut mel, tantoque in pretio apud Indos sunt hæc arbores, vt quibusdam locis eas consecratis suis Idolis habeant: addunt nonnulli eius arboris foliorum decoctum doloribus ex frigida causa ortis auxilio esse; illius verò gummi, quod Mannæ modo candidum est, lacte dissolutum caliginem oculorum abstergere: Hæc plenius ex illis doctissimi Clusij Scholijs volui hunc transcribere, vt plantæ huius egregiæ à FRANCISCO Iuniore CALCEOLARIO conquisitæ, & in Musæo asseruatæ naturæ vires, & historia enucleatius à rerum naturalium curiosis lectoribus intelligerentur.

Ceterum & Rhapontici viridem radicem idem CALCEOLARIUS nobis ostendit sibi hoc anno ab Illustri, & Excellentissimo Domino Bartholomæo Sfortia Medico, & Professore Patauino donatam, quam terræ creditam ineunte verè nobis veram Rhapontici plantam caule, folijs, & floribus præditam representaturam speramus.

Verum

Verum lector non grauetur disputationem de Rhapontico doctissimi Alpini legere Patauij habitam, & impressam anno 1612. apud Petrum Bertellium, & Clarissimo Medico Sylnatico dicatam, vbi est eius Iconem affabrè expressam proponit, septemque capitibus enucleatè totam illius Plantæ naturam, & vires explanat, ostendens Rhaponticum esse Hippolapathum latifolium ex Thraciæ Rhodopæis montibus: plura non addo. Alpinum, qui volet, consulat.



ARVM docet Dioscorides esse vulgò cognitam herbam, surculosam, flore origani, folijs multo candidioribus, flore odoratiore, vim habere Sylibrio consimilem, substringere enim, & modicè calefacere, quæ de causa illitu serpentia vlcera sistere, & in callidas illitiones addi, iuxta Magnesiam, & Tralles copiosissimam gigni: Ex Galeni placitis colligit præstantissimus Mattheolus primo de Antidotis in Hedychroi compositione, Marum ab amaraco viribus, & facie parum differre, licet amarius sit marum, tū odore fragrantius, vt eorum probanda sit sententia, qui marum amaracum illam esse putant, quæ odoratior est, & gustatui amarior, tum folijs viret minusculis, candidioribus, & tenuioribus ab Etruscis Persa gentile nuncupata: Sampsuchum enim, siue Amaracus Persa ab ijs vocatur: cuius illud genus, quod folijs constat pinguioribus, latioribus, viridioribus, gustui acrioribus, minùs tamen amaris legitima Amaracus existimatur: mollem Amaracum vocauit Virgilius, cum Venus Ascanium in altos Idaliæ lucos gremio fotum tollit,

*At Venus Ascanio placidam per membra quietem
Irrigat, & forum gremio Dea tollit in altos
Idaliæ lucos, vbi mollis Amaracus illum
Floribus, & dulci aspirans complectitur umbra*

Hic

Hic enim proculdubio Poëta legitimam, & vulgatam Amaracum intelligit: Marum enim asperiora habet folia, & agrestius est; quam ut illi possint prerogatiuæ à Virgilio positæ conuenire; quod Alpinus etiam obseruasse visus: quod plantam hanc syluestre Amaracum, non Marum nuncupandum iudicet, decipi existimo, cū profiteatur se apud aliquos Cretenses Marum vidisse, nostro Amaraco planè simile, licet foliorum qualitate, odore, & sapore diuersum vti superius descripsimus; Quod si Galeni, & Plinij tempestate fuit Marum Italiæ peregrinum, non est putandum in præsentia adeò esse exoticam plantam, ut in multis hortis, & viridarijs non habeatur, quin iurè affirmare possum in meo domestico hortulo efflorescere, & hyeme etiam perennare Marum ijs omnibus notis, & conditionibus natiuis donatum, quas Dioscorides, & Mattheolus præferunt. Quare qui graciliorem Amaracum pro Maro substituunt, (auctore magno Galeno) non errant, quia vnguentum illud, in quo per Maro Amaracum admisceri iussit, & si minùs odoratum videretur, non tamen viribus inefficax fuit, verisimile tamen est legitimam fuisse Amaracum à Gal. usurpatā, quanto magis Amaracino vngueto consentaneum fuisset syluestre hoc Sampsuchum, quod ipsissimum esse Marum æquorum æstimatores haud inficias eant.



MONTANVM NARDVM Θυλακίτιν dictam,
in Cilicia, & Syria nasci Caule, & folijs
Eryngio similibus, minoribus, minimè tamè
spinosis, & asperis, testatur Dioscorides:
Radicibus binis niti, aut pluribus nigris odoratis, ceu Hastulæ regiæ, sed longè gracilioribus, & exilioribus, neque caulem, neque fructum, neque florem proferre: radices profectò (quæ in Musæo visuntur) optime his à Dioscoride descriptis respondent: sed maxima statim se offert in Dioscoride, tanto Austore, repugnantia: cum Caulem habere Eryngio similem Nardum prius doceat, mox in fine capitis, neget Caulem habere

habere: quò loco doctissimi Mattheoli coniecturam probare non possum, qui satis verba, & sensum distorquens, Græcā orationem sic legit ὅτε καυλός, ὅτε καρπός, ὅτε ἄνθος συμφέρει, nec Caulis, neque fructus, neq; flores confert; quoniam nimirum, sola radix in vsu medico esse videtur, quia efficax, & odorata, non itidem aliæ partes, quæ odore carent. Verum ne omnibus peruectis, & recentibus Dioscoridis exemplaribus tanta inferatur vis, libens, & volens Marcelli Virgilij modestam emendationem amplector in priori igitur parte οὐλαὶ καὶ κλάδεις, non καυλός legendum, hoc est folia, & ramulos Eryngio similia obtinens: ramuli porrò isti in fruticoso genere, quale Absinthium, Ruta, Thymus, pluraque alia (inquit Marcellus) conferti ab vno principio, pluresque oriuntur, & eadem ferè altitudine inter se crescunt. Per Caulem verò in posteriore capitis parte eam partem innuere videtur Dioscorides, cui flos, & fructus proximè innititur, quæ duo in montana Nardo negaturus, tertium etiam negare cogeatur, ita vindicatum à repugnantia Dioscoridem cognita legitimæ scripturæ iactura putamus: subdit Auctor ad eadem valere hanc Nardum, ad quæ celtica Nardus: Gallicam vertit Marcellus.



IVNCI odorati *σχίνον ἀρωματικόν* Plantam egregijs virtutibus, teste Dioscoride, Botanico- rum Antesignano, donatam in nostro rerum naturalium Thesauro pariter asseruatam cernimus: cum diphthongo Græce scribi tradit Marcellus, vt à Lentisco arbore differat, quam *σχίνον* vocitant: Squinantum officinæ barbara voce appellitant, quasi Schenanthum. *σχίνον ἄνθος*: Iunci scilicet Florem: lib. tamen primo de Antidotis Iuncum odoratum ex Arabia aduectum miratur Galenus cur vocetur Iunci flos, cum nobis floris copia non adeò suppeditet, nam & si tota aduehatur herba, sunt tamē eius superiores partes (ait) à Camelis sepè depasta, eo enim

Y y

ves-

vescuntur, & oblectantur maximè, hanc Galeni sententiam irridet Mattheolus: arduum enim esse credere, tam ingentem esse Camelorum numerum, qui locustarum more Schegni florem depascantur, vt nulla supersit Planta, cui flos nõ deuoretur: Nos pro Galeno dicere non ineptè possumus, quod Christophorus Acoſta Aphricanus Medicus lib. de simplicibus exoticis cap. 24. scribit, Pabulum scilicet & Paleam Camelorum vocari Iuncum odoratum, quoniam in regionibus, vbi nascitur, non solum à Camelis plurimis, & frequentibus depascitur, sed & ab equis, & mulis, cum eorum sit consuetum, & ordinarium pabulum, quinimo & reliquum armentorum genus eo vescatur: aliam idem Acoſta videtur causam subnectere, cur infrequens sit floris vsus quoniam barbaræ illæ Arabum gentes Medici, & Pharmacopæi florem spernunt, tamquam nulli vsui idoneum: An quoniam eum vident in armentorum familiare cibum concessisse: ijs tamen apertè refragatur Dioscorides Floris, arundinum, & radice Iunci huius vsus esse attestans. Laudatissimum ex Nabathea, proximum Arabicum, pessimum ex Aphrica existere, eligendum rufum, recentem, floribus refertum, tenuem rubentibus fragmentis, qui manibus confricando rosæ odorem emittit; hoc videtur refellere Acoſta dum scribit Iunci recentis probum esse odorem, sed non rosæ similem, quoniam in ijs, quæ ad gratum odorem pertinent, rarè veritas ex re comparata percipi potest: Verum hoc Aphricanæ subtilitatis, & friuolæ nugacitatis specimen, neq; .n. Dioscor. auctoritas posthabenda, in comparationibus enim non ταντότης spectanda ab æquis rerum estimationibus, sed ποσότης: non eadem nimirum affectio, sed conſimilis: Qui ergo Iuncus odoratus manibus confricatus propius ad rosæ fragrantiam accesserit, is ceteros bonitate præcellet. Hallucinatur etiam Acoſta, dum Serapionem arguit, qui Iuncum modò herbam, modò plantam vocat; herbam enim existere non plantam, quasi genus speciei non conueniat, cum (vt Dialecticorum more loquamur) de ipsa prædicetur: Iuncus ergo est herba, herba est

est planta, igitur Iuncus erit. planta, turgent Africanorū,
 & Iberorum ingenia pruritu litigandi, & ceteros vellicandi
 ut maximi, & soli sapere videantur, sed vix primorum Lo-
 gicæ principiorum memores deprehenduntur, quod verò
 Auicennas fructum Schœnanthi nigrum (teste Dioscoride)
 profiteatur, ab aliquo interpretum deceptus videtur, cum
 hoc apud Dioscoridem non reperiatur. Iuncum rotundum
 vocat Cornelius Celsus, ut à triangulari distinguat, Odo-
 ratum Græci, ut à cōmuni Iunco secernant: notanda ver-
 ba Dioscoridis *ῥιζὴν ἔχει τῇ ἐν ὁδίᾳ* suauitate odoris, qualis in-
 Rosis sentitur, rosizantem, si latinè liceret vertere, ut in-
 nueret nobis videri ipsissimam Rosam: quod ad suauitatem
 odoris spectat, sequitur Dioscorides mordentem linguam
μὴ πολλὰς πυρώσας, cum copiosa ignitione: ita enim ad ver-
 bum: ut mirum sit tanto calore præditam esse huiusmodi
 plantam, cum in campestribus pascuis, & vbi lacus, quo-
 dam tempore siccantur, nasci dicatur, vim vrinæ ciendæ ha-
 bet, menses pellit, discutit inflationes, caput aggrauat,
ῥιζὴν ἔχει κατὰ βελόνην, quæ vulgatiores est lectio: alia erat (teste
 Marcello) *καρωτικὴν*, quæ cari, & soporis inexpugnabilem
 necessitatem significat, sed priorem lectionem veritati ma-
 gis consentaneam putamus: Flos eius in potu utilis san-
 guinem reiicientibus: Radix adstringentior est, idè fasti-
 dijs stomachi, & hydropicis cum pari piperis pondere per
 aliquot dies dari, docet Dioscorides; Si quis plura de Schœ-
 nantho desiderat: Dioscoridem, Mattheolum in Commen-
 tarijs, Amatum Lusitanum in enarrationibus, Acoftam ade-
 at, tum potissimum Galenum 8. simplic. vbi eius docet fa-
 cultates, quo pacto verò ibi modicè dicat Florem caleface-
 re, Dioscorides verò ignea mordacitate linguam afficere,
 cogitent eruditiores Physici, an exoluitur facillè ignea illa
 vis, ut piperis etiam vis in ventriculo, & Gingiberis, ut
 nonnulli existimant: idcirco nūquam ab ijs iecur excalefa-
 cum: cum affectio, quæ tactus sensum permutat, modica, &
 attemperatio experimento comprobetur: Theophrastus ex
 sententia Menestoris, & Empedoclis Iuncum, Calamum, &
 Cype-

Primo de
causis
cap. 27.

Cyperum in locis humidis enasci scripsit, vt summa harum plantarum caliditas loci contraria qualitate ad moderationem reuocaretur.

Iam verò Clarissimus Mattheolus in Commentario fatetur se florum Iunci arculam plenam obtinere, quorum partem ad se miserat Verona FRANCISCVS CALCEOLARIVS materia Medica admodum studiosus, qui odoris suauitate, & fragrantia, & cæteris omnibus qualitatibus, quæ in Schænantho requiruntur, ita præditi sunt, vt sanè mentis eos esse negare oportet, qui Iuncum hunc adulterinum esse contendunt.

Lib. 4.
Dioscor.



ANGELICAM non esse Myrrhidem Dioscoridis ex eo euidentissimè esse ostendit Mattheolus herbariarum suæ tempestatis Antesignanus, quodd ei folia sint satiuæ pestinacæ similia, non quidem multifida veluti Cicuta: Præstantissimam porro plantam esse Angelicam docet, cubitalem nimirum ex-

cedere altitudinem, Caule geniculato, inani, multis alarum cauis referto, folia proferre oblonga per ambitum ferrata, in nigrum virescentia flores albos in umbellam coherentes, è quibus semen prodit tenue lentium modò compressum, radicem ei subesse crassam raphani modo, quæ in plures diuaticatur ramos, gustu acrem, & suauiter odoratam: Satiuæ passim in Misnia feri, atque alijs Germaniæ locis, vnde ad Seniore CALCEOLARIUM olim mitti solebat: Radices habet nigras, & fibratas, odore adeò eximio, vt meritò Angelicæ sibi nomen compararit. Domestica quæ sponte nascitur Caule, folijs, umbellæ semine, & radice longè maioribus prædita: radice succosa, subalbicante, acri, suauiter redolente: Syluestris, pumilior, sed viribus omnium præstantissima, subdit Mattheolus, Radice nititur pollicis crassitudine, sæpè maiori, succo flauesciente referta: Aquatica cæteris grandior, sed viribus longè imbecillioribus: secundo ordine exalefacit, & siceat venenis potissimum aduersatur.

& p.

& pestilentia maximum Alexiterium censetur: Datur radicis semidrachma, cū Theriacæ drachma è sua ipsius aqua ijs, qui peste laborant, & sudare coguntur, repetiturque eodem modò post septem horas, quo solum antidoto multi persanati: trita in puluerem radix animi deliquijs, & cordis affectibus vnice prodest, ad rabidorum etiam morsus exterius cum ruta imposita, & intrò in corpus assumpta: hæc, atq; alia de adeò præstanti planta Mattheolus.



SACCHARVM gignens Planta (si Garzia ab orta, & Carolo Clusio credimus) arbor est interdum magna, & instar populi procerâ, interdum minor, ramos vt plurimum erectos (nisi quod pulcherrimos quosq; interdum incuruant ad pergulas, & deambulacra, apud Indos frequentia, conficienda) nodis Palmi longitudine ab inuicem diffitis distinctos habens, folium oleæ longius. Inter singula internodia liquor quidam dulcis generatur crassus veluti amyllum congestum, & simili candore interdum multus, nonnūquam verò perpau-
cus, sed non omnes arundines, siuè rami eum humore continent, at ij duntaxat, quos Bisnager, Betacula, & pars Pro-
uinciæ Malauar profert; ab indigenis Sacar Mambu vocatur, quasi Saccharum de Mambu, quoniam Indi arundines, vel ramos arboris id proferentes Mambu appellant: modò Tabaxir vocare cæperunt quoniam eo nomine à Mercato-
ribus Persis, & Turcis, Arabibusque petitur ex India in suas regiones exportaturis; Hæc ex prædictis Auctoribus, qui esse insignem errorem Gerardi Cremonensis obseruant apud Razen Tabazir spodium interpretantis, idcirco Dauum Terentianum omnia turbantem ipsum vocarunt: In Insula D. Thomæ singulis mensibus arundines feri testatur Iul. Cæsar Scaliger: quinto mense maturæ sunt, tum secantur tempe-
stiuæ, moluntur, premuntur ad succum, quod reliquum est, cannarum nimirum fræces, at ilibus porcis exhibetur, hoc

Exere.
164.

hoc mirandum in modum pingues fiunt, id adeò, vt tamē
 delicata caro comparetur, quā nulli sit inferior Gallinaceæ,
 & ægrotis detur in cibum (cum alioquin, subdit Scaliger)
 gens Hispanica vehementer abhorreat à Suilla, cuius cau-
 sam, vel me silente, cordatus lector facillè coniectabit. lib.
 ij. Dioscorides cap. de melle, est aliud (inquit) concreti
 mellis genus, quod Saccharum nominatur; In India verò,
 & foelici Arabia in Arundinibus inuenitur, salis modò coar-
 ctum est, dentibus vt sal fragile, aluo idoneum, & stomacho
 vtile; si aqua dilutum bibatur vexatæ vesicæ, renibusque
 auxiliatur: illitum ea discutit, quæ tenebras oculorum pu-
 pillis offundunt; Porro an istud Saccharum veterum, cum
 nostratè per expressionem cannarum, & arundinum, & de-
 coctionem parato vnum, & idem sit magna inter superioris
 ætatis Physicos intercessit controuersia Io. Manardo, & Fu-
 chsio negantibus, & super diuerso arundinum genere ex
 cœlesti rore concrefcere profitentibus, quod Dioscorides
 describit, quemadmodum mel aërium mânia scilicet in qui-
 busdam Arborum frondibus per se concrefcit. At nostræ
 ætatis Saccharum ex alijs arundinibus in aqua decoctis ex-
 primi in Madera, Sicilia, Cypro, Creta, Rhodo Insulis, atque
 etiam in ipso Ægypto: Hæc sententia luculenter refellitur
 à Mattheolo præstantissimo Physico, & superioris æui Bota-
 nicorum Phœnice, cuius exquisitum, & exactum iudicium,
 hac in re cum Scaligeri censura doctissima conuenire oppi-
 do quàm sum latatus. Nullo enim certo auctorum testimonio
 ex rore cœlesti concrefcere probare possunt Manardus, &
 Fuchsius Saccharum Dioscoridis fieri, nec Dioscorides, &
 Galenus summi materiæ interpretes hoc siluissent: sed in
 iisdem arundinibus, ex quibus per artem nostrum Saccharum
 exprimitur, & excoquitur, veluti liquor, & lachryma aperto
 præ nimia succi copia in latere calamo refudat, & tamque
 gummi exterius concrefcit; Hoc pacto resinæ, & gummatæ
 omnia dissecto, & discisso sui arboris cortice promanant:
 quod & ipsa, & occulta experimenta testantur.

Verifi-

Verissimæ huic Mattheoli, & Scaligeri sententia subscribit Cuius noster Plinius lib. xij. Saccharum (inquit) & Arabia fert, sed laudatius India, est autem mel in arundinibus collectum gummi modò candidum, dentibus fragile, amplissimum nucis auellanae magnitudine: Strabo etiam non infimæ notæ Geographus lib. xv. in India Arundinem mel sine Apibus gignere disertè docet, non quod ex rore ibi concreto fiat, quemadmodum mannae in Arborum frondibus, sed quod ex interiori cannarum medulla Saccharearum gummi instar prodeat dissectis ijs, atque ibidem concreseat; ex ijsdem mox à natura edocti illarum regionum homines per expressionem paratum, ut igne concreceret, & addensaretur operam dederunt: Verum enimverò, & duplici necessaria demonstratione peruicacia illorum physicorum innouandi pruritu plus æquo fascinatorum conuincitur: quod enim ex rore concrescit, ut manna, à Solis radijs, vel leuiter tactum liquefit, & in auras dilabatur, & exoluitur, At gummi Sacchareum magis concrescit, & durefcit à Sole perstrictum; quod mannae in Apulia, & Calabria non euenit: Præterea veterum Saccharum, teste Dioscoride, Galeo, Plinio, durum est, salis modò coactum, dentibus fragile, candidum, quæ conditiones rebus è rore concrefcentibus, ut Manna, conuenire non possunt, ut experiëntia rationis dux satis declarat. Ex his conficitur Saccharum è rore concreto non gigni; Quod ergo sponte prodit ex arundine videtur deperiisse, nec ad nos amplius mitti, quoniam arte deuicta natura; sectæ enim vniuersæ arundines nec permisum, ut pluri temporis interstitio succo vberiori turgeant; iterum quotannis fatæ, quibus concisis, decoctis, & expressis copiosius Saccharum comparatum, ita compendij, & lucri certior, & vberior spes affulsit. Zucchara vocant Arabes; Indi proxima voce Iagara: Duæ spes (inquit Scaliger) altera è cannis, altera ex herba, tertiâ addit ex arbore Indica Haoscer vocata à Serapione: est lactis pars tenuior calore concreta, quæ ex oculis, sedibusque foliorum exiens gummi modò condensatur: Arboris folia lata, fructum aiunt simil-

simillimum Camelorum testiculis, quod exprimitur ex eo Cauticum est; quod stillat ex quavis parte incisæ Arboris pro Psilothro præstantissimo ad depilanda coria habetur: Ex cannis duobus habetur modis nam vel exprimitur, & decoquitur ad spissitudinem, & candorem, aut spontè prodiit, ut cætera arborum lachrymæ, sicuti à Chamæleonte Mastiche resudat, hoc spontè prodiens Saccharum est Dioscoridis, Galeni, & Auicennæ, cuius prouentum à sola natura olim expectabant, quod collectum cum suis arundinibus mittebat India: Addit Scaliger natura verò fieri etiā nunc legimus in Historijs, etenim ad Bathecalam Indiæ, vtrumque venit in Mercatibus; quamobrem inconsultissime inducti sunt ad arbitrandum Mannæ vulgaris modo super arundinibus congelari Saccharum Dioscoridæ: Sole namque liquefcit omne manna etiam Orientale, nisi præueniatur, ac Zuccarum solidescit: sed & verba sunt apud Senecam in Epistola lxxxv. aiunt (inquit) apud Indos inueniri Mel in arundinum folijs, quod aut ros illius cœli, aut ipsius arundinis humor dulcis, aut pinguior, hæc Scaliger, quibus corroboratam Mattheoli veriore sententiam intelligimus: Sed cur rorem cœli adiecit Seneca magnus Philosophus? An fortasse quoniam Mannam aërium scilicet mel cum Saccharo comprehendere voluit; illa enim ex rore concreta, Saccharum ex dulci, & pingui succo resudante procreatur, ut solidè ostensum arbitror: At Fuchsius nostrum Saccharum sitim excitare, non Galenicum tradit, sed comparatio in Galeni oratione non sententia absoluta inuenitur, ait. n. lib. viij. simpl. med. ἡ δὲ κακὸς ἰσχυρὸς ἐστὶν, ὡς τὸν παρ' ἡμῶν, ὅτι δὲ κακὸς, quasi diceret non perinde esse, atque mel siticulosum: præclare Auicenna, in ipso est virtus faciens sitim, minorem tum siti, quoniam facit mel: sed critici Logodædali substantiare Auicennam, & Arabas rebus contemplandis, & scribendis addictos solent, cum ipsi præter verborum fucum, nulla seria doctrina sint imbuti: Quocirca temeritatem illius comprimit Scaliger, qui in suis Pseudodoxis nocere Saccharum dixit, ut ostenderet non esse Dioscoridæ, qui

^{ῥαζοῦται, καὶ ἑυτομαχόν} Saccharum esse docuit, hoc est bonam
 alium facere, & stomacho vtile esse aqua dilutū, & potum:
 cum experimenta certissima suum saginatorum ē Sacchareis
 fraccibus eam opinionem conuellant: subdit mox Scaliger
 propria experimenta de Saccharo nostrate cum maximus
 fuerit & Philosophus, & Medicus (quicquid medicelli qui-
 dam sordidioris lucelli auiditate, & ambitione corrupti de
 ipso sentiant) fenum vitam (ait) bonumq; habitum proue-
 ximus ad annos vsque decrepitos, quos florentes, atq; viri-
 des peregerunt. Ceterum & Paulus Aegineta de hoc Sac-
 charo Dioscoridis meminit lib. ij. de lingue asperitate agēs
 cum scribit, <sup>καὶ ἄλλοι ἰνδικοὶ χροῖα μὲν, καὶ συστάσει ὁμοίος τῷ ποινῶν δαλ, γού-
 σαι δὲ μελιπρόδοσι</sup>, hoc est Sal Indicus colore, & concretionē
 communi Sali similis, gustu autem, & sapore melleus: Ar-
 tefacti Sacchari mentionem à Solino fieri nonnulli dicunt,
 cum in Indiæ palustribus ex Arundinis radice exprimi hu-
 morem ad mellis suauitatem scribit; sed prudenter, & eru-
 ditè Mattheolus factitias innui Indorum potiones vini loco
 apud ipsos vsitatas docet, sicuti ex Glycirrhizæ radicibus,
 & è dactylis dulces ad potandum elicimus succos: Hinc
 Lucanum, & M. Varronem suæ sententiæ testes laudat; il-
 lum cum scribit,

Quiq; bibunt tenera dulces ab arundine succos,

Hunc verò ijs præclaris carminibus, & elegantibus.

Indica non magna nimis arbore crescit arundo

Illius & lentis premitur radicibus humor,

Dulcia cui nequeant succo contendere mella.

Quod Varronis testimonium ad Saccharum fuisse olim tran-
 statum à Viris doctis, sed rerum naturæ imperitis non me-
 latet, & indè Sacchari conficiendi artificium ab ipsa,
 vsque vetustate magna ambitione repetitum, quasi ipsi soli
 saperent, reliqui in maxima rerum antiquarum ignoratione
 versarentur. Altera Zuccari species ex herba miro resudat
 modo, subdit Scaliger: Tigala ei nomen est apud Arabas,

Z z z

vndè

& Aegyptios; Erosi aiunt herbam à vermiculo quodam-
vnde Zuccarum exturgescit, concrescitq; in minutas gran-
dines: Extinguit sitim, pectori accommodum, ruffim tollit;
Herbam Aboali Alhufar, alij vocāt Alhosor propter varios
pronunciandi modos, sicuti hodiè in Germanijs: idem non
herbæ succum, sed rorem putat, redditque rationem, quare
non faciat sitim, quia (inquit) parum dulce. hæc ille.



ALIS mentio ex Dioscoride, & Paulo Aegi-
netæ superius facta reuocauit mihi in me-
moriā errorem effatu dignum Hieronymi
Mercurialis Viri alioquin incomparabilis,
cuius cum fuisset in varijs obseruationibus
à Marsilio Cagnato Viro Clarissimo, & ciue
Veronensi admonitus, tamen palinodiam

Cap. 50.

canere noluit ob magnum nomen, quod senex in litteris fu-
erat adeptus (erubescant enim senes ob innatam ^{philosophiam} à
iunioribus quicquam discere) is ergo aduersus doctrinam
Aristotelis lib. iv. Meteorum docuit, Salem resolui oleo
etiam calefacto: si aliquid aqueum oleo sit permistum, per se
ab aqua, ex accidenti ab oleo dissoluitur: sed Sal in oleo,
siue calefacto, siue non solutus numquam, sed integer sem-
per reperitur, quod sensus testimonium docet contra Mer-
curialem: hoc etiam Columella docet lib. xij. scribens oleum
congelatum cum amurca Sale resolui, & separari ab omni
vitio, neque verendum esse ne falsum fiat, nam quantun-
cumque (inquit) adieceris Salis, nihilominus saporem non
recipit oleum, cuius causa ea est, quoniam Sal oleo non li-
quescit, alioquin saporem cum oleo communicaret, vt resi-
na: Fundamentum demonstrans sententiæ Aristotelicæ il-
lud est, quoniam sal, & nitrum à calido sicco concreuerunt,
ergo à frigido humido dissolui debent, quæ qualitatibus
illis coagulantibus contraria sunt, at oleum calidum est,
neque eius humiditas separabilis est, sed per lentorem com-
pacta, vt optime in suo Cōmentario docet Alexander Aphro-
disius:

discus : quocirca etiam valdè deceptus Mercurialis, cum
 oscitantiam Aristotelis vocat scribentis *νίτρον δὲ καὶ ἄλλος λυτὰ* Lib. 4.
Meteor.
ἵγρη ὑπάρχει, ἀλλὰ ψυχρὸν, nitrum scilicet & sales non omni humi-
 do solui, sed frigido, quod principiis iactis valdè erat con-
 sentaneum ex natura rei ; Alexander optimè : ab aqua, &
 à speciebus aquæ hæc liquefcunt, species verò aquæ ex A-
 ristotele vinum, lotium, serum, acetum, quorum acciden-
 tarius calor non impedit salis dissolutionem, vt patet olei
 verò natia, & genuina caliditas impedit, vt dictum est :
 sed ridiculam etiam rationem adiecit Mercurialis, quod fit,
 cum res ad restim redit, cur solo oleo sal non dissoluatur,
 putat enim hoc fieri, quod statim fundum petit, ibiq; omni
 humore priuatus minimè liquari possit ; hoc profectò est
 fortiri digitis, quod loquamur, vt Critici faciunt solidioris
 doctrinæ imperiti, sed intimius semper perscrutanda Philo-
 sophi mens, qui (teste etiam Auerroe) nihil sinè valida
 ratione docuit, quoniam ei semper præsto erant propositio-
 nes per se, de omni, & quatenus ipsum *τὸ καθ' αὐτὸ διεύθυνται*, ait,
ἀπὸ τῆς ἐξουσίας, vniuersale venantes demonstrationē habemus: In libr.
poster.
analyt.
 quod ijs, qui in varijs lectionibus Aristotilem pro ingenij
 vanitate carpunt, velim esse propositum.



ÆTERVM & Acaciæ Ægyptiæ Plantam,
 & fructum, & succum legitimum noster re-
 rum naturalium Thesaurus seruat: In Ægy-
 pto nasci instar arboris, frutice spinoso, nec
 se in rectum extollente, luculentus est Au-
 ctor Dioscorides, qui, *δενδρώδης, θυμυειδὴς, ὅτε*
ὀρθοειδὴς Græcè habet, quasi arborefcentem,
 fruticosum, nec in rectum crescentem dixeris; sic Marcel-
 lus, sed acutius Ruellius frutice spinoso (nā Thamnus spi-
 nas habet) florem habet candidum, & semen in folliculis
 lupino simile, ex quo succus expressus siccatur in vmbra,
 niger ex maturo semine, subruffus ex viridi, eligitur modi-
 cè ruffus, & odoratus, aliqua folia cum semine exprimunt,

Z z z 2 manat

manat & gummi ex ea spina: vis ei ad spissandum, refrigerandumque efficax: hæc Dioscorides, qui eius multas recenset facultates medicinæ utiles. Prosper Alpinus lib. de Plantis Ægypti cap. iv. Acaciam sanctam ab Ægyptijs vocari tradit, in Ægypti locis à mari remotis nasci: copiosissimam provenire in Montibus Synai propè rubrum mare positis, ad mori magnitudinem crescere, ramos sursum latius expandere, quod arborem non in rectum se attollere Dioscorides dixit, Caudicem Pruni thamni nimirum magnitudine habere, corticem nigrum, asperum, multis acutissimis spinis munitum: Folia oblonga, parva minutissime incisa, racemati proxima, flores paruos, pallidos, subflavos, albos etiam rotundos, paruos lanæ floccos imitantes, Platani fructibus forma similes longè tamen minores, nihil aliud florem videri, nisi mollem lanuginem paruum, rotundumque globulum efformantem, non ingrati esse odoris: Ex floribus siliquas lupinorum æmulas proferri imprimis virides, mox nigras apparere, semina in siliquarum folliculis contineri: folia, flores, & fructus multa gustum acerbitate, & asperitate ferire: Ex immaturis siliquis viridibus succum exprimi, hunc coquere Ægyptios, ut indurent; ex folijs, & floribus imperfectis succum etiam parari, verum alio bonitate longè inferiorem: Cayri Coriarios multam illius succi copiam ad denigrandas pelles absumere: huius arboris marè, & foeminam reperiri, illum spinis horridiorem, fructus non edere, hanc spinis paucioribus, & mollioribus refertam ramis intra non habere, sed extra: Arborem esse fecundissimam, florereque incipere Pleiadum ortu Nouembri scilicet mense, & rursus earundem occasu mense Martio: bis quotannis fructum ferre, & maturare, hanc veram esse veterum Acaciam, vel Spinam Ægyptiam appellatam, Kachiam etiam ab illis dictam, multos Pharmacopolas Orientalem Acaciam appellasse, ut ab illo succo distinguerent, quem ex sylvestribus prunis paratum pro vera Acacia substituerunt: Dammandos esse eos, qui non ex Ægypto, ubi nascitur, & quotidie inde comportatur, petendam Acaciam sed

sed ex Græcia illius minimè feraci putant: quocircà & Mattheolum nostrum tantū virum, & de re herbaria optime meritum damnat Alpinus, quod ex Bizantio se Acaciam habuisse dixerit, & falsam eius imaginem pinxerit: Sed de Clarissimo Mattheolo me longè meliora augurari iuvat, nam & eam plantam ex Ægypto primū delatam Bizantium, hinc mox habuisse Mattheolum verisimile fuit, præterea eam Plantam pro Acacia descripsit, & delineauit, quā sibi amici transmiserant, cuius veram iconem omnino præstare testis minimè oculatus non potuit: Profectò Vir omnium hac in plantarum vestigatione diligentissimus non debet culpam aliorum præstare semper verax, ni aliorum laboret fides. Iam verò & eos reprehendit Alpinus, qui verum Gummi acaciæ apud nos nō reperiri existimāt, quod forma vermiculari ex Dioscoridis præscripto non sit prædictum: nec enim vno colore, nec vna figura gummata omnia acaciæ constare, sed vario, nam crassiore succo è cortice manante, non multum deorsum mouetur, sed statim excretus coalescit in gummi rotundius, si tenuior, & fluxilior exeat, oblongum gummi reddit; cumq; Ægyptus, ac Arabia prunis Cerasis, pomis, atq; alijs gummiferis arboribus careant, quicquid gummi vnde conuehitur Acaciæ arborū existere in confesso est. Multos deinceps in medicina vsus, atq; effectus Acaciæ enumerat Alpinus, nos duos potissimum selegimus. Vnum, quod nimirum quamuis sanguinis fluxionem per os, & per aluum strenuè sistit Acacia, quin & mulieribus immodico mensium profluuiō penè emortuis incolumitatem ijs sistendis restituit; alterum quod podagricos, & articulorum omnium dolores auertit, non solum fomento ad arcendum humorem in Articulos defluxum, & decubitus, verum & si eius succi modicū sumatur per aliquot dies antè fluxionis tempus, vt interna vasa angustiora reddita humorum defluxui minùs pateant, quod optimum est pro curanda Arthritide præceptum: adderem ego & pro nephritide, laxitas enim vasorum, & viarum quantum valeat præter crassitiem succorum, & feruorem renum ad calculos

culos gignendos, & alij Medici eruditi antè nos obseru-
runt, quocirca & adstringentibus agendum esse ex Galeni
etiam doctrina palàm litteris prodiderunt.



DE CASSIÆ fistularis, vel Ægyptiæ filiquæ
(sic ab eruditoribus Physicis nuncupatæ)
folijs, & floribus aliquid scripturus, antè
omnia admonere lectorem debeo à veteribus
Medicis, & Herbarijs nihil de hacce planta
litterarum monumentis mandatum: vt iam
cum Hermolao desinere debeant Critici an-
tiquarij nihil non cognitionis nostri sæculi, vt cum Scali-
gero loquar, ad antiquitatem referre: Præclarum, & ve-
rissimum est Scaligeri Elogium, quo Hermolaum tantum
auctorem cohonestauit, cum Virum animo liberali, erudi-
tione plena, incomparabilis doctrinæ, diuinæ probitatis
appellat, cui quantum habendum gratiæ ob diligentiam,
atque sedulitatem, tantum libertatis retinendum ad iudi-
candum ob veritatem, atque fatendum posteriorum etiam
sæculorum acerrima cura, & diligentia multa comperta, &
excogitata, quæ ad Dioscoridis, Galeni, & Hippocratis
inuenta nullo pacto referri, nisi affectato quodam ostentan-
di ingenij pruritu possint: Cassiam ergo fistularem arbo-
rem docet esse Alpinus nuci, trunco, ramis, & folijs pro-
ximam, corticem, planum, mollem, ac cineritium obtinere
qualis in crescenti nuce spectatur: Folia eius nucis folijs
duplo longiora, & in extremo aculeata, ex qualibet Ala
quinque huiusmodi folia ordinatim posita pendere conspi-
ciuntur: flores fert aureos, copiosos leucoijs proximos, sed
multo maiores florum anagytidis instar, ab alis prædictis
pendentes, & deorsum vergentes, qui potissimum oriente
Sole suauissimum odorem spirant; hinc Ægyptios per Cas-
siarum vireta, & viridaria odoris captandi causa deambula-
re solitos idem scribit: Flos quilibet media sui parte
multa

multa capillamenta tenuissima rosarum consimilia flosculis
obtrinet, quæ paulatim adaugeta in crassiores postea mutan-
tur fistulas, quæ iustam adeptæ magnitudinem duorum cu-
bitorum æquant longitudinem. Florere incipit arbor men-
se Iunio, toto Iulio perseverat Alexandria, & Cayri, Pelu-
sij etiam Septembri florent Cassiæ: Virides colligunt Pha-
seolorum siliquis valdè similes, in aqua primum ebullias
Saccharo condiunt, & in varias regiones asportant; quæ
Pelusij leguntur corticem crassiorem habent, parum intus
medullæ: Cayrinæ, & Alexandrinæ cortice constant tenui,
sed plus intus substantiæ mollioris obtinent, quare istæ etiã
cæteris bonitate præcellunt: quæ sonum manibus, vel à
ventis concussæ edunt præstantiores habentur, quæ enim
nullum emittunt sonitum, præ nimio humore vitiata pulpa,
id efficere creduntur, sonitus enim sicciore corpora conse-
qui videtur inuicem collisa, siccitas porro putredini aduer-
satur, quæ calore, & humiditate exuberante fouetur, quæ
ratio satis apodictica peruicaces quosdam Physicorum per-
mouere debuit ad veram hac de re sententiam amplecten-
dam, & potissimum quia seniores erat, & cum Platone op-
tandum illis fuerat, vt saltem in senectâ bonæ illis opinio-
nes contingerent. Cæterum cur recentibus Cassijs non
videantur Ægyptij, sed saltem post quartum mensem, cum re-
centes noxiæ videantur, non explicat Alpinus; Forsan id
eueniat, quoniam recentes, flatuosæ, & superuacanea humi-
ditate confertæ, quæ temporis progressu absumitur, quod &
alijs rebus dulcibus contingere cernimus, vt vuis pensilibus,
& alijs fructibus, qui repositi sicciore, & sapidiore redduntur.
Iam verò, & Christophorus Acoſta de Cassia scribens idem,
cum Alpino sentire visus. Tradit verò grandi Amygdalo
per similem Cassiæ fistularis plantam adulescere; in Indijs
Orientalibus, ac Occidentalibus comperiri; Malacæ, &
Siam copiosam: ex Orientali illam meliorem, quæ ad Se-
ptentrionem vergit, & præ omnibus Cambaiæ genitam;
Flores obtinere flauos, odoris non insuavis, quibus cadent-
ibus subnasci cannam viriditate insigni præditam, qua
inue-

inuetereſcente virorem deinceps in nigredinem mutari;
Gerardum Cremonenſem feſelliſſe Manardum, Leoniceſem,
alios, quaſi Auicennas voluerit Corticis Canne puluerem
valere ad ducendos menſes, & educendum partum, à Se-
pulueda hoc defendi, & totum experientie attribui, cum
hoc ligneæ Caſſiæ proprium ſit, quæ Canela vulgò appel-
latur, cuius duplum deſiciente cinnamomo, capitur.

PVLPA Caſſiæ huius ſiſtularis cum Saccharo candido, &
Glycirrhiza ad renum, & veſicæ vitia pro arcano remedio
vti ſolent Aegyptij, renum enim extinguit immodicum ar-
dorem, humores noxios abſtergit, & per vrinam expellit,
proinde ſe ſe à calculis immunes ſeruant. Cæterum & ipſe
ad ſuppreſſum lotium prouocandum ſœliciffimè hac Pulpa
uſus ſum cum ellaterio permixta: Siliquas verò Caſſiarum
virides in aqua prius leuiter decoctas, mox in vmbra deſi-
catas Saccharo, vel melle condiunt ad puerorum uſus, & de-
licatarum mulierum. Finem huic diſſertatiunculæ impo-
nebam; verum incidi in Scholium Caroli Cluſij, quo caput
de Caſſia ſolvente Acoſtæ illuſtrat, qui cum ſcribat folia
eſſe Mali perſicæ ſimilia, nonnunquam anguſtiora, ait Clu-
ſius hoc verum eſſe, ſi ſingularia ſepares, quoniam verò
coniugati bina ſemper in oblongo neruo naſcuntur, &
ſumma ala poſtremum, imparem numerum faciens commo-
dius meo iudicio compararet cum fraxini folijs, aut ſimi-
lium arborum, quæ alata folia ferre ſolitæ, & integra ple-
rumq; abijcere conſueuerunt, quemadmodum Iuglans, Sor-
bus, Rhus Ceratia; hæc ille.



MEMINI aliàs me legiſſe apud Iosephum
Quercetanum Conſiliarium, Medicumq; Re-
gium in Gallia in ſuo Peſtis Alexicaco:
Caſſiam non ſine magna animaduerſione
eſſe exhibendam; primum enim cum dulcis
ſit facillimè in temperamentis bolioſis in-
bilem mutatur, præterea ex facto per ignem experimento
aquam

aquam acerrimam fortissimam, & pungentissimam eductam, nec id reiiciendum in vim igneam, & feruidam ab igne profectam, quoniam ex pulpa Melonum, Cucumerum, & cucurbitarum tum etiam pomorum aqua refrigerans solum elicitur, contra Cassia erodentem, & corrodentem non secus, ac mel ipsum, suppeditet, cuius vi quæ metalla dissoluant constituantur; præterea magnam aquæ, vel decoctionis copiam ad eam dissoluendam esse necessariam, quo nomine potus fœculentior, & spissior, quivè nauseam excitet, conflat: in Bolo exhibitam stomachi, & ventriculi inflationem cum nausea generare, vel ipsius Mesues iudicio visceribus imbecillioribus, mollioribus, & laxioribus non parum noxiam: Hieronymum etiam Capinacæum Doctorem, olim meum de me optime meritum testem laudat Quercetanus, quod in tractatu de Pestilentia doceat Pestis remedia adstringentia, & corroborantia esse debere cum humiditas, & partium debilitas corpora ad contagium suscipiendum procliuia reddat, quæ duo à Cassia in ventriculis ingenerentur: Delecampium etiam Medicum percelebrem, qui Cassiam cum Myrobolanis, Rhabbarbaro, vel Manna permiscendâ censuit, cum corrigentibus scilicet & corroborantibus, sine quibus Cassia nunc fastidium, & nauseam mouet, nunc appetentiam hebetat, nunc Ventris profluuium permolestum inducit, vt ex Historia Cardinalis cuiusdam intelligimus, cuius intestina lubrica prorsus, & debilia fuerunt: Ei cum imperitus Medicus Cassiæ vnciam vnā dedisset alius sic erupit, vt vnius diei spatio miser quinquagesies defecerit, ac dysenteria, & tenesmo tandem obierit. Hæc ex Delecampio Iosephus Quercetanus.

Hic igitur quæro, si interrogetur Hermolaus Barbarus Vir diuini ingenij ad quam nam veterum plantam siliqua solens Ægyptia referri possit, respondebit, scio, ad siliquas lib. primi cap. c. l. x. quas recentes, ait Dioscorides, stomacho

A a a a

macho

macho aduersari, aluū soluere, siccitas sistere, stomachoque
 vtiliores esse, vrinam ciere, sed præcipuè, quæ vinaceis
 condiuntur *καὶ τῶν σιμύλλων συντιθέμενα* : M. Virgilius ex Longo-
 bardo codice, quæ ex folijs siliquæ componuntur vertit,
 vel quæ ex siliquarum corticibus conficiuntur, ita enim ver-
 tit *σιμύλλα* : cum auctorem lege.

Verum age moralem aliquam admonitionem interponamus :
 Cassiæ huius natura admoniti, cuius aquam acrem, & cor-
 rodentem igne elieimus, cum prima fronte medicamentum
 humectās, & attemperans videatur, si verū est, quod Quer-
 cetanus docuit : Ei profectò assimilari possunt quidam
 in communi vitæ consuetudine, qui an Viri boni sunt spe-
 rare licet, iudicare periculosum est, cuius rationem hanc
 reddit Cicero, non solus summus Orator, sed & magnus
 morum Magister, Multis enim simulationum inuolucris te-
 gitur, ac quasi velis quibusdam obtenditur vniuscuiusque
 natura, frons, oculi, vultus persæpè mentiuntur, oratio ve-
 rò sæpissimè, quare nobis à natura ferè inditam suspicio-
 nem haud omninò vitiosam putauit Homerus *ἀνθρώποι γὰρ τέ
 τιμὴν ἐπὶ χθονὶ φύλ' ἀνθρώπων*, suspiciosum enim sumus super ter-
 ram genus hominum, quæ verba Alcinoο Vlysses responde-
 det lib. vii. Odysseæ : Suspicionem porrò definiuit Aris-
 toteles lib. ij. magn. moral. opinionem, qua inclinamur ad
 hoc, vt sentiamus, hæc ita esse, & non esse, ita enim sem-
 per aliquid de aliquo iudicamus cum hæsitacione tamen ne
 res etiam aliter sese habeat : Diuus Thomas, quo Doctore
 verè Angelico nil doctius nec sua ætas habuit, nec nostra,
 nec ventura habet, vel habitura est, Suspicionem vitium
 iudicijs procedit : triplicem eius causam constituit malitiam,
 ac hominum improbitatem, cum quis malè affectus est erga
 alterum, & tertiam malorum experienciā, quocirca senes su-
 spiciosos Philosophus vocat, quod diū vixerint, & à multis
 decepti fuerint, quos probos putabant ex se ipsis de alijs
 conie-

coniecturam facientes, quare de omnibus rebus ambigunt,
 & anatomen negotiorum moliri conantur, vt Cassiæ fecisse
 Quercetanus videtur: quoniam ergò malitiam cælare vete-
 ratorum proprium est, & trium Idolorum cultum Vtilitatis,
 Ambitionis, & Voluptatis, quibus tota vitæ communis ra-
 tio Sus, deq; miscetur, Suspicionem hanc laudabilem animo
 induere par est, longa rerum experientia subnixam, & adia-
 ipso in rebus ambiguis Aristotelis iudicio firmatam; vt &
 Diuum Thomam tantum Virum hanc suo calculo approba-
 turum non diffidam: Verum non tantum in personis, sed
 in rebus etiam, & negotijs simulatio existit, quod Demo-
 sthenes pulchrè docuit Olynth. iij. omnium facillimum est
 semetipsum decipere, quod enim quisq; vult, id etiam sibi
 fingit, sæpè autem natura rerum alia est; naturâ, mentemq;
 simplicem, nec vllis simulationum inuolucris obtectam, &
 Persius optabat etiam in faciendis votis, cum cuius prom-
 ptum non esse scribit aperto viuere voto, cum alia clarè,
 & vt audiat hospes, à Dijs precabantur, alia sibi intror-
 sum, & sub lingua immurmurabant; idcirco Pythagoræo-
 rum symbolum probatur *μὴ τὰ φωνῆς ἐνχοῖ* voce precare: simi-
 le est, ait pereruditus Persij interpretes in publico viuere,
 & aperto hostio: Seneca præclarè Epistola XLIII. Rem-
 dicam, ex qua mores æstimes nostros: Vix quemquam in-
 uenies, qui possit aperto hostio viuere. Ianitores consci-
 entia nostra, non superbia opposuit, sic viuimus, vt depre-
 hendi sit subditò adspici: Marcus Imperator lib. iij. Assue-
 facere te debes ea solum cogitare de quibus si quis repente
 te interroget. Quid nunc cogitas? liberè statim possis
 respondere hoc & illud; vt ex ijs continuò fuit manifestum
 omnia in te simplicia esse, & mitia, & animanti ad commu-
 nionem nato conuenientia, qui omnia spernat ad volupta-
 tem spectantia; addo ego proprium emolumentum, & am-
 bitionem; & M. Tullius iij. de offic. grauiter præcepit in
 omni deliberatione celandi, atque occultandi spem, opi-
 nionemq; remouendam esse, vt tandem illud Senecæ re ipsa
 exprimamus, Sic viue cum hominibus, tamquam Deus vi-
 deat,

deat; sic loquere cum Deo, tamquam homines audiant. Caterum isthæc aurea præcepta non sat est in eruditorum confessu tantum inculcare, quod ieiuni quidam, & ostentores critici faciunt, re ipsa sunt præstanda, ut simus lex spirans, & venerabile morum, & honestæ vitæ exemplar in corrupto sæculo ceteris præferamus.



MALABATRVM cum docuisset Dioscorides non esse Indici Nardi Folium, quod putasse quosdam quadam odoris cognatione deceptos, sui generis Folium esse, quod Indicæ gignunt Paludes Lentis palustris modò innatans aquis sinè radice ostendit, collectum sensim lino transui, & siccatum

recondi, laudari recens cum nigredine quadam candicans integrum, nec fragile odore caput feriens, & reliqua, quæ diligenter persequitur Dioscorides. Verum Garzias ab orta lib. primo Historiæ Aromatum: Folium Indum esse ait Mali medicæ Folio simile, angustius tamen per extremum colore viridi, tribus per longitudinem excurrentibus costis, qua nota facillè dignosci odoratum Cariophylla, quodammodo redolens, non tamen vehementis odoris, ut Nardus, vel Macis, nec tam subtilis, aut acuti, ut Canella: Refellit etiam Dioscoridis sententiam de procreationis modo, cum scribat, Aquis non innatat hoc Folium Lentis palustris modo, ut scripsit Dioscorides libro primo, & hunc sequutus Plinius lib. xij. quibus impositum est in huius descriptione, sed nascitur in procera arbore procul ab Aquis, cum multis alijs locis, tum in Cambaja, & si ab aliquo Pharmacopola Tamalapatra petieris, statim te intelliget, quoniam Vernacula est eorum lingua; Non sunt verò Folia tam validi odoris, atque Spica Nardi, sed suavioris, neque eo modò colliguntur, ut Dioscorides perhibet, sed collecta in fasciculos colligantur, atque ita vaneunt, diutius viridi colore nitent, non ex candido nigricant, & præ-

Cap. 19.

Cap. 11.

præferuntur integra, quod facultas in istis melius conserua-
 ri credatur. Odore nequaquam caput feriunt, vt reliqua
 odorata; Tum subdit Garzias Auctor est Plinius lib. xii.
 Arborem esse in Syria Folio conuoluto, ex quo exprimitur
 oleum ad vnguenta, fertiliorum quidem eius esse Ægyptum,
 laudatius tamen ex India venire, in paludibus ibi gigni
 Lentis modò odoratius Croco, salis gustu, minùs probari
 candidum, saporem eius Nardo similem esse, & cuius odor
 in vino sufferuifacit antecedit alios: Ex his videtur colli-
 gere Garzias à Plinio nostrate designari Malabattrum, ta-
 mersi nec tam validi odoris esse sciat, vt Crocum, nec Nar-
 di sapore: quod verò eius odor alios antecedit, ea tempe-
 state verum esse potuisse, cū ignota adhuc essent Benieni de
 Boninas, Ambarum, Moschus, Agallochum aromata odo-
 ratissima: Auicenna & Arabes per omnia Græcos sequuti.
 In hoc omnes conuenire, Vrinam scilicet ciere, oris hali-
 tum commendare, vestes ab erosione tueri, easdemq; cum
 Nardo vires sortiri. Huius historiam cum Bethle confu-
 disse Amatum Lusitanum, & Marcum Oddum Medicum.
 Patauinum, idem esse Folium, & Bethle perperam in The-
 riace examine existimasse profitetur Carolus Clusius: Be-
 tre fructum putandum, ex Auicenna esse Tembul, à Iacobo
 Antonio Cortuso sibi transmissum, exiguum, glandis forma,
 quem cum Folio Indo vulgari ad nos interdum adferri, in-
 tellexerat; Hoc Folium à Betre differre Clusius contendit,
 Arboribus enim sese implicare, & circumuoluere Betre,
 easque volubilis modò scandere, cui non dissimilia habet
 folia, præterea & diuersis capitibus Folium, & Betre ab
 Auicenna describi: Iam verò cum isthac scribat Garzias,
 & Clusius Viri eruditi, & diligentes, & diuersis notis Fo-
 lium designent ab ijs, quibus suum describit Dioscorides:
 quis verè ambigat non idem esse Folium veterum, & recen-
 tiorum: vel folia in paludes decidua ostensa tantum Dio-
 scoridi: Vt cumq; sit (nolo enim recentiorum hac de re
 industriam in dubium vocare) ad Theriace confectionem à
 Garzia descriptum Malabattrum admittendum, quod & à
 COL-

COLLEGIO Nostro VERONENSI diplomate publico sapius
comprobatum.



DE BETRE quædam perstrinximus, Differre à
Malabatro contendit Garzia cap. xvij. na-
scitur in omnibus Indiæ maritimis regionibus
Lustranis cognitis, in continenti non reperit-
tur, nisi è maritimis allatum, neq; regionem
frigida amat, ut est Sina, nec Solibus nimis
adustam, ut Mosambique, & Sofala: Scri vitis
modo scribit idem Garzias, addi stipites, & pedamenta, per
quæ repens se sustineat nostratis Hederæ instar, scandere. n.
volubilis modò Clusius admonuit, cui & folia per similia ha-
bere, Garzia mali Medici Folio simile Folium esse oblongius
tamen, & per extremum arctius, venas, siue Costas, ut diximus,
per longitudinem excurrentes habens, optimè censi bene
maturum colore flavescente, corrupti si recens à planta col-
lectum diutius manibus tractetur: frigidam faculeatem ipsa
attribuit Auicenna: sed eius exemplar fortasse deprauatum,
calidum enim, & siccum in fine secundi ordinis ex sapore
amaro, & odore conijcitur, ut Galeni nos methodus ad ve-
stiganda medicamentorum temperamenta instruit; Id verò
scitu curiosum, quod tradit Garzias: opulentiores aliquos
adituri, hoc Betre masticare pro more habent, ut odore os
commendent; Summæ enim incivilis apud eos esse
anhelitum non habere odoratum; sic tenuioris fortunæ ho-
minem cum potentiore colloquentem manu ori apposita
loqui, ne teter aliquis odor nares feriat; Mulieres etiam
Viris congressuræ Betre nandunt, antequam colloquantur,
putantq; ad laxiniam maximam esse illecebram: Quibus
obierunt sanguine iuncti, vel ieiunantes, eos ab eius usu per
aliquot dies abstinere: cibo sumpto mandi, Betre aliquot
cibos nauseam ciere aiunt.

SECA-



ECACVL à Mauritanis Medicis vocatum,
 quid reuera apud Græcos existeret, dubi-
 tarunt multi Viri eruditi: Menardus, cui
 multæ gratiæ habendæ, quia inter primos
 situ, & squallore oblitam rem herbariam.
 illustravit, Polygonatum Dioscoridis esse
 putauit Frassinella ab Hetruscis dictum, ab
 alijs Italiæ populis Ginochietto, quasi Græcam vocem ad
 viuum exprimentibus; Ex huius radicibus docet præstan-
 tissimus Mattheolus aquam stillatitiam confici, qua mulie-
 res ad faciem detergendam, & poliendam pro fuco vtun-
 tur: cæterum & huiusmodi radices Saccharo conditæ ad al-
 bas vteri fluxiones plurimum conferunt, si diutius ijs vtan-
 tur fœminæ eo morbo laborantes: Iam verò Manardi opi-
 nio iurè à solertissimo, & in plantarum explorandarum stu-
 dio vnicè perito Mattheolo refutatur, quoniam Secacul ha-
 bet Pisi folia, quibus Polygonatum caret, præterea & flo-
 res purpurascens violæ maiores, albicantesque obtinet,
 radices pollicis crassitudine, indicis longitudine ex Serapio-
 ne; longiores Polygonatum est nactum; cinereo extrinse-
 cùs colore, solida intus matrice, & nervosa est Secacul, quæ
 omnia in Polygonati radice desiderantur: Est igitur Se-
 cacul radix Indica, vt Auicenna docet lib. v. Secacul sunt
 radices Zingiberi similes, quæ conuehuntur ex India, & fit
 ex eis cum sunt recentes conditum in loco suo, apud nos
 autem humectantur in primis in aqua calida, quod etiam à
 Serapione traditum est: neque iisdem pollent viribus Poly-
 gonatum enim ad vulnera, & maculas faciei delendas à
 Græcis probatur; Secacul verò ab Arabibus ad prolifici
 feminis vbertatem, & Venerem conciliandam; Hinc Ma-
 nardi auctoritate delusi multi (ait Mattheolus) qui Poly-
 gonati radices Saccharo conditas ad Venerem excitandam
 avidissimè deuorant, sed irritò conatu, & successu. Sæ-
 penumerò dixi, atque iterum inculco nouatorum illum pru-
 ritum doctrinas veteres damnandi, & nouas obtrudendi,
 præterea & criticorum omnia ad præscriptum Dioscoridis,
 & no-

& noua ad vetera redigendi sapissimè errores noxios peperit, cum dempta, vel remissa acrius, & diligentius exquirendi ratione ad sirenum scopulos adherescimus, vt factum est in his Polygonati radicibus pro Secacul vsurpatis: illaudato solo optime fruges nasci possunt, quare nec Arabum familia Medicorum despicienda, quæ proprias obseruationes, & curam in perscrutandis simplicibus medicamentis à Latinis, & Græcis ignoratis adhibuit: delicatulus ergo ille mentis appetitus rudes Mauritanorum voces, & sermonem despuendi omninò à serijs, & doctis Physicis abijciendus, nucleus, & medulla doctrinæ amplectenda, in quo studio quem parem faciam I.C. Scaligero vix reperio.



ALAMVS Aromaticus in India nascitur, ait Dioscorides: melior est fuluus, densè geniculatus, & qui assulosè frangitur, plena araneorum fistula, albicans, lentus in mandendo, & adstringens, ac cum aliquantula acrimonia amarus.

Hæc quidem Dioscorides: Sed statim maxima controuersia inter Auctores exorta, alijs Acorum veterum esse putantibus, alijs Galangam esse Acorum statuentibus, Manardus, atq; alij Viri docti legitimum Acorum esse existimantes refelli videntur à Garzia, quoniam tria distincta capita de Calamo, Acoro, & Galanga, Auctores potissimum Aui-cenna, & Serapion scripsere, qui Calamum describunt in sola India nasci profitentur, at Acorum nisi in Europa nasci tradunt; quare Indis Medicis fuisse ignotum Acorum, cum ipse à Nizamona vocatus, vt ab affectu tremoris eum liberaret, cum eius Medicis de Acoro est altercatus, quod esset Acorum nescientibus, nisi quod apud Turcas nascere-tur: Præterea Calamus pallet, acer, calidus, & siccus secundo ordine: Acorum albet, amarum calidum, & siccum tertio ordine: Galanga utroque calidior, & odorator; Calamus, & Acorum cerebri, & neruorū morbis conueniūt:

Galanga

Calanga ventriculum roborat, flatus discutit, oris halitum commendat, quocirca Clariss. Paternus Præceptor meus, qui summa cum laude Patauij Theoriticem Medicam olim profitebatur confectionem Diagalangam vocatam inter familiaria ventris remedia in primis habebat; non esse odoratum Calamum, nisi è terra auulsum, quantoque virentior est, tanto validioris, & tetricioris odoris videri, idem docet Garzias; Plutarchum Calamum Arabicum, Celsum Alexandrinum vocare, non quod extra Indiam etiam nascatur, verum quoniam ex India ad eas regiones conuehatur, seriper vniuersam Indiam, plurimum in Guzarate, & Belaguate: Goa in hortis satum prouenire, sed perpaucum; familiarem eius vsu mulieribus in vteri affectibus, & neruorū doloribus; expeti Hyeme à Mulomedicis: contusum enim additis allijs, & ammi, quod est Cuminum rusticum, Salis momento, Butyro, & Saccharo, iumentis aduersus frigora manè exhibent id medicamentum vocari Aratam: quo vtimur, subdit Garzia, radix non est, sed Calami, cū aliquantula interdum radices parte fragmentum; hallucinari ergò, qui nihil nisi radicem esse putant, vt Acorum esse (licet falsò) ostendant: falli Manardum dum viij. lib. Epist. se vidisse in Pannonia recentem Calamum scribit, vt non longè petitus videretur, qm̃ ex India tm̃ affertur, fieri potuisse, vt satum in sporta, vel fictili viderit, vt plerumque satum. Gingiber nascitur; neque quod in Calamo spongiosum est, flauescere colore aliqua in re simile esse araneorum Telis, vt falsò Auicennas, & Serapion tradidere, quos Græcis, & Latinis melius hæc nosse oportebat, hæc nos pressius ex Garzia lib. primo de Aromatum historia: Caterum Clusius in Annotationibus Garziã obscuritatis insinuat, Calamumque esse radicem, cum aliquantula interdum foliorū particula, legitimum Acorum existere, eo Italos, Gallos, Germanos vti: spreto eo tetri, odoris, & saporis horridi, quem describere Garzias videtur, ob hanc enim causam apud nos in vsu esse desisse: Mox quasi palinodiam canens, & se ipsum emendans, cum tertio recudenda esset illa Aromatum

B b b b

tum

cap. 32.

tum Historia scribit Clusius, sibi commodè innotuisse legitimum Calamum Aromaticum à Bernardo Paludano ex Syria, & Ægypto reduce communicatum, & ad Dioscoridis descriptionem exactissimè quadrantem, cuius propterea Iconem ex fragmentis exprimi curauit. Umbelliferam potius plantam, quam harundinaceam censendam, rectum enim habere Caulem, multis nodis, seu geniculis cinctum, laeuem alioquin, intus concavum, & membranula uti harundine præditum, qui assulosè, ut Dioscorides scripsit, frangitur, satis esse odoratum, gratique saporis, amari tamen, & nonnullius adstrictionis participem: Folia (ut ex vestigijs colligere licet) bina ex aduerso singulis geniculis situ Caulem amplecti videntur, radix summo capite nonnihil extuberat, deinde in fibras desinit: similis Calami fragmenta ab Antonio Collano sibi missa mox testatur Clusius, licet magis amari saporis, & nullius adstrictionis, quibus in Theriacæ compositione fuerat usus; Porro huiusmodi omnia iam descripta in hoc luculento rerum naturalium Thesauro asseruari, vnicuique ipsum perlustranti conspicuum esse potest.

IN hoc describendo Calamo sequutus sum recentiorum Auctorum testimonium, & auctoritatem, qui propter navigationum commoditates in India, & Arabia verum Calamum videre, & suis notis explorare potuerunt, nam quæ à Mattheo Viro Clarissimo, qui antè hos vixit memorie sunt mandata per otium, & animi causa æquissimus Lector perlegat & Viri ingenium, & accuratum studium plantarum perquirendarum in sui æui tenebris candidè saltem admiretur, & dilaudet. Hermolaus Barbarus libro primo Corollarij cap. xvij. de hoc Calamo agit, eruditionem affert, legitimum Calamum ob easdem sui cui tenebras referre omnino non potuit: ab Hippocrate scilicet Myrepicon, idest Vnguentarium vocari, in Arabia nasci, communem esse Indiarum, atque Syriæ: tum ex Theophrasto docet, inter Libanum montem, aliumque ignobilem in conualli modica palustribus siccatis per Æstatem tricenis stadijs iuncum & Calamum odoratos gigni:

gigni: Sed præstantiorem odore Calamum statim è longinquo inuitare: Araneum eius (vt ait Plinius) in fistula, florem appellari, magno Domitij errore in quadam Papiij Poëte Syluula non distinguendis harundinem Saccharum, fundentem ab odorata: Calamo pretium in libras Denarij xj. reliqua probatio vt niger sit: paulò post: legi (inquit Barbarus) & in Meotide odoratum nasci Calamum radice subalbida, & sine fistulis plena intus, & amara, specie Acori, de quo & falsi quidam sunt, Acorum eam putantes: cetera perquire Lector apud Hermolaum.

Verumenimuerò in Musæo CALCEOLARIO præter prædictum Calamum, & Martinelli conspicitur Calamus, quem ex Malacha India Prouincia allatum scribit, Harundo est geniculata, nitida, paruum quæ digitum æquat, cuius color flauus est saturatior, odorata, parum lenta inter mandendum, quæuè subacris, & amara percipitur: ijs ferè viribus prædita censetur, quibus Calamus alter apud Dioscoridem, & Galenum donatur.



ATYRIONES amborum generum se comperisse testatur Mattheolus noster in Comment. suis Italicè conscriptis, opera, & sedulitate duorum peritissimorum Pharmacopæorum FRANCISCI scilicet CALCEOLARII Senioris Veronensis, & Cechini Martinelli Seplasiarij Venetijs ad insigne Angeli: à

CALCEOLARIO primam Satyrii speciem habuisse, vt erat rerum singularium inuestigator acerrimus, à nonnullis Dioscoride teste Trifolium vocitatam, cuius Iconem subijcit ex viuo effictam, cui nulla deesset ex notis à Dioscoride positis: Martinellum verò ex Damasco Syriæ erithronium Satyrium misisse: cuius etiam figuram delineauit, vt qui testiculos canis esse Satyrium putant, tandem aliquando resipiscant: eos testiculos se vdisse in montibus vallis Ananiæ, atq; alibi

Bbbb 2 varias

varias, ac diuersas species præter illam, quæ duas parit radices manibus humanis per similes; vulgò palma ^{CHRISTI} vocatas, & ab Auicenna digiti citrini, hæc quidem ille in eo Commentario Italicè scripto, verùm cum in latinis duarum editionum Commentarijs, quos pro legitimis, & accuratè scriptis agnoscit Mattheolus, nulla Satyrij Calceolarij facta sit mentio: facilè subueritus sum eam primam Satyrij speciem existimasse, mox (diligentius re perspecta) Phallum Hollandicum, cuius sententiæ fuit Ludouicus Fumanellus nostri Collegij Medicus nobilitate, & virtute insignis (vt mihi olim rettulit, cum in sua peramena villula huiusmodi plantam offendisset, & alijs peritis rei herbariæ viris ostendisset, neq; enim affirmando huiusmodi plantas obtrudebat Calceolarius, sed summo, & peracri Mattheoli iudicio explorandas subiiciebat, quoniam exoriens tunc huiusmodi studium barbarorum antea situ oblitum diligenti examine, & ^{ἐπεὶ δὲ ὡς ἐπὶ τὴν γῆν οὐκ ἄλλα τρία φέρει κακλασμένα} Porro de Satyrio Dioscorides scribit lib. iij. Tryphillum vocari ^{ἐπεὶ δὲ ὡς ἐπὶ τὴν γῆν οὐκ ἄλλα τρία φέρει κακλασμένα}, quoniam tria fert folia ad terram infracta, quasi quod illa terram spectet, & ad illam deurgant; sic benè transtulit Ruellius, quod non percipiens M. Virgilius textum verborum emendando corripit ^{ὡς ἐπὶ πολὺ} legens, plerumq; scilicet illum foliorum numerum obseruari, quod arbitrarium est, & gratis dictum, rumici, ea, aut lilio similia minora tamen & rubra, Caulem cubitalem, nudum, obtinet florem lilij effigie candidum, radicem bulbosam, mali magnitudine, ^{πυρρὰν} ruffam sic melius Marcellus, non fuluam (vt Ruellius vertit) intus vt ouum candidum, gustanti dulcem, ori non ingratam, cum vino austero bibitam contra opisthotonum valere, & cum vtendi venere, vrget necessitas, valdè pollere vsurpatam docet, quod & de Satyrio erythronio hoc est rubente tradit: Semen scilicet illius ad Venerem stimulare non minus, quàm Scincus (Cocodrillum terrestrè vocat Marcellus) radicem vel manu contentam ad libidinem excitare, eoq; magis si in vino bibatur.

CAR-



ARPESIVM porrò Galeni esse Arabum, & Mauritanorum cubebas Hermolaus Barbarus lib. iv. Corollarij memoriæ prodidit: hoc duorum generum esse Ponticum, & Lærtium à montibus Pamphylia, vbi frequens est, ita dictum: Inueniri hoc & in Sida copiosum tradit, oppidum id esse Pamphylia. Naturam, & effectum ei reddere, quales ipsi Phu, gustum, quoque similem, tenuioris hoc est, subtilioris substantiæ, propterea, & plus virium in eo esse purgandis, & extenuandis intestinis, quæ sint occlusa, non tamen par virtute penetrandi Cassia, nedum Cinnamomo, etiam si Quinto (inquit Galenus) ita videbatur vrinam ciere, & renes calculis laborantes liberare, quo argumento (subdit Hermolaus) Mauri Syluestri Myrti Baccas Carpesium, & Cubebas esse putauerunt, præcipuè cum nec Carpesium Dioscorides, nec Galenus Myrtum Syluestrem vñquam nominent, affert postea rationes apodecticas Hermolaus, quibus ostendat Cubebas non esse syluestris Myrti Baccas, odoratum semen. Carpesium est, hoc est Cubebæ: Fætent syluestris Myrti Baccæ, dum recentes sunt: ossæ in ijs duritia: in Carpesio nihil Tale: superuacuum verò existimat in re confessa quidem, sed à nobis primum comperta, longiorem moram ducere: Illud in transcurso dixerim Carpesium, si ore continetur, claram vocem facere pronuntiantibus, subdit Vir Clarissimus, ob id Bernardus Iustinianus homo imprimis doctus, & eloquens, nūquam sine hoc semine concionabatur, sed & illam dotem prædicant, maiorem in coitu voluptatē sentiri ab ijs, qui habeant id in ore, quasi non satis sit in ea titillatione mens commota, nisi doceamur, quemadmodum nos Venus adminiculatior, & violentior transuersos auferat: Galenus lib. vij. de simpl. medic. facult. eadem ferè habet, quæ in suum doctissimum Corollarium transtulit Hermolaus, Carpesium scilicet simile esse vocato Phu, host est Valerianæ, non gustu tantum, sed & facultate, sed plus habere tenuitatis, proindè magis eo etiam Viscerum obstru-

obstructiones extergere, & lotium mouere, renesque calculis
degrauatos expurgare, non tamen eatenus tenuium esse
partium, vt loco Cinnamomi (si non sit ad manum) liceat
vsurpare, sicuti faciebat Quintus: Præstantius esse Ponti-
cum Carpesium Laertio, non tamen vel ipsum esse Cinna-
momi viribus vicinum, immò non paruo deterius optima
Cassia, nuncupari vtrumq; à montibus quibusdam Pamphy-
liæ, in quibus nascitur: ingensque eius prouentum esse
in Syria. hæc ex Galeno auctore locupletissimo. Cæterum
Garzias Hortus non esse Carpesium Cubebas ex eo euincit,
quoniam Cubebas ex India petant Turcæ, & Syri, magnòq;
redimant, cum non conuecto vti possint, & sine magno sum-
ptu, quale est Ponticum Carpesium, quoduè plurimum in
Syria nasci tradunt: huic argumento probabiliter respon-
derem efficacius esse Indicum Carpesium, idcirco spreto
antè oculos posito illud exquiri. Alterum argumentum
efficacius: Carpesium ex lib. primo de Antidotis describi
à Galeno festucarum tenuium modo, at festucis dissimiles
esse Cubebas omnes vident. Matthæus Syluaticus ex Sera-
pionis, atque Arabum auctoritate Cubebas etiam Diosco-
ridis Myrtum syluestrem, vel ruscum putauit, sed falsò;
decipi enim verè putat Garzias Mauritanos, cum easdem
facultates in libris Græcorum repertas Indicis medicamen-
tis accommodare student, & eadem nomenclatura donare:
Planta Cubebarum (vt idem docet) Malo vulgari minor
est, folijs piperis, sed angustioribus per arbores Hederae,
aut, vt verius dicam, Piperis modò repens, non Myrti effi-
gie, nec folijs Myrti similibus: Fructus racematim cohæ-
ret, non quidem vt in vua coniunctim, sed singulis granis
ex suis pediculis dependentibus: Flos est odoratus, magnus
earum in vino maceratarum vsus ad excitandam Venerem;
Tanta in existimatione est hic fructus etiam vbi nascitur,
vt eum incolæ decoquant, antequam efferri sinant, metu-
rentes ne alibi satus enascatur, quod à Lusitanis fide dignis
se accepisse Garzias profitetur, qui longo tempore in Insu-
la Iaoa habitauerunt, quibus & Carolus Clusius assentiri
vide-


videtur: Obseruat etiā doctissimus Mattheolus Carpesium Galeno esse λεπτά τὰ κάρφη παρατιλίσια τοῖς ἀκρόμοσι τῷ κιννάμωμῳ tenuia scilicet sarmēta Cinnamomi Virgultis similia: quare potius esse radicum Sarmenta Galeno Carpesium cum Phu sapore, & facultate assimiletur: diutius etiam asseruetur, & perduret, quod solidiorum radicum proprium esse videtur.



ACORVM, de quo mirificas controuersias Botanici recentiores excitarunt, aliqui enim Calamum odoratum esse volunt, negant alij, vt Garzias, quoniam diuersis capitibus Auctores de ijs agunt, præterea Calamus in India tantum nascitur, Acorum duntaxat in Europa: Acorum igitur folia iridis habet angustiora tamen, radices, non dissimiles, complicatas non in rectum, sed obliquum tendentes, & summo cespite sparsas geniculis interceptas, albicantes, gustu acres, odore non ingratas, optimum est densum, candidum, plenum, non exesum, odoratum: Vires ferè easdem præcisè obtinet cum Calamo, propterea Calamum esse putarunt non infimæ classis Physici, & Herbarij, sed (teste Garzia) Calamus pallet, acris est, calidus, & ficcus in secundo ordine: Acorum albet, amarum, calidum, & ficcum tertio ordine. Idcirco Acori loco Calamum substituendum docet, sed maiori quantitate, quod non aded calefaciat, & deficcet sicuti Acorum: Plinius radices nigras, & minus venosas ei reddit, teste Hermolao, qui fatetur se intus rubentem vidisse, foris colore inter nigrum, & candidum: raram inuentu falso tradit Apuleius, nec nisi cum florem emiseric cognobilem locis cultis, & hortis, pratisque nascentem, legendam Augusto mense: Piperapium vocari idem auctor docet, quoniam apes suspensa in earum vasis herba numquam diffingere obseruatam sit: Acoro flores aureos, Croceosque attri-

tribuunt, semen spissum, atque gliscens, non sine odoris gratia: Haberi ferunt in Chio, Hellespontoque, & Euxino mari radicem Acori subrubentem venis intrinsecus nervosis prætenuibus, & candidis; eaque indigenas Iridis loco vti. Hanc ergo fortè vidit Barbarus, & nos in Musæo repositam conspicerè, & explorare sine controuersia possumus. Sed non sunt hîc prætermittendi admirabiles Scaligeri subtilitatum Thesauri, ita enim & de Acoro multa non aspernanda intelligemus, & quo pacto calida, & odorata in frigidis proueniant locis nobis constabit. Dixerat Cardanus: Rubus mora ferens, & Filix nonnisi frigidis inueniuntur regionibus; obijcit doctissimus Scaliger Calabriam, & Siciliam vtriusque plena esse: in Syria quoque, & Aphrica tam rubum, quam filicem esse: Triticum non tantum in temperata, sed in æstuosa regione nasci: sic aromata in calida, & frigida. In Iaua enim insula plurimum Tritici: In eadem Indiae parte quæ affinis est Temestitam segetis in herba, & stipula plurimum, Spicæ etiam spem certam futuram, si per Soli nimiam liceat vlginem: in Angliæ parte vltima, quam Scotiam vocant, adeo probum oriri Triticum, ut cum eo pane nullus præterea tota ex Europa comparari mereatur. Iridem, & Acorum inter aromata numeranda esse docere odorem, nec reclamare Theophrastum, illum in Illyrio optimum, non in Aphrica: Acorus ad Tanaim: eam namque radicem, quam falsò vocant Calamum Aromaticum Acorum esse: Air incolas vocare: alios Bostuorce, Lituanos Tartaricam herbam, sua lingua Tattarschizeli, quia Tartarum tractus is est, qui ad Tauricam pertinet Chersonesum: Turcas etiamnum vocare Asarum: Calamum autem Aromaticum in Asianis, & Aegyptijs apothecis vulgò venalem esse ea facie, quam delineat Dioscorides; in Aegypto frigidissima nasci, argumento esse Oppium; In India Cacao, subdebat Cardanus, semina calida in frigidis non posse perfici, quia Aeris auxilio opus habet natura; calidas verò radices posse: Obijcit

Obijcit Scaliger Cyperum, & Acorum Ponticū nullis commentis sub aquis à natura perfici, sæuas esse Hyemes in frigidis locis, Æstiuos Soles imbecillos, subtus terram verò aquas esse calidas hyberno tempore, numquam tamē aquas ad Mæotidem, sub terra ad eam venire caliditatem, quæ sat sit coquendo Air, hoc est Acoro: Hæc ex his Clarissimis Auctoribus attulimus, vt intelligeremus, quo res testimonio recentiori nituntur, eò esse veritati propiores, multaq; à Pharmacopæis Patrum nostrorum diffidentia, & imperitia deceptis palàm non admitti, quæ tamen propter Lusitanorum nauigationes Indicas passim communicata, & vulgata cernimus, nam profectò & Balsami arbusculum funditùs intriisse, atque hoc pacto speciem desijisse pronunciabant, vnamque Amomi fuisse in vsu negabant, sed tantum lignum, sed præstabat rationibus vltro citroque ritè pensatis: & Clusij, Garziæ, Bellonij, Scaligeri auctoritate subnixos existimare nos posse oculis cernere, & manibus conrectare, quæ à veteribus fando solum, & audiendo percipiebantur. Nemo sapiens, aiebat ille, mutationem consilij inconstantiam putauit: desinant igitur inuentis frugibus glande vscit, aut vllis succedaneis aut *ἀντιβαλλομένοις* Theriacâ, & alias huiusmodi magnas compositiones conficere.



X YLOBALSAMVM, quod in CALCULARIO Thesauro asseruatur notas eas obtinet ad vnguem, quas recenset Dioscorides lib. primo, cum probari recens ait tenue, fuluū, odoratū, quadantenus Opobalsamum spirans: cum verò comperiatur Balsami succus, qui Opobalsamum dicitur; Carpobalsamum, quod est Balsami semen, & lignum Balsami, de quo in præsentia agimus, prudenter Dioscorides monuit præcipuam auctoritatem esse succo, secundam semini, minimam ligno: hoc ex aqua potum cruditatibus, torminosis, vulsis, venenatorū ictibus opitulatur, vtiā cit: Ad capitis vulnera cum sicca Iri conuenit, squam-

Cccc

squammas ossium extrahit, & ad vnguentorum spissamenta additur: Ruellium prætermisisse vocem *ῥουέλιον* miror, quæ necessaria est, vt intelligamus prius decoquendum Xylobalsamum aqua, mox potandum.

Vsque ad præstantissimi Mattheoli tempestatem creditum videtur, quod Xylobalsami loco in officinis habetur, Myrtum potius referre, quàm Balsamum, quod fortasse verum fuit, cū postmodum diligentia recentiorum, & nauigantium industria horum medicamentorū prouentus in Italiam inuectus: eius vice Leucoij radicem à Galeno substitui docet Mattheolus, sicuti Myrrhæ Stacte, vel oleum Irinum pro Balsami succo. Vir admirabilis ingenij Hermolaus lib. primo Corollarij, admonendi sumus (inquit) Dioscoridem in huius mentionis Calce dicere Xylobalsamum decoctum cum Iride sicca mederi capitis vulneribus *ἀνὰ γὰρ τοῦ κεφαλῆς* nos squamas detrahare conuertimus, vt vel porriginem intelligas: hæc Barbarus doctè, legerat enim apud Celsum porriginem fieri, vbi inter Pilos, quasi squamulæ à cute resoluuntur modò sine vlcere, modò exulcerato, loco *ἀπὸ τοῦ* etiam est squamæ fractorum ossium; carunculam etiam inter viam, & emortuam ossis adusti partem subeuntem, quod abscessit, expleturam (eodem Cornelio Celso teste, *ἀπὸ τοῦ* à Græcis appellari idem testatur Hermolaus.



DE CASIA Dioscoridis caput expositurus doctissimus Marcellus eruditè, & eleganter monet, aliquas plantas adeò esse natura nostro Orbi implacabiles, vt nullis blanditijs, aut obsequijs retineri se apud nos patiantur, non secùs quàm Alpini homines delicias Urbium, & maiestatem fastidientes, cum primum remissa tantisper eorum custodia, & cura, in genuinum, & naturale sibi solum reuertuntur, tantus Patriæ, & natalium suorum omnibus amor est, nam & Vlysses fumum se malle è caminis Itachæ emergentem videre, & deinceps mori profusus

fessus est, ita enim Minerua apud Homerum Iouem ^{Ἰπταρ}
^{κρείοντα} summum scilicet regnantum alloquitur ^{αὐτὰρ Ὀδυσσεύς}
^{ἱμῶν καὶ πατρὸς ἀποβράσποντα νόησαι ἢ γαίης θάλας ἱμῆρες :} Ex harum
 igitur censu Plantarum erit Græcorum Casia, quæ nulla
 cura, & diligentia sub cœlo Italico aut Septentrionali ex-
 coli, aut perennere valuit. Iuxta enim odoriferam Ara-
 biam nascitur, teste Dioscoride, crassi corticis Samento,
 folijs Piperis: eligenda fuluescens, pulchri coloris, Corallij
 æmula, perquâ angusta, longa, crassa, fistulosa, gustu mor-
 dens, cum aliquanto feruore adstringens, aromatica, vinoso
 odore, huic tamen præferri docet crassam, purpuream, &
 nigricantem, quæ rosam odore imitatur: Ex hac fortè oleo
 permista, vnguenta apud veteres factitata crediderim, quæ
 summus Poëtarum Virgilius innuit, cum ait,

Nec Casia liquidi corrumpitur vsus Oliui,

Delicias enim à rusticorum abdicans vita, haud corrumpi
 ab ijs legitimum olei vsum aromatum permissione signifi-
 cat. Antiqui eius loci expositores tradunt olei generalem
 esse vsum, quod cum in vnguentum fuerit corruptum, vni
 rei tantum esse aptum incipit: at cum aiunt Casiam her-
 bam esse, qua fit vnguentum ieiunè satis, & imperitè rem-
 transigunt: sicuti & à recentioribus Dioscorides consulendus
 fuerat, qui fistularem, & soluentem Casiam, de qua supra
 egimus, à Virgilio intelligi putarunt. Est & alia Poëtarū
 Casia, quam Cneorum nigrum aliqui esse censent, de qua
 Virgilius,

Tum Casia, atq; alijs intexens suauibus herbis

Mollia luteola pingit vaccinia caltha,

& alibi

Nam ieiuna quidem cliuosi glareæ ruris

Vix humiles apibus Casias, roremq; ministrat.

De hac & Hermolaus meminit lib. iv. Corollarij, cum ait,
 Nostri hanc scilicet Chamelæam, & Thymelæam præcipuè
 Casiam videntur appellasse; Theophrastus Cneorum, Higi-
 no id apud nos Casiam interpretante, cuius duo genera
 Cccc 2 feran-

ferantur, candidæ, cui folium cutis modo quadantenus Oleagineum, nigræ, carnosum Tamarici similis, siue ut in Theophrasto quidam (quos probo) legunt, Myrto: Candida magis humi se spargit, & odorata est, nigra sine odore: Radix ambabus alta, prægrandis, rami copiosi, crassi, furculosi ab terra protinus, aut paulo supra emicant admodum lenti, ut quibus ad vincendum pro iunco utuntur venire in coronamenta folio. Post Æquinoctium Autumni germinant, atque florem mittunt, qui diutinus eis est, hæc tota de Cneoro, siue Casia Theophrasti sententia est. Hæc Barbarus, quæ eo consilio attuli, ut Casiam Virgilij, quæ herba est humilis apibus apta, & familiaris à Casia lignea, & aromatica distingueremus. Ad quam reuertens libenter ex Theophrasto adnotarim. Eam fruticem, esse magnitudine Salicis Amerinæ, sed multis, furculosisque brachiatam ramis, crassiore, quam Cinnamomum Sarmen- to, præterea nervosissimam, & solo cortice commendabilem, qui ei cutis tenuitate obducitur, neque aliter detrahitur, quâ si præfutas corio bubulo virgulas bicubitas enati vermes eroserint cortice tuto, intactoque propter amaritudinem, odorisque acrimoniam futuro, quâvis Dioscorides crassum, ei corticem adscribat, Plinius, & Theophrastus, tenuem, potius cutem. Fabulas esse Hermolaus tradit, Casiam, Cinnamomumque nidis Anium decuti plumbatis sagittis, aut circa paludes quasdam colligi propugnante diro Serpente genere, ut Theophrastus ait, Vespertilionumque, ut alij: quoddam genus Casiæ hircinum virus redolere, *Τρυγίλευον*, proinde damnari transtulerunt Barbarus, & Ruellius: alij Mauritanos porri odore vertisse animaduertentes *Πρασιλευον* legerunt ytra lectio sit verior experti iudicent, ait Hermolaus; qui capite illo de Casia lib. primo Corollarij se inuenisse apud Græcos authorem tradit, qui Paulum, & Oribasium de Casia Syringa loquentes induxerit, quod scilicet aduersus flauam bilem profit, præter naturam pallescentes, angina affectos, & peripneumonicos iuuat, & Oribasius eadixerit refrigerari colores iocinoris intemperatos; ex his intel-

intelligimus Cassiam fistularem Ægyptiam, & Cathartice-
cem superius à nobis descriptam cognitam fuisse vetustio-
ribus post Galenum Græcis Medicis, calidam, & humidam
abscessu primo, cum Aromatica, & lignea excalefaciat, &
ficcet abscessu ferè tertio: hoc adscripsi ob summam Her-
molai auctoritatem, & quia apud alios auctores hoc reperi-
re vix quispiam possit. Cæterum Cassia Aromatica men-
ses trahit ex Dioscoride, lentigines tollit, cum melle illita:
Fœminis prodest *eis ἡκαθίσματα τε καὶ ὑποθυμιάματα*: eius scilicet
decocto desidentibus, vel per suffimentum excipientibus (ita
enim verterim) ad dilatationē matricis, vel ad laxandos mu-
liebres locos (vt Marcellus vertit) Græcè *πρὸς ἀνεντισμὸν μήτρας*.
Duplo pondere medicamentis mixta in cinnamomi defectu,
idem præstat, *ἄγαν δὲ ἐστὶ πολύχρηστος*, ad plurima, scilicet per-
quam utilis, vel multiplicis vsus, quod remediū polycereste
à nonnullis etiam Medicis appellatur.



Erumenimuerò vt ex præscripto Socratis apud
Xenophontem meliores aliqua ex parte ex
hac stirpium lectione discedant Lectores, il-
lud accuratè perpendendum existimo. Que-
madmodum Plantarum perfectio ex proprij
loci natura retinenda qua conseruantur, so-
li celiq̃ue ratione habita, & virium suarum
explicatione, & diffusionē potissimum dignoscitur, quæ
stirpes à sua genuina natura, & proprijs notis ob-
signata à Dioscoride degenerant eas damnari docet, vnde & Pseudo-
casiam vocauit, quæ minimè odorata est, sed hirci, vel por-
ri virus redolet, ita homines vitiosos, & prauis scelerum, &
libidinis habitibus deformatos à sua natura plurimum de-
flectere, quæ ita comparata est, vt appetitionum motus sub
rationis gyro compescantur, ratio porrò humana legi di-
uinæ subdita sit, vt morbi illi animorum gemini euellantur
vitium, & ignorantia, virtutum, & doctrinæ saluberrimis
antidotis, quod ex Platone acceptum vberius explicarunt
tum

Lib. de
Civitate
Dei.

tum gentiles Philosophi, tum Sacrae paginae interpretes, meliori lumine illustrati, quorsum enim scriptum, impios esse corruptionis seruos, à quo enim quis superatus est, eius, & seruum additum esse? peccatorum suorum vinculis unumquemque constringi, nec liberum dici posse, qui vincientibus, & vincientibus cupiditatibus sit subiectus? Hinc Prophetarum vaticinia Euangelicis litteris consentanea eam Christianis libertatem pollicentur, quae in syncera in Deum, & omnes homines charitate posita est: ut verissimè, & sapientissimè Diuus Augustinus pronunciarit, tum demum verè liberum esse voluntatis arbitrium, cum vitijs, peccatisque non seruit, solum peccatum miserrimam inducere seruitutem, ut bonus quisque, etiam si tyrannide opprimatur, verè sit liber, malus autem, etiam si regnet, seruitute prematur, non vnius hominis, sed quod grauius est, tot dominorum, quos vitiorum; proinde Achabum regio sceptro licet insignem venundatum tamen, ac peccati seruum fuisse, qui sordido Idololatriae cultui crudelitati, iniustitiae se totum spontè addixerat: Ex his grauissimi Theologi calculum adijciunt sententiae illi peruulgatae apud Stoicos, Solum Sapientem esse liberum, qui nihil velit, nisi quod rectum est, & iustum, & nullos patiatur Dominos, quos timeat; quod ritè expressum ab Horatio.

*Quisnam (inquit) liber? Sapiens sibi qui imperiosus,
Quem neque pauperies, neque mors, neque vincula terrent
Respondere cupidinibus, contemnere honores
Fortis.*

*Duramque callet Pauperiem pati,
Peiusque letho flagitium timet.*

Verum & Dion Chrysostomus orat. vltima gentium stoliditatem irridet bello affiduo certantium, ut se in libertatem vindicent, cum sub vitiorum iugo durissima seruitute premantur: Vos, ait admiror, misereorque ob difficilem, atque iniquam seruitutem, qua à vobismetipsis copulati detinemini: non vno solū vinculo, neque duobus, sed sexcentis circumdati;
Tum

Tum memorat Dion primam dominam Voluptatem, quæ Sardonium quiddam subridens occurrat vincula florida, & mollia secum afferens, mox crudelem dominam Avaritiam, postremò, quæ suauissimo dominatu corda mortaliū vastat Libidinem dominandi; quæ tria sunt Idola res omnes perturbantia, & sæpius à nobis exagitata: Aduersus hæc Plato, Aristoteles, Seneca tres vitæ benè instituendæ admirabiles Magistri præclaris præceptis nos armarunt, atq; aded animarunt, sed geminum hominum genus legitimæ huic pugnae, atque institutioni visi mihi sunt semper repugnare; Histriones nempè quidam subdoli in hac vitæ scēna (siquidem vniuersus mundus videtur in præsentia histrioniâ exercere) Hypocritas vocarunt pietatis Christianæ assertores. Præterea Critici quidam *Phalæstus*, & sibi nimio plus placentes, qui viuunt, scribunt, & loquuntur perindè, ac in veteri Republ. Romana M. Varronis, aut Ciceronis sectatores forent; isti tres illos sapientum Proceres eò tantum legunt, & citant, vt ingenium ostendent, & orationem phalæris instructam obrudant: & se pro magnis litteratis apud vulgus ignarum, & admirabundum venditent; verum paucis opus est ad bonam mentem; hæc studendi methodus doctum efficiet, non probum: hoc pacto instar Penelopes procorum hæremus in Ancillarum amore, hoc est in exucca antiquitatis notitia, & imitatione, non penetramus ad Penelopem, hoc est virtutem, & sapientiam, quæ omnibus doctis, & veris Criticis, qui sunt sol, & sal litterarum debent esse proposita, vt sæpè inculcat doctissimus Lipsius, cuius etiam illa aurea præcepta: Sicuti rota, quæ in terra voluitur, parte ima, ac minima eam tangit, cætera extat, & est in alto, sic nos oportet decurrere per hæc humilia optima, & maxima parte altos, & subleuatos: Explorent sese Critici, & Hypocritæ sentient sibi inesse diuinum quiddam, ingeniumque suum, sicuti simulachrum aliquod dedicatum putabunt, vt ait Cicero, quare infinitis partibus maiorem curam nobis esse ponendam in exquirendis rationis humanæ perfectionibus, ne tamquam Pseudocasia degeneremus, quæ
eis

eis commoditatibus, quæ ad corpus & præsentis vitæ statum
 pertinent: Sed Hypocritæ Auaritia, & Ambitione turgen-
 tes sat habent, si vitæ integritatem, & rationis perfectionē
 in primæ Domine Voluptatis corporeæ carentia positam
 persuadeant; Critici vuculas confectantur, & locos pugna-
 tes conciliant: Hisce normam studendi præscripsit Lipsius,
 sicut limites in agris confundi non sinunt, & misceri, sic sa-
 lutaria illa sapientum monita & lectio coercēt, & animū,
 nec diffundi ad vana illa sinunt, nec misceri: quod egre-
 gia similitudine comprobatur à Plutarcho, qua statuit ef-
 feratos animorum motus Sapientiæ præceptis, & sententijs
 audiendis, & ruminandis sic compesci, ac mansuescieri, vt
 truculentos canes, qui ad agnitæ vocis agnitionem rabio-
 sos ponunt latratus: Verum id adiiciendum optimam edu-
 cationem puerorum, vt in viros vndiq; perfectos euadant,
 Basim certiorē, & solidiorē esse hisce præceptis, quæ
 adultos instruent, educatione virtutum habitus comparan-
 tur: Habitus per virtutum singularum actiones adolescen-
 tibus insinuandas fiunt. Id verò Aristotelis in fine ethico-
 rum tenendum, & Legislatoribus, Principibusque inculcan-
 dum, numquam fore scilicet Ciues, & Ciuitates vera virtu-
 te felices, nisi lege sanciat educationem, quam apud Sinas vi-
 gere aiunt, atque etiam alibi vsu, & consuetudine inualuif-
 se: Hæc igitur sedulo agenda, non ad inanem doctrinæ, &
 ingenij nundinationem in vulgus efferenda, vt otiosæ Cri-
 ticornum, vel Aulicorum mentes nouitate delinitæ detinean-
 tur: Illud Ennij valdè mihi probatur ea libertas est, qui
 pectus purum, & firmum gestitat, Aliæ res obnoxie nocte
 in obscura latent: quasi virtutum studium magis proprium
 sit hominis, vt acutiores etiā Peripatetici contendunt, non
 anxia illa causarum rerum naturalium inuestigatio, quam
 occupationem pessimam Hebræus sapiens nuncupauit.
 Hoc pacto per morales virtutes præclarum fundamentum
 perfectioni Christianæ, quæ superiori, & maiori lumine est
 subnixa, substruemus: & quemadmodum singulæ animantes
 ex propria naturæ suæ actione summam & perfectionem,

& 40-

& voluptatem nanciscuntur, ita ex formæ humanæ rationis scilicet operatione secundum virtutem comparata, quantū viuenti hominī licet, proprium, & genuinum nobis bonum conciliabimus. Bias sanè interrogatus, quod esset omnium in vita maximè *debetur*, hoc est intrepidum *ipſa curatio*, inquit, hoc est mens, sibi benè conscia: assiduæ, & domesticæ furia sunt improbis carnifices illæ conscientia, quas, vt velint (vir doctus ait) prorsus deponere non possunt. Aurea verò præceptio M. Tullij, & semper in pectore gestanda: Satis nobis (si modo in Philosophia aliquid profecimus) *persuasum esse debet si omnes Deos, hominesq; celare possimus, nihil tamen auarè, nihil iniuste, nihil libidinosè, nihil incontinentè esse faciendum*: Honestæ verò vitæ rationes in ventura tempora numquam differendæ, quinimmo Talaria nobis induenda, & in hoc dignitatis, & honestatis cursu remis, & ventis consuetis contenti esse non debemus, nulla ergo interponenda mora: Scitum enim illud est seram parsimoniam in fundo esse, vt monuit etiam Hesiodus *μερόβι τιδὲν οὐδὲν, δαμόδ' ἐνὶ τοῦτο, γὰρ οὐδὲν*, idest, parcendum in medio est, grauis est res parcere fundo; illic enim non solum quod minimum, sed & quod deterrimum residere solet: ita demum, ait Seneca, Vita beneficium erit, alioquin mors est, & quidem turpis inter fœda versantibus. Maximum enim viuendi impedimentum est expectatio, teste eodem Seneca, quæ pendet ex crastino, perdis hodiernum, quod in manu Fortunæ positum est, disponis, quod in tua, dimittis: & sapiens Belgæ præclare ad quendam Plauti locum alludens, Miseria, aut insipientia nostra, numquam iudicijs, aut desiderijs quiescere, præsentia omittere, absentia quærere, & vitam semper inter vota suspensam habere.

Hic ego Criticos antiquarios amicè oratos velim, vt non expendant quis scribat, aut quomodo scribatur, sed quid scribatur, anxiam enim illam, circumtonsam, & veluti manufactam scriptionem nos spernere iam sumus protestati, quæ, teste Seneca, animum non minùs pusillis esse occupatum ostendit; ita illud continget, quod maximum est in-

De br-
uitate
vita.

D d d d Chri-

Christiana disciplina, ut factores verbi, non tantum Auditores efficiamur.



AD Musæum nostrum redeo, in quo cum Cassia prædicta asseruari tū Cinnamomum Dioscoridis, & veterum conspicitur: Quinque huius genera produxit Dioscorides: qui etiā præferri Mosyliticū docuit recens, nigrum, ex vinoso in cinereum vergens, leue, tenuibus ramulis, ac frequentibus nodis cinereum, perquam iucundè olens, optimi ferè temperamentū, odoris proprietate constat, inueniri etiā in optimo, quodve seorsum nascitur, odorem Cardamomo proximum, acre, mordens, & cum calefactione quendam falsum: Talibus genuinis notis nostrum hocce Cinnamomum præditum videtur. Contendit eruditissimus Mattheolus Cinnamomum non inueniri, vel difficillimè, quòd ex Galeno etiam probatum voluit lib. de Antidotis, qui in Imperatorum Thesauris tantum comperiri scripsit, indè petendum cum Theriaca conficienda esset: Sed nostra ætate, Lusitanorum nauigationibus omnia patefacta: Compertumque Cassiam, Cinnamomum, & hanc Canellam vulgarem idem esse medicamentum, quinimò & eiusdem Arboris esse ramulos, qui pro soli varietate odoris, & virium præstantia variant, quod Nicolaus Monardes visus obseruasse, qui ex Occidentali, & Orientali India petatum agnoscit Cinnamomum: Eadem ferè Garzias Hortus, & Carolus Clusius, ille Cinnamomum Arborem esse ait magnitudine oleæ interdum minorem multis ramis præditam, non in ijs quidem contortis, sed rectis, esse autem Canellam, siuè Cinnamomum secundum & interiorem corticem, qui ab exteriori, & crassiori repurgatus in laminas quadrangulas sectus humi abijcitur, atque ita per se conuoluitur, adempto cortice tribus postea annis ab eo Arbore abstineri: qua de re diligenter legendus Garzias vberius Cinnamomi tractationem prosequutus:

quatus : At Clusius scribit se in Belgio vidisse Cinnamomi ramulos rectos non enodes, sed nodis quibusdam, siue ramulorū vestigijs palmum ab inuicem diffitis insignitos, corticem tenuē subcinerei quodammodo coloris, iucundi odoris, suavis gustus, sed qui sua acrimonia aliquantulum linguam vellicaret: lignum inodorum fuisse, & insipidum non minùs, quàm Salicis ramus cui valdè similis, retinuisse corticem suauem illam tùm odoris, tùm saporis iucunditatem, tametsi totis quadraginta, aut amplius annis à sua matre reuulsi essent ramuli, atq; eam esse maiorem, quam nostra Canella : Verum sedulum Lectorem ne pigeat diligenter perlegere, quæ tres isti auctores prædicti, & potissimum Clusius de hac Planta præstantissima tradunt; ita enim melius, & veterum Cinnamomum cognoscetur, & recentiorū tenebræ discutientur, qui Cinnamomum corticem esse pernegarunt, & nobis deesse existimarunt, contra quam Fuchsius, & Amatus Lusitanus tradiderant: Cinnamomum scilicet quod Zeilam mittit Corticem esse arboris quatuor fere cubitorum altæ, crassitudinis brachialis, sex, vel septem è trunco mittentis ramulos, quorum Cortex, qui Cinnamomum est, sit tenuis, odoratissimus, gustatu acris, valdè mordax, mansum rutam olere: hæc verè Fuchsius, & Amatus, qui Lusitanorum suorum inuenta, & aduectas merces probè norat, & exploratas habebat; Illud porro ioco ne, an serio subnectere debeam, æquus lector iudicium feret, quòd auctor incognitus notarum in Aromata Garziæ à Clusio impressarum (quem esse Iosephum Scaligerum eruditum quidem Virum, sed impotentis ingenij, & ambitiosi, non obscuris argumentis conieci) memoriæ mandauit, cum n. scripisset Garzia Cinnamomum vocarunt, quod significat Lignum odoratum, quasi Amomum ex China: exclamat ille nihil ioculatus, ineptius, stultius dici potuisse: primum enim balbutientes Lusitanos pro Sinâ China pronunciaisse; secundo, nullam cognationem esse Amomi cum Casia; tertio, Cinnamomum vetustissimam esse vocem apud Hebræos in Prouerbijs, & in Exodo Kinnamon; vocemque Hebræam

producit: Sed benignius accipienda erat Garzia sententia, nec in eam ex toto plauſtro conuicia iactanda: Quis enim certa rationum fide conuincat, apud etiam Hebræorum vetustam linguam eam non habuisse ethymologiam Cinnamomum; sicuti Cinnamomum, & Balsamum aromatizans odorem dedi, quem locum obseruans amicus meus linguæ Hebrææ peritus, sibi probari coniecturam Garziæ proficitur, quis etiam docuit Auctorem Anonymum Sinam non posse esse Chinam, si viueret Goropius Becanus è Belgica sua lingua facile exprophisset etymum: Sed hæc minuta transilienda erant, licet à morosis Criticis arripiantur auidè tãquam diuina virgula suppeditata: & Hispano homini erudito prudenti, & diligenti pusilla hæc *ἀμάρτυρο* condonanda, vel clementius, vt dixi, & candidius interpretanda. Cinnamomum nigrum scribit Plinius esse commendatius, atque etiã varium præferri candido, certissimo argumento si sit scabrum, atq; inuicem tritum contumaciter frietur, & inhorrescat, improbari molle, aut cui albicat cortex; Pretia quondam fuisse in libras denariorum mille: Audum esse id parte dimidia incensis syluis ira Barbarorum, aut etiam fortè fortuna, quàm Austri tam ardentes ibi afflare solent, vt Æstatibus syluas accendant: Coronæ veteribus fiebant ex Cinnamomo interrasili auro incluse, hæc ex Hermolao, ex quibus in delectu Cinnamomi Plinio, Dioscoridi consentientem cernimus. Vires etiã & facultates eximias apud Dioscoridem, Galenum, Mattheolum alios comperiet lector: obseruandum tamen cum dixisset Dioscorides Cinnamomum omne habere vim calefacientē diureticam emollientem, & coquentem, subdere *ἔχει δὲ καὶ ἔμμηνα, καὶ ἔμμηνα πρὸς μῆστρον, καὶ προτιθέμενον μετὰ σμύρνης*, idest, menses, & fetus educit cū Myrrha potum, & appositum, quæ nostra ad verbū interpretatio Marcello etiã arrisit; Ruellius malè qui *pro* exponit, aut ex Myrrha impositum pellit, quasi potari cū Myrrha nequeat Cinnamomum, sed solum vtero sit imponendum; hoc tamen repugnat experientia, nam in Virginum, & Viduarum euocandis mensibus Cinnamomo cum Myrrha

primo lib.
Corollarij
cap. 13.

Myrrha Troglodytica, adiecto etiā Dictamno Cretico foelicer utimur, cui experimento, & Dioscorides adstipulatur, cuius scriptura ^{ubi} habet cū Myrrha scilicet potum, & appositum menses, & ^{ipsum} pellere Cinnamomum, ut optimē vertit Marcellus; Sed eiusmodi multa sunt, quibus in exprimenda Dioscoridis mente imponere lectoribus expositores solent, quæ breuitati studentes in præsentia præterimus in nostra Dioscoridis conuersione omnia vberius prosequuturi.



CANELLA Alba Clusij, sic à multis appellata (Casiam vocare possis) exoticus est cortex (eo authore teste) antè paucos annos inferri cæptus in tubos plerumque conuolutus, & albicans: eius duo obseruauit genera, vnum maioribus tubis præditum, & crassius, alterum tenuius, & minoribus

Tubis, quod præferendum, vtriq; generi cortex scaber ferro deterfus, & æquatus videbatur; crassiori color minùs candidus, minorque acrimonia, tenuiori maior acrimonia, color magis candicans, & maior fragrantia: hesitasse se Clusius diligēs, & exactus rerum exoticarū Scriptor fatetur, an huiusmodi Cortex ex arbore, ac frutice, an ex radice esset ademptus. Demum ex fragmentis Corticū candore eximio, & acrimonia præditis, quæ Bataui ex Moluccis, & Iaua reduces referebant, se cognouisse docet, non ex ramis, vel trunco, sed ex radicibus detractos huiusmodi Cortices, quod probat ex frequentibus nodis, & vestigijs, vbi fibræ inhæfissent, quæ omnia radicibus conueniunt: Cæterum & alterum fragmentū Corticis sibi Amstelredamo transmissum, testatur Clusius, quod enode erat pedalis longitudinis, ut primum illud genus Casiæ albæ, quod crassius, & vilius putatur, multis lacunis huiusmodi cortex erat distinctus, quæ videbantur vestigia foliorum, quæ ramum, vnde Cortex detractus, cinxerunt. Huiusmodi fere omnia Corticum frag-

fragmenta odorata, & acria, in Musæo hoc nostro, si diligenter ipsum perlustraueris, lector asseruata comperies.



LIGNI Cinnamomi, Xylocinnamomum appellant, cuius & Dioscorides visus meminisse, fragmenta in eodem rerum naturalium Thesauro conspiciuntur, quæ ferè ex doctissimi Clusij verbis superius descripsimus; qui in Belgio duos Cinnamomi ramulos à se conspectos tradit: quorum cortex subcineri coloris, iucundi odoris, suavis gustus acrimonia linguam vellicantes: at lignum ipsum inodorum, & insipidum non minus, quàm Salicis ramus, cui perquam simile.



ASPALATHVM porrò ad Vnguentorum spissamenta ab Pigmentarijs adhiberi Dioscorides testatum reliquit; *ἰσχυρὸν* esse fruticem lignosum multis horrentem spinis, optimum esse grauem, detracto Cortice rubentem, aut in purpuram vergentem *πικρὸν* densum, quæ vox prætermissa à Ruellio; odoratum *ἰσχυρὸν ἐν τῇ γύσει*, dum gustatur amarescentem: gustatu amarum vertit Ruellius, sed si quis ab ipso per equum & bono peteret, cur Dioscor. non scripsit *ἐν τῇ γύσει πικρὸν* sed *πικρὸν*, quid respondeat Ruellius: profectò nò sine mysterio, & legitima ratione hoc pacto scripsit diligens, & exactus Auctor significans (ni fallor) nò esse in Aspalatho amaritiam veram, & exquisitam, sed leuem, & veluti se, dum gustatur, prodentem: Quod re ipsa verum esse facile comperi, dum Aspalathum Musæi nostri degustarem: seriebat enim gustum amaritudo aliqua, sed non sine insigni acrimonia, & aromatica qualitate coniuncta: Facultatem obtinet calefacientem cum adstrictione, vnde cum vino decoctum ad oris vlcera, *ἄσθμα*, colluenda conuenit; ad Nomas genitalium, & sordida vlcera infan-

infunditur, subiectum in pello partum extrahit. Aluum
 sistit eius decoctum, & sanguinis reiectionem potu Co-
 hibet, Dysuriam, & *ἐκτυσμάτιον* inflationes nimirum soluit.
 lib. vj. simplic. medic. Galenus de Aspalatho tractās acré,
 & adstringentem facultatem ipsi attribuit; illa calefacere,
 hac docens refrigerare, quare ad putredines, & fluxiones
 cohibendas mirificè conducere: quo loco obseruandū nul-
 lam ipsi amaram qualitatem à Galeno maximo qualitatum
 medicamentorum exploratore adscribi, tantū acrem, & ad-
 stringentem: quod argumento est illum amarorem à Dios-
 coride agnitum leuem esse, & inter gustandum à cæteris
 qualitatibus valdè superari. Apinas, tricasque saperdarum
 nouorum criticorum in re Botanica libenter omitto: Vtilia
 prosequor; non esse Santalum rubrum Aspalathum optimè
 colligunt ex Serapione, qui separatim de Santalis tamquam
 de re Arabum propria agit, mox de Aspalatho Dioscoridis
 sub nomine Darisam, ratio etiam adstipulatur nam Santali
 omnes frigidi: Aspalthus calidus, vt ostensum est: Illud
 postremò adnotatione dignū videtur nostratem Plin. lib. xiiij.
 docere probationem Aspalathi in colore ruffo, vel igneo
 esse, tactuq; spisso, & odore castoreo: qui locus nonnullū
 ex Criticis recetioribus impulit, vt putaret aliū esse Diosco-
 ridis, alium Plinij Aspalathum propter huncce odorem, cū
 simpliciter odoratum Dioscorides statuatur, nulla Castorei
 adiecta mentione: Sed proculdubio is deceptus, nā se ip-
 sum explicat, dum ait: Tradunt in quocūque frutice cur-
 uetur Arquus cœlestis eandem quæ sit Aspalatho suauitatē
 odoris existere, sed in Aspalatho inenarrabilem quandam:
 quo significatur odoris grauitas quædā, non tamen ingrata,
 quam inenarrabilem vocat Plinius, simplex enim Castoreū
 detractō adipe, & cæteris quæ odoris fœditatem pariunt,
 odorem haud ingratum redolet, vt peritissimi rei herbariæ
 testantur. Huius Dioscoridis Aspalathi tria prægrandia, &
 præclara frustra in Musæo asseruata conspexi.

ASPA-



ASPALATHVM porrò Ruellij, hoc est Rhodium oleastrum, quod esse legitimum Aspalathum sibi persuaserat, noster pariter Theophrastus seruat precatorijs coronis (vt vocât) ob salutationem Beatissimæ Virginis faciendis accommodatum : Eius materiam docet Mattheolus partim esse nigram, partim ex nigra, & flaua, venosam, rubram, ac subrubram (vt Ruellius inquit) nusquâ à se visam. Hanc plantam ex olearum esse genere, vt Rhodij à se interrogati retulerunt, in tractu Rhodio abundè prouenientem, sed nec multis horrescentem spinis, nec detracto Cortice rubescentem : quare iurè Ruellij Aspalathum, non Dioscoridis dicemus : ne de nomine lis vrgeat.



ASPALATHVM roseum videtur describere Plinius lib. xij. cap. xxiv. vbi in eodem tractu Aegypti scilicet Ascalonis, & Cypri Aspalathum nasci Spina candida, magnitudine arboris modicæ, flores rosæ testatur. De eadem Spina loqui etiam visus lib. xxiv. cap. xij. ex præscripto Dioscoridis ; fruticem esse humiliorem. ac spinosum, in Nisyro, ac Rhodiorum insulis nascentem, sed non ubiq; odoratum.



THURIS Arboris Lignum, quod in Musæo conspicimus, nobis in memoriam reuocat, quod Virgilius docuit, Diuisas esse arboribus Patrias, solis Sabæis Thuream virgam concedi : hic Arabiæ Pagus, cui soli concessæ Thuris Arbores : In India enim nasci Thus constanter negat Garzias Hortus, ob id miratur Dioscoridem, & Auicennam id asserentes, quamquam Hispani Thus in nouo etiam orbe inueniri scribunt : Arboris Thus producentis duplex genus ; Montanum, & in planis nascens, illa montibus confragosis proueniens optimum, & laudatissimū Thus profert ; hæc nigra & im-

& improbum. Porro Thuris Arbos humilis est, teste Garzia, & folia habet Lentisco similia, peculiarisq; est Arabię: legendus verò de Thure Theophrastus, Plinius, Mattheolus, Marcellus Virgilius: Hermolaus lib. primo Curollarij, qui ex Ouidj versu,

Thura nec Euphrates, nec miserat India Costum,
Videri ait aliundè in Urbem comportatum Thus, quàm ex Arabia, an quia oppidum Chara Arabię nundinarium, haud procul Euphrate situm.



LIGNVM Nephriticum ad renum affectiones, & vrinæ incommoda perutile in nostro Thesauro pariter repositum obseruamus, de quo Nicolaus Monardus lib. de simpl. med. Historia cap. xxvij. Ligni genus esse crassum, & enode à noua Hispania transmissum, materia Pyri, cuius vsum iamdiù receptum in huius regionibus ad renum affectus, & vrinæ incommoda, & viria, mox experimento comprobatum esse aquam ex eo paratam ad iecoris, & lienis obstructions valere: Lignum assulatim, & minutim concisum in optima fontana aqua macerari, in ea relinqui, donec aqua à bibentibus absorpta sit; dimidia hora post iniectum lignum aqua cæruleum dilutiorem colorem contrahit, qui sensim intenditur pro temporis diuturnitate, tamen lignum candidum sit, hac aqua assidue vtuntur, ea vinum diluunt, & mirabiles experiuntur effectus: Calidum, & siccum in primo gradu statuit Garzias.



GALLOCHI selectissima fragmenta in Cimiarchio adseruat CALCEOLARIUS, quæ, teste Dioscoride, ex India, & Arabia deportantur cute versicolore conuestita, maculata, odorata, gustu adstringentia, cum quandam amaritudine: pro Thure ad suffimenta substituta: Garzias legitimum lignum Aloes (hoc enim vocat Agallochum Dioscorides) nonnisi ex

Eeee

Indla

India conuehi docet Malacha scilicet & Samatra, non cute, sed cortice, vt cetera ligna vestiri, nec pro Thure ad suffimenta substitui; sed contrà pro Agallocho Thus, non enim rariora vulgaribus substituuntur, sed contrà, nam Thuris selecti centum pondo aureo duntaxat illic emi, licet ex Arabia deportetur, lignum verò Aloes licet illic natum, tres aureos pendere in singulas libras; Arbor est oleæ instar interdum maior, ait Garzias; præferri multum nigricans, cinereis discurrentibus venis, ponderosum plurimo humore pingui prægnans: Probatio, si igne accensum multum humoris exudet, in aquam coniectum, innatet, non subsidat: addunt aliqui, vt magna sint fragmenta, putant enim quod maiora sunt fragmenta, eò plus facultatis in se continere: iuxta receptam Physicorum sententiam; In maiore mole, maiorem esse virtutem.



DRAKENÆ radiceis descriptio optima habetur apud Carolum Clusium lib. Exoticorum iv. cap. x. quam sibi donatam ab Equite Francisco Drake Londini proficitur absoluta nauigatione, qua totum orbem, superato Megallanico freto, circumuiuerat: radix apud Peruanos summæ æstimationis, semiunciali magna ex parte crassitudine, & prælonga, in nodos, & inqualia capita extuberans, in summis capitibus veluti è crassiss squammis contexta, foris nigricans, rugosa, dura, quia resiccata, interiore parte alba, tenues fibras hinc inde adnascentes habet quasdam crassiusculas, & maiusculas, à quibus alij nodi dependent, nullo euidenti odore est prædita; sapor nonnihil adstringens, diutiùs manducata tenuem, suauemque acrimoniam in ore relinquit: His explorata, notis Musæi radix Drakena eadem cum ea, quæ describitur à Clusio comperta, eius folia venenū esse, tradit Clusius: Radicem antidotum illius veneni, atque aliorum venenorum; cor, & vitales facultates roborare, si pollinis in modum trita

trita manè ex paxillo vino fumatur, ex aqua verò febrili
ardores mitigare: de hac loco cit. Consulendus Clusius, qui
& radici à cognomine donantis nomen inditum ait.



X Charcis Prouincia Peruana (inquit Mo-
nardus lib. de simpl. medic. historia, radices
aduehuntur, Iridis radicibus similes: Has
ab Hispanis Indias habitantibus Alexiphar-
macum existimari maximum, quoniam earū
pulis ex albo vino sumptus, aduersus om-
ne venenum præsentissimum est remedium
(vno sublimato excepto, quod sola lactis potione extingui-
tur) vel enim vomitione educit, vel sudore euocat: ama-
toria etiam pocula *σταρα* eo puluere hausto educi ferunt:
subdit Monardus: Gustata radix aromaticum quiddam fa-
pit cum acrimonia coniunctum, quare calida videtur secun-
do gradu: Hanc radicem olim Calceolario Seniori dona-
uit Hermolaus Capellus Senator Venetus præclarissimus,
& Constantinopoli transmissit, vbi ipse Legati munere fun-
gebatur.

Caterum omnem admirationem superare videtur radix illa à
Calceolario Seniore reperta, admirabilium rerum curioso
peruestigatore, de qua meminit Clarissimus Mattheolus in
Epistola Luculenta nuncupatoria in Commentaria Dioscori-
dis, vbi etiam Inuentorem radicis CALCEOLARIUM nominat,
ea igitur radix per noctem vino macerata, & subinde vino
epoto per linteolum percolato omnem quantumvis fameli-
co edendi potestatem adimit, vt ne tantillum quidem cibi
degustare possit, nisi aceti cochlear absorbuerit: ridendus
profecto iocus (ait Mattheolus) sed res ipsa non omnibus
committenda. Æschynomenem, ait Guilandinus, narra-
tam Apollodoro Democriti Discipulo, cum in Arabia pe-
reginarer, appropinquante manu folia contrahentem, hisce
oculis vidi: octonum pedum plantæ proceritas, quæ in-

Prouincia Mabar accedente homine, vel animali ramos constringit, recedentibus, pandit: In Insula Cimbulon proxima Insule Burnai Arbos conspecta, cuius frondes in terram lapsæ se ipsas reptatione quadam promouebant: Radix etiam Baharas in Iudæa nata, de qua Iosephus lib. vij. de bello Iudaico euellere cupientem fugit, nec prius fugam sistit, quam vrina muliebri, aut menstruo sanguine conspergatur: sunt istæ admirabiles: at nō & Calceolarij radix in eandem classē admittetur?



COSTVM porrò Arabicum, atq; Indicum, tum Syriacum describit Dioscorides, præcellere bonitate Arabicum, tum alios ordine subsequi notis proprijs omnes insignitos: Garzias Hortus lib. primo de Aromatum historia, vnum Costi genus esse ostendit in India proueniens, vt autem tam diuersa nomina fortiretur occasionem dedisse negotiatores putat, qui ex varijs regionibus oriundi erant, à se porrò interrogatos Arabas ait, an apud ipsos nasceretur Costus, eos pernegasse, alium se vidisse Costum, quam qui ex India ad ipsos perferretur: Describi autem Costum ab ijs, qui viderunt Sambuci effigie, atque Arbuti magnitudine, florem odoratum proferentē, præcellere intus candidum cortice cinereo, tanta odoris fragrantia præditum, vt plerisq; nares feriat, & capitis dolorem excitet, cum recens est lignum, nullius amaritudinis est particeps, & est candidum, cum vetustate corrumpi incipit, amarescit, fitque nigricans: cæterum optime obijcit Clusius, apud Dioscoridem Costum esse radicē, non simplex lignum cortice contectum, adulterari enim ait Helenij Comageni præduris radicibus admistis, ac fruticis ramus tantam cum radice affinitatem habere nequit, vt radice adulteretur: Iam verò in nostro Musæo Costus is reperitur, vel ei persimilis, quem ex Lusitania Antuerpiam aduectum meminit Clusius solidum Cortice cinereo, odorata admo-

admodum radice, violaceum, siue irinum spirante odorem, præsertim dum manditur; ei Caulis fragmentum inheret ferulaceum quiddam referens, & fungosam medullam continens, vt cum Garziæ etiam Costo valde conuenire videatur. Hinc habendæ gratiæ Mattheolo, qui, vt eius ferebāt tempora, nondum aromatum copia ex Indicis nauigationibus comparata, nobis quid non esset Costus, quo officinæ passim utebantur, significauit, vt nec radix ex Gargano Apuliæ monte delata, nec etiam Angelica, tametsi Costo similior, quid autem verè esset, & vnde conueheretur, ob perstrictam rationem planè, & verè (summa excusatione dignus) pronunciare, & profiteri non potuit. Quocirca, nec Mauritanorū distinctio in dulcè, & amarum Costum sperni potest, vt ex ijs, quæ diximus, satis liquet. In impressis porro Commentarijs anno 1569. scribit Clarissimus Mattheolus Arabici Costi radices omnibus adstipulantibus notis missas sibi à Francisco Calceolario Seniore Veronensi Pharmacopæo materiæ medicæ studiosissimo, quas, tamquam pretiosas inter sua selectoria medicamenta seruandas duxit: Arabicum enim Costum idè prælatum iudico, atque ea appellatione insignitum, quoniam ex India Arabes præstantiorem, & efficaciorē deligebant, tamquam optimi in Emporijs rerum huiusmodi negotiatores. Hermolaus primo libro Corollarij per diminutionem à Strabone dici Costarium docet, radicem in pretio esse, fructum inutilem, Plinium Indicū duntaxat nouisse Costum primo statim introitu annis Indi in Patale insula compertum, duo eius genera facere, nigrum, & quod melius eo iudicat, candidum: Vires Costi optime prosequuntur Dioscorides, & Galenus lib. vij. simpl. acrem enim, & validam calfaciendi vim attribuit, vt etiam exulceret; quare Paralyticis, Ischiadicis, & quibus ex alto ad superficiem trahendus humor, esse accommodatum. facultatis exulcerantis non videtur Dioscorides mentionem fecisse, verum cum rigentibus ex oleo *πρὸ τῆς ἐπισημαντικῆς* antè febris accessionem, & neruorū resolutionibus, vel Paralyticis, vt verbum verbo reddam, obliniri doceat, illam vim ab alto tra-

trahendi, & Phœnigmo veluti vlcerandi satis indicat.



ZEDOARIA Zerumbet Serapioni esse videtur, radix rotunda instar Aristolochiæ, colore, & sapore Gingiberi similis, eamque è Sinarum regione conuectam tradit: Auicenna pariter Zedoariam radicem esse ait Aristolochiæ similem, præferri eam, quæ ad Napelli radices gignitur aduersus venena Serpentum, & Napelli præsens antidotum: Sed commentum hoc alibi refutatum. Iam verò cum Zerumbet in India nascatur, teste Garzia, Zedoaria è Sinarum regione deportetur, differre inter se putantur, nec Pauli Arnabo videtur, quoniam Arbor est procera suauis fragrans odore, Zerumbet verò graminea est planta: Quam Clusius tuberosam Zedoariam descripsit foris nigricantem aliquando cinerei coloris, intus candicantem, gustu vsualis Zedoariæ, quæ cum Serapionis Zerumbet conuenire videtur, eam sanè in Museo asseruatam conspexi: quod verò qui plura de his legere vellet, ableget Clusius ad Doctissimi Mattheoli Commentarios, facit ille quidem pro insito animi sui candore, & indoctos viros obseruantia, cum hic primus superiori ætate inter mortuam herbariam notitiam è tenebris excitauit. Clusius verò, Garzias, Monardus, Bellonius ob patefactas nauigationibus Lusitanorum, & Hispanorum Indicas provincias multa vel adiecerint, vel obscura illustrarint.



BEHEN album, & rubrum radices esse minoris Pestinacæ similes, contortas, odoratas, mansu lentas, in Armenia natas ex Serapione, & Auicenna testatum reliquit Mattheolus Vir clarissimus; Ad cordis affectus à recentioribus valde expetita; quæ communis vsus sunt, in Italia, non in Armenia effodiuntur, nulla penitus odoris suauitate commendata, namque man-

& mansæ nullum ori lentorem reddunt, nec erraticæ Pestinacæ faciem representant, cum tamen Arabicum Behen, ita Pestinacam referat, vt Haliabbas clarissimus Mauritanorum auctor, nullum inter has radices discrimen agnoscat. Verum, & genuinum hoc Behen ex Armenia aduectum olim anno 1575. Calceolario Seniori Botanicorum solertissimo donauit Haimus Abensufius Hebræus, magni Turcarû Regis Medicus intimus, & Cubicularius, quod ex litteris colligimus ad ipsum scriptis, quæ propter Papyri etiâ mirabilem conditionem raræ, & curiosè perspectu, & lectu videntur.



X Cedro Libani, & Palestinæ Arbore pro-cera fructus prouenit Pinearum figuræ non multum dissimilis, sed gracilior dura, ac odorata substantia, neq̃ non compactili squamarum Strue coagmentatus, subfului coloris, consimilem fructum ramo suo hærentē. P. Andreas Mattheolus Medicus Casareus,

& cui plurimum rei herbariæ professores meritò debent in suis Commentarijs in Dioscoridem à Calceolario Seniore se primum accepisse testatur: Ex quo intelligimus quantum in exquirenda, & exploranda materia Medica, & Simplicibus medicamentis optimi illi Senes elaborarint, cum potissimum Arabum tenebris omnia obsita, & sepulta iacerent, vt aliàs etiam à nobis fuit indicatum.



E D R V S Phœnicia Mattheoli fructus Iuniperi baccis similis, sed multò maior, rubentiorq̃ue, odoratus, esu suauis ob dulcedinē, qua abundat, cuius Arbor, quòd folijs Iunipero consimilibus, sed duris, spinosis, & acutis sit prædita (cum huic simplicius, & mollius sit folium) ὀξυκέδρος, teste Theophrasto, vocatur, & à Monspelliensibus Iuniperus maior: Ceterum (optime lector) vt Cedri Arboris naturam, discrimina, varie-

varietatem plenius cognoscas; Hermolaum lib. primo Cor. cap. c x. legere ne graueris: vbi Theophrasti, & Plinij notatis in eius descriptione differentiam intelliges: Plinium maioris Cedri duo genera facere, quæ floret, & fructum non fert, quæ fructiferâ, sed non floret, in ea antecedentem fructum occupare nouum: Porro quod *σινύλα*, cum nonnullis exponat Hermolaus Vinum lacteum, idest tepidum, apud Hippocratem, cum scribit, Cedrum, & Hederam creticam foeminarum incommodis auxiliari non satis percipio, cum miscellam ex vino, & lacte intelligere aptè valeamus, sicut melicratû, & oxymeli, & ænomeli, & cætera huiusmodi apud Medicinæ veteres Auctores vocabula.



FAGARA Auicennæ fructus Aromaticus Ciceris arietini magnitudine, cui cortex tenuis est ex cinereo nigricans, huic tenui putamen subest, nucleum continens satis solidum, & tenui, nigraque membrana obdudum, in quo fructus seruatur magnitudinis, forma, & colore, fructui illi valde similis, qui Cuculus indus appellatur, ab Italis Cocole di Leuante. Vt primo adspectu fallere, & pro eo sumi possit, ait Clusius; Auicenna Arabum diligentissimus, modò interpretes fideliter, & scienter ipsum exponerent, ita interrogat, Fagara quid est? Granum simile Ciceri habens granum Mahalob: & quæ sequuntur: In tertio porro ordine calefacientium, & siccantium ponit: Ventris, & epatis frigida intemperiei vtilem, coctionem iuuare, & aluum adstringere docet.



FAGARA minor Carpobalsamo haud valde magnitudine dissimilis; cæterum gustatu, & hæc ut superior aromaticam vim præfert, qua intelligitur ijs facultatibus prædita, quibus cætera Aromaticæ sunt donata.

STYRA



STYRACEM Syria supra Phœnicem gignit ad Gabala, ait Hermolaus: Sed in Musæo nostro Styracis Arboris fructus ostenditur, veluti officulus quidam calore flauescens semen in se continens, quod ex Baccis illis tenui quadam lanugine obductis, rotundis, & in acutum desinentibus excluditur, quas Arbor ipsa longo pediculo appensas producit, vt præclare Mattheolus in Comment. docuit, vbi etiam disertè testatur haberi Styracis plantas in Italia non solum in hortis, & viridarijs, sed in Romano, & Tyburtino agro spontè prouenientes: Gummi in Italia non proferre, hoc Gummi Styracem calamitam in officinis vocari; ex Galeno primo de Antid. fortè sumpta appellatione, qui optimum Styracem censuit, qui ex Pamphylia in Calamis afferebatur; hinc Marnardi coniectura legendum apud Dioscoridem Calamites: Sed Mattheoli censura magis probanda, qui ex Marcello Gabalitem legit Plinij auctoritate subnixus in Syria super Phœnicem gigni circa Gabala Styracem prodentis,



CASTANEÆ Equinæ Bisantio delatæ, ab eodem Mattheolo in Comment. in Dioscor. vt nouum Castaneæ genus, cuius neque veterum, nec recentiorum quisquam meminerit, exhibentur: In Orientalibus regionibus arborem esse spectatæ proceritatis folio Pentaphylli, sed longè humana manu, quin folio etiam Ricini grandiore, longo, ac tenui pediculo appenso, Echinos ferre in cacumine magnitudine nostratibus æquales ruffo colore, verum duriore, & crassiore putamine, aculeis raris, sed robustis, & firmis, & colore flauescens: singulos singulam includere Castaneam nostratibus ferè similem crassiorem tamen, rotundioremq; , Cortice subnigricante, præterquam anteriore parte, ea enim albicat, macula Cordis figuram præferente; Totum eundem esse robustum,

F f f f

stum,

stum, & simplicem nullam intrā se tuniculam habentē, quali
nostrates Castaneæ conteguntur: sapor pulpæ vulgaribus
similis, sed dulcior paulò: Equinas hæc nuncupari Casta-
neas ab Constantinopolitanis, quoddā anhelosis, & Tussienti-
bus equis plurimum auxiliij afferant deuorata.



VAIACI Arboris procerae fructus ex India
delatus flauescens coloris, binis lateribus
præditus, & pene formatus instar loculorum
Bursæ pastoris vulgaris: addit Mattheolus,
Iuglandis esse magnitudine, quique esu alui
soluat: Monardus in historia simpl. florem
luteum subsequi ait fructum rotundum soli-
dum semina in se continentem Mespili modo.



ALAPÆ radicem nuper ex India delatam
ad Drachmam unam admirabilem in hydro-
pici euacuationem moliri, testatur doctiss.
Sanctorius Sanctorius in Cōmentarijs partis
tertiæ Artis medicæ Galeni, tutiusq; hoc re-
medio, & vncijs tribus succi Ireos cum dua-
bus vncijs Mannæ in aqua è floribus Citri
dissolutæ euacuari aquam docet, quam Paracentesi, hoc est
punctura propè umbilicum, de qua Galenus xiv. lib. meth.
med.: subdit Sanctorius, ad eundē vsum paratur vinum me-
dicatum ex Salapa iucundissimum in auferenda Hydropico-
rum aqua: in eo conficiendo se vti opera, & diligentia
Alberti Stechini Pharmacopæi ad signum Struthij Viri pe-
ritissimi.

Porro cum diligentius exquirerem, quid reuera Scielaqua ista
hæc foret: respondit doctissimus Pignorius Clarissimū Spi-
gellium putare genus esse Mechoacam: idq; Carolū Clu-
sium in nouello Exoticorum libro sentire, vel igitur ad ma-
nus nostras non peruenit hic liber, quare nihil certi hæc
de re

de re decernere ex eo potuimus, vel (quod alij existimāt) ad Mechiocam syluestrem redigitur, de quo Monardus lib. de simpl. medic. Hist. cap. 11. quiq; mittitur à Promontorio D. Helenæ, quod in eodem, quo Nicaragua, tractu est, ab hoc grauia fieri symptomata docet vomitus immodicos, tormina, alui profluuia, idcirco Scammoneam vocari: Hoc fanè ijs, qui Salaqua vsuri sunt, dijudicandum relinquo. Istuc enim nomen ab Hispanis impositum creditur, & rei ab Indijs nouissimè delatæ.



PHASEOLVS ruber, Abrus vocatus, de quo Alpinus Vir doctissimus in libro de Plantis Ægypti in hoc rerum naturalium conditorio obseruatur; è Siliquis colliguntur, quæ intus sese habet semina parua, rotunda, rubra, dura, Phaseolis omnino similia. & Phaseolorum saporem præferentia: idcirco ijs Ægyptij in iure elixis vesci soliti, quamuis flatu multos excitent difficillimè cōcoquantur. & prauū succū gignant: Arbor, unde leguntur fruticosa est sarmentosa volubilis, folijs tamarindi, sed longè minoribus, quæ Occidente Sole clauduntur, Oriente rursus aperiuntur.



PAM verò & Phaseolum nigrum Lablab nuncupatum, describit idem Alpinus, Ægyptiarum Plantarum accuratissimus interpres: Esse enim Arborem Sarmentosam, ad Vitis magnitudinem excrescentem: Sarmentis Vitis modo extendi, figura vulgari Phaseolo similem: flores bis in anno ferre Vere, & Autumno: Hinc Siliquas longas, instarq; fabarum latissimas pendere, quæ semina nigra Phaseolis planè similia continent, quorū alia nigra, alia subrubra: centum, & amplius annos viuere Arborem, perpetuoq; virere: Phaseolos illos frequentem esse Ægyptijs cibum nostris non minus gustui suauem. Mulieres decoctione uti cum Croco ad excitandos menses,

Ffff

2

Tussi,

Tussi, Dyspneæ, Ischuriæ etiam perutili, vt experimentis frequentibus exploratum.



ICIAM Aphricanam Carolus Clusius lib. iv. Exoticorum cap. xv. describens eadem plantam cum Abrus Alpini supra memorato facere videtur; eius semina à Nautis Batauis è Guinea redeuntibus allata, & terræ credata maxima ex parte non nata scribit, imò post triennium è terra eruta adeò incorrupta reperta, ac si pridie sata fuissent: alia è Creta missa terræ in fictili commissa nata quidem, sed plantas breui contabuisse, quæ viciæ, aut lentis modo prodibant duobus crassiss folijs, initio ipso semine bifariam se diuidente, & in folia formante: Quod verò improprie Arborem dici ab Alpino hanc viciam scribit Clusius, facile ipsum tuebimur, quoniam Arborem non simpliciter statuit, sed fruticosam, Sarmentosam, & volubilem, præterea Alpinus, diutissime in Ægypto vixit, easq; omnes plantas familiariter conspexit, & contrectauit, vt de his rebus scribenti plenior, & certior ipsi adhibenda fides: Verum & Vicia Aphricana longè maior Abrus Alpini, quod oculata fide semina in Musæo reposita nobis declarant: eundem tamen rubrum colorem præferunt, licet parte, qua Siliquæ inhæserunt, nigricent: Vtræq; hæc semina in longissimas coronas contexta, & simul inserta feruntur, & Clusius tradit cum diutissime propter duritiem incorrupta maneant, sericeo filo traiecta è collo monilis instar suspendi, & armillarum loco in brachijs gestari, vt non modo Corallinos globulos natiui coloris elegantia, & prouocarent, sed etiam vincerent. Prorsus enim rubra, & nitentia sunt instar Corallij expoliti, cum probè matura sunt.

CATE-



ÆTERVM iniecta mentio de Lente, & perturbatione illa flatuosa, quam legumina solent excitare admonet me, vt Dioscoridem Galeno præferam in Problematis utilis, & non incuriosi explicatione: lib. i v. de morbis acutis, ait Hippocrates, Lentem adstringere, atq; turbationem facere, si non detracto cortice ingeratur; Huius causa quæritur, & cur cum sint succo terreo, & melancholico prædita, & proindè adstringentes, & obstruentes, earum decoctum primum extergeat, bis coctarum cremor adstringat: Galenus primo lib. de aliment. facult. docet carnem Lentium esse austeram, & adstringentem, hanc tamen vim corticibus inesse maiorem, succum verò ipsis esse austero contrarium, hinc semel coctarum cremorem laxare, & extergere: hanc inæqualitatem facultatis austera, quæ maior est Corticibus, turbationem parere si non detracto Cortice ingerantur. Dioscorides optimus, & sollers Physicus lib. ij. austeram in carne, in cortice laxantem esse facultatem docet, idcirco primæ cocturæ cremorem conditionem sequi corticum, & cum corticibus ingestas turbationem ab Hippocrate memoratam parere: Hæc Dioscoridis sententia Physicis optimis probatur, & Valesio ipsi Hispanorum Medicorū maximo, & doctissimo: consentaneum enim magis est (eodem teste) turbationem ventris contrarijs qualitatibus imputare, quā eiusdem adstringentis inæqualitati: Quæ enim obsecrò (subdit acutissimè Valesius) adstringentia sunt, quibus omninò inæqualiter ea vis? at non perindè, quæ adstringentia tantum sunt, videmus aluum turbare: quæ rationes infringere, & conuellere Galeni placitum videntur, & Dioscoridis nostri firmare doctrinam: ingenuè farebor, videri mihi in Commentarijs multorum librorum Hippocratis neruosiorè, & demonstrationibus Physicis subnixam magis Valesij expositionem, quā Galeni, græco eloquio, & celeri ingenij motu sæpenumero duntaxat certantis tū euigoratæ mentis, & emedullati capitis strophas, vt quidam aiebat, obtrudentis.

MA-



MALABATRI, siue Tamalapatra (hoc enim apud Iados Folij genuinum nomen) fructus Glandis ferè effigiem, & figuram exprimit, quem aiunt magnitudine, quamuis exiguum; viribus tamen, & facultate Folio equari posse; à Garzia, & Clusio Viris diligentissimis, & eruditissimis (posita etiam Icone) hoc pacto descriptum legimus. Porro non innatare Folium Lentis palustris modò, vt scripsit Dioscorides, & hunc sequutus Plinius noster Cuius, sed in Procera nasci Arbore, procùl ab Aquis, tum multis alijs locis, tum in Cambaya idem Garzias docet, & nos alibi perstrinximus fusius.



BVNA fructus Fagaræ est magnitudine, teste Clusio, aut paulò amplior, oblongior, plerumque colore ex cinereo nigricante, cortice tenui, & veluti sulcù quendam per longitudinem vtrinque habente, per quem facile in duas æquales partes diuiditur, quæ singula grana continent, oblonga; altera parte plena, fuluescentia, gustu acido. Aiunt in Alexandria potionem quandam ex ea fieri vim refrigerandi non mediocrem habentem: hæc accuratè, & disertè C. Clusius.



DEN, siue Dende Arabum esse Ricinum maius Græcorum, vel Cataputiam maiorem, vt Arabum interpretes vocant, facile mihi persuadeo: cum facultates, & seminum forma sibi mutuo respondeant: Antè aliquot annos ex America adferri ceptum huiusmodi semen (vt docet idem Clusius) vulgari paulò maius, cuius operimentum, seu siliqua illa triangula, quæ semina continet, tuberculis asperis non est obsita, vt in vulgari, sed leuis, & cinerei coloris: ipsum granum, siue semen vulgari simile, nigrum tamen, & non maculosum, vt illud, mirifica (vt aiunt) purgandi facultate præditum, nam

nam etiamſi dimidia tantum vnius grani pars ſumatur valenter ſuperne, & inferne purgare referebat, qui mihi dabat, ait Cluſius, & Curcas iſthic ab Incolis vocari. Circa Malacam, & Calpem ad fretum Herculeum alijs maritimis Beticæ locis Ricini plantas craſſitudine humana, altitudine verò trium hominum, multis prægrandibus ramis brachiatas inſtar aliarum arborum, ſe vidiffe, dum Hispanias peragraret, teſtatur idem grauis Auctor, eos ramos (multis enim annis durare Arborem) tertio, aut quarto quoque anno putari, ſe verò planè ignorare an his ricini plantis ea ſit ſimilis, quæ Curcas, vel ricinum Americorum profert, cum qui fructum attulit Arboris formam deſcribere non poſſet.



CAUDATVM etiam Piper in Muſæo à me conſpectum memini, quod Antuerpiam olim inuehi ſolebat à Luſitanis (inquit Cluſius) Pimenta del Rabo, ideſt Caudatum Piper appellatum: Sed metuens Rex Luſitanus, ne legitimum Piper alterius inuectione vileſceret, id amplius inuehi, ediſto vetuit.

Cubebis id erat ſerè ſimile, pediculo ſubnixum exiguo, rotundum, plenum, aliquantulum rugoſum, nigricans eadem acrimonia, qua Piper præditum, aromaticum, racematim cohærens, amomum à nonnullis perperam exiſtimatum; Eius porro Iconem expreſſam dat Cluſius, qualem ab amico Gareto Londino acceperat.



PIPER Æthiopicum, ſiue Piper nigrorum à Serapione vocatum, & à præſtantiffimo Mattheolo deſcriptum in Muſæo pariter aſſeruatum conſpexi; Hoc in Siliquis racematim prouenire Piſorum, aut Phaſcolorum modo, granis Pipere nigro paulò minoribus, & pertinaciter ſiliquis inhærentibus idem Auctor teſtatur: Vti hoc Æthiopes ad Dentium dolores: aſferri

ferri ex Alexandria Ægypti, cum alijs aromatis perperam Carpesium à nonnullis existimari, qui descriptam historiam de grano Zelin à Serapione ignorant, se in Epistola ad Iohannem Hessum Medicum Norimbergensem hanc opinionem falsitatis conuicisse.



NUCEM Myristicam (Moscatam vocant) marem, & feminam delineat, & describit doctiss. Clusius primo libro Exoticorum: Quam feminam censent, ea est apud nos frequenti in ysu: Ex Insula Banda, in qua sola nasci perhibent, recens aduectas Turia conditas, cum suis tenellis ramulis, & folijs conspexit idem Auctor, propterea illius accuratiorem descriptionem dedit. Arbor ergo, quæ Nucem Myristicam fert, magna copia in Banda Molucharum sponte nascitur, & excelsa est, Pyrohaud minor, perpetuo virens, & frequentibus ramis prædita: folia laurinis, vel mali arantij folijs propiora, ademptis appendicibus, fructus satis crassus mali persici magnitudine, quamquam hanc similitudinem folio tribuat Scaliger, dicens, persici folio esse, sed fructus ille superna parte est aliquantulum turbinatus, denso operimento constans, quod veluti sulci cuiusdam illum in binas equales partes diuidentis forma præditum est, ea etiam parte maturum dehiscere macin sub ipso latentem, & Nucis Corticem retis initio, ambientem ostendere adeo rubentem, & elegantem illam vt admirationem pariat, sed aëri expositum paulatim illam elegantiam amittere, & flauescentem colorem tandem contrahere, idem testatur Clusius. His notis omnibus veluti descripta, & expressa Nux Muschata cum inuolucro suo, quæ in Calceolario Musæo asseruata conspicitur; cum (teste eodem Clusio) Nux Myristica mas binas vncias oblonga sit, summo suo experimento tecta valde rugosa, nec illo quidem valde crasso (quia antè maturitatem ramus abruptus) ferruginei hoc est ex rufo fulci

fusci coloris in binas æquales partes fisso, & hiantē, Nucemque ostendente suo Maci eam reticulatim amplectente, septam: Scaliger Exerc. c xlv. docet sub primo nucummento non statim testam existere, qua nucleus continetur, sed cutim coriaceam, quam vocāt Arabes Macin, quæ non est Macer, vel Machir, vt voluit Cardanus, quoniam Macis aded calefacit, vt pauca ei ex odoratoribus equiparentur, Macer adstrictione, & non multa calefactione donatus; ideo de Maci, & Macere separatim capitibus scribunt Auctores Mauritanii.



ED iam (Deo auspice) ad Amomi vnam peruenimus, cuius obscuritatem nostrorum Patrum tempestate mirificas excitasse controuersias, in confesso est, alijs pumilum semē ex Gargano Apuliæ monte, alijs pedem columbinum Geranij speciem præferentem, alijs rosam Hierichontis, alijs aliud Amomum Dioscoridis esse profitentibus, prout rei obscuritas ad aliquid pro rei necessitate excogitandum acres stimulos rei Botanica professoribus subdebat: Multi etiam lignum non semen esse Amomum contendunt, de qua re etiam dubitasse Clarissimus Mattheolus videtur: Sed iam explosa, & certis rationibus reiecta huiusmodi sententia: Constat enim ex Plinij nostratis vero testimonio vnam, & racemos Amomi fuisse in vsu, non lignum, eosque toto cœlo aberrare, qui Sarmenta lignea Amomum fuisse apud Dioscoridem putant, qui omninò intelligendus, & explorandus ex Plinij tractatione de Amomo, vt Nicolaus Maronea Compater meus ex Collegio nostro Medicus præstantissimus, & in enucleanda veritate acutus, & accuratus Peculiari Disputatione, & Commentario Basileæ impresso anno M D C VIII. aduersus præfractæ peruicaciæ herbarios, & Pharmacopos comprobatum voluit, qui Libellus omninò legendus erit ab ijs, qui quo pacto ex Plinio Dioscorides de Amomo tractās intel-

¶ ¶ ¶ ¶

intelligendus sit, perspectum habere voluerint; Racemi sunt ex Malacha Indiæ Prouincia, coloris ex pallido sub-rufi, odore valdè aromatico pseudonardum, vel lauendulam officinarum quoquo pacto redolentes, & ob summam acrimoniam linguam mordicantes: Ex vnico sarmento fructus figura orbiculari lineis quibusdam distincti, absq; pediculo pullulant in Vuarum racemi modum sibi ipsis conuoluti, & arctè cohærentes: hoc verum est, & legitimum antiquorum Amomum, quicquid rudes quidam, & obstinati homunciores contra garriant ridiculas affanias vulpinantes, à Clarissimo Medicorum Veronensium Collegio nostro, in quo Viri virtute, doctrina, & auctoritate insignes semper floruerunt, publico fidei Diplomate comprobatur, dum in Calceolariam confectionem Theriacæ Andromachi, & Mithridaris exquisita diligentia vestigatum adiungendum, pro veteri Auctorum præscripto, fuerat, similes racemos FRANCISCVS CALCEOLARIVS Senior Pharmacopæus, & Botanicus summi nominis quadraginta ab hinc annis ab Abenefulan Medico Hebræo, & Imperatoris Turcarum Archiatro pro vero Amomo acceptos in suo Musæo seruabat, quod Amomum in præsentia etiâ quâuis carie penè consumptum asseruatur; Hos igitur viros in rimanda Amomi vera natura, & forma, valdè perspicaces eo Elogio prosequi æquum est, quo Epicurum suum compellat Lucretius,

E' tenebris tantis tam clarum extollere lumen,

Hi primum potuere illustrantes commoda vite,

& potissimū Calceolarius noster Senior, à quo fatetur Clarissimus Mattheolus se accepisse Amomum vix modo racemosum, baccis piperi æqualibus, dum ille suam Theriacam iurè optimo præ ceteris extollendam parabat, ita enim scribit Mattheolus in Commentario, quâquam adhuc dubius, & iisdem infœlicis illius ætatis tenebris inuolutus Acorum, vt Galenus docet, illius loco substituendum præcipiat; non me tamè later dubitasse nonnullos, an illud verè Amomum fuerit propter illas baccas piperi æquales, quæ nostro Amomo non conueniunt.

SED



ED ex his saltem intelligimus CALCEOLARIUM Seniore primū forsitan in Italia nostra acutè veram Amomi naturam, & formam subodoratum prius, cum illius vuam in Theriacæ compositionem indendam censuerit: viamq; posterioribus maioribus huius notitiæ præsidij subnixis Maronæ scilicet, atq; alijs emunctæ naris Physicis, & Seplasiarijs strauisse ad Amomi vuam pro legitimo Amomo decantandam, & vsurpandam: Verum obstinatio visus ipse Clusius, ut sunt exteri homines Italicorum gloriæ inuidi, vel contemptores: is enim in Auctionario suo fatetur anno M D C V. ad se missos ab erudito, & perhumano Viro IOANNE PONA Veronensi Pharmacopæo plantæ cuiusdam aliquos fructus vuarum instar confertim in ramulo natos, & aromaticum, quidpiam redolentes pro legitimo Amomo sibi datos, tamē & ipse Acorum substituendum monet, cum quid legitimum sit Amomum difficulter statui posse existimet: Vuæ tamen illius, quia elegans, & non vulgaris, Iconem proponit; obijcit etiam præter alia leuiora, oleo Lauandulæ delibutam fuisse illam. Vuam, vnde adscititium odorem spiraret: Sed profectò si tandiū vixisset Clusius, ut Cōmentarium doctissimum Clarissimi Maronæ Collegij nostri Medici perlegere potuisset: (miserat enim ad ipsum Dominus PONA, ut mihi rettulit, & iam defunctum offendit) proculdubiò sententiam mutasset, verèq; asseuerantē Plinium audisset, Amomi vuam in vsu esse.

Ceterum illud etiam adijciendum; In curis posterioribus, quæ ex Euripide *σπόσπερον* esse debent, scribit Clusius à Parduyno Pharmacopæo Middelburgensi racemum hunc accepisse à ramulo distractas baccas habentem etiam quadriennio antè, quam super expressum à IOANNE PONA acciperet, schedæ, qua fructus inuolutus, Parduynum adscripsisse, Consulem eius Urbis aromatico odore inuitatum, licet grauiusculo Baccam vnā edisse, & paulò post in morbū incidisse; subdit Clusius: eam ab causam medicamentis inijcienda

dum minimè censerem: loci huius Clusij commonefecit me idem Pona Pharmacopœus ornatissimus, & rei herbariæ imprimis peritus, qui eam pariter scriptis editis illustravit; Hortatus etiam est pro veteri amicitia, & amore ingenue veritatis, vt communem causam CALCEOLARII, & suum Collegij nostri, & Maronæ tuerer, ne tanti nominis præiudicata auctoritate aliquis legitimæ Amomi Vuæ fucus fieret, aut adspargeretur labes: Credendum igitur Consullem illum ex nimia seminum Amomi in bacca illa inclusorum copia deuorata in morbum incidisse, hoc est ardorem, & ventris tormina quid enim tam in Medicina salubre est, vt si liberalius quam par sit, sumatur non lædat? Crocus, Rhabarbarum, Manna, Aloes, Cinnamomum, quæ alioquin salubria, & vitæ amica, at Bacca illa deuorata plura Amomi semina continebat, accedit Germanos magna ex parte ob ingluuiem, & continuatas illas computationes humorum crudorum copiam aceruare, qui aliqua ex parte à vi aromatica extenuati, & in halitum exsoluti non perfectè dissipati dolorem colicum, vel stomachi cardialgiam gignere poterunt: sed & ineptum illud argumentandi genus illud, post hoc fit ergo hoc illius causa, muliercularum rudium more cum post Theriacam, vel aliud à prudenti quamlibet Medico exhibitum remedium æger peius habet statim colligentium huiusmodi præsidium in causa fuisse, vt ille deterius sese habeat: Nec quem exitum habuerit morbus ille Consulis expressit Parduynus, quod argumento est id totum fortuito contigisse, distinguendumq; à Philosopho viro fuisse, quod ex accidenti fit ab eo, quod est per se, qui error ætate nostra, vt aliàs docuimus, in omnes artes, & disciplinas, cum summa vitæ humanæ perniciæ irrepsit: Prodiit & superioribus annis incerto Auctore Iudicium in sermones Cecchini Martinelli de Amomo, & Calamo aromatico ex Indiæ Malacha à Martinello eius auunculo transmissis, idq; Italicè scriptum; quibus disertè vna Amomi pro legitimo Amomo asserbatur, idq; Plinij etiam nostratis testimonio eam ait, simile his & nomine, & frutico Cardamomum, semi-

femina oblongo; Verum quoniam maximi quibus iudicium
 illud scater, errores ab eruditissimo Maronea sunt & ani-
 maduersi & planè refutati, nos ab eo labore refellendi su-
 perfedebimus, satis est monuisse in præsentia incertum illum
 auctorem nodum in scyrpo quærere voluisse, nec intelle-
 xisse in delectu Amomi legitimi illa Dioscoridis verba
 ἡ τετρακμήν, ἢ συμπεπλεγμένη, quibus adulteratum Racemum re-
 pudiat Dioscorides, in quo gummi liquido ita sunt artificij
 ope conglutinata grana, vel acini, vt vnum continuum, &
 solidum corpus potius, quàm racemum ex pluribus acinis
 conflatum constituent, vult enim Dioscorides vnum ab al-
 tero solutum acinum existere *λελυμένον, καὶ διασχυμένον*: solutū,
 & diffusum, quibus verbis disertè, & planè voluit Diosco-
 rides Amomum adulteratum nobis exprimere, & ob oculos
 ponere ex veri Amomi notitia, in quo fructus, & acini so-
 luti, & mutuo separati visuntur, non in vnum factitium ra-
 cemum coagmentati: Quæ verba Marcello Virgilio aded
 obscura visa sunt, vt expungenda tamquam ab imperito li-
 brario interiecta censuerit; Verum vt Maronea noster do-
 cet perspicua Plinij expositione enarrata commodè retine-
 ri, & intelligi possunt. Iam verò lib. ij. exoticorum cap.
 xiv. Clusius quantum fructum ex ijs, quæ à Gareto accepe-
 rat, appingit, ignoratq; quid esset, & quia vnicus confrin-
 gere noluit; ex notis verò, quibus describitur, Amomi fru-
 ctum fuisse intelligimus, orbiculari forma, læui cortica,
 nervis eminentibus à pediculo ad summum caput equali in-
 terstitio excurrentibus, fusco colore: Sed in prouectæ æta-
 tis viris aded inueteratæ, & præiudicatæ opinionis vis so-
 let inualescere, vt ægrè se ab ea diuelli patiantur, vt nos
 Galenus aliquando monuit. Hæc fusius tetigi, & auctores
 optimos indicaui, vt si quis obstinatus adhuc Amomi vnam
 repudiat, ab ijs discat veritatem (reiectis falsitatum tene-
 bris) amplecti, tum etiam, quia æquum fuit Collegij nostri
 præstantissimi auctoritatem tueri, & duorum Pharmacopœo-
 rum Veronensium Calceolarij Iunioris, & Ponæ Botanicae
 rei peritia florentium, & per celebrium, tum mutæ beneuo-
 lentia

lentia vinculo deuinctorum, qui Theriacam, & Mithridatum præteritis annis nulli labori, aut impensæ parcentes, adstante vniuerso ferè Collegio, composuerunt, industriâ, & iuuandi homines propensionem, apud omnes Europæos huiusmodi rerum æquissimos æstimatores, Sactam rectam, pro eorum merito, existere; atque eò potissimum quoniam ambo, hi ornatissimi Pharmacopæi in Europa primi fuerunt, qui nullis succedaneis Theriacam, & Mithridatū pararunt; vt ex publicis Collegij nostri attestationibus, & diplomatis post acerrimum Simplicium Medicamentorum examen, & diturnam excussionem tandem concessis luce meridiem clarius liquet.



Vic Collegij Veronensis Sententiæ de vua Amomi (cum testium optimorum, & Classicorum vis multum momenti habeat, Collegium Venetum Medicorum Clarissimum adstipulatur, præterea Prosper Alpinus, qui Patauij publicè rem Botanicam summa nominis sui celebritate est professus, cum ex Agypto in Italiam redijisset, nihilque de Agyptiorum medicina, & medicamentis litteris mandarit, cuius oculatus testis, ne dum Auritus fuerit; Præterea Ferrantes Imperatus, & Gaspar Bauhinus, ille Neapolitanorum celeberrimus Pharmacopæus, hic Medicus percelebris, & publicus Basileæ Botanicus, qui libris editis rem herbariam ad summum perfectionis apicem euexit. Aurei sæculi fœlicitatem exaggerans Virgilius: *Afsyrium (inquit) vulgo nascetur Amomum*: Diuitem etiam in funere effrendum crassis lutatum Amomis dixit Persius *μύρον παχύ* exponunt interpretes, pingue Amomum Stadius, quibus intelligimus verè scripsisse Plinij Vuam Amomi esse in vsu: neq; enim Vnguentorum suauitas, & delitiæ ex alia Amomi parte comparari potuissent.



ARDAMOMI tria genera maius, medium, & minus in nostro Thesauro, si quis velit, facilè cõperiet, maius ficus propemodum magnitudine describitur a Cordo, cui assentiri videtur Clusius: Minus auellana minus, medium auellanae gradi æquale; Cl. ^{ma}. Mattheolus iconè ficus formæ.

forma, & magnitudine exhibet, quæ cū sit Melegueta suo tē-
sta inuolucro, inter vulgaris Cardamomi, siue Cacolea Arabū
genera ex Garziæ ab Horta sētētia recipiēda nō est; Plin. l. xij.
quatuor apponit genera Cardamomi, viridissimū, ac pingue,
acutis angulis, contumax fricanti, quod maxime laudatur,
Proximum è rufo candicās, Tertiū breuius, atq; nigrius, peius
variū, & facilē tritu, odorisq; parui, qui verus Costo vicinus
esse debet: Sed Diosc. & ceterū Græcorū vnicū extat Carda-
momi genus: lege Garziā cap. 24. de Arom. hist. Porro Amo-
mi legitimi Iconem, Cardamomi maioris, & medij, hīc subie-
ctam damus.

Anomi legitimi Vūa





LBEMOLVCH plantæ Mauritanorum Serapionis, & aliorū Arabum semina nostrati Ricino aut Cataputiæ forma non dissimilia, Cortice nigro, quo detracto pulpa candida Pineis nostris similis spectantium oculis sese offert: semina hæc quæ ore detenta, & commansa palatum vellicant, & calore inmodico afficiunt magna facultate tum per os educendi, tum per aluum deijciendi pollent.



AOBAB fructus historiam ieiunè persequitur Alpinus, cuius intererat, cum in Agypto prior (vt existimo) viderit, & notitiam ad nos attulerit, tametsi in viribus explicandis non indiligens videatur, Clusius lib. ij. Exoticorum plenè, & exactè, cum lib. illum se exordiri ab elegantissimo, & magno fructu profiteatur: in Scholio etiam lib. ij. plantarum Indicarum Baobab Alpini Guenabanum Scaligeri esse, quamvis ambigēs, statuit: Guenabanus (ait Scaliger exercit. 281.) arbor est Pini stipite, procera, folio magno, oblongoque, fructus Melonis magnitudine, cortici color viridis, splendor Cydonij, Digitalis crassitudo, caro intus candida, lactis coacti dulcedine, semina continet phasiolacea; sed & Baobab (teste Clusio) ex Æthiopiæ Mozambique olim Antuerpiam afferebatur, fructus crassus sesquipeduli longitudine, cui densus, durusque cortex, tenuique & molli lanugine, vt in Cydonijs, sed viridi obductus aliquot per longitudinem excurrentibus sulcis, vt in Melonibus; Continet hic fructus pulpam candicantem, qua in febrium ardoribus sitis sedandæ causa Æthiopes vtuntur, iucunda enim aciditate prædita est: Hæc siccata friabilis est, vt digitis trita in pollinem resoluatur superstitè semper acore. Per hanc sparsa sunt semina renum figuræ simillima, nigro tamen colore nitentia, ac ex vmbilico fibris quibusdam suspensæ.

Plinius,

Plinius, & expressius descriptum hunc fructum perlege
(Lector optime) apud C. Clusium accuratum huiusmodi
rerum vestigatorem, & enumeratorem.

I.



PLANTÆ Cuciophoræ naturam optime
describit ex Theophrasto Mattheolus, ^{4. de hist.}
quæ palmam Caudice, & folijs represen- ^{Plant.}
tat; fructum (inquit) hæc parit peculia-
rem, magnitudine, figura, & succo singu-
larem, magnitudine (quæ manū impleat)
rotundum, colore flauicantem, succo dul-
cem, & ori gratissimum, non racematim congestum, ut pal-
ma, Sed per singula discretum, nucleo magno vehementer
duro, quo in annulos detornato in versicoloribus stragula-
rum vinculis vtuntur, cuius hîc Iconem damus.

II.



AVELLANAM Indicam, quam vocant
nonnulli, à Clusio descriptam lib. ij. E. ^{Cap. 19.}
xoticorum comperio sub nomine maioris
fructus primo loco positi ternas uncias
longitudine superat, latitudine vnam,
altitudine pœnè duas æquat, putamine
crasso supina parte fessili, rugoso scabro,
& cinereo, prona, siue gibba parte læui, subrufo, vel po-
tius spadiceo, nucleum continet gemellum substantia firma,
subfusca, pingui, & oleaginosa, odore satis iucundo prædi-
ta, & sapore non ingrato. Hanc eruditissimus Mattheolus
Auellanam Indicam appellat, sibiq; dono missam à Clariss.
Iacobo Antonio Cortuso Patauino proficitur magnitudine
Ingländis viridi putamine adhuc circumtectæ, nuclei me-
dullam dulcem esse, & albicantem: cuius hîc figuram ex-
pressam damus.

H h h h

FRV-

Cap. 13.

III.



RVCTVS ruber, vel Phaeolus Lobel.
lij, de quo Clusius lib. ij. Exoticorum
Minor est præcæteris Phaeolis descri-
ptis satis crassus, coloris rubri Corallij
æmuli: à Nauta ex India reduce intel-
lectum è maioribus Phaeolis in polli-
nem tritis inquilinos vomitoria parare,
è minoribus filo trajectis armillas aduersus Epilepsiam ge-
standas, quasi Pæoniæ seminum vim obtineant, sed ornatus
potius causa gestari putat Clusius: in tabella icon expressa.

IV.



ASTANEA Purgatrix ita à nonnullis
nuncupata, fructus ater, lævis, ac splen-
dens, quatuor sulcis supernè distinctus,
quorum bini ad partis aduersæ umbili-
cum vsque ducti, planus alioqui, & or-
bicularis pœnè formæ, vncia paulò mi-
nor, superna parte aliquantulum tume-
scens, & quasi puluinatus, aduersa pars vestigium retinet
fuscum, quo Cortici, qui tegit, firmiter inhærit, quale in
Castanea equina conspiciere est: expressius descriptum à
Clusio ij. Exoticorum reperies.

Cap. 16.

V.



HOVEL Thenesi nomen esse Arboris fru-
ctu venenoso, & lethali, magnitudine
mediocris Castaneæ, candido formam lita-
teræ Δ Græcam referente testatur Clu-
sius: Huius nucleus præsentissimum ve-
nenum, quod alter alteri in musuis dis-
sidijs dare solent, proindè peregrinis eum
fructum recens collectum non cōmunicant, & ab eius con-
tactu liberos arcent, nisi sit exemptus nucleus: quo exem-
pto, fructu pro Nolis vtuntur cruribus suspendentes, quæ
tantum sonitum edunt, quantum Nolæ, ac tintinnabula no-
stratim: Arbor Pyri magnitudine, præcisa teterrimum spi-
rat odorem, quare ne igni quidem struendo idonea.

FRV.

VI.



RVCTVS Beretinus ex arbore celsissima quercu in maiore folijs laurinis prædita colligitur, teste Clusio, oblongiusculus est fructus exiguis iligneis glâdibus similis: nullo Calyce inclusus, tenui cortice cineracei coloris interdum etiâ attritus, nucleumq; continens oblongiusculum.

Lib. 2.
Exotic.
cap. 27.

candidum nullo manifesto sapore præditum tenui membrana inuolutum.

VII.



RVCTVS peregrinus à Clusio ij. Exoticorum cap. xxx. descriptus, ponticæ Nucis magnitudinem non excedens, levis, splendens, cinerei coloris, saxeæ duritiæ præditus, licet in aquam coniectus supernatet, aliquantulum inæqualis, & compressus, ut Pisa in eodê loco

nata se mutuo comprimentia conspiciuntur, cuius cum Clusio figuram expressam apponimus.

VIII.



ABA Indica, quæ Cor Sancti Thomæ vocari à quibusdam testatur Clusius, quod in Insula Sancti Thomæ nascatur, licet in alijs etiam Aphricæ regionibus inueniatur, lobus est quinque vnciarum longitudine, binarum latitudine duro, crassoque cortice constans coloris ex

cinereo fusci; Binos Phaseolos, vel Fabas continere videntur planos, à medio aliquantulum extuberantes læues, coloris nigri, & splendentis, quia perfectam maturitatē adepti, alias è fusco spadicei: Ea parte qua lobo adhæserant paullulum caui, & proindè cordis figuram referentes.

IX.



RVCTVS peregrinus non inelegans lib. ij. Exoticorum cap. x. descriptus, cuius ignoratur nomen orbicularis formæ, sex uncias in ambitu crassus, tres longus, nouem nervis à summo ad pediculum ductis distinctus, fusci, vel spadicei coloris levis prægnans, tamen, & pulpam resiccata cum seminibus continens, quia agitatus strepitum edebat, cuius Iconem exprimendam curauit Clusius.


X.



BALSAMI Occidentalis, vel Peruani fructus effigiem ex *auto. lib.* ipsa describam, qualis mihi in Calceolario Museo ostensus, Siliqua est exilibus granulis, instar Fici, scatens: Cortice Corij instar membranoso, rubro colore ad nigrum vergente prædita.

Hanc Io. Vincentius Pinellus Vir nobilitate, & doctrina percelebris pro Peruani Balsami fructu amicis donatâ voluit. Hic porro nullum iudicium meum interpono: coniecturis, & testimonijs firmioribus standū videtur: Pinelli, & Monardi auctoritas magna, quamcumq; volet in re proposita descriptionem sequatur lector, nihil impedio.

Hanc Siliquam **CALCEOLARIVS** Iunior in locupletando Museo indefessus à Pompeio Sprecio Pharmacopæo percelebris, & peritissimo, cum multis alijs exoticis rebus sibi transmissam in Thesauro Naturalium rerum reposuit, & eius hic pariter Iconem apposuit. Nicolaus Monardus aliter visus descripsisse lib. de simpl. medic. historia cap. ix. huius Balsami fructus ait, qui penès me est, exiguus pro Arboris magnitudine; Ciceris enim, aut Pisi grano maior non est amari gustus aliquantulum inclusus in extrema filiqua angusta, digitum longa, alba, & simplicis regalis Hispanici tenuitate: Eo fructu se suffiunt Indi ad capitis dolores, & defluxiones.





BALSAMI Orientalis fructus, Carpobalsamum vocant, optime ab Alpino viro perclebri, & accurato describitur: primum obseruat duplex Carpobalsami genus circumferri, quorum vnum semen esse Terebinthi magnitudine, & forma rotundum, oblongum, ovo simile, in extremis acutum, flauum, folliculo nigro rubescente vndique contextum, hoc verum esse antiquorum Carpobalsamum; Alterum Pseudocarpobalsamum dicetur magnitudine, colore, figura priori simile, sed differre, qui ipso est oblongius, & ex dimidio tantum folliculo contextum, forsan Dioscoridis illud hoc est, quod ex Petra Arabia oppido asportatum verum Carpobalsamum adulterabat, si Piperis saporem praeferret. Iuniperi fructus pro eo aliquando substitutos tradit Alpinus, cum qui in Italiam copiose aduehitur, non esse verum Carpobalsamum, quadam ingenij peruicacia sibi persuasissent superioris aui Botanici: Sed notae à Theophrasto, Dioscoride, & Serapione adductae huic, quod passim circumfertur, optime respondent: Eligatur ait Dioscorides flauum planum, grande, ponderosum, mordens gustum, feruens in ore modicè Opobalsamum redolens, eius odorem esse bonum simpliciter scripserat Serapio, expressius, & plenius olere Opobalsamum docuit Dioscorides: Inanitate, paruitate, & sapore piperis adulterari Dioscorides dixerat: At cum Galenus lib. de Antid. non posse adulterari scripsit, perinde est, ac si facillimè deprehendi adulterium docuisset, cum etiam Theophrastus, & Serapio nigro subrubesciente colore praeditum docent, Dioscorides flauo mutuo repugnasse dicendi sunt, illi enim suo folliculo vestitum semen accipiunt: Dioscorides folliculo spoliatum: Ceterum doctissimum Alpinum adeat diligens Lector, qui copiosè, & accuratè hoc argumentum sibi explicandum sumpserat.

SCITE



CITE' Plinius noster Ciuis, Nihil Ocymo
fecundius, cum maledictis, & probris seren-
dum præcipiunt, vt lætius proueniat: Ve-
terum sanè hæc superstitio fuit; sed præcla-
rum hinc duci emblemma poterit, quo so-
lari rectas, & candidas mentes possimus, cū
à brutis, & fulguritis ingenijs morum, &
orationis sribiligine deprauatis, & plusquam Heracliteo
scriptorum *οχοτηνῶ ζῶει* ad captandam auram popularem sub-
nixis, & fragile falsæ gloriæ Choragium comparantibus, eo-
rum inclyti labores, & immortalitatis templo dedicandi ma-
litosè vellicantur: verè Philemon Comicus,

*Haud auribus concentus est iucundior,
Quam deuorare criminantis iurgia,
Nam mussitando si quis hac redarguas
Ipsū refutant criminantem crimina.*

Sed ad emblemma propositum accommodatius Puteanus ami-
cus meus peruetus Vir Clarissimus in quadam Epistola:
Bonorum (ait) conditio est omnibus non placere, sed lin-
guæ maliuolæ flabra flectere possunt, non frangere, Arbo-
res fecundari aiunt aura, quæ nouo vere spirat, sic rectam
bonæ ætatis indolem obteratationes præparant ad verum
Gloriæ fructum. Cum de Amomo, & Balsami fructibus
scripsissem, rettulerunt amici optimi clam nomini meo ab
homuncionibus inspergi conuicarum virus, Scorpionum
more in angulis latitantium; quos ingenuè affari cum Li-
bero Patre apud Austophanem velim,

*Ἐλέγχε' ἐλέγχε, λαιδορεῖσαι δὲ τὸ πρῶτον
Ἀνδρας ποιητᾶς, ὡς περ ἄρτοπωλίδας.*

Arguere, si quid humanitas offendi, Christianum est, maledi-
ctis lacescere, barbarum, & ruditatis genuinæ argumentū:
proprijs tamē viribus confusus fidenter dicam, infelix Puer,
atque impar congressus Achilli, sed non possum ipsos de-
primere, quia attollam, & quamuis sapiens Historicus mo-
reat,

nent, conuicia, si irascare, agnita videri, spreta exalescere,
cum Euripide tamen profitebor.

Σοφρον καὶ ἡμᾶς σφόδρῳ ἀτελεύηται,
Θυμωρεσθε δὲ τοὺς αἰ θυμωμένοι. idest,

Modestus in nos, inuicem modestiam.

Intemperans intemperantiam feret.

Pulchrè Lipsius, quem plurimi facio, vt culicem molestè
circumstrepentem leui manu, & sine ira dispellimus, idem
liceat, & deceat in istis putidis criticis, & omnis serig do-
ctrinæ expertibus, qui innoxiam qui tem nostram turbant:
Talis erit modesta, & Christiana nostra vltio: satis enim
est, vt cum Cicerone loquar, & sentiā, si ipsos mores vlcif-
cantur sui: Scitum enim & illud Bacchæ Bacchanti si velis
aduersarier, ex insana insaniorem facies, feriet sapius.



CAO fructum docet Cusius lib. ij. Exo-
ticorum per vniuersam Americam celebrem
esse, & multi vsus in Nicaragua noui orbis
Prouincia pomi quoddam genus peculiare
esse, neque Hispaniolæ, neq; vlli alteri In-
diæ parti concessum; Pyri nostri fermè esse
specie, ligno interiore rotundo, nucis cras-

situdine, & dimidio amplius, optimi, & iucundissimi sapo-
ris: Arborè proceram exiguis folijs vestiri: eā Prouinciam
ab Hispanis ob rerum omnium vberriam copiam Paradi-
sum Mahumetis vocatam: Hæc ex Clusio Benzoni Militis
testimonium afferent.



LAIOS fructus est oui Anserini forma, &
magnitudine, qui succo plenus est, veluti
id Citriorum genus (ait Clusius) quod Li-
man vocat, nos Limoni Italicè nominamus;
hoc vescuntur Brasiliiani, & ab eorum regio-
ne interdum. Vlyssiponem adfertur: in
extremo fructu prominat nux quædam renis
Leporini forma, coloreo cinereo, interdū ex cinereo rubescēte:
Duplici

Duplici nux constat cortice, inter quos spongiosa est materia oleo asperrimo, & calidissimo plena, intus nucleus est esui aptus Pistacijs saporis suauitate non cedens: eo leuiter tosto vescuntur incolæ: gratior enim est, & Venerem stimulare creditur. Acri illo oleo nihil efficacius ad lichenes, & impetigines tollendas: illud mirum primum fructum nulla semina continere: extremo nuce arborum speciẽ propagari, nonnulli ob similitudinem illius acris humoris anacardiorum genus esse existimant.



PHASEOLI Brasiliiani Clusij vnciam longi, semiunciam lati Spadicei coloris, & circa hilum fuscum candicantis: hi prælongo lobo inclusi decem vnciarum longitudinem habente vnus autem vnciæ latitudinem, aut paulo ampliorem Cartilaginea cute re-cto, vt diligenter describitur à Clusio, qui etiam subdit in Scholijs suis pereruditis ad Monardum quatuor, vel quinque in siliquis prægrandibus contineri recentes, ac virentes adhuc tufos, ac impositos Venereos Bubones curare.



PHASEOLVS Nigritarum, cum suo lobo ex Guinea delatus, cuius lobum describit Clusius, in quo terni, aut plures fructus quibusdam veluti cellulis distincti continentur huiusmodi lobos sibi ab amicis communicatos fatetur, sicuti & Phaseolos nudos, nulloq; lobo inclusos, quales Vlyssipone se natum receter ex Pernambuco Americę allatos Spadicei coloris illos, & Macouna appellatione insignitos; Hi omnes in Theatro nostro asseruantur; & facile cuique ostenduntur. Lobus porro sepẽ sex interdum septem, & octo vncias longus, penẽ binas latus cernitur, planus, sinuosis oris, corti-

ce non valdè crasso præditus, externa parte nigro, valdè rugoso, tumente qua parte Phaseoli inclusi, interna cinereo cuspidate longa, & mucronata.
Hic Phaseoli Nigritani, & Brasiliiani, cum eorum lobis imaginem expressam subijcimus.





ALIOS quippe complures Phaseolos Thesaurus noster CALCEOLARIUS, asseruat alterum, scilicet Guinea aduectum non valde magnū pro lobi amplitudine nigrum longo hilo filiquā, vel lobo inhārentem: tertium ex Guinea pariter allatum superiori maiorem Spadicei coloris, nec hilo aded longo præditum ex præscripto Clusij lib. ij. Exoticorū, alios etiam in Musæo obseruamus mira colorum varietate præditos ex America, Aphrica, atq; alijs peregrinis regionibus procul à nostro orbe dissitis; alij enim cernuntur maiusculi, alij minores candidi prorsus, flauī, cinerei, fusci, atrī, rubrī, amethystini; alij varijs coloribus distincti, albo & nigro, rubro & nigro, flauo & nigro: extat & Phaseolus vncialis longitudinis, sed angustus, solidus, durus, nigricans, in binas partes diuiduus tenui membrana alba obductus, de quo Clusius, nec non alius ab eodem descriptus semiuncialis magnitudinis, leuis, Spadicei prorsus coloris excepta parte supina qua lobo adhæsit, durus, solidus, qualem à Castaneda Medico Hispalensi ad se missum fatetur, cum hac inscriptione, Capotillo del Aldana. Hos partim ab amicis donatos sibi proficitur CALCEOLARIUS Iunior, partim à se non sine studio, & impendio comparatos, & conquisitos, cū locupletandi Musæi mira sollicitudine superioribus annis vrgeretur patefactis Lusitanorum industria nauigationibus, vnde ex nouo orbe multa peti poterant, quæ à maioribus nostris vel nullo modo, vel summa cū difficultate obtineri videbantur.



DE Nuce Indica Mattheolus, & Amatus Lusitanus optimè scripsisse videntur, hic vberius, & pressius: Fructus est in Myropolijs vulgatissimus Arboris palmæ effigie, magnorum Melonum instar prægrandis magna inuolucrorum mole obtectus: Contendit Amatus per elatem Dioscoridem inuolucrum, & operimentum huius fructus intelligere περιελλυµα τῆ καρτῆς τῆ φοινίκων ἀνθέων, hoc est florentium pal-

palmarum fructus operimentum: Nucem Indicam ex India in Lusitaniam ferri, & inde in varias orbis regiones distrahi; apud insulas Capitis Viridis prosperè crescere: fructus magnitudine capitis humani. Cortice crasso primo vestitur subnigro ad ruborem inclinante; qui licet in superficie durus, callosus, & tenax sit, intus tamen mollis videtur, & capillato inuolucro texti: hoc Cortice deposito fructus occurrit rotundus Oui anserini magnitudine Cortice amictus crasso, ligneo ad ruborem vergente, in quo medulla inclusa parte exteriori eiusdem cum cortice coloris: Pars interior lactea concava aqua magni pretij continens: hunc corticem elatem, quoq; vocare Dioscoridem existimat Amatus, Borassum alij vocant: Medulla interior candida est, & saporis gratissimi, multum genitalis seminis gignens, idcirco conditis ad irritandam Venerem dicatis miscetur, Palma huiusmodi fructum ferens, cum ex ea multae res ad usum humanum accommodatè colligantur, pauperis refugium dici tradit: Verum fructus ea praecipua vis ad strigosas, & macilentas mulieres impinguandas, idcirco preclare à Clarissimo Mattheolo scriptum latiore sagina corpora reficere Nucem Indicam, eius oleum vtiliter hemorrhoidibus inungi: Plinius lib. xij. per elaten abietem arborem designare videtur; Galenus palmae tenellum quoddam germen Encephalon cerebrum, vel medullam in se continens: In qua sententiam mox concedere visus Amatus, licet ab eadem planta colligi Encephalum, & Nucem Indicam palam profiteatur. Verum & Mattheolus nasci Elatem ex ipso Caudice inter primos ferè ramos duarum Spithamarum longitudine, docet appicta imagine ex Gabrielis Fallopij Viri Clarissimi, & Ioannes Iacobi Cortusi Patavini testimonijs. Ceterum Garzias, & Clusius lib. primo de aromatum hist. Nucis Indicæ plantam veteribus Græcis incognitam, & ab Arabibus ferè neglectam docent; nullam hæc palma Indica arbore aptiorem usibus humanis inueniri: Tegi Nucem adhuc recentem tenero admodum cortice cinare, dum gustatur, saporem referente, constare tenera valde, & dulci medul-

medulla, quæ in se conclusam aquam suauem, & dulcem habet, & multo tempore durantem, quanto recentior est nux, tanto eius suauior liquor; Noces recentes siccatae, & superiori cortice delibratae, & confractae ab indigenis Copra vocantur. Ex his oleum magna copia limpidissimum torculari exprimi, non solum ad lucernas utile, sed etiam coquenda orizae aptum: Duplex vero olei genus inde exprimi docet Garzias, ut apud ipsum cap. xxvj. legere est, illud non omittendum Duplici cortice integri Nucem extimum villosa materia compactum esse: ex eo rudentes, & funes effici, qui incorrupti maneant in aqua marina, ex eadem materia villosa Cairo Malauaribus dictum effici, ex quo stupæ loco naues obturari, & stipari; putredini enim magis obfistit, & aqua marina imbutum inflatur, & densatur, & proinde stupis longè præstat: Qua de re Garziam loco citato diligenter Consule.



MVNGO etiam Exoticum semen Musæum præfert, quod viride primum, mox per maturitatem fit nigrum, Coriandri sicci magnitudine, ut testatur Garzias, Pabulum eorum existit, interdum tamen, & ab hominibus editur, Guzarate, & Decan incolis in febribus vsurpari, nam & fructus decoctum illis propinatur, qui febre sunt correpti, & cortice delibutum Mungo instar orizae exhibetur, quo intelligitur eius facultatem esse refrigerantem: In Palestina etiam nasci huiusmodi semen ferunt, de quo Auicennas lib. 2. cap. 481. Messe, vel Meus vocari ait, sed Mex dici debere se ab eruditis Arabibus Medicis edoctum esse fatetur Garzias cum & alibi prohibeat Auicennas, cum auiculis Mex edi, quoniam cum facilius sint coctionis, quam mex, periculum est, ne crudum adhuc Mex, cum earum chylo ad epar rapiatur, quod aureum præceptum in praxi Medica obseruandum, nam auidum chyli epar trahit, quod concoctum est, cum quo vnà crudum rapi potest.

ME



MEHENBETHENE fructus exoticus à Clu-
sio memoratur lib. primo arom. hist. cap. 26.
à Viro amplifs. Cortuso ad se Patauio tran-
smissus, quamquam eius descriptioni non
valde quadraret, & eorum sententiam po-
tius amplectendā censeat, qui inter vnguē-
tarias Nuces referunt: vnciam longum
fuisse, forma triangulari, duro, & ligneo putamine consta-
re, qui contractus tres cellulas habere deprehendatur, in-
quorum singulis nucleus oblongus, albus, dulcis inueniatur;
quæ omnes notæ ad vnguem in hoc Musæi fructu compe-
riuntur.



ANANAS Christophorus Acoſta mentionem
fecit libro suo de Aromatis: fructus est ex
prouincia Sanctæ Crucis in Brasilia in Oc-
cidentalem Indiam primum, mox in Orien-
talem delatus, vbi nunc vberrimè provenit,
Citrij mali minoris magnitudine est admo-
dum flauus, & odoratus, cum probè ma-
turus est: succulentus, & gratissimi saporis, procul intuen-
tibus cinara videtur, sed pungentibus aculeis caret; singu-
læ stirpes cardui edulis magnitudinem æquant, cum primū
in Indiam illatus est fructus, singuli decē ducatis æstimati
sunt, nunc propter abundantiam (ait Acoſta) vix duobus
regalibus Castellanis vneunt; calidus, & humidus est, edi-
turque maceratus in vino, vti Persicum malocotoneum,
facilis est concoctionis, sed nimius eius vsus inflammatio-
nes parit: Testatur porro Clusius ex Iaua naucleris rede-
untibus aduectum huiusmodi fructum saccharo conditum,
fuisse quidem eum fructum satis suauem, sed qui ob nimiam
dulcedinem ipsi nauseam facillè excitaret, eius partem inti-
mam duriores, & difficilis (vt apparebat) fuisse conco-
ctionis.

EXO-



EXOTICVM fructum **BONDVCH** nomine à Turcis in Alexandria Ægypti vendi in confesso est, cui admirandas adscribunt vires: vt venalem mercem laudatam, cuius facile possint obtrudere: Hunc ab infantibus gestatū amuletum esse præsentaneum ad quaslibet res aduersas auerrucandas, quemadmodum de lapide Molochitæ à Plinio scriptum Viri eruditi obseruarunt, quem propterea infantium custodiam nuncupauit; Aduersus etiam Venena omnia, hemicraneam, colicum dolorem, quartanam, plurimum valere iactant; sed certis experimentis nihil adhuc constat: qui in nostro rerum naturalium penu asseruatur, Nucis parvæ crassitudinem obtinet, lauis est, pellucidus, cinerei coloris, lapidea ferè duritie præditus, quam in aquam coniectus supernatare videatur: Talem cap. xxx. lib. ij. Exoticorum descripsit Clusius primum nimirum fructum, nosq; ex eius testimonio nonnihil alibi de eo perstrinximus.



CARVB aluum eiens à Guinea dicitur afferri, & ad locupletandum Thesaurum FRANCISCO CALCEOLARIO Iuniori Venetijs olim transmissa: Ab Alpino Viro doctissimo inter Ægypti Plantas Arbor Carub, vel Carnub dicta recensetur: In Neapolitano Agro, & in Apulia huiusmodi Arborea complures ali inconfesso est: Ex hac Arbore siliquarum vsum duntaxat agnoscere Ægyptios testatur Alpinus: Ex ijs mel elici dulcissimum, quo Arabes Sacchari loco mirabolanos, Tamarindos, atq; alios condiant fructus: ad Clysteres huiusmodi mel adhiberi, à multis etiam per os sumi ad aluum subducendam, quoniam eo non minùs, quàm pulpa Cassiæ aluus proritur; ad Tussientes, & Asthmaticos non secus, quàm Cassiam exhiheri; ex Siliquis paratum decoctum, hæc eadem præstare. Cæterum Charub, vel Charnub nomen reuocat mihi in memoriam

moriam locum Diui Lucae Medici, & Euangelistae cap. xv.
 ubi filium illum Prodigum scribit desiderasse ventrē repleri
 ἀπὸ τῶν καρπῶν, ὡς ἦσαν ἐν χοίρῳ, ex Siliquis, quae à suis edeban-
 tur. Siliquarum nomine legumina intellecta, aut legumina
 opercula, ex Horatij, Persij, & Prudentij testimonijs scribit
 Causabonus in Persium Commentario: In eo tamen Diui
 Lucæ loco καρπῶν, aliter accepisse Theophylactum, hoc est pro
 Arboris Siliquæ fructu, quem φυλόγωνα vocatum testatur,
 quem Arabes Charnub interpretatur: Galeni, verò, & Dio-
 scoridis καρπῶν in Arabum Medicorum libris passim Char-
 nub vocari: Nos Itali dempta .N. Charuba nominamus:
 Veronenses mei præcisè Charobola: Iam verò cum per lit-
 teras Viri doctissimi Pignorij, quem sæpè honoris causa in
 Musæo nominatū volui, iudicium de eo D. Lucæ loco olim
 exquisivissem, respondit, ut humanitate, & doctrina nemini
 Italorum est secundus: Vera enim, & solida eruditio mori
 candorem, & humanitatem secum naturali veluti cognatio-
 ne iunctos trahit; eruditio ab ijs disiuncta simulatio est do-
 ctrinae, & mera nugarum nundinatio, vel inflati ingenij of-
 tentatio; Is igitur respondit per vocem καρπῶν, siliquā sci-
 licet se intelligere Caroban nostrā, tum quoniam Græci au-
 ctiores probatiores ita accipiunt, tum quia ex latinis multi,
 inter quos Columella, & ex recentioribus complures; præ-
 terea in Codice Hebræo Evangelij D. Lucae Parisijs à Io.
 Benenato excuso loco vocis καρπῶν Hebræam vocem legi
 Charobo, aut Charobā. In illum D. Lucæ locum Maldo-
 natum Auctorem non infimi subsellij hæc scripsisse, Porcis
 in calidioribus regionibus, ubi magna earum est copia, dari
 solent: testatur porro idem Pignorius in Cairo Memphi
 nempe vetusta Aegyptij Vrbe suis exhiberi, in quā Urbē
 ex Cypro copiosum Charub aduehitur: In Hispania equis,
 ut pinguescant: Sententiæ Maldonati subscribere Ianse-
 nium, qui Euthymium, Theophylactum, & Chrysostomum
 testes laudat: Assentiri & Petrum Chrysologum, qui cir-
 citer annum cccc l. à Christi natali vixit, cum ait; Hoc
 norunt Epicurei, qui cum Platonicas, & Aristotelicas per-
 currunt

currunt scholas, nullaque illic aut diuinitatis, aut scientiæ inuenirent disciplinam Epicuro se tradunt vltimo desperationis, & voluptatis Auctori, & manducant filiquas, hoc est voluptatibus corporis malè dulcibus inhiant, & quæ sequuntur in sermone scilicet in eandem parabolam. Aliquid etiam ponderis habere auctoritatem Leonardi Porti docuit Pignorius, qui in suo libro de Ponderibus, hæc habet, quia quam vulgò nos Carobam, Antiqui Siliquam, Græci Ceratium appellabant, & indè Charatos corrupto vocabulo dictos credi par est; Præterea Turnebus lib. xxvj. aduersar. cap. xxiv. hac in re Lambinum sequutus scribit *κερατίον*, apud D. Lucam accipi pro fructu, & cibo vilissimi pretij; Qui etiam diligenter expendat Plinium in calce cap. xxvij. & initium xxiv. cap. lib. xv. facilè colliget prædulces Siliquas suis pro cibo attribui. Platina etiam tertio lib. de Popinæ scientia Siliquas scribit Charobas vulgò appellamus: Ioannem etiā Brugerynum lib. xi. de re cibaria cap. xxxij. multa hac de re nec contemnenda memoriæ prodidisse, cum mihi significarit Clarissimus Pignorius, obseruatum est à me auctorem illum perperam, fortasse damnare Aëtium Amidenum inter Græcos magni nominis Medicum, quod vim ciendi aluum Charub attribuit, quæ facultas profectò Charub ab Alpino descripto valde congruit, vt ostensum est: licet Paulus Aegineta difficiles concoctu siliquas, aluum cohibere, malique succi esse tradiderit, & Galenus censuerit Siliquas abdicandas esse ab hominum cibo, & relinquendas populis Orientalibus, vnde deportari solent.



AM verò, cum amici optimi non ignorarent cupidissimum locupletandi Musæi, & in dies adaugendi esse FRANCISCVM CALCEOLARIVM Iuniorem, Pompeius Sprecus ornatissimus Seplasiarius os quodam trifidum, vel naturaliter tripartitū ei superioribus annis donauit sub nomine Ossis Ficus Indici, quod in *κεραλίον* nostro asseruatum

K K K K

uatum

uatum ostenditur ; eius verò nomenclaturæ fides ratio, & iudicium penes Spreccum esto.



CARYOPHYLLVM Plinianum, cum folijs, & hîc adeuntibus monstratur, cuius meminit Plinius lib. xij. cum ait, Est etiamnum in India Piperis grani simile, quod vocant Caryophyllum, grandius, fragiliusque. Porro auctor est Garzias Arborem esse Lauri forma, & magnitudine, folijs etiam Laurinis, sed angustioribus : Cum verò Clusio Icones Caryophyllorum alibi posite minùs satisfacerent : in Auctario aliam posuit, nactus ramulum, qui fructus rudimentum iam formati, & florem nundum explicatum sustinens, & rudimentum formari incipiens, foliaque haberet.



RVCTVS sine nomine Indicvs à Clusio descriptus quinto loco lib. ij. Exoticorû cap. xxx. Prorsus (ait) spherica erat quinto forma, magnitudo globuli minoris sclopi, putamen eiusdem cum præcedente coloris, & perpetuis etiam tuberculis, non aded tamen crassis oblitum, nullaque linea cinctum, mox subiicit Clusius; hæc duo postrema alicuius fructus duntaxat erant Officula : aiunt porro ad auriû ornamenta Indos huiusmodi fructus adhibere.



INDICVS fructus pariter, absque nomine Corniculis persimilis, cuius integram plantâ Venetias clarissimam Europæ Urbem, & Emporium delatam anno 1621. inconfesso est, huius fructus ad CALCEOLARIVM Iuniorem transmissi, tamque visu, & contrectatu curiosissimi, vt eius Thesaurus Exoticarum rerum adhuc magis exornaretur : Huius fructus hic Iconem expressam nunc primum damus.

FRV-



DE Oregialla Musæi sic scribit Clusius lib. ij.
Exoticorum cap. xvi. Sit ne Cortex ab ali-
quo fructu detractus, cui Duodecimum locū
do, an aliud quidpiam, prorsus hærebam,
nec qui ad me mittebat, quicquam de ea re
scribebat (quod etiam ij faciunt, qui CAL-
CEOLARIO nostro res exoticas mittunt) Schæ-
dæ duntaxat, in quo inuolutus cum sequente fructu, adscri-
ptum erat Oregiella, nuncupari, atque ex ea cum admisto
K K K K 2 fru-

fructu Cacao simili, fieri potionem incolis vsitatam: Effere vero hunc Corticem, si Corticem vocare licet, vncialis magnitudinis, reflexis oris præditum, crassiusculum, & satis durum, aciduli saporis, & saliquam cientes, cinerei que ex fusco coloris.



SEMINA ex India recens allata, quorum ignoratur nomē, mali aurantij colore tingūt, & veluti purpurisso, quem Chremesi vulgari voce appellant, mirabili naturæ artificio, quæ ex plantarum semine, non tantum ex metallicis succis, aut terris coloris venusti copiam, & varietatem Indis parat.



EVCTVS à Clusio descriptus lib. ij. Exoticorum cap. xxix. qui ex ordine est secundus: Inglandis penè magnitudine, extrema parte latiusculus, totus rugosus, atque vt Nucis inglandis putamen inæqualis fusci coloris, sed magna ex parte veluti crusta quadam, durissima, & cinerea tectus, levis, & exigui ponderis, licet admodum solidus, & saxeæ duritiæ præditus, nec minùs in aqua subsidens, quam lapis.




EVCTVS Indicus, cuius nomen ignoratur recens ex ijs regionibus aduectus; CALCEOLARIO Iuniori donatus *auratus*, ac compage Flori persimilis: cuius Iconem libens exhibuit, cum hætenus à nemine figura expressam existimet.

CON-



Onsimilis Fructus ex India nuper allatus, cuius nescitur nomen, ad animi deliquum plurimum valere creditur, nec aliud quidpiam ab ijs, qui donarunt, videtur adiectum, huius & figuram à nemine expressam primus libens exhibet Calceolarius.






DE COCCO de Maldiua appellato scribit Garzias Hortus, & Clusius lib. primo de Arom. historia; non seligemus, quæ ad Musæi Coccum potissimum faciunt: Niger igitur est huius Cocci cortex, & nitidior vulgari Cocco, figura ouali magna ex parte, nec ita rotunda, vt vulgaris, medulla, siue pulpa interior, quæ siccata dura est admodum, & candida, nonnihil tamen ad pallorem inclinans, in superficie rimosa est, & valdè porosa, nullo sapore excellens, Subdit Garzias, Dosis huius medullæ ad grana decem, cum vino, aut aqua pro morbi ratione, ac natura: probari enim huiusmodi Nucem, vel Coccum ab illarum Insularum incolis aduersus venena, colicos dolores, paralyfim, epilepsiam, atque alios neruorum affectus: addit Clusius, medullam huius Nuclei siccata venalem Vlyssipone reperiri eius facultates omnibus Alexipharmacis præferri, sed non esse statim fidem adhibendam commentitijs istis facultatibus, vel Garzia ipso iudice, commonet: Persuasio enim, & imaginatio facit sæpenumerò, vt nos commodum ex aliqua re sensisse profiteamur: sed quod est per se, & vniuersali experimento comprobatum distinguendum diligenter ab eo, quod accidentaria, & fortuita obseruatione sese insinuat: Vascula porrò ex hac Cocco de Maldiua confecta se cum Vlyssipone, tum alijs in locis vidisse testatur Clusius, oblongiora, plerumq; ijs, quæ ex Cocco vulgari parantur, magisque nigra, & nitida: Reliqua apud Garziam, & Clusium curiosus Lector perquirat; Iam verò Cochi Maldiuii, cuius Iconem expressam damus; quivè in Musæo repositus cernitur, magnitudo est effatu digna, sexquicubitale enim Peripheriam æquat, vt omnino fatendum sit ab Exoticarum rerum peritis nihil in eo genere nasci in Europa, quod cum eo iurè conferri possit.

ALTER

Q V I N T A .

621



ALTER

Cap. 26.



ALTER etiam Peruanus Cochus nimirum, quem dell'Andi appellat in nostro Thesau-
ro reperitur, quem accuratè descriptum le-
gimus à Iosepho Acoſta Soc. Iesv Auctore
præstantissimo lib. 4. hist. naturalis, & mo-
ralis Indiarum: Is igitur Auctor ex Hispa-
nica lingua in Italicam verſus à Io. Paulo

Gallucio Salodiano Academico Venero, an latinus extet, sanè ignoro: is igitur nostra opera sic latinè: Reperiri nimirum aliud Coccorum genus, quæ medullam à cæteris discrepantem obtinent, Noces enim veluti amygdalarum. copiam intus conclusam obtinent, qualia grana in pomis Cydonijs inserta conspiciamus, has amygdalas triplo maiores esse ijs, quæ castellæ habentur, sapore persimiles, tametsi aliquanto acriores, sunt etiam succi plenæ, & acidæ, optimi succi, haberi quæ inter delicata edulia, vt martius panis, & alia huiusmodi: Quoniam verò apud Andos Peruanos maximus est earum Nucum prouentus, idcirco Amygdalæ dell'Andi nuncupantur: Ea porro præditæ sunt duritie, vt insigni lapidis ictu egeant, vt aperiuntur, & confringantur, si ab Arbore suo super caput alicuius fortuito decidant magnam cerebro, & craneo labem infligunt: Illud videri incredibile subiicit Acoſta in mole illa, quæ alijs Cochis non, est maior, aut saltem paulò amplior tot amygdalas contineri. Sed consulendus diligentissimus, & optimus Scriptor Acoſta, si vberiore tractationem Lector concupiscat. Huius porro Andini Cocci figuram, quoad fieri potuit naturali consentaneam hinc expressam exhibemus.

GVMMI



LIII

GVMMI



CVMMI, seu Resinæ genus ex noua Hispania delatum ab Indis Tacamahaca nuncupatur; Ex vulnerata Arbore colligitur magna ut Populus admodum odorata, cuius fructus ruber est, Pæoniæ seminis modo, ait Nicolaus Monardus; colore est Galbani, odore graui, atque etiam sapore Tacamahacæ, adeout prunis iniecta, & naribus admota mulieres præfocatione laborantes illicò liberet, omne tumorum frigidorum genus maturat, ac resoluit, dolores etiam omnes à frigidis succis, & flatulentis genitos tollit emplastri modo adhibita, non liquefcit, sed adeò tenaciter semper adhæret, ut auferri, nisi opere perfecto non possit, dolorem dentium sedat, dentibus etiam corruptis, indita, qui si ea vstulentur facillè præseruentur, ne corruptio longius serpat, ex ea, & Styra-cis tertia parte, & Ambari momento emplastrum fit stomacho longe vtilissimum: celebris est eius vsus, quoniâ præter resoluendi vim, adstrictionis etiam particeps est, quare & in inflammationum etiam calidarum declinatione ad discutendum vsurpatur, calida initio tertijs gradus, & sicca in secundo.



CARANA lingua Indica Resina dicitur, colore Tacamahacæ, sed splendidior, liquidior, & densior, odore etiam eiusdem gummi, sed grauiore, Pinguis est, oleaginosa, & proinde tenax, sine multa agglutinatione, & colliuatione: Ex continentis parte interiore per Carthaginem, & nomen Dei defertur, teste Monardo: Ad eosdem tumores, & dolores laudatur, quos Tecamahaca curare solet, & minore temporis spacio facultatem suam promit, immo quos Tacamahaca non curat, Carana sanat. Mirifica eius vis in Articulorum doloribus, nam imposita facillè illos curat, modò nullus sit calidorum humorum influxus: Vulnera recentia neruorum præsertim & iuncturarum nullo alio admisto medicamento perfa-

perfanat, secundum caloris gradum excedit vti superior vulnerato arbore colligitur: ex eadem Carthagine Carana, alia purior affertur: Chryſtalli inſtar limpida, & ſuperiore odorator, qualem in Muſæo CALCEOLARIO aſſeruari conſpicimus.



OPAL Refina eſt valdè candida, lucida, & tranſparens ex noua Hiſpania delata: Vulnerata arbore guttatim ſtillat liquor albus, qui ſtatim concreſcit: Gomara in Mexicana hiſtoria duo Copalis genera facit (ait Cluſius) alterum rugoſum, molle, Thuri ſimile, alterum præſtantius, quod plerique Myrrhæ exiſtimarunt: magnis fragmentis citrio condito valdè tranſparenti, haud diſſimilibus habetur, ſatis odorata: Suffumigij loco Indi vtuntur; idcirco cum Hiſpani illuc appelleret, Sacerdotes in Templis huiuſmodi ſuffitibus naribus eorum admotis eos excipiebant; Calida ſecundo gradu, humida primo exiſtit, proindè reſoluit, ac emollit ob partes aqueas, quibus eſt prædita.



EX eadem noua Hiſpania deſertur Anima Arboris lachryma, ſeu Refina candida ad Thuris colorem nonnihil vergens Copali magis oleagiноſa; Granis Thuris, ſed craſſioribus affertur, quæ confracta luteum colorem veluti Refinæ patefaciunt, gratiſſimi, & ſuauiſſimi eſt odoris, & igni impoſita facilè liqueſcit, & abſumitur. Ex Arboribus mediocris magnitudinis vulneratis colligitur non aliter, quam Thus, & Maſtiche: in capitis morbis frigidis potiſſimum præcipuus eius uſus, cubiculis per hyemem, capitis operimentis dormire ſub noctem volentibus ſuffitis, caput enim roborat, quod pariter ſuffitum à Cephalæa, & Hemicrania vindicatur, Thuris vicem ſupplet, calida eſt ſecundo ordine, humida primo. Myrrha Arabica, vel Minea à quibuſdam exiſtimatur à doctis.

atissimo Hermolao Barbaro descripta, cum multa Myrrha genera ex Plinio, & Dioscoride in suo Corollario recensent.



ANIME porro Orientale Resina est candidior, & lucidior; magnis etiam fragmentis affertur translucidis, ut idcirco nonnulli genus Charabe, vel Succini esse putarint, quæ Ambarum colliquatum vocant, è quo spherulæ precariæ torquentur: Hos hallucinatos verè contendit Monardus, cum Succinum Bitumen sit, hamis ferreis è mari Germanico erutum è fontibus enim in ipso mari manat Bituminis modo, atque aëri expositum statim cogitur, & densatur, ut ex maris purgamentis, & eiectionis colligitur, quæ in fragmentis illis magnis erutis cernuntur: quare ridiculus etiam illorum est error, qui Populi, aut Pini lachrymam esse succinum putarunt: Hermolaus à Pagi nomine Anime appellari docuit, vicinis, nempe locis Pago, ubi Thus nascitur.



LIQUID' Ambar Resina est effluens ex arboribus vastæ magnitudinis, pulchris, ramosis, folijs hederæ similibus, cortice crasso, & cinereo, qui incisus crassum Liquid' Ambar eiacularur, cui Cortex comminutus admiscetur, ut suavius, & diutius in Suffitibus spiret, teste Monardo; Crassa profecto, & elegans Resina, cuius color in cinereo nigricat, ex noua Hispania delata: Ocozol Arborem Indi vocant: Resina calida in fine secundi gradus, humida in primo. Ad morbos frigidos eius vis mirifica, omnigenosque dolores à causa frigida mitigat, cerebrum, & ventriculum cum Styracis, Ambari, & moschi momento emplastri consistentia mixtū, & super Alutam extensum plurimum iuuat, & roborat: Ex ea Resina recens collecta, & reposita tenuior eius pars stil-

stillans oleum de Liquid' Ambar dicitur perfectissimum sanè, & Resina propria suauius, tertio ferè gradu calidum: sunt & qui expressione eliciant, vt maior eius colligatur quantitas, nam Chirothecis imbuendis plurimum absimitur, ait Manardus: ad eosdem morbos frigidos valet, tumoribus, & obstructionibus yteri prodest, & menses prouocat.



STYRAX Lachryma est instar gummi è propria stillans arbore malo cotoneæ simili, teste Dioscoride, qui præferri ait sordescentè flauum resinofum albicantibus grumis; diù in sua odoris gratia permanentem, qui dum mollitur melleum liquorem reddit, qualis è Cabala vrbe aduehitur, καβαλίτης enim legendum est ex Plinio, Orabasio, & Marcello: non χαλαμίτης vt Manardus censuit, quod optime à doctissimo Mattheolo obseruatum, licet Galenus primo de Antidotis allatum Styracem in Calamis ex Pamphylia ad Theriacæ confectionem valdè probet, eumque cæteris præferat, vt Falernum cæteris Vinis, quæ à Cauponibus venduntur, præferendum: in Calamis porro includebatur, ne suavis expiraret odor, sicuti Theophrastus ob eam causam in ferula, vel arundine inclusum dictamnium tradit, ne vis eius expiraret: idcirco ab officinis Styrax Calamita vocatus, vera, licet inepta appellatione, non quod liquidus Styrax fuerat, & propterea Calamis inclusus, vt putauit Fuchsius iurè ab eruditissimo, & excussi iudicij Viro Mattheolo reprehensus (liquidum enim illum vocatum Styracè Myrrhæ Staeten esse existimat) nullus enim veterum Styrax liquidus, sed lachryma resinosa est instar Gummi: In scobe porro sordescente legitimum Styracem mirari quis potuit, nisi Ciuis noster Plinius monuisset circa canis ortum ad eum pennatos vermiculos aduolare erodentes. Marcelus tamen contendit, non συπαρόν, sed καταρόν legendum, pinguem scilicet, non sordescentem; vt legit Ruellius, nec Græcorum veterum codicum fides re-
clamat,

clamat; verba verò Plinij, in scobe fordescere, ad adulteratum visus referre Marcellus, quoniam alibi Plinius non solum pinguitudinem, sed etiam puritatem in Styraçe desiderat. Vt cumque res sese habeat, nos integrum iudicium lectori concedimus, Marcelli, & Mattheoli auctoritas magna, illius tamen in Græcis litteris, & codicibus excutiendis, & explorandis maxima; nec artis nostræ, aut conficiendæ Theriacæ fortuna in hoc præcipue vertitur: Ex eo in Syriæ oleum Styracinum fieri docet Dioscorides, Græcè *στυρακίνη* ynguentum reddit Marcellus, idque verius mea sententia, quamquam dolorem capitis efficere grauitatem, & soporem, (*καρποτίνος*) idem Dioscorides tradat: Olei porro ex Styraçe conficiendi rationem præclaram tradit Mattheolus: quæ à quouis apud ipsum legi, & expeditissime haberi potest.

Non ignoro Arabum, & Mattheoli sententiam, liquidum Styracem scilicet esse Staçtem Myrrhæ, improbari à recentioribus, qui eum censet esse, vel arboris Styracis liquidiorum lachrymam, vel mixturam quampiam, in qua creditur Nacathmus Thymiana potissimum existere, quamuis Botanici, & præstantiores Pharmacopei, nihil certi mihi, & explorati retulerint, cum eos diligenter de hoc liquido Styraçe interrogassem.



CARYOPHYLLIFERÆ Arboris gumi sponte ab arbore resudans ex atro colore rufescit, odorem suauem manibus contrectatum exhalat, si prunis iniiciatur Caryophyllaceum pariter spirat odoré, Auicennas lib. secundo, tale gummi simili facultate præditum, cum

Resina Therebintina scripsit, sed percontatum se Garzias fatetur ab ijs, qui ex Moluccis Caryophyllum aduehant, qui negarunt se huiusmodi gummi vidisse; verum omnes Arbores gummiferas esse, præsertim si vulnere-

CEDRIA



EDRIA Lachryma est translucida, & solidior ex Arboris Cedri cortice suapte sponte resudat coloris est flauis, crassa, validi odoris, quæ dum effunditur guttatim, non dissipata coit, κατὰ γαλεγκίς ἐπιδιαιρέτως, concretis stillicidijs se ipsum continet, vertit doctissimus Marcellus, cui ea vis inest, vt defuncta corpora conseruet, viuientia corrumpat, ait Dioscorides, quæ causa νεκρῶ ζῶον, mortui vitam, aliqui appellauere; Iurè Belonius lib. de medicato Funere, & Coniferis arboribus à Mattheolo damnatur, quod Cedriam à Picea, tæda, laticæ Junipero, atq; alijs huiusmodi fundi putarit, eamque vim ipsi tribuerit, cum sola Cedria à Cedro resudans ex Theophrasto, Galeno, Dioscoride eam obtineat: non παρὰ τὴν οὐρανὴν graui scilicet odore, sed ἰσχυρότερον τῆς οὐρανῆς ex vetere manuscripto legendum apud Dioscoridem contendit præstantissimus Mattheolus, hoc est vehemens odore, vel valdi odoris, vt Ruellius: grauis enim odor vix ferri potest, nec Circe delicata Meretrix in nocturno lumine Cedriam grauem odore vsisset cum tamen Virgilius optimus Poëtarum, & doctissimus scripserit,

Urit odoratam nocturna in lumina Cedrum.

Vehementi ergo odore, sed suauis, & iucundo prædita est, commansa tam pertinaciter dentibus adhæret, vt vix auelli queat, antè coitum (ait Dioscorides) peruncta genitali abortiuum fieri constat, sic vertit Ruellis ἀτόκον; commodius Marcellus sterilitatem facit. Legendus porro Hermolaus in Corollario, qui Cedriæ vsum damnasse Plinium docuit, ob ancipitem eius proprietatem viuientia perimendi, perempta custodiendi; cuius tamen rationem præclaram ex Galeno adducit. Esse enim infirmissimum septicum, ideo viuientibus additum, vitali calore adiuncto, accendi, atque ita iugulare: in defunctis putredinem, & vitiosos humores exterere, atque absumere, quibus detractis incorrupta seruari. Consule Corollarij librum primum, Commentarium Mar-

Marcelli, & Mattheoli, qui multa non contemnenda de Cedria memoriae prodiderunt.



VAYACENI Arboris Gummi vulnerato Cortice resudens, vel etiam fortasse sponte effluens cum Corticis fragmento ex Trinitate Insula delatum se accepisse proficitur Clusius, quod calidi saporis erat, & manducatum dentibus cedebat instar Resinae masticinae, fusci tum coloris, consimile gummi

illius Arboris in Museo CALCEOLARIO, quod describimus, asseruatum vidimus: suo addita fuisse folia Ziziphinis, forma, & magnitudine non multum absimilia scribit Clusius.



VIDNAM esset Lacca diu se dubitasse Garzias Horrus Proregis Indiae Medicus doctissimus fatetur lib. primo de Aromatum hist. tandem multorum testimonijs se comperisse in Pegu, & Martaban vastam Arborem inueniri; folijs Pruni, in cuius surculis, & minutioribus ramis magnas formicas in terrae

visceribus, alijsque locis enatas hanc Laccam elaborant, ut Apes mel conficiunt, materiam ex ipsa arbore exuentes; hos deinde ramulos ab Arbore reuelli, in umbra siccare, ijs excidentibus Laccam ipsam veluti in Tubulos concretam manere; interdum tamen ligni fragmenta inherere; meliorem iudicari, quae syncera sit, & ligni fragmentorum expertem; multos se vidisse Laccam ijs in Arboribus affirmasse: Formicas autem illas Laccam elaborare, inde manifestum esse, quod plerumque formicarum Alae Laccae permixtae conspiciuntur: Praemansam hanc pulcherrimo rubro colore inficere: quod & Clusius in adnotationibus docet: etiamque scilicet Laccam, quae aduehitur circa ramulos elaboratam esse, quamuis praeduram, & exsuccam praemansam ramensputum

sputum efficere sanguineum; hoc probitatis esse indicium: Alutas, & veruccinas pelles, illa contusa, & vrina vereri macerata rubro colore ex altera parte infici: Auicenna lib. ij. Laccam Mirrhæ persimilem facit, odoratam, & Charabæ nonnullas vires similes obtinere scribit: Verum deceptus est, quoniam nec Lacca odorata est, in ramis etiam extimis elaboratur, vt dictum est, at Myrrha ex ipsa arbore extillat: obstructiones aperit, at Charabæ glutinatoria est, & adstrictionis particeps, erroris fons inde manauit, quoniam Laccam Auicenna, & Serapio esse Cancamum Dioscoridis putarunt; illa tamen minimè odorata, hoc ad suffimenta usurpatur, quod grati odoris iudicium: nec in Arabia nascitur Lacca, vt censet Serapio, sed in Arabiam ex India deportatur: ita Arabes Auctores, vel rerum imperitia, vel interpretum ruditate multa in Medicina perturbasse deprehensi: quid porro Cancamum verè sit, apud Amatam Lusitanum perleges lib. primo in Dioscoridem enarratione xxij. cui etiam Clusius tantus in re Botanica vir adstipulari videtur.



SUCCVM vndecimum Ghittaiemou vocatum è Sinarum Regno allatum enumerat Clusius lib. iij. Exoticorum, Succus enim potius videtur quam Resina; valdè purus est nullis sordibus infectus, fului coloris, paululum salua, vel aqua tinctus prorsus flauo inficit colore: illo vti incolas, testatur idè Clusius, ad aqueos humores, sinè molestia euacuandum: Dosim esse à xv. ad xx. granorum pondus; Hoc se feliciter hidropicos curasse Clarissimus Mediolani Medicus Septalius litteris ad me datis profitetur; Subijcit mox Clusius, initio ob coloris affinitatem, & facultates Aloes Succum esse existimabam, propterea aliquantulum degustabam, nullam tamen amaritudinem deprehendebam, sed post temporis momentum magnam acrimoniam in gutture mihi excitabat, vt mihi suspicionem moueret Euphorbij Succum esse posse, quod

M m m m

iudi-

iudicium Viri in hisce rebus perspicacissimi, & exactissimi studij non videtur spernendum, donec certior se offeret notitia.



IXIAM Chamaleonem esse nigrum multis coniecturis, & argumentis contendit doctissimus Mattheolus, quare decipi illos, qui Ixiam plantam ab utroque Chamaleone discrepantem esse putarunt, cum Theophrasto nihil aliud designet, quam album Chamaleonem: quod verò antea scripserat Ixiam viscum esse Chamaleonis non sibi vitio vertendum, cum non minus venenosum sit huius plantæ gummi, quam sit ipsa radix; Verum & si nullam hactenus Ixiam reperisset in Albi Chamaleonis radice, qui in Italia progenit, tamen sibi à Iacobo Antonio Cortuso, & à Francisco Calceolario herbariæ rei admodum studioso plures Chamaleonis plantas integras ad se Pragam missas, quæ gummi illo visci modo lento refertæ fuerant, cuius incommodis succurrere vomitiones excitatas, infusos Clysteres mitiores, & leniores Theriacam, & Mithridatis Antidotum ex Absinthij Romani, aut Santomici decocto potum.

Cum Aspalathus frutex sit, licet humilis ex Dioscoride tamen odoratus suauiter, & gratus non est mirum si ex eo gummi genus nasci putetur, qualem in nostro, quem describimus rerum naturalium Thesauro, reperiri conspiciamus.



CANCAMVM Arabici ligni lachrymam esse Myrrhæ quodammodo similem testatum reliquit Dioscorides virosi gustus, quam ad suffimenta usurpant: non assentior Mattheolo alioquin eruditissimo Viro, cum illam particulam ex cap. Dioscoridis delendam putat, olidi gustus, *ερωμαδες εν τῷ γεύσει* contra veterum exemplarium fidem, licet Paulus, & Serapio ipsam non

non habeant: deceptum etiam Marcellum puto cum vertit viroso in gustu odore, sapor enim non odor obiectum est gustus: cum verò scribit Mattheolus virus in gustu esse inditium fetoris, non suaueolentiae fortè legit Galenum. nostrum maximum Physicum, qui 4. simpl. videtur asseuerare amara numquã odorata esse, nec vt medicamentum nobis suaue, nec vt cibum: verum ne experimentis euidentibus Galenus repugnasse existimetur ex Græco exemplari emendandus locus *ἡ γὰρ τὸ τοῦ γε πικρὸν ὑδέρματος ἢ ὡς φάρμακον ἡμῖν ἡδύ*, hoc est amarum, numquã vt medicamentum suaue nobis est, hoc enim totum ad gustatum refertur, non ad odoris fragrantiam: alioquin Theophrastus vj. de causis plant. testatur *cap. 13.* initium boni odoris amarum existere, odoratumque quin amarum sit, comperiri esse difficile, cui subscripsit Plinius *cap. 7.* Cuius noster lib. xxj. scribens: Odorato sapor raro vlli non amarus, è contrario dulcia rarò odorata: argumento sunt Rosa, Agalochum, Moschus, Ambarum, Cybetus, & alia eiusdem generis, quæ odoratissima sunt, & amaritudinem non exiguum præferunt: potest ergò Cancamum gustu virosum, & amarum existere, & ad suffimentavsurpari, immò eo vestes cum Styrace, ac Myrrha suffiri, Dioscoride teste, poterunt, cum suavis odor cum viroso, & amare sapore consistere possit.

Quid verò sit Cancamum Græcorum optime docent Garzias, Clusius, Amatus, tres accuratissimi istiusmodi rerum indagatores, est enim Anime, quod in Lusitaniam ex Æthiopia Arabia vicina aduehitur: cuius tria reperiuntur genera, ait Clusius, primum fulvescit, & pellucidum est, alterum nigricat, & taurino glutini simile est (Myrrham Aminëam Dioscoridis, vel Mineam Galeni esse existimant) Tertium genus pallidum resinaceum, & retorridum, primum genus Cancamum est ex Amati etiam testimonio, gummi scilicet ex proceris arboribus decidens folia Myrti habentibus, quod album reperitur: aliud subnigrum Myrrhæ simile: omnia tamen in suffumigijs suauem spirant odorem, idem temperamentū sortita, duo tamen posteriora magis siccare,

M m m m 2 ama-

amarefcere deprehensa: Ex Briffoto Gallo viro magna eruditione prædito hanc sententiam afferuit Amatus, quam Sarcam testamq; Garzias, & Clusius subscriptores maxime auctoritatis apud æquos istarum disceptionum æstimatores præstare merentur.



VM Myrrha Lachryma sit arboris, quæ in Arabia gignitur Ægyptiæ Spinæ non dissimilis, è cuius vulnere in subiectas Tegetes defluit Lacryma; singula eius genera diligenter persequitur Dioscorides huius doctrinæ Antesignanus, quæ in Musæo afferuatur legitima est, quam omnium primam, & Troglodyticam vocat Dioscorides, accepto cognomine à tractu, in quo provenit splendentem, subuirdem, & mordentem: Verum & in electione notas quasdam subijcit idem Auctor, cum ait eligenda recens squallore obsita levis, vndiq; color, quæ confracta internatos, quasi vngues candidos ostendat, & læues; cur squallore obsitam verterit Ruellius me fugit, cum fragilem Marcellus magis propriè, & genuinè vertat. *ὀρυχοδὴς διαρίων* humanorum vnguium figura per medium transeuntes diuisiones vertit ritè Marcellus; quod negligenter omissum à Ruellio: quæ minutis glebis fit amara, acris, odorata, calfaciens, quæ vltima nota à Marcello videtur prætermissa.



Cap. 15.

IRARI porro subit Garziam Hortum, quòd disertè profiteatur, se numquàm scire potuisse, qualis sit Arbor, qui Myrrham proferrat, aut qua ratione Resina eliciatur, cum diminutam Dioscoridis Historiam, vt ritè obseruat Amatus, latius prosequatur Plinius lib. xij. & Theophrastus lib. ix. de hist. plant. Clusius in Appendice Còment. hist. Dodonæi: Hermolaus quoque in Corollario legendus Amatus in enarrat. in Dioscori-

scoridem, & potissimum, diligentissimus, & eruditissimus Mattheolus. Obseruandum quod in Psalmo xliv. legimus, *Dilexisti iustitiam, & odisti iniquitatem: Propterea vnxit te Deus, Deus tuus oleo letitiæ præ confortibus tuis Myrrha, Gutta, & Cassia à vestimentis tuis:* quem locum contendit Amatus Lusitanus perperam ex hebræo esse translatus; non enim in eo exprimi Staeten, vel guttam, quæ flos est Myrrhæ pinguis (quam falso putant Arabes, Serapion, & Amatus etiam Styracem liquidam) Sed ahalod; quare alios vertisse, Myrrham, Aloem, hoc est Agallochum, & Cassiam redolent vestimenta tua. Sed cum simpliciter Aloem verterint, atque id nomen Omonymia imponere possit; adiiciendum lignum, vt non herbæ succus Catharticus, sed Agallochum, & lignum odoratum intelligatur. Quod verò multi Rabinorum voce Kezian Costum exponant, ingenti, & pudendo errore factum esse, scribit Amatus, cum isthæc propria, & distincta nomina obtineant: Sed de his hæc hactenus.



BDELLIVM legitimum Lacrymam esse Saracenicæ arboris auctor est Dioscorides, probari gustu amarum, taurini glutinis in morem intus pingue, liquefcens facillè, ligni, ac fordis expers *ἰσῶδες ἐν τῇ θυμῶδι* odoratum suffitu vngui simile: quæ notæ omnes in Musci Bdellium conueniunt: reperitur & aliud nigrum, sordidum, & in offas conuolutum Aspalathi odore, quod innuit Dioscorides: Arbor, vndè refudat, à Ciue nostro Plinio descripta lib. xij. Vicina est Bactriana, in qua Bdellium nominatissimum, Arbor nigra est, magnitudine oleæ, folio roboris, fructu caprifici natura, Gummi esse debet translucidum, simile ceræ, odoratum, & cum fricatur pingue, gustu amarum citrà acorem; in sacris vino perfusum odoratius, nascitur in Arabia, Indiaque, Media, ac Babylonè: Galenus lib. vj. simplic. Bdellij Scythici meminit, atrio-

atrioris, & resinosi magis emollientis admodum, & efficacis virtutis: alterum nominat Arabicum dilucidius, quod magis desiccet, quam emolliat, hoc in potu sumptum renuncalculos frangere, & vrinam ciere, laterum dolores, & rupturas persanare, quas omnes facultates, & Dioscorides profequitur, vnde Galenus sumpsit, Alterius Bdellij Serapion mentionem fecit, quem fructum esse plantæ Palmæ similis tradidit; hoc Neapoli frequentissimum se vidisse, testatur Mattheolus; hoc palmæ genus ex Sicilia deferri, Celsioni vulgò vocari, quorū quoddam Germiculum comedi tenerimum, sapidum, ori gratissimum: hæc vberius exposita leges apud clarissimum Mattheolum, non enim res ex professo, Sed Musæum Calceolarianum describimus,



POCALPASO, hoc est arboris Calpasi succo sua tempestate adulteratam Myrrham, testatur Galenus lib. primo de Antid. quem succum venenosum fuisse, & humanæ vitæ perniciosum profitetur, dum ait, At Opocalpasum lethale est, multosque fortè fortuna nostris temporibus propter inscitiam Myrrhæ, quæ Opocalpasum habebat, interiisse nouimus; Plinius eam arborem Opocarpalum vocat, lib. 6. inter venena enumerat Dioscorides docens Carpasi succum soporem, & citam strangulationem adducere, adiuuari, qui hauserunt, epotæ cicutæ remedijs; sunt, qui putent Carpasum, & Carpesium idem esse, sed refelluntur experimento, nam Carpesium aduersus venena commendatur, & auctoritate, quoniam Quintus loco Cinnam in Theriacam Carpesium laudatissimæ Cassiæ vices subiens conijciebat, non Calpasum, sed καρπάσιον Carpasi succum nominat Galenus lib. primo de comp. med. loc. vbi Archigeni remedia capillos crispas reddentia commemorat, & lib. v. eiusdem operis, quod etiam à doctissimo Mattheolo obseruatum legimus.

OPO



POBALSAMVM Musæi ad conficiendam,
Theriacam, & Mithridatium pernecessarium
omnibus legitimi notis à Dioscoride positis
insignitum, & proindè à Collegio nostro Ve-
ronensi publici testimonij fide, & Diploma-
te sæpenumerò iam corroboratum, & confir-
matum, cum à FRANCISCO CALCEOLARIO

Iuniore Pharmacopœo diligentissimo, nullis succedaneis me-
dicamentis eæ præclaræ Antidoti essent superioribus annis
componendæ, multaquæ indagine, & accuratissima opera,
cuncta conquirentur, & ad fastidium vsq; à nobis explo-
rarentur, vt ad veterem Andromachi normam Veronæ pri-
mum illæ conficerentur; Opobalsamum igitur, teste Dio-
scoride, æstiuus sub ortu Canis ardoribus; hoc pacto colli-
gitur, Arbor vnguibus ferreis vulneratur, manat è plagis
succus, sed tam exiguo stillatu, vt annis singulis, ne plures
quidem quam seni, septeniq; Congij cogantur, pondus du-
plo rependitur argento: Succus probationem esse, vt sit re-
cens *πρόσφατος*, validus odore *ευτενος*, syncerus non ad acorem
vergens, *ευδιάττος*, pellucidus, vertit Ruellius; qui citissimè
penetret Marcellus, idque rectius, læuis, adstringens, & mo-
dicè mordens linguam, *γλωσσῶν* græcè, non gustu, vt Ruel-
lius; *ἀκέραιος* syncerus, vel merus Balsami succus hisce no-
tis ab adulterato dignoscitur ex Dioscoride: laneq; vesti in-
stillatus tum ablutus nec maculam, nec maculæ vestigium
relinquit, adulteratus inhæret; lacti instillatus idem coagu-
lat, Præterea, lacti, aquævé infusus disijcitur quam primū,
& lactis modo albescit, adulteratus olei modò in summo flu-
itat, densaturque, & stellæ modo radiatur: Syncerus de-
nique vetustate crassescens se ipso fit deterior: Tum subdit
Dioscorides falli eos, qui putant verum Opobalsamum id
esse, quod in aquam coniectū primum descendit *εἴτα ἀναπλεῖν*
ευδιάχνητον, mox faciliè dissipabile, vel fusile emergere cer-
nimus. His igitur notis diligenter expensis, & exploratis
in Opobalsamo Musæi Collegium nostrum pro legitimo,
& ve-

& vero ipsum agnouit, & publica fide firmavit. Ineptus porro sum, si cum de Balsami succo, fructu, & ligno fusè, & perdoctè à præstantissimo Alpino disputatum sit Dialogo in lucem edito, velim actum agere, & inani repetitione lectoribus obstrepere: Id solum monuerim grauem errorem fuisse Amati, & Monardi, qui Ægyptium, & Syriacū Balsamum perijsse rati, cum ijs tantum locis a Dioscoride, Plinio, & Theophrasto tribuatur, occidentalem Balsamum substituerunt in India natum; sed vt ostendit optimè Alpinus in Arabiae foelicis Mecha, & Medina copiosa Balsami Arbos suapte sponte enascitur locis cultis, & incultis, quod à Diodoro Siculo, Strabone, & Iosepho cognitum, & scriptis proditum, testatur idem Alpinus: atque in præsentia Arabes lucri spe, & illecebris motos multos Balsami fructices certatim ex arenosis, & Montanis locis in viridaria irrigua, & pingua transtulisse, quare ibi innumera pulcherrima cerni Balsameta, vt mirum non sit, si multa Opopalsami copia indè deuehatur, & nostrati etiam conficiendæ Theriacæ suppeditetur: quinimodò ex Arabia in Iudæam, & Ægyptum plantas illas comportari, in quibus locis sæpè cultorum incuria emoriuntur, vel sterilescunt: grauius porro fuit Botanicorum quorundam error stirpē hanc funditus interijisse putantium, qui à Physicis etiam nonnullis enitritus fuit, vt Occidentalem Balsamum obtruderent, & passim plausibilem redderent: id enim apud Philosophos, & Theologos certum, & exploratum rerum species perpetuas esse, & alicubi semper comperiri, singula verò specierum indiuidua interitui esse obnoxia: Quæso te, optime Lector, ne graueris totum doctissimi Alpini Dialogum percurrere, atque sedulò perlustrare, vt pleniorē Balsami notitiam, quam veteres non tradiderunt, te adeptum profitearis.

PERVA



PERVANVM Opobalsamum, quod ex Perù Occidentalis Indiæ regione deportatur, tantæ fragrantia, & suauitatis esse testatur Amatus, vt inter Thesauros virorum delicatorum tamquam res prætiosissima custodiri videatur, & de hoc fortè intellexisse Pliniũ, cum omnibus odoribus Balsamum præferri dixerit; purum, & syncerum afferri hoc, quod de Orientali Iudaico, & Ægyptio asseuerari non potest, vt propterea Galenus in Iudæam nauigarit, vt syncerum, & legitimũ agnosceret Balsamum, cum varijs modis adulterari posse ex Dioscoride non ignoraret: at profectò in præsentia summi Turcarum Imperatoris cura, & diligentia non ea vigent Balsami adulteria, quæ Galeni ætate forsitan vigeabant, cum in frequenti vsu apud illos populos sit, & Principum timendorum necessitatibus opportunum medicamentum. Quod ex Perù adfertur, ex arbore Pino persimili, non adeò tamen procera, effluit, colligiturque, quod, vt testatur idem Amatus, gustu pingue est, acutum, diũ in ore saporem retinens, odoris suauissimi ad Belzuinum tédentis, color & illius substantia, tãquam aquæ mellis spissæ: vt propterea hinc conficiat Amatus hunc Opobalsamum non esse eiusdem speciei cum Iudaico, & Ægyptio, & Trogum Pompeium has arbutulas Perù delineasse, cũ scripsit, arbores Opobalsami, quæ in Iudea oriebantur, pineis similes existere: Mattheolus hoc Opobalsamum, non esse verè Balsamum docet, cum colore lacteo esse debeat ex Strabonis sententia verum Balsamum: potius verã esse Stactem, posse tamen veri Balsami loco vsurpari: Verum ex Galeni placitis legitimus succus secundo excessu calidus est, & siccus, subtiliorum partiũ, quã ipsa planta, nõ tamen adeò calidus, vt nonnulli tenuitate partiũ decepti existimarunt, Vires, & facultates Diosc. latius persequitur: legendus diligenter Alpinus, & Petrus Bellonius Cœnomanus in lib. suarum Itinerariarum obseruationum.

Lib. 6.
simpl.
medic.

Nann

OPO-



POBALSAMVM Peruanum solidum in eodem Thesauro asseruatur, ruffo colore ad aureum vergente, quod facillè liquefcit, cum eius liquidi vsus est opportunus: De hoc occidentali Balsamo Amatus Centuria vi. Curat. medic. præclare tractat, dum mulierè abortientē certo gestationis tempore curat,

cui acetabula vteri plena mucoris erant, vt proinde præponere fætum continere non possent, sed disrumprentur; illa ergo primo expurgat accommodatis medicamentis, & præparatis prius corporis succis, mox suffitum ex Cinnamomo Agallocho, & Benzuino præscribit; denique Pessum ex hoc Opobalsamo indendum præcipit, tum partiunculam ieiuno stomacho bibendam. Iam verò Mulier illa votis compos facta, mox vtero postea gessit, & maturum fætum in lucem feliciter edidit, teste eodem Amato; ex sapore, & odore efficacis miras illius facultates colligit: ex Piceis arboribus destillare tradit, oleum præferens crassum coloris subnigri, cum aliqua ruffedine si manibus tractetur viscidum deprehendi, odore styracem liquidum moscho confusum videri: sapore primum butyrosam relinquit linguā, mox in fauces descendens eas vellicat: demersus aqua, ima petit oleaginosa quadam portiuncula supra natante, quibus signis Hiericontis, & Memphis Balsamum, vel potius felcis Arabiæ (vt dictum est) plurimum ab hoc Peruano differre intelligimus, & totā ferè specie, non secundum magis, & minus, vt quidam nuper non infimi Subsellij physici mihi persuadere nitentur, nec enim facultatum similitudo, essentię similitudinē, & *αὐτότητα* arguere potest, cum multa simplicia medicamenta diuersa specie easdem generatim acceptas facultates obtineant: hæc volui Amati auctoritate subnixa breuiter adijcere, vt cernes errores è mentibus, quoad eius fieri possit, euellantur.

SED



ED ad Musæi quædam Olea singularia, & pretiosa commemoranda iam veniamus: Inter quæ principem locum tenet Antidotum, generosum, & mirificum Mattheoli oleum ex Scorpionibus nuncupatū, cuius conficiendi rationem ipse ad amussim, & diligenter persequitur: *Vires verò admirabiles hoc pacto: Id*

pulsibus extrinsecus patientibus illitum nempe temporum manuum, pedum, quinetiā extima cordis parti ad sinistram mamillam, repetita alternis tribus horis illinitione efficacissimè succurrit omnibus venenis per os sumptis, quæ tamen ex erodentium genere non fuerint, similiter viperarum, aspidum, & cuiuscunque deniq; venenati animalis moribus singulari auxilio est; præstat præterea iisdem locis semel quotidie inunctum non quidem calidum, sed frigidum ad præservandum à pestilentia homines, qui eo se inungunt, quin etiam ad sanandum iam pestilentia affectos, necat quoq; vermes, naribus, & pulsantibus Arterijs inunctum, & præsertim vbi cætera auxilia non valeant.



LEVM Infernalis Ficus vocatum, est oleum Ricini Diosc.: ab Hispanis Figueira dello inferno: à Gallis Palma Christi dicitur: Oleum quod ex semine elicetur infunditur cōmodè ad colicos cruciatus, teste Mesue, inunctum autem tum Scabiem, tum capitis vlcera persanat, sedis inflammationibus medetur, & conuersis, & præclusis feminarum locis, inungitur vtiliter indecoris cicatricibus, & aurium doloribus: Cæterū & papaueris spinosi semen ex Anglia primum nomine Ficus infernalis à Camerario Iuniore Norimbergam allatum: Doldius primum, mox Cortusus Patauinus plantam, & semen transmissere, scribit Bauhinus lib. v. Theatri Botanici cap. iij. vbi de Papauere agit; Tota planta succo flauescente instar Chelidonij maioris abundat, Glaucium Dioscoridis existimat esse idem Bauhinus, idq; non contemnendis argumentis.



AM verò alia etiam pretiosa, & non vulgaria Oleorum genera in hoc, quem describimus, Thesaurò comperiuntur, Oleum scilicet Cinnamomi, Gariophyllorum, Piperis, ligni Guaici, seminum Pconix, Myrrhæ, omnium gummarum, Stibij, vel vocati Antinorij, quorum sanè parandorum rationem (cum mirificas habeant vires ad penetrandum, dissoluendum, & roborandū) è Clarissimi Matthæoli Commentarijs studiosus lector petet; Vt iam Deo auspice, & Virgine Deipara fauete, ad huius quintæ Sectionis calcem nos peruenisse non poeniteat.



ED Græcorum nos admonet Adagium μεταβολή πάντων, varietatem humano ingenio insitam plurimū ad laxandum animum conferre: Lectionis igitur varietate aliqua breuiter recreandum lectorem veluti in transcurso, & per transfennam antequā VI. sectionem Musæi aggrediamur æquum esse arbitramur, cum potissimū in conuentu eruditorum Physicorum id à nescio quo iniectum sit, multa iactari ab Ibericis nostræ ætatis scriptoribus, quæ meræ sint fabulæ. Respondi ego, qui neminè sua laude defraudandum semper censui, officium sapientis esse non mentiri de quibus nouit, & mentientem posse patefacere: mentientes erroris conuinceret, aut falsæ doctrinæ, maximā à Medicis, & litteratis omnibus initurū gratiam; tum is effuso risu cachinnās fabulam de Boramez, planta nimirū agrina omnibus sannis dignā, & Comicis exsibilationibus pronunciauit: cui ego, perpenderet, dixi, à nō Hispanis auctoribus, & doctissimis Viris eam historiam proponi Ioanne. s. Botero Italo, I. C. Scaligero Veronensi, præter Laurentiū Ananiā, quæ ita sese habet. Zauolam Hordam esse vocatam Tartarorū nobilissimā, in qua regione è semine Peponum semini simililimo, nisi quod adeò longum non est, nascitur fructus Agnō similis, qui Boramez eorum lingua nuncupatur, verum hac de re duas extare sententias: Laurentius enim Ananias putat Arboris fructum esse cucurbitis longis persimilem; agnū huiusce carnem esse suauissimam, pellem delicatissimam, atq; ideo

Ex Arist.
in Elen-
chis.

ideo magni pretij, ob caput operimentum, & ornatum. Iulius Cæs. Scaliger plantā esse Boramez, id est Agnum putat, crescit enim Agni figura ad pedum ferè ternum altitudinē quem pedibus, ungulis, auribus, toto capite, præterquam cornibus representat. Pro cornibus pilos gerit singularis cornu specie. Obducitur corio tenuissimo, cuius detracti vsus ad caput tegmina incolis; ferunt internam pulpā Cam-mari referre carnes. Cæterum è vulnere quoque sanguinem manere, dulcore esse admirabili: Radicem humo exertam surrigere ad umbilicum vsque: Illud miraculi fouet magnitudinem: Quandiū vicinis obsidetur herbis, tandiū viuere, quasi Agnum in læto pascuo; absumptis illis tabescere, ac interire, idque non solum vel casu, vel tractu temporis, sed etiam experiundi genera subtractis, atq; ablatiis euenire. Quin illud auget admirationem appeti à lupis eā, non item ab alijs bestiis, quæ carne vescantur; hoc quasi condimentū atq; intritum ad fabulā, & agni allusionem: Hæc Scaliger, qui mox subdit, Hæc partim à nobilissimis, partim ab exercitatissimis in natura viris, non solum lecta, sed etiā audita, quibus intelligitur non omnino fabulā existimasse hanc de Tartarorum Boramez narrationem, licet fortè id intritum de solis lupis eam appetentibus sibi sit suspectum: nec Io. Boterus Italus vir πολυγράφος, & percelebris inficiari videtur, cū disertè eam historicis suis scriptis inseruerit; Si enim Monachū Piscem, Natura veluti ludens, & similitudinū affectatrix in Mari gignit, cur non in plantarum serie Agnū edat, qui cum vegetantē stirpiū anima maiorem affinitatem habet, rude, & stupidum animans, quam Monachus primum hominisationis compos, tum Deo suapte spontè dicatus cum Piscium natura rudi, & sensuum externorum, & internorum, imperfectiorum compote.

NEC solum naturæ artificium in Plantis animantia potuit exprimere; sed statuarijs etiam, quod pulchrè imitarentur (humano casu præeunte) præscripsit. Scribit enim Vitruuius Cuius noster lib. iv. cap. i. historiam huius-

huiusmodi, Virgo Cuius Corinthia iā matura nuptijs implicata morbo decessit. Post eius sepulturam, quibus ea viua delectabatur, poculis, nutrix collecta, & composita in calathō pertulit ad monumentum, & in summo collocauit, atq; vti ea permanerent diutius sub Dino, tegula textit: is Calathus fortuito super Acanthi radicem fuerat collocatus; interim pondere pressa radix Acanthi media folia, & cauliculos circa vernum tempus profudit, cuius cauliculi secundū latera crescentes, & ab angulis tegulæ ponderis necessitate expressi, flexiones in extremas partes volutarum facere sunt conati. Tunc Callimachus Statuarius præteriens hoc monumentum animaduertit eum Calathum, & circa foliorum nascentem teneritatem, delectatusq; genere, & formæ nouitate ad id exemplar columnas apud Corinthios fecit: Hæc ætæ Vitruuius. Cæterum & morales Philosophi, ex hoc casu præceptionem humanæ vitæ fructuosam eliciunt, nam vt hæc Herba melius crescit, si nonnihil prematur, sic animus fortis, & sua virtute inuictus aduersus omnes fortunæ insultus, & maleuolorum, rudium, & fulguritorum hominiorum calumnias, & maledicta semper se magis exerit, & clarius conspiciendum præbet, quod Lucani Carminibus confirmatum volunt,

Serpens, sitis, ardor, arena

Dulcia virtuti, gaudet patientia duris,

Latius est, quoties magno sibi constat honestum.

Verum iam hæc Quintæ huius Sectionis Finis esto.

L A V S D E O.



SECTIONO SECTA.
IN QVA DE SELECTIONIBVS
VOLVCRIIBVS, QVADRVPIBVS,
LACERTIS, AMPHIBIIS ANIMA-
LIBVS, ET MISCELLANEIS
REBVS AGITVR.

Eodem And. Chiocco Medico Physico

Auctore.

SECTIO SEXTA.



RÆCLARVM illud Senecæ oraculum;
*Non tam benè cum rebus humanis agitur, ut
 meliora pluribus placeant: argumentum pessi-
 mi turba est; hoc ad criticen suam tuen-
 dam, & ab inuidorum morsibus vindican-
 dum, nonnulli transferunt, nos de physicis
 contemplationibus id profiteri possimus,*
 quorum scriptores, vel auctores passim à vulgo, qui omnia
 ambitione, & lucro metitur, spernuntur, & hominum otio
 abundantium, vel abutentium studium esse putantur, qui-
 nimò etiam contra legum præscriptum, Actum agere,
 nos, Dictatorum more, proclamant: Sed malè feriatorum
 hominum iudicijs non aded perterrebimur, quin, cum de
 rebus odoratis, resinis, oleis, gummatibus, radicibus multa
 scripserimus; aliqua etiam in Sexta hac Sectione dicturi, de
 odoris natura quædam breuiter perstringamus, cum curio-
 sa sit contemplatio, & ingenuo physico digna: Platonico-
 rum etiam nonnullorum placitis spiritus alimenta quatuor
 existant odor, cantus, sonus, lumen: quamuis non ad vi-
 ni tantum naturam odor referendus erat, cum & aliarum
 rerum halitu suavi, & fragrantia cerebrum, & spiritus val-
 de recreentur, doceatq; Aristoteles præter alimoniam usum,
 odores homini conuenire, quoniam cerebrum copiosius, &
 frigidius, humidiusq; præ alijs omnibus animantibus ipsi à
 natura tributum fuerat, cum aliæ animantes solum, ut ali-
 mentum sibi congruens persentiscerent, olfactu præditæ
 sint; hoc quidem senserat Philosophus, cui refragari, &
 recla-

O o o o

recla-

reclamare visus immensæ subtilitatis Vir Iul. Cæs. Scaliger. Pantheræ enim odore bestias oblectari, eamque propterea sequi, hoc sect. xiii. problem. Aristotelem, & 6. de causis Theophrastum docuisse; deinde animalia malis odoribus, haud iisdem omnia, sed alia alijs fugantur, sulphure Muscæ, Galbano serpentes, vngulæ mulinæ exustæ nidore Mures; ex aduerso igitur in natura positum videtur aliqua odorum delitijs capi oportere, sic Apes quosdam aspernari flores, quosdam eligere, quorum rorem capient, sic Chamæleonem cuiusdam planta halitu gaudere: Aristotelis ergo sententiam sic tuetur, vt seminaria huius oblectationis in animalibus agnoscat, vt & aliorum morum, & cognitionis vanam in homine hæc omnia oblectamenta, & voluptates potissimum inesse: Iam verò odores cum saporibus, proportionem quadam conueniunt, eademque est amborum affectio: odor enim ex Theophrasto vi. de causis plant. partis siccae sapidae in corpore perspicuo demissio, hoc est in aëre, & aqua: Sicci enim odor est, vt sapor humidi, vt secundo de anima cap. ix. summus Philosophus docet, hinc fructus agrestes vrbani odoratiore, quia sicciore ex Theophrasto, & in Ægypto minus odorati flores, quia teste Plinio Ciue nostro ibi nebulosus, ac ros cidus aër e Nilo flumine existit: odor etiam partis sapidae non est expers, & vbi odor ibi sapor, ideo lapides carere odore, docet Aristoteles, ligna odorata, & potissimum minus aquea, inter metalla etiam aurum odoris expers, quia sapore caret: amarum autem saporem initium boni odoris existimat Theophrastus, cui Plinius assentiri videtur, scribes odorato sapor vlli non amarus, e contrario, dulcia raro odorata, sic Rosa, Agallochum, Moschus, Ambarum Zybettum, & alia eiusdem generis odoratissima amaritiei maximam præferunt. Nec dissentit lib. i v. simpl. Galenus noster, cum, vt alibi monuimus, neget potius amarum, vt medicamentum, aut alimentum nobis esse suaue, ac iucundum: Cæterum per intermedium aërem, & aquam olfactus exercetur ex 2. de anima, etenim etiam pisces videntur odorem persentiscere: quod & Plinius fatetur,

Aristot.
lib. de sens.
& sensibili.

lib. 21.

lib. 21.

lib. 9.

fatetur, verum id contendit aeris, non aquæ beneficio euenire, respirare enim pisces, contrà, quâ putat Philosophus, quoniam aer vitalis scilicet halitus in aquas se insinuat, ut respirationem piscium adiuuet, quod ex illorû somno, bullantium aquarum sufflatu, & Lunæ vi Concharum corpora augente probatum voluit: sed vel deceptus est Plinius, qui expers pulmorum animal respirare voluit, vel conciliari cum Philosopho poterit, si simplicem transpirationem piscibus concedat, non ergo odor erit duntaxat aer infectus, ut censuit Plinius, sed etiam aqua infecta: quemadmodum enim minimè diffidendum sonos in aqua à Piscibus audiri ex testimonio Aristotelis secundo de anima, tametsi nec membra, nec foramina auditus euidencia obtineant, vel ipso Plinio teste, cum plausu enim congregari feros ad cibum consuetudine in quibusdam viuarijs spectari, & in Piscinis Cæsaris ad nomen venisse quosdam compertum fuit: sonos enim remigantium magnos fugere visuntur: Delphini etiam strepitu venatorum perterriti erumpunt in littora, sic facillimè capiuntur tentato, ac grauato capite, præ strepitus inflicti magnitudine, idem igitur de olfaciendi facultate putandum, cum escam etiam putridam procul diffitam festinanter sub aquis petant pisces eius odore prius inuitati. Iam verò, cur Plato in Timæo, semigeniam naturam odorum esse dixerit, pulchrè exposuit Foxius in Commentarijs suis, quoniam non habent odores certum genus, & naturam, ut sapores, & colores, sed ex saporum discriminatione dignoscuntur: hinc ex effectis odorem tantum suauem, & iniucundum cognoscimus; cæteras differentias ex saporum diuersitate ad odores transferrimus: Cum enim (præclare ait Plato summus Physicus) in Aërem aqua, vel Aër in aquam transit, in medio istorum odores sunt, omnisq; odor, aut fumus est, aut caligo, sed horum quod ex aëre mutatur in aquam caligo, quod verò ex aqua in aërem fumus, hinc fit ut aqua odores tenuiores sunt, Aëre crassiores: olfactus instrumenta Aristoteles agnoscit duas mamillas spongiæ similes ex cerebri natura, molles in frontis commissura cum naso positas, per

*Lib. de
olfac. in-
strum.*

has odores perceptos ad cerebri anterioris partem transmitti: Galenus reclamation nullas huiusmodi papillas agnoscens, sed in anterioribus cerebri ventriculis odores recipi affirmans: obserua verò, mi Lector, quod subdit diuinus Plato, odorem scilicet molestum disturbare, ac violare omnem eam capacitatem, quæ à summo capitis vertice ad vmbilicum protenditur: suauem verò eandem mulcere, & amico quodam ingressu naturalem eius seruare habitum: ita passim legimus odoratis vnguentis, apud veteres omnia delibuta, esculenta, poculenta, capillos, & decantatam Cypheos compositionem, de qua Andromachus in Epaticis curandis scripsit, ob similitudinem Cypheos, quo pro suffitu Ægyptij utebantur vocatam, de qua Damocrates ex Ruffo, & pulchra Plutarchus lib. de Iside, & Osiride, quæ in honorem Deorum accendi, & templis suffumigari consueuerat: Hanc Platonis de odoris natura doctrinam studiosè accepit Galenus cum lib. iiii. simpl. odoratarum rerum vaporosam esse substantiam docuit, omniaque odorata esse calida, unde vaporum emanat copia, quare à corporibus exactè salis, & acerbis exiguum quid defluere: eandem sententiam Aristoteles, & Auerrois tuentur, dum fumoso halitu odorem definiunt rerum odoratarum exemplo Thuris, ac Myrrhæ, quæ igni admota odoratiora redduntur, ac nonnisi vsta odorem exerunt, vt Plinius etiam docuit; hæc profectò defluxum vaporum à corporibus odorem esse arguunt. Obiciebat Aristoteles xi. probl. si hoc verum esset, res odoratus progressu temporis minores futuras, cum tamen eadem magnitudine perennare videantur: verum cum halitus tenuissimus sit, quod exhalat è re odorata, vix longissimo temporis interstitio euidentem illa mutationem subit. quamuis tandem rugosior fiat, quod obseruauit Galenus, cum rosas, resque huiusmodi molles, & teneras odore prædictis tandem minores, siccioresque fieri docuit: Ingeniorum, quæ argutâ Scholasticè profitentur, subtilitas putauit odorem non esse fumosum halitum, sed qualitatem potius in Aere genitam, in eoque diffusam, vt à Sole lumen, tamen ille

*Lib. de
instrum.
olfac.*

ille omnino sit fumosa euaporationis expertus; hoc Vulturum exemplo ostendunt à quingentis leucis ad corpora in bellis occisorum hominum odoris ope conuolantium, Apes etiam ad mellis, vel paxilli copiam elixandi accurrunt, illud licet procul distitum sit: fumida etiam exhalatio in aquis fieri nequit, in ijs tamen Pisces olfaciunt: aiunt etiam id absurdi sequi sensile admotum sensui sensationem effecturum, quod Aristotelis decretis repugnat. Sed demonstratio necessaria pro Galeno, & Platone facit, quia materiae expertes qualitates à causa conseruante ita pendent, ut ea amota illico euanescent, ut lumen lucido corpore sublato, ita odor sublato odorato corpore statim aboleretur: cuius cum experientia contrarium ostendat, credendum est, amoto eo corpore tenuem vaporem in Aere remanere, & odoris naturam tueri: accedit qualitates illas immateriales à ventis flantibus nusquam interpellari, quin sensum feriant, ut coloris species, & lumen ostendunt, quia eodem modo sentiuntur, perinde, ac tranquillus esset aer, at odor aduerso flatu vehitur, infra flatum non percipitur: praeterea odor successione quadam mouetur, & prius à propinquiore sentitur, cum à procul distitis, quod colori, ac lumini non euenit, quae eodem momento, & temporis articulo multiplicata in medio ab omnibus pariter percipiuntur, quare quaestionis veritas ob auctorum subtilitates satis inuoluta videtur.

Ceterum cum doctioribus Physicis sentiendum, fumosum halitum per aliquod interuallum diffundi, unde deinceps qualitas illa sine materia propagetur, quae ab animantibus exactiorem, & magis perfectum olfactum, quam homines, obtinentibus, teste Philosopho, facile percipiatur: saporum. n. ^{2. de anima} genus nobis, quam odorum euidentius, ait Aristoteles lib. ^{ma.} de sens. & sensibili, quoniam olfactum omnium sensuum, qui in nobis, stupidissimum obtinemus, tactum omnium exactissimum, gustus autem tactus quidam est, Ambigebam tamen si omnes probi odores ad recreandum cerebrum nobis tributi, animantibus duntaxat propter alimenti perceptionem, & conquisitionem,

cur

Lib. 10.

cur infirmior nobis olfactus. Semper existimaui ex alimentis
 necessario usu id tributum animalibus, homo enim opus
 gustus, & rationis accommodatum sibi alimentum conqui-
 rit, at venatici Canes, & Vultures, atque alia huiusmodi
 animantia exactissimo olfactu eguerunt, ut propriam escam
 conquirent, idque per illam etiam speciem, quam barba-
 rorum scholæ recepto vocabulo intentionalem vocarunt,
 nec tamen Vultures biduo, vel triduo antè volant, ubi ca-
 dauera futura sunt, tamquam eorum cædem præsentientes,
 quod à Plinio Ciue nostro scriptum inuenio, quoniam sen-
 sus ab objecta re præsentis, & actu existenti immutetur, teste
 Aristotele, quod nundum est, nihil agere potest, sed quo-
 niam Vultures cadaueribus valdè oblectantur, ut sepulchra
 animata quidam vocarint, & adagium effictum, si Vultur
 es, cadauer expecta, idcirco præsentire antè necem putridi
 cadauerum odorem à nonnullis sunt existimati: Quod ve-
 rò quidam negent speciem tantum ab organo olfactus per-
 cipi, sed intrò per nares insinuari fumosam exhalationem
 contendant, Galenus verò etiam doceat Iuuenem Melan-
 thio trito, veterique oleo immixto olfactum recuperasse,
 quod argumento est medicamentum olfactus sensorium at-
 tigisse aduersus Aristotelis decreta pronunciari puto: qui
 omnem sensationem à specie sine materia fieri docuit, nam
 & tactilium qualitatium perceptio gustabilium, & odorabi-
 lium eadem ratione fit: fumosa verò illa euaporatio potius
 cerebrum afficit quatenus calda, quam percipitur quatenus
 odorata: quemadmodum & nigella illa Iuuenis sensorium
 afficit, non odore, sed calore, & facultate propria extergen-
 do impactam pituitam, & olfactus organum desiccando.
 exemplum Philosophi est secundo de anima, sicuti cera ima-
 ginem annuli suscipit sine ferro, & auro, ita sensus formas
 rerum obiectarum sine materia recipit; quare & motus sen-
 sibilis rerum formæ, vel imagines veluti insculptæ in sen-
 sorijis supersunt: ex quibus etiam consopito animali inso-
 mnia phantasie ope componentis, vel distribuentis exoriantur;
 iam verò odorum ex saporibus desumi differentias

Ari-

Aristoteles cum docuisset, id Galeno non placuit, qui amarum, salsum, acerbum, austerum, odorem dici non probat, *A. simpl.* acidum, & acrem dici assentitur, quod in allio cœpe, aceto experimur, quæ olfactum, & gustum pariter afficiunt, Cæteros odores ad benevolentia, & graueolentia reducere visus: inæquabilem verò substantiâ causam esse docet, cur ex odore de rerum temperamento certum iudicium ferre non possimus, quoniam tenuissimæ solû odoratæ rei partes sensum afficiunt, quæ in halitum verti possunt, at rei sapidæ omnes partes sensum mouent, proinde certius ex sapore de rerum naturis decernimus, minùs certò ex odoribus, omnium minimè ex coloribus, quâuis maiori ex parte candida, frigida, flaua, & rubra calidiora videantur: Verum Mesues accuratus, & peritissimus rei medicæ Auctor, ex colore de Bonitate, & malitia medicamentorum iudicium sumi docet, *Lib. pr. Antid.* Agricus enim colocynthis Turbith alba præstantiora, nigra nullius, aut prauî vsus, Scammonium subalbum, aut variû est bonum, nigrum malum: Rosa exactè rubra melior: Rhabbarû ex ruffo, & glauco varians, & croci modò tingēs, & lapis Cyaneus, qui colore sui nominis saturatus, magis æstimantur: Verum de his hætenus.

Illud sanè curiosum problema, nec à superciliosis Medicis omnino prætereundum an odore, non solum spiritus naturales, *Lib. de sensu, & sens.* & vitales reficiuntur, sed etiam partes solidæ alantur: Aristoteles enim contra Pythagoræos quosdam odorem non nutrire profitetur, alimentum enim compositum esse debet, odor est qualitas simplex, & immixta, præterea nec aqua sincera alere potest, tantò minus qualitas mera: ex alimento etiam secerni *παραπλήρως*, quid superfluens scilicet oportet, vt in Plantis etiam cernimus, ab odore nihil tale secernitur: Cæterum Hippocrates celebri oraculo lib. de alimento in contrariam sententiam ire visus: *Qui celeri (ait) aduersione opus habent ijs humidum alimentum ad reparandas vires apertissimum, qui adhuc celeriori per odoratum nutriri debent;* eius sententiam admisit Galenus, Democritus suo pte experimento comprobauit, qui triduo Panis recentis odore dicitur vitam

vitam produxisse: Astomorum etiam gentem sine ore memorat Plinius nostras solo halitu, & odore florum, & syluestrium malorum viuentem. Cæterum cum Galeno teste nutritio sit exhaustæ substantiæ corporeæ repletio, & repositio, quod accedit alimentum corporeum esse debet, non simplex qualitas, quoniam etiam docente Philosopho ex iisdem alimur, ex quibus constituimur. Per odores ergo Hippocrates necessario accepit fumidas illas exhalationes, quæ corporeæ sunt, & materia, subiectumq; odoris, hoc est simplicis illius qualitatis, cui immutandi sensorium facultas inest, quare isthac materia odore solum causati vocata definitione explicatur, effluxus enim & extenuata portio à re odorata dimanans, vel Galeno auctore existit: quæ uiuentibus attracta per nares ad cerebrum, & pulmones reficere, alere, augere spiritus vitales, & animales videtur, quod experientia satis docet, nam & fœtor eisdem spiritus labefaciat, & corrumpit, & Aer purus, & solus animales spiritus reficit inspiratione attractus, quamuis & id etiã, quod reticularis plexus suppeditat eisdem alere putetur; Iam, verò & solidas corporis partes odores sic acceptos alere, probant contra Conciliatorem, & Musam Viri docti quoniam coqui, & Pistorum ex Panis, & obsoniorum odore assidue saginentur: appetentibus præterea, & esurentibus suauis ferculorum odores, saturis insuaues, quod & Aristoteles nouit: quod etiam Manardus Vir doctissimus ex primis Medicinæ verè instauratoribus, & vindicibus lib. xviii. Epist. testatum reliquit: nam si cibi nuper, assumpti tenuissima portio in halitum resoluta quoquo versum per corpus funditur, & verè solidas partes alit, idem profectò, & odoratarum rerum halitus præstiterit; verum hac in re discrimen habendum: Vini enim, & proborum ciborum fumida illa euaporatio alet: Rosarum, Ambari, Zibetti, & aliorum huiusmodi, quæ edendo non sunt, solum cerebri substantiam recreabunt, & spiritus reficient, solidioris porrò alimenti coctioni, & venter, & iecur destinata, à quibus etiam euidencia secernuntur excrementa crassius, & tenuius in quauis coctione

Lib. 12.
meth.

Lib. de
sensu, &
sens.
Cap. 5.

coctione sequestranda. Astomonum per halitus solos nutritionem quidam fabulam existimant, nam si ventrem; & alia (vt nos) alimenti promptuaria obtineant, nihilque Natura frustra moliatur, & partes propter functiones sint constitutæ, cur non os habeant licet obscurius, & minus elaboratum, per quod solidiora capiant alimenta? atq; ea potissimū, quod illa per effluētes halitus nutritio exigua sit, nec diutius seruare homines incolumes possit: Hæc breuiter de odore perstrinxisse pro instituti nostri ratione satis est: ad pensum nostrum iam (Deo auspice) redeamus.

Crocodilus Terrestris.



LN Sexta Musæi CALCEOLARIJ Sectione primus obuiam fit Crocodilus terrestris, quem haud ita procerum faciunt, Ægypto, atq; Arabiæ familiarem reliquis animalibus infensum, quasi lacertam prouectiorem, ac maximam, ab ea præter duritiem, ac cutis firmitudinem hoc distare, quod caput, crurumque articulos, atque idè pedum digitos squamosos gerat: à Nilotico Crocodilo differre, quod caudam habeat in clauæ modum tuberculis elatioribus asperam, qua corpore, quibus insultat, atrocissimè diuerberare putatur, Bello-nio teste, hoc animal idcirco Caudiuerberam nonnulli vocitant. Sed nomine Crocodili Terrestris, & Scincus appellatur, *χερσαίος κροκόδειλος* auctore Dioscoride, sed & ex Brasilia allatum in nouum orbem animal Crocodili terrestris nomine, cuius longitudo vna maior, latitudo decem digitorum transuersorum: cauda prælonga, corpus squammis multis, & splendidis tegitur, aquæ impatiens est adèd, vt si quis in os iniiciat, statim moriatur: venenatus non est, sed à quouis è cauis effoditur, & in cibum sumitur, nec alius eius carnis gustus, quàm testudinis: Verum nos hic solius Ægyptij Crocodili terrestris figuram typis expressam damus.

P p p p

LA-



Lacerta Chalcidica.



T huiusmodi Lacertam *σαύρος χαλκιδικὴ* Græcis vocatam Musæum asseruat, *χαλκίς* Chalcidem scilicet vocat Aristoteles, Nicandri Scholiastes, Dioscorides : indè natum vocabulum putatur, quod virgis

virgis quibusdam arei coloris hæc Lacerta distinguatur :
 nominis rationem cum non nouissent auctores appellatio-
 nem ad gentis, & loci nomen transtulerunt, vt existimat do-
 ctissimus Gesnerus, dictamque Chalcidicam crediderunt,
 quasi in Chalcide Eubææ plurima inueniretur, quod falsum
 est, cum in Lybia, ac Cypro nasci præcipuè dicatur; Cæ-
 terum & vir magnus Hermolaus Barbarus in Plinij castiga-
 tionibus Chalcidem à Chalcidica Lacerta diuersam putat, Lib. 32.
 quod Plinius doceat salsamentorum cibum prodesse à ser-
 pente percussis, peculiariter à Chalcide, cerasse, aut quas
 Sepas vocant; Gesnerus Sepas, non Lacertorum eo loci,
 sed Serpentum generis accipit: sed cum Lacerto Sepi (Se-
 pam enim vocatam Lacertam Chalcidicam inconfesso est)
 tum Serpenti sit id nomen inditum, & Nicandri Scholia-
 stes de Sepe Lacerto scribat sic vocari *παρὰ τὸ σηπεῖν τῆς πληγῆς*
ταρ, quod scilicet percussis corporibus putredinem inferat,
 Hermolai coniectura non omnino erit aspernanda, Geo-
 rgius Agricola Chalcidicam Lacertam à viridi solum colore
 differre scribit, non corporis figura: Gesnerus cum Aristote-
 le parua potius Lacertæ comparat, non viridi, quæ maior
 est: quod & Nicander accuratus harum rerum scriptor in-
 nuere visus eo carmine,

ἑπτα γὰρ μὲν πεδανόισι δομὴν σαύροισιν ἀλύξας.

i. vitabis etiam Sepem corpore similem humilibus Lacertis;
 δομὴν corpus Scholastes interpretatur, & in oratione præte-
 rit, similem, Nicander: sed fortè illa vox δομὴν æqualem,
 vel similem significat Nicandro: qui ab ea percussi sunt,
 eos tumor pellucidus consequitur, veluti nigrore in ambitu
 plagæ relucens, consequitur & putrefactio: In vino pota-
 morsus suos sanat ex Dioscoride, & Plinio: & Galenus La-
 certam Chalcidicam dissectam proprio morsui imponi, & Lib. 11.
simpl.
 ex vino propinari docuit. & Plinius Castorea cum vino
 Myrtite bibi aduersus Chalcidas, Ætius eadem curationem
 adhiberi, quæ aduersus muris aranei morsum memoria pro-
 diderunt.



PECTANTVR & in Musæo animalia duo simul connexa, & vnico edita Partu Equi similitudinem præferentia, quæ olim dono missa CALCEOLARIO Seniori Thesauri huius supellectilem nō mediocriter locupletarunt: mōstri genus esse videntur quemadmodum, & duo Fratres humani visuntur

interdum naturæ errantis ludibrio simul implicati: cum in-formatrix virtus instrumenta haud benè sibi respondentia, obtinuit, quod materia sanguinea nimis lenta, & calor, spiritusque imbecilles aded, vt secernere vnum ab altero factu non possit.

Cameleon Terrestris.



AMÆLEONEM & descriptione, & iconè expressa affabrè visus nobis delineasse Bel-lonius lib. primo de Aquatilibus: In Aegypti æstuarijs frequentem esse docet corpore duplo, quam Arabicus, maiori (iste enim pusillus Lacertam viridem non excedens) colore inter Indicum, & viridem ambiguo,

quem ex luteo in fuluum variè commutare solet, vnde versicolorem Chamæleonem antiqui appellarunt, Capite cristato in Camælopardalis modum, duobus vtrinque oculis in summa fronte prominentibus lucidissimis oculis Pisi magnitudine sola pelle contactis, vt quod ab ea extat, milij magnitudinē non excedat, admodum flexibilis, vt altero sursum, aut deorsum inspiciente, alter præter cæterorum animalium morem, aliò intentus esse possit. Iners est animal, vt Salamandra, neque currere, vt Lacerta potest. Quamobrem hominum conspectum non refugit, nec facile terretur, imò nec morsu hominem appetit. Arbusta conscendit ob viperarum, & cerastarum metum. Famem octo menses, atque interdum annum ferè integrū tolerat, vnde falsò

falsò creditum est eum nihil edere, ac vento ali, nam cum pulmonibus per ventris latera exporrectis præditus sit, ventum intrò magno impetu attrahit, eoque intumescit; foramina ad nares, & auditum habet; Oris rictum amplum, maxillas dentibus ferratis suprâ, & infrâ communitas, quales in Tephloti serpente videas: linguam teretam sexquipalium longam, quam à longè in infecta, quibus maxime vescitur, vibrat, & mucore, quem in extremo spongiosum habet Muscas, Scarabæos, Locustas, Formicas ad se adducit: lineam habet sub ventre squamulis denticulatam albam, ad caudam vsque protensam, adeoque artificiosè in huius animalis pedibus natura ludit, vt anterioribus pedibus ternos intra digitos, extra binos, posterioribus autem ternos extra, intra binos posuerit duodecim oua excludit, longa, lacertarum modo: cor habet muris domestici magnitudine, Hepatis lobos duos, quorum sinister maior: folliculus fellis grani hordei magnitudinem non excedit sinistro Hepatis lobo inhærens: Hæc ferè ad verbum ex Bellonio, vt animalis percelebris natura melius perciperetur: Præclara, nec adeò trita de eo scripsit Scaliger noster Exercit. cxcvi. cap. iv. Ioannem Landium testem laudat, qui Charameleonem vidit repentino, momentaneoque iaculatu Muscam, quæ in eius esset pectore, legisse: illius linguam dissectam palmi longitudine inuentam, cauam, inanem: in summa tamquam acetabulum cum mucro, quo prædiam tolleret, id sanè nouum ijs, qui solo vento viuere hætenus existimarunt: cum Bellonij sanè descriptione conuenit: expressius docet colorem eis esse album, viridem, luteum: naturalem viridem admodum dilutum in tergo, sub ventre dilutiorem, albicantiq̃ue propiorem, variari tamen totum rubris, ceruleis, atq̃ue albis punctis; in quoslibet mutari colores, verum non esse, super viridi viriditatem vegetari, super luteo temperari ad luteum: super ceruleo, aut albo, aut rubro non vinci viriditatem natiuam, sed puncta cerulea, rubra, & alba viuidiorem, validioremq̃ue sui speciem dare, super nigro subnigrescere, manere tamen tenorem illum
vire-

viredinis atro confusum; etiam non mutato supposito colore mutat ipse suum, vel metu, vel molestia aut oppressum, aut solutum. Quod Aër illi pro cibo sit aliquandiu ex eo patere, quod & annum integrum aiunt in ediam tolerare, & ubi excepit hiatu auram, & occlusit malas turgere ei ventrem: Etiam inueni, qui diceret (subnectit idem auctor) obuersum ad Solem haurire radios, eosq; conuersione hiantem sequi: Hæc se ex Landio accepisse fatetur Scaliger, quæ sequuntur ex alijs, venenatorum Serpentum esse hostem acerrimum Chameleonem: Eum ex illis vnumquempiam in umbra speculatum, captantem auras, aut in radijs apertantem, in eam scandere arborem, quæ illi imminet, vnde ex ore filum dimittit Araneorum more, in cuius fili extremo guttula sit Margaritæ splendore; ea tactum in vertice Serpentem mori: si ex ore nequeat ad perpendicularum demittere filum ita corrigere pedibus, & tractum eius temperare, vt ad lineam quasi catheton descendat, vide Scaligerum Clarissimum loco citato, cuius diligentia, & subtilitati habendæ gratia, quod nihil prætermittat, quod ad naturalem rei historiam facere possit. Huiusmodi porrò Musæi Chameleonem Terrestrem donauit olim Nicolaus Barbadius Vir præclarissimus, & Legatus eo tempore apud Summum Turcarum Imperatorem, Francisco Calceolario Seniori, quod animal viuens adhuc per aliquot menses Domi eiusdem ornatissimi Calceolarij repebat, & ab omnibus, tamquam mirificum quoddam, & exoticum animal, non sinè summa admiratione conspiciebatur.

ANI.



Animalis Moschum gignentis figura, quoniam à nemine haecenus, quem quidem sciamus, expressa, & publicata videtur, hocce loco à nobis libenter dabitur, cum anno superiore MDCXXI. Venetias verum animal fuerit aduectum; indeq; ad Iuniorum Calceolarium transmissum, ut ipsissima eius, quam damus, effigies exprimi, & delineari posset, istud sanè animal unicum non solum Venetijs, sed in Italia reperiri multi credunt, nec nos inficiamur, proinde nos etiam primi eius Iconem exhibemus, ut studiosus Lector, an cum aliorum narrationibus, & descriptionibus conveniat, accuratius expendat. Ita enim de eo Scaliger.

MOS-

MOSCHI historiam ex India aduectam meritò ponemus hîc: in Regno Pegù Gazelæ simile animal album est, cuius ex inferiore mandibula æquè dentes vtrinqûe singuli exeruntur. Sub eius ventre fit sanguinis collectio in Tumorem, quod Apostema Græci vocant. Capta fera eam parrem, cum corio simul abscindunt. Quæ inter secandum gutta sanguinis effluunt, caduntque eæ pro Moscho optimo, atq; excellentissimo aut excipiuntur, aut colliguntur, Huius minimæ portiunculæ beneficio ad ceteri cruoris condimentum vtuntur: vbi secuerint hirudines admovent tot, tamq; diu, quoad earum sucu cruor vniuersus cū ipsa vita detrahatur, eum sanguinem exsiccatum, & in puluerem redactū prioris illius perpauilla quantitate, viribus verò efficacissimis perficitur, quippè centesimam satis esse produnt; Tum illud in folliculos hosce, qui ad nos importantur, inditum seruant: Adulterationes, aut synceritatem ita vel deprehendunt, vel probant: Syncerum naribus admotum illico sanguinem elicere; Hæc doctè, & præclare Scaliger: quæ cum ab alijs sumpserit, ea methodo sua, & oratione meliora, & concinniora facit. Mox videtur probare postremam illam Moschi proprietatem eliciendi sanguinem per olfactū non pendere ab acrimonia, aut calore temperamenti: nullo enim Pipere ne diuturno quidem odoratu sanguis euocatur, nec acutissimo quidem sulphuris odore, cuius cū ignibus magna cognatio; Hoc pacto olim ego falsitaris infumulabam recentiorum, & Erasii sententiam, quòd purgantia medicamenta per acrimoniam irritantem purgent, cum nec Piper, nec Pyrethrum, nec nasturtium, aut alia huiusmodi longè acriora Rhabarbaro, & Agarico quantumuis deuorata nullam expurgandi humoris facultatem obtineant vt *dicto* ipsa, & oculata experimenta satis docent. Iam verò Scaliger Exercit. c. cxi. cap. iij. primum docet Gazellam, ex qua Moschus extrahitur, totam esse Capreoli faciem, nec aliud, quam Capreolum; Rhodium equitem sibi Mesfanæ vnâ ostendisse, quæ strigosior erat tota, quam Capreoli nostrates, cruribus exilioribus, erectioribus, ipsa magis Sima: Den-

Dentibus exertis binis, sed non tam grandibus, quales Auctores scribunt, quoniam ætas adhuc tenella, nundum eos ad eam prouexerat magnitudinem, candidi fuere ij, ac paulisper flexi; subdit Scaliger; cum id è Sicilia rediens enarrassem affinibus nostris, qui in Syria fuerant dixere mihi Gazelam penitus esse figura Capræ, non autem Capreoli: earum greges sese vidisse multos, hæc ille, vbi etiam queritur de scribendi periculo quoniam fides nostra ex aliorum sapenumero mendacijs pender. Non erat igitur vt Magister ille Laurentius Catelanus primarius apud Monspelienfes Pharmacopæus Vir alioquin in scribendo diligens in sua genuina descriptione confectionis Alchermes Scaligerum nostrum in numerum errantium cogeret, quod Moschiferum animal Dorcadem, Damam, aut Capreolum esse putaret: Capram enim disertè esse profitetur Scaliger: & affinibus suis, qui in Syria fuerant, fidem adhibet, sed non omnes Scaligeri Exercitationes legerat Catelanus, in agendo potius, quàm legendo occupatus: is ex Bellonio Capram syluestrem magnitudine æquare, pedes habere bipartitos anteriores quidem posterioribus longè breuiores more leporis scribit, colore esse per corpus ex flauo pallecente instar vituli iunioris, excepta parte antica, & postica, quæ ad modum Damæ albicant. Cornua ei esse bina paullum sicuti Capreoli bifurcata, vocem æmulari Caprinam, miræque esse in currendo celeritatis scopulos, & montes æquè perumpens, ac planiciem: capi has feras ictu sclopettorum, necnon venatu per canes instituto: cibum iisdem suppeditare herbas odoratissimas, quarum præcipuam esse Nardispicam. Hæc quidem Catelanus Monspelienfis, quorum testem laudat Bellonium lib. ij. cap. xiv. & xv. (nisi ordo hic numerorum deprauatus sit) Cæterum Auctor hic paulo professionem propriam supergressus probat non esse Moschum Apostema, aut Tumore præter naturam, quoniam solum in morbofo animali reperiretur, at in Venatione, numquam morbosorum delectus habetur, immò venatores, ea quæ agilitate reliqua superant acriter insequuntur, nec cum mulierum

lierum mēstruis æquiparandum, nam solum in fœmellis in-
 ueniretur, cum vtrique sexui conueniat; nec semen, aut tes-
 ticulos animalis esse, quoniam & fœmellis adsunt huiusmo-
 di vesiculæ, & extra corpus positæ sunt, cum in fœmineo
 sexu in corpore absconditi sint testes vt compertum est.
 suam mox sententiam apponit: receptaculum esse humoris
 crassi, quo per certum meatum, qui vesiculæ inest, linguam
 id animal humectat, vt genua, & pedes inungens lassitudi-
 ni medeatur, quem continuo cursu, & per scopulos salta-
 tione contrahit: Verum hoc sortiri est digitis, quid lo-
 quamur, nec certa ratione, aut auctoris probari fide, id vni-
 quam persuadebit Catelanus: est enim ratio demonstrans,
 quæ ex proportionibus per se, & quatenus ipsum construi-
 tur, humor ille est odoratus, calidior, ergo siccus valdè, &
 longè distans ab ea humoris temperatione, qua partes ob-
 lini, & refici ad motum valeant: præterea docet ille Au-
 ctor, non raro integras vesiculas ab ijs animalibus auferri;
 liberum deinceps in campestria loca regressum ijs permitti:
 paucos post dies odoratarum herbarum pastu recreata alijs
 vesiculis, veluti vomicis prægnantia deprehendi, quæ si ve-
 ra sunt ad oblinendos artus ille humor non facit, cum po-
 tissimum alij probatiores Auctores scribāt Petris ab anima-
 li vesicas illas allidi, vt disruptæ Moschum deponant: ex
 quo intelligimus humorem hunc esse superuacaneum à na-
 tura animalis eò reiectum, non vt animalis vsui inferuiat,
 sed vt expellatur: cum enim sit siccior huiusmodi capra sil-
 uestris, continuè currat, & herbis siccis, odoratisq; vesca-
 tur, nec lienem expurgando crassiori, & sicciori succo de-
 stinatum ita grandem obtineat, vt par esset, cum motui
 validiori, & crebriori obeundo impedimento esse putetur,
 natura prouida, quæ numquam *in totis animalibus* in necessarijs
 deficit, effigendis his vesiculis, siue vomicis splenis defe-
 ctum eleganter, & fructuosè suppleuit, vt humor omnis ille
 siccior, & crassior alendo minimè idoneus perfectè euacua-
 retur, & confectarium deinceps fructum ad delitias, & ob-
 lectionem generis humani tanti odoramenti ope nanci-
 sceretur

secretur communis vita. Hanc nostram sententiam, seu coniecturam de vomieis illis Moschiferis libenter eruditorum Physicorum iudicio submittimus; cum minus obiectionibus obnoxia videatur, & magni Scaligeri verba eam aliquo pacto innuere possint; tametsi illa sonent apostema esse, & rem præter naturam in Capra illa, quod falsum videtur: morbus enim ex accidenti animalibus conuenit, ergo, non omni, & per se, at Dorcadas istas, vel Capras, tam foemellas, quam mares hisce præditas vesicis norunt, qui Orientalem Moschum longè Occidentali præferendum sciunt, qui de Siam regione Indiæ Orientalis venit, & ad celeberrima Emporia Pegu, Corasceui, & Tumbequit transportatur per Mercatores, qui terra iter faciunt, ac deinceps Venetias adeunt, hic longè eo præstantior, qui ex America Portugalliam, & inde ad nos affertur, quo tamen solo nobis hodiè ob alterius defectum uti licet, cui Moschi de Ponent nomen vulgò imponitur; hæc prudenter, & scitè Catelanus, qui etiam subdit in Alchermes confessione Moschi quantitatem adauctam, quia scilicet Moschus hic ex America Occidentali Orientali puritate, ac perfectione erat inferior: eousque etiam hominum malitia prouenit, ut vrina Moschum humectare non vereantur, à qua tamquam fætente eius vigorem augeri animaduersum, si etiam ob vetustatem de odoris suauitate multum ei decesserit in sacculis ligatus ad latrinas appendi solet, ubi vi foetentis Antiperistaseos odoris augmentum ei accedere, quamuis non durabilis, compertum est: Color in electione optimi ad obscurum, & nigrum vergere debet: gustu amarus, citæ penetrationis, inter masticandum omnium arenularum expers: In vasculis plumbeis asseruari solet, quod illius odor, & vis facillè dissipabilis huius metalli frigore commodius continetur, ac cohibetur. Cor frigidum, & tremulum roborat, exhilaratq; & omnibus ipsius affectibus confert: cerebrum pariter recreat, & spiritus omnes reficit: Hunc Ambra Grisea calore, & lentore multum exsuperat: hinc prudenter factum à Monspelienfibus contendit ornatissimus Catelanus, quod illius pondus auxerunt ambra quantitate imminuta, & proinde confessionem Alchermes tutiorem, & iucundioram reddiderint: & quia plus Moschi non adulterati reperitur, quam ambra, idcirco doctissimum Rondoletium in Aromatico Moschato ambra pariter minuisse, Moschi pondus augendū censuisse. Hæc latius perstrinximus, quia res non solum curiosa lectu, sed fructuosa ob usum, & praxim medicam videbatur. Explodenda porro omnino, & exhibilanda Amati Lusitani sententia in Comment. in Dioscor. qui censuit coniectura sui capitis ductus Moschum esse carnem contusam, & contritam cum ossibus animalis Leporis magnitudine præditi in regno amplo ultra Malacham, quod viuum prius virgis flagellarum neci traditur: nam referente Paulo Veneto vtriusq; Indiæ Incolæ eorum animalium carnes, tamquam escam optimam in delitijs habent, quod & Catelanus optimè obseruauit.

Animal Moschiferum



Tarantula, vel Phalangium.



DIXERAT Cardanus nil mirabilius esse eo Aranei genere, quod vocant Tarantulam, qui demorfos morte per lethargum occupat: obijcit subtilis Scaliger dicendum, vel scribendum fuisse Phalangij speciem, esse Italiae peculiarem, quâquam Plinius Phalangium Italiae ignotum dicat: à Tarento Vrbe Tarantulam nominatam esse docet Scaliger: in tractu ore Meridionalis penè toto inueniri, sed innoxiam; in terra

Apulia tum frequentem, tum maleficam esse: in sulcorum squallore latitantem imprudentes Messores, vel venatores pun gere, hinc munita pedum excogitata, nam ocreolis calceati metunt. Eorum, qui læsi sunt, non vnum esse modum, quare haud solum lethargum afferre eorum morsum, non enim omnes esse inertes, languidos *radpæ* existerè, sed alios sopore premi, alios perpetuis vigilijs distrahi, alios *flere*

flere, alios risu diffundi, quasdam currere, nonnullos in-
 ter sedere, esse, qui sudent, qui vomant, qui insaniant: id-
 circò non defuisse Philosophos, qui putarint tot esse Taran-
 tularum species, quot hæc agnoscantur accidentia, & sym-
 ptomata: Hic subtiliter Scaliger (vt fuit omnium suæ
 ætatis doctissimus simul, & subtilissimus) huic repugnans
 sententiæ docet, sicuti ebrietas non vnius est modi, sed suæ
 cuique pro natura, & instituto nam flent, rident, silent,
 blaterant, dormiunt, discurrent, verberant, ita ex hoc mor-
 su euenire: Musica curari negat, sed labore, & sudore
 tum vinci, tum expelli venenum: Visos à se languidos, &
 solutos in tantum accendi calorem ex Ascauli sono, vt sal-
 tando lassarent oculos spectantium, sedari interea dolorem,
 & venenum à corde reuelli, atq; aliorum diffundi, amota
 etiam mente à sensu mali: sublata Musica non continuo,
 sed pedetentim malum redintegrascere, repetita aboleri:
 Interea curari Antidotis, quorum vnâ affert efficacissimâ
 Aristolochiæ rotundæ, Mithridati singulorum vncias duas,
 Terræ sigillatæ vnciæ semissem, Muscas, quæ de Napelli
 frondibus victum capiunt duodeuiginti, succi citri quan-
 tum satis: Tum, subdit Scaliger, aduersus hoc maleficium,
 vel contra quemuis alium morsum nulla cum hoc est com-
 paranda Theriaca. Aliam esse ab hac diuersam Lacerti
 facie, quæ quod sub terra lateat à Romanis Terrentulam
 vocatam ait, eam se non vidisse, si nigra est, & luteis ma-
 culosa notis, Stellionem se putare à Græcis Ascalabotem
 dictam, quam horreorum pestem autumant. At Musæi
 CALCEOLARII Phalangium ex Aranei genere existit, maius
 alijs coloris cinerei, octo cruribus, vt plurimum donatum:
 Duo genera facit ornatissimus Imperatus: vnum quod te-
 lam facit candidam, & densam in suarum latebrarum ho-
 stio, huius morsum nec symptomata, nec dolorem effatu di-
 gnum parere: alterum ab incolis vocari Solofizzi magis ve-
 nenosum crassioris corporis, & nigro colore, cuius morsus
 eumorem insignem facit: hoc nullam tenet telam, sed in
 subterraneis latibulis degit: communem symptomata
 quo-

*In sui
 Musæi
 descript.
 Italice.*

quotannis Æstate renouari; lassitudine, & sudore curari contracto ex saltatione illa, quam ad Cytharæ obeunt sonitum, qui inflictae noxæ, & affectioni fit consentaneus: quæ ferè etiam docuit præstantissimus Mattheolus in suis Dioscoridem Commentarijs.

Ceruus Volans.



SCARABÆORVM genus esse Ceruum Volantem, sub nomine Lucanorum, à Plinio nostrate descriptum inconfesso est: ramosis corniculis Ceruorum instar præditus est, unde Cerui nomenclatura. Insectum Lombardiæ Prouinciæ familiare; in Agro etiam Veronensi frequens in Pago Raldono nuncupato: Aduersus dolores, & nemorum crurumq; retractiones, & stupores à vulgaribus Granchio dictos, qui repente solet inuadere, mirificam vim habere putantur. Tamquam Amuletum igitur præsentaneum in auro, aut in argento obligata huiusmodi animalcula gestantur: Genus scæmineum omnibus suis partibus minùs videtur, atque eadem vi aduersus illas neruorum affectiones pollere. Verba Plinij de hoc Ceruo sunt cap. xxviiij, lib. ij. Sed in quodam genere eorum grandi cornua prælonga bifulcis dentata forcipibus in cacumine, cum libuit, ad morsum coeuntibus, infantium etiam remedijs ex Ceruicæ suspenduntur: Lucanos vocat hos Nigidius.

Chamæleon Aereus.



HVNC CALCEOLARIVS Senior olim nactus ab insigni liberalitate Illustrissimi, & Reuerendiss. DANIELIS BARBARI electi Aquileiæ Patriarchæ; qui Veterum Patritiorum doctissimus, & Barbaræ Domus nobilissimæ post magnum HERMANNUM LAYM

LAVM eximium fuit ornamentum, & quoniam hic Chamæ-
 leon iam præ longa ætate emarcuerat, alio nouello haud
 exiguis impensis comparato renouandum censuit CALCE-
 OLARIUS Iunior hocce nauatum Anno M D C XXII.
 quo Musæum scribimus, vt est accuratus, & minimè par-
 cus istarum rerum Exoticarum indagator, & locupletandi
 Musæi studiosus. Auis isthæc auicula Dei, Paradiseæ,
 Manucodiata etiam appellatur, de qua multa, & curiosa
 scripsere Scaliger, Cardanus, Corradus Gesnerus, Vlysses
 Aldourandus. C. Clusius in suo Auctario rerum Exotica-
 rum, & Melchior Guilandinus in breui disceptatione de
 hac auicula: Hos præstantissimos auctores consulere stu-
 diosum Lectorem ne pigeat, si amœna lectione se se oble-
 ctare cupit, nos quædam ex Guilandino, & Clusio potissi-
 mum attingemus, quò enim in his rebus recentiores sunt
 Auctores, eò in rebus explorandis, & recensendis veracio-
 res fuisse videntur. Paradiseam ergo Auem, vel Manuco-
 diatam pedibus carere omnes, qui de ea tractarunt, censu-
 isse visi præter Antonium Pigafetam, & Clusium, quibus
 ego libens assentior: ille enim Magellano profectus, & to-
 to orbe perlustrato è longa navigatione redux huius Auis
 notitiam Europæis hominibus primus dedit, & in nauiga-
 tionis suæ Diario, ait Clusius, Pedes (crura voluit dicere)
 palmum longos huic Aui attribuit: In eadem erronea
 opinione se versatum diù, ingenuè profiteamur Clusius, vt
 eas Aues apodes putaret præter Aristotelis summi Philoso-
 phi sententiam, qui nullam Auem, absque pedibus esse
 docuit, quod omnes à se conspectæ Manucodiatae sine pe-
 dibus erant, exenteratæ apud rerum Exoticarum studiosos,
 nec eo tempore curiosos esset ad obseruanda rerum discrimi-
 na: mox ex postremis in Indiam Batauorum nauigatio-
 nibus, se sententiam mutasse, cum certum sit allatas huius-
 modi auiculas Amstelredanum integras, cruraque cum pe-
 dibus retinentes Picæ variæ cruribus similia, infirmiora ta-
 men, nec adeò crassa, coloremq; non atrum, sed ad casta-
 neum vergentem habuisse, earum Iconem exhibere non
 potuisse, quoniam illic redemptæ ad Cæsarem Rodolphum
 huius

huius nominis II. translata, quem talium naturæ miraculorum notitia impensè oblectatum constat: Nautas tamen certò affirmasse se ab ijs, à quibus Manucodiatas coebebant, intellexisse, omnes pedibus esse præditas, incedere, & volare aliarum Avium instar, sed incolas, simulatque eas coeperint, intestina, ac pedes adimere, atque abijcere, deinde Soli exponere, vt facilius arescant, aridas adseruare, vt venundnet, aut suis cassidibus pennarum loco aptent: Eas Aues in syluis versari, & xxx. vel xl. simul per turmas volare solitas ipsarum Rege, vel Duce Comite, interdum sagittis peti, quod si contigerit ipsarum interfici Regem, illo cadente reliquas Turmæ Aues simul cadere, & sese capi sinere, tamquam amisso Rege vitam retinere nolentes, fabellæ proximam historiam de alia harum Avium captura apud Clusium leges: Duo porro genera harum volucrum constituunt, vnum maiorum, quæ elegantiores sunt, alterum minorum, & minùs elegantium: Maioris generis corpusculi moles, qualis in Musæo asseruatur, ad hirundinis magnitudinem proximè accedit, à summo capitis vertice ad vropygium vsque vix quinque vnciarum longitudinem superat, in Molucis insulis pulcherrimam oriri tradit Guilandinus, primo adspectu videri maximam ob pennas, quæ ei sunt amplissimæ inque orbem digestæ amplioris Circuli describunt ambitum: eam viuam à nullo mortalium in terra conspectam; solum mortuam in humum decidere, eâ casu repertam sanctissimè ab incolis asseruari, vt illa se Reges tutos in Bello putent, quamuis in prima Acie collocati fuerint: Verum isthæc primum à Mahumetanis vulgaribus conficta existimo, & superstitiosè in Paradiso solius Dei (vt putant) loco nasci huiusmodi Auis credita, vnde Paradisi Auis vocata: verè, & acutè Scaliger, aiunt Menacodiatam, cum ex incompertis locis cadens visus esset facile ab impropteribus Mahumetanis persuasum esse Molucarum Regi ex illo suo Tabernario Paradiso missum esse, adeò vbiq; tum gentium, tum locorum Gens ista Sacrorum, ministra vulgi fecat species, ad ea, quæ ipsi fingunt, somnia: quod potissimum verum est de illa Mahumeti secta: Pic-


Exercit.
228.

Pietatis. n. Catholicæ opera admiranda fidei publicæ certifi-
 simis testimonijs firmata (in Sanctis enim suis mirabilis Do-
 minus) nos ad veri Dei cultum, & amorem excitant: quæ
 enim est illa Religio, in qua nec vera miracula, nec Sa-
 crificium incruentum, & Sacrosanctum visuntur, sed mi-
 rus horror, pertinacia, & detestabilis priscorum rituum con-
 temptus? redeo ad Manucodiatam, quæ pennarum ambi-
 tu discolor, sed venusto admodum, & decore exornatur:
 Pennæ à prima ceruicis vertebra ad rostri vsq; initium bre-
 ues sunt, crassæ, duræ, coloris lutei insigniter splendentis,
 & auri purissimi modo, radiorumque solarium instar fulgen-
 tis; quæ mentum contegunt, molliores, & tenuiores ex Cy-
 aneo merè virides, quales in Anatum masculorū capitibus
 dum Soli obuertuntur: Rostrum, quàm sit Hirundini pro-
 lixius, Pennæ alarum Ardeis forma pares, sed tenuiores,
 longioresq; colore fusco inter rufum, & nigrum splenden-
 tes, cum alarum, & caudæ pennæ in orbem extenduntur,
 rotæ similitudine (cum cuti infixæ veluti spicula immobi-
 les plene sint) spontè in aere interdum sustineri Auem pu-
 to, in quo libentius vitam agit, quam in terra, quam ta-
 men pedibus præditæ sæpè percurrunt. Maiorum penna-
 rum alas constituentium origines aliæ pinnule superexten-
 sæ obtegunt dimidio quisquiliatæ ruffæ, coccineæq; reliquæ
 parte crocæ, & fuluo auri colore præditæ multum gratiæ,
 & venustatis ob colorū disparitatem auiculæ conciliantes:
 reliqua corporis moles tota pennis fuluis in rufum colorem
 vergentibus obducitur; Ventris, & pectoris fuluo nitidissi-
 mo, quæ dorso infixæ puniceo obscuriore renident, ex ijs om-
 nibus pennis dorsi nimirum, ac ventris, cum sint longissi-
 mæ, cauda conflatur, qua cæterarum auicularum more mi-
 nimè exornatur, quin neque Alæ in arcum contrahi, aut
 in latum diffundi pro animantis libitu possunt, sed vno
 tantum, eodemque modo naturaliter perpetuò consistunt:
 Obseruatur etiam dorsum huius auiculæ masculi depressum,
 inflexumque esse, vt sinum, foueamque efformet: in eam ca-
 uitatem semella oua deponere, cum & ea cauum ventrem
 obtineat, vt hoc pacto oua possit incubare, & tandem pul-
 los

los excludere : subdit Guilandinus ; quod & experimento comprobatur, adnectuntur maris dorso fila gemina, nigra. Cornuum modo vtrimq; in rectum extensa tres, & amplius palmos longa, neque rotunda exactè, neque etiam perfectè angulata, sed figura inter quadratum, & rotundum media nec crassa valdè, nec sumè tenuia, verum sutorio filo, haud planè dissimilia ; Horum vsum talem esse, quod nimirum foemina, dum oua incubat, mari firmius alligetur: cibus ei solidior nullus : si interiora spectentur, inane nihil reperitur, sed totus venter inferior adipe tantum expletus conspicitur : Hæc probè omnia Guilandinus, quem mihi Patavij amicum, & simplicium medicamentorum Doctorem fuisse glorior, sed dum pedibus carere docet, propterea anxie disquirens, quomodo somnum in aëre captare valeat, objectionibus Clusij obnoxium putarim, ut enim iam perstrinximus, quod quisq; nobilis Auctor in rebus arduis perquirendis est recentior, eò exactiorem, & enucleatiorem esse reipsa deprehendi : illud porro iurè miratur doctissimus Guilandinus, cur apud veteres scriptores nemo huic admirabili Auiculæ nomen inuenerit : ipse Rhyntacem Plutarchi in Artaxerxis vita commemoratâ putat, in qua nihil reperitur excrementi, sed interna omnia sumine, atque adipe plena visuntur, atque proinde aëre eam, & rore solum nutriri, omnes mortales arbitrantur, huius etiam Dionem, & Ctesiam auctores multò Plutarcho antiquiores meminisse, Ctesiam quippè prodidisse cultello hanc altero latere veneno illito Parysatem secuisse, partem veneno intactam sibi in os coniectam exedisse ; Statyræ autem veneno infectam partem porrexisse : propensissimus igitur est, ut credat, non dissidere has auiculas, sed easdem notas vtriq; convenire, quod ut Rhyntaces, in maxima existimatione apud Persas quondam habitæ sit : nullum nos hic nostrum interponimus iudicium, tanti Viri sententiam solum innuisse contenti ; plurima, & curiosissima, qui volet, de Manucordiata apud Aldrouandum legat, qui doctissimè, & subtilissimè de ipsa disputat ; quod libens, ac volens Clusius ipse confitetur. Musæi Manucordiatae hic figuram expressam damus.

S E X T A .

673



Rrrr 2 GAR-

Garrulus Bohemicus.



ADEM hanc donauit superioribus annis Iuniori CALCEOLARIO Excellentissimus RONSATVS Veronensis Medicus, qui tum Serenissimi Archiducis CAROLI à consilijs erat valetudinis: Cum hæc Auis apparet, pestilens aëris mutatio expectatur, teste Gesnero, quam sic etiam ad veri expressam ideam describit: Plumeus in capite Apex retrò spectat ruffi coloris cum pennis aliquot cinereis. Collum anterius nigrum est, vt etiam posterius, latera colli ruffa: in pectore, & ventre roseus ferè color est dilutus fuscis quibusdam, & cinereis intermixtis pennis. Alæ superius è ruffo nigricant, tum color cinereus sequitur, tertio candidus, quarto maculæ quinae egregiè rubentes, quas natura corneas esse quidam mihi rettulit, longiores alarum pennæ nigrae sunt, maculis aliquot è viridi subflauis distinctæ: Cauda nigra est, extremitas verò in ruffo flauescit: Rostrum nigricat, crurum color fuscus ad cæruleum accedit; Hæc fortè aues fuerant, quæ in Hercynia sylua noctu ignium modo collucent, si verè veteres quidam prodiderunt: Hactenus Gesnerus: Innuere porrò videtur Aues illas lucentes, quas effinxit Dionysius Apher in Poëmate de Situ Orbis, quas soli Hercyniæ Syluæ familiares esse scripsit: hanc fabulam & Plinius, & Solinus eius Simia tamquam veram arripuerunt, tanta vis est Poëtarum in persuadendo quæcumque volunt, ait doctissimus Iacobus Mazzonius, cum & Albertus Magnus, hoc tãquam verum in libris suis de animalibus adscripserit, Lucidiamq; id genus auium vocari dicat; is tamen auctor Germanus fuit, facileq; dispicere poterat, id genus volucrum nusquam gentium comperiri, Aristæas etiã Preconesius Poeta Gryphos Aues posuit, cum Arimasps pugnantes facie, atq; alijs Aquilæ reliquo corpore Leoni similes, quã fabulam Plinius, & Solinus pariter auidè arripuerunt, vt speciosis rebus

recepta-

Lib. 26.

recensendis lectores allicerent : Garruli Bohemici subijcit
Gesnerus, anno salutis M D LII. inter Moguntiam, & Bin-
gam iuxta Rhenum, maximis examinibus apparuerunt, vt
subito, quā transuolabant, ex umbra earum aurum, veluti nox
appareret, & in pluribus locis capti in cibum venerūt, quod
veluti prodigium annotarunt : post v. aut vij. annum semel
turmatim aduolat, arborum fructibus viuit, quarum baccae
rubrae sunt, capitur, & mansuescit facillimè huiusmodi Auis,
lautorum mensis adhibita, & in primis Iecore laudata.
Huius Auis & hic Iconem typis excusum proponimus.



SALA

Salamandra Aquatilis.



LACERTÆ species Salamandra : Lacerto tamē vulgari crassior, ventre pallido, crassiusculo, longæ circiter Dodrantem, cutis pars flava auripigmenti colore, vtrāq; splendens, linea per dorsum nigra, punctis quibusdam orbiculatis, ceu ocellis impressa, Talem à se visam Gesnerus fatetur, loca frigida, &

humida incolit : Quæ in lacunis degit, ibi diū viuit, nisi (exhausta aqua) terrestris fieri cogatur, quod sepè contingit ; Genitrices dictæ caudam oblongam habere dicuntur, vt Lacertarum genus, quæ ex ijs genitæ caudam depressam anguillarum instar obtinent, tali nempe propter natatum in aquis eguerunt, ex cœnoso limo initio aluntur ; dumque propter aquæ defectum terrestres redduntur caudam rotundatam aliarum Lacertarum modò præferunt : In terræ cauernis degentes ex cochleis, vermibus, alijsque huiusmodi aluntur rebus : ferræ instar dentes, absq; caninis obtinent : Venenum ex ore fundunt lactei coloris ad flauum vergentis crassiore substantia : à re aliqua permolesta irritatæ toto corpore emittunt sudoris instar lacteum succum prædicto similem, quem præsens venenum esse omnes iurè coniiciunt : Vetus porro quæstio est, an Salamandra ignem perambulans ipsum extinguat ; quod affirmare visus Aristoteles, quamquam ex sententia aliorum, vt multi putant, Nican- der in Alexiph. *παύσεν δάρος* huius animantis Cutem vocauit, quod meatibus quibusdam pateat, vnde destillans humor ignem restinguat, quod vetus illius Auctoris Scholiastes obseruauit *λιπόρρινον* etiam huiusmodi Lacertum vocat Nican- der, quod esset pingui Corio, quasi *λιπόδερμον*, vt sentit Scaliger, vel quod pinguem succum effundat, quo ignis extinguitur, quem tactum non alio modo extinguere, quam si esset Glacies, scribit Plinius : Hoc falsum alij existimant : Sed non esse fabulam de ignis extinctione docet Scaliger,

ex

*g. de hist.
anim.*

ex summo Philosopho Olympiodoro in Comment. in Meteorum libros, suo enim tempore Fornacarios Papyri fascies excutere solitos, vt Salamandras decutiant, extinguui, siquidem ab ijs ignes in Caminis *ἡμιῶδες γὰρ αὐτοῖς τὸ σβεῖσαι τὴν καμίνον* : Dioscorides, Aëtius, Theophrastus, Galenus, Niphus, Matteolus, Gesnerus, alij de Salamandra id vel experimentis factis negarunt, licet enim initio igni repugnare videatur, ex diutina mora tamen comburitur, *ταχέως μὲν ἐλαίᾳ liquefacta ex oleo Ruellius*, melius tabefacta, palpebrarum pilos euellit : Marcellus Virgilius legi vult *πανθείσης*, idest vltæ, quoniam & Paulus Aegineta scripserat, *Σαλαμάνδρας πανθείσης σίδηρον ἔνιαι μίχουσαι* crematæ Salamandræ cinerem quidam miscunt, & Plinius eius cinerem, scribit, incommodos palpebrarum pilos reuulsos renasci non pati.

Atramentum Indicum.



IN Indijs Occidentalibus duo Atramenti genera apud scripturientes in frequenti vsu esse videntur atrum, & rubrum: Vtrumque in officinis diligenter concinnatum præparatur: rubrum ex puluere subtilissimo scobis Verzini ope aliquorum gummatum compacto conficitur, Nigrum ex terra bituminosa nigra, eodem glutino subacta, & conglutinata componitur: in Tabellas, ac Tesselas compingitur, & efformatur, quemadmodum ex subiectis Iconibus percipitur, quæ præterea etiam Indicis characteribus insculptæ, & exaratæ cernuntur.

VNGVIS

Vnguis Onagri legitimus,



MIRIFICAM Epilepsiam curandi facultatem huius animalis Vngulæ à naturæ providentia inditam multis experimentis comprobant eruditissimi, & experientissimi Medici, quamquam in nominibus animalis nulla ex parte concordēs esse videantur: nos igitur siue Alcem à Cæsare lib. vj. de Bello Gall. descriptam, siue Bifontem Plinij, siue Tarandum inter Scythas, qui Geloni vocantur, natum, ab Aristotele in lib. de rebus auditu admirabilibus recensitum, siue Asinum syluestrem, quem Onagrum vocamus, hoc animal quis esse putet, nihil moramur, qui rerum naturam, non anxiam vocum, & nominum disquisitionem sectamur. Scaligerum, Cardanum, Apollonium Menabenum, alios Viros eruditos consulat candidus Lector, si hac nominum historia oblectatur: licet. n. hanc litem non definire, nec iudicium nostrum interponere statuerimus, arridet tamen Olai Magni rerum Sueticarum celebris Historici sententia, qui Onagrum, & Alcem idem esse censet, tum Galeni lib. ij. de simpl. medic. fac. Actij, Alexandri Tralliani, & Auicennæ, nam isti compositos Asinorum vngues Comitiali morbo mederi scribunt: per Asinos enim Onagros intellexisse videntur, licet expressius magnum hoc animal minimè nominarint, aut descripserint; Hoc à Germanis Hellend appellatur, quæ vox latine, miseriam, & infelicitatem sonat: quoniam hoc animal Comitiali morbo sæpè corripitur, à quo non vindicatur, nisi apposita prius fuerit auri, altera posterior vngula; cum ergo Plinius tradit, nullum animal præter hominem, & cornuticem affici Comitiali morbo, de ijs animalibus id accipiendum, quæ suo tempore fama comperta fuerant, tali morbo affici, multa enim venientes anni patefaciunt, quæ veteribus fuerunt ignorata, ut obiter Cuius nostri Plinij sententiam ab obiectionibus Menabeni vindicem.

Tipi-

Lib. 10.
nat. hist.

Timidum etiam valdè est animal, & homines procul olfa-
 ciens fugit, & quolibet vel paruo vulnere moritur, quinim-
 mò & tantum suo sanguine conspecto, illicò exanime con-
 cidit, Menembenus ex Ceruorum genere esse ait, idcirco
 ipsis conuenire prudentiam, quam Aristoteles, & Plinius
 Ceruis attribuere: aiunt enim huiusmodi animalia per pri-
 mi vestigia incedere cum turmatim gradiuntur, ne numerus
 ex vestigijs dignoscatur, vt vnusquisque rei inscius vnus
 tantù se cernere vestigia existimet, quod à probatis viris,
 & in huius animalis venatione versatis, se accepisse fatetur
 eruditissimus Menabenus, tum Plinius lib. viij. ea de Cer-
 uis docet: Fugiunt latratu canum audito secunda semper
 aura, vt vestigia cum ipsis abeant: Tradit etiam Aristote-
 les ex Cornigeris vni Ceruo cornua tota esse solida, cæteris
 cana quadantenus, soli etiam Ceruo cornua omnibus annis
 decidua, initio à bimatu, cæteris perpetua, quæ omnia etiã
 huic animali congruere contendit idem Menabenus, cuius
 sententiã, & doctrinã fidem penès ipsum esse velim: Vn-
 guibus illius, quorum magnam partem Musæum Calceola-
 rium asseruat plurimum tribuunt Sueci, & Prutheni, & alij
 Scriptores non infimæ notæ; ita enim Epilepsiã auferre di-
 cuntur, vt incantamento simile quid facere videantur:
 Onager enim siue animal hoc Ceruinum eo laborare morbo
 dicitur, & secum remedium gestare, nec solum factam iam
 Epilepsiã vngula curat, sed futuram prohibet, itaut &
 Therapeuticum, & Prophylactacum remedium existat, quod
 experimentis multis obseruatum, mirumque idèò visum,
 quoniam animal ipsum, cuius vnguis est, præseruare non
 potest: Cæterum illud quæsitus est à viris eruditis vtrum
 omnibus vnguibus Alces ea proprietas conueniat: quidam
 posterioribus tãtum vnguibus hanc vim tribuunt, & potis-
 simum sinistri pedis, sed vterque vnguis auri admouetur ab
 animali, vt Epilepsium propellat, nec anteriores ea faculta-
 te spoliandi, nam si cornibus huius animalis ea uis inest,
 quantò anterioribus pedibus, qui specie non differunt, &
 natura à posterioribus, vt specie differunt radices Pæoniæ

S s s s

maris

9. de hist.
anim.

maris à radicibus Pœoniæ fœminæ, quarum illæ solum recens collo appensæ puerum Epilepticum sanitati restitunt, vt Galenus, & alij multoties obseruarunt, idq; in Suecia potissimum, vbi Pœoniæ magnus prouentus, & ad huiusmodi vsum decresciente Luna colligitur: fatendum tamen auribus non ita commodè admoueri anteriores pedes, quemadmodum posteriores: at obijciunt subtiliores physici, morbus Comitialis est conuulsio totius corporis cum principum actionû læsione quomodo ergò pedes posteriores tunc temporis suo fungentur officio auri admoti? optimè responder Menabenus, plus fidendum experientiæ artis effectrici, quàm huiusmodi rationibus ad tenue climatis: præclare Aristoteles docet, fidem adhibendam esse rationibus, si quæ demonstrantur, cum ijs conueniunt, quæ sensu percipiuntur: omnes in Suetia Venatores, & Seniores vno ore admotionem posteriorum vnguium ad aures asserere, quorum opinionibus sine demonstratione non minùs inherendum putat Aristoteles vj. Ethicor. quam demonstrationibus ipsis: Præterea haud diffitendum est naturam ipsam prouidentem, quàm intelligentiam non errantem quidam vocarunt; de salute huius animalis sollicitam posse illam admotionem, haud voluntatis ope, sed mero naturæ instinctu adiuuare, quod ego existimarim: primas tamen partes dextro, secundas sinistro posteriorum pedum vngui tribuendas censent docti viri, anteriorum pedum vngues in postremis esse collocandos: Illud etiam in dubium reuocatum an à viuente Alce, & Onagro præcidendi vngues, aut potius ex defuncto; magnis argumentis vtrîque agitur controuersia, quæ nec praxi medicæ, nec Musæo nostro describendo conferrent: cum illico moriatur animal, non longo morbo contabescat, si de adipe, & natura aliarum partium nihil deperditur, cur vngulas vim suam insitam aduersus Epilepsiam amittere existimemus? Accedit & ratio firmissima, vim huiusmodi à forma vnguis, quàm mistum corpus est, pendere, non quàm animatum, nam & præcisus viuenti vnguis non amplius animæ compos est: Videmus quippè proprietates hæc occul-

occultas, & purgatrices Rhabarbari, Ellebori, Agarici, Cnici, Sennæ non ab anima plantarum pendere, sed à propria natura misti corporis. Fabulosam porro magiam sapiunt, non physicam contemplationem superioris aui superciliosorum physicorum nugæ Caudæ Lupi exiguo villo inesse amatorium virus, nec idem pollere, nisi viuenti diripiatur; Chelidonium lapidem hirundinum viuentium ventribus dissectis erutum curare Melancholiam, & gestantem amabilem reddere, Aleætorium, & Boracem lapides multis pollere viribus modo ex viuente animali fuerint extracti: Verum hoc est probare ignotum per ignotius, nam & multa ex defunctis excepta vim efficacem retinere putantur: Lupina pelle Tympana conflata maximo ouibus, perindè, ac Lupus ipse terrore esse creduntur: eo tympano concusso dissolui ea, quæ ex agnino Corio fiunt: Hominis etiam calculus alterius calculum conterit, & Fibri testiculos non exuiuis euiscerandos asserunt lapidem item Bezoar è viuis subrepto animali è ventriculo extrahendum tradunt. Hic optimè Menabenus coniecat commenta hæc passim obtrudi, & prædicari, vt vnguem hunc magno pretio vendibilem magnatibus efficiant, alioquin maxima eius nõ esset penuria: arduæ etiam conditiones illius eligendi, & colligendi propositæ ab Olao Magno, quare munus gratius Principibus euadit expositis tot inueniendi difficultatibus: Epilepticis porro, & præfocatis mulierculis suppetias ferrè huiusmodi vnguem inconfesso est, apud prædictas nationes annulari digito Epileptici applicat portiunculam, & illicè tamquam à somno excitatus in pedes se erigit, & liber euadit: ex eo etiam confecto annulo idem conuestitur digitus, idq; efficacius præstitum obseruatur, sinistra etiam manui imponitur, & in pugnum mox complicatur, & statim depellitur morbus; Verum, & portiuncula in aurem sinistram indita, & veluti Scalpendo mota idem, non sine miraculi suspitione præstari obseruatum, verum cordi etiam apponendus vnguis, vt ob Sympathiam eius cum cerebro roboretur, & reficiatur: Vnguis etiam rasura fœliciter data pueris Epilepticis

pticis, cum aqua Liliorum conuallium, aut Spicæ, quem Lauendulam vocant: Inter omnia remedia primas hic puluis tenet ex Menabeno: sume caluariæ humanæ siccatae, & vltæ vnciam vnam, rasuram Vngulæ Onagri, vel Alces iusto tempore Cæsæ, Cornu Ceruini vsti Sing.drachmas ij. Visci quercini, granorum Pæoniæ rad. Pæoniæ maris munda rad. Tormentillæ rad. & sem. Dictamni albi sing. 315. Corrallij vtriusq; præparati Eboris recenter rasi Margaritarum præparatarum sing. 31. fol. auri num. xxx. Sacchara albissimi scrup. ij. misce, & terantur omnia subtilissimè in lapide Porphyrij, & f. puluis, qui Epilepticus appelletur, cuius Dosis sit Drachma vna, cum Zulapio Violarum, aut aqua Liliorum conuallium, aut Ceraforum: Expeditius remedium, & parabilius fuerit rasura huius Vnguis, rad. Pæoniæ maris, & succini candidissimi ex æquali portione, cum aliqua ex iam dictis aquis: nihil tamen præstantius, nihil efficacius se obseruasse docet idem doctissimus Menabenus, exhibitione vnius, aut duarum guttarum olei ex succino albo per distillationem elicito à quo in Parocysmo æger à morbo, tamquam à somno excitatur: Eiusdem efficitur censer oleum sulphuris si ex eo parum detur, cum decoctione Betonicæ, & Pæoniæ, quo imperus morbi frangitur, dum ea materia, quæ cerebri meatus occupat, validè discutitur: Præfocatis etiam mulieribus hunc vnguem præsentissimè subuenire, experientia compertum, si parum rasuræ illius addita Zedoariæ portione, cum congruente liquore exhibeatur: idem præstari ab vngula ista si superiori alicui parti alligaretur, vbi arteriæ pulsus manifestè perciperetur. Sed legendus est diligenter Menabeni Tractatus ad Rodulphum Cæsarem, & percelebris Romberti Dodonæi Epistola, qui duo fuerunt suæ Germaniæ medicinæ, & solidæ Philosophiæ lumina, libens enim profiteor à quibus emunctæ naribus sum adiutus in scribendo; ista enim non ex profunda mente meditationis acumine, sed à peritis historiæ medicæ perquirenda, & in proprium horreum corroganda.

QVOD



QUOD interdum à nobis describendo Mu-
 sœo factitatū, vt moralem aliquam admoni-
 tionem inspergeremus, quid ni præsentia
 fecerimus, quæ tamē maxima ex parte medi-
 ca documenta in se contineat? oblata oc-
 casione ab ijs Physicis, qui argutis rationi-
 bus, sed futilibus de Onagri vngue discep-
 tabant: Est profectō genus quoddam medicorum, vel scri-
 ptis editis celebrium, qui partim ambitione ducti, partim
 perspicacia mētis freti receptis, vel decretis, vel medicamētis
 Virorum clarissimorum auctoritate, & tot seculorum obser-
 natione corroboratis libenter refragantur, idq; rationibus
 subtilibus quidem, sed quæ statim captiosam, & leuem fal-
 laciā præferāt, quod & in consultationibus sæpè accidit, vt
 alijs sapientiores esse dum videntur, vulgi plausum auidè
 capient, aduersus hos forsitan Sapiens scripsit, Fascinatio
 nugacitatis obscurat bona: fascinantur enim rudes, & Me-
 dicinæ imperiti dum intentis oculis, arrectisq; auribus non
 quid dicatur à collegiis, sed quomodo, & qua emphasi
 pronuncietur, & obtrudatur, vndè alij modestiores antilo-
 giæ vi obruti conticescant, diligenter obseruant: exempla
 afferam vtilia: ecce tibi nuper cum per litteras Carycosti-
 num antidotum P. Bayri ex Dragrydio, Hermodaetylīs co-
 sto, & Gariophyllis confectum pro Arthritide, & Podagra
 curanda, vel mulcenda collaudassem: Medicus pereruditus
 rescripsit nulla arte, vel simplicium proportionē id medica-
 mentum esse compositum; Præterea ex frequenti vsu Her-
 modaetylōrum debilem reddi ventriculum, hinc maiori
 crudorum humorum prouentu augeri arthritidem, accedere
 quod ad partes debiles vel hæreditaria affectione, vel assi-
 duo decubitu materiæ, humores agitati confluunt, & licet
 eorum pars expurgeretur, maior tamen portio ad Articulos
 decumbens, affectum illum fouet, atque amplificat, hæc
 quidem ille aduersus experientiam, quæ Artium omnium
 basis, & fundamentum est, cum rationibus fides adhibenda
 sit, si quæ demonstrantur conueniant cum ijs, quæ sensu
 percipiuntur, ex verissimo Aristotelis decreto, prima quip-
 pè

A. Sap.

pè principia mentis lumine, & sensuum obseruatione percepta vniuersales propositiones pariunt, quibus Artes nituntur: Ego sic regeffi: omne probè conflatum medicamentum ex basi, corrigente, & adiuuante constat, tale esse Carycostinum intelligimus, quia eius vsus est in eiiciendabile, quæ pituitam, & crassiores succos fundit, eorumq; vehiculum est, dum in Articulos debiles decumbunt, Dragridio igitur bilis, hermodactylis pituita ex Articulis potissimum extruditur Costo adiuuatur huiusmodi actio, Caryophyllis vis aduersa purgantium corrigitur; quare in Arthritide calidiore in Iuuenibus biliosis tempore anni, vel constitutione aeris huiusmodi nullum efficacius, aut præstantius medicamentum reperi, quod plurimis, & certissimis experimentis testari possum, nam statim dolores adempti, quin & sublata causa curatur scilicet morbus, præmissis tamen ijs præsidijs, quæ rationalis medendi methodus præscribit: cum porrò eius modica exhibeatur Dosis, nullà debilitandi stomachi, aut agitandorum humorum periculum negotium facessit, quod experientia quotidiana docuit, & si in grauissimis doloribus, vel agentes aliquid periclitandum, vt Galenus ex Thucydide præcepit, cur in acutissima Arthritide Carycostinum non vsurpem, à quo incantamenti instar euectigò humor acer, & vellicans dolorem, vehementem infligens ab Articulis diuertitur, & educitur? Cum igitur & ratio Physica componendorum medicamentorum Carycostino suffragetur, quod primarius humor, vehiculumque eius eo adimantur, & partes etiam aliqua ex parte roborentur, constetque basi, adiuuante, & corrigente; & quotidiana obseruatio, qua, teste Philosopho, artium & scientiarum propositiones ex ijs, quæ semper, vel saltem frequenter fiunt vim adeptæ construuntur, vt accidentarium experimentum explodatur, quod errorum multorum, & maiorum fons est, & principium: Vnusquisque prudens Medicus, nec contentionis inanis cupidus id amplecti, & in usum adhibere tenebitur. illius imprimis Fabij Maximi apud Liuium Præcepti memor Medicos plus interdù quiete, quàm mouendo, & agendo præficere. Ipsi porrò oleum ex vermibus pro-

probant in stercore equino prius putrefactis per elambicum elicatum, quod ad mitigandos artheticos dolores esse mirabile docent, sed quia nimis relaxat, spiritui falis admiscendum; in acumine igitur dolorum vel solum, vel exiguo spiritui falis admixtum vsurpandum: lenito dolore in partibus duritie augendum falis spiritum, ne illud oleum nimis laxet, sed emolliat, simulque partem roboret, & penetret; ob quem vsum à Galeno adhibitum scimus oleum rosatum Omphacinum cum Sale.

Verum enimvero sine vtili distinctione hoc non videtur transigendum; omnia enim Chymica remedia iurè prudentibus Medicis fuere suspecta, quoniam igneum ex sublimatione calorem nata facile corporibus impertiuntur, quâvis Seuerinus, Muffetus, alij Spagiricæ Patroni reclamant, sed Decennij, Eraſti, & Riolani optimorum auctorum rationibus minimè respondentes; solis clamoribus, & phaleratis maledictis sectam tueri contenti: Oleum igitur illud Salis, & vermium in ijs duntaxat senioribus adhiberè, qui frigidiore temperamèto, & ex crassa pituita, & sanguinæ frigidiore genitam arthritidem paterentur: vbi penetratione, attenuatione, & calfactione opus esset, quibus dosibus, & proprietatibus mihi olea illa Chymica semper fuere probata, nam etiam hac in re id tutò tenendum, quod sapiens historicus ingerit si aliquibus assentiri necesse est, media similia veri sunt: Idem Viri celebres libro edito, Rhabbaro in biliosis febribus decoctum Tamaridorum, cum Syrupo rosaceo soluente, & portione mannæ substituunt, veriti ne Rhabbarum colore, & siccitate sua febrem adaugeat, calorem exacuat, vel solidiores partes siccando hecticam febrem introducat: en argutam rationem, & logicam, quæ nihil docet, & obscurat optimam praxim; quo enim pacto bilis in venis febrem efficiens perfectè (electivè vocant) euacuabitur, absque Rhabbaro, Tamarindi, & Manna sola excremèta biliosa in primis vijs consistentia purgant, vel leuissimè vltra prima vasa penetrant, at quæ relinquuntur in morbis recidiuas facere consuevere: hoc ipsi viderunt, idcirco

circò statim se ipsos corrigentes dilutum Rhabbarbari ex
 aquis refrigerantibus, vel sero exhibent, cum id præstantis-
 simum Cholagogum esse fateantur: at quis adeò ineptus,
 aut audax est Medicus, vt in febribus huiusmodi tempore
 anni feruentiore Rhabbarbarum, sine corrigente exhibeat:
 Multi etiam peruicaces existunt, qui doctissimi Massaria
 auctoritate ducti vesicantia, vel Phænigmos in febribus mali
 moris, & pestilentibus damnant, quòd coctionem succorum
 impediunt agitando, quod naturæ motum, & crism inter-
 pellant, quod vigilias inducant dolores calorem, & vesicæ
 ex cantharidibus malum affectum, speciosa argumenta, ni
 experientia quotidiana reclamaret, cum enim natura à ma-
 ligni succi copia est oppressa, & veluti sopita, eaque fusa
 cerebrum, & cor petit, quod delirium, capitis dolor, inges-
 perturbatio, deliquium animi, angor cordis, & pulsus de-
 bilis, cum vrinis crassis, & perturbatis ostendunt, excitan-
 da natura, & suorum operum commonefacienda, à partibus
 principibus ea materia noxia ad pedes, & brachia auerten-
 da, cum potissimum, nulla expulsio, coctio, aut naturæ vin-
 centis conatus sese prodat, ita cura irregulari, quæ tamen
 ex summis prudentiæ physica regulis instituitur, hæc febres
 tutò curantur. In horum tamen vesicantium medicamen-
 torum vsu Duo errata, vel abusus vocati euitandi, Vnum
 ne cum æger sudat vel copiosè deijcit, vel mingit inuran-
 tur, ne coctio, aut naturæ iam excitata, & superantis motus
 impediatur, quod multi satagentes Medici, vt aliquid sem-
 per facere videantur, intempestiuè satis moliuntur: Alte-
 rum erratum est, cum copiosam Cantharidum Dosim, cum
 Ceuphorbio, vel Synapi præscribunt, vndè vlcerata noxia,
 diuturna, & veluti Cacoëtha gignuntur, quæ insignem mo-
 lestiam ægrotis pariunt: Audire enim est, non sine huma-
 na miseratione ægros iam à febre liberatos de crurum vl-
 ceribus, vel brachiorum, aut carpi conqueri; his sibi do-
 lorem, perennes vigilias effici: Debent profectò talia
 medicamento solum vesicas excitare cum humoris euocati-
 one, vndè phænigmi dicti, at carnem subiectam vlcerare,
 & præ-

& profundius eā absumere non debent: drachmæ igitur duntaxat duæ cū dimidia Cantharidū præscribuntur Drachma 5. Costi, qui Cantharidum creditur noxiæ facultatis Alexiteriam, & Scrup. i. Synapi, cum fermento, & aceto Scyllatico. Ceratum mox Sacrum imponendum, & materiam noxiam attrahet, & apertum Phenigum seruabit: sed de his hætenus quamquā *πεπερη* sint ad praxim medicam ritè obeundam non omninò contemnenda.



MONOCEROTIS Cornu veri, & legitimi frustum in Musæo asseruatū vidimus, quod superfuit ab eo, quod Clarissimus Mattheolus Praga anno M D LXV. ad CALCEOLARIUM Seniore transmissit Iussu Maximiliani Imperatoris Austriaci, vt Antidotum aduersus Venena efficacissimum componeretur, quod re ipsa etiam tale, non sine summa CALCEOLARIJ laude fuit obseruatum, quod ergo superfuit frustum Principū liberalitate Musæo concessum.



RHINOCEROTIS etiam Cornu ferè integrum eidem Seniori CALCEOLARIO à Serenissimo VINCENTIO Mantuæ Duce, cum multis alijs pretiosis, & summæ raritatis Exoticis rebus donatum, cum Calceolarium ipsum Rupula, vbi ferè degebat Mantuam, præstantissimus Dux sæpenumero accersitum honorificè vehendum curabat, vt de varijs, & maximi ponderis Medicis rebus secum colloqueretur, domumq; Torque aureo insignis pretij cohonestatū aliquando remisit, semper enim peritiam exactam, iudicium, & omnigenæ materiæ medicæ notitiam illius Viri, Serenissimus Princeps plurimi fecit, quinimmò eò beneuolentiæ, & amoris prouectus est eximius ille Dux, & magnanimus Dynasta, vt prandium sibi condixerit in ædibus ipsius Calceolarij iam senio confecti,

T t t

fecti,

fecit, & oculis capti, Ripulam suam præsentia, & nobilissimorum aulicorum splendore cohonestavit Maderno decessurus apud Benacum Veronensem, eius delitiosissimo, & amenissimo secessu, id ex litteris manu tanti Herois scriptis xij. Octob. M D XC IV. ad Calceolarium satis compertum habemus. Cæterum de Monocerotis, & Rhinocerotis Cornibus ita sentiendum est longè inter se differre, sicuti quatuor ille discrepant animalia Monoceros, Rhinoceros, Asinus Indicus, & Oryx; quamvis de his duobus tantum postremis Aristoteles meminit 2. de hist. anim. & 3. de par. anim. Vnicum in fronte Cornu hæc animalia gestitant, quamvis Rhinoceros præter pusillum id, quod fronti eius inest, si Pausaniæ credimus, altero in nare robustissimo præditum esse docet Scaliger, quo audacissime pugnat, ac vincit Elephantum, quam rem Martialis libro primo expressit.

*Namq; gravem gemino Cornu sic extulit Vrsus,
Iactat ut impositas Taurus ad astra Pilas.*

Hinc Cardanum illum in scribendo præcipitem iurè damnat Scaliger, qui Monocerota sub Rhinocerotis nomine pinxerat, duas enim Belluas esse longè diversissimas, Picuram Rhinocerotis se vidisse ait, cuius cadauer è naufragio eiectum erat in Tyrrhenum littus, capite suillo tergore munitum scutulato: Monocerotis verò figuram ex Vartomano describit Scaliger, Equi magnitudine, cruribus, pedibus, capite Cerui: Pili colore balio: Equi Iuba rariore, & breviorre Coxis villosis: Cornu vnum integrum Niceæ à se visum subfulvum vnum, vnum subluteum accedens maxime ad buxeum, vnum subpuniceum etiam se habere frustum candidum, negare Vartomanum esse ferocem, contra quam vulgò acceptum erat. Porro Monocerotem, vel Aristoteli ignotum fuisse, vel cum Asino Indico, aut Oryge confudisse, meritò coniectant eruditi Viri. Verumenimverò & præter Plinium Ælianus lib. 2. Monocerota describit: discrepantem valdè à Rhinocerote, ut & Vartomanus descripsit.

& in-

& inter supercilia Cornu vno præditum, eodemque nigro, non læui, sed versuras quasdam naturales habente, atq; in acutissimum mucronem desinente: Ex his colligunt, Pictores grauitè hallucinatos, qui Monocerotem albo colore depingunt, cum talis color Asinis Indicis, excepto capite, conueniat, quod purpureum ex Æliani testimonio obtinent, cornuque in fronte gerunt, cuius superius puniceum, inferius autem album, medium verò nigrum est; Cum porro Ælianus Monocerotis hoc est Vnicornis figuram, & proprietates exponens nullam eius Cornu Venenorum expulcerum vim attribuerit, quamuis alia multa minùs memoria digna litteris consignauerit, statim auidè arripiunt Viri doctissimi ansam communem sententiam refellendi, quod illud Cornu talem vim obtineat, cum ea potius Asini Indici Cornibus ex Æliano conueniat; Sed profectò verissimū illud est,

Multa ferunt animi venientes commoda secum,

Tempus enim, & remedia noua, & eorum vires patefacit; id sanè Viri Principes, & magni Imperatores plurimis obseruationibus compertū habere potuerunt, ex quibus propositiones generales ad confirmandas remediorum proprietates constituuntur: quinimò maxima fide digni retulerunt Vnicornis illud Cornu priusquam ad Calceolarium Seniore mitteretur Summi Cæsaris iussu antè omnia exploratum in veneno affectis animalibus, & hominibus etiam supremo capitis supplicio damnatis: à Calceolario etiam ipso accuratissimo virium medicamentorum exploratore, & indagatore prius periculum factum, quam se ad Antidotū conficiendum accingeret, & non sine Medicorum eius tempestatis admiratione concitatæ expectationi mirificū euentum respondisse: Idem Iunior Calceolarius se accepisse ab amicis Senioribus, & alijs affnibus domesticis fatetur, & constanti fama Veronæ eo tempore, & in toto illo Germaniæ tractu promulgatum adhuc meminerunt complures pro- uectæ ætatis Viri,



VICTOR, est magnus Galenus rationem
 & experientiam esse, duo veluti crura, qui-
 bus Ars. omnis constituitur, nec vnā ab
 alteram se iungendam, quod illi faciunt, qui
 ex aliorum Commentarijs tantum sciunt, &
 ad quasdam suas notiones, & imaginationes,
 rerum naturam pertrahunt: philosophis illis
 à Platone memoratis persimiles, qui si in forum, & actio-
 nes publicas prodeunt, ineptos se, & ridiculos præbent;
 hi profecto ingenio præstant, sed sunt experientia destitu-
 ti, quam veluti se indignam aspernantur, vt optimè Gesne-
 rius monuit, Tales multi fuere ex Præceptoribus meis Pa-
 trauij, qui Theriacam remedium empiricum, confectioem
 Alchermes, & pulueres Alexipharmacos esse pronuntiabant
 Ieuibus quibusdam rationibus seducti, experientie parum
 fidentes: Quod verò Rhinoceros ab Vnicorni differat, præ-
 ter Plinij, Aliani, Gesneri, & aliorum testimonia, qui au-
 riti, non oculati testes fuere, Garzias Hortus, & Clusius,
 qui licet ea animalia non viderint, certiora tamen testimo-
 nia de ijs accipere potuerunt: ita habent lib. de Aron. hist.
 cap. 14. Est Rhinoceros vastum animal Cornu in nare ge-
 rens, quod difficulter domari potest, multos in Cambaya,
 Bengala finitima, & Patane inueniri tradunt, & ab incolis
 Gandas vocari: Mihi hætenus Rhinocerotem videre non
 contigit (ait Garzias) illud tamen scio Bengala incolæ
 eius Cornu aduersus venena, vsurpare Vnicornu esse existi-
 mantes, tametsi non sit, vt ij referunt, qui se probè scire
 autumant: Ecce testimonium euident, quod Naricornu
 vel Rhinocerotis Cornu, vt polleat aduersus venena: subdit
 diligentissimus Clusius in annotat. Rhinocerosius Stra-
 boni lib. 16. cuius color Elephanti similis, non Buxo, Bu-
 xum tamen illi colorem tribuit Plinius lib. vii. magni-
 tudo Tauri, forma apro proxima, præsertim quod ad rostrū
 attinet dempto naso, qui Cornu quoddam est recuruum,
 omni osse durius, eo pro armis vtitur, quemadmodū Aper
 Dentibus: paulo post subiicit hæc: Hoc porro animal
 nunc

nunc à Lusitanis Abada appellatur, eiusq; Cornu aduersus
 venena maximè celebratur: Clusius certè in Lusitania diu
 degit, neq; hoc referret, nisi oculatus testis, vt iam recen-
 tiorum classicorum, quamuis Auctori à Cornu Rhinocerotis
 omne talem vim abdicantium sententia omnino exploden-
 da sit, cum ad pauca, & paucos Auctores respicientes faci-
 le eam pronunciarint. De Vnicorni sic Garzias cap. cit.
 Ego hoc loco referam, quæ à Viris fide dignis, accepi: In-
 ter promontorium Bonæ spei, & aliud Promontorium vul-
 gò de Currentes nuncupatum, vidisse se affirmabant, terre-
 stre quoddam animalis genus, licet mari etià delectaretur,
 quod caput, & Iubam equi haberet, minimè tamen mari-
 num equum esse, Cornu præditum duos palmos oblongo,
 mobili, quodque nunc in dexteram, nunc in sinistram ob-
 nerteret, modò attolleret, modò demitteret, id animal, cū
 Elephante ferociter præliari, eiusq; Cornu aduersus Ven-
 ena laudari: eius experimentum factum propinato duobus
 canibus veneno; alterum enim canem, cui dupla quanti-
 tate propinatum esset Venenum, sumpto huius Cornu pul-
 uere ex aqua conualuisse; alium verò cui exigua quantita-
 te Venenum esset datum, nec exhibitum hoc Cornu statim
 mortuum corruisse. Hæc Garzias, consentiente Clusio, qui-
 bus intelligimus ita differre Vnicornem à Rhinocerotè, vt
 Equus ab Elephanto, & vtriusq; animalis Cornibus vim
 insignem, & multis experimentis comprobatam aduersus
 Venena inditam esse.



ORN V Alces, vel magni animalis, quod
 in hoc Calecolario Thesauro pariter osten-
 ditur, magna vi ad Epilepticum morbum
 curandum pariter pollere testantur viri eru-
 diti, & periti Medici, tametsi antea sola
 adstringens facultas ipsi tribueretur, at mox
 Pruthenos Principes, & Episcopos Medi-
 corum fortassis industria, & auxilios subnixos rasurem, seu
 ramenta

ramenta eius Cornu plurimum posse in Epilepsia cognouerunt, vt testatur Menembenus : addunt vt tali sint facultate prædita auferenda esse ab Alce inter Festum Assumptionis B. Mariæ Virginis, & Natiuitatis eiusdem; alij in Festo B. Ægidij Abbatis, quod Calendis Sept. celebratur, sed profectò, & post hunc diem ea cornua hac facultate erunt insignita, vt experientia rerum magistra docuit. Illud magis videtur consonū rationi, quod de tempore inter Assumptionem, & Natiuitatem Deiparæ Virginis dicitur, cū enim illud sit calidius anni tempus, animal suapte natura frigidum incalescit, in Venerem efferatur, & turget, hinc succulentius fit, & magis vegetum, & in Cornua, vnguesq; succus magis distribuitur vna cum calore, viuidisq; spiritibus; sic radices pro re Medica tempore Veris colligendas præcipiunt optimi Physici, & Botanici, vt Mattheolus, quā veluti vtero gerentes succum proprium retinent, nec in folia, flores, ramos, fructus is adhuc abiit.



VERVUM & Gazelæ Cayri Cornua ibidem spectantur, qualia Bellonius lib. ij. obseru. cap. li. descripsit : Maris Cornua maiora sunt (inquit) quam fœminarum, quæ omnino recta, nisi circa summum, nonnihil incuruantur, longioraque, quàm Rupicapra, & Lunæ crescentis in modum inflexa : Hæc esse Cicurum Gazelarum è syluestribus locis eò deductarū, quæ Capræ prorsus similes sunt corpore, & colore Rupicapras referentes anterioribus pedibus breuioribus, posterioribus longioribus Leporis modo, nigram lineam supra oculos ductam habent, vt Rupicapra, Capellæ instar balant at barba carent; Pilus rutibus est ad pallidum tendens, leuis, & splendens, pectus, & nates albescunt, cauda subtruncandicat, atq; superiore parte fusca est, nisi cicurentur loca campestria, sterilia, & sicca inhabitare solent : Hæc ex Bellonio, quæ plenius apud ipsum exposita perleges :
Quod

Quod verò Orygis nomen Gazelæ tribuat iurè reprehenditur à doctissimo Clusio: Oryges enim contrario pilo vestiuntur, & ad caput verso ex Plinij testimonio: Vnicorne etiam, & Bisulcum Oryx: Sæuum etiam Martialis facit,

Lbi. 13

Matutinarum non vltima Præda Ferarum

Sæuus Oryx, constat qui mihi morte canum,

Obseruat porro Clusius Gallorum Dain, ab Italis Daino, vt putamus dictum, non esse nomine Damæ insigniendum, sed è Ceruorum esse genere, & à Plinio lib. xi. Platycerotam appellari Damæ, quæ ex Caprarum genere est, cornua adunca in, aduersum tributa, cum Platyceroti Cornua in palmas sinxerit, digitosque ex ijs emiserit; quocirca & Martialis Damam imbellem animal facit ijs versibus,

Dente timetur Aper, defendunt Cornua Ceruum,

Imbelles Damæ, quid nisi præda sumus?

Hæc volui breuiter perstringere, vt Gazelæ, Orygis, & Daini, quam multi ex nostris Italis Damam putant, natura intelligeretur, cum vulgari adagio iactant, è più veloce d'un Daino.



IN Prouincia Bengala Boues esse crassitudine, non altitudine Elephantæ æquantes memoriæ proditum est: horum Cornua Bouum (indicarum potissimum) in Musæo asseruatur: vel candore vndequaq; vel varijs coloribus, vel strijs etiam discriminatis prædita: Vaccæ etiam syluestris Indicæ Cornua spectantur Calceolario Seniori, & Iuniori ab amicis harum rerum curiosis æstimatoribus donata; hæc ijs similia, quæ in Arabicis Vaccis ab Aliano describuntur, quas excellere Cornibus ob humorum influxum, quos plurimæ, & crassissimæ venæ humore, quantum ferrè poterant, grauidatè infundunt: Sunt & varia etiam alia Cornuum genera valdè inter se forma, figura, magnitudine, colore, flexura discrepantia

Cap. 14.

tia ex animalibus Indicis, sed haud nomine cognitis desumpta, quemadmodum Clusius lib. v. Exoticorum admirandum Cornu describit ab Hollandis Nautis reducibus allatum, cuius animal nec viderant, nec à quoquam percunctati fuerant,



IPPOPOTAMI, quem latine flumialem

Equum reddunt, dentes longè diuersa ratione descriptos comperies à Scaligero, quam à Bellonio; ille enim sic, Dentes vtrinque singuli ex inferiori mandibula surrecto flexu sesquipede maiores, candore, splendoreq; Ebori pares, ed præstantiores, quod, vt E-

Lib. 1. de
Aquatilibus.

bur, numquam pallefcunt, amisso candore, materiam quoque firmiorem tradunt; at Bellonius dentes equinos, obtusos tamen attribuit: longè etiam alia, descripta animalis species ab hoc Auctore, quam antè animal viuum Bizantijs delineari iusserat: instar enim obæssimi porci corpus habere, pedes digitatos, caudam suillam, aut testudineam, pedes breues, caput vaccinum, oris rictum vsque adeò vastum, vt leoninum superet patulas nares, labra repanda, atque resina, oculos, ac linguam prægrandes, ungulas in Porci formam diffusas; Talem Hippopotamum ludis publicis à Romanis Imperatoribus ostensum è Nili Paludibus aduehi solitum, tum etiam id animal, quod Turcarum Imperatori oblatum fuit, & ab ipsomet Bellonio conspectum: Fidem huiusce rei facere Colossi figuram, Nilum Ægyptium Romæ in Vaticano referentè, è qua Hippopotamum, quem exhibuit depictum, excerptit; Scaliger Hippopotamo Gambrae Prouinciæ Vaccae magnitudinem, pedes, bifidos, crura breuia tribuit, Aphricanis, Ægyptijs, Ethiopicis, Asini proceritatem; Aristoteles ei animali os paruum adscripsit; Hiatus ergo illum tam laxum, qualem in feris quibusdam *διεσπόμενος* vocat Philosophus, dedita opera Aristotelis historiam destruere: prodi etiā fidem Herodoti, & Pli-

& Plinij, quorum alterū in Ægypto, vbi diū fuit, Hippopotamum vidisse credere par est, alter in publicis ludis Romę spectasse potuit: Hęc prudenter obijcit Scaliger Vir grauis, cui Sartam, testamque esse Classicorum auctorum fidem, & auctoritatem placet: Hic tamen libens, ac volens interponam iudicium meum: Vt plantę eiusdem speciei, mirę varietas pro regionum, & prouinciarum diuersitate, vt de Salua, & Planta Synapi proditum est, quod etiam peculiariter in canibus Belgicis, & Batauis obseruaui, si cum nostris comparentur, cœli enim vis, aëris, aquarum, & terrę conditio & semina, & alimenta plurimum discriminat, quod summo etiam Philosopho Theophrasto placuisse video: ita non videtur rationi dissentaneum Hippopotamum Ægyptium ab aliarum regionum Hippopotamo in multis discrepare quidem, quę tamen speciem, & primigeniam naturam non variarent; cum verò Byzantini modò Porcum, modò Bouem marinum eum vocarent, fieri etiam potuit, vt id diuersum animal foret, quemadmodum id quod in aurei Adriani numismatis altera facie visebatur, cuius Bellonio Io. Grollerius Insulubrium Quęstor copiam fecerat, vt hoc pacto confirmetur eorum eruditorum iudicium, qui nostris temporibus numquam visum Hippopotamum iudicarunt, quis enim Bellonio iurauerit numismatis animal esse Hippopotamum? Vt cumque sit Musæi CALCEOLARII Dens asseruatus à Clarissimo Scaligero descripto similior, & affinium videtur, immo easdem penitus notas præfert, exertus enim Dens est sesquipede maior, candore, & nitore ebori par, ad dimidiam vsque partem concavus, cætera solidus, & in acumen exporrectus; De Hippopotamo legendus potissimum Plinius lib. viij., vbi M Scaurum primum ædilitatis suę ludis temporario Euripo eum Romę ostendisse tradit: Hippopotamum etiam in quadam medendi parte magistrum extitisse; assidua enim satietate obæsum exire in littus recentes harundinem cæsuras conspicatum, vbi acutissimum videt stipitem imprimentē corpus, venam quandam in crure vulnerare, ita profluuium sanguinis morbidum aliās

V u u u

cor-

Cap. 25.

¶ 26.

corpus exonerare, & plagam limo rursus obducere; ex quo intelligimus phlebotomiæ usum ab eo animali Medicam. Artem hausisse.

Cap. 9.



DE MVMIA optime scripsit Scaliger Exercit. ciiij. ut simul & veram nobis proponeret, & Serapionem tueretur; Pissasphaltum enim multis in locis è montibus deuolutum ad fluuiorum hostia fluitare docet; id Mumiam esse Serapionis: Alteram esse Mumiam sepulchrorum apud Arabas, Syros, & Ægyptios longè vtiliorem, & preciosiorem; ex Aloe, Myrrha, & illorum materia corporum, quæ ijs sunt condita, quamruptis, & contusis mirificè prodesse compertum est, vtramque descripsisse Serapionem; subdit doctissimus Scaliger: Quæ verò ad nos Mumia deferretur ex Ægypto non ex Aloe, & Myrrha condimentum est corporum, sed ex Asphalto, illis enim vtuntur nobiles, quorum effodere corpora, capitale est; Asphalto plebeios aduersus corruptionem se munire consueuisse Strabo auctor est; Ex his colligendum existimo aliam esse Plebeiorum condituram ex Asphalto, quem secundum Mumia genus esse, postquam nobiliorum cadauerum conditura haberi desijt, satis constat: Non ergo simpliciter credendum est Cadauera in Aphrica sub arena ingruentibus maximis ventis suffocata, & desiccata Mumiam secundi generis esse quod Montanus Vir Clarissimus, & Cuius noster nobilissimus putasse visus Læctione xxxviij. in caput primum Auicenna de humoribus, quocirca & Medicos etiam carpit, qui occupantur tantum imposturis ignorantes veram Mumiam, quasi Cadauera illa simpliciter suffocata, & Sole, & arena desiccata Mumiam putarint sine vlla asphalti conditura, qua in re deceptum existimo; Quæ enim corpora Venetijs in die Ascensionis Dominicæ festo in Pharmacopolijs ostenduntur nigra, arida, & visu horrida, nisi asphalti conditura, & veluti mangonio essent præparata, & concinnata nunquam pro Mumia distrahi, & diuendi possent: odor por-

porrò, & sapor bituminosus asphalti id satis euincunt. quod in Musæi Calceolarij Mumia satis dignoscimus. Porrò Arabum Mumia antiquior, & pretiosior ita fiebat. Mos erat Arabum, cum quis nobilitate præstans moriebatur corpus vnguento ex Aloe, Myrrha, & Thure potissimum confecto (quod & Seruator noster IESVS CHRISTVS innuit, cum vnguentum illud allatum à Magdalena ad se sepeliendum factum docuit) inde pannis lineis opertum corpus inscius conditorijs saruabant, temporis progressu accedente corpori putredine, & colliquata pinguedine, cum illa conditura fermentata, mistura optima fiebat: hanc è sepulchris subreptam Mercatores in Europam deferebant, quæ ad curandam conuulsionem emolliendi, & resoluendi facultate valde conferebat: in potu etiã dabant ad contusiones, tam interiores, quàm exteriores (vt idem tradit Montanus) sed tandem deprehenso furto, & furibus Arabes Cadauera in tutiori loco sepelienda curarunt, & capitalem penam aduersus huiusmodi fures sanxerunt.



S in Ceruorum corde enatum mirificis præconijs sanè effert doctissimus Mattheolus, ad omnigenos cordis affectus: aduersus omnia venena valde præstare docens, & antidotis admisceri, quæ aduersus pestilentiam parantur, sed cauendum esse, ne huius loco Seplasiarij bubulam tracheam Arteriam accipiant in compositionibus, vt facere consueuerunt: proinde Vesalium iurè damnat, qui fortè ex vna, vel altera obseruatione minimè respondente, tale Os in Cerui corde existere negabat: sed fides adhibenda Mattheolo talium rerum peritissimo, qui non ad pauca respiciens facillè pronunciabat.

Verumenimuerò quia in eodem Comment. in secundum Dioscoridis lib. Mattheolus scribit, Cornu ceruinum ad candorem vsque exustum ex melle haustum alui tineas pellere age

V u u u 2 bre-

breuiter disquiramus, quem vsum præstet in Medicina multarum rerum exustio, quæ disquisitio etiam conducet ad tollendas difficultates, quæ in legendis auctoribus, & Galeno potissimum solent occurrere. Inter cæteras coctiones elixatio, & assatio tum Natura, tum Arte peragi possunt ex Aristotele lib. iv. Meteorum, illa calore humido eget, hæc sicco, vtræq; præparandis multis medicamentis apprimè inferuens: Assationis quatuor constituunt genera, optimi Auctores, torrefactionem, cum torrentur medicamenta, donec medullitus calefiant, vt ab ijs ita apertis, & calore laxatis facilius facultates eliciantur coctione, infusione, vel ablutione, sic aqua hordei fit optima mundato priùs hordeo, & torrefacto: Alterum genus est proprie assatio, cum non solum medullatùs calefit medicamentum, sed superficies eius mutatur, sic assata in profundo humidiora, in superficie aridiora statuit philosophus: hoc pacto vel augeatur facultas purgatrix, vt in Scyllæ radice absumpta per assationem humiditate viscida, ac lenta: illa enim vis sicco terreo posita est, vel imminuitur, vt Psyllij seminis facultatem purgatricem assatione imminuimus, quæ in humidioribus partibus consumptis erat sita, vel facultas à facultate separatur, vt assatione purgantem vim Rhabbaro adimimus, quæ superficialijs partibus, & tenuibus hærebat, remanet adstringens in partibus terreis posita, quam potissimum optabamus. Tertium genus combustio est, qua totum medicamentum mutatur, vt ab eo acrimonia omnis, & acumen auferatur: hac combustione omnia metalla, Galeno teste 9. simpl. ex mordentibus, & asperis longè fiunt mitiora, & vsui medico aptiora. Postremum assationis genus incineratio, quam Chymici calcinationem vocant vt medicamentum magis penetret, & efficacius reddatur, tum diutius seruari, & cum alijs misceri possit: sic Cornu Cerui in cinerem redigitur, & Antispodia ex combustis harundinum radicibus fiunt: hoc pacto enim humor omnis excrementitius adimitur, & asperiores terreæ partes elaborantur, & edomantur, vt facilius, & maiori cum fructu ab ægro-

ægrotantibus hominibus capiantur: Iam verò adhuc quæ-
 situm, & dubitatum an vstione fiant mitiora medicamenta
 æruginem enim Misy, & Chalcitim libro iij. Methodi vri Cap. 6.
 præcipit Galenus, vt minùs acria reddita ad cicatricem in-
 ducendam efficiantur aptiora, quæ si etiam abluantur, ad-
 huc magis redduntur mitia: At lib. xj. simpl. Sales vstos ma-
 gis digerere, & discutere docuit, quam non vstos, quantò
 subtilius efficitur illorum corpus accepta ab igne faculta-
 re; sic cineres omnes discutientem facultatem videntur ob-
 tinere, quæ vis tota à caloris incremento pendet: libro ix.
 simpl. controuersiam rollere visus Galenus dum docet, Acria
 medicamenta multum caloris vsta amittere, quæ verò hu-
 iusmodi non sunt, assumere: ratio est in promptu, quia res
 acris per se per combustionem absumptis tenuibus partibus
 terrea fit, & magis adstringens; quæ fuit magis terrea per
 vstionem igneam naturam nanciscitur, quod efficaci, & pul-
 cherrimo exemplo atræ bilis declarat doctissimus Vallesius,
 ea enim modò fit ex flaua bile, modò ex melancholia na-
 turali frigidiori: illa enim est frigidior bile, calidior me-
 lancholia: ista enim terrestris, & acerba, idcirco vstione
 calorem, & acrimoniam adipiscitur: bilis ex se acris, acri-
 monia per vstionem deposita, atram bilem se frigidiorē
 gignit: porrò optimè monuit idem Vallesius res vstas sem-
 per partes quasdam igneas *ἀκρίσματα* scilicet exustionem sem-
 per sibi conciliare, sic cineres licet terream naturam habe-
 ant, in lixiuium tamen acrimoniam illam igneā deponunt;
 ita etiam atra bilis est magis erodens, quam flaua, licet ip-
 sa sit frigidior, ob illud *ἀκρίσματα* vstione comparatum,
 quod per lotionem solum deponitur, vt cineres in lixiuium
 immissi fiunt prorsus frigidi, & inutiles, proindè prædicta
 omnia combusta medicamenta numquam vstione fiunt per-
 fectè desiccantia sine calfactu, at lotionē post vstionem ta-
 lia ad vnguem redduntur. Cornu ergo Ceruinum, & An-
 tispodia, cum efficacia esse, & magis penetrantia optamus,
 acrimoniam aliquam, & igneam vim per combustionem
 ipsis conciliamus, quæ partis terreæ veluti vehiculum est, &
 in

in alui profluuijs puerorum potissimum commendatur huiusmodi puluis, tum ad pellendos etiam lumbricos, quorum vitæ pluri humori excrementitio subnixæ valdè aduersatur.



VNGI Ceruini historiam, & vires, cuius neque apud veteres, nec apud recentiores auctores vlla extat mentio, teste Mattheolo, idem vir sollertissimus, & naturalium rerum indagator acerrimus Epistola vltima tertij libri egregiè, & accuratè prosequitur: Docet quippè Tuber esse quoddam subterraneum à Bohemis Ceruinum Boletum vocatum: Affirmare Venatores Tuberum vulgarium more sub terra nasci, vbi Ceruino semine in coitu inficitur solum: dum exempto è vulua genitali adhuc aliquid seminis continente maris impetum subterfugit fœmina, hoc fieri in syluis, vbi multi habentur Cerui, qui naturali instinctu ducti scalpunt anterioribus pedibus solum, vbi globosus fungus sub terra delitescit, quod ex graui odore, quem spirat, se percipere ferunt, loca igitur Ceruinis pedibus diducta à venatoribus obseruari, effossæque scrobe fungos istos eximi, & Pharmacopæis vendi, qui dissecti in particulas, & filo traiecti mox in vmbra siccantur, & in vsum medicum seruantur: Globosa his facies, & inæqualis, extima cuticula subnigricat, Carnosa verò, & ipsa fungosa substantia albicat: subdit Mattheolus, esse qui dicant reperiri ex his fungis quosdam erectæ virilis mentulæ forma, vt in altera parte detecta glans, in altera globuli quidam testiculos referentes conspiciantur: Hos fungos, & potissimum, qui genitalis humani speciem referunt, in medicamentis, qui Venerem conciliant, in plurimo vsu esse apud Bohemos Sicciorū puluerē in dulci vino Drachmæ, vel Sesquidrachmæ pondere propinantes: lactis vbertatem etiā afferre ex Ptisana, vel muliebri lacte potum fungū valentiùs id agere, si longi piperis aliquid addatur, suffitu oclusos fœminarum locos referare, & vulg-

fran-

strangulatus auertere traditum esse: supersticiosas mulier-
culas ijs abuti in amatorijs poculis quibusdam prius admur-
muratis præcantationibus; valere etiam fungum Ceruinum
ad epota venena ex mero haustum: ad venenatorum etiam
omnium morsum, non modo potum, sed etiam illicitum: Huius
fungi ortum Italia negauit natura, cum ibi solum, oboriatur,
vbi Cerui degunt, quare tãquam rarum quid exoticum in Musæo
Calceolario repositum admiramur.



CERVI Lachrymam non possum enucleatius,
& expressius describere, quã doctissimi Scaligeri verbis: Is enim Cardanum illum omniscium, & ἀντίπαλον suum ita alloquitur Exerc. c. xij. Cerui Lachrymam rem fortasse minùs tibi notam in nostris Musarum The-
sauris habemus carissimam. Antè centesimum annum in Ceruo nulla est; post eam ætatem accrescit ad oculi canthum ipsis ossibus, atq; in os protuberans concrescit ea duritia, qua Cornu superet, qua parte prominet rotunda est coloris fului, non sine vestigijs atriorum venularum: tanta læuitate, vt penè tactum effugiat, ita enim sese subtrahit, vt propemodum se ipsam mouere videatur, aduersùs venena remedium præsentissimum: Peste correptis datur cum vini momento, vndè tantus cietur sudor, vt penè totum solui corpus credas; cum hæc in Circulis aliquando recitarem, vnus ex ijs, qui è Legatorum Comitatu rerum Asiaticarum cognitionem profitebatur negabat ad Ceruum quicquam attinere: sed esse verò lapidem: ego illi postridiè ostendi, qua parte ex osse fuisset auulsa; Hanc Solimanus olim dono dederat Samblancardo Trierarcho: At ea ego postea eius filij Bernardi Oruesani munificentia expertus sum: Hactenus Scaliger, cuius singula verba, verè aurea, apponere volui, vt huius lachrymæ non adeò apud Auctores vulgatæ certior notitia illucesceret. Gesnerus tradit Bezaar lapidem dici Cerui Lachrymam, quæ genera-

neratur in Ceruis, quia Cerui comedunt Viperas maxime in Persia: Hunc lapidem erui etiam è terra, & fodinis, citatq; Tiphazim Arabem in libello de Gemmis, qui ex Arabico in Latinum sermonem conuersus est: quandoq; Bezo-har appellari, quoduis Antidotum Veneni ex Andrea Bel-lunensi: Ita multi illius tractus Septemtrionis faciunt: com-pilant vndequaque, & summo labore describunt: iudicij amussim, & delectum non adhibent, quæ Italicorum propria & genuina sunt: solus Agricola, & Scaliger omnem hac in re tulere punctum, illo Arabico auctore fortè permotus legatus ille negauit esse Cerui Lachrymam: Sed standum, auctoritati Scaligeri, nec inficiandus ille lapis metallicus, sicuti Buffonitem lapillum mineralem etiam concessimus. Caterum cur Ceruorum Lachryma salsa sit, & amara: Aprorum dulcis quæsitum à Plutarcho lib. de causis natur. in-temperie horum animalium reiecta causa: Ceruorum enim frigidam, Aprorum feruidam; cum propter iracundiam, mouentur lachrymæ ad oculos copiosus effertur calor *πῦρ ἐν ὀφθαλμοῖσι δειδερκός*: igne oculi quippè refulgent, & dulcis fit qui eliquatur humor: Verum Plutarchi physica contemplatio oratorijs potius, & poeticis flosculis referta; cum Vitis cla-rorum Virorum, & moralibus præceptis scribendis potissi-mum excelluerit: Constat enim eximium, & excedentem, calorem potius res salvas primum, mox amaras reddere, ex Galeno, & Aristotele: quare Aprorum Lachrymæ longè sal-fiores esse debuissent: dulciores Ceruorum, quorum sanguis frigidior ex illa iræ efferuescentia temperiem nactus dulci-ores funderet Lachrymas: ex succo ergo melancholico ama-riori eas gigni putarim, cum animal timidum sit, siccum, & frigidum: Aprorum Lachrymas separari, vt serum à la-cte, quod Empedocles etiam voluit, eas videri dulciores, quoniam salsuginosa qualitas multo humore tenui obrui-tur.

IN



N eodem nostrati Thesauro Genitale etiam Cerui ostenditur neruosum omnino, quale ab Aristotele descriptum legimus: nullam enim rem curiosam, aut vtilem illi deesse, gemini FRANCISCI Senior, & Iunior, pro virili sunt perpeffi.



OPHVS etiam Plinij nostratis ibidem asseruatur, de quo is Auctor lib. ij. In iuuenecarum (inquit) secundo ventre pilæ rotunditate nigricās Tophus reperitur nullo pondere, singulare (vt putant) remedium ægrè patientibus, si tellurem non attigerit.

Cap. 37.



RHINOCEROTIS pellis ea existit firmitate vt ægrè iaculo penetrari queat, teste Æliano; idem testantur (ait Gesnerus) qui nostro sæculo Belluam in Lusitania viderunt, pellem enim habere prædensam aiunt, ceu crustis quibusdam squamatim compactam, colore, & figura testam referre testudinis (tergus scutulatum ei attribuit Scaliger noster) Plinius Buxum colorem, alij murinum, vel qualis in Buxi cortice est, ei attribuant.



PPELLIS Hippopotami frustrum pariter asseruatur: de qua sic Scaliger Exerc. c. lxxxvij. De Corij duritia satis est à nobis dictum in Aristotelicis Commentarijs, Constat è Lusitanorum navigationibus pedestris lanceæ perferre idum sine noxa: Illud controuersie præsert speciem: aiunt quidam pilo carere, in Hispanicis libris inuenio & nigros, & balios, & Plinius pilum dat. hæc ille: obesiissimi cuiusdam porci cor-

X x x x pus,

pus, an & Corium? adscribit Bellonius, vt alibi perstrinximus.



ANIMALIS BEZOAR gignentis Pilus consensu omniū, qui de eo animali scripserunt, ruffus est, Monardus tamen, qui libellum peculiarem confecit de Lapide Bezahar, & Herba Scorzonera Pilos attribuit cinerei coloris, cui admista ruffedo; Animalis porro illius, quod ad Archidiaconum Nebiensem delatū fuit; quodue omnes notas Hirci, vel Cerui gignentis lapidem Bezahar præferebant, pilos, & colorem Ceruino similes fuisse, oculatus testis profiteretur idem Monardus, qui in Musæo nostrate asseruantur Pili cineream rufedinem ad vnguem exprimunt,



IN eodem porro Thesauro, & Conditorio celeberrima illa Theriaca seruatur, quam non solum Veronæ, sed etiam in Italia, & in Europa primus componendam curauit FRANCISCUS SENIOR CALCEOLARIUS tanta accuratio- ne, & delectu simplicium medicamentorum, vt à primis suæ ætatis Medicis, & Pharmacepæis, tamquam verum Alexipharma, & Alexiterium aduersus venena, & affectiones perniciosas passim decantaretur, & auidè vsurparetur. Primum ergo Calceolarium componisse contendo, quoniam primus fuit, qui acerrimū studium in componendo adhibuit,



HANC postmodum nullis succedaneis medicamentis confecit FRANCISCUS CALCEOLARIUS Iunior, vt antea ostendimus; Cum potissimum verum Amomum, Vaa, scilicet, Malabathrum, Balsami succus, Chalcitis, & alia huiusmodi præclara simplicia, de quibus nonnulla vigeat controuersia, omnia iam

iam suis insignita, & explorata notis sint admissa; quemadmodum & Mithridaticam Confectionem omnibus numeris absolutam, & confectam idem Musæum asseruat, quæ præstantissimæ, & humano generi fructuosæ compositiones, quibus, & qua ratione conficiantur pleni sunt veterum, & recentiorum Auctorum libri; & controuersia etiâ de Melle iniijciendo præclaris Clarissimi Collegij Veneti, Alumnorû lucubrationibus superioribus annis editis Angeli Viduæ, & Fabij Vlmi Virorum eruditorum vtrò, citròque iactatæ, mirificam lucem earum Antidotorum præparationibus attulerint.



LECTARIVM, vel Confectio de Hyacintho omnium post Theriacam nobilissimum, & efficacissimum Antidotum ex Hyacinthis, Smaragdis, Sapphyris, Granatis, Topatijs Orient. Rubinis, Lapidis Bezohar, Corallijs rubeis, & albis, Margaritis, Ossibus de corde Cerui, Bolo Armeno Orientali, Terra sigillata, Croco, Ambra, Moscho, atq; alijs huiusmodi insignioribus Alexiterijs, Serapio de acredine Citri, vel Limonum, exceptis conflatum in mali moris febribus etiam calidioribus quantum conferat; syncopi pulpitationi, cordis tussiculosis, & suspiriosis profit certissimis constat experimentis, confirmat enim vim cordis vitalem, & spiritus vitales recoëllat, illustrat, & fouet, omnemque caliginem atrabiliaria colluiei ab ijs amouet, & discutit, quod ego in multis ægris diuturnæ atre bilis symptomatis cardiacis penè absumptis, periculis factis, plenè testari possum: Hoc præstans medicamentum Curtius Martinellus Medicus Venetus Clarissimus superioribus annis ab eorû obiectionibus tutatus est, qui ipsum calidius, quàm par sit, nec propterea vsurpandû in febribus calidioribus contendebant; Croci enim, Ambre, & Moschi caliditas corrigitur, & castigatur à Citri acido, quod ex viij. simpl. tertio ordine calefacit, & exsiccat, & maxime cum tanta copia respectu illorum existat,

X x x x 2

vñ

vt eius vtar verbis : accedunt Santali, Lapilli, Corallia, semina Endiuia, Oxalidis, & Buglossa, quibus calidiorum vis facile infringitur : Sed & validam, & apodicticam rationem adducit Vir doctissimus ; in Cardiacis enim huiusmodi medicamentis, quæ terrestria recipiunt, quædam tamquam vehicula esse adhibenda calore, ac partium tenuitate prædita, quæ ad partem determinatam, vt ad cor eorum facultatem deferant, si ergo illa tria ab hoc mirabili Antidoto eximantur, proprio ferè munere destitutum exhibebitur : hoc igitur pariter accuratissimè præparatum in Museo asseruatur.



CONFECTIO etiam ALCHERMES vocata, identidem visitur affectionibus melancholicis ex atra bile mirabiliter conducens : Hanc Ioannes Mesues ex Clarissima Regum Damasci stirpe oriundus composuit, & Mauris suis, & Sarracenis ijs affectionibus sapius ex naturali temperamento conflictatis vtendam exhibuit, quos præcipuo amore, & charitate complectebatur : in Schola Cordubensi Hispaniæ, Auicennæ, & Auerrhois tempore, floruisse anno salutis M C XLIX. historicorum monumentis traditum est. Illud numquam satis mirandum apparet (ait Montanus Veronensis Vir Clarissimus in præfatione in ix. Rasis) ita claruisse bonas litteras apud Arabas, tam paruo tempore, vt quandoque ausim Græcorum ingenijs ingenia Arabum præponere si quantum Græcorum, Arabum Academies florere contigisset, numerantur enim duntaxat c liij. anni, quibus primum Rex Almanfor Bibliothecas aperuit (centum fuisse aiunt) & gymnasia destructa fuere, cum enim Arabes essent Mahumetani, à Christianis non tantum ex Hispania depulsi fuerunt, sed etiam eorum, Ciuitas Regia Maroccus, cum toto regno occupata fuit, destructa Gymnasia, quæ in Galliam, & Italiam deducta sunt, & iam fluxerunt anni quingenti, quibus floruerunt ;

Hæc

Hæc Montanus, Porro contendunt Galli vniuersitatem illam Cardubensem post Sarracenorum Medicorum ex Hispania fugam translata fuisse ad Monspeliensem Academiā, idque ex Hispanica historia comprobatum volunt. Hinc iure merito factum videtur, vt Monspelienses Medici, & Pharmacopæi optimi summam curam adhibuerim in Confectione hac Alchermes præstantissima elaboranda, & enucleanda, Ioānes Stephanus Strobelbergerus potissimum Medicus doctissimus, qui nouo tractatu de Cocco Baphica, & quæ indè paratur Confectione Alchermes recto vsu differit, & Laurentius Catelanus Seplasiarius à Monte Pessulano, quem etiam supra honoris causa nominatum volui, qui genuinum eius Confectionis apparandæ modum accuratè scripsit; horum auctorum opuscula Ienæ Typis Ioannis Beithmanni anno M D C XX. sunt impressa; quæ diligenter legenda sunt ab omnibus Medicinæ studiosis, vt Alchermes legitimam conficiendæ rationem, & eius rectum vsum teneant: Succorum enim Pomorum dulcium, & Aquæ rosarum singulorum lib. 1. & 5. Setæ libra vna per diem naturalem infunditur, & multum exprimitur, additur Succus granorum Kermes libra vna (per hæc grana intelligere Mesuë, quæ ex ipsa Ilicæ Coccifera leguntur, cuius ingens in Hispania copia, vbi confectio ista à Mesuæ tradita, non grana tinctoria, quæ ad Pimpinella radices crassas, & annosas reperiuntur, nec tincturam ex Gummi Lacca docet optime Ioannes Stephanus) Sacchari solidi libræ duæ, coctis his ad mellis spissitudinem, remotis ab igne, etiamnum calidis, adduntur Ambra crudæ minutim incisæ Drachmæ duæ, finitur, vt lique scat, deinde admiscuntur sequentia puluerata, Ligni Aloes, vel Santali citrini; Darseni, idest Cinnamonomi electissimi sing. Drachmæ sex: lapidis Lazuli vsti, & præparati, Margaritarum albarum sing. drachmæ duæ, Auri boni, Moschi sing. drachma vna, conficiatur secundū Artem: drachmæ vnus pondere per se, vel iusculo, aut vino generoso soluta sumitur, cor roborat, suauis, & bonos spi-

spiritus regenerat, syncopem, & palpitationem tollit, mirifice animum roborat, stomachum etiam confirmat, & recollat, suavi euaporatione cerebrum rigando, amicam naturę quietem, Ambari beneficio conciliat, cum Serapio de Papauere, de Nymphæa, & aqua rosarum in lecti ingressu assumpta: in difficili etiam partu decocto pulli soluta feliciter capitur, nec formidandus matricis ascensus, ob Ambri, & Moschi odorem, nam fœtus grauitas vterum deprimat, sursumque ascendere prohibet, ait doctissimus Fontanonus interim bonis illis odoribus Parturientis Vires, & spiritus iuuantur, & roborantur; Ad fœtum mortuum, molam, & secundinam expellendam maximum est remedium, si cum tantillo Croci in aqua Cinnamomi exhibeatur: Portio etiam hysterica recalcificans, & roborans sepiissime usurpata: Si quis de veneno hausto suspicatur Drach. 1. cum succo Citri, vel aqua Cardui benedicti soluta remedio est. Mortuorum vitam quadam vir doctus idcirco appellauit, quod ijs quibus in propinquo mors est auram vitalem cordis excitet, & regnat: Cautio tamen adhibenda ne in acutis morbis sumatur, in quibus immodici alui fluxus est suspicio, ob vim laxandi aliquam, quam habet; huius loci nobilissima eius pedissequa complebit Confec. de Hyacintho, quæ lapide Lazuli caret. Præterea qui continuo capitis dolore vexantur à frequenti eius vsu abstineant, atq; illæ præsentim Mulieres, quæ Antipathia naturali à Molcho abhorrent: Verum de hac Confec. hæc satis erunt; Legendi porrò prædicti Auctores, ad quorum normam, & præscriptum Musæi Alchermes parata, & concinnata est, nec enim actum agere, & alienas lucubrationes ad vnguem describere nostri est instituti.

PER-



DERTVVGATVM est Hippocratis Oraculum
 in arte medica *ώφελειν, ή μη βλάπτειν*, iuuare, vel
 non lædere, hoc potissimum sequutus doctis-
 simus, & celeberrimus Mattheolus, qui de
 suo sementem facere, quam de alieno mete-
 re maluit; è suo ergò elapidato, & ritè lati-
 ficato agro eximiū, & propè diuinum Anti-
 dotum, vel Electarium dedit, quod aduersus Venena om-
 nia tum per os assumpta, tum morfu, vel ictu inflicta, ad-
 mirandas obtinet Vires, præterea etiam aduersus pestilen-
 tiam, tum Nucis ponticæ quantitate ad præseruandos sanos
 quotidie exhibitū, tum ad iam correptos, & laborantes sa-
 nandos, si initio morbi in Cardui benedicti succo, vel aqua
 Rutæ Caprariæ stillatitia duarum drachmarum pondere pro-
 pinetur, ægrotis deindè in lecto ad sudandū collocatis bis,
 terue repetitū, nonnullis tamen interpositis horis: hoc sin-
 gulari præsidio sanatos fuisse, quā plurimos profitetur Mat-
 theolus: omnia enim ferè recipit Antidotum, quæ cordis
 vitalem facultatem, & spiritus roborant, tum desiccando,
 & abdita vi succorum malignitati, & perniciosæ qualitati,
 & putredini obsistunt, Theriacam etiam, & Mithridatium
 recipit, quæ confectioes antè omnium Antidotorum An-
 tesignanæ videbantur, nunc illius Pedissequæ factæ, tam-
 quam trigonum in Tetragono, & *διαδικτόν εν τῷ ροητικῷ*; Eius
 descriptio præcisè, & singillatim è Mattheoli Clarissimi Cō-
 mentarijs petenda, quæ omnibus legere cupientibus passim
 obuia sunt, vt enim fuit, non solum doctrina medica con-
 spicius, sed etiam miro iuuandi genus humanum desiderio
 flagrans, nihil sibi proprium, aut arcanum esse voluit, vt ex
 Triuio quodā, & ambitiosi medicelli faciunt, quos Agyr-
 tarum, Spagiricorum, & circumforaneorum morem emulari
 Capivacceus Doctor olim meus dicebat, qui arcana medi-
 camenta elato supercilio venditant, quin acriter obiurga-
 tum ab eo quendam nobilem Virum memini, qui pro asth-
 mate arcanum suum Electarium petierat. Antidotum ergo
 Mattheoli omnibus numeris, & sūma diligentia Confectum
 in

*Cōment.
 in lib. 6.
 Diosc.*

in Theſauro Calceolario ſeruari iam pridem, in confefſio eſt. Caterum, & quintam eſſentiam Theriacalem aquam, ſcilicet admirandis viribus contra Venena morſu, & ictu inflicta, præditam ex eo Ellectario, Serapio ex Citrei mali corticibus, & Aqua Vitæ ex optimo vino paratæ confectam deſcripſit Mattheolus ibid., cuius quatuor Drachmæ, cum puri vini odorati portione, vel aqua ſtillatitia Cordiali exhibentur. nec non puluerem aduerſus omnia deleteria Venena, qui tamē præſentem morbum ſolū curat, non à futuro præſeruat: Iſthæc pariter omnia in Muſæo aſſeruantur. Sed & lib. v. cap. vj. Quinta eſſentia aromatica à Mattheolo propoſita epilepticis, & præfocatis mulieribus reuocandis efficaç, & moribundis in vita retinendis ſi eius aſpergine facies irroretur. Hac ego nuper in Muſæo deguſtata, ſenſi, mihi ſtatim animales, & vitales ſpiritus recreari, & veluti viuaciores reddi; quare ſenioribus, timidis, melancholicis, qui cor, & cerebrum frigida intemperie affectum obtinent, rum lethargicis, & quodam morum veternoſo ſtupore deſixis ſingulare remedium eſſe, ſi tempore potiſſimum frigidiorē, vel temperato in modica Doſi uſurparetur, iurē exiſtimandum.



VMMA, & ſingulari beneuolentia complexum FRANCISCVM Senioreſſimum CALCEOLARIVM Virum in re herbaria maximū à Sereniſſ. VINCENTIO Mantuæ Duce Clariffimo, & Virorum excellentium in quauis Arte Mæcenate, alibi oſtendimus: Is ergo magnanimus Princeps inter cætera officia, & munera, quibus ſæpe eſt Calceolarium noſtrum proſequutus, Ellectarium pro Epilepſia, vel morbo Comitiali adimendo, & percurando Strenuum, & admirabile ipſi donauit, cuius plurima facta pericula, quæ feliciffimè ceciderunt; id igitur in Muſæo adhuc aſſeruat, nec prudentiæ, aut obſeruantie Senioris Calceolarij fuit erga tantum Ducem curioſius ſimplicia eius medicamenta perquirere, qui ſe ſatis eo ſimplici dono cohonestatum ingenuè fatebatur.

PAPYRVS



APYRVS etiam Ægyptia ex arborum Corticibus confecta, Philyra scilicet, & caracteribus Hieroglyphicis obscuris admodum, & incognitis impressa, & descripta in Musæo conspicitur: Philyra enim, & Tilia, ait doctissimus Guilandinus, non solum Arborem ita dictum denotant, verum etiam eiusdem arboris Bracteas, hoc est tenuiores membranas inter lignum, & extimum Corticem latitantes, Philyra quidam tenuissimi Corticis nomen est, Tilia verò aliquanto crassioris, quod Plinij nostratis verbis palàm esse docet lib. xvj., librorum porro materia apud veteres, non solum folia plantarum, Cortices arborum, ligna, cerata lintea, plumbum, chartæ, membranæ fuere, quæ omnia à Plinio memorie prodita, sed etiam Ebur, Sapphiri, lapides, æs, animalium intestina, librorum eburneorum, vel eboreorum meminit Vlpianus lib. xxxij. Pandectarum cap. l. quos Flavius Vopiscus in Tacito Elephantinos vocat; quidam sic dictos ridiculè putarunt ab operis amplitudine, quasi Elephantorum proceritas nominis ansam illis dedisset: docet enim Vulpianus Iureconsultus antiquus, & grauis Auctor in Phylira, ac Tilia volumina confecta, aut in aliquo corio; Corium intelligit Guilandinus, non animalium tergus, sed arborum Corticem à Tilia discrepantium: confecti enim Codices è tergo animalium iidem sunt cum membraneis, vel igitur vetustam, vel exoticam hanc Musæi Papyrus esse non iniuria conijcimus.

Cap. 14.



ARBORIS Fariniferæ Farinam, quam asseruat Musæum, mirabili naturæ, quæ DEI Opt. Max. ministra est, prouidentia, & artificio conditam esse, nemo sanæ mentis ibit inficias, ad tenuioram enim hominū sustentandam vitam, vbi tritici, & cerealium seminum non viget prouentus, in arboreæ plantæ meditullio

Y y y

can-

candidam hanc farinam natura producit, idque in Ternate Insula Aequatori proxima ad Arcticum Polum vergente, vt docet Clusius, ex testimonio Comitum Francisci Drake Equitis, qui totum Orbem circumnavigauit anno 1581. referebant Plantae truncum humani femoris aequare crassitudinem, decem verò pedum altitudinem attingere, summo fastigio in orbiculatum caput brassicae capitatae instar extuberantem, in cuius meditullio producit illam farinam, quam diligenter collectam, & inspersam modica aqua fermentari, pinxi, & in formulas quasdam coctili latere constantes immitti longa serie, atque prunis ardentibus circumquaque admotis, & super etiam impositis coqui affirmarunt: recentior coctis, & adhuc calidis panibus, vel libis illius insulae incolas vesci, vbi induruisset tepida aqua macerantes pulvis modo edere: Cum degustaret (aliquot enim attulerant) visi Clusio insipidi saporis, verum iniecto Piperis, vel Cinnamomi momento, cum Saccharo, nonnullis in delitijs esse posse: An Zagù sit descriptum à Ferdinando Lopez de Castagneda ambigit Clusius: Antonius Pigafetta Vicentinus, qui primus Orbem naue, cui insigne Victoria, circuevit, in suo Itinerario Sagù, per S, non per Z scribit. Nec incommodè censeri possit ea, de qua meminit M. Polus Venetus de Regno Fanfur agens, in quo Vastarum arborum, genus reperiri docet medullam in se continens farinaceam lignorum vetustorum Cariei persimilem, hanc in figulinum vas aqua plenum iniici, vt sordes supernatet, puraque farina subsidat, qua diligenter repugnata varia confici edilia, quae ipse sapius comedit, & nonnulla Venetias usque detulit pani hordeaceo colore, & sapore similia: illius arboris lignum ferro conferri posse, in aquam enim iniectum, fidere illicò, & mergi, directèq; (vt harundo donax) findi, Ex quo Venetorum hominum ad summa omnia procreatorum diligentia, & acumen in his etià exoticis rebus perquirendis, & explorandis intelligitur: Clusium legito, candidè

Libro 6.
Ind. hist.

Libro 3.
sui Itine-
rarij.

cap. 3.

Lector, lib. primo Exotic.

IAM



IAM verò omnium ad se oculos Musæum
 adeuntium conuertit, & rapit Vestis ex pen-
 nis variorum colorum Indicarum volucrum
 contexta, nec non capitis tegmen (seu Gale-
 rus) exijs conflatum, & consutum pennis ab
 illis Indiæ magnis Regibus vsitatum, quæ
 propter insignem raritatem, & pulchritudi-
 nem maximam omnibus oblectationem, & admirationem
 incutiunt: His præclaris muneribus hocce percelebre Mu-
 sæum donatum voluerunt Iaponenses Principes munificen-
 tissimi, Mantinus, & Michaël, qui nomine trium maximo-
 rum Regum Iaponensium, Bartholomei Omuræ, Francisci
 Bungi, & Protasij Arimæ, aliorumque eius tractus Dyna-
 starum Romam ad Christi Vicarium Gregorium XIII. ob-
 sequij exhibendi causâ missi fuerant, ij sanè Reges, cum
 CXL. millibus suis subditis Sacro Baptismi lauacro expi-
 ati illustre nomen Fidei Christianæ dederant, propterea
 debitum obsequium, & cultû summo Christi Vicario præ-
 stare æquum censebant: Legati ergò à Iaponensi amplissi-
 ma Prouincia soluentes ad Insulam primum Amacani in la-
 tere Sinensium traiecerunt, inde Malacham, mox Goam
 peruenerunt: Mare verò Indicum, & Barbaricum sinum
 percurrentes, & caput Bonæ Spei pertranseunt per Ocea-
 num Æthiopicum, & Atlanticum Vlyssiponem, anno salu-
 tis M D LXXXIV. incolumes appulerunt: & quamuis
 à multis Europæ, & Italiæ Principibus per quorû ditiones
 iter faciebant, summis honoris indicijs cohonestarentur;
 Veronæ tamen Inclyti Senatus Veneti decreto omni bene-
 uolentiæ, & honoratæ hospitalitatis genere excepti; Inter
 res Veronæ admirandas & Musæum Calceolarium auidè, &
 curiosè perlustrarunt, cui eorum æstimationis, & amoris
 illam admirabilem Vestem, & Galerum reliquerunt.
 Romæ mox è Gregorio XIII. summa animi propensione
 accepti, quo paulo post defuncto, Systo V. eandem obe-
 dientiam, & obsequium Christianæ professionis suorum Re-
 gum nomine detulerunt; Denique in Patriâ ab Italis, His-
 panis,

Yyyy 2

panis,

panis, & Lusitanis donatos, & perhonorificè excepto rediisse, constans fama est. Cum igitur ex nouo Orbe Magni Reges, & innumerabiles populi tale obsequium Apostolicæ Romanæ Sedi spontè, & promptè deferunt, non pudebit Europæos nostros, quibus olim verè pietatis lumen affulsit, quorum maiores in ea semper perstiterunt, Thraso-num quorundam, & Rhetorum impijs dogmatis, & somnijs fascinosos per summam temeritatem ab ea defecisse? Iam verò plumarum natura ex pituitoso, & humido excremento fit perindè, ac piscium squamæ, proindè facillè flecti vniri, & contexi possunt: Volatilia enim, & natalitia ex aqua facta, sicuti terrestria ex terra, docet magnus Medicus, & Philosophus Fr. Vallesius cap. primo lib. de Sacra Philosophia, vbi expendit arduam difficultatem ex illis Moses verbis in Genesi orientem, Producant Aquæ reptile, & natatile, & volatile super terram, & terra producat iumenta reptilia, & Bestias; quo pacto volatilia ex aqua potius, quàm & terra, cum maior pars auium terræ insideant, ibi nidificent, oua incubent, pullos excludant, è terra cibum capiant, & Vultures, & Accipitrum genera duriorum carnem, quam Arietes sint nacta, & omnes volucres sint terrestribus animalibus tenuiores, idèd sicciores. Vide ibidem Vallesium.



N eodem Thesauro Flabella diuersa ex Indijs allata comperiuntur, & potissimum vnum visitur ex Folio Arboris confectum exorico quodam modo, & ferè inexplicabili elaboratum puncturis varijs vndique renidens.



ALCEI etiam Indici viriles, & muliebres ex cocto Corio ad vnguem concinnati, & admirabili artificio affabrefacti, qui veluti humano ingenio picti, & penicillo delineati, & expressi, haud attentius intuentibus videantur.

IDO.

DOLA pariter Ægyptia^{rum} figurarum caracte-
ribus pariter Ægyptijs insculpta, & insignita, quæ
ab amicis Calceolari^{um} Senioris, & Junioris missa, &
donata huic Musæo, cum aliquam illorum copiam ex
ijs regionibus essent na^{ta}, quam ex ijs significationis spem
concipere possimus, satis docuit Epistola ad me scripta Cla-
rissimus Pignorius, quæ in tertia Musæi Sectione impressa,
Lectoribus est obuia.





VCERNÆ etiam fictiles è terra cocta in hoc rerum naturalium, & artefactarum Promptuario visuntur, varijs figuris, & formis effictæ, & confortatæ; Has veteres in sepulchris iuxta sua cadauera perpetuo ferè igne ardere voluisse satis liquet, & à Fortunio Liceto Viro Clarissimo, & primario Philoso-

phia Aristotelicæ Patauij Professore doctissimo, quatuor elegantissimis, & recondita eruditione, & doctrina refertis libris ostensum, qui Venetijs apud Euangelista Deuchinum Anno superiori M DC XXI. editi, & Illustrissimo, atq; Excellentissimo AVGVSTINO NANI Equiti, & Diui MARCI Procuratori dedicati: in quibus innumera problemata ex rei natura explicata, & dissoluta comperies, & plenissimè omnia demonstrata, quæ ad huiusmodi argumentum facere videntur: duplicem quippè fuisse finem ait cur positæ in sepulchris Lucernæ, vnum nobilitatis indicium; solis enim nobilibus, & opulentis eas impensas facere concessum. alterum ne anima in tumulto cum cadauere, ac cineribus manere putata, tamdiù in tenebris ageret, cui infimæ plebis homines Lucernam accendere nequeunt, leuem terram, tranquillumque aërem precabantur, floresque, & alia odora-menta tumulto imponebant, quod Iuuenalis satis declarat scribens,

*Dij maiorum umbris tenuem, & sine pondere Terram,
Spirantesq; Crocos, & in urna purpureum Ver,*

Confutatis porrò, & reiectis multis sententijs de causa perdurantis ignei luminis per tot annorum centurias in sepulchrorum lucernis, docet eruditissimus Licetus humorem illum igni contumacem vires habere æquales igni ignis efficiaciam longissimo temporis tractu resistere valentes; is humor triplici conditione præditus esse debet, vna, vt eius sit lenta, viscidaque materia, vt non tam facilè ad actuosissimam ignis naturam consumi valeat, altera est minima exhalabilitas, quæ enim facilè euaporant, in halitus ab ardente igne

igne facillè dissipantur : tertia maxima substantiæ puritas & synceritas, & homogeneitas, vt significanti vocabulo licet barbaro vtamur, cum enim, teste Aristotele, disgreget ignis Eterogenea, congreget homogenea, quæ maxime sunt homogenea diutissima ardentis vim flammæ eludunt, quod experimentis in Auro, lapide Amianto, & alijs huiusmodi, vt Adamante, comprobatur : ex aduerso omnia eterogenea, & impura corpora ignibus facillimè, & citò consumuntur : An verò huiusmodi humor his dotibus præditus in rerum naturâ modò reperiatur, quem veteribus fuisse familiarem, verisimile est Licetus versibus Magni Fracastorij nostratis videtur exprimere licet tanti Auctoris nomen suppresserit.

Quam tamen, materiam, æternum quoniam dilabitur ævum

Non semel in terris visam, sed sæpè fuisse

Ducendum est, quamquam nobis nec nomine nota

Hactenus illa fuit, quoniam longæva vetustas

Cuncta situ inuoluens & res, & nomina delet ?

Nec monumenta Patrum seri videre Nepotes.

Quibus Carminibus, atque alijs suis Vergilianam maiestatem propius suo tempore expressit Fracastorius.

Porro materiam illam, quæ flamma diutissimè seruatur finè noui pabuli adiectione arte Chymica parari posse putat Clarissimus Licetus, quæue vim resistendi æqualem actuosæ ignis facultati obtinet, ex lapide ergo Carystio, Asbesto, Amianto, Astere Samio, quem Tallz esse, ait subtilissimus Scaliger : habent ista partes elementares purissimas, homogeneas, & adedò exacta mistione inuicem vnitas, vt pars terrea humidam arctissimè retineat, ne ignis violentia euolet : Vicissim pars humida, quasi par beneficium rependens terream à combustionē tueatur ; Cardanus etiam Oleum ex metallis in folia subtilissima malleo attenuatis, vel lapillis in pollinem reductis, & in acetum destillatum immixtis parari docuit : quod sigillatim explicat Licetus : Talis liquor in Olybij Lucerna diutissimè flammam aluisse creditus, de qua inter alios Hermolaus Barbarus vetustior Auctor liber

Co-

Corollarij v. quamuis genus id laticis aquam esse velit celestem, aut potius diuinam Chymistarum *θεϊον υδωρ* à Democrito, & Mercurio Trimegisto vocatam, spiritum ex ætheris natura, & essentia rerum quinta, vnde aurum poculentum, & iactatus ille, necdum inuentus philosophorum lapis: Tum subdit doctissimus Barbarus: Hoc genus latius (vt arbitror) significat Epigramma, nuperrimè in agro Patavino, iuxta oppidulum Ateste inuentum opere lateritio, ac proindè fragili, per imprudentiamque manus rusticæ profcindentis ibi terram corrupto, cuius memoria ne pereat, verba prætenuimus.

*Plutoni sacrum munus ne attingite fures,
Ignotum est vobis hoc quod in orbe latet,
Namq; elementa graui clausit digesta labore
Vasè sub hoc modico Maximus Olybius,
Adsit fecundo custos sibi copia cornu,
Ne precium tanti depereat Laticis.*

Adiectum, & Plautinis vocibus aduersus eosdem fures Elogiū quod ibidem legi poterit, vt iam desinant rudes quidam Physici negare super annos quinquaginta illius Epigrammatis vetustatem, cum Hermolaus ab hinc centum, & amplius annos fuerit.

Cæterum quod ad Lucernas pertinet in summa docet præstantissimus Licetus frequētiore fuisse fictiles, pauciores Æneas, paucissimas verò aureas, qualem Pausanias in Æde Minervæ Athenis à Callimacho factam scripsit, & Anastasius Bibliothecarius Lucernæ ex auro purissimo xij. ellychniorum meminit. Sed à curioso lectore legendus attentè Liceti opus; in quo ad vnguem omnia planè, & exactè enucleantur, vt tanto Philosopho, & Auctori scriptis editis Clariss. maximas habere gratias politiores litteraturæ Viri debeant, quod nō exsuccis, & febriculosis narrationibus hoc argumentū tractarit, sed physicis demonstrationibus ex interiori philosophia adiectis, vt cum Scaligero paria facere ob eximiam subtilitatem, & elegantiam tempestate nostra videatur, ipse verò habet.

habeam immortales, quòd non solùm his libris de Antiquorum Lucernis reconditis, sed omnibus suis syntagmatis doctissimis me donauit, & Bibliothecam meam illustrauit.



VASA ex purissima Porcellana ad varios vsus comparata, quæ in eodem admirando Promptuario visuntur, si vidisset Scaliger, haud suam illam Martiamcoctam vsqueadeò extulisset, quamquàm putandum est vtrâque cognouisse subtilissimum Virum, & Porcellanas, & Maiorica vasa, Vtrorumque enim conficiendorum materiam, & modum docet, Exercit. cxx. & xcij. Martiacocta, cuius incrustatione figlina, quæ ex Valentius, & Maioricis fornacibus conuecta Porcellanas æmulantur, candidissima, splendentissimaque efficiuntur, sic eo Auctore teste fit, cum negligenter à Cardano res haud ignobilis prodita esset: Aluminis Catini, quod Salchali vocant quidam, Tartari vsti sing. semuncia accipitur, arenæ lucidissima, ex qua conflatur vitrum sexquuncia, mista coquuntur in fornace vsquedum in massam lapidescant, reposita seruantur, deindè sumitur plumbi pondus vnc. l. cassiteri vnc. x. quæ in fornace reuerberationis calcinentur, hæc item seorsum seruanda sunt: ex hoc posteriore calcinato trientem vnum, ex superiore materia trientes duos in aqua tere, deinde Spongia collige, atque in pelui conde, vbi voles vti, conturbato, tuaque figlina oblinito, quod si candorem, atque splendorem augere vis, eius Cassiteri, quod Angli vocant glaciale ponito vnc. xv. Cæterum Musæi veras, quæ asseruantur, Porcellanas antiquorum esse Myrrhina existimat Scaliger, ea hunc in modum fieri; ouorum putamina, & marinorum conchas Umbilicorum (Porcellanæ species horum sunt, indè & nomen) in tenuissimum redigunt pollinem, quem aqua subactum vasorum facie informant, subtusque terram condunt; centesimo anno pro perfecto effodiunt, ac venale opus habet; quod eorum vitæ superest, heredi testamento transcribunt, quotannis conficiunt,

Z z z z

atque;

atq; infodiunt, referuntq; tempora in Commentarios, ex quibus eruunt matura: Ex Prouincia China optima aduehuntur: Alij putant non vasa, sed materię condi massam, qua extracta confiant vasa; Hęc Scaliger, qui mox subdit: Horum pretia cum & opes, & patientiam, postremo etiam fidem excederent, nouo ingenio tam bellè imitari sunt in Insulis Maioricis, vt sæpè difficilè iudicatu sit vtra vera, vtraue adulterina, profectò nec forma, nec specie, nec nitore cedunt, aliquando etiam superant elegantia. In Italia nunc audio tam perfecta venire, vt cuius Calistero, quod ibi vocatur Peltrum, anteferantur, ea corrupta vna litera à Balearibus, vbi dicuntur excellentissima fieri, Maiolica nominantur, hęc ille; quibus verbis, & encomijs ad illam Martia coctam alludere videtur. Quatuor miracula Porcellanis attribui docet Scaliger, Picturas, quæ vix apparēt, si luci obieceris emergere visui luculenter, aciem spacia reliqua transmittere, deindè quantum iusculi intus occuparunt, tantum calefieri, vicinas partes non calefcere; Tertia vis ex duabus callidis frustulis sæpè ignem excuti; Quarta ex superstitione, atq; impostura Mercatorum, negant veneno posse infici, disrumpi enim,



ETVLÆ etiam illius, vel Annis effigies segmentata operis tessellati veteris hominū ad se intuitum, & admirationem conuertit, quæ inter Promptuarij Calceolarij exotica conspicitur; nec minus statuar, & simulachra complura Ænea Artificum præstantissimorum cura, atq; ingenio elaborata, quæ ad exornandum hocce Musæum sunt comparata; quemadmodum & natiua, genuinaque corporum pulchritudo magis elucet, & emicat, si vestium, & aliorum ornamentorum decore cohonestentur.

NEC



EC indiſtam Bibliothecam CALCEOLARIAM præterire debeo, quæ libris abundè inſtr-
 cta ad Muſæum pertinentibus tùm veterum,
 tùm recentiorum Auctorum latinè, & Italicè
 Scriptorum, qui rem Botanicam illuſtrarunt,
 & Seniore CALCEOLARIUM ad cælum effe-
 runt, quod ipſe prior cum Clariffimo Mat-
 theolo rem herbariam intermortuam, vel barbarorum ceno
 & ſqualorum obſitam, atque obrutam rediuiuam Italiae,
 atque adeò Europæ oſtenderint: Codices multi in ea re-
 periuntur, qui herbarum Icones, & ex viuo ductas, & ex-
 preſſas effigies præferunt, quas præcellentes Pictores deli-
 neaſſe inconfefſo eſt Ligotium, Marcoleonem, Carottum,
 qui præter Felicem Brugiaſorzium, Farinatum, atque alios
 pingendi artificio mirabili cõmunem Patriam Veronenſem
 cohoneſtarunt; Hæc volumina in locupletando Muſæo in-
 defeſſus, & rerum eximiarum curioſus, atque auidus CAL-
 CEOLARIUS Iunior multo ære impenſo ſibi comparanda du-
 xit, vt ad præſentium, & poſteriorum uſum adſeruarentur,
 & diſponerentur: nam ſimul, ac ſcire, & ſapere natum eſt;
 Scitè, ait Lipſius, mox etiam ſcribere, & iſtud eſſe, cum fru-
 ctu non potuit, niſi libris per forulos, & pluteos collocatis
 Bibliotheca inſtrueretur; Priuatorum primum ea cura,
 poſtmodum Reges, & Dynaſtæ uſurparunt, non in uſum
 ſolum, ſed ambitionem, & ſplendorem: Res Ægypti Oſy-
 manduas inter Reges primus Sacram Bibliothecam ſtruxit,
 & in eius fronte præſcripſit *Λυχὺς ἱατρῶν* ANIMI MEDICA
 OFFICINA: ita Siculus Diodorus. Quid enim aliud Bi-
 bliotheca? niſi aduerſus fortunæ tela, anxias curas, & pra-
 uorum hominum inſidias, & maledicta Antidotum, & Ale-
 xipharmacum præſtantiffimum, & iucundiſſimum: librorum
 enim optimorum lectione, quibus vel ad contemplationem
 rerum præclariffimarum, vel ad actionem, & ſedandas ani-
 mi perturbationes excitamur, nihil ritè educato ingenio
 contingere in vita fructuoſius, nihil iucundius, aut honeſtius
 poteſt: dummodo Philomuso illi ab Auſonio ſatis deriſo

Zzzz 2 ſimiles

similes non sumus, qui vni ostentationi, atque ambitioni inseruiens se librorum multitudine apud ignarum vulgus, pro magno litteratore venditare non desinebat, de quo sic Aufonius,

Emptis quòd libris tibi Bibliotheca referta est,

Doctum, & Grammaticum te Philomusæ putas,

Hoc genere, & chordas, & plectra, & barbita conde,

Mercator hodiè, cras Citharedus eris.

Huiusmodi Bibliothecarum decus in Veneta D. Marci viget, ex duorum doctissimorum, & amplissimorum Cardinalium Bessarionis, & Bembi Bibliothecis conflata, ut hinc facile intelligamus, præter Iustitiæ, Pietatis, & regendorum populorum studium, bonis etiam litteris, & disciplinis iuvandis, & amplificandis excubare Venetorum Heroicam industriam, cum etiam ad Academiam Patauinam præstantiores totius Europæ Viros in quavis professione accersere, & magnis propositis stipendijs allicere, iuxta maximorum Principum morem non dubitent; Vaticana etiam Bibliotheca, Medicea, & Vrbinatium Ducis celebrantur in Italia; Augustana etiam, cuius mihi frequentem mentionem fecit Clarissimus Marcus Velserus. Sed omnium instructissima fuerat, Patauij cum ego degerem abhinc XL. annis, Io. Vicentij Pinelli Viri optimi, & nobilissimi, quæ omnium librorum genere instructa, omnibus discere aliquid in quavis arte liberali, & scientia cupientibus fuit obuia, huiusmodi enim existimo esse mirificum, & singularem Bibliothecarum fructum. Cæterum & conspicienda Veronæ fuit Federici Ceruti Viri eruditi, & percelebris Bibliotheca, Alberti etiam Lauezolæ Equitis Perillustri, qui eam testamento reliquit nobilissimæ Academiæ Philarmonicæ, cuius Parens, & benemeritus Moderator fuerat: Visenda etiam, & prædicanda, quam Comes Marcus à Veritate instruxerat Vir generis claritate, doctrina, atque humanitate præstantissimus, & Compater meus, qui Proxeneta Flaminio Burghetto affini meo me abhinc xxxiv. annos in eandem

Aca-

Academiam cooptandum censuit iniuncto munere prælegendi publicè Symposium Platonis, Ethicem Aristotelis, & Meteora . quo per XIII. annos pro virili sedulo perfundus, nunc sexagenarius alios mores, alia instituta necessario sequor . Verum & nobilissimi, & doctissimi Canonici, Rodolphus, & Pindemontius præclara, & selecta librorum suppellectile congestas Bibliothecas reliquerunt : Pindemontia peculiariter Clericis Regularibus (Theatinos vocant) Viris optimis, & integerrimis relicta; nec spernendę Monthesauri, Valdanei, Iulij Medicorum ex Collegio nro Bibliothecę; Iulij Bibliotheca Claudius Iulij nobilis, & doctrina Hippocratica ex cultus Medicus Compater meus, Senioris Iulij Hares potitus, quam optimo librorum genere, & selectiorum locupletare non desinit . Idem præstat Bernardus Bruschi Lateranensis Canonicus præcellenti virtute, doctrina, & humanitate Vir meorum amicorum antesignanus, qui pro tempore meum Musæum (quæ eius est liberalitas) pluribus curiosis libellis donatum voluit, ut faciliè intelligatur Veronenses meos omni genere laudum floruisse, atque adedò florere, armorum, litterarum, pietatis: quę tres sunt professiones, & communi vitæ vtilis, & necessaria, & ingenuo, & nobili animo dignissimæ: Cæterum & qui adhuc in viuis agunt libros optimos conquirunt, & in pluteos, & armaria disponunt ab erudita posteritate meritis inituri gratias; Adiutus enim & ipse in hocce Musæo describendo amicorum candidorum, & eruditorum humanitate, qui singulares quosdam libros, vel domum meam spontè mittentes satis amplum specimen bonæ mentis, atque ingenuæ liberalitatis prætulerunt: nec egena omnino, aut exilis nostra Bibliotheca, quinimodò amplissima librorum vtriusq; Philosophiæ Platoniciæ, & Peripateticæ Medicinæ, Græcæ, & Arabicæ, & politiorum litterarum (tùm etiam Sacrarum, Græcorum, & Latinorum suppellectile) est exornata, quorum maior pars (absit dicto invidia) à Viris amicis doctrinæ gloria conspicuis, vel ab ipsismet librorum Auctoribus donata, quibus optime cognitum erat meum semper aliquid per-

perdiscendi studium, & desiderium. Quine perspectis, quas pridem euulgaueram, questionibus Physicis Collegio nostro inscriptis, atque alijs Medicis, & Philosophicis opusculis, Apologia potissimum pro admirabili Fracastorij nostri Syphilide, in meam se amicitiam insinuare, haud infimæ laudis loco ducebant: Tales in Italia complures fuere, ijque doctiores; in Germania, in Belgio, Grillus, Velserus, Lipsius, Puteanus, Guarinus, Asteus, Aresius Clarissimi Præsules, Septalius, Imperialis, alij multi, quorum nominibus pareo, ne ambitioso amicorum Catalogo Lectori obstrepam: quibus innotescere, & probari summam felicitatis prærogatiuam semper duxi. In perlustrandis sedulè Veterum Auctorum libris libentius semper institi, cui enim sic obbruit palatum ad saporem vetustatis, ut nouella hæc è Pegmate nouatorum scoria, ac putentes sub stillicidio Canaliculorum Euripos (ut Viri docti verbis utar) purissimis Veterum, & ad stuporem omnis ætatis litteratorum aureis fontibus, conferre audeat? Sed nec recentiorum Auctorum sua laude defraudanda industria, quinimodò eorum omnes lucubrationes, quæ ad mea studia faciunt, accuratè perlegi, & indè multa in mea aduersaria, & exotericos Commentarios rettuli, idque cū honorifica eorum præfatione, nec enim in me vnquam candorem, & syncerum in viros eruditos obsequium desiderari sum passus: quamuis alioquin nullus sit tam malus liber, ut quidam ait, ex quo aliquid boni percipi, atque hauriri non possit: qui tristem, & impexam antiquitatem sectantur (inquit Famianus Strada Romanus in suis elegantissimis Prolusionibus, an serijs velitationibus litterarum?) nihil afferunt vendibile in vulgus, nec merces huiusmodi extruduntur apud eos, quibus venale nihil est, nisi ad hastam, præconiumque voluptatis expositum, nisi aliquo tinctum lepore, ac illecebra suauitatis delinitum. Illud porro ingenuè profiteri ausim apud viros eruditos, & morum eximio candore subnixos (infrunitos enim, & aulicis artificijs deprauatos, qui plus in fronte, quam in recessu præseferunt, nihil moror) nullum mihi librum ad ostentatio-

tationem coëptum, nullum otiosè in meo Musæo asseruatū; omnes vel integrè à me perlectos, vel magna ex parte perlustratos, marginalibus etiam annotatiunculis, & glossematis vel ad subsidium memoriæ, qua nil ingrauescente ætate labilius, vel ad clariorem Auctorum lucem exaratos: scitū id egregium præ oculis habui, *ἡ πολλὰ, ἀλλὰ χρῆσιμα πρὸς σοφίαν.* Non qui multa, sed qui vtilia nouit, sapit, & *ἀκρον λαβεῖν καὶ μέσον ἔχει.* Summum cape, & medium habebis: in Phædro diuinè Plato, cuius *γνώμην* omnibus verè litteratis in promptu esse opto, *ἐπιχειρῶν τοῖς τοῖς καλοῖς, καλὸν, καὶ παθεῖν ὅτι αὐτῷ συμβῆ* *παθεῖν*; omnibus animi viribus aggredi optima præclarum est, tum constanter tolerare, quæcumq; perpeti contigerit, cui præcepto Christianæ pietati consentaneo, quiuis sanamente præditus ingenij, & voluntatis submittat fascēs. quod si præsens ætas studia nostra contemnet non diffidimus ab erudita posteritate candidioris iudicij calculum ijs additum iri. Straboni libenter assentior, qui primum, quos nouit, Aristotelem librorum collectorem facit, & Reges in Ægypto docuisse Bibliothecæ structuram, quamquā hoc tantum exemplo docuisse velit Lipsius, quoniam auo anterior docere Philadelphum non potuerit: Sed de Bibliothecis præclarum Lipsij Syntagma perlegendum, à quo rationem, vsum, finem librorum colligendorum vnusquisque commodè percipiat, tum etiam Clarissimi Guilandini Papyrus, qui quæstiones aliquot de Bibliothecarum structuribus solidè discutit.



VLAM maiorem prærogatiuam humanæ vitæ, aut maius felicitatis specimen cū vetere illo sapiente Plinio Ciue nostro existimo, quam vnumquemque scire cupere, qualis aliquando fuerit aliquis, Pictura quippè corpus exprimit, quod expressum animorum etiam quosdam motus, & affectiones saltem sub nube potest indicare; Hinc Illustrium Virorum Paleotti, Vel-

Velferi, Pinelli, aliorum consilium probare non possum, qui se pictura exprimi viuentes dedita opera vetuerunt, quasi id vanitati ingenij, atque ambitioni adscribi deberet, cum tamen Socrates, qui hoc vnum scire dixit, quod nihil sciret, cum se in Bibliotheca magni amici, & discipuli positum cerneret, cur egro (inquit) in Bibliotheca ponor, cum nihil scripserim, cui responsum, licet tu nihil scripseris, quid tamen alij scriberent, tu affatim, & plenè suppeditasti. Musæo ergò CALCEOLARIO proximum est Atrium celeberrimorum Medicorum, Physicorum, & Botanicorum, tum historicorum imaginibus exornatum, qui Senioris Calceolarij in suis scriptis perhonorificam mentionem fecere; Horum nomina breuissimo compendio adscribenda censui, vt quorum Virorum amicitia, & cultu floruerit Senior noster Calceolarius vnicuiq; facile constare possit: Prima tempore, & coniunctione arctioris beneuolentiæ est, Petri Andreae Mattheoli Viri Clariss. imago, cuius nomen, & virtus in hoc Musæo toties decantata, totius orbis angulos, clarasq; imprimis Vrbes, & Academias, vel frendente quorundā inuidia, peruasit, qui detrahendo magnus Viris, quod eminet, se ijs pares hoc pacto saltē reddere satagunt. Ferdinandi Mattheoli eius filii Medici Comitis Palatini Equitis, & Cæsareæ Maiestatis à Consilijs qui nunc paternæ virtutis æmulus summa cum laude, & nominis celebritate Augustæ Vindelicorum degit. Bartholomæi Maranthæ Venusini, qui Methodum cognoscendi simplicia in lucem edidit, opus doctum meherclè, & iudicij exactissimi plenum. Valerij Cordi, qui Antidotarium Medicum, atque alias fructuosas lucubrationes scripsit. Vlyssis Aldrouandi Bononiensis, qui immensis laboribus luculentas tractationes de Auibus, Quadrupedibus, Natatilibus, atque alijs huiusmodi euulgauit, quibus superiorum scriptorum industriam, & diligentiam facile vicit, & penitus obscurauit. Antonij Pasini Salodiensis, qui Hippocratem de Aëre, aquis, & locis emendauit, & verè lectioni restitutum voluit. Hieronymi Brixiani optimi Medici, & huiusmodi rerum studiosissimi. Andreae Vessallij summi

Anato-

Anatomici, & Caroli V. Imperatoris Medici intimi, cum quo summa Seniori CALCEOLARIO intercessit necessitudo ob eximiam Rei herbariae peritiam. Io. Baptiste Oliui Medici præcellentissimi, qui Nomenclatorem Musæi Calceolarij olim breui narratione conscripsit priusquam tot exoticis rebus locupletaretur. Prosperi Borgoruccij Medici summi, qui Reginae Galliae Serenissimæ medicinam fecit, multisq; suorum operum locis Franciscum Seniore Calceolarium perhonorifica mentione cohonestatum voluit. Christophori Guarinonij ex Collegio Veronensi Medici, & Philosophi clarissimi, qui Iunior Urbini Duci à Consilijs Valentudinis inseruiuit, mox in Patria Medicinam faciens, & scribens multa opera Philosophica, & Consultationes præsertim Medicas, à Rodulpho II. Imperatore Maximo accersitus illi opere medico inseruiens, & eius gratia valdè florens extremum Præge clausit diem: huius extat euulgata Epistola de Gummatis, & Cancris ad Seniore Calceolarium in libro Consultationū Medicarum. Francisci Alexandri Vercellensis, Viri doctissimi, ac percelebris, qui commune simplicium studium cum Seniore Calceolario communicabar. Io. Baptiste Susij Mantuani Viri percelebris, quæ multa solide, & eruditè scripsit, & potissimum de Venæ sectione, cuius aureum libellum præ manibus habent Cordatiores Medici, tum luculentas de Peste tractationes. Antonij Caprianæ Mantuani Viri optimi, & doctissimi, qui Tridentino Concilio consilijs Medicis interfuit. Fratris Aleandri Alberti Bononiensis Historici, ac Cosmographi suæ ætatis celeberrimi, quod libri editi, & toties impressi, satis declarant; huic imprimis carus Calceolarius fuit, ob celebre Simplicium studium, & multarum egregiarum rerum notitiam, dignum idcirco censuit, quem in suis operibus summa cum honoris præfatione nominaret. Castoris Duranthis Medici Romani, qui Camillæ Perettæ Sixti Quinti sorori Medicinam fecit, & Thesaurum sanitatis scripsit celebrem, & perutilem Libellum omnium manibus, atque oculis conterendum, præter alia à tali Viri immortalitati

consecrata. Andrea Baccij Medici Romani percelebris, qui de Vinorum natura, & Therimarum præclara volumina in lucem edidit. Leonardi Fiorauanti optimi rerum naturalium, & Chymicarum exploratoris qui nonnulla etiã non aspernanda scripsit. Gasparis Vlpj Tigurini Physici, & Botanici non vulgaris. Ioachimi Camerarij Viri doctissimi, qui libros de Symbolis terrestrium quadrupedum, volatilium, natatiliu, & herbaru pro Emblématis, & insignibus Academicis conficiendis (Impresas Itali vocamus) valde accommodatos edidit. Remberti Dodonæi Medici Mechliniensis doctissimi, de quo Elogium extat percelebris Guilandini in suo Papyro; Vir huius memoriæ eruditissimus, & ad stirpiu cognitionem non illustrandam solum, sed absoluendam natus, factus, institutus: hic in perleganti libello De floribus, & corollis: perhonestam Calceolarij Senioris mentionem fecit exacti iudicij tanti Viri, non solum amoris indicem. Pauli etiam Mapelli Medici Bergomensis eruditissimi, qui in sua Pharmacopœa ad vnguem elaborata, & expolita eiusdem Calceolarij nomen, tamquã Viri omni exceptione maioris, haud sibi prætermittendum censuit. Omniboni Ferrarij Medici Ripensis, qui vt se magnorum Virorum amicitia florere præferret eundem Calceolarium nostrum in nonnullis suis opusculis perhonorifica nominis mentione cohonestatum voluit.

Istæ igitur eorum Virorum celeberrimorum effigies, qui in suis scriptis, & lucubrationibus Calceolarij Senioris honestissimam mentionem fecerunt, tamquam illius, qui rem Botanicam ferè intermortuam, suo tempore in vitam reuocauerat.

Præter istas adsunt & aliorum Classicorum Virorum picturæ Hieronymi Fracastorij Veronensis Viri Virgiliana Poësi, Mathesi, Philosophia, & Medicina summum in Europa nomen adepti: Io. Baptistæ Montani Medici maximi: Dominici Monthesauri; Gerardi Bolderij; Pauli Dionysij; Petri Landi; Antonij Fumanelli; Ludouici Lazij; Ludouici Fumanelli; Hieronymi Iulij; Io. Antonij Turci Socce-

Soceri mei; Nicolai Maroneæ, qui ex Collegio nostro Medici Illustres fuere, de quorum iam defunctorum eximia laude in illustranda Arte Medica, & bonis litteris iuuandis copiosius scripsi in meo libello de Collegio Veronensi, qui propediam, Deo fauente, euulgabitur. Viderant optimi isti ex Collegio Veronensi Medici, quod in Clitophonte docuerat Diuinus Plato, Artem scilicet esse, quæ Medica dicitur; præstantissimam, huius esse *διὰ τὰ ἀποτελέμια*, duplicia videlicet effecta: Vnum Medicos ad eos, qui prius sunt, alios semper efficere *ἵεσθαι ἐξ ἀρχῆς, το δὲ ὑγιαίνειν*, alterum scilicet sanitatem: At Medici effici omnibus numeris absoluti nequeunt, nisi & praxi medica exerceantur, & acerrimo examini subijciantur, quod Patriæ legibus municipalibus, & Collegij nostri Decretis olim sancitum semper ab æquis rerum æstimatoribus laudabile, & fructuosum institutum iudicatum est: ita enim & ingeniorum ad Medicina habilium certius, & exploratius periculum fit, & calcar, stimulusq; Iuuenibus subditur, vt se totos, relictis ludicris, & inanibus curis, studijs Medicis Theoreticis, & Practicis dedant, vt, quā artem sibi exercendam in vita proposuerint, in ea velint potius excellere, quàm triuiuali moneta cudi: idq; publici boni in amplissima, & nobili ciuitate ratione diligēter habita. Nec indictū præteribo Io. Bapt. Ponæ Ioānis Fratris, viuis coloribus expressā imaginē, qui Poësi Latina, & Etrusca, Philosophiæ Platonica, & Peripatetica notitia, medica praxi nemini sua ætate fuit secundus, quāuis immaturo fato vix dum XXXII. annum agens fuerit præreptus. Nec Ioannis Obendoferi Vratislauiensis Viri doctissimi, Ferrantis Imperati Pharmacopæi Neapolitani percelebris, cuius locupletissimam Musæi sui descriptionem, non sine summo fructu, & animi voluptate legimus. Ceterū nec Hieronymi à Veritate natalium claritate conspicui, sed magis virtute, & doctrina præcellentis imago deest, qui stylo graui etrusco multas morales Odas exarauit, quamuis publicam lucem exarata non vident. Hunc magni Fracastorij indiuiduum Comitem tantifecit Areostus Italicus Homerus, vt suum.

Poëma eius Iudicio snbijciendum censuerit. Nec Valerij
 Palermi, Polycarpi Palermicius Nepotis Iurisconsulti eru-
 ditissimi, & Historici imprimis rerum Veronensium accura-
 tissimi, qui de vera Patria C. Plinij opus eximium conscri-
 psit, verumque, & legitimum Ciuem nostratem Patriæ suæ
 asseruit, aliena iniuria an iniquitate dixerim? creptum.
 Francisci Polæ Iurisconsulti Poetæ, & rerum antiquarum
 scientissimi, & consultissimi, qui etiam Elogio pereleganti
 nomen, & virtutem Calceolarij Senioris est prosequutus:
 Nec Alexandri, & Gregorij eius Nepotis Comitum Beui-
 laquarum Illustrissima, & perantiqua Familię Stirpe oriun-
 dorum imagines in hoc Atrio, & Propylæo Promptuarij
 Medici desunt, cum qua nobilissima Domo, cum Seniori
 Calceolario summa semper intercessit beneuolentia, & ar-
 dens obsequium, quo omni tempore, & in varijs ægritudi-
 num, & morborum necessitatibus ipsi inseruiuit, atq; adeo
 in præsentia etiam inseruit Calceolaris Iunior, cuius rei
 testis oculatus esse possum, cum ipse etiam ordinarij Medi-
 ci munere fungar in ei amplissimæ Familiæ medicina fa-
 cienda: Nec Io. Matthei Giberti Episcopi Veronenses,
 optimi, & maximi, aut Cardinalis amplissimi, & doctissimi
 AVEGVSTINI VALERII, cui Veronæ commoranti ego à Consi-
 lijs Valetudinis per multos annos cū Clarissimo Fumanello
 inseruiebam, Imagines hîc desiderantur: tum aliorum etiã
 minùs celebrium, sed qui Calceolarios aut amicitia, aut
 affinitatis iure plurimum attingebant: Iam verò inter
 summas vitæ huius fœlicitates, & ingenuo viro dignas vo-
 luptates ea profectò enumeranda, quod sæpissimè ad Cal-
 ceolarium Seniore ventitabant Medici, & Botanici Illu-
 stres, vt ipsum de facie noscentes animum suum Viri senis
 natia viuacitate, & hospitali hylaritate explerent: numq;
 accedentes, quin doctiores in re herbaria, vel certiori rerū,
 & genuina notitia imbuti abirent; Eiusmodi fœlicitatem
 olim pariter natum ferunt Adamum Fumam Canoni-
 cum nostrum, cui parem nostra ætas in literis Græcis, &
 Latinis, soluta nempe, & adstrictis numeris oratione (pace
 omnium

omnium dicam) nullum tulit: Is à Gallo Equite amplissimo, cui de nomine cognitus fuerat, cum ipsum inuideret Veronæ, gemma annuli pretiosissima donatus cum eo eloquio fuit, nullius manus digito conuenire aptius eam gemmā, quàm Fumani, qui S. Basilium è Græco verterat, tum alijs scriptis illustre passim eruditionis specimen, dederat; denique conscribenda Dialectica Lucretiano Carmine elegantissimo, & suauissimo, vt in doctrina aspera, & strigosa, qualis est Logicæ facultas: cuius manu Auctoris scriptum Antographum à magnis fortunæ ludibrijs redimendi Auctor Academiæ Philarmonicæ fui, quæ vt liberaliter redemit, ita non diffido futurū, quia ipsa pro suo eximio splendore, & in bonas litteras amore Typis excusum sit tandem aliquando totius Europæ litteratis communicatura, qui rem nouam, & hætenus inauditam, nec aggressu, aut absoluto facilem, dum audiunt iam confectam, admirantur, & audissimè præstolantur. Verùm hæc parerga, quamuis ipsa re proposita non iniucundiora. Inter alios igitur, qui ad Seniore Calceolarium ventitarunt, Michaël Mercatus Medicus Romanus magni nominis Baldum Montem stirpium productione percelebrem, & passim decantatum, cum perlustrasset Ripulam ad eiusdem Montis radices sitam statim aduolauit, vt Calceolarij optimi Senis conspectu, & complexu oculos, & eruditam mentem recrearet: cumque ille rei metallicæ, & Botanicæ, tum etiam Chymicæ esset experimentis etiam multis factis peritissimus, hisce de rebus inito cum Calceolario colloquio, de multis se certiorum factum candidè mox est professus, quæ prius, nec à librorum lectione, nec ab alijs acceperat, tanti refert, quod Vates ille scitè docuit,

Consule, queis Ætas longa magistra fuit.

Verum enim uerò fatali quadam veluti necessitate, vt expeditius animum à dolore, & cogitatione abduceret à Ciuium suorum se oculis subduxit Senior hic noster Calceolarius, & in Ripulæ se secessum abdidit, cum duos nimirum ornatissimi-

tissimos filios, & paternæ virtutis imitatores prematuro facto subreptos amisisset, Horatium, atque Angelum: Hic peculiariter sub tanti Parentis auspicijs, & sedula cura educatus, paternisq; proinde insistens vestigijs, magnum in re Botanica sibi nomen comparauerat: cum ecce tibi aliene salutis nimium audus dum simplicia, quedam medicamenta montē Baldum pererrans conquirit, infelici lapsu fractus, & debilitatus intra paruorum dierum spacium vitam cū morte commutauit, idq; vix annum xxviii. natus, quam sanè improuisam calamitatem, summum, & inconsolabilem mœrorem Patri, affinibus, amicis vniuersæ Vrbi attulisse, probè memoria tenco.

Huius ornatissimi Viri FRANCISCVS Iunior filius fuit tenella, admodum ætate, cū ANGELVM parentem amisit, nunc grandior, & maturior factus in Aui, & Patris virtutem, & laudem excitatus, atque adeò inflammatus, dies, noctesq; indefesso animi studio, & moderatione non desinit, & de hocce Musæo, cuius ampla ad ipsum peruenit hæreditas, locupletando, augendo, & ornando cogitare, & mox re ipsa, quod cogitatum est, præstare, nullis impensis parcendo, dummodo ex remotissimis etiam regionibus exotica peregrina, & rariora metallica, gemmæ, lapilli, radices, herbæ, fructus, gummata, animalia quæ uis sibi comparet, & in amplissimo hoc suo Promptuario omnibus visenda, & exploranda proponat: quemadmodum satis mihi persuadeo, si denuò excudetur Musæum, magnam huiusmodi rerum accessionem, & cumulum adiectum iri, ut candidiores, & similes eruditiores Physici ^{χρηστες} ab Aristotele nuncupati habeant, vnde & oculos, & ingenium alant, & abundè oblectent.

CVM iam Deo auspice, & Deiparæ Virginis Beatissimæ præsidio, quam verè aduocatam apud Filium suum Dominum, nostrum mundus Christianus ex auitæ Pietatis more semper inuocauit ad describendi Musæi Calceolarij calcem peruenerim, age colophonei imponatur aliqua breui descriptione tum physica, tum morali, ut Lector superiorum descri-

descriptionum tēdio fortē delassatus veluti palatum mentis
 exacuat, & excitet ad hauriendam doctrinam aliquam non
 ieiunæ criticæ, sed informandis moribus, & ignorantia re-
 nebris abstergendis consentaneam : Mundum omnem su-
 percelestem, celestem, & sublunarem mirabili ordinis ratio-
 ne, & magisterio constare apud sapientes in confesso est :
 proindē Aristoteles philosophorum maximus mundum de-
 finiēns *καὶ* appellauit, quod & Plato in Timæo innuit, nec
 aliud sentire visus Homerus aurea illa Catena, qua è sum-
 mo cœlo ad imam terram demissa, Dij, Deæq; omni adhi-
 bito conatu Iouem è cœlo detrahere nequirent, cum è con-
 trario ipse non solum Deos, sed terram mare, & reliqua,
 omnia ad se pertrahere, & è cœlo suspendere facillimè pos-
 set ; qua, fīctione solidam Philosophiam expressit maximus
 Vatum : summam scilicet Dei esse potestatem, omniaq;ue
 apto ordine, & nexu inter se esse distributa, ac collocata,
 quemadmodum in Cathenæ annulis nihil inuersum, nihil
 præposterè locatum, hinc aptissima similitudine docuit Phi-
 losophus rerum species, tamquam numeros quosdam pro-
 ducta, & ordinata serie se mutuo consequi ; Verum is est
 Diuinæ Prouidentia, & naturæ eius ministræ mos non su-
 bitò à toto genere ad totum genus, sed per medium, quod
 vtriusq; extremi est particeps, & *ἀμφοτερίζον* dictum pertran-
 sire : hoc pacto Corallium, de quo in exordio Musæi actū,
 inter lapidem, & plantam medium est *λίθον δένδρον*, idcirco à
 Græcis vocatum, solum enim nutritur, atq;ue augetur, nul-
 lum fructum, ac semen gignit, nec à brutis animalibus ad
 rationis compos animal transilit sinè medio, perfectioribus
 enim animalibus, non solum affectus humani, & morum
 vestigia ex Aristotelis testimonio conueniunt, sed Discipli-
 na, & intelligentia, quam *τὴν τῆς διανοίας ἀρίστην* vocat, quod
 profectò non sine admiratione prætereundum videtur,
λέγον ἰδιώτην Galenus vocauit, internam scilicet rationem.
 quamuis Porphyrius etiam *λέγον προσορικόν* ipsis inesse velit,
 nec mirum videri debere, si earum sermonem nemo perci-
 piat, cum nec Persarum, nec Scytharum Idioma Græci
 intel-

Lib. 7.
 Metaph.

intelligent. Inter hominem igitur, & belluas genus interest, quod cum utroque affinitate quadam præditum videtur, qualia sunt Simiarum genera, Cercopitheci, Cynocéphali, Sphinges, Satyri, Cynoprofopi, Manticoræ, Crocutæ, barba, coma, facie, gestu, & sermone homines ad vitium ferè imitantes. Hominem porro medium ponunt inter superiores mentes à corporis concreione seiunctas, & inferiores formas, & species: Ex hac Hypothesi percelebris Philosophus, qui à multis solidi, & acuti Iudicii Peripateticus est habitus lib. de natural. effectuum causis existimavit, non solum herbas, fructus, radices, lapillos, quos in Musæo descripsimus, medica virtute pollere, sed homines etiam reperiri, qui ex proprietate nature sanandi vi præditi essent, idque efficere, vel evidenti alteratione, vel vapore ad ægrotantem partem transmissio; Homo enim & superiorum virtutum, & inferiorum particeps ab ipso putatur; quocirca sine medicamentis, & opè medica omnes morbos à varijs hominibus huiusmodi sanandi proprietate præditis posse curari, quod sanè Somnium Aristotelis doctrinæ è diametro repugnat, cuius tamen ipse se præcipuum sectatorem, & interpretem profitetur: Cum enim amicus suus Medicus duos pueros curandos suscepisset, quorum unus Erysipelate laborabat, alter in ignem ceciderat, superuenisse quemdam scribit, qui solis verbis, & carminibus ipsos liberavit, addidit & alium, cui ferrum infixum fuerat nulla arte medica euellendum ab eodem ipsdem immurmuratis Carminibus euulsum, addit & alia mira quorum omnium rationem ab Auctore Viro illius ætatis eruditissimo quæsiuit amicus, dein quid ad hoc verisimiliter Peripatetici dicerent: Tum is inter multas Hypotheses, quas responsionibus præstruit afferendis illam etiam profert: omnes lapidum, & herbarum vires, & proprietates in tota specie humana inesse, quoniam media, & inter æterna, & caduca, non solum per exclusionem extremorum, sed & per participationem. Hinc conficiat quis totam speciem humanam esse, Musæum spirans, & deambulans omnigenis aliarum

aliarum rerum viribus insignitum, cum autem Deus, & Natura nihil frustra, aut superuacuum efficiant consequitur alterutrum ex his Musæis esse superuacaneum, aut inanimatum, aut spirans; licet enim serio ioco Hypothesim conuelleret: Alia etiam Hypothesis è Scholis Aristotelis explodenda speciem perceptam rei sensilis licet essentiam spiritalem obtineat; reipsa tamen (realiter vocant Scholastici Philosophi) producere rem, cuius est species, si agens fuerit potens, & passum, vel materia benè disposita, ita olim censuit Auicennas, intellectui benè disposito, & à materia eleuato omnia materiata corpora obedire, quare pluuias, grandines, & alia ab humana anima effici posse: Illam suppositionem probat Auctor noster, quoniam Ideæ sunt in Deo, intelligentijs, & in anima inferiori: sicuti ergo Duæ illæ causæ per Ideas producunt; Deus sine instrumento: intelligentiæ corporum cœlestium ope, ita mens nostra per ideam, quæ est species rei perceptæ rem exterius producet secundum esse reale (ignoscant mihi elegantiores critici) spiritu, & sanguine tamquam instrumentis adiuta, cum præsertim passum optime fuerit dispositum: his adnectitur alia eiusdem Hypothesis, quamuis per species in anima positas fiant in ipsomet homine tam mirabiles effectus, tamen possunt, & in corpus exterius positum effici, quoniam & intus, & extra consimilis erit dispositio, quia & exterius corpus magis erit dispositum, & agens (ait) sufficiens dominium habebit: An ne videntur isthæc doctrinam Aristotelis sapere? ad quam ille auctor semper prouocat: nec tamen defuerunt Alexandræi Philosophi, & Medici, qui hæc tamquam admiranda scientiarum arcana, & Eleusinæ Deæ secretum plebeis Peripateticis non euulgandum putarunt, usque adeo rei nouitas, & ingeniorum curiosa cupiditas repugnandi decreto de Dæmonum vi, & artificijs superciliosos hos Philosophos occupauerat: Respondet Philosophus ille, quæ applicantur pro curatione, & applicationis modum ex scientia naturaliter habita per studium alicui homini esse cognita, quare sinè Dæmonum ope potuisse illum.

Bbbbb

Præ-

Præcantatorem illos pueros perfanare, at latuit illa applicatio, & alteratio; Sed si fascinantur, & præstigijs illuduntur ægroti sensus, & adstantium, hoc fascinans esse potest homini pariter conspicuum: Vterius progreditur Auctor, homines docens posse excitare ventos, grandinem, & pluias actiua passiuis applicando, dummodo herbarum, & lapillorum eis viribus præditorum notitiam sint nacti; Quamuis existimo sola huius doctrinæ Commemoratione eius apparere absurditarum, dicendum tamen, nec omnia huiusmodi actiua esse homini cognita, nec modum applicandi: Dæmonesq; ex diuino etiam decreto longè perspicaciores, & acutiores homine existere, præterea curationes fiunt aliqua temporis mora, & successione; at illicò illi perfanati sola Carminum immurmuratione nulla conspecta, aut percepta medicamenti appositione, aut actione, & inficiabitur obstinatus Alexandræus, Dæmonas reperiri, & isthæc omnia Dæmonum ope fieri? Immò paralogisminis, & falsis hypothesis omisiss in quas ipsi sæpè nouandi studio incurrunt, ita argumentari debuerant, dantur opera Dæmonia, ergo Dæmones existunt, non tantum secundum leges, sed re ipsa etiam secundum Platonicos doctiores; Verum ipsi ab his arripiunt Ideas, & quæ pro fouendis proprijs dogmatis faciunt, Dæmonas explodunt, & irrident contrà tot sæculorum consensum, & effecta illa admiranda, quæ nullo pacto naturæ legibus subijci possunt: Appetitio sanè vehemens, si cum attentaensione iungatur notam aliquam inurat matri, vel fœtui in vtero degenti, quoniam veluti pars est Matris, idque sanguinis, & spiritus ope, qui phantasias, & appetitui strenuè obediunt, at vapores à præcantate exeuntes Erysipelas alicuius, vel combustionem sanare posse, vel etiam Iaculum ferreum altius infixum euellere, dogma est ridiculum omnibus sannis, & derisionibus prosequendum, nec à sano Philosopho, nisi conuiuialis fabulæ loco, apud amicos proponendum: Quid quod falsò etiam Contagium cum hac per euaporationem curatione confunditur. Peste enim affecti per halitum putridorum vapo-

vaporum aliud simile in alio gignunt : sic menstruo affecta mulier speculum inficit : at præcantator non simile gignit, sed per vaporum exitum curat Erysipalas vitionem, sagittam euellit; at recurrent ad suam illam ideam : ita fortis, duntaxat imaginatio in materia puerili benè disposita, eos miros effectus edet, sic in Auicennæ somnia incidunt, & nonnullorum Arabum, & Astrologorum nœnias, qui puram doctrinam Platonis, & Aristotelis nouis commentis polluerent, & perturbare non destiterunt : Accedit hos præcantatores esse rudes, plebeios, prauis moribus præditos, superstitiosos, lucro deditos, nullius bonæ frugis, nullius probæ litteraturæ (vt oculata semper experimenta probant) cum tamen summi Philosophi, & veluti Virorum, & Sapientum Apices ex Auctoris nostri Elogio esse deberent, qui non solum Musæum spirans Exoticarum rerum Viribus naturaliter insignitum existant, sed studio, & notitia rerum omnium ita instructi, vt supra humani ingenij Aleam positi cum Dijs, cum Dæmonibus ipsis paria facere præ insigni Sapientia videantur : Ecce, Lector optime, in quas tricas, & apinas nouandi studium Viros etiam ingenio claros coniecit. Quod porro de humana naturam intermedia inter res æternas, & caducas obijcitur, intelligendum de secretionem à corporea materia, vel eius eleuatione, tum etiam de intellectiōis perfectione, non quod vapores in se habeat, aut vires Rhabarbari, Agarici, Ellebori, Dictamni, Pœoniæ, Panacæ, aliorum huiusmodi, quibus per se ipsa quosuis morbos abigere, absque particularium, & priorum medicamentorum præsidio valeat, quam doctrinā ita absurdam putaret Aristoteles, si viueret, vt tribus Anticyris vix insanabile caput, quod ipsam probaret, crederet ; Tantum abest, vt patienter ferret, & æquo animo pateretur sibi huiusmodi Commenta adscribi, & ex eius solida, atque aurea doctrina deduci : palamque, & disertè ad eius physicum tribunal in horum dogmatum assertionem prouocationem fieri. Cæterum illud profectò palmarium videtur, cum ait, sicuti Rhabarbarum virtutem habet ex-

Bbbbb 2 pur-

purgandi choleram, illam tamen non expurgat, nisi per calorem natium fuerit ad actum redactum, & in vaporem conuersum, sic homines talibus præditi viribus, & proprietatibus in potentia, cū ille per uim imaginationis, & appetitus actu operantem exeunt in actum, & sanguinem, & spiritus afficiunt, miros illos effectus operantur in exteriori materia, dum per euaporationem externam materiam petunt illa duo naturæ instrumenta; nec valet sequella in moribus assimilantur, ergo etiā in proprietatibus: mores enim à Temperamento pendent, quod nobis cum multis animalium commune esse potest, at talis proprietas purgandi bilem, vel pituitam, vel atram bilem à forma tali specifica, (vt ita dicam) Rhabarbari Cnici, & Ellebori ita proficiscitur, vt alteri non conueniat, cum quarti modi proprietas existat, quæ vni speciei & soli, & semper conuenit, non ergò humanæ speciei congruent, quæ proprijs dotibus ornata, ignobiliore respuit, esse sociabile, ad disciplinas capescendas aptum, ad ridendum, & motus effrenes iracundiæ, & cupiditatis rationi subdendos, hæ sunt rationis compotis animantis proprietates, quæ vni, soli, & semper conueniunt ex naturali habilitate, & procliuitate, nisi malis opinionibus vulgi, & praua educatione transuersum agatur, vnde summa ipsi imperfectio, & calamitas accidit; Ineptum porro, & absurdum dictu talem proprietatem purgandi bilem, euellendi sagittam, vstionem sanandi redigi ad actum per phantasiam, & appetitum, cum actu operantur, & afficere sanguinem, & spiritum, quæ per euaporationem petunt ad extra, & producunt tales effectus, ita enim stylo Scholastico loquuntur, quem doctiores condonare Philosophis rebus explorandis intentis debent; primo igitur talis proprietas Rhabarbari, Agarici, Dictamni, Pæoniæ, & aliorum simplicium non reperitur in humana specie, vt demonstratione valida ostensum est; secundo spiritus, & sanguis si halitu blando à corpore boni habitus exhalant, tantum olfactum, & cor quoquo pacto recreant, nihil aliud ad sanitatem conducens efficiunt, nec valet argumentū, si dantur noxij, & perniciosi halitus tabidorum, elephantiorum, & pe-

& pestilentium, ergò & Iuuantes concedi debent, & persanantes exhalationes : quis enim vnquam per vehemens desiderium persanandi amicum ipsi admotus, & complexu etiā inherens persanauit ? ad destruendum pauca sufficiunt ad construendū plurima requirūtur : præterea morbus est quidā excessus, in quo magna vis inest actiua ; sanitas est téperies, humorum, & primarium qualitatum equabilitas à qua nulla prouenit actio ; cum omnis actio à contrario fiat, in Categoria porrò quantitatis, & relationis nulla est contrarietas, quod vel ijs, qui primoribus labris Philosophiam degustarunt, satis conspicuum est : quod etiam summus Philosophus concessisse videtur : tantum abest, vt vnquam concesserit, aut pronunciarit sanitatem ægris conciliari persanorum corporum salubres halitus : Immo profiteor non differre modum Auicennæ in hoc à ratione istius Auctoris philosophandi, quoniā imperium animæ, cui omnia materiata corpora patent, iuxta Auicennam idem esse videtur, cum vehemente cogitatione, & appetitu, quibus affecti spiritus, & sanguis ad nutum externi Præcantatoris in corpore optime disposito re ipsa eos effectus producant. Verum alias aliquot disputationibus, cum accuratè eam doctrinam Aristoteli, & veritati aduersari ostenderim, stylum in præsentia contrahem, cõtentus animi gratia solum Musæum viuum, & deambulans post Calceolarij demortui, & sedentarij luculentā descriptionem exhibuisse : Id duntaxat Lectorem oratum velim, vt diligenter ad duo oculos aduertat, vnum est historias, & experimenta ab Auctore illo allata partim in contagium esse referenda, partim in naturales rerum proprietates, quæ à propria ipsarum essentia emanant, partim in Dæmonas pactis expressis, vel implicitis ab Agyrtis his, & miseris homuncionibus varijs, ijsque impijs artificijs allectos, cum celeritas rei efficiendæ, & modus admirabilis in nullam aliam causam referri valeant, qua de re præ cæteris legendæ disputationes Magicę Antonij Deirij Viri eruditiss. & Nicolai Remigij, Dæmonolatriæ libri tres doctissimi, quos qui attentè legit, & ex iudicijs capitalibus historias allatas

expandit, atq; Dæmonas existere inficias it, is mira infania, & obstinata mentis stupore ridiculo prehensus iurè putandus. Aliud obseruandū est, si isthæc à naturalibus causis euenirent per studium, & notitiā perspicaciū philosophorū non debuerant ab Ecclesia Catholica, quæ Spiritus Sancti ductu regitur, constitutis grauissimis etiam pœnis prohiberi: at cum prohibita sint huiusmodi præcantatorū remedia, argumento est per rudes, & plebeios Dæmonibus mancipatos homines effectus illos editos; immo quostquam seuerissima Inquisitione contra ipsos actum, iam istorum secta ferè euauit; nec amplius huiusmodi admirandæ curationes apud vulgus decantantur, quæ si è mediâ philosophia peterentur, nūquā à Spiritus Sancti Ministris vetitæ fuissent; quod enim per se, & secundum naturam bonum est, in cōmunem humanæ Societatis vtilitatem à Deo creatū, & profectum, & naturalibus causis, quæ post Deum secundæ, vel eius ordinariæ potestatis instrumenta vocantur, nititur, numquam prohibuisset Ecclesia, nisi magne fallaciæ, & afflatus Dæmoniæ interuenirent: quæ à tanto Auctore, & summo Peripaterico nō fuisse intimius animaduersa, haud satis admirari possum; quamquam ipse profectò cap. 6. dubitationes aliquot contra se adducens quedam vidit, quæ inexplicata reliquit, omnia ambagibus, & experimentis malè expensis confudens, vt cum ait ægritudinem, quia est motus, alium inficere; Contra eum arguit Vir doctus: maior ergo motus magis inficeret, cum ergo febris sit motus alterationis, quatenus febris inficeret, quod est falsum, peste excepta; & magis quā lepra, scabies, lippitudo, cancer qui non videntur esse ita motus: item morbi frigidi essent contagiosi qui per illum auctorem sunt motus. Sed nulla deterior, & ineptior vox quàm illa nonnullorum Alexandræorum, qui elato supercilio supra communem vulgi captum sapientiores existimari contendunt, vt potius Philosophi, quæ Christiani esse videantur; dicentium hoc esse secundum Aristotelis mentem verum, licet Ecclesiæ Sanctionibus aduerfetur; vna est Veritas, quæ verissima Pietatis norma, & basi sustentatur, Aristoteles,

les, & Alexander homines fuere, quorum errores à Galeno, Anatomicis recentioribus, atq; alijs Philosophis acutè sunt detecti, qui primas iudicio sensuum longa experientia, & diligenti obseruatione explorato, secundas rationi, auctori tati Philosophorum postremas detulerunt: quod aureum, præceptum à Benedicto Pererio traditum, cuius eruditionis & proborum consiliorum plena Præfatio in suum opus Philosophicum diligenter legenda, & præ manibus habenda; ille enim solidi iudicij acumine, & sententiarum delectu, & doctrinæ excussæ momentis omnes suæ ætatis, atq; ordinis Philosophos superasse, vel Zabarellæ ipso Doctore meo fæte visus, antequam *αὐτὸς ἔβυσσον τινὰ φληναρίας* optimarū scientiarum Mystæ inciderent. Verumenimuerò mos ille distinguendi in rebus certissimis dogmata Fidei à decretis Philosophi multos prodit Sardanapalo, aut Epicuro *ὁμοιοπαθεῖν*, nā studia etiā in mores abeunt, & sapientis. D. Thomas Aquinas pronunciauit ex hominum numero plures esse, qui vitiosos, ac naturales impetus sequuntur, pauciores autē, idest solum Sapientes occasiones malè agendi, & naturales impetus non sequi, quod ego etiam ad studium doctrinæ deflecti posse arbitror, cum. s. ambitione quadam, & timore ingenij transuersim acti, vt plus alijs sapere videamur, in paralogismos, & putrida sophismata ingenij quadam viuacitate decepti, & irretiti demum labimur.

Finem faciam huic Disceptationi, & Musæo colophonem imponam, si quemadmodum sæpè polliciti sumus morali Parenesi optimum, & candidum Lectorem ex hac letteraria Palæstra præclara donatū rude dimittā. Diximus magni mundi formā esse ordinem ex magni Aristotelis sentētia eūdem in *μικροκόσμο* homine. s. paruo mundo requirunt Sapientes Viri; Plato potissimum in lib. de Repub., qui in animi humani viribus, & partibus ritè ordinatam Rempub. constitutam cupit: Vitiū enim, & ignorantia geminæ mentis humanæ labes, & morbi, cum igitur in gyrum rationis compinguntur cupiditates, & iracundiæ effrænes motus, & studio scientiæ dispelluntur ignorantia tenebræ, benè institui, animorum Resp. & sanitatem

*In dispu-
tatione de
felicitate.*

tatem adepta dicetur, vt omninò illorum etià Alexandro-
rum explodenda sit sententia, qui humanam perfectionē in
sola ciuiliū, & moralium virtutū actione positam censent,
exclusa rerum maximarum contemplatione, si. n. homo na-
tura scire desiderat, si intellectus noster natura aptus est fieri
omnia ex Aristotelis placitis, quis vtiq; iurè decernet hanc
felicitatis humanæ partem in futurę vitę statu perficiendam
omitti debere? quamquā sublimius philosophari visus Pla-
to, qui beatitudinem veram ad animam à corpore seiunctā
diuina contemplantē pertinere existimauit: Duo animæ esse
actus circa Deum perceptionem per intellectū, & in amore
Dei cogniti gaudium per voluntatem: Visionem Plato Am-
brosiam appellat, gaudium Nectar: mentem, & voluntatem
geminas alas, quibus in Deum reuolemus, puras ergo, & ab
omni corporis contagio immunes esse oportet animas, vt cū
in cœlum euolauerint in diuina Mensa Ambrosia, & Nectare
vescantur, quo sanè decreto ad Christianæ fidei lumen pro-
pius accessit magnus Philosophus, Sed Platonici iurè que-
runtur, & cum ijs Barnabas Riccobonus Abbas Oliuetanus
Vir eruditione, & virtute præstantiss. & magnus: Qui enim
summam sapientiam conlectantur, sæpenumerò non sunt ita
morati, vt docet M. Tullius, ita animo, & vita constituti, vt ra-
tio postulat, sed disciplinam suā ostentationē scientię putāt,
nec obtemperant ipsi sibi, nec decretis suis parent, ac tanta
ducuntur leuitate, & iactatione ijs vt fuerit non didicisse me-
lius, partimq; sunt pecuniæ cupidi, partim gloriæ, partim
libidinum serui, vt cū eorum vita mirabiliter pugnet oratio:
En tria Idola expressa, Auaritia, Ambitio, Voluptas, quibus
omnia sus deq; voluntur, & optimæ discipline deprauantur,
ijs ergò litteratis fuisset nō didicisse melius, qui aulicis artifi-
cijs, & nūdinationibus ingenij, vel ibericis moribus corrupti
triplici illa generis humani labe omnia metiūtur. Eam igitur
Parenesin Aristotelis, & Senecę Clarissimorum Philosophorū
verbis ipsissimis prolatam quæso cordatum Lectorem, vt me-
moriæ mandet, et re ipsa exprimat, hoc. n. pacto se ex Musæi
lectione amplissimū fructum consequutum existimet. Ita. a.
Ari-

Arist. lib. 9. eth. πάντων δα ἀμιλλομένων πρὸς τὸ καλὸν καὶ διατινομένων τὰ καλ- Cap. 8.
 αὐτὰ πρῶτην ποιῶν τε ἀν παντί εἴη τὰ δέοντα, καὶ ἰδία ἐκάστω τὰ μέγιστα τῶν ἀγαθῶν,
 ὡς περ εἰρητὴ τοῦτον ἐστὶ : quod est : Si omnes ad honesta certarent,

honestissimaque agere contenderent, & publicè omnibus opportuna, & priuatim singulis maxima bona euenirent, si-
 quidem tale quid est Virtus : Hunc Aristotelis locum (vt
 hoc obiter perstringam) expressit Sallustius initio Belli Iu-
 gurthini, ijs aureis verbis . Si hominibus bonarum rerum
 tanta cura esset, quanto studio aliena, ac nihil profutura,
 multumq; etiam periculosa petunt, neque regerentur magis
 casibus, quàm regerent casus, & eò magnitudinis procederēt,
 vti pro mortalibus gloria æterni fierent : & quæ sequuntur :
 At Seneca neruosè, & magnificè nos ad veram humanæ na-
 turæ dignitatem retinendam vocat hoc pacto ; Animum ex-
 cellentem, moderatum, omnia tamquàm minora transeuntem,
 quicquid timemus, optamusq; ridentē, cælestis potētia agitāt;
 non potest res tanta sinè adminiculo Numinis stare : itaq;
 maiore sui parte illic est, vndè descendit, quemadmodum
 radij Solis cōtingunt quidem terram, sed ibi sunt, vndè mit-
 tuntur, sic animus magnus, & sacer, & in hoc demissus, vt
 propius diuina nossemus conuersatur quidem nobiscū, sed
 hæret origini suæ, illinc pendet, illuc spectat, ac nititur,
 nostris tamquàm melior interest : Hæc ille ; qui alibi etiam sibi
 constans scripsit præcipuum in rebus humanis esse, animo
 omnia vidisse, & , qua nulla maior victoria, vitia domuisse .
 Verum hîc iam Musæi CALCEOLARII celeberrimi descriptio-
 nis Finis diuino adspirante Numine imponatur.

Quod fœlix, faustumq; sit Reipublicæ Medicæ, & patrio huic
 rerum naturalium Thesauro in Peruiglio Sancti Antonij Lu-
 sitani de Padua nuncupati Domus Chiocchæ Diui Tute-
 laris absoluta hæc nostra scriptio, & lucubratio Anno

M D C XXII. Veronæ.

Sapiens bonum suum non populari rumore, sed conscientia
 veritate metitur. Boetius lib. 3. consolat.

Θεὸν δίδόντος, εἰδὲν ἰσχυρὴ φρόνως,
 καὶ μὴ δίδόντος, εἰδὲν ἰσχυρὴ πόνος.

F I N I S.

Ad Candidum Lectorem.

ON eram nescius (optime Lector) tenebriones fore nonnullos, & infructu ingenij hominuculos, quorum mentes liuor, aut imperitia occupauit. Momi illius æmulos, qui cum Venerem carpere non posset, Sandalium eius dicitur obtrectasse, ita in descripto hoc Musæo tale quidpiam obtrectaturos, quod in corrupto æuo morum, & litterarum facile obuenire poterit, quibus libenter illud ocunam me inter eos esse fateri.

quos nec

Falsus honos iuuat, aut mendax infamia terret,
Bonis, & doctis scripsimus, quorum suffragijs si industria nostra, & labor foueatur, vel à sera posteritate nos laudem, & album calculū reportaturos confidimus, cur enim metuā hac ætate, & benignā famæ aurā præcoquam nimium, & intempestiuē gliscentem maleuolorum inanitatem, quibus mariscæ saporati fructus, & labruscæ Botryones, & omphacina dulcia mera, & amurcæ, & flaces gratæ oliuitates videntur? Illud hætenus iure iurando affirmare possum, neminem vñquam nisi imperitum, nisi nebulonem, aut turpi liuore deprauatum in me, aut lucubrationes meas inuectum; hoc Patria, hoc Italia, hoc Europa nouit, quod vel obliuiscitis litteris clarorum Virorum ad me sponte datis testari possum, & publicis etiam testimonijs comprobatū mihi sum semper gratulatus. Id sanè beneficij in me nec opinatē Leonardus Donatus Princeps meus Dux Sereniss. Academię Philharmonicæ Parentes nobilissimi, ex Collegio nostro Fumanellus, Guarinonius, & Iulianus Senior Medici Clarissimi, volentes, & libentes olim contulerunt, vt Calceolarium Iuniorum Virum ornatissimum, numquā pigere debeat Musæi sui describendi prouinciam mihi demandasse; Quod peritum sumus in vita, atq; vsu callemus magis, quam recentiores quidam blaterones, & plus æquo inanis gloriæ appetentes: In iure, & æquo magnitudo animi decet: apud eruditos porro, & can-

& candidos viros illud ingenuè profiteri possum me in describendis rebus Monardi, Garzia Horti, Bellonij, Clusij, Acoſta, qui diligenter res exoticas explicarunt, fidem, & testimonium fideliter ſequutū, Proſperi Alpini viri accuratiſſ. iudicium cæteris à me prælatum (in Baſami potiſſimum conſideratione) vbi reliqui ab ipſo discrepabant; quo enim quis ætate poſterior, vt aliàs tetigi, in harum rerū exploratione ferè accuratior, & ſolertior: I. Cæſaris Scaligeri, Hermolai Barbari, Cardani, Cæſalpini, Leuini Lemnij, Agricola, Guilandini, Imperati, aliorum numquā auctoritatem nos aſpernatos, dummodo nobis cū veritatis amuſſi conuenire videretur, hæc amuſſis eſt Logicum Critirium demonſtrationis ^{re ſtri}, & ^{re ſtri}, quod, & propter quid, quo cum multi magni Botanici vel caruiſſent, vel adhibere non curaſſent in multos errores à me paſſim perſtriſtos incurrerunt. Omnes debita, & perhonorifica ſui nominis appoſitione cohoneſtaui, ingenium enim eſt profiteri per quos profeceris, meum iudiciū aliquando modeſtè interpoſui (quoad eius fieri potuit) diligenti rerum excuſſione, & logico Critirio propoſitionum per ſe, de omni, & quatenus ipſum ſubnixum, & potiſſimum, cū Plinium noſtratē, Dioſcoridem, Galenum maximos materie Medicæ Auſtores, tum Claris. Mattheolum eximium illius illuſtratorem à nōnullorum recentiorum cauillis deſenſurus eram, nec enim in hoc argumento ſimplici ſolertis ingenij coniecturæ fidendum, niſi adhibita auctorum Claſſicorum ſententiarum expenſione, non ſine perſtriſto ſæpius logicæ ſubſidio: optime enim ille, qui ſua ætate alter Cicero fuit; rationem ne fallatur, atq; erret diſſerendi vis, quam Logicam vocamus, informat, & orationē, quò ſit aptior ad perſuadendum, benè dicendi facultas, verbis, ſententijsq; locupletat; vtramq; pro mediocritate noſtra, vel potius ſumma tenuitate adhibere conati ſumus: Sed multa de rebus obiter perſtriſta, non. n. erat hic locus, quoniam aliud eſſe res ipſas ex profeſſo tradere viſum, aliud Muſæum Calceolarium locupletiſſimum deſcribere, vt aliquando ingenuè, & verè ſumus proteſtati. Excurſus morales, & phyſicos, tum Platonicos interdū permiſcui,

miscui, vt grata, & amena aliqua varietate Lectorem iu-
uarem, & oblectarem, vtq; omnis ordinis litterati aliquid
in eorum vsum hinc degustatum colligerent, & exceperent;
quæ profectò emolumenta quæ fructus à ieiunâ illa & fri-
gosa, exsucca; rerum enarratione, & descriptione, vel etiam
disceptatione proficisci non possunt, quæ in sua penetralia
herbarios, Medicos, vel Sepiasarios duntaxat admittens, reli-
quos Viros doctos, & discendi cupidos veluti signo dato procul
arceat, aut horrido, & inameno scriptionis genere absterret.
Victurus genium debet habere liber; Bilbilis Vates inculcat,
& nos aliquem Genium lucubrationibus nostris conciliaſſe
Inuidia ipsa frendente, & confitente, modeste nō desperamus.
Si me *μείρα λινγκλάς δεσπότης ηλαχάτης* benignè respexerit, vel Dei
Opt. Max. prouidentia, affectas, nondū confectas complu-
res lucubrationes meas Medicas, & Philosophicas elimabo;
& sub iudicij tui non solum candidi, sed seneri amussim, eru-
dite, & probe Lector, tandem aliquando libens proponam.
Cum Seneca Epistola LXXIX. concludam, Paucis natus est,
qui populum ætatis suæ cogitat; multa annorum millia;
multa populorū superuenient: Ad illa respice; etiam si
omnibus tecū viuētibz silentium liuor indixerit,
venient qui sine offensa, sine gratia iudicent:
Ita ego de hocce Musæo Calceolari-
spero, & confidenter ad Tribu-
nal posteritatis prouoco:
Vale.

VERONÆ,
Apud Angelum Tamum. clb lb c xxij.

De licentia Superiorum.

